

續

修

四

庫

全

書

《續修四庫全書》編纂委員會編

續修四庫全書



上海古籍出版社

四〇六・史部・紀事本末類

欽定剿平粵匪方略四百二十卷(卷一百二十二至卷一百六十四)

〔清〕奕訢等撰

90/4877

欽定剿平粵匪方略卷一百二十二 乙卯年

二月二十二日 乙卯 惠親王軍機大臣刑部會奏
言勝保奉

旨督剿高唐逆匪圍攻九月有餘不能剿滅以致數百

餘匪日久稽誅惟高唐失陷尙在該革員追兵

未至之先與失陷城寨者稍覺有聞自應按律

酌減問擬勝保應於守邊將帥失陷城寨斬罪

聖皇匪方略卷一百二十二

十一

上減一等擬以滿流從重發往新疆效力贖罪

仍恭候

欽定奏入

上諭內閣曰已革都統勝保經朕特授爲欽差大臣剿

辦逆匪自賊踞高唐州後勝保帶兵圍攻九月有餘

未能克復糜餉勞師罪無可逭惟念勝保前由揚州

帶兵解懷慶之圍追賊山西不遺餘力其另股賊匪

由山東臨清竄出後復沿途追剿直至江蘇豐縣悉

數殲除尙屬著有勞績勝保著於斬罪上減等發往

新疆效力贖罪

同日兵部左侍郎王茂蔭奏言南方之勢全在

長江長江之要全在九江以曾國藩塔齊布水

陸兩軍三日而克武漢長驅直下勢如破竹獨

於九江數月不下者蓋賊以九江爲扼要故悉

聖皇匪方略卷一百二十二

二

力守之今之分竄漢口正欲使我師回救彼乃

得保九江而無憂耳我兵駐九江不退則江而

爲我所有雖不回救而與上游聲勢聯絡儘可

調兵撥船於其間賊終有所畏忌不能往來自

如一退則全江皆爲賊有下游消息不通縱留

兵於九江亦必被賊攔截此九江之所以萬不

可舍而回救之非策也或曰不上救武漢則下

攻金陵此尤不能九江以下賊必皆有防守我兵豈能直達儻賊情詭譎故縱我兵東下因而抄襲我後腹背受敵禍更難測為今之計惟有力圖九江九江未下不獨將不可輕動兵亦不可多分即能克復亦必多留兵勇扼紮以成重鎮使漢陽之賊不能下竄安慶之賊不能上駛全江之險為我所據呼應皆靈其攻九江之策

聖學聖方略卷三十三

三

曾國藩等自必籌之已熟臣愚以為我兵若由間道入江西與江西之兵聯為一氣從南康星子一帶水陸橫衝而出賊必難防曾國藩由內攻出塔齊布等由外攻入似更易於得手王茂蔭又奏言臣聞徽州又被賊擾儻為賊破則以建瓴之勢東下浙江固在意中而西通江右之饒州一湖相望又將與九江聲勢聯絡且

由徽而與池太之賊三面以攻甯國甯國不守則安徽省之江南四府已被打成一氣蘇杭處皆通於全局甚為可慮前任江西巡撫張芾曾奉

旨交和春等差委江北大員較多可否

飭下張芾前往徽甯一路籌辦團練防堵事宜當較得

力奏入

聖學聖方略卷三十三

四

上命軍機大臣傳諭曾國藩塔齊布曰據侍郎王茂蔭奏賊以九江為扼要故用全力守之曾國藩等不可回救武漢亦不可多分兵力等語現在塔齊布圍攻九江並未撤兵王茂蔭尙未知悉且不知此時荆襄緊急武漢兵勇不能得力有不得不分兵援應之勢其所稱由間道入江西從南康星子水陸橫衝而出內外夾攻亦尙未知曾國藩已抵南昌蕭捷三等師

船尙在都昌一帶軍情移步換形固不容專顧一隅亦豈可處處受賊牽掣著曾國藩塔齊布仍遵疊奉諭旨迅圖克復九江則上下游江路自通賊船可斷其應撥兵回援及如何前後兜剿之處均著妥速籌辦王茂蔭摺是否有可採擇卽著酌量辦理

二十四日丁巳英桂奏言皖楚賊氛未靖豫省接壤州縣處處皆須設防豫省派往皖境兵勇合

欽定剿平粵匪方略卷二百三十二

五

計雖有三千餘名而分駐六安正陽以之扼守則有餘以之追剿則不足現接駐守六安四品卿銜王庭蘭來咨以福濟令將六安兵勇移赴舒城等語臣查六安爲豫省最要藩籬前經袁甲三與臣商明奏派大員督兵扼守茲調赴進征六安旣未可空虛豫省又無兵可撥臣已函商福濟相機辦理至楚北軍情探得漢陽逆匪

聞

疊被官兵圍擊斬水漢川克復後逆匪分竄沔陽天門界內所有襄河北岸之繫馬口麥旺嘴仙桃鎮以及岳家口均有賊蹤往來該處路通襄陽德安兩郡均屬喫緊等情均經臣隨時批飭各該地方官會同在防將弁嚴加防範南陽鎮臣邱聯恩已移紮信陽之西雙河居中調度旣可控制三關亦可策應南陽奏入報

欽定剿平粵匪方略卷二百三十二

六

二十五日戊午楊需奏言十三日賊匪數千上竄漢川十四日又有賊匪數千上竄新溝都司施鴻恩帶兵自長江埠追至劉家隔堵勦署雲夢縣知縣吳瑛帶勇助之與賊相持於螺螄港歷一晝夜賊匪抵死不退適都司葛以敦趕至合力接仗殺賊數百名賊仍不退又經新募豫勇

奮力勦殺斃賊千餘名終以眾寡懸殊抵敵不住退至長江埠楊昌泗等合力抵禦亦不能支賊眾遂由應城所屬地方西竄臣查襄陽為北境要地由漢川潛沔兩岸水陸皆可直達襄陽恐猝不及防竟為所襲通籌大局襄陽較重於德安德安北有三關之險各屬紳民上年為賊擄掠殆盡城空地瘠非賊所必爭襄陽完善之

聖朝方略卷三十三

七

區北接河南平曠無險臣前擬如果賊匪上竄即由天門安陸一帶迎頭截擊今賊欲由應城間道徑竄襄陽已出安陸天門之上必帶兵更出其前方可迎截適楊昌泗自應城趕回遂令收集兵勇駐守德安臣親督留營兵勇馳赴隨州一帶截遏一面派兵於山徑埋伏一面多發偵探詳察賊蹤相機勦擊

楊需又奏言現存之兵為數太少查四川夔州忠州梁萬等營與楚北相近尙堪酌撥應請

旨飭調夔州協忠州營梁萬營官兵一千名四川練勇一千名並派該省遊擊顏朝斌都司陳有才把總趙連陞管帶來楚至餉糈匱乏行營兵勇應發之餉積欠甚多伏乞

飭下四川督臣迅將請撥之餉源源接濟以免停兵待

聖朝方略卷三十三

八

餉之虞奏入

上命軍機大臣傳諭官文楊需陶恩培曰楊需自賊由黃梅回竄即節節退避迨賊踞漢鎮復株守德安屢次諭令迅速進攻而月餘以來毫無布置以致該逆紛紛上竄該督遷延貽誤罪無可辭此時逆賊欲窺伺襄陽該郡北接河南儻稍有疏虞致逆賊勾結豫省土匪肆行猖獗為害愈烈該督現馳赴隨州一帶

意在迎頭遏截但賊勢剽疾所稱派兵於山徑埋伏
截剿亦恐不足深恃且賊情詭譎往往避實擊虛德
安雖輕於襄陽楊昌泗收集之兵勇是否足資堵禦
楊需惟當確探賊蹤就現有兵勇酌量調度以遏賊
鋒前據官文奏襄河南北兩岸擊賊下竄荊州情形
如果稍緩亦可分撥兵勇與楊需會合進剿逆匪大
股上竄則漢陽漢口賊巢自必空虛陶恩培亦當督

欽定剿平粵匪方略卷一百三十二

九

飭胡林翼李孟羣水陸諸軍乘勢進剿儻能得手卽
可分投追擊使該逆首尾不能相顧剿辦較易爲力
楊需督兵剿賊旣不能杜賊回竄若再令該逆擾及
襄陽朕惟執法從事決不寬貸

上又命軍機大臣傳諭英桂曰襄陽十分喫重該處地
接河南平曠無險楊需等所帶兵勇屢經潰散果否
能遏逆氛尙無把握而德安北近三關各屬上年曾

遭蹂躪城空地瘠卽楊昌泗兵力亦單恐未能抵禦
英桂昨奏已飭南陽府會同在防將備堵守此時河
南邊界毗連襄陽德安兩郡地方較前喫緊該撫前
派邱聯恩移紮信陽州之西雙河居中調度原爲控
制三關策應南陽起見著卽嚴飭該鎮將等將南路
邊防嚴密布置一面偵探賊蹤隨時援應勿令逆匪
北犯英桂近在陳州更應探明何路緊急馳往堵剿

欽定剿平粵匪方略卷一百三十二

十

不得稍存大意

上又命軍機大臣傳諭樂斌曰現在楊需軍營兵數無
多川省與湖北毗連夔州忠州梁萬等營地方尙屬
安靜著樂斌揀撥精兵一千名練勇一千名委遊擊
顏朝斌都司陳有才把總趙連陞管帶迅速馳赴楊
需軍營聽候調遣前次川省應撥之餉此時楊需軍
中需用孔亟並著迅籌解往

上又命軍機大臣傳諭扎拉芬曰賊匪由漢川應城等處小路上竄儻直達襄陽該郡恐為所襲現在楊需由隨州一帶迎頭截擊如上竄之賊徑犯襄陽該郡兵勇為數無多恐難抵禦著扎拉芬接奉此旨後即帶兵前赴湖北與楊需等會同攻剿探明襄樊等處何路緊急即由何路進攻以剿為防

同日何桂清奏言前接安徽學臣沈祖懋暨浙

聖學聖方略卷三十三

十一

江委員徐榮咨稟逆匪於正月二十七日由羊棧嶺竄至黟縣臣當即飛飭知府石景芬等催趨前進一面飭令武舉陳桂華帶勇五百名就近馳赴徽州協防茲據該學臣暨同知裕英及徐榮之子徐慮善先後函稟我軍於二月初一二日接仗兩次殺賊二百餘名續派兵勇尚未到營初三日辰刻賊眾漫山而至徽勇聞聲先

潰我軍連接數仗忽漁亭營盤火起都司許上達力戰陣亡徐榮率領伊子徐慮善暨裕英並嚴州協把總朱朝英黟縣紳士余肇元等出陣督戰徐榮身受刀矛重傷死於行陣徐慮善裕英朱朝英亦均受重傷兵勇傷亡未知確數幸江長貴奮力擊斃逆匪三百餘名該逆始行退去不致內犯又據石景芬稟報勇首夏寶慶帶

聖學聖方略卷三十三

十二

領台勇於初七日行抵徽郡在附城之河西橋駐紮探聞該逆由黟縣竄至休甯並有分竄屯溪之信臣查徽郡素稱富饒各屬崇山峻嶺有險可守所慮兵力單薄曾經向榮派委周天受江長貴許上達等統帶精銳川兵一千名為該郡戰守之用浙省與該郡毗連前撫臣黃宗漢暨臣先後派往兵勇不下三千餘名但必主客

同心相爲表裏方可濟事乃黟縣之警徽勇先
潰雖有客兵安能代守臣現飭石景芬管帶兵
勇趕赴前途紮定營盤確探恩禧等何處駐紮
該郡官紳如何布置再行前進助勦此次漁亭
失利除許上達陣亡如何請卹應歸安省奏報
外其浙省帶兵委員徐榮抵防半載有餘備嘗
艱苦茲因督戰陣亡殊堪矜憫應請

欽定剿平粵匪方略卷二百三十二

十三

飭部優卹以慰忠魂奏八

上命軍機大臣傳諭何桂清曰據奏漁亭失利道員徐
榮督戰陣亡徽郡賊氛日偪當乘賊匪未越休甯之
先扼其來路方不至旁竄屯溪等處並飛飭石景芬
周天受江長貴陳桂華等就現有兵勇隨時確探合
力進剿勿令深入內犯以固浙省藩籬徽州素稱富
饒兼有險隘可守該撫所稱必須主客同心方能濟

事固屬實情已諭令怡良和春福濟嚴飭該府縣等
將練勇籌餉事宜實心辦理何桂清仍當不分畛域
力圖援應

上又命軍機大臣傳諭怡良和春福濟曰何桂清奏逆
匪竄擾黟縣浙省派防官兵於二月初三日在漁亭
地方接仗失利道員徐榮陣亡該逆由黟縣竄至休
甯並有分竄屯溪之信等語徽郡爲南路要隘疊經

欽定剿平粵匪方略卷二百三十二

十四

諭令該地方官會同紳士舉辦團練如果平日辦理
妥善何至賊鋒甫至卽行潰散可見該地方官於防
勦事宜並未悉心經理徽甯紳富亦未能實心出力
保衛鄉閭專恃浙省及江南大營分撥之兵藉資堵
禦現在賊勢猖獗浙省旣不能多撥兵勇屢次代籌
糧餉卽江南大營官兵亦勢難多撥怡良福濟均有
地方之責著卽嚴飭該管道府州縣及紳士等激發

天良團勇集贊協力堵剿如有因循不振貽誤地方者卽著從嚴叅辦和春福濟攻剿廬州賊匪前已踏毀賊營附城合圍卽日諒可克復此時徽郡情形萬分喫重和春等務當悉心籌畫設法援應不得以南北隔絕勢難兼顧爲詞自圖諉卸前據王茂蔭奏請飭已革江西巡撫張芾前往徽甯一路籌辦團練防堵事務等語著和春等酌量情形奏明辦理

聖學聖方略卷二百三十二

十五

上諭內閣曰逆匪於正月二十七日由羊棧嶺竄至黟縣福建汀漳龍道徐榮聞警督帶兵勇前往漁亭堵剿兩次接仗殺賊二百餘名因續派兵勇未到賊衆紛至我軍連接數仗徐榮身受重傷力竭陣亡情殊可憫著交部從優議卹以慰忠魂

何桂清又奏言准江西撫臣陳啟邁來咨逆匪竄踞饒州該郡毗連廣信請調浙兵協防臣卽

飛咨衢州鎮富勒興阿帶兵四百名赴常山曹會關駐紮又飭都司封九貴帶兵三百名把總黃國慶帶勇五百名分赴開化華埠航頭尤溪口等處駐紮如廣信有警卽行前往應援惟浙省自協防徽甯廣信三路兵力日行單薄臣現在咨商向榮如可於大營中抽撥勁兵並委久歷戎行之將領管帶來浙俾資訓練卽可爲江

聖學聖方略卷二百三十二

十六

西安徽之策應於攻戰更有裨益奏入報

二十六日己未官文載增奏言據防禦烏爾恭額等稟報岳家口賊匪被襄河南北兩岸兵勇擊退後卽馳往該處見屍橫遍野至距岳家口不遠之新興境麥田內見有貴陞屍身卽備具棺木收殮隨征之守備扎克當阿亦同時陣亡等

情查貴陞趕過襄河窮追遇伏斃賊至一千餘名之多扎克當阿亦奮勇直前殺賊無數均因力竭捐軀情實可憫合無仰懇

天恩飭部將貴陞照副都統例議卹扎克當阿請

賞加都司銜卽照都司例議卹以慰忠魂其隨同貴陞

出征之協領等員未能先事救援自應一併叅

辦協領依西布佐領寶瑞定成均請革職留任

聖朝方略卷二百三十二

七

依西布並拔去花翎防禦薩勒杭阿炳輝勝魁

慶吉驍騎校祥順祥富魁明什猛額存良文連

均請摘去頂戴以上十三員仍留營效力至防

禦烏爾恭額驍騎校勝保東成係派隨貴陞前

後督兵之員臨陣未能護衛均請卽行革職亦

令隨營效力奏入

上諭內閣曰副都統貴陞帶領旗營官兵由岳家口趕

過襄河斃賊匪至一千餘名之多過於銳進力竭

陣亡殊堪憫惻荆州右翼副都統貴陞著照副都統

例議卹升補安徽撫標守備扎克當阿隨同貴陞勦

賊奮勇直前殺賊無數同時陣亡著賞加都司銜卽

照都司例議卹以慰忠魂其從征失利之協領依西

布佐領寶瑞定成均著革職留任依西布並拔去花

翎防禦薩勒杭阿炳輝勝魁慶吉驍騎校祥順祥富

聖朝方略卷二百三十二

六

魁明什猛額存良文連均著摘去頂戴以上各員仍

責令隨營效力防禦烏爾恭額驍騎校勝保東成臨

陣督勦不力均著革職隨營效力以示懲儆

官文載增又奏言據副都統魁玉佐領錫齡阿

稟報賊眾由彭市河下竄恐仍回踞仙桃鎮北

岸卽督率兵勇渡河將仙桃鎮北岸賊巢焚燒

搜捕餘匪惟賊蹤尙在漢川縣屬之新溝侏儒

山刁汭湖繫馬口等處下游堵剿正嚴恐其竄逸沔陽已派軍功張正起等在仙桃鎮里仁口各要隘防堵魁玉錫齡阿紮兵潛沔之間以為上下聲援等情查漢川境內尚有賊蹤俟德安大兵齊抵漢鎮即飭魁玉等將上游各賊巢剿洗淨盡奏入報

聖恩聖旨卷二百三十三

十九

同日英桂奏言 臣接鎮 臣邱聯恩函稱逆匪北竄德安於十六日失守楊需追至隨州東南七十里之子河店並以信陽之黃土平靖武勝等關距德安僅止百數十里防兵單薄請添兵堵禦等情查豫省兵勇無多不敷調遣自撥赴皖省正陽六安兩處又以河北及開封所屬土匪滋擾各處分調應援已屬左支右絀茲楚北逆

氛復熾豫省接壤之區防不勝防 臣督師陳州雖兵弁無多不得不儘數移紮南路擬即飭令分起先行 臣親督後隊馳赴信陽布置惟逆燄鷓張豫省兵勇祇能自固邊防而賊匪節節上趨自黃州以至漢口漢川現復逼近雲夢以達德安是襄陽一帶甚屬可虞非另調精兵徑往援剿恐蔓延益肆鄰省之受累滋深合無仰懇

聖恩聖旨卷二百三十三

二十

聖恩俯念楚北軍情緊急迅調北路精兵五六千名遴派大員統帶赴楚再由楚省知照曾國藩塔齊布於九江一帶回軍截剿北路精兵由襄漢分途夾擊蠢茲醜類當不難及早殲除奏入

上命軍機大臣傳諭僧格林沁德勒克色楞西凌阿崇恩曰逆賊占踞漢陽等處後官軍疊次進剿未能得手該逆由應城上竄逼近南陽英桂現已由陳州馳

赴信陽相機布置惟豫省兵勇疊經調赴正陽六安
並以各屬土匪滋事紛紛調撥現在邊防喫緊在防
官兵過於單弱自應迅派重兵前往遏賊北竄著僧
格林沁於所帶官兵及勝保前存兵丁內挑選馬步
三四千名派委得力大員統帶星速馳赴河南交英
桂調遣毋稍延緩至調撥以後大營兵力或恐不敷
東省官兵有得力可用者卽著歸併大營協剿如東

欽定剿平粵匪方略卷一百三十二

三十一

省官兵可以徑赴河南亦著斟酌辦理該官兵起程
日期並著迅速馳奏馮官屯餘匪無多豈容任其久
踞十數日來未接奏報實深焦急著僧格林沁等督
飭兵勇迅速進攻務將該匪卽日殲除俾南賊聞風
膽落不致再圖北竄

同日王履謙長臻奏言高唐之賊竄踞馮官屯
後業由大兵追及四面圍剿臣等恐該員弁以

指日蕩平稍存懈弛臣王履謙由上游折回下
游臣長臻由下游前赴上游互相督飭不使一
賊漏網致留餘孽現在高唐撤回南省兵勇陸
續由柳園蘭儀過渡計已一千數百名臣等親
往該兩口逐加查驗挨次放渡尙無偷越滋事
諸弊統計各渡口情形以曹河劉家口爲最要
單縣董家口次之孟津汜水滎澤柳園等處又

欽定剿平粵匪方略卷一百三十二

三十二

次之前因北路未平河禁一律嚴緊兩年來百
貨壅滯小民生計益艱今東省肅清在卽該商
民等紛紛呈請開渡經臣等勸諭俟在平凱撤
後再行奏請辦理奏入

上命軍機大臣傳諭王履謙長臻曰本日據英桂奏請
添兵防剿已於僧格林沁大營撥兵赴豫以資策應
王履謙等所稱俟在平縣凱撤後再行奏請開渡自

係於現在情形尙未稔悉黃河設防以遏賊北竄爲重所有上下游防務未可遽行鬆勁著王履謙長臻仍飭各口文武員弁無分晝夜實力巡查遇有形跡可疑者務須嚴加盤詰勿令賊中奸細得以偷渡

二十七日 庚申 和春福濟奏言 臣等因廬州城內

尙有賊數千名附近之無爲州巢縣舒城廬江等處賊氛未靖必致聞風來援亟應嚴加堵剿

聖學聖方略卷二百三十二

三

一面撥兵於七里站一帶紮營防守一面飭令

郎中李文安已革知府傅繼勳署合肥縣知縣

馬新貽帶同練勇一千數百名渡過焦湖南岸

紮營四座以斷外援二月十七日賊船百餘隻

自梁山運漕河駛來約有賊三千餘名赴廬救

援十八日午刻該逆分三股撲我軍營盤各勇

攔腰衝出前後夾攻逆匪首尾不能兼顧自相

驚亂各勇復分水陸追擊燒燬賊船十數隻追

殺二十餘里斃賊四五百名伏思賊匪前受大

創其膽已寒今外援又爲我軍擊退斷無久存

之理第舒巢未復誠恐去而復來查二等侍衛

多慧現已到廬人頗勇悍已飭與遊擊塔思哈

帶領兵勇五百名馳赴焦湖一帶接應會同李

文安等相機堵剿以昭嚴密奏入

聖學聖方略卷二百三十二

四

上諭曰廬州賊情旣形窮蹙亟宜趕圖克復毋再延緩

和春福濟又奏言前此袁甲三奏請以郭世亨

王啟秀二員分別開缺委署事前本未會商拜

摺後方行咨照及奉

旨飭令與 臣等妥議伊函稱如意見相同卽會銜否則

單銜具奏 臣等公同函復以宿州係南北關鍵

該員郭世亨素得民心藉資捍衛不可驟離詎

袁甲三堅執前言單銜覆奏並將臣等不肯更易之詞全行抹煞祇以前後稱美浮言濫瀆聖聽臣等如隨聲附和見好同僚下無以對黔黎上無以酬

高厚查知州王啟秀在宿祇能幫辦未可獨當一面再四籌思更易則彼此無益仍舊則官民俱安其潁州協勦仍應派令張家駒前往會同陸希湜

聖學聖方略卷三十三

三

勦辦至袁甲三此次來函堅持已見百折不回臣等無從會銜

和春福濟又奏言袁甲三統帶兵勇以來從不自請撥餉過者動輒截留用款亦不咨報藩司顯有不實不盡查各州縣雇募防勇每日制錢百餘臨淮距賊尙遠事同一例乃袁甲三竟照大營征勇日給一錢五分似此冒銷私肥囊橐

無怪道路之口興傳其油囊藏銀派勇送陳州本籍半途遇盜言者稱快信任劣員候補同知李安中妄陳鹽務設卡巡河擾害閭閻強勒小戶捐輸敲骨吸髓以致民間怨恨臣等受

恩深重不敢不據實密陳奏入

上諭內閣曰前因袁甲三奏請將安徽署宿州知州郭世亨開缺專辦蒙亳等處捻匪並請以補用直隸州

聖學聖方略卷三十三

三

知州王啟秀接署宿州知州朕以地方公事應由該撫覈辦批令會同和春福濟具奏嗣據袁甲三奏稱和春等函令單銜入奏茲據和春等奏袁甲三接奉批摺後仍堅持已見無從會銜並稱宿州地方緊要請留熟手接辦無庸更易以期官民相安自係實在情形所有郭世亨王啟秀開缺接署之處著毋庸議各省辦理防勦大員遇有官吏廉能出眾者原准保

奏貪汙不職者亦許糾參惟於升補委署總應會商
地方大吏豈容擅自更調袁甲三經朕屢次批諭輒
敢固執不遵飾詞具奏以遂其專擅之私實屬大負
委任都察院左副都御史袁甲三著先行交部嚴加
議處卽著來京候旨至所參袁甲三擅截餉銀冒銷
肥已等情著和春福濟確切查明據實具奏

二十八日 辛酉 僧格林沁德勒克色楞西凌阿奏

聖學聖方略卷二百三十二

七

言逆匪竄至馮官屯占踞_臣等因該逆拌死抵
拒兵勇難於逼近將運到大礮四面安設向內
轟擊村內房屋皆被擊塌該逆狡悍異常因房
屋不能棲止在村內掘挖土濠盤旋三匝可由
地下通行卽於溝內掘窖潛藏以避礮火圍濠
之外復挖小孔逆匪伏於地下向外瞭視俟我
軍逼近鳥槍可及之處卽向上開槍是以日日

進攻兵勇皆有傷亡未能得手伏思此股逆匪
止數百人現被重兵圍困竟不能迅速蕩事訊
據投出之人供稱村內糧米充物逆匪足數日
用臣等輾轉籌度擬用水灌或可奏功因馮官
屯外舊有河形可以引水當經委員詳細履勘
溯查來源據稟馮官屯旁舊有漢河可通徒駭
河若由上河廳三孔橋挑開引放運河之水始

聖學聖方略卷二百三十二

三

能灌入惟挑墊築壩處所均應妥爲修理以免
泛濫旁洩等情現已移咨東河總督山東巡撫
設法辦理如水勢暢旺馮官屯雖不能淹沒而
周圍濠內必可滿溢該逆旣難潛匿必拌命出
鬪當可卽時蕩掃仍一面激勵兵勇趕緊進攻
斷不敢藉候引水稍涉遷延現在該逆每夜出
窺探李開芳時親向義勇等巧言引誘以冀

要結衆心俱被各勇槍礮擊回奏八

上命軍機大臣傳諭僧格林沁曰該大臣現擬由上河
聽三孔橋挑開引放運河以水灌賊此計未免迂緩
且恐辦理稍不周妥或有泛濫旁洩之虞轉使該逆
有險可恃該大臣務當斟酌妥善一面迅速辦理仍
一面設法進攻毋令負隅久踞逆賊詭譎多端慣於
勾結此次義勇雖將逆匪擊回仍當隨時稽查奸細

欽定剿平粵匪方略卷二百三十三

三

毋令潛相煽惑以致窺我虛實

欽定剿平粵匪方略卷一百二十三 乙卯年

三月初二日甲子向榮奏言二月初四日探有賊
踞南陵之牛角井糾合六里丁之賊共四五千
人來犯涇邑遊擊楊瑞乾帶勇從旁衝入將賊
隊截爲兩段殺賊頗多先派埋伏義勇並將賊
踞之戴家墟焚襲該逆驚潰敗回六里丁涇太
已無匪蹤十三日連接浙江撫臣何桂清兩函

欽定剿平粵匪方略卷二百三十三

一

我軍在漁亭堵剿失利初三日都司許上達奮
往直前力戰陣亡該逆竄至休甯有分擾屯溪
之信請撥勁兵赴徽並由威坪地方援堵以扼
入浙之路臣查該逆垂涎蘇浙會屢犯東壩黃
池均被我兵挫敗今既竄擾徽州逼近浙中則
東南全局皆震且係大營糧臺後路尤關緊要
當卽飛檄楊瑞乾帶領義勇七百五十名由甯

國繞赴浙省威坪會同各軍堵紮要衝再由浙
出勦徽境之賊並於金陵撥兵五百名交都司
馬永清管帶由蘇入浙聽候撫臣何桂清調遣
因思革任巡撫許乃釗兩載在營頗知賊情又
係浙人明於該省地利業令星馳赴浙與何桂
清籌商堵勦機宜至都司許上達力戰陣亡殊
堪憫惜相應請

聖聖聖方略卷二百二十三

二

旨飭部從優議卹

向榮又奏言正緒摺開續接撫臣何桂清函稱
徽州已於十三日失陷此時浙江倍加緊急已
檄令鄧紹良添帶楚兵五百名由黃池兼程赴
浙飛咨浙撫即將各路防勦兵勇併歸鄧紹良
統帶以專責成

向榮又奏言臣於正月內訪聞有奸匪陳灤葉

導生盧礎汝起意糾匪欲先搶無錫蘇州後搶
杭州情事當密派都司李鴻勳知會地方官於
正月二十二日將陳灤葉導生擒獲就地正法
惟盧礎汝在逃未獲臣查蘇省五方雜處每易
藏奸非有封疆大員不足以資鎮撫現在撫臣
吉爾杭阿到營幫辦軍務可否請

旨飭令督臣怡良回蘇駐紮以重地方奏入

聖聖聖方略卷二百二十三

三

上命軍機大臣傳諭向榮怡良吉爾杭阿何桂清曰逆
匪久欲窺伺蘇浙現既竄擾徽州逼近浙省於東南
大局關係緊要何桂清前派石景芬等帶勇馳往此
時當已抵徽向榮現飭楊瑞乾帶領義勇繞赴浙省
威坪會勦並於金陵撥兵交馬永清管帶由蘇入浙
鄧紹良帶楚兵由黃池赴浙統帶各路兵勇自可與
浙省合力救援徽郡該郡為浙省門戶著飭鄧紹良

迅速馳往扼截勿稍延緩許乃釗准其前赴浙江與何桂清會籌防勦事宜至金陵兵勇抽撥較多怡良著仍駐常州扼守蘇杭前路徽州距蘇尚遠該督此時毋庸卽行回省仍一面嚴防金陵鎮江南竄之賊一面多設偵探察看情形再行酌量進止吉爾杭阿雖在向榮軍營亦可與怡良督飭在省藩臬大員嚴查奸細以杜勾結都司許上達赴徽防勦力戰陣亡

聖朝方略卷二百三十三

四

著交部從優議卹

向榮又奏言接余萬清呈稱二月初九日該逆由鮎魚套夾江兩路登岸約四五千人竄距鎮城三十餘里之高資一帶余萬清與虎嵩林分兵兩面迎勦該逆恃眾抵突我軍奮力圍截殺賊八九十人逆勢不支竄回鮎魚套夾江而去初十日領隊進勦詎該逆已在離高資二里許

沿江地面乘夜窰築土壘五座我軍馳往攻撲突入賊陣斬馘無算賊眾駭潰忽金山木簞賊黨由夾江抄到接應我軍分隊截殺該逆併入土壘死守外委袁永忠越過賊濠被槍陣亡復據句容縣知縣趙廷銘稟報逆蹤已擾及該縣北鄉一帶臣於十三日抽派兵勇一千五百名交總兵德安統帶馳往句容攔頭堵勦十七日

聖朝方略卷二百三十三

五

德安將兵分作三隊由西面兜撲該逆纒擁來拒我兵爭先衝殺直逼賊濠該逆退入營盤在後之賊皆被刺落濠內藍翎額外洪得首先槍上賊壘被礮穿腹登時陣亡十八九等日疊次夾勦將高資賊壘一律掃平余萬清以高資賊壘掃蕩餘逆由夾江金山竄回鎮城當將高資兵連夜撤回並飭各營加緊防勦二十日該逆

欲下竄經總兵陳世忠督令各船迎勦並率同
六合水勇划船併力堵擊署六合縣知縣溫紹
原亦親帶兵勇往援當將逆船擊退查五龍山
江面所設攔練木檔足資堵禦惟此後潮水日
長江岸增寬以此一綫練檔日沈大溜之中風
濤撞激恐難久持惟有迅催師船早日攻赴上
游以遏賊竄奏入報

聖朝聖略卷二百三十三



同日吏部奏言欽奉

諭旨袁甲三著先行交部嚴加議處欽此查袁甲三以
辦理防勦大員於奏請升補委署總廳會同地
方大吏豈容擅自更易前經奏請疊奉

諭旨輒敢固執不遵又敢飾詞具奏實屬專擅應請將
都察院左副都御史袁甲三照違

制私罪律議以革職奏入

上從之

初三日^{乙丑}僧格林沁德勒克色楞西凌阿奏言
二月二十八日子刻該逆潛行出巢向西南奔
撲因我兵防守嚴密不能免脫詎料該逆暗施
詭謀在賊巢以內向西南礮臺邊開挖地道於
二十九日夜間將礮臺前壕牆轟塌卽由此處

聖朝聖略卷二百三十三

九

衝出昏夜倉卒兵勇一時潰亂幸礮臺以外尙
有圍壕臣聞警馳至調集兵勇截勦始將該逆
擊退仍潛入溝內依前死拒伏思此股逆匪人
數無多臣握帶重兵不能迅速蕪功已屬有負
倚畀今有此挫失尤屬調度無方應請

旨將臣僧格林沁交部議處至挑挖引河業已開工其
引河兩旁遇有低窪處先行培土築埝以免旁

洩浸沒民田計期十日內外即可竣工

僧格林沁德勒克色楞西凌阿又奏言 臣接奉

上諭以豫省邊防喫緊著 臣撥兵協剿卽札令西安副

都統常亮選帶馬隊一千五百名大同鎮總兵

孔廣順選帶步隊二千五百名卽日兼程前赴

信陽聽候調遣惟馬隊官兵缺馬甚多應請

飭下河南巡撫趕緊籌備以資乘騎奏入

聖朝聖考卷二十三

十

上命軍機大臣傳諭僧格林沁德勒克色楞西凌阿崇

恩曰馮官屯賊匪狡悍異常雖人數無多尙思竄逸

若不實力進攻遷延時日該逆轉得乘我之懈肆其

猖獗何日始能蕪事僧格林沁前奏馮官屯屋宇均

經轟塌該逆僅恃空窖潛藏以避礮火豈尙容其久

延殘喘著僧格林沁等督飭兵勇一面奮力圍攻一

面嚴密防範不准任其竄出再致滋擾挑挖引河業

已開工著卽飭該委員等妥慎督辦惟不得以此藉

口致稽進剿另片奏挑選馬步官兵四千名派常亮

等統帶赴豫惟馬隊缺馬甚多等語現已諭令英桂

載齡購辦馬匹剋日起解卽著飭令迎提應用本日

據官文楊需奏逆賊於二月十七日攻陷武昌巡撫

陶恩培等殉難雖經王國才等次日收復以兵單不

能固守於十九日復陷襄河賊匪亦復蔓延上竄現

聖朝聖考卷二十三

十

在河南南陽信陽等處在在喫緊此項馬步官兵一

俟行抵豫省尙應速籌進剿著僧格林沁等飛催常

亮等星夜統帶前進毋許稍有逗留

同日楊需奏言 臣於二月二十五日接藩司胡

林翼鹽法道常恩稟稱十二十三十六等日漢

陽之賊至沌口攻撲胡林翼營盤均經擊退十

七日早賊匪分股攻撲省城漢口賊船渡江攻

撲塘角省城兵勇水陸堵禦自辰至未鏖戰四時之久衆寡不敵賊匪乘勢入城常恩於城外白沙洲督兵力戰胡林翼督兵擊退前後撲營之賊見省城火起水師戰船全行上駛不能渡江撫臣陶恩培於十七日午刻與護臬司署武昌府知府多山遊擊陶德壽同時力戰陣亡臣聞信之下痛憤交加竊念自廣濟挫敗以來原慮省城兵力太單賊匪剽悍思急攻漢陽以援省城因調兵不能驟集致省城失守實屬罪無可道相應請

欽定剿平粵匪方略卷二百三十三

十三

旨將臣從重治罪至胡林翼王國才石清吉等兵勇約計雖有六七千人惟糧餉缺乏急須接濟且賊衆兵單金口南岸恐難駐紮若湖南可以就近撥餉金口尙能紮營則相機進剿若不能紮營

則設法渡江上扼漢川等處以固荆襄門戶總期阻遏狂氛勿令紛竄

楊需又奏言上年奏撥山西陝西四川餉銀陸續解到之款不敷兩月口糧本省又無款可籌實深焦灼惟有仰懇

飭下四川督臣山西陝西撫臣無論何款迅卽照數源源撥解以應急需

欽定剿平粵匪方略卷二百三十三

十三

同日官文載增奏言據布政使胡林翼稟稱興國通山嘉魚各匪於十七日攻陷省城撫臣陶恩培等遇害該司因奉檄在漢陽縣屬沌口防剿隔江三十餘里無船可渡李孟羣彭玉麟各紮京山合兵遏賊上竄並籌商水陸進剿之計統計水陸各軍尙有萬餘待餉甚殷請速撥兵餉以保全大局等情臣聞信之餘五內焦急當

飭署荆宜施道莊受祺湊撥銀七千兩錢四千串先行接濟但所需甚鉅惟有仰懇

天恩迅催山西陝西甘肅四川各省應撥餉銀星夜馳

解來楚又據京山天門鍾祥沔陽等州縣稟稱

漢川賊眾竄入府河由長江埠於二月十六日

攻陷應城縣分股欲撲德安等語查應城為適

中扼要之地與安陸襄陽荊州各相距不遠且

聖朝聖考卷二百三十三

十四

聖朝聖考卷二百三十三

十五

民船多藏府河之中儘為賊據難保不分擾上游前已派魁玉等扼要堵剿而上游兵力實形單薄應請

旨飭湖南撫臣迅撥水陸各軍由岳州分路應援並籌

餉先為接濟再請迅派川兵來荆由外江內湖

並下與督臣兵勇會合兜擊庶不難剿洗賊蹤

官文載增又奏言楚北省城不可無大員鎮定

現值軍務事繁刻不容緩臣等與督臣又各處一隅勢難兼顧所遺湖北巡撫員缺請

旨迅賜簡放以資鎮定惟到任需時所有巡撫關防可

否即令藩司胡林翼暫為代理均奏入

上命軍機大臣傳諭官文楊需胡林翼曰此次武昌失

陷雖因兵力飢疲奸匪內應究因漢川進攻之兵不

能得力致省城孤立無援現在胡林翼等兵勇尙在

聖朝聖考卷二百三十三

十五

金口南岸李孟羣等師船尙紮京山或不難攻復武昌斷賊南竄湖南之路而楊昌泗劉富成之兵遇賊即退萬分怯弱雖經楊需續派兵勇前往為數僅得

二千若再有挫失則德安池北可以徑達信陽德安

池西又為徑趨襄陽之路逆勢蔓延豈堪復問官文

所請酌派湖南官兵已諭駱秉章酌辦即使稍有接

濟亦於北岸防勦無裨前諭僧格林沁抽撥之兵本

日據奏已挑選馬隊一千五百名步隊二千五百名
卽日起程業經諭令英桂徑行催赴荆襄一帶楊需
務當妥爲調遣或力扼襄陽或進攻德安總以迅速
剿辦爲要不得再有疏失前調四川兵勇各一千名
本日復經降旨飭催此項兵勇先從荊州經過官文
不可率行截留俟續有川兵到時再行分撥會剿此
時楚省賊勢南北蔓延幾至無從著手官文等分辦

聖皇聖略卷二十三

六

合辦同係一事大江以北朕責成楊需荊州防守事
宜責成官文布置南岸攻剿事宜責成胡林翼妥辦
其如何互相援應迅圖肅清之處該將軍等務當熟
計兼權不能自分畛域也

上又命軍機大臣傳諭樂斌王慶雲載齡曰湖北賊氛
復熾武昌失守勦辦萬分喫緊楊需營中之餉早已
不敷著樂斌王慶雲載齡無論何款迅速籌撥解赴

楊需大營以應急需前飭樂斌撥兵勇各一千名派
顏朝斌等管帶赴楚卽著飛催前進此外有無可撥
官兵並著悉心籌畫添派前往助剿僧格林沁已遵
旨挑選馬步兵四千名派員統帶徑赴信陽州惟常
亮所帶馬隊官兵一千五百名缺少馬匹著載齡籌
撥馬數百匹趕緊解往應用

聖皇聖略卷二十三

七

上又命軍機大臣傳諭英桂曰本日據僧格林沁奏挑
選馬隊兵一千五百名步隊兵二千五百名派副都
統常亮總兵孔廣順分帶迅赴信陽又據楊需官文
奏武昌省城已於二月十七日失守賊勢猖獗荆襄
萬分喫重北路官兵不日卽可抵豫英桂斷不可截
留著卽飭令迅赴荆襄一帶聽楊需調遣至豫省南
路邊防最關緊要俟北路官兵有可抽撥自當續調
前往該撫仍當確探賊蹤加意戒備不可稍有疏虞

惟僧格林沁所撥馬隊官兵馬匹不敷乘騎已論載
齡於陝西省妥速籌備並著英桂於該省營馬內分
籌接濟以期無誤軍行

上又命軍機大臣傳諭駱秉章曰據楊需奏武昌省城
失守巡撫陶恩培等力竭捐軀胡林翼等兵勇約計
雖有六七千人惟糧餉缺乏急須接濟賊眾兵單金
口南岸恐難駐紮等語著駱秉章悉心籌畫湖南兵

聖朝聖略卷一百二十三

六

勇儘有可抽撥即當委派得力將弁帶赴下游速為
接應所需糧餉就近設法接濟如該省兵勇不敷抽
撥而胡林翼等兵勇又復上扼漢川則金口一帶勢
難兼顧恐逆匪乘虛上駛該省與湖北毗連在在可
慮尤宜於南北交界處所水陸要隘加意嚴防

上諭內閣曰逆匪上竄漢口武昌省城兵力本單嗣因
胡林翼李孟羣等水陸赴援屢有勝仗方冀危城克

保南北夾攻乃該逆遽由興國通山沌口塘角等處
四面攻撲官兵竟日鏖戰眾寡不敵以致省城失陷
巡撫捐軀楊需以總督統領全軍自退至漢口後疊
次進攻毫無把握此次省城被賊環撲又不能迅速
救援即按律懲辦亦屬罪無可道惟現在江北一帶
防勦需人該督業已革職著仍暫留本任帶罪自效
如再不將回竄逆匪一律肅清迅圖克復致令逆蹤

聖朝聖略卷一百二十三

十九

擾及上游或久踞武漢即行從重治罪決不寬貸湖
北巡撫陶恩培甫經抵任月餘以來嬰城固守茲以
力戰陣亡實堪憫惻陶恩培著照陣亡例從優賜卹
以慰忠魂其同時殉難之署武昌府知府多山歸州
營遊擊陶德壽著該部一併照陣亡例從優議卹湖
北巡撫著胡林翼署理

同日正白旗漢軍副都統德興阿奏言二月十

七日接准托明阿陳金綬雷以誠及已革總督
慧成會銜印文不勝詫異查慧成爲已革之員
在揚效力何以竟與托明阿等列銜行文尤可
怪者印文鑄刻辦理防剿事務閩浙總督關防
字樣閩浙總督早已另

簡有人該革員何以居之不疑竟用總督印文調遣
部臣實無所適從竊思

皇上旣以托明阿爲統帥斷無令旁人專權之理不得
不據實上

聞奏入

上諭內閣曰慧成係革職人員在揚州軍營效力乃敢
與欽差大臣托明阿等會銜行文並擅用辦理防剿
事務閩浙總督關防調遣帶兵大員謬妄已極慧成
及伊子晉康著托明阿一併飭令回旗毋庸再留軍

營

初五日丁卯何桂清奏言接安徽學臣沈祖懋來
函二月十三日徽州郡城失陷查徽浙唇齒相
依徽郡旣失亟須以剿爲防方可固守浙境石
景芬等督帶浙省兵勇已由昌化進紮徽界霞
井地方周天受江長貴兩軍暫屯深渡准向榮
杏復派委遊擊楊瑞乾帶勇七百五十名鄧紹
良帶勇一千八百餘名均由甯國繞至績溪赴
徽另派都司馬永清等帶兵五百名於二十日
趨浙省由威坪前進臣卽飭石景芬會同各帶
兵官相機分路進剿迅圖攻復徽郡石景芬勇
敢有爲卽責成該員督辦軍務官兵統歸節制
至於浙境水陸各路應防之處甚多由徽至杭
以昌化之昱嶺關爲門戶昱嶺關旁爲於潛之

千秋關路通績溪兼達甯國由徽至嚴以潛安之威坪爲門戶威坪而下桐廬之七里瀧爲由嚴至省最要水路由徽至衢以開化爲門戶俱經派員帶領兵勇分撥嚴防並飛咨督臣於閩浙接壤之建甯鎮延平協豫備精兵一二千名派定將弁統領如衢嚴有警一經飛調卽星夜前來接應至於省城地面臣親督巡防不敢稍

聖朝聖曆卷二百三十三

三

存大意何處軍情緊急臣卽親往督辦

同日英桂奏言連接探報二月十七日賊竄應城十八日竄入襄河楊昌泗劉富成等各帶兵勇在城外三四十里紮營楊需現在隨州駐紮二十二日賊匪盤踞德安府城外並赴應山縣搶掠各等語查楚北現在賊情信陽三關尤爲偏近然賊謀詭譎設由間道分竄襄樊則南陽

一帶甚屬可虞惟有統籌兼顧不敢稍疏臣於本月初三日起程馳赴信陽仍隨時察看情形如果襄樊有警卽與鎮臣邱聯恩分投堵禦斷不敢坐守一隅並酌量沿途各路防兵如何移緩就急隨時調撥應用

聖朝聖曆卷二百三十三

三

同日袁甲三奏言和州久爲賊踞臣以爲欲規取和州必須駐軍和境前經飭令廬鳳道張光第查勘和州所轄之夾山關距州城五十五里其地兩峯夾峙有險可憑較官渡尤爲扼要當飭參將劉玉豹等將官渡一軍於本月二十四日移紮夾山關該處距烏衣百里中間田家渡亦爲賊竄要路現飭全椒縣知縣陳麒昌帶勇駐紮以爲兩軍聲援均奏入報

聞

初十日壬申陳啟邁奏言據已革總兵趙如勝等

稟稱正月二十日賊匪約五六千人由安徽建

德縣竄至饒郡花橋地方趙如勝等以該郡無

城可守隨帶兵勇往路口地方迎勦以免賊眾

深入二十一日該逆分爲三股一撲路口一由

雙港一由磨刀石蠡擁而來趙如勝等卽派兵

勇分投接戰奮力直前詎料逆船自都昌駛入

欽定剿平粵匪方略卷一百三十三

三

饒河竄至郡城抄襲我軍後路以致腹背受敵

兵勇傷亡頗多趙如勝等駐野竹溝地方收拾

潰兵正圖進勦該逆又分股竄往浮梁縣屬之

景德鎮有分擾樂平窺伺廣信之謠並有都昌

股匪千餘人於二月初四日續竄饒州趙如勝

等帶兵馳赴石鎮街相機進攻臣查該逆既入

饒郡腹地則廣信撫州建昌三府水陸各路處

處可通若不迅速殲除必致蔓延鄰郡查有署

撫州府知府林福祥屢經戰陣現已飛飭帶勇

八百名千總戴正才帶勇六百名均星夜前往

石鎮街協力堵勦一面會商會國藩酌派水師

戰船駛往康山湖面扼要堵禦以杜逆船內竄

仍約會陸兵兩面夾攻殄茲羣醜並飭令廣信

府知府袁泳錫駐紮貴溪縣扼要堵禦飛咨浙

欽定剿平粵匪方略卷一百三十三

三

江撫臣派兵千名至信郡河口鎮協防至署知

府曹燮坤署參將文忠都司常安署鄱陽縣知

縣林蔚堵禦均屬不力相應請

旨一併革職留營差遣以觀後效奏入

上諭曰曹燮坤等均著革職留營效力饒郡內竄之賊

勿令蔓延方妥

陳啟邁又奏言據武甯縣防堵委員林懋勳都

司馬占魁稟報興國州邊界茅岡嶺山內聚有賊匪數百人與武邑紐絲嶺相近意圖竄越經馬占魁帶領弁兵三百餘名直前攻勦斃匪四十餘人餘匪潰竄又據義甯州知州葉濟英稟稱逆眾蔓延通山崇陽通城等縣該州東西北三路均極喫重請添兵協防各等情臣查興國崇通復被賊擾江省義甯武甯壤地毗連自應嚴防竄越業經添撥兵勇共六百餘名馳往武甯候補知州陽秉鏞帶楚勇五百名馳往義甯周密布置實力嚴防奏入報

聖皇聖考卷一百三十三

三

同日光祿寺卿宋晉奏言查武昌復陷賊勢猖獗難保不乘機上竄窺伺荆襄前此副都統貴陞帶兵督勦遽爾陣亡現在督臣楊需又屢次

退守聲威盡挫深恐不能得力查襄陽與巴蜀陝豫疆界毗連設再有疏虞各處籌防更為喫重且川陝尤為完善之區餉糈尚多仰給關繫匪細必得強毅有為大員方足以資捍禦川地現稱安靜署總督樂斌鎮理有餘黃宗漢甫經赴任可否

飭令折赴襄陽並一面調派川中兵將前來與荆州將

聖皇聖考卷一百三十三

三

軍官文合力攻勦庶以新銳之兵乘上游之勢勦辦易於得手不特四川陝豫門戶悉固即武漢亦可剋期收復曾國藩塔齊布更可一意東下肅清江面於全局似有神益奏入

上命軍機大臣傳諭樂斌黃宗漢曰逆匪意圖上竄湖北荆襄情形緊要官文駐紮荆州兵力未免單弱楊需一軍又屢經挫失現在棗陽一帶遏該匪北竄之

聞

路自武昌復陷胡林翼李孟羣等所帶水陸兵勇亦不免勢孤殊爲可慮黃宗漢此時將次抵任著偵探荆州一帶情形如賊蹤尙未掃除卽與樂斌商酌督帶兵勇馳赴夔巫一帶相機進剿其四川總督事務仍著樂斌署理如探知楊需各軍剿辦得手逆匪不至上竄該督卽可無庸前往仍飭前調兵勇迅速赴楚毋稍延誤

欽定剿平粵匪方略卷一百三十三

三

十一日癸酉何桂清奏言逆賊裹脅各路土匪分踞徽州歙縣黟縣休甯四城一聞大兵雲集卽有蒼黃西竄之意石景芬在霞井軍營先經密派勇目許庭桂等潛入郡城探知賊情擬於二十三日潛師夜遁飛報回營石景芬卽由霞井移營進紮大阜派令勇首夏寶慶等管帶槍勇爲第一隊直抵東門又令勇首李恆淞等管帶

台勇爲第二隊由護嘉興協副將魁齡督帶直抵北門其第三隊由石景芬親督直抵南門從紫陽橋一帶連環施放槍礮長驅直入勢如破竹該逆聞風喪膽馬隊飛竄西門我軍步追十餘里生擒賊目二十餘名土匪數十人一併軍前正法其餘轟斃殺死者不計其數該逆由屯溪一路竄往休甯是夜不及窮追收隊入城查

欽定剿平粵匪方略卷一百三十三

三九

勘郡邑兩城各衙署尙存石景芬卽將各勇分派各城門紮營嚴守臣查此次進剿徽州逆匪浙江將士勇於用命旬日間克復郡邑兩城實爲至幸鄧紹良統帶兵勇指日抵徽卽當會合攻克黟休二城以冀早紓

宸廑至金華府知府石景芬於大兵未集以前深入賊巢功成一夕實屬奮勇有爲徽郡善後事宜臣

卽責成該員一手經理合無仰懇

天恩先予超擢以作士氣奏入

上命軍機大臣傳諭何桂清曰逆匪竄入徽州歙縣旋經石景芬督帶浙江兵勇剋期收復辦理尙屬迅速惟該逆知大兵雲集聞風逃竄我兵追殺賊匪並無確數是該逆忽聚忽散究未大受懲創現在賊眾蟻聚休夥二城必須乘此聲威迅圖克復此時鄧紹良

聖學聖考卷二百三十三

三

統帶兵勇諒已馳抵徽郡所有各路帶兵官弁均歸鄧紹良調遣以專責成該撫卽督飭該員進剿休夥賊黨並酌留兵勇防守徽歙毋令乘虛回竄再致蔓延其徽浙各路軍務及一切支應事宜卽飭臬司晏端書實力督辦

上諭內閣曰逆匪攻陷徽郡並將歙縣城池占踞經知府石景芬督飭勇首夏寶慶等帶勇分隊進攻東南

北三門逆眾逃竄西門我軍追殺十餘里轟斃殺死者不計其數立將徽州歙縣收復現在向榮所派鄧紹良各軍將次雲集著何桂清飭令鄧紹良乘勝進剿克復休甯黟縣二城以清徽境金華府知府石景芬深入賊巢克復郡邑辦理尙爲迅速著記名以道員用並賞加鹽運使銜在事出力員弁兵勇著何桂清酌覈保奏

聖學聖考卷二百三十三

三

何桂清又奏言臣查徽郡防務辦理之最不善者莫如恩禧該員以甯池太廣道兼攝徽州府節據該郡紳士赴臣衙門稟稱恩禧置防務於不顧至警信疊報猶斥爲妄言扣留捐項積欠勇糧數十日不發以致人無固志臨陣潰散連失數城實屬貽誤地方現在不知該員下落等語安徽撫臣遠在江北臣不能不越俎而謀相

應請

旨將恩禧先行革職仍俟沈祖懋查明該員下落再行具奏奏入

上諭內閣曰安徽甯池太廣道兼署徽州府印務恩禧於徽州防務既不實心辦理復扣留捐項積欠勇糧致兵勇不能用命實屬貽誤地方恩禧著先行革職仍著何桂清查明該員下落據實具奏

聖聖聖聖聖聖

三

十二日甲戌托明阿陳金綬雷以誠奏言據分防

浦口之總兵武慶暨署六合縣知縣溫紹原稟報擊獲奸細劉大潰等供稱金陵首逆擬由水陸各處攻襲浦口大股北竄又據探瓜鎮之賊仍欲窺伺揚州三汊河及樸樹灣儀徵一帶等語查浦口緊對金陵乃濱江最要之地武慶兵力甚單亟須增添堵禦當即抽出精兵四百餘

名星夜馳赴浦口多豎旗幟以張軍威並飭浦

口江浦六合儀徵各鎮將會同地方官一體嚴

防並函商向榮彼此嚴督上下水師設法會剿

斷賊攔江箠練遇兩岸與賊接仗時迅即駛近

江岸協剿昨聞吉爾杭阿已到鎮江亦與函商

先斷瓜鎮賊匪往來之路以孤逆勢至臣等連

次進攻瓜州該逆每堅守不出間或東西出巢

滋擾一經官軍迎剿輒復遁回去冬臣等曾商

東西分築長圍使賊不能旁抄側襲則我師遇

機即進可以直搗賊巢惟以經費不敷急難籌

辦現於勸捐項內撥節籌款趕緊築造一俟長

圍築竣即約各路合力進攻總期肅清江面以

紓

聖慮

聖聖聖聖聖聖

三

托明阿陳金綬雷以誠又奏言昨由僧格林沁酌撥馬步官兵二千名派總兵薩炳阿管帶現已抵揚其由上海撥來拖罾戰船十隻係總兵泊承陞統帶亦已駛至焦山 臣等現與吉爾杭阿密商陸路分攻瓜鎮水路即破金山賊壘使賊三路不能相顧庶南北兩城均易著手奏入

上命軍機大臣傳諭托明阿向榮吉爾杭阿陳金綬雷

聖皇集略卷二十三

四

以誠曰金陵逆首既欲由浦口北竄則自揚州以西儀徵六合浦口至江浦等處皆須節節嚴防而瓜鎮賊匪欲撲揚州三汊河樸樹灣一帶蓄謀亦非一日薩炳阿管帶之馬步官兵現已抵揚泊承陞所統拖罾船已至焦山吉爾杭阿亦督率兵勇助攻鎮賊自南北進兵陸路分攻瓜鎮水軍攻取金山使該逆三路不能兼顧方為上策浦口緊對金陵本為賊蹤

往來之地江浦後路復可暗襲浦口武慶等兵力甚單托明阿所稱抽撥精兵僅止四百餘名是否足資堵禦江北屏障之區布置不容罅漏仍須責令武慶溫紹原等實力扼守其浦口以上梁山以下烏江一路本有恩錫張光第在彼駐紮亦可與該司道聯絡聲勢藉免後顧之虞惟攔江賊練賊緝日久未斷終恐衝突為患托明阿等與向榮雖各統各軍實同辦

聖皇集略卷二十三

五

一事著即公同嚴督上下水師會剿先毀賊練遇有兩岸接仗即駛赴江岸協擊向榮前奏李德麟吳全美等紅單局艇俱有損傷刻下當已修整即應趕緊進剿五龍山江面雖設有攔練木檔而江漲日寬風濤撞激究未可恃至瓜州賊匪匿巢不出非併力攻搆即築就長圍不過杜其出擾總宜亟籌戰取以覆賊巢

同日會國藩塔齊布奏言臣等就湖北安徽江西三省全局論之陸路須有勁兵四支水路須有勁兵兩支乃足以資勦辦北岸自蘄水廣濟黃梅以達太湖宿松是爲內一路自漢口黃州蘄州田鎮武穴濱江而下以至小池口望江縣是爲外一路南岸自九江以上興國通山崇陽武甯等屬皆土匪勾結粵賊之淵藪是爲西一

聖皇聖方略卷二百三十三

三

路自湖口以下東流建德饒池徽甯四府皆逆匪覬覦浙江之要途是爲東一路北岸之黃梅太湖前臨大江後枕瀟岳一山屏蔽舒廬爲該逆必爭之地南岸池州雖係瘠區而大通鎮殷家匯水陸交衝南窺徽嚴東障蕪湖亦爲該逆必爭之地故南岸以東一路爲最要而西路次之北岸以內一路爲最要而濱江一路次之四

路者須陸兵四支缺一不可者也水師自武昌以達湖口爲上一支自小孤山逾東西梁山以達太平采石爲下一支乃與紅單船相接兩支各自成軍分段肅清庶免首尾不顧腹背受敵之患亦缺一不可者也今臣等水軍陷入鄱湖之船百餘號回救鄂省之船百餘號業已分爲上下兩支似有因禍得福之機然內湖一軍臣

聖皇聖方略卷二百三十三

三

國藩來江整理造船添勇無難就緒回鄂一軍以被風擊壞之船當將士疲勞之後與漢口新竄之賊相持臣等又不能分身前往統領日夜懸念每聞春風怒號則寸心欲碎見賊帆上駛則繞屋徬徨不知李孟羣等果能添置小船復振軍威否臣等祇此一軍欲分爲兩支則立形單弱欲常聚一處而事勢所迫有不得不分者

又不敢過於持重致失機宜謹就目前之急務
度臣等力所能辦者分條布置為我

皇上陳之一現在賊竄饒州樂平分擾景德鎮祁門徽
州等處所謂東路者也為江浙轉餉之路亦為
奏報入京之路關係大局非輕臣等分派羅澤
南帶湘勇三千由江西省城繞至湖東攻剿饒
州之賊又與撫臣陳啟邁合募平江勇四千同

聖皇聖考卷一百三十三

三

勦東路俟饒郡克復即引兵直下或趨景德鎮
或由建德進攻池州北路有重兵使安慶之賊
震動則浙江之患可以少紓臣等前摺所謂賊
攻我之所必救我亦攻賊之所必救也一悍賊
石達開等堅守九江及對岸之小池口臣塔齊
布一軍仍留五千人穩駐潯郡伺隙攻城使賊
不敢全數上竄武漢亦不敢奔突他處惟前此

攻圍潯城至萬五千人之多兩次派胡林翼王
國才回援鄂省者六千餘人此次派羅澤南馳
剿饒州者又三千人存潯官軍過形單薄俟籌
添兵勇續行具奏一正月二十八日臣曾國藩
派水師船六十餘號至康山地方駐紮外防大
江之賊駛船入湖內防饒州之賊據船出湖其
餘弁勇尚在江省修船日內修完大隊進紮南

聖皇聖考卷一百三十三

三

康青山一帶其湖口賊卡浮橋既堅鋪以木板
填以土石人力難以遽破俟春江漲盛水陸併
攻即當力破浮橋衝出大江一臣曾國藩來江
已逾月餘日內船隻修齊即駐紮鄱陽湖內四
處游弋西近塔齊布九江一軍聲息常通東近
羅澤南饒州一軍調度亦便兩軍相隔已在六
百里外全賴水師在湖中接遞信息庶可彼此

相應如東路攻勦得手能至彭澤東流等處將來水師出江乃得所依護而無孤懸之患以上四條就目前之急務 臣等力所能行者籌商辦理是否有當伏乞

皇上訓示施行

曾國藩塔齊布又奏言論中原之大勢則江北重於江南論此賊力爭長江堅守廬州之情亦

欽定剿平粵匪方略卷二百三十三

四

必須梅太舒桐一帶有大支堅強可恃之兵然後內可以克廬郡外可以清江面此時江北縱不能籌備兩軍亦不可不添置一軍伏查鳳陽之臨淮關由壽州光固以達於麻城黃州程途不過八百餘里副都御史袁甲三在臨淮駐紮年餘與壽州相隔咫尺光固亦其桑梓之地若令該副都御史招募二處之勇練成五千勁旅

由麻城出黃州之背不過十餘日可到人地既熟道途無梗出其不意進而擊之則斬黃各屬可復皖鄂兩省之氣可通相應請

旨飭下袁甲三招募壽州光固之勇由麻城迅出黃州以全江北大局

曾國藩塔齊布又奏言 臣等一軍曾經奏請江西湖南四川三省勸捐助餉今賊匪占踞漢口

欽定剿平粵匪方略卷二百三十三

四

臣軍遠隔下游糧道已斷四川湖南之餉不能運解來營卽去歲奏准陝西協餉下欠十二萬兩亦不能解到僅恃江西一省捐項 臣等水陸萬餘人殊不足以資接濟相應請

旨飭下江西撫 臣陳啟邁在於四年清折項下每月酌撥銀兩以濟 臣軍如江北添一支勁兵 臣等奏准川陝之款卽可撥歸江北一軍應用惟上游

西通川陝北通河南來源尚廣臣軍僅取給於
江西來源太隘勢難久支不揣冒昧請

旨飭下福建督臣王懿德浙江撫臣何桂清每月各籌

銀二萬兩解赴臣軍俾兵勇口食不匱免生他

虞奏入

上命軍機大臣傳諭會國藩塔齊布陳啟邁曰據奏楚

皖江西三省全局陸路須分兵四支水路須分兵兩

聖事聖方略卷二百二十三

望

支於勦辦機宜頗為明晰惟前據楊需等奏武漢復

遭蹂躪賊勢益張該侍郎等水陸兩軍已成孤立之

勢現在賊竄饒州樂平分擾景德等處羅澤南已帶

勇進剿著即飭該員趕緊克復郡城以次掃除昨據

何桂清奏賊破徽州已經收復現擾休黟等處羅澤

南如勦除饒州賊匪即可相機前進攻勦池州安慶

之賊塔齊布圍攻九江亦未便撤動仍當添募兵勇

奮力攻擊以牽制逆匪使不得肆行奔突會國藩師

船並江西所造戰船尤須設法將湖口賊卡浮橋併

力攻毀駛出大江與塔齊布在九江會合以圖克復

袁甲三現已革職飭令來京臨淮兵勇本不甚多不

能撥赴麻城黃州募勇恐緩不濟急本日已諭令和

春等酌量辦理至會國藩等所需餉銀已諭閩浙兩

省照數籌解但恐尙需時日著陳啟邁於四年漕折

聖事聖方略卷二百二十三

望

項下每月酌撥銀兩以濟要需四川湖南等處餉銀

仍當設法催提俾資接濟

上又命軍機大臣傳諭和春福濟曰前因袁甲三交部

嚴議飭令來京其所帶兵勇當諭令和春等酌委大

員前往接替惟現派何員前往尙未奏報殊深懸繫

本日據托明阿等奏浦口六合等處拏獲奸細有金

陵逆首擬由水陸攻襲浦口大股北竄等供托明阿

等攻勦瓜鎮賊匪正當喫緊勢難多撥兵勇赴浦口防禦武慶等兵力甚單設有疏虞關繫甚鉅浦口與皖省接壤其烏江一帶前經官軍屢次攻毀賊壘卽著嚴飭廬鳳道張光第等實力防禦與武慶等浦口之師聲勢聯絡以杜賊匪北伺之意參將劉玉豹駐紮全椒縣屬之官渡亦可就近策應又據曾國藩等奏稱臨淮關由壽州光固以達麻城程途甚邇若令

欽定剿平粵匪方略卷一百三十三

四

袁甲三由臨淮招募壽光二處練勇五千由麻城出黃州之背併力邀擊則蕪黃可復皖鄂兩省便可聲息相通該侍郎所籌自因江北一軍並無得力勁旅故擬添此一軍以資進勦惟臨淮防堵亦甚緊要此時能否分兵前進著和春等酌度情形妥籌辦理廬州賊匪旣已窮蹙官軍長圍已合何以日久尙未得手總須早復廬郡大兵便足敷分撥務卽迅圖克復

毋再遲延

上又命軍機大臣傳諭王懿德何桂清曰曾國藩等駐兵江西省城因湖北武漢一帶爲賊占踞糧道已斷四川湖南之餉不能運解前往其水陸各軍兵勇口食僅恃江西一省捐項不敷支放必須鄰省通融協濟方足以資攻勦著王懿德何桂清於該省無論何款項下每月各籌銀二萬兩派委委員解赴曾國藩等軍營應用勿誤要需

欽定剿平粵匪方略卷一百三十三

五

欽定剿平粵匪方略卷一百二十四 乙卯年

三月十三日 乙亥 和春福濟奏言欽奉

上諭王茂蔭奏請飭已革巡撫張芾前往徽甯一路防堵著和春等酌量情形奏明辦理伏查徽甯兩郡紳士既多民情浮動不可無大員統帥張芾曾任封圻辦事實心 臣等已咨會該員無論行抵何處迅速折回堵禦合無仰懇

聖皇聖方略卷一百二十四

一

天恩飭令張芾會同已革提 臣鄧紹良學 臣沈祖懋統兵進剿並請

飭下怡良就近撥兵勇一二千名交張芾統帶星夜赴援庶可速資防剿

和春福濟又奏言賊由青陽竄入石埭當即飛飭各屬嚴守要隘旋據甯國府知府鄧瀛稟稱

舉人王祥儲等督率團勇於正月二十七日馳

抵石埭城下殺賊多名登時收復其另股賊匪

四千餘人由鶴橋竄抵牛角井圍襲涇縣窺伺

郡城經遊擊楊瑞乾知縣曾承禧等統帶兵勇

一千餘人會同團丁分三路起程在錢村地方

即與賊遇正相持間楊瑞乾率勇衝入賊隊守

備楊萬清等帶勇抄出賊後夾攻賊眾大亂我

兵乘勝追殺直至銅繁二縣境地共斃賊三百

聖皇聖方略卷一百二十四

二

餘名又據向榮咨有二月十三日賊竄徽州之語伏思皖省地方惟徽甯稍稱完善江南各省又惟浙江未被逆氛疊獲奸細皆有竄浙之供該處重山峻嶺鳥道縈紆實為緊要門戶查已革提督鄧紹良久歷戎行軍情熟悉現准向榮派由黃池進剿仰懇

天恩飭令該員在徽甯一帶駐紮督辦藉收指臂之效

添派侍衛多慧遊擊塔思哈帶兵勇五百名馳往焦湖一帶接應二月二十五日無爲州廬江兩處約有賊匪二千人由盛家橋三河鎮一帶分竄該侍衛等率領兵勇前往攻勦至小尖山地方適遇逆匪分兩股來撲我軍分途迎擊斃賊多名賊匪紛紛敗退查該逆兩次來援均爲我軍擊敗第巢縣舒城廬江無爲州尙爲賊踞

聖事聖方略卷一百二十四

五

其焦湖一帶現在多慧前赴臨淮防堵仍令李文安等極力堵禦使其無從竄入臣等一面督兵兜勦以冀迅復堅城

和春福濟又奏言准秦定三來函舒城東路地面遼闊緊接廬江三河等處爲逆匪往來之路必須偏近添築營盤方可斷其接濟二月二十一至二十九等日督兵出隊仍一面在西門六

安門城下趕築營壘該逆突出千餘人意圖衝撲我軍奮勇迎戰斃賊十餘名立時敗退卽令兵勇移進新營扼住該逆出入咽喉又准忠泰咨開二月十九日分攻各門賊伏不出我軍設法搭橋繞過南岸槍上賊船殺賊十餘名二十二二十四等日督兵進攻船上及城內賊匪各突出千餘人抗拒兵勇奮力殺賊多名並奪獲

聖事聖方略卷一百二十四

六

西門外礮臺二座臣等仍當嚴飭相機進勦以期淨掃賊氛奏入均報

聞

十四日丙子署陝西巡撫載齡奏言接西安將軍

扎拉芬咨會奉

旨著扎拉芬卽帶兵前赴湖北探明襄樊何路緊急卽由何路進攻等因現在該將軍統帶潼關固原等兵

在水勢若何攻勦能否得手及水攻儘不可恃應作何設法之處迅速具奏至撥赴河南之馬步隊官兵四千名業經降旨令赴湖北迎勦河南兵力空虛防堵倍形喫緊著僧格林沁會同崇恩卽行選派三四千名派委得力將弁管帶前往河南交英桂調遣專備該省防堵之用仍咨明英桂沿途迎提毋任稽留延緩

聖皇聖考卷二百二十四

九

十九日 辛巳 僧格林沁德勒克色楞西凌阿奏言本月初四日引河工竣初五日先將圍濠灌滿隨復向北浸淹惟馮官屯地勢微高現雖將水浸入賊濠二道深已三四尺不等濠外低窪處所亦有一二尺尙未能浸灌逆匪地窖臣等輟轉思維若啟隄水勢過大恐引河內漫溢有礙民田若先將引河兩岸培厚加高又恐工程浩

大不敢輕舉惟有趕造水車用人力掣灌方爲萬全現已趕緊製造以資應用且該逆詭謀惟恃挖地雷前於放水次日見西北溝內漂出藥袋藥篋甚多自係該逆暗放地雷之所此時地已溼透斷難施此伎倆至前次撥赴豫省馬步隊官兵業於初二日分起前進初八日全數起程又奉

聖皇聖考卷二百二十四

十

諭旨著會同崇恩選派山東官兵三四千名赴豫查現在京省兵力單薄惟豫省防堵尤關緊要臣與崇恩悉心籌度現擬選派官兵一千名東勇一千名卽日馳赴河南聽候調遣同日英桂奏言臣因楚北逆氛復熾豫省南汝光一帶均與毗連信陽尤爲緊要親往該處督防連日疊據探稟分竄德安之賊長髮不過千

餘名裹脅約三千餘人有楊昌泗劉富成督兵
迎擊下游賊匪分踞團風斬水有窺伺麻城羅
田之意督臣楊需現在棗陽催集兵勇與胡林
翼等合軍進攻各等情臣沿途飭屬嚴加防範
並催令兵勇冒雨前行途次接奉

諭旨前令僧格林沁挑選馬步精兵三四千名赴豫等
因查僧格林沁來咨官兵內有馬隊一千五百

聖皇聖考卷二百三十四

十二

名臣思信陽南陽山路崎嶇馬隊難於施展荆
襄水陸交衝馬隊恐亦不能得力合無仰懇

天恩飭下僧格林沁截留改撥庶兵歸實用餉不虛糜
至豫省南路邊防南陽固關緊要信陽及光商
等州縣逼近逆氛路徑紛歧防不勝防鎮臣邱
聯恩雖紮營西雙河居中控制而三關兵力究
形單薄仰蒙

俞允續調北路官兵亦恐緩不濟急臣初十日行抵信

陽即將河北鎮餘丁五百名分駐三關以壯聲

威復飭光山等縣添募壯勇加意堵截俟確探

賊蹤所向卽與鎮臣分投馳剿均奏入

上命軍機大臣傳諭僧格林沁德勒克色楞西凌阿崇

恩曰據英桂奏前派馬隊一千五百名於荆襄一帶

地勢不甚相宜請截留改撥等語此項官兵據僧格

聖皇聖考卷二百三十四

十三

林沁奏派常亮等帶赴信陽防次業經起程卽可毋
庸折回改撥其續調山東兵勇共二千名務卽挑選
精壯步隊飛催前進馮官屯賊匪爲數無多我兵圍
剿月餘尙未殄滅實深焦急據奏水攻之法尙須趕
造水車用人力掣灌不免又稽時日總須著力攻剿
勿徒恃水攻方爲妥善

上又命軍機大臣傳諭英桂曰據奏荆襄一帶馬隊不

能得力欲請飭僧格林沁截留改撥自為相度地勢起見惟此項官兵已據該大臣奏即日兼程前進自應仍赴楚北以資攻剿至豫南防堵緊要本日據僧格林沁奏選派兵勇共二千名前往河南交英桂調遣以防賊匪北竄俟此項官兵抵豫後或可與常亮所帶馬隊官兵互相調換以期得力現在賊踞德安南汝光商均屬接壤英桂已抵信陽即可就近調度

聖朝聖略卷二百三十四

十三

邱聯恩現赴三關堵禦著飭令該總兵加意嚴防以固邊圉

同日托明阿陳金綬雷以誠奏言據分防浦口總兵武慶等稟稱三月初七日水陸鎮將等約會吳全美王鵬年李德麟等聯艘齊進一面即沿北岸水陸進攻武慶等督帶陸路官兵由三板棹地方直擣九洑洲葉常春等率領兵勇快

船與李德麟等徑取橫江箠練但見賊隄及守練之賊船齊開槍礮我師分投迎擊立毀賊隄數處轟沈賊船多隻乘勢奪取賊箠將賊練全行斬斷吳全美等即督紅單拖帶各艇由江心搶上並有六合浦口各勇暨分防觀音門之守備彭常宣等駕船協剿共擊沈賊船三十隻奪獲賊箠三十餘座又據焦山水師總兵周士法等稟稱於初七日進攻金山賊營瞭見瓜州江面賊箠隱動又有賊從北固山隄內開礮我軍隨即分隊一面迎擊賊隄一面泝流直上專攻賊箠縣丞周閑等奮勇搶近槍礮齊發賊勢不支淹斃無算奪得賊箠四隻該逆復由鎮江大馬頭駛出賊船多隻欲搶木箠續被我師擊退將箠帶回焦山各等因

聖朝聖略卷二百三十四

十四

臣托明阿現與吉爾杭

阿往返札商一俟晴霽卽南北約會分攻瓜鎮
兩城仍飭水師力勦金山賊營斷其接應

同日向榮奏言據吳全美等稟稱日來水勢加
長各船準備進剿三月初六日夜間見下關火
光達且料賊必因水勢衝激練檔連夜搶修救
護正可攻其不備當知會總兵葉常春等將浦
口局艇助攻策應令山東水勇攻九洲賊營

勦平粵匪方略卷二百二十四

十五

六合水勇攻七里洲以分賊勢初七日王鵬年
督領頭隊各船由中流直上吳全美率左隊各
船向南岸一帶進攻李德麟領右隊各船沿北
岸繼進行近七里洲沙嘴該逆礮臺礮隄一齊
開礮我船乘風衝偪大礮疊轟擊倒隄內哨樓
數座該逆由關口突出大小礮船八九十隻攔
頭抗阻我船齊力轟擊時吳全美左隊各船已

沿南岸抄到擊沈賊船二十餘隻九洲賊匪

礮船又駛出七八十隻同來迎拒經右隊李德
麟各船自北岸衝上撓截兩面環轟賊船紛紛
擊損其時王鵬年頭隊各船將護練賊船擊沈
多隻餘船恃其兩岸礮臺密護死開礮拒敵
守練不退王鵬年卽親督把總張占魁等飛駕
三板划船攔偪練從狂濶密礮之中立將賊

勦平粵匪方略卷二百二十四

十六

練斬爲數段砍散檔簿賊船見勢不支揚帆敗
逃下關口又槍出大礮船數十隻意欲抄我後
幫牽綴前隊其頭道賊練敗匪亦蟻聚二道賊
練之下合併拒守吳全美等仍督頭隊斬練船
隻乘風直上適總兵葉常春副將周希濂分領
浦口局艇從兩岸勦洗而來並會同六合山東
之勇由七里洲九洲夾攻接應共擊沈三十

餘船該逆敗退我軍頭隊各船已將二道練下
賊船擊覆不少餘船見我師船礮猛烈棄練遠
颺當經遊擊唐國棟等乘勢將二道賊練立時
斬斷該鎮將卽分率紅單三十五隻拖罾六隻
並各三板快艇山東水勇划船全幫駛出上游
乃二練敗竄各船又糾合上面賊船五六十隻
回環開礮復來阻截我師王鵬年督令迎戰吳

聖朝聖考卷二百三十四

七

全美李德麟各率三板多隻駛進遂將賊船八
十餘隻全數沈擊焚燬伏思師船攻出上游卽
可節節扼勦惟聞梁山尙有賊匪安設攔練礮
船林立蕪太逆黨嘯聚甚眾必須迅籌陸路一
軍馳往沿江接應使我船不致孤軍深入方無
既進復退之慮昨據遊擊蕭知音稟稱探有賊
船五六百隻由楚皖竄回蕪湖欲分水陸兩途

來犯黃池甯國等語查鄧紹良赴援徽州該逆
聞風遠颺徽境漸次肅清今黃池既有警信自
應移緩就急以固要衝當飭鄧紹良馳回防剿
臣一俟鄧紹良回抵黃池卽統率兵勇出取蕪
湖並抽兵出剿太平金柱關以便迎會舟師合
搗兩梁山之賊至此大斬練前進掃蕩賊船吳
全美李德麟每戰身先均堪嘉獎而已革總兵

聖朝聖考卷二百三十四

六

王鵬年首先進攻斬斷賊練尤爲奮勇可否請
旨免其前罪仍

賞給五品頂翎

向榮又奏言臣營兵力太單不敷分布又均係
步兵追賊難期迅速可否仰懇

天恩於高唐得勝之師內

飭調吉林馬隊一千名趕緊來江助剿均奏入

上命軍機大臣傳諭托明阿向榮吉爾杭阿陳金綬雷以誠曰紅單各船水陸進攻斬斷賊練兩道焚燬賊船三百餘隻水師初次得手正可乘此聲勢南北約會分攻瓜鎮兩城並嚴飭水師將弁勦除金山賊營以孤賊勢逆匪分踞瓜州鎮江全恃江面賊船往來接應此時師船既攻出上游卽當節節進扼使南北兩岸之賊不能互相勾結勦辦自易爲力據向榮奏

聖朝方略卷二百三十四

十九

稱兩梁山尙有賊設攔練礮船林立蕪湖太平逆黨甚多必須亟籌陸路一軍沿江接應自係實在情形著卽設法布置該逆現欲窺伺黃池甯國鄧紹良已帶勇馳回防勦如該逆不敢內犯鄧紹良卽可進攻蕪湖以圖與舟師會合勦除梁山賊匪該逆經此懲創尙恐另生詭計以牽掣我師托明阿向榮仍當督飭水陸各軍一面進勦一面嚴密設防杜其奔竄向

榮請調吉林馬隊一千名來江助勦現在馮官屯餘匪尙未殄滅近因楚豫防堵喫緊已由僧格林沁大營抽撥馬隊一千五百名步隊二千五百名交楊霽調遣此時未便再行抽調俟山東軍務告竣自可酌量派往如金陵大營需兵緊急可先於托明阿所帶馬隊官兵內商調數百名渡江協勦該大臣等雖分勦南北兩岸之賊實則共辦一事務當統籌全局迅

聖朝方略卷二百三十四

二十

掃賊氛

上諭內閣曰托明阿等奏浦口各營獲勝焦山水師攻獲賊鋒並向榮奏師船斬練攻出上游著托明阿向榮等督飭各營水陸會勦克復瓜州鎮江並著將江面上下游賊船一律勦除已革廣東碭石鎮總兵王鵬年前因玩視捕務革職治罪據向榮奏此次帶兵斬斷賊練尤爲奮勇著加恩免罪並賞給五品頂戴

賞戴花翎

同日何桂清奏言據石景芬稟報該員於克復徽州歙縣兩城後卽紮營城外固守嚴防二月二十四日賊由萬安街退至休城石景芬卽飛飭各隊進逼休城唐寶昌等帶勇六百名約定初更進剿時城門未閉出其不意一擁而入賊匪驚竄殺死甚多該縣縣丞張奇炳守備汪連

聖事彙考卷二百三十四

三

升亦先後趕到帶勇分勦追擊三十餘里卽於是夜克復休甯縣城等因現在該逆已竄回夥縣臣咨行鄧紹良石景芬商定機宜步步爲營進紮漁亭以上務期迅速攻剿免致勞師糜餉署休甯縣知縣唐寶昌於縣城失守後在嚴鎮隨勦克復郡邑兩城茲又恢復休甯功過似足相抵署歙縣典史申協烜於縣城失守後迎接

浙兵隨同克復尙知奮勉可否仰懇

天恩免其治罪並均留原官以爲帶罪圖功者勸再二

月十一日嚴鎮之戰川營把總黃萬魁外委彭

玉貴同時陣亡十三日歙縣失守該縣廉驥元

城亡與亡洵不愧守土之官相應額懇

聖恩飭部一併從優議卹奏入

上諭內閣曰徽州賊匪自我軍克復郡城後竄往休甯

聖事彙考卷二百三十四

三

知府石景芬等帶隊進剿一擁入城賊匪驚竄殺斃甚多卽將縣城克復著何桂清卽行督飭石景芬等迅速肅清徽境毋稍遲延署知縣唐寶昌署歙縣典史申協烜於縣城失守後隨同收復郡邑城池功過尙足相抵均著免其治罪並均留原官仍准各署原缺以爲帶罪立功者勸陣亡之把總黃萬魁外委彭玉貴著與歙縣知縣廉驥元一併交部從優議卹

二十一日癸未英桂奏言臣馳抵信陽後據探盤

踞德安之賊於三月十二日全數竄至孝感縣
小河溪地方德安僅有空城楊需剋日馳赴德
安一帶進剿賊匪於十三日由孝感縣雙橋鎮
分股北竄大興店等情查賊匪既屬聚小河溪
難保不意圖北竄該處至信陽羅山皆屬通行
大路兼有小徑多處防不勝防前蒙

聖恩飭調北路馬步精兵四千名來豫防堵經臣咨明

三

孔廣順帶步隊前赴信陽旋因荆襄喫重不能
不先其所急飭由南陽馳赴荆襄茲信陽羅山
各關密邇賊氛防堵萬分喫重楚省正圖攻剿
前項官兵豫省固未便截留然軍情旦夕異宜
又何敢稍存拘泥致誤事機已飛咨孔廣順帶
領步隊二千五百名仍由信陽出關赴楚一轉

聞

移聞不特先聲所播可絕賊匪竄越之心且楊
需即日馳赴德安調遣亦較爲迅速奏入報

二十三日乙酉楊需奏言臣行抵棗陽後即趕緊

催調兵勇派都司施鴻恩等由平林市進攻德
安署提督謝欽統帶兵勇隨後策應賊匪於山
坡港馬平港等處築牆設卡抗拒兵勇疊次進

聖恩飭調北路馬步精兵四千名來豫防堵經臣咨明

三

攻皆伏匿不出三月初一二三日等賊數百人
赴陳家巷等村莊擄掠有伏勇百餘人先後爲
賊所擄欲乘間縱火接應外兵初八日朱百行
等督率團勇紳士進破賊卡圍西北兩門初九
日夜半乘月黑潛偪城下賊匪各懷驚疑遂由
東門擁出兵勇乘勢追逐適署隨州知州嚴樹
森帶勇於交界處所防堵探聞馳往會擊殺賊

數十人朱百行等卽入城搜捕餘匪尙存伏勇
十餘人乘亂逃出詢悉前情施鴻恩等卽督兵
追勦賊分三路由雲夢孝感應城散竄署撫臣
胡林翼現督兵勇駐紮金口王國才駐紮石嘴
兵勇口糧目前暫足敷衍不至卽虞潰散其下
游賊匪據署黃州府知府許廣藻稟稱團風續
到賊匪千餘並大小船數十隻當卽督勇進勦

聖皇聖考卷三十四

三

賊卽反奔竄至江邊紛紛下船船少人多落水
覆溺者甚衆隨派署團風巡檢高禮帶勇赴南
埠堵勦拆去賊浮橋一座太湖賊匪竄犯英山
經羅田縣知縣彭仲芳帶勇馳赴應援賊分三
路進逼慶戰數時之久殺賊一千餘名英山解
圍彭仲芳帶勇回縣適蘄水賊匪五六千人竄
至接壤地方肆行擄掠彭仲芳仍折回防堵殲

斃二百餘名二月二十四日賊匪萬衆直犯羅
田聲言復仇彭仲芳帶勇迎擊賊匪後隊大至
彭仲芳力戰陣亡查楚北賊情始以我軍急攻
漢陽漢口遂意圖北竄襄陽旣北竄未遂仍必
竄回武漢胡林翼王國才之兵前逼武漢之羣
寇後有崇通之伏莽腹背兼顧勢恐不支臣惟
有竭盡心力相機勦辦不敢稍有延誤

聖皇聖考卷三十四

三

同日王履謙長臻奏言准河南撫臣英桂函稱
楚北逆氛復熾豫南邊境喫重擬卽移紮信陽
並奏請北路精兵四千名前來堵勦臣查河口
僅止小船數隻兵行未便稽遲因札調上南廳
前存拆卸大船二隻趕緊裝修聽候撥赴蘭儀
口應用一面差探前項弁兵於三月初九日陸
續行抵蘭儀渡河臣長臻先期由上游折回臣

王履謙亦於十二日由下游行抵該口查看該
弁兵等接起前進尙無擁擠滋擾情事現已全
數渡竣仍將大船撤回上南廳摘去桅舵以禁
私渡臣等仍不時周巡嚴防賊匪偷越均奏入
報

聞

二十四日丙戌陳啟邁奏言據林福祥趙如勝等

聖學方略卷三十四

三

稟稱饒境賊匪意在窺伺廣信撫建三府大股
匪眾先本屬聚浮梁縣景德鎮旋俱退回郡城
於二月初十日偏近石鎮街圍撲我軍營壘又
分股繞由僻路竄往樂平趙如勝派令程學敘
等帶寶勇六百餘名星夜往勦十二日行抵距
樂平縣城十餘里之韓家渡率眾衝入賊陣掩
殺二百餘人程學敘身受數傷旋即陣亡該逆

遂竄入德興焚掠其饒郡之賊於二十三
四十五等日擄掠下游民船連次攻撲石鎮街
幸林福祥帶勇與趙如勝等協力堵禦均經立
時勦退擊沈賊船數隻另股由陸路抄襲我後
亦經兵勇擊敗林福祥因賊援德興該處與廣
信之上饒興安玉山弋陽連界隘口紛歧信郡

兵力無多誠恐被匪闖入關繫非輕卽商令趙

聖學方略卷三十四

三

如勝酌留兵勇千名駐紮萬年以杜饒郡賊匪
內竄安仁餘干之路時署遊擊謝必魁帶領兵
勇一千餘名先往興安上饒一帶堵截林福祥
隨後繼進乃該逆知興安等處有兵防守於三
月初四日自德興弋陽交界之黃柏塘小路竄
入弋陽境內值林福祥練勇行抵弋邑卽時迎
勦殺賊多名惟該府林福祥與謝必魁一軍前

後隔絕彼此不能兼顧現經廣信府知府袁泳錫自貴溪防所取道興安約會謝必魁迎頭兜剿並有遊擊常海帶領浙兵六百名赴徽州防堵於初四日路過貴溪林福祥暫行截留藉資勦辦臣查廣信為浙江屏障又與本省撫建二府毗連今賊眾已入弋邑亟宜迅速殲除隨飛調羅澤南帶領湘勇三千名並添撥新募平江

聖朝聖考卷二百二十四

五

練勇剋日馳赴弋陽與林福祥合力痛剿其饒州股匪擬令都司吳錫光抽撥南康兵勇就近渡湖先攻都昌次攻饒州與羅澤南兩面夾擊以期殲滅無遺
陳啟邁又奏言准浙江撫臣何桂清咨會賊由青陽縣竄至徽州黟縣該省防勦緊要應將留江協防之浙兵六百名飭令遊擊常海管帶前

赴祁門堵禦查蘇杭為東南財賦之區萬一被匪闖入所關非細當飭常海帶兵起程惟徽州之祁門婺源均有賊擾恐難前進經臣飭令該遊擊馳赴常山玉山一帶探明何處緊急即往何處救援其應如何繞赴徽州仍聽浙江撫臣飭知遵行奏入

聖朝聖考卷二百二十四

三

上命軍機大臣傳諭陳啟邁曰竄擾饒州之賊意在窺伺廣信撫建等屬此次連竄樂平德興復擄掠民船攻撲石鎮街雖經立時勦退興安一帶亦有官兵防守已由黃柏塘小路突入弋陽境內該邑為浙江屏障又與江西撫建二府毗連賊勢分竄腹地滋蔓堪虞況徽郡游匪餘黨尙聚黟縣浙省不免戒嚴若再令由廣信逸出與徽賊勾結不但阻梗驛路更恐掣動蘇杭羅澤南所帶湘勇並新募平江練勇馳往會

同林福祥合勦著卽責令該道府等迅掃妖氛饒州
尙有股匪亦著陳啟邁飭令都司吳錫光就近渡湖
以次攻復都昌直抵饒郡與羅澤南分路夾擊使該
逆首尾不能相顧勦辦方有把握若令其四處紛突
更肆猖獗大局豈復可問該撫因徽浙防堵緊要將
遊擊常海管帶浙兵六百名派往常山玉山一帶探
明何處緊急卽由何處應援自應如此不分畛域

欽定剿平粵匪方略卷二百二十四

三

二十六日戊子吉爾杭阿奏言臣於二月初一日

自上海起程行抵蘇州適得鎮江探報該逆分
竄高資勢將內犯遂飭劉存厚會同余萬清虎
嵩林等相機堵剿臣卽由常州改道馳赴丹陽
知高資賊壘已爲我兵掃蕩卽由丹陽句容而
至金陵大營與臣向榮和衷籌議該逆注意蘇
常必先截其內犯之路以固根本再絕其南北

之援以圖進取二十八日折回丹徒鎮會同余
萬清察看鎮江東南京峴山大營布置頗屬周
密惟自京峴山東北至象山江濱尙多空隙因
與余萬清商定將空隙處所深挖濠溝取土築
牆設法安礮以杜竄逸又會同余萬清渡江前
赴焦山水營總兵泊承陞管帶拖罾船十隻與
總兵周士法等所帶艇師各船聯幫停泊於焦

欽定剿平粵匪方略卷二百二十四

三

山北面擬俟象山牆溝工竣將泊承陞所帶拖
罾船移泊於焦山南面象山之下則南北兩岸
下游皆可無虞至南面統帶潮勇之副將站任
言語不通恐有扞格商之向榮余萬清添派熟
悉潮勇性情之遊擊饒永福會同管帶再將現
駐甘棠橋之四川官兵移紮觀音山切近潮營
藉圖鈐制其西路本甚空虚設被蔓延至馬陵

棹樹岡一帶則丹陽可虞常州亦即震動臣暫
 行屯紮棹樹岡勘定離城五里之九華山為由
 鎮江至馬陵棹樹岡總徑虎嵩林劉存厚等統
 帶兵勇在九華山東北屯紮東制鎮城北窺金
 山為盜吭拊背之計三月初十三等日瞭見
 瓜州賊船連檣渡江而南瓜鎮金山之賊分作
 數股傾巢而來另股逆匪奔上九華山北惟時
 劉存厚等皆已督兵出隊臣帶領小隊在劉存
 厚營前山坡督戰將山梁之賊登時擊退拖帶
 艇師等船亦起柁攻擊北固山甘露寺磯隄以
 分其勢因南風過甚不能直抵金山賊仍分數
 股傾巢而來臣與余萬清督兵分投圍裏斃賊
 不計其數滿擬四面合圍適大霧瀟漫對面不
 能相見致大股仍被免脫殊為可惜現在會商

聖皇聖考卷二百二十四

三

聖廬奏八報

向榮余萬清或先取金山或徑拔鎮城隨機進
 剿以副

二十七日己丑和春福濟奏言三月初九日安慶
 援賊二千餘名在城南四十里丙子鋪黃夜築
 壘臣等即率領官兵馳往該逆已築營二座突
 見我軍竟敢迎拒即令鄭魁士等分途攻勦立
 將賊壘二座奪獲官軍追殺十餘里約斃賊匪
 六七百名是夜有金陵逆匪二三千人在煙燄
 集南數里紮營三座初十日黎明臣等統領官
 兵馳赴賊眾出營抵拒鄭魁士等揮令兵勇三
 面夾擊斃賊多名勢漸不支踉蹌奔逃我軍將
 賊營三座焚燬十四十五等日逆匪兩次在西

聖皇聖考卷二百二十四

四

路二十里鋪度地紮營經常清吉順江忠濟程
智泉等馳往攻剿該逆槍礮不絕拚死抵拒佐
領瑞祥等首先搶進適賊營火藥轟發致被燒
傷旋即陣亡水西南門得勝門北門同時出賊
數百人直撲官軍營盤經珠克登等奮力擊殺
該逆敗退入城查賊匪外援大股驟至兩夜於
西南各處連築營壘意在分我兵勢幸仰賴

聖皇聖方略卷三十四

三

天威立時攻破使鬼蜮無所施其伎倆城內逆匪疊次
圍剿雖死力拒守勢難久存亟當趕緊圍攻迅
圖克復青州藍翎佐領瑞祥防禦穆精額驍騎
校賽堪圖卽補驍騎校春慶帶兵搶進賊營以
致捐軀深堪憫惜應請

旨飭部從優議卹

和春福濟又奏言接秦定三來函二月十五日

舒城東門突出賊千餘名直撲勝勇營盤該提
督揮令官兵三面夾攻鏖戰多時約斃賊二百
餘名又據探報巢縣揚河突來賊船數百隻約
賊二三千人上岸焚搶有竄入柘皋攻撲店埠
救援廬城之信臣等查店埠爲廬營後路糧臺
最關緊要當卽飛咨忠泰趕緊督隊掃除一面
揀派鄭魁士帶兵勇一千數百名迎剿賊股竄

聖皇聖方略卷三十四

三

踞柘皋半居南市半屯舊營該處鋪戶居民均
被擄掠忠泰等帶領兵勇先圍賊營賊衆驚逸
我軍奮力擊殺多名勇目談家寶奮不顧身衝
入街內被賊圍裏當卽陣亡兵勇盡力擊剿賊
勢披靡紛紛敗逃至勇目談家寶殺賊陣亡深
堪憫惜應請

旨飭部從優議卹奏八

上命軍機大臣傳諭和春福濟曰安慶賊匪及金陵之賊於西南各處連築營壘意在分我兵勢經和春等督兵攻勦斬馘甚眾舒城巢縣逆匪亦被我兵擊敗辦理尙屬得手此時廬州之賊已勢孤援絕正可乘此機會督率各路兵勇奮力攻勦剋期收復其舒城等處並著嚴飭秦定三等督兵進攻毋得日久遷延致該逆又圖勾結應援

聖學聖方略卷三十四

三

上諭內閣曰廬州賊匪被圍外援疊至均被我兵勦擊獲勝掃平賊壘著和春等迅督兵勇乘勝克復毋任死拒待援所有陣亡之青州藍翎佐領瑞祥防禦穆精額驍騎校賽堪圖卽補驍騎校春慶六品頂戴勇目談家寶衝鋒陷陣力竭捐軀深堪憫惜均著交部從優議卹

同日英桂奏言據探東竄之賊因知楊需督帶

兵勇不日前來孝感團勇亦聚集二千餘人分投堵勦遂將所攜糧食錢物盡行上船乘河水漲發退竄武漢等處近日武昌官兵七獲勝仗斃賊數千人賊匪營盤盡在塘角等處楊昌泗劉富成各帶兵勇馳赴德安駐紮查此次下游回竄之賊祇因官兵失利以致裹脅日眾滋蔓難圖現在楊需已厚集兵勇力圖進剿西安將

聖學聖方略卷三十四

三

軍扎拉芬已統軍前赴荆襄控制上游副都統常亮總兵孔廣順復分道赴楚隨同楊需夾擊蠢茲小醜不難指日蕩平惟光州所屬光山商城等縣緊與麻城羅田毗連楚省自武漢至黃州並蘄州蘄水黃梅廣濟等處皆有賊蹤防堵尤應嚴密臣職任封圻責無旁貸總期殫心竭慮籌計萬全不敢稍涉大意再准常亮孔廣順

聞
咨所有馬隊官兵已分起渡黃由南陽赴楚其
步隊官兵亦陸續行抵豫境奏入報

二十九日辛卯王懿德奏言准浙江撫臣何桂清

咨稱徽州府城於二月十三日失陷江西饒州
府城於二月初四日復失浙省壤界毗連防兵
單薄請於閩省近浙各營內豫備精兵一二千

聖粵匪方略卷二百二十四

三

名以備調遣等因查該逆垂涎江浙已非一日
現在徽州失守浙省四路可通若不厚集兵力
不足以資保障惟閩省山路崎嶇若俟浙江咨
調再行起程深恐緩不濟急自應即日前往以
壯軍威現於省標暨建甯延平各營內撥兵一
千名派總兵饒廷選參將王煜遊擊高士濬分
別管帶馳赴浙江嚴州府扼要紮營以資援剿

業於三月初八日全數起程再江西饒州府與
浙江衢州相距不遠亦應加意防範臣已飭總
兵富勒興阿督兵嚴防

王懿德又奏言粵匪攻陷江西饒州府後現在
竄擾樂平該縣與閩省建邵兩府壤界毗連僅
隔廣信一府陸路四通八達水程亦相距甚近
防堵萬分喫緊且廣信府暨鉛山縣所轄之河

聖粵匪方略卷二百二十四

四

口鎮均爲入閩要路非重兵防守不足以資保
衛現於建甯鎮標調兵二百名派員管帶就近
馳赴河口鎮防堵又於邵武各營內撥兵二百
名前往廣信府紮營會同防剿奏入

上命軍機大臣傳諭何桂清曰據王懿德奏因聞徽州
警信派令饒廷選王煜高士濬管帶閩兵一千名於
三月初八日起程前往嚴州扼剿約計此時當可抵

浙現在徽郡賊已敗竄浙江兵勇已進剿黔縣嚴州防務似可稍輕而江西之賊由樂平德興擾及弋陽偏近廣信浙江衢州一帶較嚴郡更形喫重雖經王懿德另派官兵前往河口等處仍恐兵力單弱此項赴嚴閩兵自應急援江西為要著何桂清斟酌情形妥為調遣如果徽郡尚須添兵即飭饒廷選帶兵前往會剿儘廣信賊情較緊即調往廣信並可與江西

聖學聖方略卷二百二十四

四

官兵合力進剿饒州何處喫緊即從何處進兵勿得株守一隅

欽定剿平粵匪方略卷一百二十五 乙卯年

四月初三日 乙未 西安將軍扎拉芬奏言臣於三

月二十一日馳抵樊城探得該逆由德安下竄

大股賊匪仍在武漢盤踞現在甘肅兵四百名

已於二十五日由水路趕到樊城其西安滿營

頭起馬隊亦於是日由陸路抵樊二起官兵日

內亦可到齊臣即先帶滿漢官兵一千六百餘

聖學聖方略卷二百二十五

一

員名由樊城起程會同督臣楊需探明賊蹤相機進剿奏八報

聞

同日何桂清奏言該逆自休甯受創後由黔縣

竄陷婺源鄧紹良石景芬於三月初六日拔營

前進訂期會剿鄧紹良於十四日接准向榮照

會紅單各船已斬練上駛應即馳回黃池統率

兵勇移出蕪湖以期水陸夾擊鄧紹良以此舉
關繫東南大局隨帶楚勇彪勇立時拔營一面
知會石景芬等迅速進剿石景芬恐該逆窺我
虛實連夜約會周天受馬永清進攻東門唐寶
昌夏寶慶王夢彪由陸路前進石景芬督同汪
勳由水路前進直逼北門賊卽大隊突出我勇
奮力接仗槍礮齊施斃賊三百餘名該逆全股

欽定剿平粵匪方略卷一百二十五

二

逃竄遂於十五日克復婺城知縣楊裕仁等率
勇入城查看各衙署尙存倉穀未動石景芬暫
在婺源安撫良民再行回郡在事出力之三品
頂戴鄧紹良可否懇

恩賞還提督原銜前任温州府知府常恩可否交軍機
處記名俟服闋後以道員用四川川北營遊擊
周天受擬請以參將儘先升用四川儘先都司

馬永清擬請俟補缺後以遊擊升用先換頂戴
至金華府知府石景芬先後克復四城辦理妥
速而該員自以爲因人成事毫無寸功惟統帶
勇首夏寶慶等兩載從軍甚爲得力該勇首等
由休甯前赴婺源迅速蕙事未便沒其微勞當
飭令彙聚應獎各官紳由臣奏請

恩施奏入

欽定剿平粵匪方略卷一百二十五

三

上命軍機大臣傳諭何桂清曰逆賊竄擾徽郡經官軍
協力攻剿將郡縣城池次第克復此後防堵事宜自
應合徽甯兩府通盤籌畫應如何派撥兵勇扼守要
隘之處卽著妥爲布置並著何桂清諭令石景芬等
勸諭該處紳士辦理團練內絕土匪之勾通外杜賊
匪之窺伺其餘一切善後章程均著隨時奏報江西
省賊匪由樂平德興竄入弋陽浙省衢州情形喫重

該撫前後調派兵勇約共五六千名除留守徽州外
尙敷防堵所有閩省派出官兵一千名卽著該撫飭
令前赴廣信與江西官兵合力攻剿

上諭內閣曰逆匪自休甯竄陷婺源縣城鄧紹良石景
芬督率將弁奮勇夾擊當將縣城克復全股掃蕩勦
辦尙屬迅速知府石景芬先後克復四城奮勇可嘉
著賞給振勇巴圖魯名號三品頂戴鄧紹良著賞還

聖朝聖考卷三十五

四

提督銜知府常恩著交軍機處記名俟服闋後以道
員用遊擊周天受著以參將升用都司馬永清著俟
補缺後以遊擊升用先換頂戴所有出力各員著何
桂清覈實保奏

初四日 丙申 向榮奏言據總兵吳全美副將李德

麟稟報師船自三月初七日攻斷下游賊練全

幫上駛初八日卽由中洲進泊老西口並探有

賊船一百餘隻裝載糧食停泊上三山江面意

圖下竄當會商已革總兵王鵬年派令各船上

攻行抵兔兒磯該逆見我船連檣而上均卽敗

逃我軍當由烈山夾上口抄出大江適吳全美

王鵬年已在芝麻港下面將賊船擊沈十餘隻

當與李德麟會合師船扼勦上游疊獲勝仗現

在該逆圍護賊糧欲竄金陵與陸路賊營犄角

聖朝聖考卷三十五

五

日與師船對江開礮拒敵請飭南北陸路官兵

會剿等語 臣卽調鄧紹良一軍並飛咨江北陸

兵迅出沿江會剿昨據廬鳳道張光第稟稱已

於十五日帶兵移紮夾山關督飭烏衣鎮官兵

並沿江民團分往策應查北岸江浦縣之石磧

橋一帶爲金陵解運必由之路有賊黨在彼攔

劫軍火並欲斷我船糧運該處極關緊要 臣已

檄令張光第就近先赴石磧橋防勦以便水陸
進扼烏江其鄧紹良由婺源折回之兵計程可
到黃池已飛催鄧紹良選帶兵勇並於秣陵關
抽兵千餘名由大營撥兵數百名併歸統帶出
勦江甯鎮三山營一帶會同師船沿江而上其
黃池秣陵等處仍留軍堵守南北兩岸上下皆
有策應庶師船軍火糧餉源源接濟不致爲賊

聖皇聖方略卷一百三十五

六

阻截臣仍催令乘風上勦痛掃賊艘惟我師船
僅四十餘隻四面受敵不可不早籌保護上年
廣東續調之拖督船三十隻紅單船二十隻派
令總兵謝焜統帶早報起程迄今未到此時江
面情形喫緊應請

飭催謝焜統帶拖督紅單各船趕緊來江助勦奏入
上命軍機大臣傳諭向榮吉爾杭阿曰連日進仗情形

各師船甚爲得力大軍沿江上勦必須兩岸陸兵接
應該大臣已飭鄧紹良出勦江甯鎮三山營一帶復
令張光第進紮石磧橋以圖進扼烏江是南北兩岸
官兵均可漸偏江岸與水軍聲勢聯絡此項師船自
回攻九洲後總未遇有順風現在正值風利業已
打過三山江口祇宜有進無退如果因船少無援則
兩岸調撥陸兵或從下游併力急攻均可以分賊勢

聖皇聖方略卷一百三十五

七

著向榮吉爾杭阿妥籌接應務使師船節節上駛突
過梁山以上方能逐漸進勦謝焜所帶紅單各船已
屢次寄諭廣東省飭催迅赴金陵當不至再有延滯
初七日己亥官文載增奏言接署撫臣胡林翼函
稱探聞下游安徽賊匪有回竄楚境之說在武
漢空濠築城爲負嵎計大江以南興國州竄匪
擾及通山崇陽蒲圻各縣雖經官兵截擊賊蹤

仍出沒無常嘉魚賴有水師礮船致未竄出大江江以北分竄賊匪擾及德安自雲夢以至漢川皆有賊匪應城之賊前被官兵擊退現經知縣王頌三會合兵勇將德安賊匪擊敗分逃至雲夢以下督臣楊需分隊跟追不日親督後隊由棗陽前進等語臣等查荊州附近各州縣現均安堵惟協領依西布等挈獲奸細訊供皆假裝買賣前來探信兼欲匿爲內應是該逆意猶窺伺荊州自應益加防範現在賊蹤下竄已飭李光榮等移師仙桃鎮等處會合守備穆租索明等兵勇相機進逼俟督撫臣會合進軍卽當以勦爲防協同攻擊至餉銀萬分缺乏懇

恩飭下各省迅爲撥解俾利進勦奏入

上命軍機大臣傳諭官文扎拉芬楊需曰該逆自小河

聖朝聖略卷二百二十五

八

聖朝聖略卷二百二十五

九

漢竄回武漢本未大受懲創其去而復來固在意計之中楊需退紮隨州其始意原爲援應襄陽今扎拉芬已抵樊城與襄陽一江之隔所帶陝兵卽可由彼直下而楊需留逗棗陽久未據奏報軍情其坐擁多兵徘徊於隨州棗陽之間跡似居中調度實則進退無據現在常亮所帶馬隊早抵南陽計日當可與扎拉芬會合扎拉芬後起官兵想亦陸續趕到卽著該將軍整隊前進與楊需合兵下擊不得任令楊需藉口耽延荊州現雖安堵兵力仍形單薄逆匪詭譎異常難保不尙圖窺伺官文當妥爲防禦力保荆郡所需餉銀現在川陝兩省均有續報起程之款著官文催提到楚與楊需軍營通融分用楊需何日由隨州進兵扎拉芬何時與楊需會合均著速行馳奏

官文載增又奏言三月二十日有賊六七百人

由分水嘴上竄沔陽境內之長埧口蕭蔭恩穆租索期等迎頭接勦斃匪二百餘名賊始敗退臣等查賊已由北下竄但沔陽緊接漢陽漢川誠恐被勦情急復行上竄仙桃鎮爲襄河上游必由之道已飛咨魁玉等分南北兩岸擇要嚴防以扼水路復催李光榮等速卽前往相機進攻漢川奏入報

聖朝方略卷二百三十五

十

同日英桂奏言武漢之賊聞武昌官兵連獲勝仗折回孝感縣楊店地方分爲兩股一股復竄小河溪一股復竄花園其劉綰莊楊家岡小河溪等處均有賊匪羅山縣之九里關喫重賊又由小河溪分竄陳家店距府城三十里劉富成等兵勇接仗失利退至應山縣平林市賊匪偪

近德安應山居民逃避一空查楚北逆匪飄忽靡定豫省緊與毗連各路要隘堵禦不容稍鬆當派參將瑚圖凌額等帶勇五百名馳往羅山縣九里關駐紮並飭南汝光道邊浴禮等帶勇八百名分駐信陽三關協同原派兵勇扼要嚴防楊需尙在隨州據咨俟北路兵到剋期進剿以臣意計馬隊由南陽赴楚必經隨州步隊由信陽出關徑取德安毋須繞道隨州致多紆折且豫省南路邊境並無重兵擬俟孔廣順到信會商將此起步隊於關外鄰近交界地方紮營與邱聯恩互爲聲援一面飛咨楊需厚集各路兵勇再行知照孔廣順訂期齊進痛掃逆氛續調之東省兵勇二千名因豫省勇多兵少已咨照崇恩將東勇一千名截留俾免糜費高唐竄

聖朝方略卷二百三十五

十一

匪計日蕩平應請

飭下僧格林沁俟官兵凱撤時再行酌撥前來以備防
剿至常亮所帶馬隊早經馳抵南陽東省官兵
尚未咨報起程計算到豫與前起相離已遠無
從調換奏入

上命軍機大臣傳諭英桂曰該逆前由小河溪退回武
漢復折回孝感縣楊店地方分股竄擾偏近德安現

聖朝聖略卷三十五

十三

在羅山之九里關及信陽三關情形喫重該撫已派
委員弁添募鄉勇分投防堵尚屬周密其孔廣順所
帶步隊官兵計日可全抵信陽該撫現將此項官兵
暫屯關外與邱聯恩互為聲援並即由信陽出關徑
取德安毋庸繞道隨州致多紆折又因豫省勇多兵
少已將東勇一千名截回當俟馮官屯殘匪盡數殲
除再行酌調官兵赴豫協剿楊需現在隨州已諭令

趕緊進剿惟該督所帶兵勇屢經潰敗恐難得力著
英桂即催令常亮所帶馬隊速赴楊需軍營聽候調
遣仍嚴飭該鎮道等於各要隘加意防備其楚北賊
情仍著確切偵探隨時具奏

初九日 辛 略乘章奏言 臣因胡林翼一軍甚單

當飭守備譔瓊林等帶勇赴鄂助剿嗣因逆匪
勾結興國通山之賊竄擾崇陽通城蒲圻窺伺

聖朝聖略卷三十五

十三

南省之臨湘平江譔瓊林之勇未能即進三月
十六二十兩日賊撲平江北界上塔市營盤 臣
派知縣何忠駿等會合團勇兩次奮擊斃賊三
百餘名賊敗後仍未遠竄現飭各界嚴防至督
臣所慮金口不能駐紮胡林翼等應渡江上扼
漢川以固荆襄門戶奉

諭著 臣悉心籌畫以現在形勢言之江西湖南雖屢被

賊擾形勢猶完湖北安徽皆以重兵討賊勝負
尙未可知設湖北水陸兩軍移紮漢川則長江
千里盡委之賊其將置東南於不顧乎曾國藩
塔齊布水陸兩軍隔在江西前後皆賊聲息中
斷更何有直擣金陵之望此臣所未解者一也
移紮漢川祇能禦上竄襄陽之賊其於荊州並
無輕重逆賊水陸並進荊州門戶何存此臣所

欽定剿平粵匪方略卷二百二十五

十四

未解者二也胡林翼等陸軍卽繞道上駐漢川
水軍無所依附勢非退守監利之螺山岳州之
南津港不可爲湖南門戶計尙未爲失然水軍
旣去則武漢黃之克復無期此臣所未解者三
也督臣動謂賊衆兵單不思廣濟失利之初賊
之尾追督臣者實不過千餘督臣兵勇萬餘亦
未爲少乃退黃州未一日卽退漢口退漢口一

日卽退漢川由此而德安而隨州今且退至棗
陽矣是北竄者賊也引賊北竄者誰乎督臣又
以餉絀爲詞不思自武漢克復後督臣所得之
餉不下二三十萬召募川楚無藉之徒姦淫擄
掠無所不至不知變計仍隨意召募此臣所未
解者四也夫荆襄爲中原門戶而武漢爲荆襄
門戶督臣旣知北竄爲重何以舍武漢不守而

欽定剿平粵匪方略卷二百二十五

十五

徒顧荆襄旣謂上扼漢川可以固荆襄門戶何
以舍漢川不顧而節節退走且胡林翼王國才
等軍若不能克復漢陽又何能繞道進扼漢川
武漢黃德旣均未復胡林翼等縱至漢川亦以
孤軍駐於四面皆賊之地又何能爲荆襄門戶
計乎此臣所未解者五也臣以大局關繫非輕
不得不披瀝直陳奏入

上是之

同日署湖北巡撫胡林翼奏言自正月初七日
賊踞漢陽北岸已形梗塞二月十七日武昌失
陷南岸又復蔓延自當急攻武漢乃可內固荆
襄惟鄂省素稱澤國非舟師得力不能阻遏賊
蹤上年十二月水師三板百餘隻陷入江西內
湖其泊外江者兩次被襲復遭風擊壞急回武

聖朝聖略卷二百三十五

六

漢修理湘南紳局添造新船百餘隻復經署臬
司李孟羣知府彭玉麟招集水勇千餘於三月
中旬趕到金口駕駛甚利即可水陸定期會剿
臣之一軍疊次於漢陽進剿頗傷精銳士氣尙
可策勵臣於到鄂時即遣哨官前往湖南添募
勇二千餘名又經湖南撫臣檄飭守備譚瓊林
帶勇六百名援鄂均於三月二十四五等日到

金口會齊臣思賊踞武昌於城外增修牆濠安
置槍礮其循江各岸尤為賊所嚴防僅由一路
進攻難期得力已密飭守備譚瓊林等帶勇二
千人由金口紙坊驛以攻武昌之背臣率所部
循岸以攻武昌之南與水師會合夾擊副將王
國才等從九江回軍近已添造軍械一律修整
因思漢陽循江一路可以上通沔陽荊州設全

聖朝聖略卷二百三十五

七

軍集於武昌城外專顧南岸則漢陽之賊必更
滋蔓臣即飭王國才等渡江進紮遏賊上竄之
路三月二十四日又進屯沌口沌口山勢可蔽
風濤舟師即依為營約期會剿如果一處得手
仍可併力合攻至西安將軍扎拉芬署提督訥
欽所帶兵勇尙未知行抵何處如能迅赴蔡店
以攻漢陽之西則賊勢既分可期得力臣等各

營雖口糧缺乏斷不敢因此稽延坐廢時日奏
八

上嘉之

初十日壬寅托明阿陳金綬雷以誠奏言三月十

八日臣托明阿督兵由三汊河西岸進剿先以
前隊誘賊賊果出數百人都司富倫布等正與
接仗忽有分股之賊由東面抄我後路遊擊馬

聖朝聖略卷二百三十五

十六

永泰等帶兵迎截殲賊無數我軍陣亡千總董
至善一員二十二日臣等督集民夫趕築土圍
各撥兵勇埋伏以防賊出衝圍日暮收工忽從
西岸出賊數百人沿江繞撲水師總兵陳國泰
督兵開礮賊敗回巢二十三日臣托明阿督西
岸馬步隊臣陳金綬等督東岸馬步隊分路前
進保護築牆逆匪千餘名由王家院竄往虹橋

都司吳奉龍等分隊迎剿該逆死拒不退約斃
賊三百餘人忽西南蘆葦中復出賊二千餘人
我兵奮力迎截副都統德崇額總兵錫綸等帶
隊分路從後抄截忽大雨如注徧地皆水錫綸
身先士卒衝入賊中馬躡墮渠該逆槍矛飛刺
猶躍起揮刀殺賊力竭陣亡時參將羣壽奮勇
往救亦因路滑墮馬中槍殞命侍衛穆克登額
帶馬隊趕到與步隊奮力剿殺賊始遁回瓜州
是日殲賊甚多因深入賊中忽逢大雨致委參
領恩林千總胡其振把總張保寬郭慶成李萬
仁經制外委王甘霖張士奇額外外委高鵬程
與錫綸羣壽同時陣亡應與十八日陣亡之千
總董至善懇

聖朝聖略卷二百三十五

十九

恩一併交部從優議卹二十三日後連日陰雨一俟晴

霽卽與吉爾杭阿約期南北會攻至分築長圍
原期制賊紛竄惟因溝塍環阻非平原可比兼
值農忙多雨未易施工容臣等酌量行止相機
辦理奏入

上命軍機大臣傳諭托明阿陳金綬雷以誠曰此次陸
路官兵經托明阿陳金綬等分東西兩路進攻賊衆
均各敗竄而二十三日之戰鎮將陣亡殲賊雖多得

聖朝方略卷二百三十五

三

不償失且分築長圍意在杜其紛竄惟該處溝塍環
阻非若平原曠野較易施工沿江一面亦恐未能堵
截托明阿等惟有與吉爾杭阿等水陸合攻南北並
舉使逆黨應接不暇庶可搗其巢穴托明阿等務當
悉心籌畫力求制勝之方

上諭內閣曰此次官兵接仗殲賊甚多乃因深入賊中
忽逢大雨致錫綸羣壽等力竭捐軀殊堪憫惻湖南

綏靖鎮總兵錫綸署參將都司羣壽與同時陣亡之
防禦委參領恩林千總胡其振把總張保寬郭慶成
李萬仁經制外委王甘霖張士奇額外外委高鵬程
千總董至善均著交部從優議卹以慰忠魂

十一日癸卯向榮奏言總兵吳全美等稟稱我軍
自三月二十四五等日疊將賊划擊退二十六
日會督各船向三山江面進攻該逆卽出礮船

聖朝方略卷二百三十五

三

數百隻及大拖快蟹礮船一齊來拒並有上河
口及北岸腰蓬洲所泊賊船亦俱擁擁撲來賊
衆十倍於我各師船分幫迎勦將賊船截爲兩
段該逆首尾來包吳全美手燃大礮擊燬大拖
賊船一隻把總郭定猷等躍過賊船砍斃數賊
力奪大快蟹船多隻該逆且戰且退吳全美仍
督船上下環攻先是李德麟督帶拖舂紅單各

船向北岸六塘迎勦該逆賊船一百數十隻賊風來拒並有大拖船一隻與後面多槳快船數十隻尤爲猛烈勇目劉蔣華首先躍過力砍黃衣賊目一名船尸陳超發與各兵勇相繼躍登賊船賊賊二十餘名生擒二十二名適有拖船船趕到協助餘賊撲江淹溺將大拖船卽行奪獲其時王鵬年進攻三山大幫賊艘該逆復放

聖朝聖略卷二百三十五

三

下礮船百餘隻彼此大礮轟打外委鄭榮勳等奮勇衝上擊沈賊船二十餘隻焚燒四十餘隻賊匪焚溺尤衆適吳全美李德麟大幫追勦前來會同三面衝擊逆船支持不住紛紛向香鑪港敗逃查該逆於上河口三山營腰蓬洲一帶水陸屯踞三面圍截我師今紅單等船以少擊多一戰而破二百餘艘並奪礮船多隻斃賊無

算力挫兇鋒吳全美李德麟尤爲出力願懇

天恩將該二員先行交部從優議敘至藍翎兵丁梁正源前次首先斬練奮勇直前與此次奪獲大拖之六品翎頂勇目劉蔣華均擬請

賞給五品頂戴並賞換花翎以水師千總補用所有出力之各船員弁兵勇容臣彙案酌擬保奏現在該逆上游雖有大幫礮船並竄伏夾江快蟹不

聖朝聖略卷二百三十五

三

少經此次懲挫似已膽落臣仍檄飭該鎮將等迅圖攻勦一俟鄧紹良兵出江甯鎮卽會合掃蕩由三山上勦太平梁山一帶水陸並進以期肅清江面奏入

上命軍機大臣傳諭向榮吉爾杭阿曰三山礮臺阻我師船上駛之路非得陸路勁兵不能掃除鄧紹良此時是否已移師至江甯鎮卽著向榮催令由三山一

帶出勦將該逆礮臺攻毀使水師不致阻礙方能上扼東西梁山至上游烏江賊船甚多水師尙未能勦至該處尤須陸路官兵牽制其勢本日和春等奏張光第已進紮張家集於三月二十日得有勝仗該處距向榮前奏之石磧橋遠近若何是否已偏江岸亦著催令迅速扼勦武慶防堵浦口之兵亦當在陸路接應與葉常春等共清洲地並著咨會托明阿等妥

聖朝聖略卷二百二十五

雷

商籌辦此時水師連次得手正宜鼓其銳氣奮勇直上不可再有停頓著向榮等分飭各處江岸一體進偪夾攻鎮江近日攻勦情形未據奏報焦山師船亦著吉爾杭阿催令乘時進勦

上諭內閣曰總兵吳全美副將李德麟激勵兵勇每戰皆捷此次督船進攻大獲勝仗洵屬尤為出力著先行交部從優議敘藍翎兵丁梁正源前次首先斬練

極為奮勇六品翎頂勇目劉蔣華奪獲大拖賊船最為勇往均著賞給五品頂戴並賞換花翎以水師千總補用其餘出力員弁兵勇著向榮歸入前次出力各員內一併保奏候朕施恩仍著向榮等督飭吳全美等統帶師船乘勝上駛以期肅清江面

聖朝聖略卷二百二十五

玉

同日和春福濟奏言廬州城內賊匪防備極嚴必須設法誘出痛勦以圖攻入三月二十一夜問臣等密將奪獲逆匪衣巾旗幟令川楚廣勇假扮賊援於二十二日由南路而來使城內之賊見外援將次到城出巢接應我軍一面出隊迎敵一面於城外潛伏俟其出城截住歸路前後夾攻冀可乘勢襲取詎意該逆祇在城門兩面駐紮僅黃衣騎馬賊數名帶領五六百人向前詰問因語言不符旋即退走我軍奮力擊刺

砍死黃衣馬賊四名官軍趕至城下約斃賊三四百名陣亡藍翎勇目陳章一名二十五日探得焦湖來賊船數百隻逆匪上岸在施口紮營已竄至長樂集有直撲店埠之信已革知府立誠派外委楊金桃勇目吉學盛帶勇攻擊惟勇少賊多楊金桃手刃數賊力竭陣亡藩司畢承昭派兵勇五百名令遊擊舒亮帶往堵禦臣等

欽定剿平粵匪方略卷三十五

美

並派吉順鄭魁士嵩瑞輯順等帶領兵勇馳赴該處逆匪已聞風回營鄭魁士等趕至施口將賊營緊圍賊眾驚潰紛紛越牆逃出官兵乘勝殺入營內之賊殲除淨盡立將賊營平毀查壽春鎮中營外委楊金桃廣東藍翎勇目陳章臨陣捐軀相應請

旨飭部照例議卹奏入

上諭內閣曰廣州逆匪堅守待援經和春等截擊現在外援已絕著卽趕緊圍剿迅圖克復陣亡之壽春鎮中營外委楊金桃廣東藍翎勇目陳章均著交部照例議卹

和春福濟又奏言准秦定三函稱三月十九日舒城大小東門各出賊千餘名分三股前來飭音德布等帶兵勇左右抄擊殺斃多名賊敗入

欽定剿平粵匪方略卷三十五

毛

城二十日大東門出賊數百名兵勇奮殺斃不少二十三日小東門南門出賊千餘分股抄來秦定三督軍擊退二十六七等日派千總聶桂榮等酌帶兵勇於西南城角紮營遏賊出入之路該逆屢次來撲均經擊散又准忠泰咨稱賊竄柘皋後復竄至唐家嘴於東西兩面紮營焚擄二十二日該副都統同李鴻章帶領兵勇

分途進剿我軍冒險搶過外濠拔去梅花椿擲
拋火彈賊眾驚亂各勇槍上賊壘砍倒數人一
齊衝入將東面賊營平毀維時都司珠蘭泰等
進攻西營賊勢過眾由後抄出珠蘭泰及千總
慶隆陣亡伊林布等趕至救應揮令兵勇奮力
圍剿斃悍賊數十名該逆向湖邊敗逃署守備
李光觀帶兵追勦船賊分投上岸接應李光觀

聖朝聖略卷二百三十五

天

登時陣亡伊林布李鴻章督率兵勇迎頭截殺
斃賊數十名賊敗退回船查廬州營都司珠蘭
泰署揚州營守備李光觀候補衛千總慶隆臨
陣捐軀深堪憫惜相應請

旨飭部將珠蘭泰慶隆照例議卹李光觀照守備陣亡
例從優議卹奏入

上諭內閣曰此次秦定三督兵進攻舒城城外賊營殺

賊平壘尙屬得手著和春福濟嚴飭秦定三速將縣
城克復以斷廬州賊援所有力戰陣亡之廬州營都
司珠蘭泰候補衛千總慶隆均著交部照例議卹署
揚州營守備李光觀著照守備陣亡例從優議卹

聖朝聖略卷二百三十五

天

和春福濟又奏言據廬鳳道張光第稟稱探得
水師與賊船接仗卽飭帶兵文武由香泉鎮進
紮距烏江十餘里之張家集二十日突有逆匪
數千人由芝麻港來撲參將李成虎等分路進
勦另股賊匪六七百名隔水排列徐焯縱馬先
渡李成虎追賊過周家集亦躍水而過奮力攻
擊六品軍功王士美隊長胡慶寅楊克順手刃
多賊力竭陣亡尹軒劉玉豹同時趕到督兵衝
殺李翰華等帶勇截勦又斃二百餘名賊眾狂
奔小洪村大洪村我兵踵至另股賊匪五六百

人從烏江來援葉法等在山口擊退大洪村之賊見援賊已潰於村外乘機四竄官軍直追至距烏江三里餘收隊回營臣等查烏江一帶賊船林立雖出隊獲勝足壯軍威惟防禦尤關緊要仍飭晝夜梭巡實力堵禦

同日僧格林沁奏言逆匪竄踞馮官屯伏巢不出臣開挖引河用水浸灌乃該逆所占之處地

聖皇聖方略卷二百三十五

三

勢較高初時殊不驚懼臣當將圍牆培厚加高用水車水機水戽盡力澆灌十數日來圍牆以內高處水深二三尺低處水至四五尺不等現在該逆潛伏之處俱已有水三二尺穀麥雖尙充足半被水浸三月二十日後該逆見水勢日長始行驚慌連次乘夜窺伺向南北礮臺奔撲均經兵勇隨時擊退水勢已經成圍料難潰脫

聞

但李開芳狡悍異常斷不肯束手待斃並據投出兩湖人供稱該逆起造木筏長梯意欲捨死奔撲臣因申諭各營悉力嚴防不准稍涉大意再俟水漲尺餘該逆即須懸釜而炊其時自必情急很關正可乘機奮擊現已向東昌府調撥小船數隻一俟到齊即選擇水兵合力進攻痛加殄洗均奏入報

聖皇聖方略卷二百三十五

三

欽定剿平粵匪方略卷一百二十六 乙卯年

四月十四日丙午曾國藩塔齊布奏言目下臣等

一軍分爲四枝陸路兩枝臣塔齊布駐紮九江羅澤南分剿廣饒相去已在六百里外水路兩枝臣國藩整理陷入內湖之水師駐紮鄱湖李孟羣等回援武漢屯紮金口相去更在八百里外合則力厚分則力薄水軍自去臘十二日輕

剿平粵匪方略卷一百二十六

十一

舟百餘衝入內湖遂與外江老營隔絕正月初三日李孟羣等回援武漢外江之船愈少初五日彭玉麟等因大風壞船全數開赴上游與內湖一軍相去日遠逮至武漢再陷沿江兩岸數百里復被賊踞而金口水軍與鄱湖一軍乃不復能遠合矣今水陸各軍之在江西境內者傷者平復勞者休息羸弱者汰遣添換仍可復去

秋壯盛之氣惟金口一軍與臣等相隔太遠值兩次敗挫三次遭風以未經修整之船禦武漢方張之賊不得一日休息此臣等所深以爲慮者也屢據稟報彭玉麟等回漢之師一面與賊接仗一面修整破船次第完好湖南撫臣駱秉章復以百餘船前往接濟差足重振軍威而陸軍單薄餉項缺乏岌岌乎有潰散之虞論天下

剿平粵匪方略卷一百二十六

二

大勢則武昌據金陵上游爲古來必爭之地論行兵常道則上下皆賊而臣軍坐困於中段亦決非萬全之策是以臣等一聞武昌淪陷即再四籌商思所以爲回剿之計顧回剿之策有難言者潯郡據長江之腰膂宜有重兵駐守其間一經撤退則九江湖口小池口之賊皆肆然無忌內犯江西上竄岳鄂均不可知軍士進則氣

盛退則氣款卽勦辦得手未知何日始能重至九江其難一也現在該逆不特攻陷武漢且窺伺襄樊自金口以下上下江面皆爲賊踞內湖水師若徒株守鄱湖不出江面則保護一隅無濟大局若乘此春漲由湖出江不難於衝出湖口而難於出江之後一軍孤懸四面無依上不能遠合金口之水軍下不能速勦安慶之賊艇

欽定剿平粵匪方略卷一百三十六

三

其難二也湖南用兵已久庫款旣空捐項亦竭本年賊蹤上竄胡林翼王國才等之陸軍李孟羣彭玉麟等之水軍皆仰給於湖南弁勇萬餘嗷嗷待哺臣等欲再率六七千人前往江西旣難於供支湖南更無可籌撥大抵兵勇積習久住不戰口糧尙可展緩若有行役之苦戰陣之危不可一日無餉狡者藉詞鼓譟樸者亦無鬪

心其難三也兼此三端實乏良策刻下分兵往鄂已無可再分若臣等自行回勦則須豫籌兩月之餉臣國藩上年曾奏請四川勸捐助餉頃已委知縣祥麟赴蜀守催餉銀十二萬兩如此項有著卽可恃以爲回勦之用否則姑駐江省境內與其千里馳逐卒以餉匱而致意外之虞又不如堅扼中段保全此軍奏入

欽定剿平粵匪方略卷一百三十六

四

上命軍機大臣傳諭曾國藩塔齊布曰行兵之道合則力厚分則力薄自師船陷入鄱湖賊匪再擾武漢廣饒一帶復有賊蹤竄突該侍郎等水陸兩軍實有不能不分之勢現在金口一軍相隔雖遠昨據胡林翼奏由湖南添船募勇兵威復振曾國藩若竟回勦楚北恐九江湖口小池口之賊勢必內犯江西而塔齊布陸軍亦無聲援至株守鄱湖徒糜軍餉自應乘此

卷漲由湖衝出惟出江後既未能遏合金口水軍復不能速勦安慶賊艇不如仍與塔齊布陸軍會合先行攻克潯郡再圖進取前此曾國藩師船遇風敗挫漂失多隻此時鄱湖師船出泊九江能否保護使無意外之虞惟在該侍郎酌度情形妥為籌畫該侍郎所謂千里馳逐不如堅扼中段所奏不為無見當此上下皆賊總宜計出萬全勿以浪戰失機勿以遲迴

聖朝聖略卷三十六

五

誤事一切機宜朕亦不為遙制該侍郎不可因挫失之餘遂至束手無策仍當激勵軍士踴躍用命謀定後動勿負初心以副委任塔齊布攻勦九江近日情形並著隨時奏報以紓懸系

十五日 丁未 何桂清奏言准衢州鎮總兵富勒興

阿咨會廣信府城於三月二十三日失守玉山

縣城於二十七日失守玉山距常山八十里路

徑紛歧惟以曹會關為門戶該鎮帶兵從開化前赴堵禦二十八日該逆從玉山北門分黨潛竄常山我兵奮力攻擊斃賊多名餘匪仍即竄回該逆又欲由葉姑嶺繞至五里亭再分兩股一抄曹會關後路一攻常山縣城德興城內現有賊匪千餘人其離城二十里外小港地方亦有賊踞常開兩邑萬分喫重如僅顧曹會關一

聖朝聖略卷三十六

六

面非特常山難保即開化亦無應援請添兵策應等情查衢州防兵經臣節次調往不下四千名而常山開化江山隘口至數十處之多散布仍屬單薄所調閩兵一千名經督臣前後截留飭赴江西河口鎮堵禦其省標兵五百名據報於三月二十六日行抵浦城計日內方可趨入江山就近截留並咨督臣將前請豫備征兵一

千名兼程前來接應周天受兵一千餘名現駐徽州可以移緩就急卽飭由威坪赴衢聽候富勒興阿派撥該逆窺伺浙江已久現在逼近浙境必須厚集兵力以資捍衛探聞羅澤南已抵廣信臣已飛札該員分撥勁勇繞赴常山與富勒興阿會同攻剿惟浙江得力將弁兵勇協防徽甯已屬不敷現在衢州軍務惟富勒興阿獨

欽定剿平粵匪方略卷一百三十六

七

當一面此外無可調派臣已函商向榮請於金陵鎮江大營抽撥勁旅二千來浙助剿以壯軍威奏入

上諭曰羅澤南已抵廣信自可追剿免致蔓延至省城一切暨撥兵籌餉汝之責無旁貸尤應迅速妥辦

十六日戊申楊需奏言臣自棗陽起程檄署提督

訥欽進駐德安聞西安將軍扎拉芬已抵襄陽

卽飭會合籌商進剿據報三月二十七日有另股賊匪由下游竄至楊店已於二十八日復竄德安施鴻恩等急回德安戰於陳家巷等處未能獲勝賊竄入城並分竄應山縣屬之平林市施鴻恩等恐其徑竄隨棗卽開道馳赴馬平港堵扼訥欽仍駐隨州三十日賊竄隨州之洛陽店經署隨州知州嚴樹森派軍功張華封等分

欽定剿平粵匪方略卷一百三十六

八

路圍剿拾斬殆盡四月初二初三等日扎拉芬常亮先後進駐隨州營於東望城岡探聞德安賊匪盤踞城中近城各路均有賊設卡拆橋安置木椿聲言西竄安陸北竄襄陽蓋欲牽掣我兵東下之策臣通籌大局武昌漢陽賊匪經撫臣胡林翼進駐石嘴副將王國才進駐沌口李孟羣水師分駐兩岸已得進攻之勢若北岸兵

勇進至蔡店夾攻必能得手乃該匪惟恐北路之兵會合夾擊特分股上竄使我軍多所兼顧若專攻德安相持日久適足遂其牽掣詭謀且月餘淫雨河湖並漲德安以下如應城孝感黃陂等處一片汪洋非船莫渡惟有分兵兩路一由隨州進紮楊店孝感一帶以攻德安一由京山以西沿襄河進逼漢口兼防襄陽擬令常亮

聖朝聖略卷二百三十六

九

惟孔廣順一軍初二日行抵信陽經河南撫臣英桂奏請暫留楚北兵勇屢挫銳氣未復專盼北路援兵協勦且河南尚有續派之步隊二千人不日到防堵似已敷用應請飭下英桂即令孔廣順迅速來楚以資厚集奏入上命軍機大臣傳諭楊需曰逆賊竄踞德安意圖久踞乘間北犯該督請以常亮訥欽楊昌泗等所帶兵勇出應山進攻德安而令孔廣順扎拉芬與該督現帶兵勇沿河進勦漢川意在先復武漢以攻賊之所必救惟訥欽在德安曾經失利致賊入城未可深恃扎拉芬孔廣順多係生力官軍以之進勦儘可得力若該督再同往漢川則德安踞賊非上犯荆襄即襲漢川官軍之後殊非善策楊需著毋庸前赴漢川即由隨州星速進兵督同常亮等先復德安將內河之賊

聖朝聖略卷二百三十六

十

自盡致逃顯戮假以愛其才幹諭令一併投誠
乃該逆仍觀望不出十二日以前陸續投出兩
湖等處人二百二十二名逐一查看尙係真心
來歸自應仰體

聖主好生之德寬其一綫當卽收錄臣豫料李開芳必
藉此另生詭謀當與德勒克色楞西凌阿等嚴
密防範該逆果於十三日令夥匪一百四十餘

聖朝聖略卷三十六

十三

名夾溷在平高唐難民數十名齊出投降並有
李開芳心腹僞先鋒黃大漢卽黃近汶一同投
出臣仍佯爲收撫將投出之人全數渡出除在
平高唐之人嚴看外其餘一百四十餘名全數
誅戮籌計李開芳見詐降之人均將渡出重濠
必以爲墮其術中隄防或懈遂密傳令齊隊進
攻詎該逆防守如常我軍僅逼近該逆土塹燒

燬賊窩鋪數處仍未能搗穴擒渠十四十五等
日兵勇奮攻大礮轟擊該逆萬分窮蹙仍敢求
讓一路逃往南省再不北犯等語當卽一面呵
斥不准一面督令兵勇極力圍攻該逆勢不能
支於十六日全行投出就擒除將該逆李開芳
及曾受僞職之黃懿端謝金生並李開芳親隨
李添佑譚有淮韋名傳曹得相劉志瀛等八名

聖朝聖略卷三十六

十四

卽派貝子德勒克色楞已革侍郎培成天津道
張起鵷檻解赴京交惠親王辦理外其餘逆匪
一百餘名悉數正法其被擒收錄復投賊巢之
僞土將軍劉子明一犯情罪尤重當卽凌遲處
死臣仍督飭各營兵勇前往逆窟嚴密窮搜並
無一名漏網再此股竄孽旣經蕩平現統各營
除受傷患病必須遣回休養外其餘官軍並



誠義勇尙可挑選精銳臣擬卽督帶赴南協勦
惟江南皖楚近日何省待兵尤殷不能深悉亦
未敢專擅伏乞

訓示遵行其應行遣撤之兵擬先飭令起程挑贖投誠
義勇酌給川資給予免死護照分遣回籍各安
生業所有在事出力文武各員可否由臣量請
獎敘之處出自

聖恩匪方略卷二百三十六

十五

天恩奏入

上命軍機大臣傳諭僧格林沁曰馮官屯逆匪窮蹙之
餘猶思負隅久踞經該大臣等勦力同心勦除淨盡
並將首逆李開芳等檻送京師現在北路肅清僧格
林沁卽請督兵南下足見忠勇之誠惟該大臣督兵
勦賊已歷年餘辛勞倍著朕嘉尙之餘實深眷念僧
格林沁著卽馳驛來京陛見所有各營官兵及投誠

義勇自應分別留撤惟現在兵勇究有若干
所挑精銳兵勇及應行裁撤各數目著詳細查明迅
速覆奏西凌阿仍著統帶各營酌留兵勇暫行駐紮
馮官屯聽候諭旨

上諭內閣曰此股逆匪由高唐竄踞馮官屯經僧格林
沁等疊次殲勦引水圍困連日用礮轟倒賊巢房屋
該逆計無所施於十三日遣夥匪百餘名瀕入難民

聖恩匪方略卷二百三十六

十六

內擁出梟水奔降並有逆首李開芳心腹僞先鋒黃
大漢一同投出我軍將逆衆全行渡出除在平高唐
難民外賊匪一百四十餘名盡數伏誅我軍遂逼近
土塹焚燬賊窟擒獲賊匪十名十四十五等日兵勇
用大礮轟擊該逆萬分窮蹙我軍奮勇向前生擒逆
首李開芳及受有僞職之黃懿端等八名餘逆百餘
名盡行正法其前次投入賊巢之僞土將軍劉子明



一犯同時擒獲凌遲處死窮搜餘匪並無一名漏網實足以伸國法而快人心科爾沁博多勒噶台親王僧格林沁自授為參贊大臣後督師勦賊均合機宜忠勇之誠深堪嘉尚前此殲滅連鎮賊匪即迅速移兵圍剿高唐迨匪竄踞馮官屯堅匿不出復多方設法將逆黨首要各犯悉數殲擒北路一律肅清厥功甚偉前經賞給親王著加恩世襲罔替並賞坐肩輿

聖朝聖考卷三十一

七

伊兄二品頂戴台吉琅布林沁著賞給輔國公伊弟四等台吉崇格林沁著賞給二品頂戴並賞戴花翎貝子德勒克色楞前在勝保軍營未能迅速奏功本有應得之咎自隨同僧格林沁幫辦軍務後極知奮勉克成厥功著賞給貝勒銜並賞戴三眼花翎察哈爾都統世襲輕車都尉西凌阿幫辦軍務疊著戰功著賞給三等男爵所有在事出力文武各員並著僧

格林沁等查明保奏候朕施恩現在馮官屯逆賊全數蕩平著僧格林沁挑選精銳官兵分起南下該大臣即馳驛來京陛見以慰廑懷

上又諭內閣曰現在馮官屯賊匪悉數蕩平北路一律肅清奉命大將軍惠親王總理巡防一載有餘勤勞懋著著交宗人府從優議敘惠親王之子奕詳著賞戴寶石頂奕詢奕謨著賞給頭品頂戴均著加恩在

聖朝聖考卷三十一

八

上書房讀書以昭優眷巡防王大臣除恭親王奕訢侍郎穆蔭杜翰業經加恩外吏部尚書花沙納都察院左都御史聯順戶部左侍郎羅惇衍著一併交部從優議敘前戶部尚書孫瑞珍著交部議敘

上又諭內閣曰現在馮官屯逆匪全數蕩平北路一律肅清軍機大臣贊襄軍務夙夜勤勞允宜分別加恩以昭優眷恭親王奕訢著交宗人府從優議敘尚書

彭蘊章侍郎穆蔭杜翰均著交部從優議敘侍郎瑞麟著交部議敘致仕大學士祁寯藻前在軍機大臣上行走懋著勞勩著一併交部從優議敘其滿漢章京各員均著交部議敘

上又諭內閣曰本日接遞捷報之奏事官松齡著賞戴花翎兵部捷報處郎中扎克丹布著賞戴花翎主事松秀筆帖式寶章均著賞戴藍翎

聖學聖略卷二百三十六

十九

臣等謹案京師者天下根本也畿輔者京師屏藩也屏藩無警斯根本不搖溯自粵逆倡亂勢漸蔓延兩湖三江猝遭蹂躪嗣由皖而豫而晉擾及畿甸我

文宗顯皇帝獨操廟算倚任親賢高唐連鎮以次掃除至是而河朔肅清畿疆安謐聲威所懾無復有一騎敢越黃流然後宣力諸臣得以顯事

東南草薶而禽獮之曾不十稔元惡大憝悉就削平始知

神謨廣運指示周詳實有以基底定之勳而奠金湯之固也

同日吉爾杭阿奏言准浙江撫臣何桂清函稱江西玉山縣於三月二十七日失守二十八日賊竄常山交界之河安嶺為浙兵擊退另有大

聖學聖略卷二百三十六

二十

股將由間道徑犯常山請兵援應等因查江浙唇齒相依浙江稍有挫失蘇州即行震動實關東南大局當於無可抽撥之中酌調現駐丹陽之浙江副將王楙管帶浙江兵八百名以總兵都隆阿為統帶先行馳回聽候何桂清調遣一面會商向榮在江甯軍營抽撥都司虎坤元管帶川兵五百名臣又在鎮江軍營抽撥參將魯

占鼇管帶川兵五百名以總兵虎嵩林爲統帶於初七初十等日分起進發又接浙江撫臣來函知該逆聲東擊西繞出常山之後於三月三十日攻陷開化縣四月初二日擾及遂安需兵甚急臣當催虎嵩林都隆阿無分兩夜迅速遣行以資援應至蘇州省城爲根本重地切近浙江必應嚴爲之備正會商怡良設法籌防接准

聖皇聖考卷二百三十六

三

向榮咨會已另派提督鄧紹良管帶湖南精兵四百七十名督同虎坤元所帶川兵五百名都隆阿所帶浙兵八百名馳赴浙江勦辦其虎嵩林督同魯占鼇所帶川兵五百名應暫留蘇州藉資彈壓等因臣仍確探浙省情形妥籌布置奏入

上命軍機大臣傳諭向榮怡良吉爾杭阿何桂清曰逆

匪於旬日間連陷三城衢郡距杭不遠水路一帆可達必應於衢嚴一帶進兵堵剿以杜其奔竄之路吉爾杭阿已飛催虎嵩林都隆阿等帶兵趕緊赴浙向榮亦另派鄧紹良管帶湖南精兵赴浙援剿惟前據何桂清奏富勒興阿現駐兵常山之五里亭防兵尙單羅澤南早抵廣信是否已撥兵會剿駐徽之周天受川兵是否赴衢均著何桂清迅卽飭催會同截留

聖皇聖考卷二百三十六

三

之閩兵並金陵鎮江所撥勁旅合力兜勦務將攻陷開化之逆匪悉數殲除斷不可稍事遷延蘇州兵勇較單魯占鼇所帶川兵卽令暫留蘇州藉資彈壓仍著怡良吉爾杭阿嚴飭署藩司楊能格等認真督辦團練嚴查奸宄豫籌防守以期有備無患

同日向榮吉爾杭阿奏言鎮江近城廟宇民房雖被賊焚燬牆垣未倒既阻我兵進擊之路該

逆轉可恃爲埋伏。臣吉爾杭阿於三月二十一日會同余萬清等督隊前往拆毀適瓜州金山之逆渡江會合鎮城逆匪傾巢來撲我兵槍礮齊施擊斃賊匪不計其數賊始狂奔近城未倒牆垣我軍盡行拆毀四月初九日該逆突出南門意圖割麥經參將周兆熊帶兵擊退田麥未被搶割其自京峴山至象山空濠築牆工程官軍趕辦完竣將總兵泊承陞所帶拖罾船十隻移泊象山並派參將台斐音帶領兵勇附牆紮營杜賊東竄南路自板兒橋至觀音山亦有隙處現並續築濠牆其城之西南隅有虎頭摩旗兩山相連距城僅半里擬俟南路濠牆告竣卽抽兵在兩山紮營高築礮臺向城內轟擊該逆雖欲負隅勢亦不能至銀山當江甯鎮江之衝

聖皇聖略卷二百三十六

三

該逆於山北聯營死守其山南離九華山僅三四里擬俟虎頭摩旗二山營盤築定再行設法槍占

向榮又奏言查師船自斬練攻出上游亟盼陸軍會合進攻今吳全美等師船於四月初四日進攻上三山續獲大勝適鄧紹良之兵已到江甯鎮於初六七等日堵剿順利疊報克捷足壯軍聲其北岸江浦之石磧橋已經盧鳳道張光第分兵出堵亦俘斬腰蓬洲鼠匪多名所有師船糧餉軍火卽可由南岸江甯鎮陸營解運接濟惟三山賊黨嘯聚賊船未盡掃除亟應趕緊夾攻悉行掃蕩然後水陸並進方無後顧之虞臣已嚴飭吳全美等和衷共濟併力進攻直赴上游肅清江面

聖皇聖略卷二百三十六

三

向榮又奏言接據何桂清函稱浙省情形危急非有勇敢大員不足以資統率因檄令鄧紹良統帶湖南兵五百名由江甯鎮兼程赴浙已報於十一日起程其江甯鎮諸軍現當攻勦喫緊臣復抽撥前敵貴州兵五百名交總兵德安帶往接應與師船會剿三山以免顧彼失此嗣接吉爾杭阿函稱復調虎嵩林川兵五百名赴浙

聖朝聖學卷一百三十六

五

援應臣思浙省兵勇添撥本已不少又有鄧紹良前往統帶足以力遏兇鋒而蘇州接壤浙江風鶴時驚應即將虎嵩林一軍截留蘇州駐紮以安人心惟金陵之兵日分日少設該逆分股竄突堵剿力有難周一俟馮官屯歲功仰懇飭調吉林馬隊一千名步隊二千名來南俾資助剿奏入均報

聞

同日陳啟邁奏言據撫州府知府林福祥等稟稱三月初四日賊匪竄入弋陽境內直撲縣城署弋陽縣知縣王蘭會督兵勇守禦因城垣坍塌被賊由北門撲入城內浙江遊擊常海所帶浙兵六百名初四日已過貴溪林福祥邀令折回會勦常海以舟行已入弋陽境內一經退回

聖朝聖學卷一百三十六

五

恐被賊襲擬擇地紮營再籌會勦初六日船至葉家壩誤聞傳言賊匪無多該遊擊即率其子六品軍功吉慧出隊行至大水橋見逆匪遙擁來拒各弁兵施放槍礮斃賊四百餘人追逐過橋詎賊伏齊起四面圍裹常海吉慧均力戰陣亡弁兵亦傷亡過半臣隨咨會曾國藩飭催羅澤南等軍兼程前進茲據羅澤南林福祥會稟

湘勇於十七日抵貴溪十九日羅澤南會同林福祥由貴溪進駐水門埠廣信府知府袁泳錫繞赴河口自上游兜勦而下二十日羅澤南與知府李續賓帶湘勇爲頭隊從九品蔣益澧知縣唐訓方帶訓字營爲二隊林福祥同趙如勝率捷勝軍爲三隊已革知縣文明等率寶勇爲四隊訓導鍾世楨等率志同等軍爲五隊齊向

聖朝軍方略卷一百三十六

三

弋陽進發前隊至大水橋突見賊匪三四千人至橋南五里亭下李續賓帶勇堵截大水橋羅澤南帶勇由橋北陳家山冀抄賊尾該逆復以四五千入出弋陽北門來抄我軍之後羅澤南飛飭蔣益澧唐訓方協同林福祥趙如勝督勇往堵北門之賊以中營攻瓦夕橋之賊槍礮之後繼以刀矛斃賊不計其數餘賊由西門外之

江西橋入城賊之在五里亭者因瓦夕橋賊敗官兵追至江西橋無路可歸李續賓遂由大水橋而上羅澤南從上截之殺斃百餘人賊衆由五里亭之南沿河上竄溺斃無數賊之出北門者蔣益澧唐訓方先到奮擊林福祥趙如勝督同戴正才等繼至共殲賊匪百餘人賊衆復全力來撲其由北門出者以萬計直抵陳家山下

聖朝軍方略卷一百三十六

三

大松林內分作三股李續賓禦於松林之南唐訓方副之羅澤南禦於松林之北蔣益澧接應賊屢衝突我軍乘其氣竭一呼而進力斬執旗賊數十名餘俱潰敗是日殺斃焚斃溺斃之賊不下三千餘人湘勇把總張以德千總易傳武喻能益均受礮傷殞命二十一日羅澤南李續賓督同蔣益澧唐訓方攻西門林福祥趙如勝

督同文明等攻東門該逆猶閉門相抗時廣信府知府袁泳錫自上游馳至率同弋陽縣知縣王蘭併力圍攻湘勇先登各軍繼入收復城池擒獲長髮賊二百餘名追獲三百餘名等情臣查弋陽股匪妄冀攻撲郡城梗塞江浙要道經該道羅澤南等分隊進攻兩獲大勝克復縣城勦辦洵為妥速在事出力員弁兵勇容臣查明

聖朝聖方略卷二百三十六

三九

額懇

愚施至敗逃餘匪由北門竄出該處路通德興樂平已令羅澤南等迅速跟勦饒州都昌之賊前擬令都司吳錫光先攻都昌次攻饒郡茲恐弋陽敗匪竄饒攻之難克已飭吳錫光迅趨饒郡俟羅澤南到彼會勦以分九江匪勢署弋陽縣知縣王蘭被匪攻撲入城咎有應得相應請

旨將王蘭即行革職廣信府知府袁泳錫失守屬境例有處分業經協同收復功過相抵應請免其置議副將銜浙江處州左營遊擊常海力戰陣亡合無仰懇

天恩照副將例議卹其子六品軍功吉慧及湘勇把總張以德千總易傳武喻能益並請交部從優議卹奏入

聖朝聖方略卷二百三十六

三九

上諭內閣曰江西饒州賊匪分竄弋陽經甯紹台道羅澤南知府李續賓等分隊進攻勦辦尚為奮勉仍著陳啟邁督同該員等跟勦將逆匪悉數殲除署弋陽縣知縣王蘭被匪破城咎有應得著即行革職廣信府知府袁泳錫協同收復地方功過尚足相抵著免其置議浙江處州左營遊擊副將銜常海屢立戰功今在途次陣亡深堪憫惜著照副將例議卹其子六

品軍功吉慧把總張以德千總易傳武喻能益著一併交部從優議卹

陳啟邁又奏言據武甯防堵委員林懋勳等稟稱二月十七日興國州賊匪千餘名竄至紐絲嶺林懋勳商令馬占魁帶兵駐紮芭蕉地方防守二十都要隘林懋勳親率團勇一千餘名於十八日馳抵紐絲嶺圍剿殺賊四十餘名焚燬

聖朝方略卷二百三十六

三

賊營六座三月初一日賊匪二千餘人竄至路口地方林懋勳馬占魁率兵勇往剿賊眾列陣山頂林懋勳等同時並進該逆礮石齊下我兵無一退卻協力衝殺逆眾奔潰追逐十餘里殺賊一百數十名初四日逆黨三千餘人分三路來撲我營林懋勳等督同把總汪長春等帶勇迎勦行抵大富地方見賊眾漫山而至林懋勳

激勵士卒勇往直前槍礮齊施斬偽丞相劉崇

昆葉佳汝等於陣賊不能支我軍追勦數里計

轟斃賊匪二百六十餘人殲斃三百八十餘人

餘匪逃回興國州等情查賊匪復擾興國通山

等州縣經林懋勳遇事身先不避艱險屢著戰

功不無微勞足錄查林懋勳前因被參革職合

無仰懇

聖朝方略卷二百三十六

三

天恩准其開復原官遇有知府缺出不論繁簡儘先補用以示鼓勵其餘出力傷亡弁兵紳勇查明另行覈辦奏入

上諭內閣曰已革知府林懋勳於逆匪竄擾武甯等處先後帶勇勦捕將賊匪擊退尙屬著有微勞林懋勳著准其開復原官遇有知府缺出不論繁簡儘先補用以示鼓勵

欽定勦平粵匪方略卷一百二十七 乙卯年

四月十九日 辛亥 崇恩奏言臣於上年五月由德

州追賊至高唐州城外紮營親率各員躬冒矢

石奮勇爭先並遴委幹員稽查營務收支糧餉

襄理文案計至今年二月收復州城閱時十月

之久在事各員未便沒其微勞又善後事宜經

臣派定文武員弁會同該州次第舉行追賊竄

聖皇聖略卷一百二十七

一

至馮官屯後各將弁隨同圍勦均極奮勉現在

大功告藏可否容臣擇尤分案請獎之處出自

天恩奏入得

旨允行

同日

上命軍機大臣傳諭僧格林沁曰昨據僧格林沁奏各

營官兵及投誠義勇分別撤留已諭知該大臣將兵

勇數目及應挑應撤各數詳細具奏因思投誠義勇

人非一省良莠難齊其中真心悔罪奮勉立功者固

不乏人而勢蹙求生仍懷反側者亦復不少該大臣

駕馭有方自不至別有他患以後管帶之人即恐寬

猛兩難易滋流弊況此項義勇南人居多儻帶往南

省而有劉子明之類溷雜其中尤為可慮現在該大

臣如何挑選其挑選之後是否分隸各營抑仍令自

聖皇聖略卷一百二十七

二

為一隊應如何約束以餬其氣誠信以結其心即著

該大臣於回京之先豫向管帶各員密授操縱機宜

方為妥善或即分隸營伍使散而易制將來即令充

補各營缺額亦屬安插之一法至挑贖之勇昨據聲

稱酌給川資給予免罪護照遣發回籍其是否呈繳

軍械未經敘及儻該勇等原籍尚為賊踞或回籍後

並無生業可謀又恐流而為匪加以結隊同行或恃

有免罪執照沿途騷擾亦不可不防兼恐該勇等在北路軍營日久一旦投入賊營或熟悉道路或洩漏虛實尤屬可慮該大臣務於解散之中熟籌鈐制之法不可稍存大意

二十二日 甲寅 會國藩塔齊布奏言據羅澤南會

同林福祥稟稱三月十九日自貴溪拔營至水門準二十日向弋陽進發羅澤南與李續賓帶

聖皇集略卷二十七

三

湘勇中右兩營爲前隊蔣益澧帶湘勇左營唐訓方帶訓字營爲二隊林福祥與趙如勝率捷勝軍爲三隊文明等率寶勇爲四隊訓導鍾世植等率志同等軍爲五隊各以六成隊迎敵留四成隊保護輜重於二十二十一等日由大水橋至五里亭陳家山等處與賊接仗疊獲大勝進攻弋陽縣城西北兩門嗣復環攻東門先後

斃賊數千名賊衆敗潰其在城者猶閉城自固湘勇先登諸軍繼入當將弋陽縣城克復等因查廣信爲江西富饒之區奏報必由之路保全廣信則內可以屏蔽撫建外可以進攻饒州茲幸仰賴

天威弋陽股匪就戮大挫兇鋒卽當跟蹤追勦肅清江西東路以期漸徧皖境此次出力員弁容臣等

聖皇集略卷二十七

四

擇尤奏請獎敘以資激勸藍翎候補把總張以德候補千總易傳武喻能益奮勇捐軀懇

恩飭部照陣亡例議卹傷亡兵勇查明照例辦理奏入上諭內閣曰前據陳啟邁奏官軍克復弋陽已降旨將陣亡之遊擊常海並把總張以德等分別議卹本日據會國藩塔齊布奏甯紹台道羅澤南等各帶兵勇連獲勝仗現在跟蹤追勦等語所有此次出力文武

員弁著曾國藩等擇尤保奏

曾國藩又奏言自咸豐二年粵匪竄鄂迄今不滿三載而全軍覆潰大敗者五次其間小敗小潰不可勝數二年十二月初四日粵匪以地道轟破武昌城垣逆旗猶未登城而城內外兵勇已狂奔潰散是為第一次大潰三年春間署督臣張亮基等招復潰兵添招練勇稍有起色九

聖朝方略卷一百二十七

五

月十三日田家鎮失防水陸兵勇同時回奔是為第二次大潰其時臣函致前督臣吳文鎔謂鄂省之兵視奔潰為故常如再行收集必須改絃更張另募額兵另招練勇而後可以成軍吳文鎔未及更改即被崇綸劾倉卒出師四年正月十五日十三營均被踏毀將弁兵勇盡數逃散是為第三次大潰崇綸青麀等復收潰兵

並廣募湖南四川之勇支持數月餉盡援絕六月初二日奸細竊發賊旗擁入會垣青麀率兵奔赴湖南沿途逃散大半是為第四次大潰臣與提臣塔齊布等奉

命東征幸復武漢督臣楊需復收潰兵又招湖北河南之勇數近三萬兵力不為不厚楊需屢次奏咨亦自敘其戰功之多士卒之勁意謂可簡練精

聖朝方略卷一百二十七

六

銳頓改舊觀矣不圖廣濟一敗退至蘄水退至漢口又退至德安棗陽兵勇或從之以行或遇敵不歸是為第五次大潰夫古今所以激勵軍士者重賞以鼓好勝之心嚴刑以誅奔潰之卒故可用也今湖北兵勇既不好勝又不畏刑若因循不改其可慮必更有甚於今日者亟宜變易前轍掃除而更張之凡標兵之求歸營伍者

一概不收凡練勇之曾經敗潰者亦不復用大抵山僻之民多犷悍水鄉之民多浮滑城市多游惰之習鄉村多樸拙之夫故善用兵者嘗好用山鄉之卒而不好用城市近水之人臣愚以爲欲另募湖北額兵宜在襄陽鄖陽等屬深山窮谷之中招寒苦力作之民擇其英鷲者編入兵籍假以時日而訓練之與武漢德安等府遠

欽定剿平粵匪方略卷一百二十七

七

相隔絕使向來之潰兵潰勇浮游無歸者不得改名溷入然後可得一旅之勁兵古之行軍者克一二名城不以爲喜得一二良將數千精卒則以爲大喜失一二名城不以爲憂失一二良將損傷數十壯士則以爲憂卽素稱精銳之師或積勞而疲或餉匱而散或不和而驕蹇則愈引以爲憂今日湖北之事省城不遠收復尙不

足患惟通省無一勁兵精卒乃爲無窮之患雖調他省之兵幸而克復而本省無強兵守之亦終非可久之道故湖北之急務在於另募額兵另招新勇目前之收復鄂垣在此異日之保守楚疆亦在此上年二月間臣具奏江北宜添兩路勁兵外一路沿江岸而下內一路由蘄廣而出宿太請

欽定剿平粵匪方略卷一百二十七

八

飭袁甲三募壽州光州之勇出漢黃之背不知皇上已俯准施行否如未蒙

俞允則江北千里極爲空虛無論江面不能清武漢廬州不能復卽使饒倖而肅清恢復而流賊四散旁出橫逸截我後路已清之江面不旋踵而梗塞已復之城垣不旋踵而復失去冬之事卽前車之鑒伏乞我

皇上慮念南服

神算獨操縱袁甲三不克西上亦懇

飭籌一支勁旅疾出黃州之背並請

飭下湖北督撫另立新軍將前此潰兵潰勇一概革除

蕩滌舊習重振軍威使江之北岸得兩路足恃

之兵可合可分可內可外不特有益於大局即

臣等南岸之陸兵上下兩處之水師亦皆得所

聖皇聖學卷二百二十七

九

憑藉有恃不恐矣奏入

上命軍機大臣傳諭楊需胡林翼曰武漢等處屢遭蹂

躪可見該省兵勇毫不足恃曾國藩等克復武漢後

楊需收集潰兵並招募楚豫之勇為數不為不多乃

廣濟一敗幾不復振此時必應簡練士卒力挽從前

積習惟該督所帶楚北兵勇甚多一時恐未能即行

裁撤另募新兵全在該督等嚴飭帶兵將弁挑選精

銳裁汰疲羸申明紀律信賞必罰庶可轉弱為強其

首先奔潰之卒即應處以軍法不得稍存姑息據該

侍郎奏稱襄陽鄖陽民風樸拙招募該處鄉勇自可

得力其宜昌荊州等處當亦可招募以資攻剿前經

諭令該督督同常亮等先復德安節節進剿此時孔

廣順所帶步隊官兵諒已抵楚此項勁旅尙屬可恃

著即懷遵前旨迅速進剿毋再遷延胡林翼添募水

聖皇聖學卷二百二十七

十

陸兵勇分布南北兩岸進剿能否得力著加意察看

分別淘汰現在武漢等處如何攻剿情形並著隨時

奏報

二十三日 乙卯 僧格林沁西凌阿奏言 臣等遵查

馮官屯軍營兵勇除哲里木盟等官兵共一千

三百餘員名均經遣撤現存京旗吉林黑龍江

綠營官兵六千餘名投誠義勇三千餘名 臣等

飭知各統領將傷病老弱官兵詳加查驗擬卽遣撤歸伍餘存官兵均交臣西凌阿統帶暫在馮官屯聽候

諭旨並將投誠義勇內直隸山西山東河南之民三百二十四名先行給與免罪執照賞給川資分遣回籍各安生業其兩湖等處義勇查有籍隸湖南之候選知府劉衡籍隸湖北之宣化鎮遊擊

聖朝聖略卷二百二十七

十一

徐廷楷二員歷練可靠當經札委該員等管帶卽日起程前赴湖北交督臣楊需軍營調遣臣僧格林沁定於二十二日帶同副都統綿洵侍衛縹關赴京跪聆

聖訓並將隨營之巴圖魯侍衛等一併隨帶回京至副都統那敷德托雲保魁福總兵經文岱均年踰六旬應請

飭令各回本任以示體恤其隨營各處糧臺直隸糧臺

擬卽裁撤暫留順天糧臺通永道海瑛會同山東糧臺兗州府知府葉圭書辦理支應奏入

上命軍機大臣傳諭西凌阿曰僧格林沁奏馮官屯現存京旗兵若干名吉林兵若干名黑龍江兵若干名

聖朝聖略卷二百二十七

十二

綠營兵若干名暨何省何營統計馬隊若干步隊若干著西凌阿分晰開單詳細具奏現在馮官屯軍務告竣直隸糧臺著卽裁撤其現存官兵著暫留順天糧臺通永道海瑛會同山東糧臺兗州府知府葉圭書辦理支應

僧格林沁西凌阿又奏言馮官屯各營文武歷次進攻晝夜防守著有微勞業蒙

恩准擇尤保奏謹將尤為出力各員分繕清單恭呈御覽再訓導劉硯田俊秀劉清溪自備資斧醫治受傷

兵勇痊愈千餘人亦應量予鼓勵可否將劉硯

田以訓導遇缺卽補劉清溪以縣丞選用之處

出自

天恩奏入

上諭內閣曰僧格林沁等奏馮官屯勦賊尤為出力各

聖朝聖略卷三十七

十三

員懇請獎敘乾清門頭等侍衛綢閣護軍參領舒保

均著賞給副都統銜遊擊薩爾善著以參將儘先升

用千總伊靈阿著免補千總以守備儘先升補先換

頂戴千總李永春著賞加守備銜遊擊范維清守備

文鎔千總馬丕基把總吉爾哈奔外委楊文浩高得

順均著賞戴藍翎外委王永太著以把總升用並賞

戴藍翎理藩院員外郎扎克丹著賞戴花翎都司銜

施紹恆守備銜周隆亭均著賞換花翎勇目陶洪順許錫九均著賞戴藍翎訓導劉硯田著以訓導遇缺卽補俊秀劉清溪著以縣丞選用

上又諭內閣曰僧格林沁等奏請將軍營出力官員酌

量獎勵著照所請健銳營副將前鋒參領官福遇有

前鋒參領缺出卽行坐補前鋒校湍多布額外前鋒

校雙興均著遇有委前鋒參領缺出卽行坐補額外

聖朝聖略卷三十七

十四

前鋒藍翎長豐伸圖遇有前鋒校缺出卽行坐補以

上四員均著先換頂戴外火器營委烏槍護軍參領

松桂遇有副烏槍護軍參領缺出卽行坐補烏槍護

軍校魁祥遇有空花翎缺出卽行坐補烏槍藍翎長

特克什布遇有烏槍護軍校缺出卽行坐補以上三

員均著先換頂戴以示獎勵

上又諭內閣曰江甯副都統綿洵金州副都統增慶伯

都訥副都統魁福巴里坤總兵經文岱均著交部從優議敘副都統托雲保齊齊哈爾副都統那敷德吉林副都統麟瑞均著賞戴花翎

僧格林沁西凌阿又奏言馮官屯逆匪掘地潛伏我軍難於偏攻籌挑引河自東昌府至賊壘計程一百二十餘里茲因水勢浸灌軍務及時告蒞自應將督辦挑河尤爲出力各員開單呈

聖學聖方略卷二百二十七

十五

覽可否照請鼓勵出自

天恩奏入

上諭內閣曰該員等辦理挑河浸灌賊壘軍務得以及時蒞功自應酌予獎勵候補內閣侍讀學士瑞禧巡捕營副將史榮椿直隸天津道張起鵠均著交部從優議敘員外郎德克津泰著賞戴花翎通永道海瑛著賞加按察使銜候選知府劉衡著賞戴花翎員外

郎李祐著開缺以知府不論雙單月不入班次遇缺

卽選張琛著開缺以知府儘先選用知縣陸慎言著

免補本班以知州卽補知州曹大綬通判婁鼎知縣

方傳植均著賞戴藍翎通判沈康保徐本璿均著免

選本班以同知選用沈康保並著賞戴花翎遊擊德

克登額著免補遊擊仍留甘肅以參將儘先補用先

換項戢防禦慶瑞著以佐領儘先補用先換項戴筆

聖學聖方略卷二百二十七

十六

帖式榮喜著以驍騎校儘先補用先換項戴委參領

達桑阿薩隆阿均著戴賞藍翎遊擊徐廷楷著以參

將補用張秉鐸著以遊擊仍留直隸不論題選缺出

儘先卽補京營都司李鴻寶著以遊擊補用都司龍

汝亢著免補都司以遊擊補用均著先換項戴千總

明誠著以守備遇缺卽補先換項戴

僧格林沁西凌阿又奏言已革布政使張集馨

在營當差深知愧奮奉委辦理引河殫心竭力
茲已軍務告蕺可否量予

恩施奏入

上諭內閣曰已革布政使張集馨著加恩賞給五品頂

戴

僧格林沁西凌阿又奏言逆首李開芳之親隨
李添佑等五名前經奏明一併解京現在劉志

聖恩匪方略卷二百二十七

七

澀一犯因病未能起解業已在營正法奏入報

同日何桂清奏言據衢州鎮總兵富勒興阿等

咨報該逆於前月二十八日分竄常山三十日

全股竄往開化之華埠圖攻縣城富勒興阿帶

兵追剿行至離華埠十五里地方因先被賊撤

去渡船我兵趕紮竹木各箝力圖追襲四月初

一二等日賊由華埠竄至星江薛嶺白沙關一
帶現聞該逆退往德興婺源等情臣節據富勒

興阿與金衢嚴道劉成萬將派防情形具報尙
非全無準備乃此次聞警後紛紛請餉請兵並

將各路兵勇調回常山堵禦臣以軍情變幻未
便遙制當飛致該鎮道探明賊情何處緊急卽

從何處進兵乃前接該鎮初一日來咨係在華
埠發遞今接初十日來函該鎮已回常山而餘

聖恩匪方略卷二百二十七

八

匪自薛嶺白沙關退竄後究竟竄往何方未據
聲明臣惟有嚴飭該鎮道等確探賊蹤合力堵

禦以期仰慰

宸廑奏入

上諭曰該鎮是否退縮無能該道府等有無扶同捏飾
著一併確查迅速具奏勿任貽誤地方

何桂清又奏言前調饒廷選所帶閩兵於四月初四日抵衢廣信玉山均經收復常山開化逆匪仍竄徽饒現飭饒廷選等暫駐常開一帶以防回竄將來如應調赴廣信爲饒郡聲援臣當遵

旨斟酌情形妥爲調度再臣前奏商調金陵鎮江勁旅准向榮咨稱於金陵抽撥川北官兵五百名又

聖恩匪方略卷二百二十七

十九

准吉爾杭阿咨稱於鎮江酌調浙兵八百名派委鎮將都司分別管帶俟到浙後再行派防奏入報

二十四日丙辰僧格林沁西凌阿奏言前此賊匪

由豫晉北入直境在獨流衆至四萬妖氛甚熾自王家口被追至阜城連鎮等處被圍被勦殄

除無算逆燄始消內中被脅餘匪欲投出者甚衆因在河南山西直隸見統兵大臣告示長髮之人無論捨降一概誅戮是以不敢投出固結愈堅長驅北犯自准投誠贖罪以來經臣等曉以大義酌量錄用該勇豈無天良且知

聖恩高厚准予免罪無不感激奮興願效死力打仗陣亡者極多身受重傷者不知凡幾其爲真心悔

聖恩匪方略卷二百二十七

二十

罪卽此可見祇須遵循

聖訓約束以懾其氣誠信以結其心不特反側無虞兼可使爲我用現將直隸山東山西河南近省之勇先行遣撤回籍不准攜帶軍械其兩湖江南安徽之人離家較遠恐其長途滋事現已撥調赴楚該勇行至相近家鄉之處難免逃回然尙不致仍投賊營南省之賊蔓延流毒數省臣愚

味之見若不勦撫兼施深恐兵力未逮粵匪首先創逆罪不容誅斷難寬貸其餘兩湖及各省之匪人數過多似宜分別勦撫軍務方有就緒可否

密飭各省統帶大員體察情形相機辦理奏入得

旨允行

僧格林沁西凌阿又奏言臣現派湖北人六品

聖恩高厚或可及早解散奏八報

三

藍翎勇目詹啟綸等八名於到楚後暗探賊營一切情形並可宣布

皇仁使兩湖被裹之眾咸知

聖恩高厚或可及早解散奏八報

聞

二十五日丁巳扎拉芬楊需奏言臣楊需前因楚

北兵勇屢經敗挫銳氣未復擇其稍能奮勇者

分派前進以勦為防終以兵單力弱致賊乘間

復竄德安適臣扎拉芬與常亮馬步隊陸續行

抵棗陽即會同進駐隨州一面飛咨孔廣順速

由應山前進四月十二日派楊昌泗等由應山

之馬平港進紮長林岡訥欽進駐隨州之浙河

臣楊需督都司棟成遊擊常德駐隨州之望城

岡臣扎拉芬駐隨州之五里墩常亮駐隨州南

聖恩高厚或可及早解散奏八報

三

門外十三日賊匪大股七八千人分撲平林市

長林岡楊昌泗等分投迎勦先勝後敗兵勇傷

亡數百人退至馬平港十四五等日賊由馬平

港竄至浙河訥欽等與賊隔河相拒槍礮齊發

傷賊數十名賊繞至望城岡訥欽等隔河尾追

賊終不退臣等見賊後隊繼至急催常亮接應

常亮派二百騎過河衝殺失利退回將步隊衝

亂賊遂乘勢過河官兵退至五里墩臣扎拉芬親督馬步連環轟擊楊昌泗等亦均趕至殺賊七八百名賊始敗竄追至浙河而返查隨州地方馬隊原難施展常亮當危急之際輒因地勢不便全軍撤退殊屬應援不力相應請

旨將西安副都統常亮摘去翎頂以示薄懲惟馬隊既不得力扎拉芬一軍亦僅二千餘人尙有步隊

聖恩匪方略卷二百二十七

三

五百名未到兵力實單應請

飭下孔廣順迅速帶兵星夜由應山前來援應

楊需又奏言楚北地多湖澤陂塘水田相望於馬隊實爲不便不若將常亮馬隊遣赴豫省防守三關另請

飭僧格林沁將步隊官兵酌派二三千名來楚庶彼此均可得力

楊需又奏言四月十六日賊自浙川悉衆來撲

扎拉芬營盤臣卽飛調防堵洛陽店之揀發知

府崔蘭馨軍功樂九成紳士張華封速帶團勇

來援扎拉芬親督馬隊接仗劉富成隨同力戰

殺賊千餘人賊匪愈聚愈多圍裏數重抵死不

退扎拉芬令各兵均入營盤內堵擊劉富成仍

至營盤外據橋扼守又斃賊匪千餘人賊圍漸

聖恩匪方略卷二百二十七

四

遠訥欽等屢次突圍均不得入兵勇傷亡潰散

者數百人延至半夜槍礮聲寂探知劉富成由

南路潰圍而出時崔蘭馨樂九成張華封均未

趕到扎拉芬面受槍傷裏創力戰已由南路赴

襄陽查扎拉芬後起步隊尙在襄陽一帶糧臺

又在襄陽或卽赴該處整頓隊伍調治槍傷再

圖進剿扎拉芬精細勇敢所部馬步隊亦最奮

勇若趕緊整頓會齊後隊振旅而出必可得力
一面將現有兵勇趕緊收集分扼厲山官灘等
要路臣與常亮駐紮唐縣鎮以遏賊之西竄並
飛催孔廣順速由應山前來救援至唐縣鎮以
上道路紛歧更屬防不勝防儻賊匪分道狼奔
我兵備多勢分愈難堵禦惟有竭盡心力圖保
襄樊斷不敢稍有懈弛奏八

聖朝方略卷三十七

三

三

上命軍機大臣傳諭扎拉芬楊需曰此次賊匪大股分
撲平林市長林岡楊昌泗等迎勦先勝後挫常亮所
帶馬隊退回時反將步隊衝亂扎拉芬營盤被圍該
將軍受傷潰圍而出現在襄樊一帶情形喫重本日
已諭令西凌阿在山東軍營撥綠營步隊二千名馳
赴湖北聽候該督調遣並諭英桂迅飭孔廣順由應
山前往會勦其常亮所帶馬隊即歸豫省防守三關

扎拉芬現在是否由南路赴襄陽該郡係糧臺重地
且尚有後起步隊該將軍到彼一面嚴密布置一面
仍趕緊整頓與楊需諸軍合力進勦楊需屢次挫失
若再不知奮勉致逆匪肆擾襄樊自問當得何罪現
在在平縣馮官屯賊匪悉數殄滅投誠之兩湖義勇
僧格林沁已派員管帶回籍交該督等調遣並據該
大臣現派勇目詹啟綸等八名於到楚後暗探賊營
設法解散該督即當隨時察看情形勦撫兼施妥爲
辦理

聖朝方略卷三十七

三

三

上又命軍機大臣傳諭西凌阿曰昨據僧格林沁奏兩
湖投誠義勇派令知府劉衡等管帶赴楚交楊需調
遣本日據楊需等奏武漢賊匪上竄德安常亮所帶
馬隊接仗失利楚北地勢於馬隊不甚相宜請飭酌
調步隊赴楚助勦等語著西凌阿於馮官屯官兵內

挑選綠營步隊精兵二千名配齊軍裝器械揀派得力將弁管帶卽日前赴楊需軍營聽候調遣

上

諭內閣曰武漢賊匪竄至隨州之平林市等處經楊昌泗等分投迎剿殺賊二百餘名扎拉芬派隊會同楊需等於望城岡進剿西安副都統常亮帶領馬隊經楊需催調接應旋因失利退回實屬應援不力常亮著摘去頂戴拔去花翎以示薄懲

聖學方略卷二百二十七

三

同日英桂奏言據探逆匪直犯隨州四月十六日在隨州城外祖師廟地方與官兵接仗西安將軍扎拉芬等率馬隊殺賊千餘名大股退踞浙河由應山至隨州之平林市馬平港節節有賊十八日派防平靖關守備蔡元輔解到奸細一名訊據供稱賊匪一股竄擾棗陽一股上竄襄陽樊城儻不能前進卽乘便窺伺信陽等語

正在飛咨楊需等派兵擊剿復接楊需來咨催令孔廣順迅由應山徑赴隨州當咨會孔廣順卽日督師進剿如逆匪中途埋伏或分股阻拒務須節節準備以期會合夾攻至德安接壤豫疆此時北兵進赴隨州信陽防堵更關緊要臣惟有嚴督文武實力巡防不敢稍涉大意奏入

上

命軍機大臣傳諭英桂曰此次逆匪分股上竄德安

聖學方略卷二百二十七

三

據河南所獲逆犯訊有欲由隨州棗陽竄往襄樊之供南陽一帶極應加意嚴防該撫已知會孔廣順卽由關外拔營向應山進發急宜迅催該提督徑赴隨州會勦力遏楚北賊鋒卽以保護豫省邊界至常亮挫失半山所帶馬隊於地勢不宜不如飭令常亮將馬隊退紮三關以防豫境本日已諭令西凌阿挑選步兵二千名派員管帶赴楚應援此項官兵行抵河

南該撫不得截留楚省軍情仍著隨時奏聞

同日西凌阿奏言 臣隨同僧格林沁在營以來

每見僧格林沁辦理軍務殫竭心力一切賞罰

無不公允惟於藩邸親隨多所引嫌二月二十

八日逆匪施放地雷攻奪礮臺僧格林沁聞警

帶領親隨數名趕緊前往詎料該逆將僧格林

沁隨帶之三等護衛巴薩拉礮斃僧格林沁因

聖朝聖考卷二百二十七

三九

係親隨不肯入奏茲軍務告蒞謹據實陳明可

否

飭部覈給卹典出自

天恩再科爾沁四品台吉伯彥都古拉喜來營省親隨

同進仗甚屬奮勉 臣察看該台吉才堪造就而

僧格林沁因係胞姪不肯請獎又四品頂戴藍

翎護衛瑪勒洪阿奇蘇阿勒騰桑五品頂戴藍

翎護衛鄂奇爾額普圖等皆疊次隨同打仗卓

著戰功僧格林沁亦未敢奏請

恩施奏八

上諭內閣曰僧格林沁隨帶之三等護衛巴薩拉前在

馮官屯軍營打仗出力中礮陣亡著交部照例議卹

科爾沁四品台吉伯彥都古拉喜四品頂戴藍翎護

衛瑪勒洪阿奇蘇阿勒騰桑五品頂戴藍翎護衛鄂

聖朝聖考卷二百二十七

三十

奇爾額普圖皆疊次隨同打仗各有斬擒伯彥都古

拉喜著賞戴花翎瑪勒洪阿等五員均著賞換花翎

欽定剿平粵匪方略卷一百二十八 乙卯年

四月二十六日戊午和春福濟奏言廬城經官兵

合圍逆匪不能竄出外援疊至均經隨時擊退

臣等於四月初七八九等日親督官軍晝夜圍

攻並用大礮轟城逆匪憑城抵拒力攻三晝夜

賊仍死守當令官兵收隊仍以大礮轟擊初十

日將水西門城牆外面攻陷丈餘即督飭官兵

聖皇軍方略卷一百二十八

奮進該逆用木植堵塞槍礮甚密我軍尙隔城

河因雨後水漲不能越過當飭令四面合圍暗

襲明攻無論何處得手即乘勢登城詎逆情詭

譎又值不時大雨連攻五晝夜扼守如故十四

日探得煙墩集地方有賊匪二千餘人紮營三

座臣等於十五日統領官兵馳往該逆分股出

迎吉順鄭魁士嵩瑞等分途擊剿賊眾死力抵

拒鏖戰甚久斃賊無算餘賊驚潰即將賊壘三

座先後奪獲追殺十餘里約斃賊匪三四百名

現仍設法圍剿以期迅圖克復奏入

上諭內閣曰廬城賊匪外援疊至均被官兵擊退城中

餘匪情形已極窮蹙著和春福濟督率兵勇迅速合

圍力圖克復

二十七日己未楊需奏言據都司來福在棗陽遇

聖皇軍方略卷一百二十八

營總烏爾袞布等詢知將軍陣亡情形會同面

稟臣始知扎拉芬於十六日在營外督隊面頰

受傷即將隊伍撤入營內裏創督戰復受槍傷

自額貫腦後傷重難支入帳稍歇猶恐軍心惶

懼復強起督隊擊賊自燃槍礮斃賊多名入帳

密諭烏爾袞布等鎮壓督率相機帶護兵丁出

營延至酉刻因傷身故額外錢邦彥將屍身埋

於營中烏爾袞布等仍傳令嚴堵至三更後賊圍漸遠遂帶兵潛出營盤於松林內埋伏逐漸渡河由南山小路行走賊匪知覺追趕松林內吶喊開槍賊不知我虛實遂不敢追烏爾袞布等徑至棗陽將赴襄陽馬步兵丁有至棗陽者有至襄陽者有迷失路徑尚無下落者臣卽委烏爾袞布收集滿營馬隊委都司定安收集各

聖聖聖聖聖聖聖聖

三

營步隊再行查明傷亡員弁兵丁分別辦理並派幹弁設法覓取扎拉芬屍身如禮殯殮查西安將軍扎拉芬強毅勇敢馭將統兵恩威並著此次力戰兩日殺賊二千餘人身受重傷猶復裹創督戰臨歿密諭將弁傳令鎮壓護出兵丁實屬謀勇兼全遽爾陣亡殊堪痛惜應如何從優議卹之處出自

天恩臣與扎拉芬分南北兩路擊賊知扎拉芬營盤喫

重將兵勇全數派往並催調常亮馬隊赴援乃

常亮已遠赴唐縣鎮迄未前來罪無可追應請

旨將常亮革職臣救援不力並請

飭部將臣議處奏入

上命軍機大臣傳諭楊需曰扎拉芬於五里墩與賊接

仗楊需近在數里並不實力救援反因礮聲已息疑

聖聖聖聖聖聖聖聖

四

其已赴襄陽迨經敗兵馳報始知該將軍因傷身故種種貽誤殊出情理之外楊需現統兵勇爲數不少著將撲竄隨州之賊迅速殲除以期進攻德安至扎拉芬所統陝兵均屬勁旅除潰亡以外所存尙有若干並著楊需設法招集隨營攻勦不得俟孔廣順之兵到齊始行前進儻再不知愧奮則畏蕙貽誤之罪斷難倖邀寬宥也

上又命軍機大臣傳諭西凌阿曰現在湖北荆襄喫重著西凌阿速赴湖北就荆州襄陽所有之兵辦理防剿事務即將起程日期先行具奏其馮官屯現存官兵著西凌阿選派得力大員暫行統帶聽候諭旨

上又命軍機大臣傳諭官文載增曰本日已將官文補授湖廣總督並諭西凌阿馳往荆襄一帶籌辦防剿事宜現在湖北逆蹤上竄隨州其荆襄等處及河南

聖朝方略卷一百二十八

五

邊境地方極形喫重常亮所帶馬隊官兵現經楊需撥赴信陽三關扎拉芬所帶官兵多已折回棗陽襄陽無人統帶著官文速往隨州接印任事楊需軍營兵勇屢敗必得加意整頓挑選精銳方資得力前由僧格林沁軍營撥往投誠義勇並著妥為駕馭俾知感德畏威以助攻勦新授荆州將軍綿洵到任需時所有將軍印務著載增暫行署理該處防守事宜即

著妥為布置孔廣順所帶官兵現馳赴應山協剿著卽星夜趨行遏賊北竄扎拉芬所帶官兵卽交孔廣順統帶

上諭內閣曰西安將軍扎拉芬由頭等待衛賞副都統銜授為烏魯木齊領隊大臣調任副都統辦事歷練諸臻妥協上年經朕授為西安將軍復因楚北逆氛上竄命該將軍統兵徑赴襄陽一帶會剿四月十三

聖朝方略卷一百二十八

六

十五等日賊由平林市等處直犯隨州扎拉芬迎擊於五里墩殺賊千餘人身受槍傷猶復裹創督戰將賊擊退旋因傷重溘逝殊堪痛惜扎拉芬著照將軍陣亡例賜卹准其入城治喪任內一切處分悉予開復應得卹典該衙門察例具奏該將軍有無子嗣並著該旗查明具奏

上又諭內閣曰湖廣總督楊需前因武昌失守降旨革

職仍暫留本任迫逆賊上竄德安該革督以防守襄樊爲名由隨州以至棗陽節節退守疊經嚴旨催令進剿復以兵勇未集遷延觀望迨西安將軍扎拉芬由陝帶兵行抵隨州於五里墩地方與賊接仗被圍該革督坐擁重兵近在數里並不實力救援反催調相去較遠之棟發知府崔蘭馨等前往接應以致該將軍力竭陣亡實屬懦怯無能有心延誤該革督自

聖朝聖略卷二百二十八

七

廣濟兵潰以後湖北逆匪復肆猖獗其貽誤之罪何堪悉數朕僅予薄懲方冀其振刷精神力贖前愆乃數月以來毫無布置辜恩溺職實堪痛恨楊需著卽革任仍交官文差遣儘再不知奮勉卽行從重治罪西安副都統常亮於奉調往援時已遠赴唐縣鎮地方臨陣退避可惡已極常亮著卽革職仍留營效力以觀後效

同日陳啟邁奏言據都司吳錫光稟稱率領兵勇自南康起程三月二十七日行抵離饒州十五里之雙港駐紮探知郡城賊匪近又新添數千人並於北門外山坳內埋伏二千餘人以圖援應二十八日吳錫光派府經歷胡應奎等督率戰船沿河進攻令吳邦柱等堵截山坳伏賊兼攻北門又令石玉等帶勇由西北進攻匡鳳

聖朝聖略卷二百二十八

八

岐等由西南進攻周定邦等由東南進攻劉青雲等由正西進攻教諭黃振成帶勇由正南進攻協力合圍逆匪始於城內望樓放礮拒敵繼見我軍近城突出五大股約有六千餘人來撲吳錫光督率各路兵勇奮力迎戰斃匪三百餘名乘勢進薄城根衝殺入城該逆復於大街分爲七股拌死巷戰我軍亦分隊截擊殺賊一千

二百餘名餘匪均由東北門逃出胡應奎等帶
領水師上岸攔剿黃振成等自城內追出來擊
敗匪四散狂奔自石門都昌而去現在布置防
守安撫居民等情臣查逆匪竄饒州後卽分股
擾及樂平德興弋陽等縣經吳錫光等收復郡
城自應乘此聲勢移師都昌相機剿辦臣已調
知府耆齡遊擊遮克敦布帶龍南練勇赴饒防
守俾吳錫光得以帶兵進剿其廣信等處之
仍令羅澤南林福祥剿辦此次尤爲出力之都
司吳錫光等自應先行開列奏懇

欽定剿平粵匪方略卷二十八

九

恩施已革署饒州府知府曹燮坤署饒州營參將遊擊
文忠署鄱陽縣知縣林蔚地方被陷均屬咎有
應得業經隨同克復可否准其功過相抵出自

天恩奏入

上諭內閣曰逆匪自竄踞饒郡後分擾樂平德興弋陽
等縣經吳錫光帶領兵勇分路進攻大獲勝仗克復
郡城辦理尙屬妥速在事出力各員自應量予鼓勵
吳錫光著免補都司以遊擊儘先補用並賞給鏗僧
額巴圖魯名號把總艾連陞盧洪升均著以千總儘
先補用並賞戴藍翎把總蔡康業外委石玉吳邦柱
李玉興周定邦均著以千總儘先補用教諭黃振成

欽定剿平粵匪方略卷二十八

十

著以知縣分缺開選用候選府經歷縣丞胡應奎著
以府經歷縣丞不論雙單月分缺前先用黃振成胡
應奎並著賞給六品翎頂隊長吳邦淮著以外委補
用並賞戴藍翎已革署饒州府知府曹燮坤署饒州
營參將文忠署鄱陽縣知縣林蔚地方被賊竄踞均
有應得之咎現在隨同克復郡城功過尙足相抵著
免其置議仍著陳啟邁督飭吳錫光等乘此聲威移

師都昌相機進剿以清江境

同日

上諭內閣曰逆賊李開芳等以邊境募民甘心從逆輒敢糾領黨與竄擾畿疆實屬罪大惡極現在北路肅清除逆首吉汝元業經殲戮林鳳詳已由連鎮軍營解京正法外所有首逆李開芳現經僧格林沁擒解來京著卽凌遲處死梟首示衆其受有僞職之逆犯

聖朝聖學卷一百三十八

十一

黃懿端謝金生並著凌遲梟示從逆之李添佑譚有桂韋名傳曹得相均著卽行處斬一併梟示以彰國法而快人心

二十八日 庚申 陳啟邁奏言據羅澤南等稟稱徽

州婺源縣逆匪萬餘人於三月二十日竄至興

安該縣狄上林因賊踞弋陽先期帶領兵勇於

興弋交界隘口守禦致被賊撲入城狄上林卽

知會署遊擊謝必魁督帶河口防兵前往會剿

二十二日齊抵興安圍攻東西兩門該逆力不

能敵盡由北門竄逸當將縣城收復謝必魁復

回河口鎮防守賊匪由北繞竄廣信該郡防兵

本不滿千二十三日賊匪四面圍攻署上饒縣

知縣蔡中和會督同城文武員弁嬰城固守開

放槍礮斃賊無算適逢大雨火器難施賊遂乘

雨薄城緣梯而上蔡中和猶親督兵勇分投截

殺力竭被執罵不絕口被戕甚慘府學教授雷

封及其子文童雷發鳴同時殉節門斗周國書

家人羅勝相繼而死署廣信府經歷姚益謙上

饒縣典史江錫綸貴溪縣縣丞洪立成千總楊

錦鳳玉山汛把總周得鳳鉛山營把總陳炳榮

投效候選從九品沈岳齡等均力戰被害府署

投效候選從九品沈岳齡等均力戰被害府署

聖朝聖學卷一百三十八

十二

家人吳春胡升楊喜亦俱被戕羅澤南林福祥
與廣信府知府袁泳錫於二十二日探聞婺源
股匪上竄信郡卽留林福祥等暫駐弋陽二十
三日羅澤南等各帶兵勇馳抵興安知郡城已
失二十五日直抵城西之烏石山羅澤南等營
於山之左右賊見我兵築營未就糾眾從西北
南三門來攻我兵鼓勇而前擊斃執旗賊十餘

欽定剿平粵匪方略卷一百二十八

十三

名賊遂大潰追至城下共擊斃八百餘人傳令
收隊劉希洛帶平江勇自弋陽倍道來郡協勦
二十六日賊眾萬餘復分三路而出羅澤南登
高瞭望知松林內有伏飭令蔣益澧帶勇隱伏
右路之高岡下劉希洛帶勇顯據右路之平岡
排陣以待復令湘勇誘賊近前又令精銳之勇
截其伏路賊不敢進惟於營前一里許施放槍

礮相持許久羅澤南督勇由中路出唐訓方從
中路之右出李續賓從左路出三營齊進殺悍
賊數十人劉希洛蔣益澧督勇繞出右路賊之
伏於松林者又皆爲我所襲賊眾大敗羅澤南
知賊必宵遁擇敢死之士四面巡邏二十七日
飭令各營奮力圍剿袁泳錫亦率兵勇衝殺入
城賊從東門遁去自相踐踏及墮水死者以數

欽定剿平粵匪方略卷一百二十八

十四

百計敗匪於二十七日竄至玉山攻撲縣城署
知縣張鳴岐等率領兵勇登陴固守斃匪七人
該逆繞由北門向浙江開化之華埠小路竄逸
署廣信營參將玉格於二十一日聞賊陷興安
卽行出城不知所往旋據呈稱前經報明帶領
兵丁在於興弋至郡之朱溪橋堵勦二十三日
賊竄至朱溪橋因寡不敵眾退至城下門已緊

閉不能進城等情查羅澤南移師赴郡連日進
勦均獲大捷即將城池克復勦辦尙屬妥速惟
探聞該匪復由開化分竄德興自應卽行進勦
業經 臣 咨會會國藩飭令羅澤南帶勇馳往德
興與浙軍合力兜擊林福祥所帶各勇暫駐信
郡兼防玉山至代理興安縣知縣狄上林廣信
府知府袁泳錫防範不力咎有應得相應請

聖皇朝方略卷三十八

十五

旨將袁泳錫狄上林一併革職留任署廣信營參將玉
格當賊蹤入境並不在城固守難保無逃避情
事應請將玉格革職究辦署上饒縣知縣蔡中
和府學教授雷封等協力守城同時被害應請
一併

飭部從優議卹蔡中和死尤慘烈並請於郡城建立專
祠雷封等一同附祀以慰忠魂奏入

上諭內閣曰賊匪由婺源竄陷興安廣信郡縣城池經
羅澤南等督率兵勇剋日收復辦理尙爲迅速在事
出力員弁著陳啟邁等擇尤保奏仍嚴飭各該員弁
等將逃匪搜除淨盡廣信府知府袁泳錫代理興安
縣知縣狄上林防範不力均著革職留任署廣信營
參將玉格著革職鞫嚴行審辦如係先期逃避卽
以軍法從事署上饒縣知縣蔡中和廣信府學教授

聖皇朝方略卷三十八

十六

雷封署廣信府經歷姚益謙典史江錫綸貴溪縣縣
丞洪立成署廣信營千總楊錦鳳玉山汛把總周得
鳳鉛山營把總陳炳榮從九品黃依先沈岳齡從九
品銜趙震范焜雷封之子雷發鳴門斗周國書家人
羅勝吳春胡升楊喜協力守城同時被害深堪憫惻
著一併交部從優議卹蔡中和死尤慘烈並著於郡
城地方建立專祠將雷封等附祀以慰忠鬼

實力堵禦不敢稍有疏虞奏入

上命軍機大臣傳諭英桂曰豫省南路接壤楚北自德安告警信陽已形喫重况隨州更被占踞南陽密邇賊蹤自應添撥重兵以資捍禦昨已有旨諭令西凌阿赴荆襄一帶防剿本日復諭該都統迅速起程將留駐馮官屯各營官兵六千名全數帶往抵豫時留兵一千五百名著卽由英桂派令相機堵禦加以常

聖皇聖考卷一百三十六

十九

亮移紮三關之馬隊及邱聯恩等之兵儘可擇要分防英桂惟當竭力堵遏嚴飭在事文武勿稍鬆懈以固疆圉

上又命軍機大臣傳諭西凌阿曰現在河南省南路邊防極爲喫緊湖北攻剿之兵尙形單弱均非厚集重兵不足以資勦辦所有馮官屯軍營存兵除步隊二千名業經派員帶往湖北並令健銳營內外火器營

官兵分起回京外其餘四千名著西凌阿迅卽一併統帶悉數起程路過河南著截留一千五百名交英桂調遣此外官兵該都統卽帶赴湖北會同官文等合力攻剿將竄踞隨州之賊趕緊殲除前僧格林沁奏兩湖投誠義勇派令知府劉衡等管解前往湖北此項義勇卽歸西凌阿統帶尤應妥爲駕馭不可稍涉大意

聖皇聖考卷一百三十六

二十

上又命軍機大臣傳諭官文曰本日據英桂奏隨州已爲賊踞業經降旨令西凌阿統帶馮官屯得勝官兵四千名卽日赴楚援剿合之前調綠營步隊二千名並劉衡等帶往之勇統計兵勇爲數已屬不少兼有孔廣順帶領兵勇由應山等處進攻隨州賊匪該督務須恪遵前旨飛催各路兵勇併力進攻其劉衡等所帶投誠義勇是否業已抵楚此項義勇駕馭頗難

西凌阿到楚後即可歸其管帶至扎拉芬帶往陝省官兵初到時接仗頗為得力現雖潰散著即行招集以資攻剿北路兵勇到楚需時該督當就現有兵勇相機進剿並將近日布置情形迅速馳奏

同日官文載增奏言據探署撫臣胡林翼於三月十六日進屯石嘴副將王國才及臬司李孟羣水軍均屯沌口離武漢城各三十里署撫臣

欽定剿平粵匪方略卷一百二十八

三

於十八至二十二日數次賊巢在八步街油坊嶺等處各殺賊數十名進屯離城十五里之袁家河王國才於三十日出隊賊眾五六千人來撲參將恆泰外委李奇剛直入重圍攻進土城同時陣亡幸李孟羣暨知府彭玉麟等飛駛礮船接應上岸衝突斬獲數百名落河淹斃者無數直追至漢陽西門外即在潮關屯紮四月十

聞

二日署撫臣督兵連踏金沙洲白沙洲賊營大獲勝仗殺斃二百餘名王國才連毀漢陽城外賊營李孟羣礮船亦至武昌鮎魚套直下襄河攻塘角青山燒賊船二百餘隻至德安敗匪在孝感縣屬小河上下裹脅萬人於三月二十八日直竄應山應城回踞德安及阜市一帶督臣於二十九日赴隨州西安將軍扎拉芬亦抵隨州接仗未能得手三十日至四月初六等日賊匪由鄢家灣楊林溝先後竄至仙桃鎮均經兵勇擊退副都統魁玉守備穆租索朗等現仍在仙桃鎮防剿扼其上竄臣等惟有認真防禦力保荊州並疏通川楚要路不敢稍形疏懈奏入

報

欽定剿平粵匪方略卷一百二十八

三

欽定剿平粵匪方略卷一百二十九 乙卯年

五月初一日 壬戌

上命軍機大臣傳諭西凌阿曰昨因逆匪竄踞隨州諭令西凌阿帶兵馳赴湖北本日復授西凌阿為欽差大臣督辦湖北軍務所有馮官屯現存官兵四千名著該大臣挑選馬隊官兵二千名交克興阿都興阿史榮椿統帶仍駐紮馮官屯聽候調遣其史榮椿所帶巡捕營官兵二百餘名著即撤回歸伍其餘官兵該大臣即統帶前往由河南馳赴湖北會同官文等相機進剿至河南需兵防堵該大臣路過河南仍酌留兵一千五百名交英桂調遣孔廣順所帶官兵計已早到統歸該大臣調度其劉衡等帶往之投誠義勇應如何示以恩信使之感激用命西凌阿在營日久必能妥為駕馭湖北兵勇屢經潰敗多不足恃必

聖皇朝方略卷一百二十九

一

當加以挑選方可留營不至徒糜軍餉

上又命軍機大臣傳諭桂良崇恩曰昨據英桂奏湖北隨州被賊占踞德安賊蹤未退本日已授西凌阿為欽差大臣統兵赴鄂督剿著桂良於直隸省挑選精兵三千名崇恩於山東省挑選精兵二千名聽候調遣

上諭內閣曰察哈爾都統西凌阿著授為欽差大臣頒

聖皇朝方略卷一百二十九

二

給關防統帶馮官屯得勝官兵馳驛前往湖北督辦軍務

初二日 癸亥 會國藩塔齊布奏言據羅澤南等疊

次稟報三月二十一日克復弋陽後餘匪竄踞興安當以興安為入廣信要道不可不急為撲滅即帶湘勇由貴溪馳赴興安二十三日訪知興安縣之賊係另股由安徽婺源而來冀與弋

陽之賊共攻廣信並擄船百餘將分股以掠河
口二十一日初至興安是日我兵破賊於弋陽
該逆尙未之知也現聞弋賊大敗興安股匪不
及待弋賊來會已於二十二日由北門逃竄其
兇悍者東上廣信徑至府西三十里之坑口大
路口一帶羅澤南卽由興安馳赴廣信復令劉
希洛帶平江勇八百倍道前進與湘勇同赴廣
郡羅澤南探聞廣信已於二十三日淪陷卽帶
湘勇訓勇馳至廣信城西之烏石山並飭安慶
府知府李續賓營於山左知縣唐訓方從九品
蔣益澧營於山右防賊數路夾擊賊見我兵突
至築壘未就遽統大眾來撲始以數千人由西
門出攻我軍之中營繼由北門出數千人爲一
股攻右營又以一股由南繞出攻左營訓勇營

欽定剿平粵匪方略卷一百二十九

三

勢極兇悍我軍整隊以出排列山岡不速與戰
俟賊力竭然後鼓勇而前斃賊十餘名賊遂大
潰共擊斃八百餘名二十六日賊衆萬餘忽分
三路而出又以數千人埋伏樹林深處羅澤南
瞭望賊伏所在卽飭蔣益澧帶勇伏右路之高
岡下劉希洛帶勇據右路之平岡又派精銳之
勇約百餘人爲一隊分途潛往截其埋伏之路
賊之三路來者於營前一里許放槍數次相持
已久羅澤南知彼氣已衰遂督湘勇中營由中
路出唐訓方帶訓字營從中路之右出李續賓
帶湘勇右營從左路出三營齊進殺賊千餘人
劉希洛蔣益澧之勇皆從大路繞出賊之藏伏
樹林者亦爲伏兵所襲乘勝追勦沿途殺斃者
又千餘人餘賊遂閉城以拒忽大雨如注城上

欽定剿平粵匪方略卷一百二十九

四

賊不能開我軍冒雨圍攻無一退者日暮收隊防賊宵遁暗使敢死之士四路巡邏二十七日飭各營再行圍剿賊潰從東門逃出又於鄉間捕剿四百餘人當卽克復郡城按察使銜甯紹台道羅澤南轉戰千里審幾度勢謀勇深沈每於未築營壘之際猝遇賊至能從容鎮定以寡勝衆應請

聖朝聖學卷三十九

五

旨交部從優議敘奏入

上諭內閣曰此次官軍克復廣信郡城按察使銜浙江甯紹台道羅澤南著交部從優議敘

同日托明阿陳金綬雷以誠奏言據遊擊鄧鳳林等稟報本月初十日金陵賊船十餘隻駛至江浦紛紛登岸該文武督帶兵勇迎剿斃賊多名餘賊遁回南岸十三日大幫復來鄧鳳林等

卽帶隊迎截斃斃無數復據江浦浦口六合等處稟報武慶等聞賊大幫撲往江浦正撥馬隊馳往應援忽於十四日有南岸賊船一百號開礮直轟浦口當經總兵葉常春副將周希濂督兵開礮當酣戰時又有另股逆黨由寶塔根登岸直撲浦口營盤武慶西昌阿伊興額督率馬步各路迎擊追至江邊復斬多名十五日賊船

聖朝聖學卷三十九

六

又復來撲經葉常春等督帶八艇船迎剿擊沈賊船數隻賊且戰且退我師順流追近觀音門又有賊船數十隻自七里洲小河暨觀音門內各路遙擁而來總兵陳世忠與守備彭常宣等飛駛迎截葉常春等亦由上夾擊賊船披靡金陵賊匪復率多船撲至寶塔根上岸武慶等豫分三路截剿殺斃甚多並轟沈賊船多隻二

十一二十二二十三等日臣托明阿等督兵進攻疊有斬獲賊匪深匿不出臣等接吉爾杭阿來函現在鎮城外之摩旗山已築一營乘高據險俯瞰鎮城當可乘此機會南北並舉兼飭焦山舟師得有順風同搆金山賊營與吉爾杭阿剋期會攻

同日胡林翼奏言三月三十日副將王國才等

聖皇聖略卷三十九

七

約會知府彭玉麟帶領礮船至鮎魚套口燒燬賊船數隻該逆乃從營後民房擁出二千餘人襲我後隊參將恆泰力戰陣亡正危急時彭玉麟在鮎魚套督戰遙見北軍退卻卽督水師登岸彭玉麟張啟基等自鸚鵡洲截賊之尾鮑超王明山等自鸚鵡洲前衝賊之中賊衆始亂是役也彭玉麟保全之功甚大四月初二日臣復

督兵前進該逆先以悍賊伏於街外民房欲待我軍深入而襲其後臣派黔勇哨長姜映等六百人堅立後隊以備之派把總余玉興等力攻白沙洲賊營殺賊五十餘名該逆果由兩路分撲臣中路一軍堅立不動其隄外兵勇復從沿

江兩路併力衝殺斃賊九十餘名生擒偽司馬張亞潰等多名初九日臣復督兵前進見八步

聖皇聖略卷三十九

八

街左右賊幟如林較前多至數倍我軍將近賊巢伏賊盡出與中路一軍拚死鏖戰千總劉凝俊陣亡一軍洶洶欲動把總余玉興軍功丁銳義保升把總吳璘等先經臣派由江岸沿隄而進見賊攢聚於中路卽率外委楊琢珩等由隄外鼻水來援馳至中路直衝賊隊有黃衣騎馬賊目最爲兇悍被軍功周玉成等躍至馬前截

死多賊餘賊敗潰是日之未致挫敗則余玉興
 楊琢珩等之力也水師是日出隊旋以東南風
 大作卽行收軍十二日飛飭水路各軍合力出
 隊王國才出攻漢陽賊匿不出彭玉麟以武昌
 之下塘角所泊賊船爲其老巢必由鮎魚套小
 河口兩處直下塘角焚奪賊船則賊失所恃而
 鮎魚套等處乃可得手卽率千總張榮貴衝冒
 槍礮直下塘角而以鮑超張彩基截小河口之
 賊劉培元王明山截鮎魚套之賊何越珽段康
 侯爲後隊接應彭玉麟至塘角守備孫昌凱千
 總張榮貴首先撲近賊船擲放火毬火箭頃刻
 煙燄蔽天計燒船二百餘號燒斃溺斃賊匪四
 百餘人鮑超見有賊船逃往下游卽同曾秉忠
 帶師船三十餘隻乘勝窮追直至青山地方不

聖朝集方略卷一百二十九

九

聖朝集方略卷一百二十九

十

料南風陡轉急欲收隊回營而水勇逆流搖槳
 精力已疲急難上駛賊於上河口開出快蟹數
 隻攔江橫截彭玉麟等見下游危急卽與張榮
 貴悉力救援而武漢兩城之下賊礮齊發我水
 師以江心溜急必須傍岸而行遂致中礮傷死
 甚多弁勇裹創力戰無不以一當十衝圍而出
 是日自辰至申攻勦四時之久弁勇奮力攻撲
 擊破賊營一座殺賊數百名賊始敗退聞督臣
 已帶北路勁兵陸續行抵隨州唐縣鎮等處儘
 能迅由楊店蔡店直撲漢陽約會 臣營同時進
 攻當更得力均奏入報

聞

同日

上諭內閣曰荊州將軍綿洵著馳驛前往湖北西陵阿

軍營幫辦軍務

初五日丙寅署湖北按察使李孟羣奏言准撫臣

胡林翼行知咸豐五年三月初三日奉

上諭湖北按察使著李孟羣署理當此勦賊愈緊之時

臣惟有勉策駑駘隨署撫臣並在事文武和衷

努力共濟時艱現由湖南添設礮船百餘隻選

募水勇千餘人由金口進紮軍山沌口一帶連

聖皇集略卷百二十九

十一

獲勝仗約會兩岸陸軍剋期進剿以遏逆賊上

竄之路其兩岸裏河湖汊紛歧並派撥戰船隨

處搜剿不令旁擾蔓延惟臣等一軍與侍郎會

國藩聲息間隔其一切奏報軍情調兵籌餉事

宜總理乏人伏懇

皇上簡派統領前來以資節制奏入

上命軍機大臣傳諭胡林翼曰前因賊匪復擾武漢經

會國藩派令李孟羣回鄂援剿現已由湖南添備礮

船百餘隻選募水勇千餘人由金口進紮軍山沌口

一帶連獲勝仗該員水軍本歸會國藩統領現在會

國藩戰船尙未駛出鄱陽若仍待會國藩調度難免

貽誤胡林翼現駐江夏縣屬袁家河相距較近李孟

羣所帶船勇卽著胡林翼就近統帶會齊兩岸水陸

各軍迅卽克復武漢毋任該逆再圖上竄

聖皇集略卷百二十九

十二

初六日丁卯向榮奏言據鄧紹良稟稱賊匪數百

至江甯鎮一帶窺伺該鎮已督兵馳往迎剿據

總兵德安吳全美李德麟等先後稟稱四月十

六日風色正順水陸知會進攻德安將兵分作

三隊齊向三山賊船攻剿該逆遙見我軍水陸

並進卽將礮船截風拒敵吳全美揮令紅單各

船兵勇放礮轟沈賊快蟹船多隻並將賊壘哨

樓延燒陸路兵勇亦各爭先擁撲槍上山梁遊擊楊瑞乾不避鋒鏑爭先躍登賊壘兵勇亦相繼由缺口爬越痛加焚斬時把總李起高見賊營火起飛駕三板登岸帶同兵勇槍至營前砍殺點燬之賊數名吳全美揮令各船弁兵復由山右登岸衝入賊卽冒火脫逃竄入山脚賊營德安親督兵勇乘勝圍攻勇氣百倍李德麟督

聖朝聖考卷一百二十九

十三

領紅單拖督各船在江面指定賊船轟洗沈碎多隻先後奪獲九隻乘勢攻進山脚用鐵火箭射進賊營延轟火藥壘內棚帳俱燃逆匪驚亂棄壘外竄我軍衝突縱擊俘斬極多一面搜山追捕一面將賊營賊卡礮臺礮隄盡行焚燬其王鵬年督領快蟹水勇在江往來轟勦亦擊沈逆船十有餘隻搜斬竄伏匪夥二十一名三山

江面一律掃蕩無遺是日之戰焚破賊壘三座毀平礮臺七座賊卡十餘處轟沈賊船七八十隻焚溺擊殺之賊不下二三千人擬卽會合舟師相機攻擊大勝關賊營礮臺卽步步水陸進扼攻赴上游以圖太平至於金陵巢穴疊次進攻賊皆負隅不戰十八十九等日賊由龍脖子潛出臣派隊往擊賊卽遁回奏入

聖朝聖考卷一百二十九

十四

上諭內閣曰此次官軍水陸會勦盡掃三山賊壘大獲全勝金陵逆賊亦於十八十九等日竄撲龍脖子等處均經官軍擊敗水陸各軍正可乘勝上勦著向榮督飭在事各員弁相機設法步步進攻俾江面早就肅清
同日西凌阿奏言臣奉命帶兵前赴湖北當卽在馮官屯現存官兵四千名內

撥出馬隊官兵一千五百名交克興阿都興阿
史榮椿統帶聽候調遣史榮椿所帶巡捕營兵
二百餘名同京旗官兵一併分起撤回撥出馬
隊七百五十名交副都統麟瑞帶往豫省馮官
屯現存山東本省兵三百餘名 臣酌量將該兵
丁等撤回本省糧臺飛咨該撫另選步隊五百
名派員帶赴河南同麟瑞所帶馬隊一併交英

聖皇軍方略卷三十九

十五

桂調遣所餘馬隊一千七百餘名酌定初四日
起飭令營總平海帶領頭起營總格綳額帶領
二起總管德楞額協領巴揚阿帶領三起營總
德連帶領四起間日起行 臣卽督同第三起於
初八日起程馳驛前往湖北會同官文相機勦
辦
同日官文載增奏言據探賊衆由德安直竄隨

州副都統常亮等接仗失利賊已竄過隨州偏
近唐縣鎮有趨棗陽之勢 臣查賊勢猖獗難保
不乘機上竄提 臣孔廣順步隊聞已抵應山之
平靖關如能繞赴隨州之背從屬山進勦督 臣
等收集兵勇卽向隨州進發該逆腹背受敵自
易擊退惟隨州界連安陸可達襄河荆門上下
一帶尤當益加防範前到荆州川兵二千名原
擬令其由潛江至河陽下擊今棗陽喫重飭令
其改道至荆門沙洋地方取道安陸進勦隨州
能先擊回賊勢使棗陽無虞則襄陽可保卽可
會合北路之兵於隨州併力迎擊已飛咨督 臣
等互相策應至後起川兵一千名俟到荆時作
爲各路應援以厚兵力均奏入報

聖皇軍方略卷三十九

十六

聞

初九日庚午楊需奏言查賊匪分股繞出唐縣鎮後欲犯棗陽當派劉富成同常亮馬隊駐唐縣鎮請欽督帶兵勇扼棗陽之興隆集飛飭署隨州知州嚴樹森督同紳團由南路進攻臣星夜馳赴棗陽偵知二十一日賊匪分竄安居浪潭厲山經知府崔蘭馨等擊退嚴樹森於十六日調集紳士張華封等趕赴五里墩由南門進攻州城賊匪閉門不出旋聞城中賊匪無多分股由小路上竄即帶勇趕赴姚家巖堵截擊斃多名賊即敗退二十三日賊匪大股復至嚴樹森將勇丁分伏山谷險隘處自帶數百迎敵誘入伏中羣起圍剿殺賊五百餘名其落巖墮堰死者無算賊遂不敢赴鄉擄掠折回城中嚴樹森等遂於隨州城外三路夾擊殺賊數百人適孔

聖朝聖學卷一百三十九

七

廣順由應山前來行抵隨州賊見兵勇厚集不敢復入城中由望城岡一帶下竄嚴樹森等繼其後隊五百餘名二十九日克復隨州賊分水陸兩路向德安竄走臣飭各軍迅速進攻德安不敢稍涉疏懈奏入

上諭曰逆匪並未大受懲創分竄無定殊深慮

初十日辛未都察院奏言據已革左副都御史袁

聖朝聖學卷一百三十九

八

甲三呈稱被議革職來京捧讀

諭旨有被叅擅截餉銀冒銷肥己等情革員督師皖省所需餉銀奉

旨與和春福濟通融協濟會議有按成分用章程兵丁口糧照征兵覈減支放壯勇口糧照征勇酌量變通以每名每日給錢三百為例銷而校定等差有多有少以贏補絀仍不及例銷數目並以

樽節之餉多募勇數百人各勇領餉實數有帳簿及領字可稽且軍需例有歸地方攤補者福濟亦奏明正銷之外有副銷並攤補之款臨淮軍需凡一切例不准銷之項均於勇糧等第內合計勻支並無副銷攤款即例銷內仍多節省緣上年桐城之役革員事後曾函責和春等延不應援本年復以廬州未能即克兩次具奏伊

欽定剿平粵匪方略卷三十九

十九

等銜恨遂捏造蜚語所奉

諭旨匿不行知其錄行各地方官

諭旨內則稱他人奏參革員浮支兵勇口糧用油篋藏

銀寄回原籍等因旋見邸鈔始知係和春等所

參既已奉

旨飭查豈肯自認虛誣至廬州發餉章程多與臨淮不

同應請澈底根究以成信讞所參油篋藏銀如

有其事加等治罪奏入

上命軍機大臣傳諭怡良曰本日據都察院奏革員袁甲三以被參冤抑呈訴並將廬州臨淮支發軍餉不同情形呈請查辦該革員開銷勇糧按名統計是否於每名三百文外另有浮銷所稱各勇分別等差以贏補絀仍不及例銷之數是否確有實據其收捐錢文是否均歸軍餉支用抑係有肥己情事著怡良提

欽定剿平粵匪方略卷三十九

二十

同經管糧臺各委員逐款訊辦至和春福濟原參該革員油篋藏銀寄回原籍並該革員現控和春等將參摺捏改他人等情支發軍餉與廬州不同之處著一併查奏

同日

上諭內閣曰前因逆匪擾及畿疆特授惠親王爲奉命大將軍並派恭親王奕訢等辦理京城巡防事宜復

匪雖已肅清河南邊界賊氛尙近河岸巡防仍未可
稍形鬆懈王履謙所請於官渡適中之區各酌設民
渡一處撥給小船一二隻以供對渡之用係爲便民
起見著准其添設仍會同長臻諄切曉諭祇准本地
居民對岸渡送不得上下往來如有私自行駛卽行
拏究並嚴飭地方河工各文武一體嚴密稽察南岸
柳園蘭儀等口原設練勇亦著照所請卽行裁撤或

聖皇聖方略卷二百二十九

三

應遣散或應調赴何處著王履謙長臻會同英桂妥
商籌辦至近來地方團練原以保衛鄉閭乃河南彰
衛懷及開封等屬抗糧滋事之案層見疊出皆因聯
莊會借團練爲名糾衆抗官相率效尤後患何堪設
想著英桂督飭該地方官剴切曉諭隨時懲辦北路
軍務已平所辦聯莊會是否可以裁撤並著該撫酌
量辦理不得稍涉彌縫以致將來釀成大患恐該撫

不能當此重咎也

聖皇聖方略卷二百二十九

四

欽定勦平粵匪方略卷一百三十 乙卯年

五月十四日 乙亥 巡防王大臣奏言賽尙阿因軍

務獲咎議罪自在巡防處差委以來頗知愧奮

可否免罪之處伏候

聖裁奏入

上諭內閣曰賽尙阿前以大學士奉命督師楚粵當賊

匪困守山箐坐擁重兵不能立即撲滅及賊竄永安

聖皇聖訓卷一百一十

十一

葛爾州城又不能剋期攻復嗣後赴援桂林力守長

沙祇能獲全二城未能扼其竄逸以致該逆蔓延數

省荼毒生靈勞師五載有餘糜餉數千萬兩揆其貽

誤情節較之其餘獲罪各員實為尤重惟現在據該

王大臣奏稱該革員自奉差委以來尙知愧奮自應

量予減罪以示法外之仁賽尙阿著改為發往軍臺

效力贖罪

同日

上諭內閣曰前因訥爾經額於賊匪由懷慶西竄後未

能於直隸各要隘嚴密防守致該逆紛擾畿疆經惠

親王等遵旨按律擬為斬監候已降旨照擬定罪該

革員奉命督師毫無籌畫其貽誤事機實屬罪無可

道姑念其由懷慶折回帶兵無多各路所調官兵緩

不濟急現值首逆就殲畿輔肅清用特寬其一綫之

聖皇聖訓卷一百一十

二

贖罪

同日

上諭內閣曰張亮基著即釋回發往湖北軍營交西凌

阿差遣委用

同日

十六日 丁丑 陳啟邁奏言據義甯州知州葉濟英

等稟報四月十五日有大股逆匪由湖南平江

縣越過該州南樓嶺來撲白沙嶺營盤經防隘官兵督率練勇迎勦賊稍退卻該逆於十八九等日由古石嶺杭口竄越入境州城被圍臣查贛州府知府耆齡領標中營遊擊遮克敦布帶勇已抵饒郡堪資守禦當卽札飭都司吳錫光選帶在饒勇丁一千名速往援應又飛飭防守武甯之已革知府林懋勳代理武甯縣知縣汪寶樹酌撥該縣兵勇一千名督帶倍道前進一面飭催吳錫光等星速遄行痛加剋洗其武甯邊界仍令都司馬占魁堵禦以杜與國逆匪闖入至廣信敗匪四月初一日由開化竄往婺源而去弋陽敗匪散匿於德興樂平浮梁一帶並有數千人聚集樂平浮梁交界之湧山欲圖回竄弋陽經樂平縣營督同紳團進勦該匪旋卽

欽定剿平粵匪方略卷三十三

三

退往浮梁縣之景德鎮現經羅澤南帶領湘勇取道興安至德興樂平搜拏餘孽就近徑赴浮梁相機勦辦奏入

上命軍機大臣傳諭陳啟邁曰自武昌失守後湖北崇通等縣復爲賊踞裏脅日多現有大股逆匪由古石嶺杭口竄入義甯州境圍困州城湖北大軍現在攻勦武漢之賊崇通一帶不能兼顧以致賊勢擾及江

欽定剿平粵匪方略卷三十三

四

境該撫先後派撥兵勇前往堵勦現復札飭吳錫光帶勇千名馳往援應並飛飭知府林懋勳等統帶兵勇倍道前進卽著嚴飭該員等迅速進勦以解州城之圍如兵力不敷仍當酌量添兵助勦饒州業經克復耆齡遮克敦布所帶練勇亦可察看緩急相機調撥如勦辦得手卽當不分畛域越境追擊以助湖北兵力之不及務將此股逆匪盡數勦除其德興等處

餘匪仍飭羅澤南等極力搜捕毋令餘燼復燃

十七日 戊寅 崇恩奏言查西凌阿奉

命赴楚將馮官屯東省糧臺駐守步隊三百餘名撤回

奏明令 臣另選步隊五百名派員管帶同副都

統麟瑞所帶馬隊赴河南交英桂調遣並經該

大臣札飭遊擊王鳳祥帶領起程現在遵

旨挑備兵一千五百名各營搜索不敷已以餘丁五百

聖學聖考卷二百三十

五

名充數此外實無堪以再調之兵除咨 大

臣外並飭遊擊王鳳祥來省候示奏入

上命軍機大臣傳諭崇恩曰西凌阿前奏調山東步隊

係交英桂調遣之兵現在豫省防剿尤為緊要著崇

恩即於備調官兵一千五百名內挑選精銳步隊五

百名派委得力將弁管帶馳赴河南一帶交英桂調

遣

二十日 辛巳 西凌阿奏言 臣遵

旨前赴湖北會勦當將所帶馬隊分起前進 臣即督同

第三起馬隊於五月初八日由馮官屯啟行十

四日馳抵汴梁副都統麟瑞所帶馬步隊七百

五十名遊擊王鳳祥所帶山東步隊五百名係

交英桂調遣該撫現紮信陽 臣已飛飭該副都

統等帶領隊伍向信陽前赴該撫軍營至湖廣

聖學聖考卷二百三十

六

總督官文現在何處紮營由何面進攻 臣再行

酌量程途督兵馳赴會同合勦查五營義勇投

誠以來皆知感奮但非餉項充足不足以作其

氣 臣起程時僅由糧臺提銀一萬七千兩實形

支絀當行文河南布政使鄭敦謹派委承辦糧

臺幹員來營並由該省寬籌軍需數萬兩旋據

該藩司派出同知陳南金隨營辦理而餉項據

稱無款可籌合無仰懇

天恩飭令該省將臣營應用軍需寬爲籌解奏入

上命軍機大臣傳諭西凌阿曰隨州德安之賊已陸續下竄總未大受懲創西凌阿所帶兵勇均係精銳之師必須趕緊會剿兵貴神速斷不可稍涉觀望致誤事機僧格林沁前奏派勇目詹啟綸等赴楚偵探賊情該勇目等如探明逆匪情形該大臣察看確實卽

聖恩匪方略卷一百三十一

七

可相機布置並將所探情形隨時具奏現派綿洵幫辦該大臣軍務業經起程並帶銀四萬兩前往該大臣馳抵楚省所需軍餉可先與官文通融辦理

上又命軍機大臣傳諭英桂曰西凌阿所帶兵勇約數千名由馮官屯起程僅帶銀一萬七千兩若不豫爲籌備稍有支絀所關匪細現在河南藩司鄭敦謹已派同知陳南金隨往行營辦理支應著英桂督飭該

藩司無論何項迅速籌撥數萬兩解赴該大臣軍營以備接濟英桂現駐信陽距楚較近所有楚北近日賊情務卽偵探明確飛咨該大臣相機進剿該大臣已留馬隊兵七百五十名步隊兵五百名飭令副都統麟瑞等帶赴信陽聽候該撫調遣卽著妥爲布置至各省解項行過豫境並飭該藩司不得任意截留以致顧此失彼

聖恩匪方略卷一百三十一

八

二十一日壬午托明阿陳金綬雷以誠奏言瓜州逆匪由東岸賊營突出大股一千餘名直撲觀天橋地方臣陳金綬雷以誠立飭東路各營迎擊賊見官兵卽退至卞家莊副將鞠殿華率領都司袁得名千總哈桂湘等各帶官兵步步進逼殲賊一百餘名賊至尹家橋忽由左邊出賊六七百名抄我大隊袁得名分隊截擊被賊

槍透左臂鞠殿華卽率遊擊馬國陞等接戰復
殲賊一百數十名又從右邊來賊一千數百名
徑撲我隊經都司趙樹棠等分帶官兵迎敵賊
死戰不退臣雷以誠飛飭把總胡德義等率勇
擊斃賊二百餘名復經臣陳金綬親督遊擊王
建功等將馬步分爲三路奮力衝擊賊見兵勢
愈盛敗退狂奔自辰至申共殺賊四五百名又

聖皇聖考卷二百三

九

據分駐江浦之遊擊鄧鳳林等稟稱四月十六
日有賊划箠泊西江口登岸竄擾經文武帶領
兵勇追截斃賊多名五月初五日鄧鳳林石皓
曾勉禮等率領兵勇前往巡哨突見高旺一帶
有賊一千餘名分三路撲來立卽會同該處民
勇分路迎截適副將吉連與直隸州知州徐曉
峯等由西路協攻前來武慶馬隊與曾勉禮練

勇由東路夾擊賊始敗回追至江濱該逆拌死
爭舟望南逃竄其落後之賊盡被擒斬撲江淹
斃不計其數又據焦山水師總兵泊承陞等稟
稱五月初四日瞭見瓜鎮江面有賊船下至金
山周士法卽派守備鞠耀乾帶快艇各船先行
進駛至八號口迎賊船箠開礮奮攻賊不能支
卽回帆敗遁我師緊追見南北兩岸與金山賊

聖皇聖考卷二百三

十

箠齊放大礮鞠耀乾等冒火櫓近賊箠連斃數
賊餘皆撲入江流旋有賊船多隻紛來救應兵
丁孫漢章馬紹先等先後躍上賊船殺賊多名
餘船飛奔竄回查鎮江自撫臣吉爾杭阿帶兵
到彼督剿賊勢極蹙難保不渡江北竄恐浦口
觀音門水師單薄已酌撥陳國泰所帶紅單船
六隻派賴鎮海管帶駛赴浦口一面飛飭泊承

陸周士法酌撥戰船上駛協防至金陵至瓜鎮
各要隘師船過單前已咨商吉爾杭阿等續調
上海拖罾船五隻趕緊來江以備調遣並飭儀
徵六合與浦口江浦各文武嚴防北岸奏入

上命軍機大臣傳諭托明阿陳金綬雷以誠曰此次東
西陸路官兵續攻瓜州逆匪雖殲斃多名究未能直
搗賊巢剋期收復且該逆堅匿不出我軍仍無從著

聖朝聖略卷一百三十一

十一

手必須設法進攻或誘賊離巢痛加剋洗斷不可再
事遷延至上下游江面賊船往來無定復聞金陵逆
匪多造船簞欲順流衝突爲下援瓜鎮之計此時急
務必應嚴飭水師各船合力堵勦使瓜鎮之賊不能
互相援應一面督飭陸路諸軍奮力進攻紅單拖罾
各船分防各隘旣屬過單續調拖罾五隻卽飛調來
江以資攻勦其儀徵六合浦口等處均屬北岸扼要

之區著該大臣等嚴飭帶兵文武各員實力防範托
明阿自到揚州以來打仗未嘗不力然往往勝負參
半葺爾瓜州並無城池可守何至被賊久踞攻勦費
力竟與堅城相等恐調度或未盡善抑帶兵諸將恃
勇而不濟以謀耶著托明阿會同陳金綬雷以誠悉
心籌畫謀定後動務操勝算毋得以小有斬擒數日
一奏視若奉行故事也

聖朝聖略卷一百三十一

十二

二十二日 癸未 英桂奏言已革副都統常亮帶馬
隊一千五百名副都統麟瑞帶馬隊七百五十
名並山東巡撫選撥步隊五百名陸續來豫查
馬隊長於衝突宜用之曠野平原而信陽光山
一帶地多水田並有山徑小路馬隊實難施展
且當此糧餉支絀之際經費尤宜撙節馬隊較
步隊口糧多至倍蓰 臣恐以有用之兵置之無

用之地難收實效徒耗餉精可否仰懇

天恩將常亮所帶馬隊一千五百名麟瑞所帶馬隊七

百五十名或派赴別路軍營利用馬隊之地或

撤令歸伍之處伏候

欽定奏入

上命軍機大臣傳諭英桂曰山東撥往馬隊於豫省不

甚相宜著英桂即撥出一千名飭赴金陵交向榮調

聖皇聖考卷一百三十一

十三

遣其餘一千二百五十名即撥赴安徽交和春福濟

分撥布置所有前項馬隊即著統歸麟瑞管帶俟馳

抵安徽軍營交明後再將金陵軍營之一千名帶往

應由何處渡江著與托明阿妥商前進英桂即一面

傳知該副都統一面飛咨金陵安徽及沿途地方以

便趨行

英桂又奏言查投誠義勇三千餘名由山東撥

赴楚北軍營調遣經過豫省地方先經臣派員

沿途小心照料會同各州縣妥速應付出境毋

令滋事現據報頭二兩起已過省城行走尙屬

安靜臣思軍營募勇原以助兵力之不逮既需

駕馭得宜以服其心尤必口糧充足以鼓其氣

楚北兵勇雲集需用浩繁與其支絀於將來不

若綢繆於先事而此項義勇尤須寬為接濟應

聖皇聖考卷一百三十一

十四

請

旨密飭西凌阿於到楚後察看情形如投誠義勇有情

願歸農者不若撤令回籍以免他虞否則或分

派各營期與兵力相輔並論管帶員弁妥為約

束俾安反側奏入

上命軍機大臣傳諭西凌阿曰據英桂奏撥赴楚北義

勇如有情願歸農者請撤令回籍此項義勇人數衆

多良莠不齊原難保其必遵約束惟現在楚北幾於
徧地皆賊該義勇等又恐無家可歸若紛紛遣散必
至仍流而爲匪祇可就其自願回籍者遣之使歸其
願在行間者或分派各營使兵勇相輔而行不致難
於約束仍須示以恩信有功者酌加獎勵以堅其自
效之心而消其反側之念西凌阿卽遵本月二十日
諭旨統帶精兵會合官文探明賊蹤痛加勦洗仍將

聖事畢方略卷二百三十

十五

勇日詹啟綸等所探逆情並該大臣抵楚後勦賊情
形一併迅速具奏

二十六日 丁亥 胡林翼奏言臬司李孟羣副將王

國才於四月二十六日約會兩岸陸師齊發一
攻鮎魚套一攻漢陽賊舟自辰至午排礮轟擊
賊以戰艦橫截鮎魚套口及漢陽河口我師從
江外攻之斃賊五十餘名王國才等卽攻漢陽

西門賊壘寂不聞聲王國才知賊計詭譎嚴飭

兵勇毋許輕進俄頃伏賊盡出王國才佯卻以

誘之於賊營三里之外民房牆穴豫安木礮追

賊追至自燃引綫轟斃賊目二名斬擒甚多臣

於是日督隊力攻南岸賊營分兵三路各攻一

壘千總何紹彩等帶勇力攻江邊白沙洲各營

其齡勇恆勇寶勇安勇分攻江隄八步街各營

聖事畢方略卷二百三十一

十六

該弁等知賊營牆濠高深豫選壯士各持斧鋏
掘濠拔籤直逼其壘賊營槍礮如雨江邊各勇
中傷三十餘名仍堅立不動江隄各勇始則攻
撲甚猛同時中傷五十一名創甚稍卻因扶掖
帶傷勇士隊伍雜亂賊遂悉銳乘之適水師知
府彭玉麟遙見中路勢將不支卽飭江邊陸師
趕回橫截自率水勇協助何紹彩周得魁伍典

三營亦四面前來援應由隄下湖蕩鳧水衝上者數百人其大隊又繞上三里涉淺橫衝殺賊三百餘名後路賊匪數千已被橫截中分爲二先行奔潰惟時援兵已上隄岸而隄岸之勇目亦督隊回殺無一賊得脫者二十七二十八五月初二初六等日水陸復出隊力攻或以數十人誘之或以大隊偏之賊終不出接督臣棗陽

聖朝聖方略卷二百三十

七

曾次函稱西安將軍力戰陣亡德安一帶賊氛尙惡可否懇

恩迅催塔齊布孔廣順進兵援楚庶大江南北可以速

復而江西湖北水軍不至爲賊中梗

胡林翼又奏言臣力攻武昌一月有餘近日賊

更閉匿不出知其必有奸謀五月初九日適有

投誠降賊探知賊計堅守不戰於初七八等日

聖朝聖方略卷二百三十

六

潛啟東門夜出大股迂道上竄夜行晝伏定於初十日陰襲金口以斷水陸餉道臣軍兵力不厚金口僅有守護勇丁數百名分防紙坊兵勇亦僅有一千二百名勢恐不支萬一賊匪竄踞則後路糧餉軍火必致斷絕又因北岸亦關緊要已續派兵勇千二百名渡江協勦兵力難以再分臣卽日親提各勇飛馳金口紮營未畢而紙坊兵勇千二百名於初九日三更被賊圍攻力戰一夜初十日業已潰散賊之全隊直犯金口分五路來撲臣軍豫分三路埋伏以待而以三路接戰千總何紹彩等各率百餘人誘賊而以大隊旋轉繞之殺賊一百八十餘名偏溺內湖淹斃者約二百名戰至黃昏數路之賊均經敗退我軍亦收隊修整牆壘並據水師彭玉麟

鮑超張啟基等稟稱是日下游有另股賊匪循江上竄我軍過江轟擊各用三板排礮攻之斃賊甚多賊敗下走十一日賊復四路來撲遙見樹林埋伏尤多臣飭各營登高審視按兵不動專派長字營六百人深入誘之賊果大至伏賊亦起我軍仍分六路應之何紹彩周得魁伍典丁銳義等各率練勇分投勦殺斬首二百十三

聖粵匪方略卷一百三十

九

級溺斃約百人尙有賊千餘經署臬司李孟羣督飭水師遊擊何越瑛率勇登岸擊退此次賊匪欲抄襲各營後路官軍未爲所乘水陸併力禦之故連戰皆捷臣仍督飭各營實力攻勦迅殄逆氛奏入

上命軍機大臣傳諭胡林翼曰武漢賊勢尙形猖獗該署撫所帶兵勇旣嫌單薄自未便再行分撥所稱選

派精卒委臬司管帶渡江協勦係恐賊由漢沔上窺荆襄繞出水師後路但此時隨州已復沔陽一帶賊匪亦經擊退孔廣順所帶官兵已由棗陽一路進勦德安西凌阿所統官軍不日可出豫境當可遏賊上竄若李孟羣再帶兵渡江恐該署撫兵力愈單金口一帶不能堵截轉致該逆沿江上竄未爲得計仍著該署撫酌量緩急相機辦理塔齊布在九江未能卽

聖粵匪方略卷一百三十

三

時攻克萬不能分身來楚致賊肆行出江孔廣順進攻北岸必須將德安之賊掃除方能進搗漢陽該署撫惟當就現有兵力速籌勦辦如江北甯清西凌阿等自能進兵與兩岸夾擊也

二十九日

庚寅

王履謙奏言河臣長鑣上年因感

受寒溼臣見其肢體稍減精神尙堪支持詎意交夏後日甚一日於五月二十四日卒刻在蘭

儀工次出缺所有河督關防 臣暫時封固收存
其巡防及工程要件 臣仍督飭沿河文武益加
慎重不敢稍涉大意奏八

上諭內閣曰河東河道總督長臻由部員外任知府洊
歷監司自簡任河督以來辦理隄岸工程諸臻妥協
前年因賊氛滋擾督辦防河諸務不辭勞瘁茲聞溘
逝軫惜殊深長臻著照河督軍營病故例賜卹任內

聖皇聖考卷二百三

三

一切處分悉予開復應得卹典該衙門察例具奏

同日向榮奏言准浙江撫 臣何桂清咨稱江西
景德鎮賊股復竄入徽州祁門一帶於四月二
十二日突陷休甯縣城 臣檄調遊擊蕭知音帶
兵五百名馳往勦辦奏八報

三十日 辛卯 載增奏言荊州係南北咽喉重地防

守最為緊要本年正月逆匪上竄 臣卽與官文
籌商分派兵勇會合團練布置城外各要隘聲
勢尙為聯絡惟荊州滿營額設官兵祇四千餘
員名除派防隨征外存留荊州城內者僅一千
五百餘員名實形單薄新任左翼副都統富森
本月十一日履任 臣與熟商於郡城內外親督
巡防不敢稍存諉卸至西凌阿所帶官兵較厚
擬俟其到楚時於荆襄適中之地擇要扼紮相
機進剿兼為水陸各路策應 臣亦得就近會商
一切新授荊州米軍綿洵不久亦當到任自可
因時審勢會籌妥辦奏八

聖皇聖考卷二百三

三

上諭曰西凌阿抵楚後專為勦辦逆匪礙難趨於無賊
之地駐紮徒糜餉糈綿洵亦係幫辦軍務尙無到任
之期荊州防勦事務汝須循照官文辦法勿稍廢弛

仍可與該督往返函商也

欽定剿平粵匪方略卷一百三十一

三

欽定剿平粵匪方略卷一百三十一 乙卯年

中央民族
書院圖書

六月初四日乙未陳啟邁奏言湖北崇陽

匪圍攻義甯州城當經抽調武甯饒州兵勇馳

往救援探報義甯賊匪邀集武昌等處黨與萬

餘在城外紮營十餘處並於各要路分布攔截

四月二十一日守備藍汝帶兵勇行抵州境之

夏源坑遇賊出敵奮力迎勦殺賊十餘人因跟

欽定剿平粵匪方略卷一百三十一

一

蹤追擊遇伏失利退回梁口駐紮二十六等日

知府林懋勳添撥兵勇協同進攻鳳凰嶺等處

賊營互有殺傷五月初二日都司張全孝巡檢

吳元理帶勇進攻北岸賊營斃賊四五百名燒

燬賊營三座因深入遇伏均力戰陣亡其圍攻

州城之賊自四月十九日起百計攻撲經知州

葉濟英委員陽秉鏞激勵兵勇竭力堵禦屢挫

賊鋒五月初三等日派兵出城協同鄉團夾擊
每次殺賊數百先後焚燬賊營數座詎該逆於
初九日在西門偷挖地道用地雷轟塌城牆逆
衆擁入葉濟英陽秉鏞署州同蔣啟華吏目王
秦州及在防文武員弁紳士數十人血戰陣亡
葉濟英家屬四十餘口同時殉難是時遊擊吳
錫光自饒郡帶兵往援聞信倍道前進至湘竹
紮營十三日派八成隊進攻州城以二成守護
老營逆衆萬餘分十數股來拒吳錫光所帶陸
勇不滿二千名分路迎敵殺賊千餘逆衆奔潰
乃該逆另股暗襲湘竹老營縱火焚燒吳錫光
率兵勇回救被賊前後包裹吳錫光陷陣衝突
又殺賊數十人力竭被害此股逆匪勢甚臨張
難保不乘勝窺伺省垣分擾毗連郡縣亟宜痛

聖朝聖考卷三十一

二

加勦洗適新任贛州鎮總兵劉開泰自金陵來
江臣隨撥寶勇六百名志同軍五百名交該鎮
統帶取道奉新沿途收集潰兵相機勦辦惟兵
力尙屬單薄現在廣饒二郡餘匪已竄徽州羅
澤南一軍駐紮景德鎮防堵自應移緩就急業
經臣咨會曾國藩飛調羅澤南帶勇兼程來省
爲劉開泰後路策應以期速殄羣醜克復州城
並可保衛省垣所有陣亡殉難之知州葉濟英
等暨該知州家屬應請
旨飭部從優議卹並於州城建立專祠以慰忠魂其餘
陣亡員弁紳士兵勇另行查明請卹奏入
上命軍機大臣傳諭曾國藩陳啟邁曰義甯州城失陷
遊擊吳錫光陣亡賊勢益熾恐南昌省城人情震動
該撫飭調劉開泰帶勇前進兵力究嫌單薄吳錫光

聖朝聖考卷三十一

三

所帶之勇著劉開泰收集統帶藉壯聲勢逆匪復陷
休甯其饒廣一帶原未可稍形鬆勁惟此時省城急
需兵力著卽照該撫所請速調羅澤南一軍兼程來
省以爲後援省城布置周妥羅澤南仍當星速出省
與劉開泰合兵進剿不可專以保衛爲名致成株守
曾國藩水軍近在吳城船隻業已齊備旣不能迅克
都昌扼賊往來之路卽當保衛省垣先固根本豈可

欽定剿平粵匪方略卷三十一

四

專恃羅澤南陸軍而置水軍於閒地著與陳啟邁妥
速布置俾羅澤南到省後卽可進攻義甯不致牽掣
該處與湖北通城湖南平江等處均屬接壤萬不可
令其日久負隅致三省聲勢隔絕勦辦愈難得手饒
州一帶仍著該撫飭令趙如勝等妥籌防剿毋得稍
有疏懈

上諭內閣曰義甯州城被賊攻陷各員弁血戰捐軀均

堪嘉憫候補知府義甯州知州葉濟英委員候選直
隸州知州陽秉鏞知州銜升用知縣署義甯州州同
蔣啟華六品翎頂升用府經歷縣丞義甯州吏目王
秦州銅鼓營都司張全孝八疊司巡檢吳元理遊擊
吳錫光均著交部從優議卹並著於該州城建立專
祠以慰忠魂葉濟英家屬四十餘口同時殉難尤堪
憫惻著一併附祀其同時陣亡紳董員弁兵勇均著

欽定剿平粵匪方略卷三十一

五

查明請卹

陳啟邁又奏言四月二十九日興國州賊匪千
餘人竄至武甯縣境把總彭應魁等率領兵勇
進剿斃賊百餘名五月初四日復有逆匪四五
千人由橫路上坂直撲我營馬占魁等分投設
伏三路夾攻殲斃逆首畢家森及匪黨千餘名
生擒偽總制陳碧山等五名正法奪獲軍械多

件餘匪竄回興國州武邑不致被擾在防出力員弁請彙入前次勦匪獲勝案內一併請獎仍令加意嚴防毋稍鬆懈奏入

上諭內閣曰興國大股逆匪直犯武甯經在防員弁紳士豫爲準備合力迎勦大挫賊鋒地方不致被擾勦辦尙爲妥速所有出力員弁准陳啟邁彙入前次勦匪獲勝案內一併請獎以昭激勸仍著飭令該員等

聖朝聖略卷三十一

六

加意嚴防毋得以餘匪遠竄稍形疏懈

初六日丁酉湖廣總督官文奏言臣於五月二十

五日行抵襄陽接印任事准前督臣楊需咨稱

五月十六日賊由浙河上竄經兵勇迎勦殲

賊目數人並焚燬馬平港賊巢數處斃賊多名

餘匪下竄相機進勦等語至德安賊匪無多已

有下竄之意惟連接安陸府並潛江京山等處

稟報賊已分股竄撲天門阜市地方並京山縣屬之潘家集等處意在橫竄襄河仙鎮賊匪聚集甚衆各請添兵救援前來查德安賊匪被北路官兵迎勦屢勝其鋒已挫勦辦非難而天門京山逼近安陸道路處處可通兵力甚形單薄儘被竄入襄河勾連仙鎮以下股匪不特荆襄在在堪虞且恐上游各處仍可北竄防勦更覺

聖朝聖略卷三十一

七

費手就現在情形而論襄河一帶較隨棗尤覺

喫重臣再四籌思若不分路進兵四面圍勦該

匪詭譎多端必致此擊彼竄滋蔓難圖當飭隨

帶川兵一千名先赴天門並催楊昌泗常恩兵

勇千名會合川兵由阜市進擊一面飛飭駐紮

安陸衛守備葉椿帶勇一千名前往京山防守

再留川兵二千名駐紮安陸以爲天門京山兩

路援應相機前進合攻應城首尾兜擊以免竄
越現在西凌阿督兵行抵汴梁指日南下臣已
飛咨該大臣來楚由北路進兵迅復德安使賊
無北竄之路並咨孔廣順督同劉富成等管帶
兵勇堵禦如有隙可乘卽合兵進取德安復知
會訥欽將棗陽大營所部兵勇選擇精銳自興
隆集進兵合勦以爲後應如克復德安卽留該

聖諭

木

提臣分兵駐守北兵遂可出府河進攻漢口行
知楊需令其權在棗陽督辦後路並飭漢陽府
知府栗耀前往棗隨督飭團練如此嚴密布置
北路似可無虞一俟西凌阿有信到楚臣卽親
督兵勇從襄河兩岸水陸並進會督仙鎮兵勇
直擣漢川進攻漢陽一路居中策應南可與金
口消息相通北可與北軍聲勢聯絡上可保護

荆襄下可進擊武漢較勝偏守一隅仍隨時會
商西凌阿並署撫臣胡林翼激勵士卒協力進
勦至投誠義勇駕馭頗難經臣面爲開導尙知
感激擬查明情願回籍之人陸續遣散其真心
效順者卽與酌留示以恩信兇頑難化之徒分
別懲辦暫飭赴孔廣順大營安置俟西凌阿到
楚卽遵

聖諭

九

旨歸其統帶妥爲約束奏入

上命軍機大臣傳諭西凌阿官文曰德安賊匪經官兵
截勦意在下竄而天門京山賊已分股竄撲該處偏
近安陸道路處處可通設竄入襄河勾結肆擾不特
荆襄可慮且恐由上游各處再圖北竄自應分路進
兵爲四面兜圍之計官文現派川兵先赴天門並催
楊昌泗等由阜市前進葉椿所帶之勇飭赴京山又

留川兵二千駐紮安陸以爲天門京山兩路援應相
機前進布置尙屬周密西凌阿此時諒已馳抵楚境
卽當迅速前進按照官文所咨情形乘德安賊匪無
多將郡城剋期收復使該逆不敢覬覦北犯庶可節
節進徧由楊店一路進攻漢口官文卽統帶兵勇由
襄河兩岸水陸並進直搗漢川仍當與西凌阿胡林
翼聲勢聯絡合力兜擊以期克復武漢兩城毋稍遷

聖朝方略卷一百一十一

十

延致失機會投誠義勇仍著西凌阿妥爲約束毋令
別滋事端

同日何桂清奏言江西浮梁景德鎮各路賊匪
自德興饒州克復後窮蹙無歸併竄安徽婺源
縣境石景芬帶勇迎擊疊勝斬賊目一名逆黨
二百餘名該逆隨竄過浙嶺於四月二十二日
占踞休甯縣城並有祁門嶺外各路股匪越嶺

入徽向祁門黟縣一帶竄擾臣當卽飛調周天
受都隆阿鄧紹良等各帶兵勇相機勦辦徽州
府同知關從龍帶勇會勦並奏留在徽之知府
程葆紆合歙縣民團助戰五月初九日黟縣股
匪經該邑民團擊敗併竄休甯該逆增高城垣
城內外排釘木椿竹籤並有悍賊二千自安慶
來勢甚猖獗初十日我軍移營距休城五里之

聖朝方略卷一百一十一

十一

漲山嶺十一十二等日該逆大股疊撲周天受
都隆阿兩營我兵迎擊先後斃賊四百餘名石
景芬程葆各率衆助戰賊鋒大挫十五日各路
兵勇齊到鄧紹良親自督戰將士踴躍爭先拔
樁前進因城上守堅礮密未能得手退伏深林
誘賊賊果分股衝出鄧紹良飛調守營兵勇迎
敵林內伏兵亦出合戰殺賊甚多石景芬帶勇

在東南二門鏖戰賊衆死拒彼此互有殺傷周
天受趕往接應手斃賊目一名賊始驚退入城
旋探該逆疊次受創共斃七八百人其僞檢點
黃姓陳姓及賊目多人亦均殲斃有西竄意鄧
紹良隨派川楚浙兵連夜進攻賊勢不支於五
更時潛出西門由黟縣一路奔竄當將縣城收
復一面拔營追勦沿途斬獲逆匪二百餘名其
退入黟縣之賊亦聞風逃避鄧紹良帶兵從石
埭一路跟蹤勦捕石景芬帶勇前往祁門以防
回竄現該逆竄出石埭勢必歸併青陽臣已飛
咨鄧紹良查探逆蹤力圖攻勦儻已從青陽竄
出大江卽屯兵於青陽石埭之間力保徽甯門
戶兼爲蕪湖大通策應此次在事出力官紳員
弁俟鄧紹良等咨報另行籲懇

欽定剿平粵匪方略卷三十一

三十一

恩施陣亡千總陳宗富先行請
旨飭部從優議卹以慰忠魂奏入

上諭內閣曰官兵勦賊獲勝克復休甯尚爲迅速仍著
鄧紹良等盡力攻勦務將徽甯之賊悉數殲除毋留
餘孽所有在事出力官紳弁兵著查明保奏陣亡千
總陳宗富著交部從優議卹

何桂清又奏言臣前奉

欽定剿平粵匪方略卷三十一

三十一

旨飭查賊至常開邊境旋竄徽饒該鎮是否退縮無能
該道等有無扶同捏飾一併覆奏查衢州鎮總
兵富勒興阿金衢嚴道劉成萬當衢州設防亦
知講求布置常開之役駐紮五里亭居中控馭
實因道路紛歧不能兼顧該鎮尙非退縮無能
該道亦非扶同捏飾惟常山之曹城開化之華
埠等處被賊蹂躪辦理未能周到應請

旨將富勒興阿劉成萬均交部議處再查台州協副將

豫祺自玉山折回常山調赴曹城防堵又調赴

威坪衢州等處所帶台勇沿途滋事該協不能

約束應請

旨將豫祺摘去頂戴以觀後效如再不知振作另行從

嚴叅辦至華埠之戰有楓嶺營外委葉選陣亡

莊前之戰有金華協左營把總孟夢虎陣亡均

聖朝聖略卷百三十一

十四

堪矜憫應請

旨飭部優卹又查逆匪竄擾沙安嶺復圖大股分襲常

山其時縣城危在頃刻署衢州府知府馬椿齡

署常山縣知縣李盤以數十名兵勇力保孤城

署西安縣知縣吳來鴻當常開告警之際郡城

弁兵均已調赴行營該員獨力支持激勵紳民

齊心固守又沙安嶺一戰守備蔣廷選千總徐

勇奮勇當先斬獲頗眾可否仰懇

天恩將馬椿齡加知府銜李盤吳來鴻均以同知留於

浙江補用蔣廷選加都司銜徐勇加守備銜出

自

遼格鴻施奏入

上從之

初十日辛丑西凌阿奏言臣擬於六月初四日督

聖朝聖略卷百三十一

十五

隊由信陽起程入楚適接官文來咨德安賊匪

無多已有下竄之勢囑臣由北路進兵夾擊並

據孔廣順函稱該提督等督兵由棗陽馳抵隨

州確探馬平港之賊全數竄回德安即派已革

參將劉富成帶兵進攻德安東北派經歷易朝

棟等進攻德安西門該逆堅守不出濠廣城堅

滾木插石周布我兵槍礮不能傷賊繞城挑戰

未能得手已撤隊在長林岡紮營各等情查該
提督所稱德安賊情布置周密尙無下竄之勢
德安偏近豫邊難保其不窺伺北竄以緩急情
形而論自應先清北面再攻武漢今天門京山
應城股匪官文已派兵勇扼要堵剿自能遏其
橫竄之路惟該督擬赴安陸策應距德安較遠
不能合兵共剿且該省糧臺必隨該督大營臣

聖聖聖聖聖

末

由北路進攻不惟兵力單薄不敷圍剿而應用
軍火口糧無處支領設有掣肘貽誤匪輕應請
飭下官文卽親督兵勇進發德安會同臣合力攻勦庶
德安可期收復而天門等處股匪亦可不擊自
退至應需藥鉛口糧等項並請

飭諭湖北糧臺寬爲豫備應用以期無誤要需

同日署荊州將軍副都統載增副都統富森奏

言德安府河賊衆自疊經懲創後退匿漢川未
敢上竄魁玉督同帶兵員弁進紮鄆家灣等處
五月二十六日賊隊二千數百人分股撲鄆家
灣大營經各營分起出隊自寅至未鏖戰六時
之久水陸大獲全勝斃賊甚衆惟密探該匪擬
分股一由南岸一由乾鎮兩路直趨襄樊隨又
盤獲賊中女探一人訊係逆首自府河遣出窺

聖聖聖聖聖

末

探荆襄道路及官兵消息約會漢川之賊分路
前往襄陽伏思賊情詭譎往往以明攻爲牽掣
之計而分股暗趨別徑乘隙尾抄旁竄使我軍
應接不暇現在鄆家灣等處擊賊得力正須偏
赴仙桃鎮以下進剿萬一賊趨府河別徑而至
天門轉在仙桃鎮之上此軍卽腹背受敵且不
惟慮其橫出潛江更恐直竄安陸則荆襄愈形

喫緊而荆門州屬之沙陽正當其衝尤不可不
以重兵豫扼無如荆州兵力不敷分派其天門
一帶除已札飭該縣多調團勇擇要堵截外查
有署藩司常恩帶赴潛江鄉勇一千名卽飭其
就近相度緩急移師兼顧俾免疏虞至沙陽兵
勇過單已飛函商請官文等撥兵添紮以資得
力

聖朝聖略卷一百三十一

六

同日胡林翼奏言五月初九日探聞賊匪潛出
大股迂道陰襲官兵後路臣營前已分布兩岸
無兵可分未刻拔營不及半日賊果大至力戰
三日敗賊四散迅卽揀派陸勇會同水師入湖
搜勦並派湖南來援之守備譚瓊林回防六溪
口及岳州等處江路要隘仍恐逆賊勾結崇通
土匪餘燼復燃一面飛飭岳州加意防範臣現

駐金口已退離袁家河三十八里之遠雖竄匪
有應追之勢而臣營無再退之理當俟援勦上
游兵勇回營仍迅速進攻武漢惟是武漢形勢
外江內湖進剿頗多阻隔如北路兵勇速至分
途進攻自易克復第溽暑之時澤國沮洳比來
兵勇水土能否服習尙難遙揣且北路兵勇自
當步步爲營以次漸逼斷不可任其輕進失利

聖朝聖略卷一百三十一

九

臣謹就武漢之大勢切實思議查去年前督臣
楊需將軍官文之兵勇均已進逼楊店蔡店軍
山而漢陽之後路已斷岳州屢敗之兵勇又分
爲三大枝以全力注於武昌賊畏提臣塔齊布
之威不能堅守而塔齊布又繞出洪山乘其思
遁而力勦之故兵始到而賊卽敗竄又查二年
提臣向榮以重兵數萬分布武昌各門而全力

一四八 / 續修四庫全書 史部 紀事本末類

扼守洪山賊卽遁竄是進兵武昌固必以洪山
爲扼要矣武昌城周二十里城門凡九臣之兵
力攻其一而遺其八兩月以來逐日攻堅迄未
得手誠爲失算卽擬繞出洪山之下尙恐兵力
不敷糧路中斷使賊果出城抗拒尙可力戰以
倖成功若堅閉不出徒以礮石自守官兵將有
坐困之勢此武昌一路之實在情形也至漢陽

欽定剿平粵匪方略卷三十一

三十一

城外四面皆水騎兵步卒均阻沮澤賊又四面
皆設陷阱環以溝壘防守倍嚴臣於正月二月
僅帶勇循江隄一路進剿賊得專力抵禦於牆
隙施放火礮中傷勇士甚多故不得手欲攻漢
陽必須於潰口蔡店先以北來重兵扼其險要
深溝高壘不必交戰而賊之上犯襄河者來去
之路已斷臣再開濬江隄放水師入湖同陸兵

力扼其西並設法以水師橫出襄河外江內河
同時夾攻漢陽可期速復鄂省之咽喉始通不
難併力專注武昌蓋鄂省十府黃州居其下武
昌居其南其餘八府皆以漢陽爲門戶自來治
鄂者必以漢陽爲重亦形勢然也一俟追剿上
游水陸各軍不日回營卽當咨商督臣迅將南
勇義勇川兵之服習水土者先行前進更當審

欽定剿平粵匪方略卷三十一

三十一

擇形勢所宜併力一處先其所急以期仰副

聖主眷念南服之至意均奏入

上命軍機大臣傳諭西凌阿載增官文胡林翼曰官文
前奏咨商西凌阿先復德安扼賊北竄令誦欽進兵
以爲後應該督由襄陽親率各兵勇從襄河兩岸水
陸並進本爲居中策應之法據載增等奏逆賊窺探
荆襄道路約會漢川賊匪分路赴襄若由天門縣繞

越仙桃鎮恐匪蹤橫出潛江直竄安陸已飭常恩帶鄉勇就近兼顧其安陸一路即著官文前調之楊昌泗葉椿各兵移往駐紮惟官文以隨棗一帶均經布置謂北路可以無虞又聞德安賊匪將欲下竄而西凌阿則稱該逆死守德安經劉富成等帶兵進攻該逆滾木播石布置甚密似無下竄之意該大臣兵力單薄不敷圍剿兼因藥鉛口糧等項無處支領應由

聖事畢方略卷一百一十一

三

湖北接濟請飭官文會同合剿德安其天門京山等處股匪該督已分派兵勇堵剿若德安克復則餘匪不擊自退現在西凌阿已於六月初四日由信陽赴楚著官文一面飭令湖北糧臺將西凌阿軍營應需軍火等項隨時支應一面酌量情形親自督兵與西凌阿會合攻克德安先清北面以遏賊北竄之路然後與胡林翼會合水陸進攻武漢於南北形勢似屬

相宜著官文通籌大局相機辦理朕亦不為遙制惟不可以德安一城委之西凌阿致令兵單力薄未能一鼓殲除其沔陽天門一帶業經載增等多調練勇並飭署藩司常恩帶潛江鄉勇就近防堵沙陽一路正當賊衝仍著官文撥兵援剿以免疏虞胡林翼駐營金口屢次勦賊獲勝惟無大兵會合未能即復武漢據奏欲攻漢陽必以北兵於潰口蔡店扼其險要

聖事畢方略卷一百一十一

三

並以水師橫出襄河之內方可併力武昌所見尙合機宜該署撫擬商該督將南勇義勇及川兵之服習水土者先行前進著官文俟北路進兵漸有頭緒即應商同該署撫籌畫進攻武漢迅奏膚公以慰盼望胡林翼又奏言南北兩岸賊匪迂道上竄臣分派精幹勇丁各路密探並知會署臬司李孟羣副將王國才水陸進攻五月十五日賊匪大股

分六路來撲每路約一二千人臣豫派千總周得魁等分路迎勦連斃執黃旗悍賊數名騎馬賊目四名賊黨百餘名賊即退卻我軍奮力爭先伏兵兩路齊起抄襲賊俱奔潰殺斃淹斃賊匪七百餘名生擒三百餘名其循江下竄者經署臬司李孟羣知府彭玉麟伏兵截擊斃賊百餘名生擒十二名偏八大江淹斃者二百餘名

欽定剿平粵匪方略卷三十一

三十一

我軍乘勝追勦三十里次日探聞賊匪敗回者仍住紙坊地方我軍大隊直搗賊營乘南風大起施放槍礮火器力戰移時賊乃大潰連踏賊營二座斃賊甚多餘匪分股逃竄周得魁等帶勇追勦直逼武昌小東門賊匪狂奔入城我軍暫在城外駐紮並於紙坊金口犄角立營計兩日之戰殲擒淹斃及薙髮解散者不下三千餘

名賊膽已寒軍氣倍壯惟是逆匪詭譎異常其上竄之賊尤恐勾結崇通餘匪必應即時搜捕除飛咨岳州加意嚴防並派水陸弁勇入湖雕勦外臣仍駐金口老營會商李孟羣王國才彭玉麟等俟上游勦匪事竣卽行併力進攻以期克復武漢仰慰

聖懷此次尤爲出力員弁兵勇可否仰懇

天恩先行獎勵以勸後來奏八

上諭內閣曰武昌漢陽賊匪經胡林翼等疊次勦辦乘勝進攻殲擒淹斃及薙髮解散者不下三千餘名賊鋒已挫著胡林翼等乘此聲威督飭諸軍奮力攻勦以圖克復所有各營員弁兵勇屢次打仗出力自應先行獎勵以昭激勸外委何紹彩千總周得魁均著以千總留於湖北補用並賞加守備銜把總余玉興

欽定剿平粵匪方略卷三十一

三十一

著以千總超補並賞戴藍翎從九品銜丁銳義著以
從九品選用並賞戴藍翎哨官楊光日著以外委卽
補並賞戴藍翎州同銜伍典著以州同選用並賞戴
藍翎哨長周玉成向德明劉英傑周有元秦裕昌楊
琢珩武生吳璘六品軍功姜映姜紹清姜八斗劉忠
彭再榮均著以把總補用並賞給六品翎頂勇目何
致魁李清濂朱希廣何紹凌胡贊勳周邦裕周占魁
均著賞給六品翎頂哨長姚大典楊七保張勝奎黃
上玉吳志秀蕭登高均著以把總拔補

十二日 癸卯 會國藩塔齊布奏言四月十三日 臣

會國藩水軍由吳城移紮南康前隊戰船進泊
青山地方南康老營下則攻湖口之賊冀欲力
破此關上則防都昌之賊擄船而襲我後路二
十一日派定湘營何啟長往勦都昌陸賊二十

聖皇聖考卷二百三十一

三

二日抵馬家堰圍燒該逆接濟湖口糧船百餘
號至徐家埠復燒賊船五十餘號又至都昌城
下燒賊船百餘號至土塘燒賊船四十餘號生
擒長髮賊五名焚斃溺斃數十名五月初八日
聞逆匪復在都昌擄船掠糧又派孫昌國前往
搜勦燬賊船二十餘號十三日我軍派船九十
餘號至青山一帶放哨適賊船自姑塘上犯由
西岸斜渡東岸勢甚兇悍我中營賀虎臣定湘
營何啟長帶船渡至東岸迎敵而留蕭捷三等
三營於西岸抄賊後路該逆力撲東岸賀虎臣
等揮旗力戰賊勢已卻又因西岸各營來抄賊
復回拒攢礮對擊鏖戰兩時之久斃賊約三百
人東西兩岸之賊紛紛敗竄 臣會國藩上游接
應師船亦同時駛至該逆迷亂失措我軍列礮

聖皇聖考卷二百三十一

三

環攻追奔二十餘里至驪山以下燒燬賊船三隻始行收隊查該逆前恃民船數千震人耳目其能戰者不過戰船數十小划數百上年冬間始聞其在皖修船習戰不謂遽爾操練成熟梟悍異常賴內湖水師奮勇決戰倖獲全勝所有出力員弁額懇

天恩容臣等擇尤保獎再湖口之賊時欲撲我水營潯

聖朝方略卷一百三十一

三

城之賊時欲撲我陸營近日賊船由上游駛下者甚多灣泊潯江聲言大舉臣塔齊布陸軍晝夜嚴防擬趁該逆出巢乘勢痛剿至羅澤南一軍自景德剿賊後經臣等飭令仍回饒州都昌與水師會攻湖口並可與九江陸營聯爲一氣三路合師軍威無難復振乃因義甯失守經江西撫臣調羅澤南速回省城湖口東岸旣無陸

兵則水師之孤懸可慮三路之會合無期是以不免掣肘奏入

上命軍機大臣傳諭曾國藩塔齊布陳啟邁曰曾國藩等水陸兩軍必須聲勢聯絡方可得力自師船阻入內湖塔齊布一軍孤懸無助現聞賊勢猖獗而該處又無兵可撥甚爲可慮曾國藩水師固應速出湖口而此時姑塘青山一帶賊船蟻聚若非剿除淨盡則

聖朝方略卷一百三十一

三

內患未除何以禦外著曾國藩督飭將弁先將湖內賊船盡力掃除方能出江與塔齊布會合至羅澤南一軍爲賊牽掣未能卽歸九江著俟義甯剿辦得手後卽行調回與曾國藩塔齊布等併力會剿現在塔齊布兵力稍單總須攻守兼施不可稍涉大意此外江西省有無可調兵勇並著陳啟邁悉心籌畫酌撥前往塔齊布軍營助剿或先克九江或先將鄱湖賊

船悉數掃除則水陸兩軍可併而為一庶逆氛漸就
肅清該侍郎等務當通籌大局謀勇兼施以副朕望
上諭內閣曰內湖水師奮勇擊賊疊獲大勝所有出力

員弁著會國藩等擇尤保奏候朕施恩

十三日甲辰署吏部左侍郎沈兆霖奏言查安徽

一省在江北者為安慶廬州鳳陽潁州四府六

安餘和泗四州在江南者為池州太平徽州甯

聖朝聖考卷百三十一

三

聖朝聖考卷百三十一

三

國四府廣德一州而安慶以省會居南北之中
故能控制裕如今江北之安廬和江南之池太
皆為賊踞皖撫駐營尙在廬城東北徽甯廣三
屬距撫臣駐紮之所中隔池太安廬和五屬之
地文書往返必經江蘇浙江兩省動輒月餘故
徽甯廣雖隸安徽幾為撫臣號令所不及事急
則向浙江請兵請餉事平則泄沓如前不加整

頓官吏之賢否皖撫不及知浙撫雖知之而無

點陟進退之柄亦難越俎而謀兼之浙省派兵

勇駐彼防堵主與客各存意見不肯協力守禦

莫若暫設一皖南巡撫使之專轄四府一州庶

足以飭吏治而固民心蓋甯池徽太廣五屬雖

設兵備道一員而一切皆須稟命督撫不能專

決遷延守候必致坐失機宜設巡撫則權有專

聖朝聖考卷百三十一

三

屬令可必行道府既有所稟承士民又得所歸

向內可度地險以設防外可奮兵威以協勦皖

撫得以專心於江北浙撫不至牽掣於皖南似

亦救時之一策可否

發交廷臣集議妥為區畫但期事有實效不妨暫議更

張且據今日徽甯廣言之即不另設巡撫亦宜

急籌善法俾民心不至散渙是否有當伏乞

聖鑒訓示奏入得

旨著軍機大臣大學士會同該部妥議具奏

十六日丁未官文奏言准署荊州將軍載增咨稱

魁玉現奉

旨補授江甯副都統臣查魁玉帶兵在襄河鄆家灣一

帶勦匪疊勝甚屬得力刻下江甯尙未克復楚

北防勦正值喫緊可否仍留該副都統在營辦

聖鑒軍機方略卷一百三十一

三

理軍務俟武漢肅清再行前赴新任出自

聖裁奏入得

旨允行

十七日戊申托明阿陳金綬雷以誠奏言瓜州賊

匪踞險固守專望外援五月十四日有金陵大

幫賊船載米接濟瓜州滋擾北岸經浦口江浦

文武率兵勇截勦先後燒燬賊船三隻擊沈二

隻又沈燬賊划多隻奪獲十一隻殲斃溺斃賊

匪無數餘匪登舟竄逸又探聞上游沿江屯有

賊箠十餘座均長數十丈兩旁密排長木如城

外有礮船民船數十號又下關七里洲亦有賊

造箠船數座屬聚大小多船是其蓄謀下駛尤

為顯然臣等一面密飭各路嚴防一面督率水

陸緊攻瓜州二十四日派知州雷鳳翥孫懷德

聖鑒軍機方略卷一百三十一

三

各帶練勇由東路虹橋誘賊出巢而以官兵隨

後接應殲斃虹橋對岸守卡賊匪十餘名擠溺

水中多名進勦至丁橋遇賊四五百名來撲復

截殺數十名追過浮橋忽從瓜州玉皇閣出賊

千餘臣雷以誠卽派水勇過河接應殲賊甚多

餘匪四散我師甫撤賊復偏進戰至虹橋東岸

又有賊二三千名從西岸衝來徑行渡河經東

北兩岸兵勇齊出斃賊不計其數賊始潰竄六月初一日臣托明阿由陸路進攻總兵陳國泰等帶領紅單船夾攻兩岸賊壘賊眾開礮抗拒師船乘風回環攻擊礮力所到土石齊飛不知殲賊多少自卯至巳風力已微水師次第撤隊陸兵進至五里莊一帶因久雨江漲賊營之外一望沮洳馬步均難立腳賊匪不出雖放礮遙

聖朝聖訓卷一百一十一

書

擊賊壘不能得力隨即撤隊初四日鎮江小橋口有大小賊船數十隻接應瓜州經焦山水師總兵周士法率守備鞠耀乾等擊退查瓜州逆匪連營踞險溝塹重重計誘不出上游賊聚簿船時思下竄江浦浦口六合儀徵一帶在在需防而鎮江與瓜州對岸尤易偷渡自非掃除逆船肅清江面則北岸二百數十里無論何處有

警均須分我兵力屢次進攻不能著手多由於此現據上游探報吳全美等進攻上河口芝麻河等處賊船壘獲勝仗臣等復與向榮知會皖省令道員張光第等嚴守烏江石磧橋一帶與江口互相聯絡以固北岸藩籬凡探得南北賊情均與向榮吉爾杭阿熟商妥為防範總期南北兼顧速滅賊氛奏入

聖朝聖訓卷一百一十二

書

上命軍機大臣傳諭托明阿陳金綬雷以誠曰金陵賊船裝載米石欲赴下游接濟雖經官軍水陸截擊並未大受懲創而上游逆匪箛船尙復連檣屬聚官兵防不勝防又不能迅速攻克處處牽掣何時可了據該大臣等奏瓜州溝塹重重計誘不出直欲待江面肅清進攻始能得手試思江浦等處賊船所以不能肆擾者皆因未容登岸無險可踞故截勦易於為力

若瓜州賊巢能卽攻破則雖賊箠下駛亦易防剿該大臣等不知賊船之敢擾北岸由於瓜州之不克而轉謂瓜州之難攻由於江面之未清豈得謂操勝算著卽督飭水陸將弁設法速攻不得藉口天雨沮洳逆匪堅拒再事耽延亦不准待逆賊出撲始行截剿總宜謀勇兼施迅圖克復毋得視爲誥誡之虛文也

欽定剿平粵匪方略卷一百三十一

三

欽定剿平粵匪方略卷一百三十二 乙卯年

六月十九日 庚戌 何桂清奏言賊匪併股

境官軍克復休甯後由黟縣出嶺追剿探知逆匪前隊已至石埭踞守縣城欲犯甯國後隊由祁門一帶竄去提督鄧紹良親督川楚官兵馳往石埭距城五里紮營該逆見我軍追至卽分股撲出東門直趨太平之路我軍各路義勇及甯國團勇同時趕至會剿千總楊國正等迎頭開放槍礮斃賊極多鄧紹良揮兵將賊隊衝爲兩截併力勦殺賊之後隊逃奔回城前隊被我軍殲斃無遺該提督飭各路兵勇圍城周天受蕭知音馬永清攻西南門江長元楊國正等攻東北門兵勇或奮力登城或奪門直入賊衆慌亂我軍分投截殺斃賊二千餘人生擒一百七

欽定剿平粵匪方略卷一百三十二

一

十餘人間有奪路逃出者復經追殺至城外之琉璃嶺斬首七十一級生擒二十一名當將縣城克復吳應霖等進城將餘匪搜捕淨盡其逃往祁門之賊亦經我兵追剿竄出各嶺徽州一律肅清仍飭派防文武員弁嚴密巡防不得稍有懈弛查提督鄧紹良力矢公忠保衛大局在事文武官紳無不爭先效命擬會商鄧紹良分

別奏請

恩施奏八

上諭內閣曰逆匪自休甯敗走復敢由黟縣竄踞石埭縣城窺伺甯國提督鄧紹良督兵出嶺追剿會合甯國官紳克復城池聚殲悍賊二千餘人不留餘孽剿辦尙爲妥速鄧紹良著交部從優議敘其餘在事出力文武官紳人等著何桂清會同該提督查明分別

保奏候朕施恩

同日

上諭內閣曰前因粵匪滋事疊次諭令各直省督撫大吏督飭地方官會同紳士舉行團練比年以來各該省紳民人等均能深明大義志切同仇現在北路肅清直隸山東山西等省距賊較遠地方自應量予裁撤以息民力河南省除與皖楚毗連之州縣仍宜舉

行團練藉資捍衛其餘各州縣所辦聯莊團練著該撫出示曉諭酌量裁撤俾小民各安農業無妨生計並著直隸山東山西各督撫各就地方情形斟酌妥辦其辦理聯莊團練尤爲出力者著各該省督撫查明酌量獎勵以昭激勸

二十日 辛亥 向榮奏言自師船掃蕩三山扼斷江

面所有上游之賊紛紛嘯聚梁山蕪湖不時聞

入清水灣汴節經防堵知縣曾承禧督勇擊退
五月二十三日探報蕪湖賊匪糾黨萬餘欲犯
甯國黃池東壩情形均甚喫重臣抽撥得力兵
勇揀派總兵明安泰統帶馳往督同黃池各軍
嚴加堵禦並飛檄鄧紹良由石埭回援甯國一
面飭催吳全美等督帶師船會商總兵德安陸
軍速攻太平梁山以綴蕪湖之後使賊不敢內
犯二十七日蕪湖大股賊匪水陸竄犯灣汴經
鄧紹良曾承禧督帶各勇分投迎戰都司虎坤
元帶兵接應併力奮擊焚沈賊船十餘隻斬擒
溺斃賊匪二三百名賊即敗退二十八日吳全
美李德麟王鵬年師船自三山乘風攻上烏江
二十九日進至采石三十日攻近和州先後奪
獲賊船十餘隻斃賊數十人攻至金柱關外大

欽定剿平粵匪方略卷一百三十一

四

江收隊扼泊六月初三日吳全美等督領全幫
戰船乘風上駛德安親領兵勇分攻太平各門
水陸夾擊該逆一見我軍即棄城奔赴金柱關
併力拒禦我軍追殺數十人當將府城克復德
安移營城北黃山扼賊越竄之路吳全美等揮
令各船乘勢直上先後擊覆賊船二十餘隻已
刻攻進東梁山江面該逆由夾江搶出礮船百
餘隻開礮迎拒我船分兩翼衝鋒大礮環轟立
沈賊船三十餘隻焚燬十餘隻斃賊無數該逆
敗奔夾江吳全美與李德麟會督礮船向賊壘
轟擊賊皆伏匿而西梁山逆船遙擁來應並聯
絡東梁山以上逆船攔江阻截又於東西洲岸
土臺分布賊黨排列擡槍夾岸施放時值東風
愈勁我船分幫截勦擊碎賊船五六十隻沿岸

欽定剿平粵匪方略卷一百三十一

五

掃蕩而上復擊卸土臺多處轟斃溺斃賊匪不下千餘逆船皆挂帆逃竄我師乘勝進追復沈數船水勇駕駛划船將沿江賊匪小船焚燬淨盡初四日風微溜急師船住泊弋磯有悍賊千餘來偏江沿施放火箭被我軍擊退登岸追殺斃賊多名初五日明安泰由黃池督領兵勇馳近蕪湖距城數里將賊卡兩重一鼓破入殺賊

聖朝方略卷一百三十二

六

數十乘勝攻東南兩門與賊接仗我兵勇氣百倍擊斃數十人初六日舟師仍阻風弋磯二更時該逆突於南岸放出火箠堆積火具由上流挂帆而下後隨多船意圖焚襲我師吳全美等督令師船一齊駛開大礮轟擊沈毀賊船四五十隻火箠亦被擊碎餘逆逃歸小河我船仍整隊扼泊分撥划船巡堵以防該逆詭謀查蕪湖

為賊匪往來要道若能攻克即可斷絕賊源於勦辦全局皆有把握然非水陸悉力大舉不足制賊死命現催明安泰進兵清水河直偏蕪湖屯紮飛檄鄧紹良移兵策應一面札飭德安統兵由太平繞赴蕪湖會同明安泰吳全美等水陸兩路合搗賊巢以期克復蕪湖掃蕩賊船肅清江面奏入

聖朝方略卷一百三十二

七

上命軍機大臣傳諭向榮吉爾杭阿曰此次師船由烏江直上突過東西梁山其江甯鎮一軍亦已收復太平黃池一軍又已進抵蕪湖沿江一帶似有起色但東西梁山賊營尚未全毀師船上駛僅係乘風衝突德安既紮營太平城外即應設法將東梁山賊壘全數掃除一面會合和州烏江兵勇併力掃蕩西梁山賊壘則太平之守可固不至旋得旋失然後繞赴蕪

湖與吳全美等水軍明安泰陸軍力籌攻克自可斷
逆船往來要路蕪湖當江皖之衝一經克復賊必悉
力來爭萬不可稍有疏失重煩布置師船自入江以
來大小數十戰始能上抵蕪湖正宜得尺則尺有進
無退不得因風色稍差致有退駛鄧紹良已由石埭
馳回甯國正在蕪湖之後著卽督飭兵勇策應陸軍
以爲水師聲援本日復諭知和春福濟酌撥兵勇或

欽定剿平粵匪方略卷一百三十二

八

由江北夾擊或徑渡江協剿如能合力齊攻自可剋
期制勝就所奏情形而論沿江而上賊之礮臺愈多
船簞愈密進攻固屬較難而攻克以後陸軍之屯紮
師船之進止尤須步步留意始能乘勝長驅該大臣
等務宜統籌全局與江北軍營聲勢聯絡爲肅清江
面之計北路得勝官軍前曾撥出馬隊二千餘名由
副都統麟瑞管帶以一千二百五十名交和春等分

撥布置以一千名交向榮調遣此項官兵到營後應
赴何路攻剿著向榮與和春等妥商分撥鎮江近日
軍情似已漸有把握能否卽行克復連日是否進攻
情形若何並著吉爾杭阿隨時速奏

上又命軍機大臣傳諭和春福濟曰向榮奏師船由烏
江攻剿而上突過太平梁山連破賊船直至蕪湖江
面德安統帶陸軍攻復太平明安泰亦由黃池會剿

欽定剿平粵匪方略卷一百三十二

九

已催飭明安泰進兵清水河直逼蕪湖屯紮並飛檄
鄧紹良德安移兵會合與吳全美等水陸兩路合搗
賊巢以期克復蕪湖等語蕪湖爲該逆往來要道若
能攻克扼守斷絕賊蹤勦辦庶有把握惟該處爲逆
賊必爭之地接應甚多非水陸併力大舉恐難剋期
攻復現在軍威頗振此機誠不可失恐陸路諸軍仍
形單薄必須於江北速撥精兵接應會合夾攻可期

決勝著和春福濟於皖省現有之兵就近迅速籌撥
選派得力大員管帶星馳前往該處或在江北策應
或令渡江協勦斷不可有誤事機前據英桂奏山東
撥往馬隊於豫省不甚相宜已諭令撥出一千名交
向榮軍營其餘一千二百五十名交和春福濟軍營
此項馬隊均歸麟瑞統帶前往諒已早抵廬州應如
何分撥布置之處卽著和春等妥籌辦理

聖朝集略卷一百三十三

十一

二十五日 丙辰 官文奏言 臣欽奉

諭旨督兵與西凌阿會攻德安查德安賊匪自孔廣順
由隨州擊退屢挫其鋒未能撲滅六月初八日
復出擾煙墩集地方經兵勇擊敗仍閉門堅守
雖於城上安放滾木插石城外開挖濠溝密釘
竹籤爲負固之計並夜出晝入詭示添兵然屢
接楊需訥欽來函及各處探報均稱城內賊衆

無多半係脅從計孔廣順訥欽劉富成等所帶
兵勇合西凌阿所帶之兵共約一萬數千人兵
力不爲單薄尙足以資防勦此北路情形也南
路胡林翼大營兵勇雖時有裁汰亦不下數千
又有李孟羣水勇三千餘名王國才駐紮沌口
兵勇二千餘名並派防麥山等處一千餘名亦
共有萬餘人奈賊匪前又分竄紙坊崇通逆匪

聖朝集略卷一百三十三

十二

未靖金口大營不免腹背受敵水師一軍若無
陸軍相輔亦難孤立王國才之軍隔岸孤懸祇
能堵新隄上竄之路竟有朝不謀夕之勢是以
胡林翼等屢次函催 臣帶兵進攻漢川速抵蔡
店李孟羣船出涇口先收漢陽該逆屠亡齒寒
武昌亦易圖矣若再久持恐餉乏兵潰更難收
拾此南路情形也至襄河中路僅仙桃鎮李保

邦等之勇二千餘名尙屬得力截殺漢川竄匪
屢獲勝仗惟兵力單薄能堵截而不能進攻况
漢川水陸紛歧湖港太多 臣前在荊州已籌思
及此因無兵可調故令魁玉駐紮沔陽錫齡阿
駐紮潛江以防襄河南岸 臣抵襄後已飭催常
恩帶勇八百餘名楊昌泗帶勇五百餘名並都
司張萬祿帶川兵一千名同赴天門又派參將
文明募襄勇一千名前赴沙陽諸鎮羅忠獻葉
培等共帶襄勇二千名前赴京山各路要隘相
機堵剿此中路情形也查德安離應城九十里
應城至漢川亦九十里該逆在距應城四十里
之長江埠水路運送輜糧上下遊行與江漢之
賊聲勢相聯德安兵勇在賊後路攻其一面賊
得恣意旁竄所以恃而不恐誠不若南北夾攻

欽定剿平粵匪方略卷三十三

十三

方爲上策西凌阿現抵隨州 臣一面函商進兵
機宜卽於六月十八日督帶官兵及礮船水勇
由襄陽起程順流下擊其前派赴天門京山各
路兵勇距應城較近擬由長江埠一帶進攻先
將賊路隔斷使上下逆匪兩不相通仍飭川兵
協助李保邦等之勇速擊漢川以截府河之路
則德安逆匪勢成孤立自不難悉數殲除俟與
西凌阿會攻得手卽合兵同出蔡店並令李孟
羣帶水勇礮船由潰口亦繞至蔡店王國才由
南路進攻漢陽 臣等從中路督飭兵勇分攻漢
川漢陽胡林翼攻武昌使逆賊首尾不能相顧
定能一鼓成功至西凌阿大營兵餉新任藩司
文俊已將到襄擬卽委其總辦後路糧臺並留
楊需在襄幫辦再於隨棗設立轉運糧臺源源

欽定剿平粵匪方略卷三十三

十三

接濟北路兵食不至短絀惟火藥鉛彈存留無多一時趕辦不及應請

飭下四川督臣撥解火藥鉛彈各十萬斤運赴荊州山西撫臣撥解火藥鉛彈各十萬斤運赴襄陽以便分撥奏入

上諭曰汝既與西凌阿會攻德安務期迅速克復勿令旁竄為要布置以後進剿機宜尙屬妥慎

聖祖聖訓卷一百三十三

十四

上命軍機大臣傳諭黃宗漢王慶雲曰官文由襄陽督師起程會合西凌阿布置進剿惟據稱火藥鉛彈存留不多隨營糧臺趕辦不及請飭四川撥解火藥鉛彈各十萬斤運赴荊州山西撥解火藥鉛彈各十萬斤運赴襄陽等語著黃宗漢王慶雲卽照數迅速籌撥派委委員解交荊州襄陽兩處以資攻剿
官文又奏言臣前抵襄陽接印後卽令已革督

臣楊需暫駐襄陽督辦後路並彈壓投誠義勇過境據報全數馳抵隨州現楊需來襄謁見自稱辜負

天恩僅予革職留營實深感愧求派苦差俾稍盡犬馬之忱臣見其年逾六十精神衰憊兩耳重聽未便令其隨營卽派在襄陽幫辦後路糧臺並督修廠船軍器奏入報

聖祖聖訓卷一百三十三

十五

同日王履謙奏言現在下北廳屬銅瓦廂黃水漫溢黃河下游一帶漸成涸轍設南路賊匪關入無險可守亟須豫為籌防應請

飭下直隸山東河南各督撫分撥弁兵嚴飭所屬扼要堵禦臣仍體察情形督飭沿河文武益加防範至山西朔州官兵及曹縣練勇原為河口巡防

聞

而設今河流變遷或應移紮何處或應添調分
布容臣會同河臣酌量辦理奏入

上命軍機大臣傳諭王履謙曰黃河漫口下游一帶無
險可恃已論知直隸山東河南各督撫分撥弁兵各
飭所屬扼要嚴防其上游一帶仍應嚴加防範著王
履謙於河口現有之兵分布屯紮嚴密扼守並飭沿
河文武員弁實力盤查勿令南路奸匪乘隙偷渡

欽定剿平粵匪方略卷一百三十三

七

上又命軍機大臣傳諭桂良英桂崇恩曰楚北逆氛未
靖河防極關緊要現以銅瓦廂漫口下游漸成涸轍
前派防河之山西朔州官兵及曹縣練勇不敷分撥
自應添派官兵藉資堵禦著桂良英桂崇恩將濱河
各屬現經斷流處所迅速查明各就情形輕重酌撥
官兵前往防守與王履謙聯絡嚴密稽查毋許
疏忽貽誤

二十六日丁托明阿陳金毅雷以誠奏言逆賊

久踞瓜州無城可守乃圍攻經年靡計不施尙
未克復查瓜州分上中下三處舊時臨江一面
城壘半已坍塌自該逆竄踞後將上中下三洲
分築外石內沙之壘礮彈遇沙即止不能穿過
較之甄城尤爲難攻又於要路連築數營峻壘
深濠迴環包絡且中隔運河與鎮江對峙互相
應援我軍分圍東西兩路地處沮洳袤延四五
十里路徑紛歧溝坎錯出大隊無從展布或偏
近進攻該逆憑高擊下槍礮如雨隔水則地雷
難掘登陴則無處可梯縱經百計誘引賊終堅
匿不出以故屢次攻戰總未能痛加勦洗現在
吉爾杭阿余萬清合攻鎮城賊頗窮蹙僞併竄
瓜州愈形喫重急應加意嚴防除水路嚴飭師

船實力堵勦外陸路兵力本單沿江要隘過多不敷分撥臣等共同商酌不得不於要隘建築長圍添勇扼守以杜竄擾現值江水盛漲賊營之外一片汪洋勢難進攻正可乘此暇隙擇要興築沙頭為東路門戶而新橋及太平菴三圩橋等處尤為沙頭扼要門戶臣等督率兵勇連日出隊分堵要隘並多雇民夫自新橋起歷孫

聖朝聖略卷一百三十三

十六

家埭太平菴三圩橋十三圩至都天廟直抵螞蟻塢江岸一律築就長圍綿亙十餘里與水營相望聯絡一氣有險可憑一面添募練勇一千六百五十名逐加挑選悉皆驍勇內有五百名兼善泅水以備過河攻擊已派知縣雷鳳翥孫懷德管帶在新橋一帶分紮九營並將藩司文煜派防沙頭之勇選調六百名協同駐紮該處

偏近瓜城較沙頭又前進七八里沙頭已包在腹裏以後路坐防之勇調前敵緊要之區門戶既固堂奧自安在東路更可無虞該勇連日進攻多有斬獲甚為得力至運河東岸觀甸橋八里鋪一帶尚為積潦所阻未易施工西岸地勢尤窪現值大雨時行積水無從宣洩須俟漸次涸出方可搶築惟西路地廣兵單口隘紛歧尤

聖朝聖略卷一百三十三

十七

須防賊西竄臣等親赴土橋一帶察看該處地勢稍高擬從土橋龍王汊北至樸樹灣烏塔溝一帶先築土圍一道與東路長圍相配以成遙對之勢務期層層因偏相機痛勦迅奏膚公奏

八

上命軍機大臣傳諭托明阿陳金綬雷以誠曰瓜州賊壘既無城郭之固即應力籌攻勦乃分圍則藉口於

地勢沮洳進攻則又苦於槍礮難近經年累月徒以無計不施及堅匿不出等詞搪塞入奏遷延至今又欲廣築長圍爲坐困之計行軍要著總在因地制宜瓜州濱臨大江非若高唐連鎮地勢平坦可以專恃築圍若不力圖進取徒恃坐防則長江一面處處可通終難斷其接濟恐糜餉徒勞於事無益著托明阿等一面設防一面激勵各營齊心勦力鼓勇進攻當

聖學聖略卷二百三十二

三

此夏秋之交江鄉天氣風雨均所不免豈得以江漲汪洋遂至束手無策該營兵勇較前已有加增若復頓兵不戰遷延貽誤該大臣等豈能當此重咎耶

二十八日 己未 軍機大臣大學士吏部兵部會奏

言臣等遵

旨會議侍郎沈兆霖奏請暫設皖南巡撫一摺查安徽一省介居大江南北自粵賊占踞江面巡撫督

兵廬州與江以南之徽甯池太廣等屬文報多阻有鞭長莫及之勢賴浙江巡撫派兵協守撥餉協濟有急則飛咨向榮同選弁兵前往救援兩年來所賴於浙省者實多今該侍郎以浙江兼顧難周擬請暫設皖南巡撫誠爲救時之策惟立法貴乎因時而於事必求有濟以保守地方而論則在官員之能否而不在階秩之崇卑

聖學聖略卷二百三十三

三

以攻勦賊匪而論則不在文職之增多而在武弁之得力若添設巡撫則建置經營有需時日支應經費亦恐難供且疆域旣分轉不免互相推諉自宜另籌善法 臣等公同商酌皖南原有安徽甯池太廣兵備道一員擬請暫改爲皖南道專轄徽州甯國池州太平廣德五屬倣臺灣道例加按察使銜俾資督率凡此五屬軍務緊

要事件均請暫照臺灣道例准其自行具奏所有調兵籌餉防堵要隘悉准該道專制官弁有貽誤軍務及不遵調度者即許參劾其安慶一府本亦該道所屬惟隔在江北距皖撫較近若統歸道員專奏不特兼顧為難且於事體未協或應暫隸廬鳳潁道或遇事徑詳兩司應由安徽巡撫酌覈具奏至皖南營制原設徽州甯國

聖朝聖學卷一百三十三 三

池州蕪采廣德五營向歸安徽巡撫管轄並未設有專闔大員擬請添設皖南鎮總兵一員統轄該五營以資鎮守所有營伍事宜及地方軍務亦請暫照臺灣鎮總兵之例准其會同該道專摺具奏似此通融辦理則事機得以專決不致遷延而文武均有稟承可期整飭如蒙

俞允將來軍務告竣其皖南道一員仍應改復舊制皖

南鎮總兵一員即請作為額缺再徵甯廣德與浙省唇齒相依本年肅清徽州克復石埭多賴浙兵浙餉今既暫假皖南鎮道事權地方自有專屬恐浙省視為鄰境轉以越俎避嫌而該鎮道等草創規模或兵餉不能應手或員弁不敷差委勢不能向廬州遠請徵調應請

聖朝聖學卷一百三十三 三

飭下浙江巡撫凡有協防籌餉事宜仍照現辦情形會同妥辦不得稍存推諉該鎮道等有應行商辦事件亦令就近詳商俾免稽滯其防勦機宜團練要務除責成該鎮道專辦外仍准浙江巡撫隨時稽查覈實舉劾以佐兩江總督安徽巡撫所不及如此互相援應庶事權各有專責而畛域仍不至遽分於皖南全局浙省邊防均有裨益奏入

上諭內閣曰安徽徽甯池太廣五屬介在江南當此軍務繁多恐該撫鞭長莫及自應專責文武大員俾資督率著卽照軍機大臣等所議將安徽甯池太廣道暫改爲徽甯池太廣道加按察使銜並添設皖南鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責成專辦俟軍務告竣道員仍歸舊制總兵卽作爲額缺以

聖朝聖訓卷一百三十二

臣

重地方而符定制至該處距兩江總督安徽巡撫駐紮處所較遠所有現在協防籌餉事宜仍著浙江巡撫不分畛域暫行督辦其餘應辦事宜著該督撫分別妥議迅速具奏

二十九日 庚申 和春福濟奏言廬城賊匪被官兵

合圍數月意在死守待援而外援之賊雖經屢挫愈來愈多六月十一十四等日我兵馳赴林

家大蔭攻勦逆匪以一二千人來迎我兵奮擊

斃賊百餘賊卽敗退十六日該逆突來四五千

人在大堂店一帶窺探意圖紮營 臣等督兵前

往力戰斃賊無數十八日南路新到賊匪萬餘

有分股攻營入城應援之信我兵分途迎擊奮

勇爭先連用大礮轟擊斃賊數十名旋復傾巢

而出由兩面抄來 臣和春同鄭魁士等率兵左

聖朝聖訓卷一百三十二

臣

右衝突奮力擊刺賊皆應聲而倒 臣和春槍斃

黃衣賊目數名復圍殺悍賊五名鄭魁士等揮

兵衝殺逆屍徧野其時得勝門南門大小東門

各出賊數百名欲爲外賊接應經托雲布等立

時擊退又有西路賊匪數千來撲經程智泉等

率勇力擊常清等亦領兵分路截殺斃賊無算

逆衆大潰是日兩路共斃賊千餘名生擒十五

潰營盤被燬咎無可辭相應請

旨交部議處仍令會同吉順帶兵立功以贖前愆奏入上命軍機大臣傳諭和春福濟曰逆匪外援多至萬餘而城中出賊僅止數百是廬城賊匪無多已有明徵自二月初開經朕將賊匪斷無愈殺愈多之理嚴切批示該提督等以後奏報總以外援爲詞試思廬城南面賊營既經焚燬官軍已四面合圍賊援雖多皆

聖皇聖略卷二百三十二

天

從南路而來該提督等紮營三里岡緊偏廬城東北何以不圖三面並舉力拔堅城輒擁重兵坐待賊援之至耶此次大堂店之戰和春既親身前往接仗福濟卽應設法攻城乃僅將出城零賊擊退聊以塞責無怪賊情之猖獗也巢縣營盤失利已派吉順等前往接應乃嵩瑞駐紮柘皋又因賊退撤回設使該逆突竄店埠又擾廬州後路將何以自固藩籬著和春

福濟一面嚴堵賊援一面乘城中賊少之時迅速設法立圖攻克儘仍事遷延致逆匪復占廬城南面或下皋之賊又竄店埠牽掣廬城東北彼時再以進攻棘手爲詞該提督等坐失機宜之罪不能曲從寬貸也

上諭內閣曰已革副都統忠泰督勦巢縣賊匪六月十三日賊衆突出衝撲營盤被毀該革員未能先事豫

聖皇聖略卷二百三十二

天

防咎無可辭忠泰著交部議處仍責令會同帶兵各員弁殺賊立功以觀後效

和春福濟又奏言蘄水賊匪攻撲英山經官軍擊退後五月十一日復有賊萬餘分路來撲勇目李兆受等帶勇擊卻斬獲無算十二日五鼓該逆乘雨竄至彭家畝我軍火器俱不能燃刀矛相接斃賊數百忽有大股賊匪衝鋒直前我

軍力不能支退回數里賊眾乘勢攻城牆垣低
缺遙擁而上存城之勇僅數百名眾寡不敵縣
城被陷已革安徽道員何桂珍收集潰勇飛飭
署羅田縣知縣彭惠疇調集團練助勦並飭英
山縣知縣蘇秀槐督練接應二十六日由竹坳
進攻斃賊六七百名餘賊奔回我軍乘勝進逼
賊忽開北門出戰各勇佯退誘賊復殺斃十餘

聖朝聖略卷三十三

三

名賊竄回城時彭惠疇已督勇由樂利河分路
並進賊見旌旗過河接仗我軍由山麓繞出其
前兩路兜圍賊知不敵飛奔渡河我軍梟水追
擊該逆死傷枕藉餘賊復遁入城我軍從西南
兩門連環轟擊該逆膽落全股從南門竄出外
委徐兆達率勇截擊斃賊二千餘名賊眾過河
遁至阜角樹一帶復截殺八九百名餘賊竄瓦

寺前等處又被團練檢斬多名何桂珍當卽入
城招撫查英山蕞爾孤城三面受敵因疊遭賊
擾居民遷徙流亡各勇口糧缺乏力竭四散城
遂不守幸該革道尙知調度迅復城池以免內
竄其羅田縣官弁紳民不分畛域帶勇克復實
屬可嘉可否擇其尤爲出力者與捐貲供應之
英山紳士酌量保奏已革道員何桂珍英山縣
知縣蘇秀槐失守於前收復於後功過尙足相
抵懇

聖朝聖略卷三十三

三

恩免其置議奏入

上諭內閣曰蕪水賊匪驟陷英山經羅田縣官紳等不
分畛域帶勇助勦俾得卽行克復實堪嘉尙所有在
事出力及捐貲供應之官紳義勇人等著和春等酌
量保奏候朕施恩已革道員何桂珍英山縣知縣蘇

秀槐雖經失守於前卽能收復於後功過尙足相抵均著免其議處

三十日辛酉官文奏言據署雲夢縣知縣吳璞稟

報德安官兵屢次獲勝中路兵勇已各抵防所賊眾陸續下竄該縣乘此軍威於六月初九日會同孝感縣知縣李殿華督帶團勇進攻雲夢縣城殺賊三百餘人生擒十一名當將縣城收

欽定剿平粵匪方略卷三十三

三

復現在搜捕餘匪安撫居民並據署應城縣知

縣王培厚稟報初十日長江埠賊船紛紛下竄當卽帶勇跟蹤追擊趕至道人橋地方燒沈賊船數隻斃賊二十餘人生擒二名現在境內肅清仍紮營長江埠以防回竄各等情查雲夢應城爲德安至江漢要路現已收復則賊勢不能聯絡然郡城之賊被攻緊急難保不四出奔突

已飛飭各該縣督飭團練嚴密堵剿並令將長江埠道人橋兩岸河道用木石截塞以絕賊援而杜回竄應不難聚而殲旃一俟克復德安庶可合力進圖武漢現據署藩司常恩稟報德安城內賊匪不過二三千人其僞副丞相陸姓係由江南被擄實非甘心從賊屢有投誠之意擬設法招降免死令作內應勦辦自易得手等語

欽定剿平粵匪方略卷三十三

三

惟賊情譎詐必須慎密防範免中詭計已飭常恩就近密籌妥辦臣現嚴催兵勇一由應城夾攻德郡一由仙鎮進取漢川並咨會西凌阿由北路進兵四面圍擊以期迅復城池臣所帶前隊兵船已於十八日啟行俟與綿洵晤商機宜後卽行前進該將軍於二十日抵襄亦卽由陸路馳赴西凌阿大營會勦奏入

上命軍機大臣傳諭西凌阿綿洵官文曰逆匪踞守德安原圖牽我北路兵力使不能與武漢之師會合今雲夢應城均經收復則江漢道路已斷德安藏匪亦不過二三千人正可迅籌攻克惟賊船下竄道人橋雖經團勇擊敗仍應責成該縣王培厚等實力堵剿西凌阿於初四日自信陽督隊起程綿洵行抵襄陽已由陸路馳往大營官文亦由水路進發該大臣等

聖朝方略卷一百三十三

四

務當乘此賊勢中斷之時四路圍擊謀勇並施擣其巢穴至設法招降令被擄之人作為內應尤宜出以慎重勿墮詭計如能先克德安則進兵漢陽不致有後顧之患漢川為通達府河之路若所派兵勇隨勤隨進逆匪勢成孤立無難悉數殲除

欽定勦平粵匪方略卷一百三十三 乙卯年

七月初一日 壬戌 西凌阿奏言 臣由信陽督飭兵

勇馳抵隨州因前四起義勇尚未到隨先令頭二四起馬隊馳赴長林岡與提督孔廣順聯營以作應援並先後差探情形查看道路旋奉

諭旨知載增等於鄢家灣等處勦賊獲勝當即飛咨督

臣官文趕緊馳赴德安會勦 臣督同第三起馬

聖朝方略卷一百三十三

一

隊徑至馬坪鎮探得長林岡山路窄狹若馬步兵勇一齊前進紮營恐難聯絡遂輕騎親赴長林岡一帶面見提督孔廣順詢欽詢悉德安賊匪自六月初八初九被勦潰敗後盤踞城內負隅固守我兵出隊挑誘總不出戰遂商擬提督孔廣順進移沙子岡帶領勇隊之已革參將劉富成進移三陂港提督訥欽在平林市東北應

山縣大路紮營令頭起四起馬隊在孔廣順劉富成兩營適中紮營二起馬隊在訥欽營盤切近駐紮其五營義勇於三陂港迤南渡口地方安營臣擬督三起馬隊與義勇聯絡以作犄角之勢至德安西門外卽係府河其河西之煙墩集柴石鋪洛陽店等處已有知府朱百行及易廷璧等帶領鄉勇駐紮官文遵

聖聖聖聖聖聖

二

旨不日由襄會勦可以遏其西竄設有緩急臣與孔廣順自當撥兵應援免致他虞現在馬步官兵均已陸續移營前進臣督飭三起馬隊卽日移紮長林岡俟五營義勇應備軍裝整齊卽同赴渡口鱗比紮營相機進攻西凌阿又奏言據提督孔廣順呈報六月初八日已刻逆匪二千餘名由德安竄撲煙墩集燒

聞

燬民房當卽飭令已革參將劉富成等帶領勇練截擊各營隨後接應列隊河岸嚴陣以待並知會提督訥欽初九日卯刻劉富成帶隊渡河首先衝入賊隊殺斃執旗賊目三人該匪敗退我兵乘勢追殺不料黃家寨密林內忽出賊七八百人抄圍我兵力不能支經守備舒洪元渡河接應施放擡槍立斃賊匪數名追殺數里斃賊甚多生擒長髮一名割回長髮首級五顆因路徑叢雜未敢窮追又據員外郎銜李玉田呈報逆匪二三千名由漢口一路北上來援德安占踞雲夢縣城初九日親督練勇攻擊立時克復並設伏截殺賊匪無數生擒四十一名臣仍飭令回雲夢城內小心防範奏入均報

聖聖聖聖聖聖

三

同日駱秉章奏言湖南一省南界兩廣西接滇黔東鄰江西北連湖北現在本省南路永州寶慶兩府郴桂兩州所屬地方在在緊急武漢既未克復湖北興國大冶武昌通山崇陽通城各州縣皆淪於賊縱橫數百里閒窺伺平江臨湘巴陵已久自江西義甯失守賊黨積至數萬往來於江西湖北交界本省北路固已防不勝防

聖朝聖旨卷一百三十三

四

而義甯又與湖南之平江瀏陽各縣緊連東路之防又不可緩近復接據晃州廳各路邊報貴州鎮遠台拱一帶痞匪勾結苗民滋擾西路又須戒嚴以一省而兼支五省之寇即盡調本省兵勇嚴行防勦尚恐分布難周况本省兵勇之稍精練者既調赴江南安徽大營復隨曾國藩塔齊布東征近如署湖北撫臣胡林翼一軍亦

多從本省召募是一省兵勇既供四省調發而又須防勦五省之賊實屬不敷分布查甯紹台道羅澤南一軍於克復江西之弋陽廣信後撫臣陳啟邁調其帶勇赴省此時江西客兵尚多而湖南情形甚急相應請

旨飭下曾國藩陳啟邁速飭羅澤南折回湖南以資防勦奏入

聖朝聖旨卷一百三十三

五

命軍機大臣傳諭曾國藩塔齊布陳啟邁曰前因羅澤南一軍為賊牽掣未能即歸九江諭令曾國藩等俟義甯勦辦得手後即將該道調回與該侍郎等併力會勦茲據駱秉章奏稱該省兵勇既多調赴在外復須防勦黔粵楚北江西五省之匪不敷分布必須羅澤南一軍折回湖南防勦自係實在情形惟昨據陳啟邁奏現籌調集兵勇進攻武甯已咨羅澤南等

妥速攻剿該道能否卽折回湖南助剿之處著曾國藩等酌量情形妥籌分撥

初二日 癸亥 曾國藩塔齊布奏言五月三十日賊

船上犯至姑塘青山一帶水師出隊迎敵該匪從西岸魚貫而上將近我軍逆船斜渡東岸隊伍甚整其領隊頭船係拖罟大船其第二號係長龍花船偽右承宣胡鼎汶黃汶奎李繼遠均

聖朝聖略卷二十三

六

在此兩船中揮旗督戰揚帆直上礮聲如雷意欲由東岸轉抄我軍之復我軍循西岸而下一礮不發駛至下游將近賊船之末乃渡向東岸包抄賊隊羣礮攢轟子如驟雨鏖戰兩時賊之後隊紛紛敗退前隊數十船陣腳亦亂我軍合長圍以包之各將弁誓死力戰該逆知難出重圍卽用三板數隻載偽承宣胡鼎汶等飛槳脫

逃而留偽功勳張百長於拖罟船上與我苦戰我軍四面環攻船上之賊或撲水或中礮傷斃四十餘人獨張賊兇悍異常手持刀叉身懷火彈我軍槍登者多被殺傷各哨官繞舟齊登矛棚張賊落水奪獲拖罟大船生擒長髮十六人其第二號花船亦同時奪獲又奪得三板三號小划二號大礮十八尊方賊目胡鼎汶等駕三

聖朝聖略卷二十三

七

板脫逃時我軍一面圍攻拖罟一面追逐賊目列礮排轟羣子亂落該逆梟水而遁計礮斃淹斃二百餘人次早回營知右營哨官蘇光彩中槍陣亡查水軍自去歲湖北失利以來陷入內湖各船與外江水營隔絕小船素附大船者皆不得相見臣國藩特至江西造船添勇另立新軍方慮士氣已傷難期再振幸仗我

皇上威福兩次獲勝積憤為之稍申軍心為之一振若

使此軍果足自立則扼斷長江之腰膂上有金

口水軍以擊其首下有紅單戰船以擊其尾二

千餘里之江面分為三段勦辦或有肅清之期

此次出力員弁兵勇容臣等擇尤保奏陣亡之

外委蘇光彩請

旨交部照例議卹奏入

聖學集方略卷二百三十三

八

上諭內閣曰江西湖內賊匪疊經曾國藩等勦辦獲勝

經此懲創勢已窮蹙著曾國藩督率將弁等迅將湖

內匪艇悉數掃除毋留餘孽所有出力員弁兵勇著

酌量保奏保升外委蘇光彩力戰陣亡著交部照例

議卹

曾國藩又奏言臣至江西數月細觀陳啟邁之

居心行事證以輿論實恐其貽誤江省不得不

縷陳於

聖主之前已革總兵趙如勝係奉

旨發往新疆之員陳啟邁奏留江省派令管帶戰船百

餘號水勇四千餘人大小礮位七百餘尊上年

紮泊吳城鎮一聞賊至首先逃奔全軍覆沒船

隻礮械盡為賊有其實賊匪無多乃陳啟邁入

奏之詞則曰趙如勝奮不顧身力戰終日其所

聖學集方略卷二百三十三

九

失船礮並不一一奏明及派趙如勝防堵饒州

等處敗逃三次賊破饒州陳啟邁不惟不加以

罪並其原定新疆罪名亦不議及已革守備吳

錫光係奉

旨正法之員陳啟邁奏留江西倒填日月謂留用之奏

在前正法之

旨任後多方徇庇虛報戰功既請開脫罪名又請

賞給勇號正月二十九日吳錫光縱其麾下無故殺死

龍泉勇一百八十七名陳啟邁既不奏

聞又不懲辦乃取他勇之曾經犯案者縛而殺之以掩

眾人之耳目饒州之賊屯聚於四十里街吳錫

光僅殺賊數十人而陳啟邁鋪張入奏謂克復

饒郡殺賊三千焚船百餘吳錫光與其子姪均

保奏超升卽素在巡撫署內管帳之胡應奎亦

聖學聖方略卷二百三十三

十

隨摺奏保義甯州之陷實係興國崇通等處土

匪居多長髮尙少吳錫光倉猝敗亡並非有大

股悍賊與之交鋒也乃陳啟邁粉飾入奏則曰

鏖戰竟日殺賊千餘吳錫光薪水口糧較別營

獨多乃入奏則曰自備資斧種種欺飾實出情

理之外臣等自入江西境後前後所支餉項係

用侍郎黃贊湯礮船捐輸銀四十餘萬及奏准

清折銀數萬皆臣軍本分應得之餉乃陳啟邁

藉此挾制疊次不肯給餉擊人之肘市己之恩

臣實鄙之羅澤南克復廣信後臣本欲調回饒

州都昌陳啟邁則調之防景德鎮又調之保護

省城又調之西剿義甯忽又調往湖口忽又改

調義甯朝令夕更反覆無常臣與陳啟邁面商

江西須辦師船數十號招勇千餘人陳啟邁深

聖學聖方略卷二百三十三

十一

以爲然臣會銜札委知府劉于瀉董其事業已

興工陳啟邁咨稱停止臣既順從因飭劉于瀉

設立船廠專供臣軍之用陳啟邁忽有咨取廠

內船隻交吳錫光新募水勇之語又飭令廠內

續造船十五號船既造成陳啟邁又批飭不復

需用無三日不改之號令無前後相符之咨札

義甯團練確有成效屢獲勝仗捐款甚鉅事後

論功陳啟邁開單保奏出力者不得保捐資者不得保所保者多各署官親幕友陳啟邁署中幕友陳心齋亦得保升知縣義甯紳民怨聲沸

騰以致解體四月間州城果陷去年四月賊由醴陵竄至江西萬載縣失守該縣知縣李皓棄城逃走鄉民彭才三等餽賊馬匹冀免劫掠賊過之後舉人彭壽頤倡首團練刊刻條規乃彭

聖朝聖考卷三十三

十一

聖朝聖考卷三十三

十一

才三謂餽錢可以免禍謂團練反以忤賊誣告彭壽頤恐釀逆案縣令李皓受賄袒庇彭壽頤遂訐告李皓棄城逃走彭才三餽賊阻團陳啟邁不剖是非案懸未結不特不為彭壽頤伸理冤屈反飭臬司惲光宸勒令該舉人出具誣告悔結該舉人不從百端陵虐陳啟邁意為屬員李皓免失守之處分初不知其釀成冤獄臬司

惲光宸不問事之曲直橫責辦團之措紳以伺奉上司之喜怒亦屬諂媚無恥臣既確有所見不敢不瑣敘瀆陳奏入

上諭內閣曰自上年冬間賊擾江西吳城本年二月復陷饒州巡撫陳啟邁於疊次奏報摺內歷敘已革總兵趙如勝陣亡遊擊吳錫光等戰功於失事摺內則稱趙如勝奮不顧身竭力鏖戰於克復摺內則稱吳

聖朝聖考卷三十三

十一

錫光奮力圍攻斬敵數千朕以封疆大吏奏報軍情諒不至有意虛飾茲據曾國藩奏吳城之失趙如勝聞賊先逃全軍覆沒饒州之失趙如勝敗逃三次致賊破城與該撫所奏已屬不符吳錫光攻勦饒州僅止殺賊數十該撫輒鋪張入奏甚至將撫署幕中之胡應奎濫行奏保而吳錫光縱勇慘殺匿不奏聞支領口糧又稱為自備資斧種種欺飾實出情理之外

且於曾國藩軍營需餉屢次不肯發給於水師戰船則忽辦忽止於羅澤南一軍則任意改調朝令暮改反復無定並將各署官親幕友及撫署幕友列入團練保舉而義甯州實在捐資出力之人轉不得與以致人心解體州城失守上年賊竄萬載該縣李皓棄城逃走鄉民彭才三等醜賊財物該撫徇庇不辦轉將首告之舉人彭壽頤坐以誣告之罪並不將該縣

欽定剿平粵匪方略卷二百三十三

十四

失守處分據實叅奏似此顛倒錯謬堅僻自是實屬辜恩溺職江西按察使惲光宸於彭壽頤一案不問曲直將該舉人嚴刑陵虐亦屬有意逢迎陳啟邁著卽革職惲光宸著先行撤任均聽候新任巡撫文俊查辦該撫到任後著卽將所叅各情逐款嚴查據實具奏不得稍有徇隱

同日何桂清奏言本年漁亭之役福建汀漳龍

道徐榮效命疆場被害甚慘業經奉

旨飭部優卹惟念該故員孤忠亮節士民稱頌弗衰咸

思祀典褒崇以彰英烈仰懇

鴻慈俯准於漁亭建立專祠而以同時陣亡之都司許

上達知縣廉驥元按察司知事張穎濱及川浙

各營在徽甯兩府歷次陣亡各員弁一併附祀

徐榮之妾伍氏於二月十五日迎喪回寓投縵

欽定剿平粵匪方略卷二百三十三

十五

殉節應請

旌表以慰貞魂至徐榮長子候選訓導徐慮善曾在漁

亭隨同徐榮督戰身受重傷該員才具尙堪造

就相應懇

恩俟服闋後以州判留浙補用徐榮第三子刑部七品

筆帖式徐傳善奔喪來浙稟請軍營效力現飭

隨同徐慮善管帶練勇前赴徽嚴一帶聽候張

芾調派防勦奏入

上

諭內閣曰前福建汀漳龍道徐榮效命疆場被害甚慘著於漁亭地方建立專祠並將同時陣亡之都司許上達等一併附祀徐榮之妾伍氏殉節自盡貞烈可嘉著照例旌表其子徐慮善著俟服闋後以州判留於浙江補用徐傳善准其赴徽嚴等處帶勇效力

初七日戊辰向榮吉爾杭阿奏言臣等移營摩旗

聖事專考卷二百三十一

末

等山近偏鎮江府城後臣吉爾杭阿與余萬清商定於十九日午後會同泊承陞水陸並進其北固山牆垣臣吉爾杭阿會同虎嵩林督飭劉存厚等攻其西南兩面俾該逆無暇出城衝突二十二日瞭見鎮江城西南隅女牆微有鼓裂當即調集各路兵勇槍礮齊施將城牆轟落數丈該逆圍聚城頭槍礮如雨我兵不能越登是

日探有江甯賊匪前來衝營應賊當即商令虎

嵩林督率兵勇出隊步步接應臣吉爾杭阿即

會同余萬清親督劉存厚等於四更拔隊起程

直趨高資為攔截之計署高資巡檢趙希曾等

帶領附近團練居民來會聲勢頗壯該逆即聞

風潛回惟高資鎮對岸洲地有金山逆匪在彼

盤踞當由團練居民豫備渡船由便民河渡載

聖事專考卷二百三十一

七

兵勇至洲徑撲賊巢該逆竄回金山我兵追至河濱該逆又在金山開放槍礮遙相拒敵祇得折回臣等憤急之餘擬為南北合力之謀臣吉爾杭阿遂於二十七日夜由焦山渡江至托明阿營盤察看瓜州情形長圍之外一片沮洳其間腔壘縱橫止容一人一騎者居多托明阿等正在移營進偏非急切可以圖功當於三十日

回營適摩旗鴻鵠二山營內大礮業已安竣連日督飭開放炸彈擊入城中觸物卽炸無屋不摧自擊城內鼎沸奔避羣趨於東北西北礮力不及之處我兵見有炊煙地方卽移礮向擊先後摧燬房屋轟斃賊衆甚多無如城大礮稀該逆多方趨避尙未能聚而殲之因思潮勇營盤紮於東門外都天廟下若能移紮廟前山梁安

聖事軍方略卷一百三十三

十六

設大礮與摩旗等山之礮互相轟擊較爲得力遂於六月初八日馳登都天廟山梁瞭望城中厯厯在目洵得地勢惟徑對該逆城上礮臺我兵前無遮護後乏援應祇可爲放哨瞭望之所不能紮營十三日東南二路補行挑築牆溝工竣臣吉爾杭阿以驗收工程爲由督同喬松年劉存厚等直抵象山渡江至焦山覆看其沿江

礮隄自北固山迤西以迄京口折而向南上排礮位下無立足之地隄係堅土築成爲日旣久草根盤結頗稱堅固十八日夜會同虎嵩林督飭劉存厚等銜枚疾走馳抵西門之寶蓋山直衝而上察看自金雞嶺至銀山之坳被焚廟宇牆垣林立皆爲該逆藏身之地派撥弁兵前往查探該逆亦有準備未便輕進撤隊回營二十

聖事軍方略卷一百三十三

十九

二日五更臣吉爾杭阿又親督劉存厚等帶領兵勇人夫直抵金雞嶺寶蓋山擊散其哨探逆匪砍斫草木拆毀牆垣金山之逆駕船放礮而來礮彈直至金雞嶺上我兵開放車礮中其一船餘船飛駛回山我兵追至江濱水勢浩渺無從搶登該逆僅在山上遙施槍礮不敢渡江而南竊思金山兀立江心偏近南岸爲該逆所竊

踞資屬鎮江附近之要區舟師既難著力必當於西南二面水勢稍窄處所設法進攻乃前此劉存厚於四月二十八日潛伏金山南岸江濱擬欲奪舟而濟今臣吉爾杭阿又親督兵勇一由山之西面洲地一由山之南面金雞嶺下擊退賊船直至水涯皆因無舟可渡水師船隻又為其礮隄所阻不能駛至金山西南二面致難

聖朝集方略卷一百三十三

三

聖朝集方略卷一百三十三

三

得手現在另籌進逼之方以期滅此朝食奏入報

初八日已向榮奏言據總兵吳全美副將李德麟稟稱我船自六月初六日擊退賊匪木簞後泊堵弋磯該逆乘我陸軍未至突於六月初九日分股千餘由蕪山後繞出江濱築壘斷我

援當分派各路兵勇登岸分路衝勦截殺數十人生擒賊目沈可富等八名該逆敗走各兵勇爭先追擊將賊偏撲小河淹斃甚眾又據各路陸軍稟稱總兵德安先於初八日由太平黃山拔隊繞道進兵蕪湖十一日探有蕪賊分兩路撲來乃將兵勇分三隊迎勦以左右橫截抄擊千總楊萬青首先衝入賊隊立斬執旗賊首一

名該逆恃眾抵拒各將備督兵極力衝殺復斬黃衣騎馬賊目並斃賊一百餘名生擒賊黨陳學政萬德惡二名該逆登時敗退是夜正欲乘勝進攻適接總兵明安泰函稱已由黃池帶兵出紮清水河約同次日合攻蕪湖明安泰豫遣敢死之士數十人乘夜梟水過溝暗為埋伏十二日五更大隊由清水河前進將賊空溝塹囊

土填築遇水搭板潛進破卡直入殺賊二十餘名乘勝攻撲蕪湖東南兩門時德安一軍亦經襲破北門外卡直逼城圍都司虎坤元等督帶兵勇乘隙登陴殺散守堞衆賊砍開城門三路一齊擁進殺斃賊匪一百數十人解散裏脅難民數千餘逆奔出西門明安泰與德安合兵追擊抄斬多名將城外賊柵水卡一律攻破追至

欽定剿平粵匪方略卷三十三

三

寶塔根賊營將敗賊窮追落河溺死無算餘俱竄入水營查蕪湖城甚殘破守禦甚難且城外賊壘屯紮如林河內賊船甚多賊衆我寡尙須水陸夾攻方能得力因暫回清水河營盤另圖進取時鄧紹良由灣沚進兵屯紮距蕪湖二十里之施家渡地面出隊來會該逆伏巢不戰突從官軍背後繞出抄來經我軍截殺數十人賊

巢濠塹寬深未能攻破次日復移營較近之老鴉山以聯水陸聲勢十四五等日探有安慶之賊萬餘由魯港百家店來窺我營並欲糾合蕪賊由十里亭來撲鄧紹良卽傳令各營兵勇分路埋伏抄截一面派隊迎勦十六日卯刻賊果三路齊至我軍堅壁靜守俟賊將近外濠開放排槍擡礮前賊擊倒無數我兵槍礮連環轟擊

欽定剿平粵匪方略卷三十三

三

逆隊敗退各兵勇乘勢撲出賊益驚潰大奔我軍分投追趕三路伏兵並起開槍要截將該逆擊斃三四百名其追赴十里亭一路之賊撲落蕪湖內河淹溺者不下二百名其追赴麻布圩百家店兩路之賊撲落魯港金山湖淹溺者共計約五六百名此外逃逸無幾共斬取逆賊首級三百八十六顆內有偽將軍王潰保一名臣

查蕪湖江口兩岸賊卡重重連紮大小賊營蟻聚踞守賊船尚有數百隻水陸聯絡萬一上游賊黨屬至併入踞城下連梁山金柱關之賊首尾牽綴我軍則不特掃蕩更難尤恐乘虛竄突當經飛檄明德兩鎮責成克復蕪城妥籌戰守一面檄飭吳全美李德麟進扼魯港以斷上游賊援一面令鄧紹良會商各軍約期三路夾攻

聖朝方略卷二百三十三

三

水陸併力圍剿並揀派都司李春寅由大營馳往督戰旋據該提鎮等續報十九日水陸大舉明安泰先撲東南城隅賊營越過濠溝鼓行而進該逆猝不及備被我軍斬殺無遺連破犄角二壘直逼城根分攻東南兩門各囊土填濠以進該逆矢石交下又有賊船十餘隻由西門城河衝過橫擊都司虎坤元帶兵繞河迎敵先用

聖朝方略卷二百三十三

三

排槍轟擊繼卽施放噴筒焚燬三隻擊破四隻斃賊匪數十人城上賊俱奔潰兵勇乘閒躍登東南兩門一時同破大隊擁入其時德安兵早抵北門督率把總會魁等乘勢攻進千總楊萬青等督領義勇躍上卡旁瓦屋連破卡隘與明安泰會合齊出西門都司陶茂森帶勇橫衝堦至亦將南街賊卡接連破入並攻焚小河北賊營一座又於寶塔根復出賊黨千餘經鄭濟美劉秀珠率領兵勇迎戰擊斃執旗賊目三名追至河干淹斃百餘人大隊圍攻新營焚斬百餘名餘匪拚命衝出望東梁山一路竄去鄧紹良一軍逼近河南賊營乘師船緊攻之際與登岸兵勇將火罐由牆上拋入二卡焚賊藥局轟斃賊數百人將兩卡踏破逸出之賊竄登港口賊

船守備周萬遠等督飭各兵勇跟蹤追殺並將
內河南岸賊船四五十隻縱火延燒適明安泰
督兵北岸亦燒擊賊船一百餘隻斃賊不下千
餘是日吳全美督船進剿左手受傷仍揮旗催
督進攻各船大礮排轟沈覆賊船數十隻又用
火箭燒擊大小賊船一百餘隻瞭見蕪湖數處
火起陸兵攻至寶塔根賊營復會同督船圍轟
一面分撥弁勇上岸協攻統計是日之戰水陸
斃賊不下萬餘將賊船剿洗一空克復縣城尙
餘三壘未平該處當江皖之衝實關剿賊全局
關鍵幸將城池克復戰守已有可憑現飭趕緊
修葺城堞分屯扼剿仍檄該提鎮等乘此聲威
水陸併力夾攻務將賊壘剋期踏毀此次出力
員弁可否仍准擇尤保奏出自

聖朝聖略卷一百三十三

三

皇上逾格鴻施奏入

上命軍機大臣傳諭向榮吉爾杭阿曰蕪湖久爲賊踞
經水陸官軍會合攻剿克復城池各路斃賊不下萬
餘將賊船剿洗一空明安泰吳全美等督率兵勇大
挫賊鋒實屬奮勇可嘉惟蕪湖當江皖之衝爲逆匪
必爭之地且賊壘未平設安慶逆匪分股來援仍恐
得而復失自應一面亟籌守禦一面設法將賊壘盡
數掃蕩其東西梁山之賊亦應趕緊剿除江面可次
第肅清金陵之賊其勢漸蹙該大臣自當乘此聲威
爲掃穴擒渠之計昨據奏籌剿鎮江賊匪情形布置
尙合機宜如能先克鎮江上可翦金陵之羽翼下可
斷瓜州之援應於大局方有起色著吉爾杭阿卽照
昨奏情形先行設法攻取金山以遏賊勢克復之機
當有把握矣

聖朝聖略卷一百三十三

三

上諭內閣曰此次總兵吳全美等水陸四路斃賊萬餘賊船勦洗一空蕪湖久陷賊中地處江皖之衝今既克復縣城實爲全局關鍵各將弁冒暑從征累戰克捷奮勇可嘉在事出力各員准向榮擇尤保奏候朕施恩

向榮又奏言金陵逆匪時於西南各處窺伺卽經分飭各營嚴防十七日夜逆首羅大綱率賊

聖朝聖旨卷之三十三

三

五千人出城到三汊河築壘竊踞聲稱欲由杏花山元山一帶來犯秣陵關以圖內竄查秣陵關爲大營後路內通溧水蘇常關繫緊要前經臣抽派廣東兵勇七百餘名在彼防守時慮不敷堵勦惟大營兵力太單亟難分撥祇得選派精銳一旅以備緩急馳勦一面札飭秣陵防兵加意嚴守並檄調殷巷練勇就近策應二十日

探聞賊分兩路來犯當令副將蔡應龍帶兵截勦黎明該逆前隊已竄至元山離秣陵不遠守備張揚保等各帶兵勇迎至水口村殺斃賊匪五人賊仍遙擁抄來我軍衆寡懸殊該逆鼓譟圍撲秣陵關各兵勇連開槍礮將前賊擊倒十餘人張揚保力扼橋道督勇轟擊適把總李桂芳由殷巷帶勇馳來救應該逆相率驚潰我兵

聖朝聖旨卷之三十三

三

乘勢壓出擒斬多人逆衆奔逃聞蔡應龍領兵馳到連夜退回三汊河而去我兵仍守秣陵關現飭蔡應龍留紮布置並添派參將長桂帶兵六百名由蕪湖赴秣陵會同嚴防奏入報

同日胡林翼奏言查本年前督臣楊需咨調署提督訥欽帶兵千餘名防勦粵匪該署提督訥

欽卽坐索行裝銀兩兵不滿千費至萬金以外
又據署襄陽縣知縣王璐稟報提督請欽帶兵
防堵照例雇備船隻先期伺應忽有兵丁多人
毆傷埠頭提標前營都司多恩帶兵起程聚眾
逞兇毆傷差總王安皆因需索行裝所致臣復
查前西安將軍扎拉芬忠勇激烈一時名將孤
軍力戰二日之久請欽近在咫尺並不發兵應

聖朝聖旨卷一百三十三

三

援見賊先潰惟恐不速實屬不諳紀律相應請

旨飭下督臣官文就近查辦隨從將弁一併從嚴叅革

其不能得力之兵丁分別裁汰以飭戎行奏入

上命軍機大臣傳諭官文曰胡林翼奏署湖北提督請

欽帶兵防勦粵匪坐索行裝銀兩署都司多恩所求

不遂卽將差總毆傷前西安將軍扎拉芬孤軍力戰

請欽不發兵應援見賊先潰請飭查辦等語請欽以

專聞大員督兵防勦輒敢任意需索縱容弁兵肆行
滋事殊堪痛恨扎拉芬督兵赴楚接仗獲勝因請欽
擁兵不救以致敗潰尤屬畏葸無能於軍務大有關
繫著官文確切查明從嚴叅辦並查明署都司多恩
劣蹟一併嚴叅其不能得力之兵丁分別裁汰以飭
戎行

初九日庚午察哈爾都統西凌阿荆州將軍綿洵

聖朝聖旨卷一百三十三

三

奏言臣西凌阿於六月二十四日由馬坪鎮移

營長林岡駐紮復親赴沙子岡一帶察看馬步

官兵各營聲勢頗爲聯絡提督孔廣順等逐日

出隊二十六日德安賊匪約出二千餘名演隊

該提督等督飭各隊轟擊逆匪退入城中堅閉

不出二十八日臣綿洵到營面述

論與湖廣總督官文接見該督擬帶兵勇前赴應城

以圖南北夾攻並准該督來咨已由襄陽起程
順流下擊催令各兵勇赴德安西路前進臣西
凌阿現將五營義勇分起移紮渡口即督帶馬
隊前進伏查德安府城東北係應山大路前令
提督訥欽並二起馬隊扼紮其府城東面尚有
應山大路若由孫家灣走陳家巷亦可直達平
林市為抄襲捷徑現在馬步兵勇統計萬餘北

聖朝聖略卷百三十三

三

面東北尚未聯絡若再分撥東面駐紮殊覺兵
單接應難周擬於應山東面大路令提督訥欽
同二起馬隊移營駐守臣綿洵即在訥欽營盤
外駐紮臣西凌阿俟義勇備齊移營前進紮於
綿洵孔廣順二營適中如此分撥暫可以應緩
急第兵力究覺單弱信陽州現有防堵兵數千
名德安北路既經兵勇逼近攻勦信陽防堵稍

緩擬於該處防兵內挑選一千名赴營助勦以
壯兵威奏入得

旨允行

十六日丁酉西凌阿綿洵奏言初二日據總管德
楞額等報稱是日辰刻府城出賊萬餘分為三
股竄撲三陂港等處經已革參將劉富成出隊
迎敵總管德楞額帶領馬隊接應劉富成勇止

聖朝聖略卷百三十三

三

千餘眾寡不敵殺賊數名勇力不支全行退下
經馬隊接應力戰斃賊數十名第賊多兵少且
賊由兩旁抄襲幾欲圍住馬隊官兵且戰且退
占住山梁以杜北竄之路營盤已被燒燬維時
提督孔廣順訥欽派步兵二三百名出營二里
許排隊站立並未進前接應追賊匪撲過步兵
望風披靡守兵越牆逃走所有營盤均被賊踞

臣等一聞警報速飭協領巴揚阿等帶領馬隊由長林岡往剿行至十數里山路紛歧不能前進現在請欽所帶官兵僅有三四百名來營提督孔廣順尙無信息其步隊官兵不知何往劉富成所帶勇隊尙有一千名紮駐長林岡據勇目侯起倫等面稟該五營義勇陸續移營平林市聞逆匪出撲隨即齊隊迎敵忽有千總邢興未把總周春和等率勇三四百及五六十名不等齊入賊夥該勇目無法攔阻逆匪尙占平林市臣等惟有督飭馬隊晝夜嚴防以截北竄之路已革參將劉富成勇衆退回尙未全行潰散提督孔廣順請欽未能督兵援應實屬退縮臣等調度無方咎實難辭應請

旨將提督孔廣順請欽及臣等一併從重治罪

欽定剿平粵匪方略卷三十三

三

欽定剿平粵匪方略卷三十三

三

西凌阿綿洵又奏言自逆匪占踞平林市千總邢興未等擁衆入夥我兵虛實盡被洩漏而五營義勇渡河赴隨州者十之八九現在逆匪奸細到處皆有稽察難周府河一路由長林營後直達隨州兼防尤難爲力惟有暫回隨州庶義勇潰兵可以妥爲辦理臣等於初五日督帶隊伍次第回至隨州飭令劉富成將湖南勇隊及各起馬隊相地聯絡紮營以壯聲勢現在存營馬隊兵勇僅止三千義勇約二千餘兵力實形單弱擬請

飭下督臣官文速由隨州一路會剿以遏北竄奏入上命軍機大臣傳諭西凌阿綿洵官文曰西凌阿統領諸軍勦辦楚匪乃抵德安後毫無布置並未督兵攻勦及賊匪撲出營盤輒被燒燬孔廣順請欽所帶步

兵望風而靡營盤亦被賊踞可見平日既調度乖方
臨時又不能相機策應如果聯絡紮營互相接應何
至遇賊卽潰耶至五營義勇屢次諭令該大臣妥爲
駕馭乃竟有邢與未等率衆投入賊夥之事我軍虛
實該逆得以周知其患更甚該大臣等因長林岡勢
難久駐退回隨州所帶馬隊兵勇僅止三千義勇二
千餘名兵力愈形單弱本日已諭令都興阿將馮官

聖朝方略卷二百三十三

三

屯官兵二千名帶赴湖北軍營交西凌阿等調遣以
資攻勦官文前奏督兵由襄陽起程順流下擊此次
我兵失利賊勢更形猖獗該督自應馳赴德安會同
攻勦使軍威復振逆匪北竄固不可不防然能奮力
進攻該逆方自保之不暇何能遠竄若如西凌阿之
以嚴防北竄爲詞掩其節節退守之罪是又蹈楊需
故轍國法具在豈能屢邀寬宥耶現在存營義勇是

否足恃潰散兵勇應如何分別留撤該大臣等務當
悉心籌畫毋滋他變

上又命軍機大臣傳諭崇恩都興阿曰楚北賊勢猖獗
必得厚集兵力以資勦辦所有駐紮馮官屯官兵二
千名皆係勁旅著都興阿卽日統帶起程前赴湖北
西凌阿軍營聽候調遣該官兵啟行時所需軍裝口
糧車輛等項著崇恩迅速應付勿誤軍行

聖朝方略卷二百三十三

三

論內閣曰西凌阿等統兵督剿德安逆匪未能及時
攻取致被賊撲營盤損失軍裝器械實屬調度乖方
西凌阿綿洵均著革職留任以示薄懲孔廣順請欽
未能帶兵接應亦屬怯懦無能均著革職留營效力
賊匪現踞德安著官文迅速前進會同攻勦西凌阿
總統諸軍毫無紀律頓兵不戰以致爲賊所乘殊堪
痛恨儻再不知愧奮必當重治其罪

同日英桂奏言接據探報本月初二日德安賊匪分股直撲三陂港等處劉富成等營盤被焚義勇投賊現在賊眾仍踞德安三陂港平林市均有餘匪來往西凌阿已退駐隨州信陽三關之外並無勁旅且投賊之勇從前由豫赴楚深知路途難保其不引導窺伺情形愈為喫重臣惟有殫心竭力親督在防文武員弁嚴密戒備

不敢稍存大意奏入

命軍機大臣傳諭英桂曰楚北官軍失利信陽三關愈形喫重必得在防文武嚴密戒備不可稍形鬆懈該撫應否仍駐信陽防堵著卽酌量緩急迅速覆奏至西凌阿退駐隨州兵勇潰散已多不敷攻剿本日已諭知官文帶兵前進會同勦辦並諭都興阿管帶葉馮官屯之官兵二千名卽日赴楚助勦該副都

統帶兵經過豫省所需軍火並著英桂隨時接濟毋令缺乏

欽定勦平粵匪方略卷一百三十四 乙卯年

七月十八日 己卯 兵部奏言欽奉

諭旨已革副都統忠泰督勦失利交部議處遵查該革

員前因巢湖一帶勦辦遷延奉

旨暫行革職留營帶罪自效今復以督勦失利致將營

盤被毀咎實難辭經和春等奏參奉

旨交部議處應請議以革職奏入

聖皇聖略卷一百三十四

一

上諭內閣曰暫行革職鑲紅旗蒙古副都統忠泰著革

職仍留軍營帶罪自效

十九日 庚辰 和春福濟奏言廬郡逆匪經官兵晝

夜痛勦仍敢恃眾負隅 臣等於六月二十六七

等日督同鄭魁士等攻勦南路賊匪並同時分

兵攻擊各門該逆或來七八千及四五千人分

股直撲兵勇亦分路奮擊斃賊三四百名維時

得勝門南門水西門各出賊千餘名意圖接應

經常清等痛加截擊先後共斃賊二百餘名該

匪敗退初四日三更該逆在南路乘雨夜偷築

營壘 臣等於初五日五鼓帶領官兵馳往逆匪

分路而來當飭鄭魁士等揮兵迎擊兵勇奮力

爭先該逆左右衝突有執旗黃衣賊十數名直

前迎敵經外委蘇興瓏連刺二賊賊眾潰散我

聖皇聖略卷一百三十四

二

軍追至賊營蘇興瓏帶兵首先越過外濠搶上

賊壘兵勇一擁而上盡力砍殺斃賊多名立將

賊營奪毀惟蘇興瓏身受多傷旋即陣亡玉崑

左脅被賊槍傷約斃賊匪五六百名奪獲擡礮

鳥槍刀矛黃旗多件初七日黎明 臣等率同兵

役在大堂店窰築營壘飭令都司吳慶孚等帶

兵由北門移紮賊眾節次來撲均經兵勇擊退

先後斃賊數十名初八日卯刻得勝門南門各
出賊千餘人分路來撲經常清等迎剿斃賊數
十名該匪敗退入城驍騎校德慶奮勇前驅受
傷陣亡初九日五鼓臣等督帶官弁兵勇並吉
林馬隊馳赴南路賈家大蔭攻剿突出賊數千
人分路來迎我軍兩面夾攻斃賊無數有騎馬
賊首數名揮衆力拒我軍槍礮刀矛奮力擊刺

聖皇聖曆卷一百三十四

三

佐以火箭噴筒並連開大礮賊勢大潰官兵追
殺又斃多名並將賊匪新築營壘二座同時奪
毀把總蔣萬福首先帶兵衝入賊隊殺賊多名
被賊槍傷陣亡是日鏖戰數時之久約斃賊八
九百名奪獲槍礮刀矛二百餘件臣等惟有激
勵士卒乘勢急攻以期迅復堅城驍騎校德慶
把總蔣萬福外委蘇興瓏力戰陣亡均請

旨交部從優議卹奏入

上諭內閣曰廬州逆匪疊經官軍痛剿仍敢負隅抗拒
經和春等督軍疊加痛剿自己膽落和春福濟務卽
督率將弁乘勝進攻亟圖克復廬城毋得再涉延緩
熱河驍騎校德慶湖南把總蔣萬福候補外委蘇興
瓏素稱勇敢勞績最著茲以首先衝入賊營力戰陣
亡深堪憫惜均著交部從優議卹

聖皇聖曆卷一百三十四

四

福濟又奏言七月初九日副都統麟瑞帶領馬
隊到廬除分撥一千名委吉林營總保廉等管
帶起程前赴金陵外其餘一千二百五十名應
留廬助剿刻值軍情緊急帶兵乏人副都統麟
瑞年壯才優精明幹練且係吉林本任駕馭尤
宜仰懇

天恩俯准留於廬州帶兵助剿藉資指臂之助奏入

上從之

同日駱秉章奏言逆賊自復陷武漢後遣黨勾結土匪刻思南犯經平江官軍團勇擊退之敗賊仍踞通城另股復自咸甯蒲圻前來會合臬司魁聯道員江忠濟分遣楚勇出境迎擊連獲勝仗斃賊二百餘名二月二十七日賊眾分撲楚勇營盤千總江上曉等血戰竟日擊斃賊匪

聖朝聖方卷三十四

五

六七百名餘黨仍踞通城江西義甯州賊又分股前來會合復竄擾通城北港一帶代理臨湘縣姚榮卿帶勇迎勦接仗失利力戰陣亡逆賊由臨湘桃林竄入新牆江忠濟等帶勇行抵楊安橋遇賊數千攔頭迎擊陣斃賊日八名陣斬十四名賊始卻退分竄關王橋等處二十九日已革同知直隸州恩霖等集團勇四萬餘人分

途進攻聲勢浩大賊即望風而潰追斃賊數千名燒燬營棚八十餘架連日追至花古園方山洞等處沿途擒斬不下數百名各路敗匪仍退歸詹家橋北港老巢臣聞北路警報即飭委千總楊虎臣等帶勇馳往相機防勦比至而賊已敗遁所有帶勇勦賊陣亡之代理臨湘縣事候補縣丞姚榮卿等應請

聖朝聖方卷三十四

六

飭部照例賜卹奏入

上諭內閣曰疊次接仗陣亡之代理臨湘縣知縣候補縣丞姚榮卿把總林志祺職員李治縉童生胡際昌附生李文淳職員袁毓龍童生王拱平李克靖監生余湘重均著交部照例議卹

駱秉章又奏言臬司魁聯前奉

諭旨留辦防務乃忽由岳州稟報到省臣以賊陷漢陽

湖北省城危急與國崇通土匪勾煽岳州防剿萬緊該臬司帶勇駐岳豈可遠離批飭迅回岳州旋又據該臬司以染患痰喘病證醫治未痊稟請開缺回旗調理不候批准卽起程赴省臣見其精神尙好步履如常當此逆賊縱橫之時若人人引疾擅離防所大局何以支持旣據該司屢次瀆請臣不得不據實直陳奏入

聖學聖方略卷二百三十四

七

諭內閣曰新授湖南按察使魁聯係疊次降旨留辦防剿之員該員帶勇駐紮岳州界連楚北防務正當喫緊乃輒以舊病時發屢向該撫稟請代奏回旗調理且兩次赴省不候札調擅離防所殊屬取巧魁聯著以知府降補仍留於湖南差委以杜規避

二十二日 癸未 向榮吉爾杭阿奏言查鎮江逆匪恃金山爲犄角以銀山寶蓋山煙墩山金雞嶺

爲藩籬負固不下經臣等督兵屢攻金山擊沈礮船並將自寶蓋山金雞嶺至銀山坳內牆垣擊壞不料該逆銀山下掘有深濠密釘梅花樁山上有小賊營一座潛匿哨探匪徒銀山東對西門外之賊礮隄北對金山必應首先進取正在填濠襲取間該逆連日分作數股或一二百人或三四百人在寶蓋山金雞嶺煙墩山等處

聖學聖方略卷二百三十四

八

游弋窺探一經追擊卽去二十九日夜望見銀山上燈火隱約賊衆增添臣吉爾杭阿卽傳知泊承陞在北門外水陸嚴堵副都統致祥等在東北一帶合力防剿一面派知府劉存厚等從寶蓋山正南參將周兆熊等從寶蓋山西南參將李占鼇等從寶蓋山東知府丁國恩等從煙墩山分路進攻都司玉興等管帶車礮分隨各

隊虎嵩林督帶後隊在西門外東嶽廟一帶接
應余萬清等在西門外邀截後路之賊並開礮
專擊城中及由南門並西南隅突門潛出匪眾
臣吉爾杭阿帶領小隊登高督戰視賊所向相
機接應部署甫定瓜州金山鎮江之賊傾巢而
來寶蓋山金雞嶺煙墩山之上蟻屯蟻聚前來
爭踞各山我兵痛加剿洗其敗竄之賊又為余

聖朝聖考卷三十四

九

萬清等分投截剿殺賊無算查點我兵有四川
川北右營千總周大全勇目陳得勝周肇邵王
得貴記名外委趙良佐在寶蓋山衝入賊隊致
受礮傷陣亡兵勇亦間有陣亡受傷者 臣等即
飛咨托明阿乘其空虛進攻瓜州七月初一日
寅刻仍照前派出隊該逆屬聚寶蓋山巔意欲
修葺舊有賊營劉存厚等督兵先登守備陳紹

業等直上山梁殺賊甚多我兵乘勢一擁而上
該逆力不能支即行竄逸守備陳紹業額外李
襄成俱受重傷陣亡爾時金山鎮江之賊分路
來援銀山銀山之賊出巢迎拒我兵分隊迎剿
該逆舍命死鬪雖死亡接踵不肯遽退而我兵
勇氣倍增泊承陞周士法督帶拖罾艇師各船
乘風上駛攻擊北固山賊礮隄余萬清虎嵩林

聖朝聖考卷三十四

十

督飭將備專勦後路抄襲敗下逆匪殺賊不計
其數賊始敗退初二日仍舊出隊進攻該逆死
守不出我兵自下仰攻難以飛越鎮江金山復
有賊匪一由寶蓋山一由金雞嶺冒死來援劉
存厚等將寶蓋山之賊擊回鎮江丁國恩等將
金雞嶺之賊擊回金山又經余萬清虎嵩林沿
途截殺頗稱痛勦先是劉存厚相度地勢選勇

波濠擬在摩旗山對岸潛用地雷轟城密致托
明阿同時並舉不意被該逆知覺豫作準備因
卽改計併力攻撲銀山劉存厚等挑選精銳由
正面直衝而上站住帶領潮勇徑上寶蓋山頂
虎嵩林等由東嶽廟寶蓋山之東進剿丁國恩
等由煙墩山金雞嶺而進余萬清督軍援應劉
存厚等首先登山將出巢迎拒之賊擊散拔樁

欽定剿平粵匪方略卷三十四

十一

填濠進至賊營牆邊互相轟擊賊漸難支正期
得手適鎮江金山賊匪分作數股豕突來援虎
嵩林督兵迎剿賊已有數股抄出其後冀圖襲
襲劉存厚右肩受傷仍回兵接戰賊始披靡另
有一股出鎮江西門而來站住督率潮勇追其
後周兆熊率兵攔其前余萬清等督飭兵勇分
路勦殺該逆散而復聚者數次經玉興等將車

礮向前連環施放每礮必傷斃賊匪數十人賊
始潰走我兵分路追剿因城上槍礮如雨未能
攻奪臣吉爾杭阿於登高督戰之際遙望瓜州
托明阿等各軍隊伍整齊槍礮迅捷分路直撲
賊巢其戰甚酣斬獲當亦不少伏查銀山等處
向爲該逆哨探之地經我兵轉戰八日殲戮匪
徒數以千計始將寶蓋山煙墩山金雞嶺退出

欽定剿平粵匪方略卷三十四

十二

其銀山因舊有濠溝一時不克填平擬與托明
阿等南北同時並舉紮營進逼以期攻克陣亡
守備陳紹業等應請

旨交部分別議卹奏入

上諭內閣曰逆匪因踞鎮江恃金山爲援應其銀山寶
蓋山等處亦藏有匪徒往來窺探吉爾杭阿調派知
府劉存厚等各帶兵勇分路進攻痛加勦洗其各路

來援之賊均經官兵抄截殺斃不計其數奪據險要
卽著向榮吉爾杭阿知照托明阿南北合力迅復城
池力戰陣亡之守備陳紹業外委趙良佐均著交部
照例議卹千總周大全著從優照千總例議卹候補
把總陳得勝著從優照把總例議卹額外李襄成著
從優照外委例議卹勇目周肇邵王得貴均著交部
從優議卹

聖朝方略卷二百三十四

十三

同日會國藩塔齊布奏言六月十一日據探潯
城逆匪在新壩添築礮臺龍開河泊有賊船四
百餘隻臣塔齊布於十三日飭副將周鳳山等
帶勇明攻東門爲聲彼擊此之法各營兵勇偃
旗息鼓於四更時急赴西路以攻新壩飭九江
鎮居隆阿等伏兵於三川嶺之右臣塔齊布率
參將彭三元等攜帶板片搭造浮橋搶過濠溝

我軍拋擲火彈延燒賊船二隻賊衆驚覺抗拒
城中之賊隨亦擁出二千餘人我軍開放槍礮
斃賊雖多該逆水陸併拒殊無怯意臣塔齊布
因令兵勇佯爲退走該逆出卡追襲我軍誘過
濠溝遂令嶺左伏兵抄賊後路嶺右伏兵同時
並起佯退之兵回旗轉戰槍礮齊施短兵夾擊
賊衆大潰隄陞狹隘賊黨擁擠爲濠所阻約計

聖朝方略卷二百三十四

十四

擊斃三百餘名墜濠溺湖者甚多升用副將玉
山等先攜大礮伏於龍開河上之水府廟比見
逆船退出連環轟擊亦斃數賊彭三元阿達春
等見水陸之賊均已披靡乘勝撲卡卡內賊礮
子密如雨彭三元阿達春均受礮傷守備黃明
魁受傷陣亡隨傳令收隊臣國藩又派令水師
前往徐家埠搜捕賊巢並派知縣李錕帶陸勇

四百名會勦所過賊卡拆毀六座已刻到準陸賊前來抗拒水勇登陸迎勦排槍轟擊賊眾奔潰我軍逐北數里李錕所帶陸勇亦至乘勝窮追焚燬望樓數座糧館五處賊船八十餘隻十五日各營派二十餘船前往湖口探看賊營情勢弁勇冒險貪功衝出梅家洲賊卡之外三面被圍鏖戰兩時被賊圍去長龍一號三板三號

聖皇聖方略卷三十四

十五

千總洪建勳把總李文田同時陣亡姑塘大隊前往救應該逆始畏怯奔竄臣等伏查潯城之賊時多時少臣塔齊布之師分勦他處則恐大營單薄反爲逆賊所乘若合聚一處則日對堅城久無成功且湖口水軍無陸兵以護之彼此俱不能得手亟應變計以求有濟臣塔齊布擬移至青山渡湖之東會勦湖口如能攻破此關

全局固有轉機卽不能遽破亦當由彭澤而下直趨建德東流以期與下游池太之師聯爲一氣是亦大局旋轉之一策也陣亡之守備黃明魁等均請

旨交部從優議卹奏入

上命軍機大臣傳諭會國藩塔齊布曰該侍郎等水陸兩軍隔絕已久湖口九江兩處俱不能得手自應速

聖皇聖方略卷三十四

十六

籌變計以期制勝惟據所稱擬將陸軍移至青山渡湖會勦湖口意在力通江路如能迅卽攻破則水陸兩軍分而復合自是勝算儻不能遽破則上游賊勢方熾豈能遽舍九江徑趨建德東流不特潯郡逆匪乘我東下有牽綴後路之虞卽大軍移撤後該逆四出滋擾或竄入江西腹地或上結湖北逆黨均屬可慮該侍郎等旣已籌議及此自必胸有成竹著再詳

細審度如果確有把握原可照議辦理但不可顧此失彼置九江於不問現在下游師船僅止克復蕪湖該侍郎等即由彭澤直下相距尚遙恐未能聯為一氣該侍郎等不可不兼權并計期出萬全也

上諭內閣曰江西九江等處賊匪經曾國藩等水陸進剿疊獲勝仗著即督飭將弁兵勇乘勝攻勦力通江路儘先守備黃明魁千總洪建勳把總李文田力戰

聖皇聖考卷二百三十四

七

陣亡殊堪憫惜均著交部從優議卹

二十三日甲西凌阿綿洵奏言臣等前令都司

施紹恆查明五營義勇初二日齊隊時逃入賊

夥者六百六名現存二千二百餘名臣等子限

三日速為收聚初限未及收齊復行展限飭收

除將限內回營弁勇責懲斥革逾限未經回營

膽敢遠遁者各行各督撫一體嚴拏逾限二次

始行回營之吉林披甲貴山等訊係畏葸逃避法難姑容當按軍法辦理其宣化已革遊擊董椿亦係逾限二次回營以帶隊職官既已潰散於前復敢逃避於後應請

旨按軍法從事提督孔廣順原帶步隊官兵五千六百餘名內僅擇得可用官兵二千二百餘名提督訥欽原帶步隊官兵二千餘名內擇得可用官

聖皇聖考卷二百三十四

十六

兵一千五百餘名其餘怯懦不力者撤回原營

現在臣等所帶各營兵勇統計八千餘名兵力

實形單弱已咨行湖廣總督就近札調鄖陽鎮

內四營兵一千五百名竹山協標兵五百名來

營第整備軍械尙需時日誠恐緩不濟急聞隨

州知州嚴樹森團練鄉勇數萬輿情尙皆愛戴

已飭選帶隨同前進藉資攻勦

同日官文奏言臣行抵潛江已陸續將所帶川兵三千名及在京山襄陽募勇三千餘名派往應城漢川分投進剿僅存隨營旗綠兵五百餘名因聞漢川分水嘴一帶復聚賊數千意圖上竄襄河勢甚兇猛正在督催兵勇進攻間忽聞德安大營失利臣卽將派往仙桃鎮川兵令參將顏朝斌撥勇一千名督同前赴應城張萬祿

聖朝聖學卷三十四

十九

等所帶川兵襄勇四千名均由應城馳往應援德安蓋應城距德安九十里若再繞道隨州誠恐緩不濟急且中路益形空虛賊必恣意竄越莫若催兵躡賊之後斷其歸路使該逆南北牽制畏我兵截其後必不敢輕易北竄已飛咨西凌阿趕緊收集潰散兵勇堅壁堵禦更嚴防義勇爲賊內應臣添調近路鄉團取道天門亦赴

應城旁抄夾擊以圖先克德安再圖武漢庶可兼顧連日接據葉培等來稟應城一帶有賊竄擾該員會合知縣王培厚等帶勇在長江埠連日與賊接戰均獲勝仗截殺長髮賊甚多焚燬賊船十餘隻搶獲賊船十隻又探報賊由德安陸續回竄臣已飭應城雲夢各軍嚴防再會商西凌阿妥慎布置剋期進剿不敢稍事遷延

聖朝聖學卷三十四

二十

官文又奏言接據帶勇知縣李光榮等稟稱本月十二日寅刻乘賊不備督帶礮船由中路進攻分派川南各勇從兩岸夾擊分水嘴賊匪齊出拒敵我勇槍礮齊施鏖戰多時適把總李芳春等帶勇繞至分水嘴背面焚燬該逆木城二座賊始敗退該員等乘勝督勇立將分水嘴賊巢燬盡帶隊追殺至下游蚌湖口地方共殲賊

二百餘人並焚燬賊船十餘隻現由鄆家灣移營楊林溝以圖進兵漢川昨又接撫臣胡林翼來函現督兵攻勦蔡店囑卽遣師進取漢川合兵蔡店共圖漢陽俾我軍南北相通該逆上下隔絕德安之賊勢本孤立勦除不難均奏入

上命軍機大臣傳諭西凌阿綿洵官文曰西凌阿等現帶官兵尙有八千餘名又添調隨州團勇萬餘人兵

聖學聖考卷三十四

三

勢不爲不厚據官文奏報已派參將顏朝斌撥帶川兵襄勇五千名由應城進援德安已斷逆賊歸路西凌阿等正可迅速前進迎頭夾擊使該逆進退無路則德安賊勢必孤再得官文一軍取道天門從中橫截自不難於攻克若但株守隨州專待官文兵到是臨敵旣不能堵禦進兵又專恃應援安用此庸懦無能之將耶所調鄖陽鎮兵一千五百名竹山協兵五

百名著官文酌量調往總以取道便捷爲要不必繞至隨州轉致迂緩官文旣有先克德安再圖武漢之議亦著迅速前進現在胡林翼旣進攻蔡店荊州兵勇又已將分水嘴一路打通漢川前後均有官兵此正克復德安之機西凌阿官文等萬不可稍事遷延致賊守益堅攻勦仍難得手湖北兵勇屢次潰散非嚴行懲辦不足以申軍律劉富成訥欽孔廣順業經

聖學聖考卷三十四

三

革職留營效力儻再不知奮勉軍法具在不能再邀寬典也

諭內閣曰已革遊擊蕙椿於德安賊匪撲營時未能奮勇接仗隨同兵丁潰逃又遲久始行回營實屬畏葸無能著卽按軍法從事以申紀律

十四日酉乙官文奏言准撫臣胡林翼函稱七

月初九日探聞賊匪大股來撲麥山卽派兵親

督渡江前往應援賊眾四五千人直撲營盤幸
撫臣督勇奮擊殺賊無數賊始退去大兵追剿
至豹子嶺十一日移營李家集偏近蔡店十三
日賊匪數千由蔡店分股來撲撫臣衝鋒督戰
適知府彭玉麟等帶水師兵勇亦出襄河水陸
夾擊攻破蔡店賊眾披靡殺斃二千餘人逆賊
喪膽撫臣即日拔營進偏漢陽派留水師駐守

聖朝聖方略卷二百三十四

三

蔡店囑卽遣撥精兵馳往會合進取漢陽伏查
蔡店爲襄河門戶攻破蔡店據其要隘德安之
賊必思力爭此地亟宜乘機合剿迅圖克復臣
已飛飭李保邦等帶得勝之師卽由分水嘴進
攻先克漢川直趨蔡店並催鹽道常恩帶川兵
豫勇二千餘名隨後接應再探聞德安之賊仍
住城內城外並無賊蹤其爲懼我兵抄後不敢

北竄可知現嚴催參將顏朝斌等各帶兵勇會
合應城縣王培厚約齊團練截賊歸路相機進
攻德郡一面咨會西凌阿督隊前進攻襲德安
並飭隨州知州嚴樹森督團協助由北路夾擊
早圖克復兼防北竄惟投誠義勇反側已露實
爲心腹之憂已密咨西凌阿堅壁勿動善爲籠
絡伺便卽設法聚殲伏祈

聖朝聖方略卷二百三十四

三

飭下河南撫臣增兵防堵以防義勇變竄臣亦卽隨帶
旗綠官兵五百餘名並添調駐防潛江之副都
統錫齡阿管帶荊州滿兵二百名練勇六百名
隨同前赴天門縣岳口地方擇要安營該處與
應城漢川均相距匪遙實爲水陸適中之地兩
路兵勇皆可兼顧以便斟酌緩急隨時調撥奏
八

上命軍機大臣傳諭西凌阿綿洵官文曰據官文奏稱胡林翼於初九日渡江十三日攻破蔡店該督現飭李保邦等進攻漢川直趨蔡店仍飭顏朝斌等進攻德安並親赴岳口地方調度諸軍布置均屬周妥西凌阿一軍昨論迅速前進克復德安該大臣所帶兵勇足資攻勦不得專待官文所派之兵遷延株守更增罪戾至隨營義勇反側情形現據官文奏稱已密

欽定四庫全書

五

咨該大臣嚴加防範伺便聚殲自係為亟除內患起見惟該義勇人數眾多殲除未易儻機事不密為害非細西凌阿前飭施紹恆等隨時查點其願歸田里者著即資遣若能因此相安自可逐漸解散其有心懷叵測得有實據者即行正法似此恩威並用妥為駕馭庶不致激而生變

上又命軍機大臣傳諭英桂曰據官文奏投誠義勇恐

其生變回竄河南請飭防堵等語此項義勇前由馮官屯赴楚道經河南路徑熟悉現因官軍失利投入賊營者已有六百餘名之多若輩狼子野心萬一引賊北竄亦不可不防著英桂嚴飭文武員弁隨時偵探加意防範

二十六日 亥 官文奏言據知縣李保邦等稟稱

於進攻分水嘴後仍督師前進探得漢川城中

欽定四庫全書

五

之賊正望德安賊匪來助為拒守計該員等恐賊匪救至即督隊前行十四日戌刻趕到漢川衝破賊營見各門緊閉我軍逼近城垣槍礮齊施逆匪開礮拒敵正鏖戰間適副都統魁玉督催後隊兵勇齊到該逆望見勢卻前隊兵勇乘勢爬城而入逆匪即開東門奔逃我兵分軍進城仍督兵尾追殺黃巾賊目數十人轟斃無算

立將縣城克復臣現督飭得勝之軍迅赴下游
接應仍一面飛咨西凌阿等嚴防北路並催顏
朝斌等乘機襲取德安臣即起催後路兵勇往
扼漢口或進府河夾攻德安或出襄河進剿武
漢量其緩急接應兩路軍情

官文又奏言前因下游逆匪分股由興國州擾
及崇陽通山竄撲蒲圻縣境當經署撫臣撥兵

欽定剿平粵匪方略

卷一三四

援剿並飭該縣趕辦團練實力堵禦雖疊有斬
擒而逆匪盤踞崇通屢圖窺伺頃據署蒲圻縣
知縣孫守信稟稱探聞崇通股匪六七百人竄
至該縣中港地方經該縣督團往剿賊即潰散
追殺至盧家橋殲斃數百名初六日該逆復分
三路直撲新店該縣會同千總樊文忠督帶練
勇亦分投迎剿鏖戰三時賊眾披靡我勇追殺

十餘里計斃賊匪四百餘名墜崖落澗死者無
算維時分水坳胡家橋地方各有賊數百人竄
擾經團首賀鵬搏等擊退等情臣查蒲圻一縣
爲武漢金口之後路崇通股匪屢撲該縣境地
意在聯合武漢賊匪肆其猖獗該縣文武紳團
協力堵剿均獲勝仗使逆匪不敢復行窺伺洵
屬奮勉其尤爲出力之藍翎千總樊文忠仰懇

欽定剿平粵匪方略

卷一三四

大恩賞換花翎用示鼓勵仍飭嚴加防堵以遏賊氛
官文又奏言據蘄水縣知縣劉燾稟稱五月十
八日探有賊千餘名由上巴河竄入蘄邑竹瓦
店一帶當飭典史徐學浩等督令團勇出隊行
抵附近地方遇賊迎拒我軍槍礮齊施斃賊二
百餘名賊即敗潰我軍追殺又斃賊多名將賊
偪至渡口後無退路自相踐踏我軍又殺賊百

餘名用槍轟斃二百餘名餘匪梟水渡河淹斃者不計其數二十三日賊復招集各路竄匪共三千餘人在朱四橋等處築立土城五座爲持久計當經壯勇分投進剿擊斃三百餘名該逆敗遁時因各路防勇不敷策遣遂函商羅田縣借勇二千名飛調麻城勇四百名於三十日分三路進取直搗賊巢該逆傾巢迎敵我軍奮勇

聖皇集略卷五十四

无

攻擊逆匪退守土城抗拒從九品李玉墀等督勇躍上北面土城徐兆達等由後路斜入用礮轟倒土城一座賊衆驚潰各勇乘勢夾攻當將五座土城轟毀連放信礮伏兵齊出各在隘口截殺計斃賊不下二千餘名內有穿黃衣賊首多名生擒四十八名餘匪亂竄我軍又追斃千名先後擊斃偽將軍黎姓等五名此次勦辦斷

水縣竄匪該官紳等殺賊幾盡尙稱勇敢臣仍札令知縣劉緊搜捕竄匪嚴密堵剿奏入

上命軍機大臣傳諭西凌阿綿洵官文胡林翼曰前因西凌阿督兵失利疊諭官文會勦德安此時胡林翼已過江攻破蔡店李保邦等亦破分水嘴賊巢攻克漢川我軍上下之氣已聯官文正可乘此機會進剿德安據奏先派顏朝斌前往應援該督親帶旗綠各

聖皇集略卷五十四

三

營兵赴下游接應或進府河夾攻德安或出襄河進勦武漢察看緩急援應等語惟是德安未克漢陽又爲該逆老巢守之必力該督徘徊中路恐有腹背受敵之虞況西凌阿兵威已挫獨力難支著官文迅往德安會勦勿再延緩西凌阿到楚後並未打仗兵勇業已潰散駕馭無方殊堪痛恨屢諭帶兵進剿不得株守隨州現在曾否拔營前進未據奏到儘再不知

愧奮立功贖罪更有何顏對朕耶胡林翼著與李孟
羣所帶礮船及魁玉常恩等各兵聯絡聲勢進取武
漢俾該逆南北不能相顧庶勦辦可望得手

上諭內閣曰蒲圻爲武漢金口後路現在股匪擊退其
尤爲出力之藍翎千總樊文忠著賞換花翎

二十九日 庚寅 何桂清奏言欽奉

諭旨安徽甯池太廣道著暫改爲徽甯池太廣道加按

聖聖聖聖聖聖

三

察使銜並添設皖南鎮總兵一員照臺灣鎮道之例

准其會銜專摺奏事其應辦事宜著該督撫分別妥

議迅速具奏等因臣伏查皖南鎮總兵業已奏定額

缺一切營制事宜應由兩江督臣安徽撫臣斟酌

酌奏辦其新任徽甯池太廣道石景芬應卽前

往任事以專責成至於徽州軍務臣前奏明令

張芾協同鄧紹良攻勦並責成辦理善後現在

徽池二府防務善後均係張芾一手經理尙屬

妥協甯太軍務係由向榮督飭鄧紹良勦辦浙

省兵勇在甯太防勦者五六千人統歸鄧紹良

調度臣愚昧之見似應將防勦事宜仍責成現

在任事文武諸臣照前認真辦理其地方公事

營務察吏安民卽責成新設鎮道熟商妥辦遇

有緊要機宜卽由該鎮道一面稟商金陵大營

聖聖聖聖聖聖

三

一面會銜專摺陳奏總期文武各員和衷共濟

以慰

聖主廑念東南至意該處協防籌餉事宜臣當盡心竭

力斷不敢以越俎爲嫌致負委任奏入

上命軍機大臣傳諭何桂清曰此時徽甯兩府甫就肅

清池太各屬尙未悉數收復地方公事與軍務交涉

者多原不能過爲區別惟據奏稱石景芬責令專任

地方而以防勦事宜仍責現辦文武亦屬因時制宜
卽著照所議辦理徽池防勦善後既係張芾一手經
理該員現無職守自可專心籌辦若甯太兵勇雖歸
鄧紹良調度而該員四出征勦並非專顧皖省之人
皖南旣新設總兵卽應令其專司防勦豈可以本境
軍務概委客兵現在簡放之豫祺本係浙江副將何
桂清必能深悉其人著卽詳加體察該員於新設重

聖朝聖考卷一百三十四

三

鎮能否勝任如果明白勇往則皖南軍務儘可責令
督辦儻不能勝任亦卽據實具奏不可稍存成見總
之皖南旣特設鎮道卽不當專恃鄰省爲依傍惟事
屬草創如該鎮道駐紮之處尙待兩江總督等酌定
此時需兵則不能不仰給於金陵需餉則仍賴浙江
爲協濟惟在不分畛域互相聯絡使可戰可守則地
方自有起色該撫如有所見仍當隨時奏聞

欽定勦平粵匪方略卷一百三十五 乙卯年

八月初一日 辛卯 官文奏言據署漢陽縣知縣伍

繼勛稟報七月閒撫 臣胡林翼紮營三山景水

軍移紮禹糧臺當夜造成火龍船二十餘隻次

日帶水軍知府彭玉麟等用火龍船攻燬漢口

浮橋衝出大江會合撫 臣及副將王國才楊載

福等之師水陸並進殺賊無算克復漢鎮復過

聖朝聖考卷一百三十五

一

河追至漢陽將東西門外土城盡行燬倒撫 臣
親冒矢石殺至龜山天晚紮營十六日各路兵
勇齊攻漢陽又將其四面防卡及附城土垣燬
盡再據鹽法道常恩稟稱克復漢川縣城後派
兵分途搜捕餘匪內有僞平湖丞相李何青等
三十餘名復探聞有賊數百在南門七里蘆林
復派李保邦等帶勇出東門李光榮帶勇出西

門王三錫等帶勇出南門追勦殲逆匪百餘名現在跟蹤追捕並探聞慈擔溝一帶尙有聚匪亦當撲滅等語臣已飭其一面搜捕餘匪一面督李保邦等速赴蔡店爲南軍後路聲援至德安之賊屢次出城躡探擬竄漢川接應均經兵勇截回參將顏朝斌等帶勇三千全抵應城已飭商同進勦並飭隨州知州嚴樹森激勵鄉團嚴堵歧路臣卽日馳抵涇口相機策應務期掃蕩妖氛奏入

上命軍機大臣傳諭西凌阿綿洵官文曰此次漢川漢口先後克復漢陽逆匪亦已窮蹙德安賊援已斷其圖竄漢川者復經兵勇截擊殲擒若能乘此機會南北夾攻何患德安不克官文所派顏朝斌等一軍現在全抵應城正當德安之西南該督親往涇口當德

安之東南西凌阿若株守隨州不思進取豈將以克復之事全委之南軍耶況該大臣兵勇不下八千隨州團練數逾二萬北路聲勢不爲不壯何以連日尙未進兵朕授西凌阿爲欽差大臣原不專爲德安計今併一德安亦不能克任意遷延一至於此試問何顏對朕著卽督帶官兵團勇迅速前進與南路兵勇前後夾擊務將德安府城剋期收復不得再有耽延

官文現往涇口正可上援德安下應漢陽著一面會合西凌阿迅速夾攻一面與胡林翼聲勢聯絡以期肅清江北毋失事機

初二日壬辰托明阿陳金綬雷以誠奏言查瓜州稻陸葦港道路紛歧若非先築長圍難以杜賊旁竄臣等公同商議趕築西路長圍池邇而南將及土橋仍連日出隊分攻賊壘上月初五日

瓜賊突出一千餘名分股徑撲土橋意圖平毀
長圍臣托明阿即督率德興阿等截擊並經水
師總兵陳國泰登岸迎截賊即潰散初七日接
吉爾杭阿密爾約定次日寅刻力攻銀山賊營
同時出隊當即分飭水陸各營均於是夜五更
進攻瓜州臣托明阿陳金綬分路進兵臣雷以
誠亦由虹橋等處進取誘賊出巢各兵勇槍礮

聖皇聖考聖訓

四

齊發奮勇向前共斃賊約三百餘名餘賊敗退
十五日夜賊復欲撲土橋經陳國泰開礮擊回
至金陵之賊遣車輪船三十餘隻來援於十三
日撲近水營總兵李長春等分投截擊六合縣
知縣溫紹原亦派水勇堵賊去路殲斃多名浦
口水勇及陸路總兵武慶等均聞礮聲出隊接
應並據武慶稟報十一二十四等日賊船疊

竄二江新江等口滋擾經該鎮飭派弁勇奮力
勦殺奪獲大小賊船五隻糧米礮械無數臣等
查金陵首逆狡詐尤多似此水陸聯絡屢挫賊
鋒誠足以壯軍聲現仍嚴飭上游水師加意防
範不容一船下竄其陸路東西長圍業已竣工
即當設法進攻斷不敢坐淹時日奏八

上命軍機大臣傳諭托明阿陳金綬雷以誠曰所奏進

聖皇聖考聖訓

五

攻瓜州情形僅祇逐日出隊小有斬擒於克復機宜
毫無把握所築土圍西連土橋東近虹橋距賊壘皆
已甚遠僅能阻賊撲營豈能制賊死命若竟恃為長
策該逆雖不能東西旁竄而南面仍復通江於事何
益况吉爾杭阿既有南北並舉之議則鎮江得手之
時瓜州即應實力攻擊乃初七日之戰亦祇誘賊出
巢奮力擊退有何出奇制勝該大臣等清夜自思能

無愧悚托明阿營中尙多宿將務各奮勉圖功剋期攻克瓜州不得再有延緩其金陵下竄賊船卽飭知葉常春等及陸路防堵之武慶等嚴加防範覽此次所奏浦口水陸勝仗較之瓜州尙有實際仍著責成該總兵等實力堵截並隨時與陳國泰師船聯絡使西南兩面聯爲一氣以杜該逆窺伺

初三日癸巳向榮奏言查我軍攻克蕪湖縣城尙

聖朝聖學卷一百三十五

六

餘濱江石壘及小河南北兩賊營未破該逆糾集四合山及東西梁山黨與四五百人併駭踞守總兵德安明安泰卽日會督各兵勇分屯東北兩路並堵紮東南小河派兵入城守禦自六月二十日後出隊會勦寶塔根賊壘各將弁兵勇奮力前攻焚燬賊卡兩重攻破壘外濠塹水師亦於江面開礮環轟賊勢已蹙乃該逆復於

范羅山添築礮臺並敢疊次出巢拒戰自係東西梁山並四合山之賊援未斷我軍雖步步進紮終難得手因卽派隊將長山營盤趕緊一律築成當派湖南兵及壯勇臺勇分紮二營黔兵勝勇合紮一營聲勢聯絡鄧紹良亦於小河南將彪勇營盤移進偪賊於河邊查長山紮定五營旣可遏斷梁山援應並絕該逆逃竄之路當

聖朝聖學卷一百三十五

七

卽飭該提鎮等乘此聲勢水陸併力剋期將賊壘蕩平全據上游要隘然後上下勦洗肅清沿江則大局得有把握奏入

上命軍機大臣傳諭向榮吉爾杭阿曰我軍攻克蕪湖後濱江賊壘尙未攻破長山五營甫能紮定不可不加意慎重著向榮督飭該提鎮併力合謀先將寶塔根石壘掃平俾蕪湖險隘不致得而復失一面嚴飭

水師各營豫防上游賊船乘隙下襲我軍據守險要
然後乘勝勦洗庶可肅清

同日陳啟邁奏言據羅澤南林懋勳等稟稱義甯州城賊匪三四千人擄搶民船數十隻於六月二十日竄至義甯武甯交界之三都梁口洋湖陳莊一帶焚掠林懋勳恐賊下竄武甯卽率領弁兵練勇於澧溪暗頭山沿河地面駐紮堵

聖皇聖考卷三十五

八

禦該逆知武邑有備旋卽退回七月初五日林懋勳進紮三都山上總兵劉開泰亦移營黃沙橋羅澤南詢知該州居萬山之中南憑修江北倚鳳凰山西通銅鼓營及兩湖之平江通城等縣東則峻嶺複嶂修江中流直達武甯江之南岸爲梅嶺高逾十里係梁口八州大路峭隘異常該逆踞崖聚石以待人不敢度惟由梁口渡

江繞南嶺鳳凰山之背可達西門坑正擬由該處前進詎州城賊匪於初八日由梅嶺來撲梁口營盤一股循修江南岸而下約四五千入一股由左路而下約三千餘人多用州城旗幟冀誑官兵其後路埋伏甚多羅澤南飭令知府李續賓知縣唐訓方督勇繞出山阜以擊左路之賊又派勇數百名埋伏山阿策應羅澤南督同蔣益澧率湘勇中左二營排列營前以擊沿江之賊按兵不動相持一時知賊之氣已竭始揚旗振鼓大呼而進擊斃長髮騎馬悍賊多名李續賓等從山後繞出橫衝左路賊陣擊斃長髮騎馬悍賊八九名各營奮力追殺共計斃賊七八百名賊之沿江而逃者又爲我軍繞前截住賊遂涉水渡河溺斃者以數百計當賊撲梁口

聖皇聖考卷三十五

九

時林懋勳亦自三都率領兵勇循北岸而上以爲策應賊之浮江而過者悉爲林懋勳兵勇所殺不下七十餘人南岸敗匪經羅澤南等追逐二十餘里又生擒三十餘名卽日由四都進攻西門坑劉開泰自黃沙橋移營湘竹進偏豬雙灘賊營林懋勳駐紮四都彭姑地方防賊自南嶺而下襲我餉道兼可相機助剿等情臣查羅

聖恩

十

澤南等帶領湘勇甫抵梁口地方州城賊匪卽率衆前來撲營經羅澤南等分路迎擊先後斃賊甚多實足以挫兇鋒仍飭乘此聲勢迅速夾攻以期收復州城在事出力員弁容臣查明另行請獎奏入

上諭內閣曰此次勦辦尙爲得手仍著該鎮道等乘此聲威攻克州城迅殄醜類所有打仗出力員弁著卽

查明保奏候朕施恩

初七日丁酉和春福濟奏言查廬郡外援賊匪經

臣等督率官兵節次攻勦勢雖漸蹙仍復負隅七月十四以後連日冒雨急攻每次斃賊三四百名踏毀賊營四座十九日突來逆匪將及萬人分路直撲柘皋營盤伊林布等帶同團練遏住北竄之路該逆擁至河邊我軍攻擊甚久斃

聖恩

十一

賊多名賊乃分股從黃山雙廟兩路繞出三四人竄入街內伊林布等趕至街口殲斃無數逆匪復由河下分路抄來愈聚愈多伊林布楊萬傑均力竭陣亡該逆搶至河北圍撲總兵吉順營盤臣和春隨卽挑選精銳於二十一日行抵柘皋幸吉順督率官兵防守甚固臣和春整齊隊伍分左右抄擊兵勇槍礮齊施馬隊衝突

立斃賊匪甚多三路賊同時潰敗我軍追殺將

賊營圍攻火箭噴筒絡繹施放營內之賊紛紛

逃出湖南兵首先搶進賊營盡力砍殺即將賊

營四座踏毀餘匪均向河邊敗逸河州兵攔頭

截勦又斃多名落水死者不少二十二日臣和

春復親帶兵勇左右圍勦賊由山後敗逃我軍

追殺三十餘里零星竄匪又經沿路百姓痛殲

聖朝聖略卷百三十五

十一

共計兩日斃賊三千餘名生擒六十七名奪獲

軍械不計其數隨由廬州飛調馬步兵在柘皋

分紮扼堵二十五日探得逆匪在廬城西面之

大蜀山築壘意欲前進當令常清等圍攻外委

賀世鵬衝入賊隊手刃數賊受傷陣亡兵勇齊

聲吶喊殺賊無算該逆敗奔我軍追殺十餘里

立將賊壘毀平查遊擊伊林布千總楊萬傑外

委賀世鵬臨陣捐軀深堪憫惜應請

飭部從優議卹以慰忠魂總兵吉順鎮靜嚴守俾援兵

前往立解重圍實屬膽識俱優合無仰懇

天恩賞戴花翎以示嘉獎各員弁兵勇奮勇可嘉可否

准臣等擇尤酌保出自

逾格恩施奏入

上諭內閣曰廬州外援賊匪經官兵節次攻勦將賊壘

聖朝聖略卷百三十五

十一

毀平著和春等亟圖克復廬州毋再玩延遊擊伊林

布千總楊萬傑外委賀世鵬殺賊勇敢臨陣捐軀均

著交部從優議卹總兵吉順紮營河北當逆股大至

鎮靜嚴守俾援兵趕到得解重圍著賞戴花翎其餘

出力員弁兵勇並著和春等擇尤保奏候朕施恩

初八日

戊戌

和春福濟奏言自舟師勦賊南岸江

北空虛芝麻港逆賊四出擄掠七月二十一日

經知州徐曉峯等帶領兵勇沿途搜捕忽見逆卡紛出騎馬賊多名三股分抄適知府葉法知縣鄧楚翹各帶義勇知州金寶樹率領團練均由西南衝擊追殺四十餘名奪毀卡房一座葉法等分隊前進徐曉峯往來策應賊眾突出三百餘人開礮相迎各兵勇於煙燄之中一擁而上殺賊百餘名立將卡樓焚燬直抵芝麻港老巢我兵越進重濠逆賊登陸救援鄧楚翹揮勇迎擊斃賊六十餘名衛千總封度繼進被賊兩面兜圍鄧楚翹中槍落水陣亡封度同時遇害徐曉峯等督兵救護槍礮齊施斃賊二百餘名生擒張汝亮等三名該逆受創奔竄計是日自辰至申鏖戰五時之久正撤隊時賊又大股抄出我軍更番疊戰復斃賊數十名此次奮力偏

聖皇軍方略卷二百三十五

十四

圍賊已大創惟知縣鄧楚翹千總封度均被賊兜圍力竭捐軀深堪憫惻願懇

天恩飭部照例議卹奏入

上諭內閣曰沿江賊匪在北岸芝麻港時出擄掠經和春等督軍勦辦尙屬得手著卽乘此聲威迅殲醜類打仗陣亡之知縣鄧楚翹千總封度均著交部照例議卹

聖皇軍方略卷二百三十五

十五

初九日己亥陳啟邁奏言據羅澤南劉開泰稟報逆賊久踞義甯州七月十三日羅澤南與知府李續賓等偃旗捲旆度小南嶺以上鼇嶺守嶺之賊不料官軍驟至紛然逃竄我兵奮勇而上斃賊百餘人遂據其嶺正籌度駐營間賊眾六七千繼至我軍復尾追至乾坑又有賊二千餘人由小路踞乾坑山脊蔣益澧移軍駐紮乾坑

隘口賊眾七八千人分路抄來羅澤南率同知
縣唐訓方等併力夾擊斃賊六百餘人生擒五
十餘名龍嶺距州城七里蟬聯三峯一峯上峻
下平羅澤南率中營駐之其次嶺長而瘠瘦李
續賓率右營駐之又其次峯高而銳築望樓其
上賊之來蹤莫能遁蔣益澧率左營駐嶺之左
唐訓方率訓字營駐嶺之右十四日股匪四五

聖朝方略卷百三十五

十六

萬分五路而來我軍上下夾擊殺斃一千六七
百人經各勇追殺又斃二千餘人其右路之賊
占踞雞鳴峯巔四面被圍殺斃跌斃者甚多統
計斃賊六千餘人生擒二百七十餘名奪獲大
小旗三百餘面十五日劉開泰於南岸分路進
兵直搗賊營殺斃三四千人斬獲首級五百餘
顆生擒二百四十餘名是日午刻羅澤南復派

兵於鳳凰山等處截殺焚燒賊營賊匪進退無
路投水者千餘人十六日劉開泰羅澤南約同
南北兩岸合剿各兵勇奮力登城州城即時克
復殺斃賊匪千餘人生擒四百餘人查江省連
年勦賊戰功之盛莫過於此自應擇尤保奏先
懇

恩施奏入

聖朝方略卷百三十五

十七

上諭內閣曰此次江西勦辦義甯踞賊連獲大勝克復
州城洵屬得手浙江甯紹台道羅澤南著賞加布政
使銜贛州鎮總兵劉開泰著交部從優議敘知府李
續賓著交軍機處記名以道員請旨簡放知縣李杏
春唐訓方均著以同知直隸州知州卽選縣丞蔣益
澧著以知縣補用並賞加同知銜訓導鍾世楨著以
知縣升用從九品蕭積仰著以府經歷縣丞卽選千

總吳邦柱吳邦樞孫衡山均著以守備補用守備林保戴正才均著以都司升用其餘在事出力員弁著准其彙案奏請獎勵

陳啟邁又奏言提督塔齊布於七月十八日心悸不省人事午刻在營病故猝遭此變文武軍民無不同深傷感其原領一軍現據曾國藩來咨業經親往潯營分別部署以杜城內逆匪乘

欽定剿平粵匪方略卷一百三十五

十六

勢衝突奏八

上諭內閣曰湖南提督塔齊布由侍衛揀發都司洊升副將在湖南勦賊疊著戰功朕知其忠勇奮發超授提督上年帶領官軍克復武漢追賊九江身經百戰所向無前疊經朕賞戴花翎賞給喀屯巴圖魯名號騎都尉世職賞穿黃馬褂該提督年力正壯方冀迅克潯郡渥膺懋賞乃據陳啟邁奏該提督陡患心悸

甫經半日在營病故披覽之下悼惜殊深塔齊布著照將軍軍營病故例賜卹准其入城治喪任內一切處分悉予開復應得卹典該衙門察例具奏並著該旗查明該提督子嗣百日後帶領引見候朕施恩

十一日 辛丑 官文奏言接據探報德安賊匪分股

竄至應城兩河口地方攻撲營盤顏朝斌帶兵繞道夾攻都司馬天貴奮勇直撲手刃數賊賊

欽定剿平粵匪方略卷一百三十五

十七

始敗退追殺數里斃賊七八百名南路官兵攻克漢鎮後署撫臣胡林翼督率攻城武昌漢陽逆匪數千分三股來撲大營兵勇迎擊鏖戰四時始行敗退回巢次日逆賊又分六路齊撲署撫臣大營復有賊船對營施放大礮大營安然不動相持數時我營兵勇奮力突出署撫臣亦身先士卒復得李光榮帶領水陸各軍接應轟

斃賊匪數千追殺不計其數僉謂此戰為非常之勝現在賊已膽寒克復不遠臣權紮仙桃鎮隨身兵勇數百藉沔陽團練之眾為諸後路應援即當相機調度隨時策應奏入報

十三日癸卯曾國藩奏言查提臣塔齊布肫誠報國忠勇絕倫自其為都司時毅然有殺賊立功之

志上年蒙

聖皇聖考卷二百三十五

二十

恩超擢提督出師岳州途次於左臂涅刺忠心報

國四字每戰匹馬當先或他營被賊圍困輒躍馬馳往救援湘潭之戰被賊圍攻縱身越牆得脫崇陽黃梅兩次受傷均以麾下易馬扶去得脫小池口之戰羣賊曳其馬尾揮刀砍之卒能縱橫衝突轉敗為功賊中驚以為神而該提臣雍

容恬退未嘗自伐其能宅心仁厚所得薪水銀兩盡以犒賞士卒身歿之後軍士百姓同聲痛哭臣軍失此名將大損聲威十九日臣馳赴九江陸營照料喪事即暫駐潯城統領陸兵拊循士卒保此勁旅惟念提臣塔齊布出師二年日夜憂勞齋志長逝並無子嗣家世清貧上有老母其湘潭岳州之戰保全湖南厥功甚鉅合無

仰懇

聖皇聖考卷二百三十五

三

天恩准於湖南省城建立專祠以慰忠魂而洽民望奏

八

上從之

十九日己酉西凌阿綿洵奏言查德安逆匪於八月內屢次出城掠糧經兵勇分投迎擊該逆退回追獲四名內有前次投賊孫元桂一名訊據

供稱前有漢陽敗賊來城調去三千名此時德安尙有賊五六千名遣人往金陵求救臣等分撥兵勇進政府城該逆由北門擁眾迎撲我兵奮力轟擊賊眾潰敗復乘勢追殺直抵北關殺賊數百名生擒數十名該逆旋即敗退東門亦竄山賊匪被兵勇斬殺甚多其西門竄出之賊匪二千餘名被各營壯勇合力攻擊殺斃千餘

欽定剿平粵匪方略卷二百三十五

三

名生擒數十名惟官文前派參將顏朝斌帶領川勇由應城約期夾攻尙無音信臣等現督兵三面進攻勢尙聯絡但難兼顧城南誠恐逆匪乘虛抄襲不得不加嚴防更恐由南逃竄截剿不可無兵因飛咨督臣官文速飭參將顏朝斌趕緊督兵進剿約期夾攻以分賊勢奏入

上命軍機大臣傳諭西凌阿綿洵官文曰據西凌阿等

奏進政府城疊有斬擒覽所奏情形東西北三面尙皆聲勢聯絡惟南面一帶無兵截剿官文前派顏朝斌由應城取道前往會攻何以日久未到該督現又將川兵派往顏朝斌處是該參將所帶兵勇較多著卽嚴行札催飭令迅速前進截住德安南面俾該逆無從下竄則攻克較易據西凌阿等奏獲犯供出德安之賊竄回漢陽者三千名存城之賊不過五六千

欽定剿平粵匪方略卷二百三十五

三

人並有已往金陵求救之語是該逆不能堅拒必圖南竄卽死守待援亦必從南面勾結其漢川漢陽兵勇賊船雖有常恩管領是否足恃魁玉等駐紮仙桃鎮能否嚴扼中路並著官文妥籌布置德安府城固不可不以全力進攻胡林翼一軍深入無援亦不可不爲接應西凌阿此次進政府城仍未見實有把握此時各營兵勇已步步進紮卽著迅速設法務將城

池攻克以便與官文合兵南下直搗漢陽

同日胡林翼奏言漢陽蔡店賊匪屢次大股犯

撲麥山 臣於七月初五日帶兵千餘渡江擊退

初六日仍回金口初八日探稱賊匪又糾大股

來犯 臣思往返馳援不如深入力戰即調水師

左營知府彭玉麟帶領三板礮船由沌口繞出

蔡店 臣親督各勇四千名於初九日渡江渡湖

聖皇聖考略卷二百三十五

三

十一日拔營進抵東山十二日該逆又由蔡店

分五路來撲我營 臣即飭各勇分五路以待之

俟其偏近乃親督各勇鼓行而前連斃賊匪百

餘名我軍一齊乘勝衝殺直逼蔡店沿途殺斃

及溺斃賊匪約二千餘人敗匪沿河逃竄適彭

玉麟帶同後營都司張啟基中營守備鮑超各

領三板礮船由沌口繞八十二日行抵蔡店彭

玉麟等催樂前進首先開礮轟斃騎馬黃衣賊

目一名又登岸追殺陸軍四面圍攻斬殺三百

餘人盡將賊船轟翻蔡店即時克復十五日 臣

營及水師各營移紮高廟水陸並進分攻漢陽

漢鎮南北兩岸賊匪併力抗拒經彭玉麟會同

副將楊載福激勵水師自十五至二十五連日

奮力攻勦北岸宗關南岸慈渡菴五顯廟等處

聖皇聖考略卷二百三十五

三

賊巢悉行平毀並斬斷襄河口鐵索浮橋上下

游分泊賊船焚燬殆盡乘夜搜捕漢口餘匪生

擒偽官蕭潮富偽軍師吳會元等並長髮二百

餘名正法其塘角賊船亦先經楊載福燒燬至

漢陽城內之賊於大別山等處分築營盤以死

守 臣即於十五日將陸軍分作三隊進攻並

飭副將王國才帶兵協勦十五至十八等日攻

破大別山等賊壘數處其南岸金口軍營屢有
武昌崇通之賊潛來窺伺經臬司李孟羣等斬
擒老賊一百數十人臣思該逆踞守已歷數月
之久此時大局德安尙未得手而南岸金口北
岸潰口實爲全局關鍵如兩處慎守不失則水
陸之後路無虞而德安之賊勢已孤水師深入
險地轉戰十日破賊壘十餘座奪賊船數十隻

聖皇聖方略卷二百三十五

三

奪大礮三百餘尊焚賊資糧船六百餘隻血戰
尤苦出力弁兵可否仰懇

天恩先行獎勵其陣亡員弁並請分別

賜卹奏入

上諭內閣曰胡林翼等水陸官軍連日轉戰統計攻破
賊壘十餘座焚燒賊船六百餘隻奪獲賊船數十隻
大礮三百餘尊擒斬賊匪四千餘名並生擒偽官蕭

潮富僞軍師吳會元等正法餘匪焚斃溺斃者不計
其數辦理極爲得手所有尤爲出力之知府彭玉麟
著記名以道員用守備鮑超著以都司補用並賞加
遊擊銜都司張啟基著以遊擊補用守備孫昌凱著
以都司卽補並賞換花翎千總蘇在位著以守備補
用並賞加都司銜把總張開榜著以守備卽補都司
李成謀著以遊擊補用守備張榮貴王明山均著以

聖皇聖方略卷二百三十五

三

都司升用並賞換花翎萬化林李濟清均著賞加都
司銜並賞換花翎外委喻俊明瞿定國均著以千總
卽補並賞戴藍翎六品軍功陳發翔易光南均著以
把總拔補並賞戴藍翎外委危廷貴六品軍功梁昌
周得勝章尙爵均著賞戴藍翎外委何瑞祥鄭陽和
均著以千總拔補並賞加守備銜賞戴藍翎其餘出
力員弁兵勇著胡林翼查明保奏守備黃開進唐培

植千總蔡宏元把總王席珍王席義外委張輔童玉庭陸洪福金芝龍六品軍功蔣青海王鳳岐樊丙南何肇昌力戰陣亡殊堪憫惻均著交部從優議卹其餘陣亡弁勇並著咨部請卹

二十日 庚戌 向榮吉爾杭阿奏言鎮江逆賊於七

月十七日大隊突出東門經余萬清督飭兵勇迎頭截擊 臣吉爾杭阿復督飭各營進攻西南

聖朝聖考卷一百三十五

三

二門並於沿江堵截金山瓜州來援之賊十八

日有零星賊匪在東北一帶窺伺經官兵追逐

即逃竄入城十九日 臣吉爾杭阿馳赴京峴山

會同余萬清調度出隊時已黎明該逆分作四

股由東門東北城根甘露寺等處撲出經參將

周兆熊千總俞承恩等分路迎勦見有賊目揮

令人夫砌築土堦經周兆熊等抽兵兜截立將

其所築營基礮臺土堦全行平毀逆勢不支狂奔入城二十一日該逆又分四股而來經劉存厚等分路攻截 臣吉爾杭阿與余萬清親督大隊四路並進槍礮齊施自辰至酉共斃賊匪五六百名割奪耳級旗械不計其數賊匪敗退 臣等仍當隨時激勸將士力圖進攻以期滅此朝食奏入

聖朝聖考卷一百三十五

三

上諭內閣曰此次鎮江勦匪業經連日獲勝仍著吉爾

杭阿激勸將士趕緊攻克城池毋再遲延

二十四日 甲寅 曾國藩奏言七月十四日賊船由

嶼山來撲水營蕭捷三等用礮轟擊賊眾敗奔

我軍追勦至四十里始行收隊是日聞知李元

度等統帶平江勇三千餘名由南康渡湖行至

段家鋪搜拏偽監軍旅帥等十一名十九日進

至文橋生擒偽總制劉得勝等十一名均訊明
正法二十一日至蘇官渡探知湖口逆首偽承
宣胡鼎汶親率悍賊千人來撲我軍三路迎剿
行至曹均橋見賊馬三十餘匹駐阜瞭望各軍
爭先開礮鏖戰一時陣斬賊目多名該逆復退
奔五里至蘇官渡過壩復駐山岡卓旗搦戰我
軍併力馳擊追至三家市斃賊五六百名奪獲

欽定剿平粵匪方略卷二百三十五

三

旗幟器械無數二十三日李元度等三路並進
直抵湖口賊舟用礮回擊我軍誓死不退用擡
礮轟斃船賊多名其城內賊營溝寬丈餘各勇
從礮煙中一躍而進踏毀營牆斃賊及蹂踐死
者三百餘人隨將城內火藥局糧局焚燒我軍
既入湖城蹋平賊營二座惟瀕湖下鍾山賊壘
尙存牆極堅固地尤險峻中藏悍賊千餘我軍

大呼躍近連擲火毬該逆亦以礮石火彈相擊
拒戰數時殺賊百餘人是日水師各營亦抵湖
口遙見陸兵已臨城下皆奮勇直進後營都司
蕭捷三見賊兇悍揮旗大呼陷陣諸船隨之並
進意欲乘勝直下不意下鍾山及梅家洲兩岸
賊牆排礮齊發蕭捷三中礮陣亡我軍雖折一
將各營仍奮力向前當賊舟出巢時乘勢而入

欽定剿平粵匪方略卷二百三十五

三

頃刻之間衝出賊卡駛至大江之外賊敗船亂
我軍環攻賊舟近前拋擲火彈將下鍾山賊礮
船二十五隻立時燔燬其裝載火藥者亦皆燬
滅二十四日陸軍昇銅礮數尊對下鍾山賊牆
轟放賊情窘迫突開南門出數百人登山劫礮
又殺其數十人二十五日李元度等以下鍾山
賊卡急難攻克仍紮離縣十二里之蘇官渡臣

查該逆久踞湖口恃有下鍾山與梅家洲對峙
踞險築卡堅如石城水軍經過莫敢逼近目下
陸軍雖入縣城水軍雖衝出大江而兩岸賊牆
未破必須厚添勁旅先奪下鍾山之卡使梅家
洲賊卡勢成孤立然後水師紮出外江乃操勝
算現復籌添陸兵前往助剿此次殺賊千餘名
受傷兵勇至二三百名之多實屬勇敢出力願

聖恩厚賜卷二百三十五

三

懇

皇上天恩容 臣擇尤保敘都司蕭捷三中礮陣亡使 臣

頓失指臂之助深堪憫惻請

飭部照副將例議卹奏入

上諭內閣曰此股賊匪經官軍水陸會剿連獲大勝著
曾國藩督飭各軍迅將下鍾山梅家洲等處餘匪悉
數殲除所有在事出力員弁兵勇卽著查明保奏都

司蕭捷三帶兵以來屢立戰功茲以銳意陷陣中礮
陣亡深堪憫惻著交部照副將陣亡例議卹

二十五日 卯 乙 和春福濟奏言 臣等探聞逆匪在

大蜀山一帶偷築營壘卽帶領兵勇馳往攻剿
並派常清等分途抄擊該逆拚死抗拒我軍齊
聲吶喊連放槍礮逆匪傷斃甚多楚兵槍上賊
壘眾軍一擁而入卽將賊營四座焚燬復趕殺

聖恩厚賜卷二百三十五

三

十餘里共斃賊六七百名砍獲首級一百三十
餘顆奪獲槍械一百數十件逆匪二千餘人復
來南面窺伺卽經 臣等馳往督同常清等三面
兜圍奮力急攻賊眾大潰復趕殺三十里焚燒
巢穴二處斃賊六百餘名砍獲首級八十三顆
奪獲軍械一百餘件 臣等查援廬之賊多至三
萬有奇經我軍疊加懲創殲除大半惟城內餘

華尚復死力堅守現於南面要路開挖濠溝二道深寬丈餘於合圍之中杜其偷越釜底游魂斷難久踞

和春福濟又奏言接秦定三來函七月二十四至二十八等日督兵分攻舒城各門斃賊數十名暨十餘名不等並擊獲偽軍帥蔡潮升偽司馬馮維周二名八月初一日復分攻各門兵勇

聖皇聖略卷二百三十五

三十四

一鼓作氣火罐噴筒絡繹拋擲約斃賊三四百名初九日督同郝光甲等先攻北門外賊營並令各營官兵堵截東西北各門鏖戰一夜之久又斃賊二百餘名奏入

上命軍機大臣傳諭和春福濟曰逆匪於大蜀山一帶偷築營壘經和春等督兵將賊營奪獲斃賊多名惟廬城未下兵勇連日環攻賊猶死拒現於南面要路

開挖濠溝固可杜賊紛竄之路但於官兵進剿有無隔礙似非長策現在外援之賊殲擒不少廬城賊黨諒必無多該提督等當乘賊勢窮蹙之時奮力進攻迅圖克復秦定三一軍攻剿舒城屢次陳奏無非互有勝負殊屬延玩並著和春等飭令迅速攻剿剋期收復毋得任意遷延自干咎戾

二十六日丙辰官文奏言臣於八月初八日屢接

聖皇聖略卷二百三十五

三十五

探報崇通股匪勾結武昌賊眾竄撲金口李孟羣力戰四日眾寡不敵陸營失守水師勢孤胡林翼大營在漢陽三面受敵移紮麥山賊率大股來撲各勇以八十餘日無糧多有潰散暫依礮船退泊紗帽山趕緊招集潰勇整頓隊伍再圖進取等情臣當即飛催已往德安各軍先行隨同剋期進攻臣即布置中路各軍扼要嚴防

添調兵勇以固大局並趕派軍功馬鈺帶勇千名往助常恩攻勦並飭各鄉團勇嚴守上竄荆襄要隘現接探報由蔡店上竄之賊經常恩率勇擊退漢川以上並無賊蹤襄河尙可無虞惟金口一失大江關繫甚重聞在江西防勦之道員羅澤南由義甯追賊已到崇通搜捕股匪離武昌甚近可以應急臣已飛調前來金口會同

聖朝軍方略卷三十五

三

李孟羣等攻勦其撫臣暨水師各營之餉現已有趕到者趕緊收拾尙可支持臣隨卽趕赴應城一路督勇攻勦以期早克德郡合兵南下現報初九日德安城外之賊已經官兵等殲斃甚多焚盡西北附郭賊巢進圍郡城尙屬得手胡林翼與賊鏖戰最久不避鋒鏑屢破奸謀實爲賊之所畏西凌阿綿洵在德安策勵軍心不辭

勞瘁盡心竭力亦必不使逆賊久踞也奏入

上命軍機大臣傳諭官文胡林翼曰胡林翼一軍前由金口力戰渡江進逼漢陽茲因崇通股匪竄撲金口李孟羣力戰四日衆寡不敵以致陸營失守水師勢孤胡林翼與李孟羣素來用兵尙合機宜現雖兵勇潰散逆燄復熾諒能重整隊伍不致頓挫軍威羅澤南已至崇通官文現已調赴金口會勦該處距武昌不遠著胡林翼就近傳旨催令迅速赴援勿備誤蔡店上竄之賊已經擊退襄河似可無虞該督布置中路情形亦屬周妥惟當會督兵勇速攻德安以期及早克復然後合兵南下則胡林翼一軍不至孤立而武漢各城亦可次第奏功

聖朝軍方略卷三十五

七

欽定剿平粵匪方略卷一百三十六 乙卯年

九月初一日 辛酉 胡林翼奏言據署臬司李孟羣

稟稱八月初一日賊撲金口陸營李孟羣親督

水陸擊退初二日賊又悉銳而來李孟羣飭令

陸營堅守以待賊已敗退復糾大股分六路來

撲陸營始尙力戰繼乃潰散李孟羣趕調水勇

登岸救應因陸勇已散水師亦孤必須撥兵應

聖恩粵匪方略卷一百三十六

援等語 臣思武漢之要以金口沌口蔡店爲最

著遂以陸師三千人留防金口飭李孟羣管帶

仍以水師護之 臣自率陸師四千人渡江會彭

玉麟楊載福水師由蔡店冒險深入轉鬪而前

圍攻漢陽無如漢口無兵分守漢陽之城未能

卽下而黃州德安之賊分股來援初二初三日

賊以下游調來礮船轟 臣營帳傷斃 臣左右數

人適都司鮑超以礮船下擊賊乃退走 臣思內

河寬不逾丈水師礮船不能久泊且漢陽之攻

戰方緊而金口之警報旋來 臣若全軍赴援則

北岸皆爲賊有欲分軍回救則兩岸皆覺兵單

卽於初四日由漢陽退二十里駐蔡家嶺圖扼

蔡店以待北師而 臣營勇糧已積欠至八九十

日不等因於麥山扼要安營初八日賊以大股

聖恩粵匪方略卷一百三十六

分七八路圍撲 臣營各勇竟以無糧不肯出隊

臣激以大義督令出師強而後可逆匪以數千

抄後大眾散走 臣現在一面督集潰勇暫駐大

軍山一面飛催餉項補放口糧現派鮑超設法

另募陸勇或可漸次整理惟軍氣旣頽非援兵

大集南北夾攻則武漢之克復難期逆賊之蔓

延更甚 臣平時訓練不力督率無方以致藉詞

餉繼譁潰時聞應請將臣嚴行治罪以肅戎行
惟是武漢情形水師雖尙完全而大局實已危
迫荊州沔陽岳州等處均恐分軼滋擾不敢不
以實陳伏乞

天恩飭令川省廣籌兵餉速爲接濟則臣幸甚天下幸
甚

胡林翼又奏言湖北軍務喫緊急宜徵兵集餉

聖皇聖考卷百三十六

三

力保荆襄非南北夾攻楚蜀合力難期補救臣
謹就現在情形細審之臣軍藉口潰散即使收
集大半氣已不振副將王國才一軍更多冗雜
均應大加裁汰夫兵勇之不強患在不精餉卽
因之日絀若不藉此裁汰則正餉愈分而愈少
欠餉日積而日深外侮可虞內訌尤可慮查有
水師都司鮑超勇敢知兵臣已遣往湖南另募

新兵三千人迅來鄂省勦辦又思九江湖口江
面旣無水師卽使圍攻經年賊之往來自便不
如併力從湖南湖北節節打通乃可水陸東下
合於九江浙江甯紹台道羅澤南屢戰有功前
此臣曾國藩派勦義甯卽擬進攻武漢應請

飭下曾國藩仍派羅澤南一軍並益以精兵一二千迅

速來鄂會勦若仍株守九江似於大局無補至

聖皇聖考卷百三十六

四

荆州一府係東南一大關鍵

國家設立駐防鎮守立法至爲精微惟城兵太單

戰守均難分布萬一賊匪窺伺深爲可虞應請

飭下四川督臣黃宗漢速帶精勇一二千名親來荆州

鄂城一帶堵剿專督江漢之師兼理江漢之餉

庶臣等得以專意攻戰不虞餉竭此臣所擬陸

軍補救情形也至賊匪力踞長江之險非水師

得力不能制其死命會國藩之創立水師實爲
識時務之要著自三板入湖九江遭風之後下
游久無水師故九江湖口安慶廬州均因江面
賊舟充斥湖港分歧陸軍竟不得手武漢幸有
擊船而臣之陸軍先散王國才亦稍稍引退水
師孤立賊蹤已繞出其後此時應以力保水師
暫屯嘉魚新隄等處以待陸軍之再整惟水師

聖皇聖方略卷三十六

五

十營未盡得力月需餉項四萬餘兩積欠七八
十日不等不如及時汰去怯弱以節虛糜而養
精壯臣與副將楊載福面商退屯新隄修整船
隻將各營水師均交該副將親自揀選極力裁
汰免致餉項日久更絀楊載福力主兵貴精不
貴多之議誠爲洞悉機宜此又水師之應速裁
汰者也應請

飭下四川督臣廣籌糧餉按月接濟臣亦當迅速整旅

早圖滅賊奏八

上命軍機大臣傳諭胡林翼曰此次賊匪由崇通興國
撲我金口陸營德安應城之賊亦從上游分竄漢口
兵勇潰散胡林翼暫駐大軍山收集潰勇加以裁汰
並募湖南得力壯勇以振軍威惟湖南募勇尙需時
日卽川兵亦恐未能速到著飭李孟羣王國才等力

聖皇聖方略卷三十六

六

圖整頓不可挫折銳氣使賊勢益張並飭楊載福趕
將船隻修整以資防剿俟羅澤南一軍到楚水陸均
有策應庶大局尙可挽回前據載增奏常恩在柘樹
口遇伏兵敗以致賊撲蔡店漢陽之匪亦突出抄襲
該署將軍欲親赴潛沔堵剿已令官文妥籌兼顧著
胡林翼隨時咨商官文等不致顧此失彼方爲妥善
上又命軍機大臣傳諭會國藩曰金口蔡店等處陸軍

先後挫潰胡林翼由蔡家嶺移紮大軍山王國才亦引軍退駐水軍勢成孤立南北兩岸胡林翼兼顧為難此時武漢賊情較為喫緊著曾國藩仍飭羅澤南迅即帶兵赴鄂會剿

上又命軍機大臣傳諭黃宗漢吳振械曰胡林翼奏餉絀兵潰請飭川督帶勇赴楚並飭四川等省按月濟餉現因胡林翼陸兵潰散水軍孤立無援官文已赴

聖學匯方略卷二百三十六

七

德安萬一賊匪上竄窺伺荆州深為可慮前有駐紮夔巫之署松潘鎮總兵德恩帶兵二千名著黃宗漢先令馳赴荆州一帶協剿其夔巫等處與湖北接壤防堵尤關緊要該督應否親自督兵駐紮並著體察情形酌量辦理至胡林翼軍營餉糈缺乏自應急籌接濟前已諭令吳振械速籌銀兩解往襄陽糧臺應用並著黃宗漢迅速籌撥源源接濟毋稍延誤

同日署江西巡撫布政使陸元烺奏言據九江鎮總兵居隆阿咨七月二十一日潯城賊匪千餘由西門新壩出隊經曾國藩派副將周鳳山等督勇由東路前進居隆阿督勇由西路前進奮力衝殺逆眾敗退入卡其湖內逆船直對我軍開礮我軍對擊逆匪中傷落水者十餘人擊沈賊船二隻餘船逃竄出湖二十四日丑刻居

聖學匯方略卷二百三十六

八

隆阿會合周鳳山等分攻各門疊有斬擒該逆城守甚嚴未能攻入又據候選同知李元度等稟稱十九日進剿文橋之賊派劉希洛一軍為後路聲援李元度率左右二營由流芳市間道繞抄文橋之後知縣李銀從九品彭斯舉各帶兵勇分兩路夾擊斃賊一百餘人生擒逆匪劉得勝等十名餘匪越嶺逃竄我兵即駐文橋二

十一日湖口逆首偽承宣胡鼎汶親率悍賊千餘來撲李元度與李銀劉希洛分三路迎勦斬擒一二百名直追至蘇官渡駐營次日卯刻進攻湖口並約水師各營同時並舉劉希洛鼓勇而登大嶺殺守卡賊十餘名焚望樓三座將賊踞民房登時焚燬李銀由小嶺直抵西街跳牆而登奪其礮位殺其守門悍賊彭斯舉躍登黃

聖皇聖略卷二百三十六

九

土嶺逆黨踞險守禦被我軍殲殺數十人餘俱潰散我兵追抵湖壩船上之賊開礮回擊哨官吳穩正等躍上賊船手刃二賊其舊城賊營亦被我兵攻入殲斃約三百餘人逆船計無所出均開赴中流攏近下鐘山午刻我軍水師駛至百礮雷轟焚燬賊船二十五號賊黨自焚坐船十餘號餘船狂竄下游我軍直摩賊壘賊眾堅

閉不出八月初三日探知安慶上竄悍賊千餘人已抵湖口賊匪三百餘人至蘇官渡搦戰我軍堅壁不出李元度密派右營吳齊源劉希洛等各帶兵繞出賊後擊斃賊匪二名賊眾退走數十步胡蓋南即率眾馳之李銀督勇繼進各營一擁而前逆匪退回半里許且前且卻鏖戰五次賊始大潰湖口縣知縣岑連乙亦率團勇

聖皇聖略卷二百三十六

十

前來策應追殺竄賊多名又據代理都昌縣馬受祐稟稱江楚大兵攻勦徐家埠等處賊營逆匪全力均在下游拒敵該員乘機率領團勇往攻都昌縣城該匪聞風潰散收復城池該縣前因地方失守革職效力茲能自行帶勇收復尙知愧奮可否開復原官留江補用出自

天恩奏入

上諭內閣曰九江賊匪經江楚官兵連日獲勝辦理均屬得手代理都昌縣事縣丞馬受祐前因地方被擾革職效力現在率勇收復城池尙知愧奮著准其開復原官留於江西補用

初四日甲子向榮奏言查蕪湖城外長山官軍連

營之後該逆加築壁壘疊來衝突自應死守以待外援細閱畫呈各營地圖相距師船扼泊處

聖朝聖略卷一百三十六

十一

聖朝聖略卷一百三十六

十二

所中間尙嫌寬闊其右離陡門三里之弋磯與左面沿江土坡必須添設一營扼斷賊援當經飛飭鄧紹良等會同舟師妥商扼剿旋據該提鎮等呈報初二日探有裕溪口西梁山賊船竄過東梁山欲來援救蕪賊初四五兩日復探報江北來賊嘯聚四合山大成鋪一帶欲分三路來蕪打仗又聞旗羅山已有賊壘亟擬趁其屯

紮未定前往攻剿初六日四更尋食出隊往旗羅山進剿該逆前來拒戰我兵奮勇衝剿該逆披靡斃賊不下數百名十二日夜間賊乘江霧迷漫又於陡門廣福磯山頭築壘並於弋磯山南修成攔牆一道次日黎明德安派隊往攻該逆從陡門丁橋分股前來抄綴經我軍左右奮擊敗去先是鄧紹良探聞有江北賊股於初十日竄入銅陵十一日到繁昌鵝橋盤踞是日戎刻復報該逆已至南繁交界之石碓地面意圖來應蕪賊斷我老鴉山糧道當經飛撥各兵往屯老鴉山舊營堵剿後路各等情呈報前來臣前以東梁山竄路未斷檄令沿江添築營盤而該提鎮以無兵抽紮稟請添兵卽經飛撥兵勇七百名前往並恐賊援久而益集函商浙江撫

臣抽撥兵勇援剿經何桂清調派四安防勇一百名及涇太義勇一千名前往黃池聽候調遣
臣一面知會鄧紹良飛調駐徽川兵五百名及就近甯國兵勇並飭在蕪添募潮勇以資得力
責成該提鎮等迅圖剿除內賊力截外援乃今
上下游逆黨屬至兩面牽掣我軍跡其自東梁山步步築壘由陡門沿港築壘漸至弋磯已與

聖朝聖略卷二百三十六

十一

內賊聲勢通連實堪憤恨卽責令會商舟師設法奪占弋磯掃蕩內外賊壘嚴防老鴉山一帶
後路並揀派遊擊陳明志管帶湖南精兵五百七十餘名馳往協同攻剿而內賊復乘夜於前
卡之北弋磯之南山坡修壘一座以通外賊聲援
十六日寅刻我軍分兩路攻剿先將陡門救應之賊掩殺擊走攻至弋磯山南排開槍礮擊

斃多賊十八日會同舟師分兩路進剿山西湖口賊壘該處四面皆水我兵島水撲過賊濠擊倒站牆數賊該逆死守不出總兵吳全美督領划船快蟹攻進魯港內河適遇另股二千餘賊經水勇登岸衝勦殲斃頗多又經陸兵抄到截殺該逆退至北岸賊卡拒守該處接連山西湖港汊紛歧亟難攻進是日晚間該逆復至弋磯

聖朝聖略卷二百三十六

十四

山北平地添築濠壘適陳明志楚兵已到出隊分攻其南壘堅守不出惟北壘尙在修築經兵勇衝勦破入逆壘砍殺多名伏思蕪城雖復賊壘未除籌攻兩月江岸之賊尙衆而江皖賊援大股踵至分屯數十壘兩面牽綴我軍勦辦殊爲棘手蕪湖爲全局關鍵該逆以全力來爭亟宜掃蕩該提鎮等未能妥速勦辦咎無可辭雖

克復蕪城本有微勞而調度不能畫一彼此意見未能融洽現在蕪湖各軍卽統歸鄧紹良調遣以專責成其添調各路兵勇計日均可雲集卽飭令乘此軍威會商師船相機勦辦或先勦山西湖魯港以扼小河南岸或分兵由東梁山代橋四台山進攻掃蕩內外賊壘以期廓清蕪湖奏入

聖朝聖紀卷二百三十六

七

上命軍機大臣傳諭向榮曰鄧紹良等會攻蕪湖賊壘已近兩月雖進攻不爲不力而賊壘陸續增添連日攻擊僅止破其弋磯山此一壘似此曠日持久賊援愈集勦辦愈難該大臣與何桂清添派兵勇計日均可到齊卽著統歸鄧紹良調遣以一事權務將蕪湖上下一帶賊壘全數掃除應先勦山西湖等處或由東梁山一路分兵進攻著該大臣飭知鄧紹良相機

辦理長山連營旣距師船扼泊處所尙遠水陸聲勢卽恐不能聯絡並著傳諭鄧紹良與吳全美等會商總期水陸並舉方不致爲賊牽掣

初六日 丙寅 兵部侍郎曾國藩奏言臣於上年十月

奏調安徽道員何桂珍來營助勦奉

旨允准嗣因江路梗阻該道不能渡江卽屯紮英山蘄

水等屬與賊匪接戰十餘次據報正月初六日

聖朝聖紀卷二百三十六

七

由英山督率兵勇抵羅田縣境適聞逆匪攻破蘄水之信我軍分路進攻殺賊二百餘名乘勝破城而入收復蘄水縣城殺賊五百餘名嗣聞英山有太湖賊數千入境該道率同任春和等分道夾擊該逆翻山逃竄二月初聞蘄州土匪勾結逆賊數千欲由蔡家河進撲羅田該道飛調阿克敦等進攻賊敗奔上山我軍併力仰攻

復殺賊四百餘人直追至蘄水縣之松柏坳二月十七日賊聲言將攻太湖該道知其詭計專力扼守英城賊果三路來攻馬超江奮勇急進刺殺偽總制田金爵一名實爲蘄黃一帶巨魁自該逆被殺賊卽大敗旋探聞賊匪爲田金爵復仇該道於英蘄交界之陳家畷紮營並分兵埋伏賊由朱陽河蠡擁而來我軍迎擊殺三百

聖朝聖略卷一百三十六

七

餘人逸賊踞查兒山爲負嶠之計我軍潛由雞鳴河進襲分爲三路直擣巢穴毀營三處斃賊四五百人五月初一日斬賊復糾約土匪萬餘併集英城該道親督光州等勇迎擊斃其頭目十七人殺賊無算追至大畷河擒斬過半五月初六日斬賊復竄英境該道親率各勇駐城防守並派任春和等分防大畷河等處十一日斬

賊萬餘分路來撲該道帶勇出城猝遇多賊來

衝馬被矛傷墜地見賊衆我寡勢難取勝次日

遂飛調羅田各屬團練會勦時賊已入城該道

一面招聚散卒一面號召各路團練分數路由

英山西南北三門進攻該逆突圍而出被我軍

槍斃千餘人登時收復縣城各情伏念何桂珍

以二千疲勞之卒當羣盜出沒之區數月無餉

聖朝聖略卷一百三十六

六

轉戰不休其從征員弁兵勇勞苦倍於他軍合

無仰懇

大恩准臣擇尤保奏

曾國藩又奏言查蘄黃英霍當皖楚之交萬山

回互匪黨最多近年以來南岸之大冶興國北

岸之蘄水蘄州黃梅廣濟土匪尤衆一經粵匪

勾結羣起響應幸羅田麻城黃岡黃安等縣紳

民好義團練殺賊歷有成效英山之民亦多深
明大義敵愾同仇該道何桂珍往來皖楚之界
已近一載各屬紳耆信義相孚每遇匱乏之時
鄉里常以簞壺犒軍屢次勦賊獲勝亦賴團練
之力合無仰懇

天恩飭下湖北安徽各督撫轉飭何桂珍督辦羅田英

山麻城等屬團練肅清皖楚各處土匪所需費

聖學聖方略卷二百三十六

十九

聖學聖方略卷二百三十六

三

用准在各屬勸捐俾該道有專責之事而於大
局亦有無窮之益一俟武漢克復羅澤南一軍
勦賊東下該道與之會合仍可歸併臣軍奏入

上命軍機大臣傳諭官文胡林翼福濟曰據曾國藩奏

已革道員何桂珍於正月間克復蘄水五月間克復

英山復在羅田各屬疊獲勝仗堵勦尙屬認真已降

旨將何桂珍賞給六品頂戴其出力員弁紳勇准會

國藩擇尤保奏現在皖楚兩省軍務方殷其交界處
所每為兩省兵力所不及如安徽之太湖宿松英山
霍山湖北之黃梅廣濟蘄水蘄州羅田麻城土匪竄
起旋復旋失非有專責之員督辦團練不能斷賊接
濟之路何桂珍往來該處與各紳耆信義相孚頗資
得力著卽飭令該員督辦各該屬團練將皖楚交界
土匪次第勦除遇有賊蹤上竄湖北亦可從後要擊
所需糧餉准其於各該屬勸捐動用如皖楚兩省稍
有餘力仍著隨時接濟毋任飢疲潰散致誤事機

上諭內閣曰已革道員何桂珍勦匪勇往尙知愧奮著

賞給六品頂戴在事出力員弁兵勇著曾國藩查明

保奏

曾國藩又奏言水陸兩軍會攻湖口二十七日

聞賊由彭澤運來火藥戰船在流澌橋小河停

泊李元度派令胡蓋南等帶勇往勦焚其火藥
船戰船數號二十八日探得離湖口五里之柘
磯有偽關一座當派從九品彭斯舉等馳往勦
辦該逆棄關上船逃竄卽將偽關署及附近賊
巢一併焚洗正欲收隊忽下鐘山賊壘突出二
三百人來援我軍整隊迎擊先刃悍賊數名餘
匪敗退八月初三日探知安慶有賊千餘來援

欽定剿平粵匪方略卷一百三十六

三

湖口次日有騎馬賊二十餘人帶賊數百來蘇
官渡搗戰其伏山後者賊數尤夥當卽密派吳
齊源從間道抄賊之後度其將至以大隊過壩
迎擊礮斃二賊餘衆稍卻我軍大呼馳入手刃
執大旗賊五名計是日先後殺賊三百餘人生
擒十四名初八日約會水師併攻下鐘山賊壘
經馬房嶺及舊城賊營我軍分投槍入匪衆潰

散退守下鐘山我軍登嶺焚其望樓遂升月臺
山昇礮輪轟忽有三百餘賊拌死衝出登山奪
礮我軍併力截擊手刃十餘賊各勇疾馳跟追
已及下鐘山營門將乘勢衝入賊閉門死拒門
外尙有三十餘賊未能入壁悉爲我勇殲斃是
日水師併攻湖口賊船因風急水溜船勢直趨
下游被賊圍困共失去長龍三板二十一號初

欽定剿平粵匪方略卷一百三十六

三

九日五鼓賊乘勝來撲我水軍我軍嚴陣以待
賊至我船排列一字萬礮對轟賊佯爲退卻我
軍嚴立不動賊果回船衝突鏖戰三時之久轟
沈賊船二隻落水死者以百計始紛紛敗竄查
湖口僅賸下鐘山及梅家洲二卡石牆堅固屢
次血戰不能攻破惟有籌添勁旅再圖力勦至
水師因風順失利貽誤事機 臣 諄諄戒飭不許

順風開仗乃各弁勇不能遵守教令致蹈覆轍殊屬輕進該五營營官都司秦國祿編修吳嘉賓均撤去營官秦國祿失船較多並請

旨卽行革職孫昌國何啟長賀虎臣於次早賊匪撲營時尙能奮勉堵剿轟沈賊船保全老營應免其斥革仍請

旨拔去翎枝暫留營官之任奏入

聖學聖考卷一百三十六

五

上諭內閣曰此次水陸兩軍攻剿湖口業經疊次獲勝著曾國藩督飭水陸諸軍奮力進剿迅圖克復潯城所有管帶水勇失利之保升都司秦國祿已革翰林院編修吳嘉賓均著撤去營官秦國祿並著卽行革職保升花翎都司孫昌國藍翎把總何啟長藍翎縣丞賀虎臣均著拔去翎枝暫留營官以觀後效

曾國藩又奏言臣於七月初一日欽奉

諭旨因湖南賊氛四逼

飭令調回湘勇臣前與羅澤南面商大局以湖口之與

武漢皆東南所必爭論目前形勢則先爭武漢而後可以保全鄰省能保全完善之省而後可以規復被陷之區羅澤南抵南康後亦慨然以援鄂爲己任遂定回剿武漢之計已由義甯進擣崇通一帶西上武昌湖北一省西凌阿官文

聖學聖考卷一百三十六

五

兩軍均在北岸惟胡林翼一軍向在南岸近聞移師北渡進紮漢陽南岸極爲空虛設武昌之賊逸出上犯則爲患方長得羅澤南一軍由崇通截出直擣武昌是卽所以救鄂省南岸之疏羅澤南所統湘勇訓練僅三千六百人臣又撥給參將彭三元等勇一千五百名將領多諳練老成士卒亦久征慣戰回武漢以剿粵匪則可

回湖南以勦土匪則不可方今東南大局卽不能遽破金陵亦當力爭江面若不力挽大局則一鄉一邑終無獨全之理合無仰懇

天恩飭下兩湖督撫諸臣羅澤南一軍不得調回南省其麾下五千人亦不得分枝調撥致兵力單薄難以圖功一俟鄂省北路肅清武漢得手臣仍飛調羅澤南前來會師以圖進取奏入報

聖朝聖略卷二百三十六

三

聞

初七日_{丁卯}向榮吉爾杭阿奏言鎮江之賊在東門外修築礮臺初四日黎明臣吉爾杭阿派隊赴煙墩山一帶督令開挖外濠余萬清督隊在摩旗山屯紮以備援應其東路貴州湖南等營均令嚴陣以防賊衝午刻果有三千餘賊突出東北二門直撲湖南貴州營盤另有一股由寶

塔山擁至抄我京峴山後路又由甘露寺出賊數百人牽掣東馬頭守牆兵勇當經官兵前後抄擊該逆披靡另有南水關潛出賊匪數百人經副將站任帶勇迎擊余萬清督隊衝殺先後斬馘甚衆該逆復以大股由西門蠶擁而出江中復有賊船二十餘隻登岸援應其時我軍已由煙墩山齊抵寶蓋山下知府劉存厚總兵虎嵩林等各帶兵勇四面兜擊該逆抵死抗拒我軍奮勇爭先賊始敗退寶蓋山梁在高處施放槍礮佐領額哲赫督隊槍上中礮陣亡斯時該逆飛彈如雨復欲衝擊而下虎嵩林督隊迎擊被槍子打入左頸臣吉爾杭阿親往督陣揮令車礮直前轟擊虎嵩林雖受槍傷仍復冒險直衝而上賊始奔竄回城初五日我軍分三路嚴

聖朝聖略卷二百三十六

三

陣以待該逆以數千人直撲大營因見我軍嚴整不敢向前臣吉爾杭阿登高督戰伺賊稍懈督令西門外分東西兩路直抄賊後即以車礮從中路連環進擊該逆前為礮傷後懼圍抄立時潰散初六日賊分三股出撲我軍亦分路迎擊斃賊無算次日黎明瞭見寶蓋山上新築板牆中雜泥土牆外山梁復圍築土埂一道上架

聖朝聖考卷一百三十六

三

槍礮該處近接西門本為該逆進出銀山必經之路當飭各營出隊進攻該逆以千餘人前來抗拒我軍迎擊鏖戰四時之久賊勢漸敗退入土牆經遊擊饒永福槍上山梁劉存厚周兆熊繼之當將土埂犁拆臣現飭周兆熊等於煙墩山南挖濠紮營三座陸續將大礮運往安以此地扼要居衝足以遏賊奔竄仍飭令隨時相機

進剿以期迅掃妖氛奏入

上諭內閣曰鎮江賊匪業經三面圍攻勢漸窮蹙著吉爾杭阿等迅速進攻將寶蓋山賊匪悉數殲除攻克鎮江府城總兵虎嵩林身先士卒奮勇可嘉著賞給額圖瑋巴圖魯名號佐領額哲赫追賊陣亡殊堪憫惜著交部從優議卹以慰忠魂

初八日戊辰西凌阿綿洵奏言臣等連日督兵進

聖朝聖考卷一百三十六

三

攻德安府城該逆閉門不出城內拒守甚嚴難於得手正擬撤隊詎該逆由東門地道擁出三百餘名意欲襲我後路經平海馬隊從旁抄擊逆匪敗回復由西門突出五六百名直撲隨州團勇該勇見賊勢兇猛全行退卻經舒洪元高仰京勇隊渡河助剿舒保馬隊由東河岸抄襲其後該逆始敗退入城頃接官文來咨以金口

失利南兵潰挫起程北上會合夾攻二十五日

參將顏朝斌進至府城南二十餘里之河壩橋

約期進剿難城南則無他兵該參將一軍兵力

微單須俟官文到郡西南合兵聲勢聯絡始能

得力五營義勇屢經隨營打仗孰意二十五日

進隊時中營義勇內有二三名奔往賊夥並有

由營私逃不能指實去向者統計十數名臣等

每於紮營進隊必當加意慎防以免貽患奏入

上命軍機大臣傳諭西凌阿綿洵官文曰此次我軍分

路進攻德安該逆閉門堅守迫義勇撤隊該匪輒由

地道擁出西門亦有賊匪突出撲營雖經馬隊截擊

該逆並未大受懲創該大臣等統領大軍屢次進攻

總未得手設下游賊匪紛紛上竄賊援愈眾則賊守

益堅安望即時克復至隨州勇隊見賊退卻義勇多

人又投入賊夥似此漫無紀律何以操勝算而挫兇

鋒著該大臣等嚴申軍律激勵將弁兵勇迅圖克復

郡城官文此時諒已前赴德安參將顏朝斌在城南

紮營兵力較單恐未可深恃該督務當趕緊前進與

西凌阿等四面環攻以期力破賊巢毋稍延緩

初十日庚午托明阿陳金綬雷以誠奏言據總兵

葉常春等稟稱八月初七日金陵駛來賊船數

十隻直撲浦口該鎮等帶勇截剿擊沈賊船五

隻餘船靠往南岸奔逃即督兵勇尾追適武慶

添撥巡江水勇協同進剿奪獲大船一隻又據

遊擊鄧鳳林等稟稱八月二十日探得賊船三

十餘隻駛至西江口登岸分撲新江口雞心洲

各地方該文武督兵迎剿立斃執黃旗賊目一

名賊勢不支狂奔上船兵勇追至江濱擊沈賊

船三隻復奪獲四輪賊船一隻軍械多件又據
總兵泊承陸稟稱十五日夜舟師襲瓜州賊簿
及靠南一帶賊營兵丁吳國喜一躍上簿手燃
火藥賊眾驚覺岸賊亦紛紛來救金山南面駛
來賊船數十隻金山之賊亦開礮相助縣丞周
閑等突入賊中競燃火礮立沈賊船多隻奪獲
大船一隻至陸路攻勦情形自西面長圍竣事

聖皇集略卷一百三十六

三

之後逆賊不能旁竄正可專力進攻惟當慎導

諭旨激勵水師截斷江面杜其接應並約會吉爾杭阿

南北齊攻庶可早復瓜鎮奏入

上命軍機大臣傳諭托明阿陳金綬雷以誠曰此次浦

口等處雖經勦辦得手而上下游賊船往來無定難

保不另生詭計仍應嚴飭水師實力勦洗瓜州八為

賊踞陸路諸軍日久並未進攻所築長圍僅能防賊

旁竄而濱江一帶仍未能遏截賊蹤若非水陸併力
進攻勦辦何能蕙事著托明阿等督飭水陸大軍奮
力夾攻並約會吉爾杭阿同時進攻鎮江俾南北兩
岸賊匪不能互相接應庶可直搗賊巢

聖皇集略卷一百三十六

三

欽定剿平粵匪方略卷一百三十七 乙卯年



九月十一日 辛未 載增官森奏言接據沔陽州知

州蕭蔭恩等稟報自麥山金口相繼失利後賊

勢猖獗船陸勇均由黃陵磯大小軍山退至

新隄嘉魚兩岸分紮其與沔潛通連之蒲團侏

儒山及沌口內之蕭家灣磨子石等處皆為賊

踞情形萬緊李孟羣僅撥礮船十五隻駛入沙

聖皇聖朝卷一百三十七

一

湖以扼賊由沔潛抄截赴荆之路至漢川以下

賊眾係鹽道常恩督同李保邦等堵禦八月二

十一日賊約四五千入撲至漢川四面攻偏我

軍陣亡及帶傷者約計五六百名餘勇力不能

支以致漢川復失現仍退回沔陽之仙桃鎮鄢

家灣等處駐紮幫同荆州官兵防堵各等語查

沔潛夾乎大江襄河之間三面受敵荆州實倚

之為外障沔潛設有疏虞荆州即不可問勢難

束手現飭李孟羣會合王國才堵扼沔陽州屬

之新隄一帶而於隄內監沔交界之沙湖等處

則飭蕭蔭恩派團會合礮船扼要嚴防並飭荆

州府知府陳均遠率同守備福興親往湖內察

其港汊通連要隘處所釘樁塞斷以防賊船乘

間偷越其襄河一路李保邦等既退回沔陽是

聖皇聖朝卷一百三十七

二

下游已為賊巢不得不扼住仙桃鎮鄢家灣等

處暫行堵遏上竄魁玉所帶兵勇僅二百餘名

實屬過少已酌抽滿營兵三百餘名歸其督帶

適新募南勇五百名到荆即令赴李保邦紮營

之處會合堵紮均交魁玉就近督飭以資防剿

奏八

上命軍機大臣傳諭載增官文胡林翼曰自麥山金口

相繼失利後賊勢猖獗漢川復失胡林翼暫駐大軍
山收集潰勇現復退至新隄嘉魚兩岸官文此時計
已馳抵德安自難回兵援剿但賊偪沔潛荊州情形
萬分緊要常恩等兵勇甚單設有疏虞所關非細該
督統轄全省其應如何設法應援之處務即迅速妥
籌現命黃宗漢將駐紮夔巫之兵勇二千調赴荊州
但恐一時未能即到羅澤南之兵如已馳抵大營即

聖朝方略卷二百三十七

三

可合兵迅圖攻剿沔潛一帶經載增等分撥兵勇防
賊紛竄復於郡城附近抽調滿營精兵交魁玉督帶
辦理尚合機宜著即嚴飭各該員實力防堵毋稍疏
懈

上又命軍機大臣傳諭黃宗漢曰自麥山金口失利後
賊勢猖獗我軍礮船陸勇由黃陵磯大小軍山退紮
新隄嘉魚兩岸與潛沔通連之蒲團侏儒山及沌口

之蕭家灣磨子石等處已為賊踞漢川復失下游皆
係賊巢情形較前倍覺喫緊前有旨令黃宗漢飭署
松潘鎮總兵德恩管帶夔巫防兵二千名赴荆協剿
現在胡林翼之軍甫經挫敗官文前往德安未能兼
顧而荊州兵力尙單恐該匪上竄未能抵禦湖北接
壤蜀境惟有從夔巫上游派兵下壓庶堵剿較易為
力著將德恩防兵迅飭赴荆並量添兵勇另派得力

聖朝方略卷二百三十七

四

大員統領前往川楚唇齒相依荊州即為川省門戶
黃宗漢統轄全蜀自未便出省著察看情形於將軍
樂斌提督萬福二員中酌量一員派撥兵勇數千名
由夔巫一帶馳往荊州會合攻剿以資接應

十三日酉癸官文奏言前因金口陸營失陷武漢
賊勢復熾在中途調兵嚴堵沔漢後即取道天
門由郢東驛京山前進因隨帶祇旗綠兵五百

餘名前調鄖鎮兵一千名未到復於鍾祥挑得壯勇五百名派都司葉永泰管帶先赴德安接應顏朝斌一軍又札調候選知府李錦鑾募勇二千名並巡檢陳時森勇五百名飛催前來分派襄河德安兩處策應臣於上月二十七日抵鍾祥紮營郢東驛接西凌阿等來函及顏朝斌稟稱於中秋後進紮德安之河壩橋各路兵勇

聖皇聖略卷二百三十七

五

出隊直抵府城二里許我軍以義勇攻北門嚴樹森等帶勇攻西門該逆分出抵禦我兵奮勇迎敵已革總兵訥欽帶勇接應殺斃西門之賊甚衆又繞至東北城角逆衆蟻擁而來我兵極力鏖戰斃賊多名直追至城根而止次日復有賊千餘分兩股夾襲張萬祿營盤經顏朝斌督勇堵禦斃賊二百餘人臣飭顏朝斌等晝夜環

攻即可得手中路情形據鹽道常恩稟稱上月紮營漢川紗帽山該逆分四路來撲我軍齊放槍斃賊一百餘名該逆敗走逾時復回撲李保邦營盤又有另股之賊抄襲我軍後路我軍迎剿鏖戰三時之久殺賊頗多嗣因賊來愈衆我軍衆寡不敵退至麥旺嘴連夜整頓隊伍復調參將札勒罕督勇往剿賊已下竄遂與參將

聖皇聖略卷二百三十七

六

札勒罕之隊並礮船分紮繫馬口漢川新溝等處現報瀘溪勇頭隊五百名已抵潛江就近令先往仙桃鎮合李保邦之軍以圖進取惟沔陽濱江沙湖一帶甚屬空虛據署臬司李孟羣稟稱擬帶礮船十五隻並舊部之勇暫入沙湖防剿臣卽令其會合中路各軍相機進剿並爲將來合兵圖武漢之助其大江嘉魚以上經胡林

翼督率王國才扼守又有楊載福蔽船攔江節
節布置尙可無虞德安利在速戰臣一面嚴催
已赴德安各起兵勇趕緊攻勦一面移營京山
飛提鄖竹官兵暨李錦鑾之勇分派接應並將
中路交李孟羣督辦臣可專力德安以免顧此
失彼奏入

上命軍機大臣傳諭官文胡林翼曰德安利在速戰卽

聖輿圖略卷一百三十七

七

應迅圖攻克以絕該逆望援之心顏朝斌駐紮府城
西南兵力甚單卽該督添派葉永泰帶往之勇亦屬
無多若俟鄖兵瀘勇到齊誠恐賊援大至不但德安
難復且於大局更增棘手其中路一軍李孟羣旣赴
沙湖卽可責令專辦與載增所派防兵會同嚴扼潛
沔一帶以爲荊州屏障該督仍帶所調兵勇與西凌
阿迅速進攻德安俟克復後再與胡林翼等會合圖

復武漢不可再有遲滯

十五日乙亥向榮吉爾杭阿奏言鎮城逆匪自我

兵紮營煙墩山南遏其竄路該逆總未出巢臣

吉爾杭阿先經密飭於西南城下開挖地洞會

商余萬清爲明攻賊營暗轟地洞襲取鎮城之

計並函約托明阿及總兵陳國泰等南北合勦

水陸並進八月二十九日令參將周兆熊等各

聖輿圖略卷一百三十七

八

帶兵勇直抵金雞嶺前攻打銀山寶蓋山賊營
劉存厚等駐紮摩旗鴻鵠兩山之前緊對城下
洞口俟轟破後趕先進城副將慶文等在西門
之南豫備城破時在缺口處相機堵截余萬清
統帶兵勇自東而西會合入城其京峴山東路
各營派遊擊黃朝恩等同時出隊埋伏俟西路
兵勇入城後開東門北門便可一齊衝入並因

城濠寬闊豫搭浮橋計我兵攻打銀山寶蓋山
時城內勢必空虛因定於卯正燃發地洞各路
一鼓而入不料寅正時因該逆巡視城垣致地
洞火綫燃發當將城牆轟缺三丈有餘是時我
兵各路尙未齊抵河干該逆已齊擁缺口開礮
堵禦勢難攻入因分飭各路兵勇併赴寶蓋山
一帶將金雞嶺上賊築土壘全行犁毀是日雖

聖皇匪方略卷一百三十七

九

未及卽行入城計城內城外斃賊無算已足以
寒賊膽奏八

上命軍機大臣傳諭向榮吉爾杭阿曰此次攻襲鎮江
府城各路布置已屬周妥祇因轟破缺口時刻參差
致我兵無橋可渡未能得手失此機會殊屬可惜惟
該逆旣受大創防守必更周密應如何出奇制勝克
復鎮江著吉爾杭阿督飭各營將弁仍與江北聯絡

聲援同時攻剿以期一鼓殲除

十七日 丁丑 江南道監察御史宗稷辰奏言近來

各省潰散之兵覩然仍歸本伍該營將備以軍
律甚重誅之不可勝誅遂隱忍不辦以彼身犯
軍律之兵公然支食行坐錢糧視爲當得苟免
日久軍心愈驕而未聞諸督師與封圻大吏計
慮及此儆其將來者誠恐用法過嚴激成畔亂

聖皇匪方略卷一百三十七

十

而不知養癰貽患緩目前之變伏異日之憂未
必非相忍之一念階之厲也 臣聞陸建瀛自九
江退回沿江防兵一時盡潰以 臣所知紹協兵
三百名自采石散歸其初尙畏罪藏匿後乃放
膽出頭食糧如故未幾復調防他郡矣一省如
此他省可知近日湖北屢告潰師積習相因無
復查辦似此姑息容忍尙復成何事體爲今之

計似宜濟寬以嚴此後各該營汛遇有潰卒私歸並無軍營咨照者卽應停其額糧所有潰散地方亦應隨時咨明原調省分切實稽覈庶行軍之紀律不至日就頹靡仰祈

飭下各將軍督撫等嚴定章程毋稍容隱似於軍務大有裨益奏入

上命軍機大臣傳諭各省將軍總督巡撫曰御史宗稷

聖學聖方略卷二百三十七

十一

辰奏請嚴查潰兵一摺自粵逆滋事以來各省營汛弁兵徵調甚繁其能奮勇出力者朕固不吝恩賞至遇賊逃散本有應得罪名若因人數衆多誅不勝誅仍令覘然入伍濫食錢糧何以申軍律而肅戎行當此賊氛不靖之時著各將軍督撫飭查逃回兵丁分別懲辦不得姑息容留聽其冒領糧餉至將弁私逃尤屬法無可貸卽著嚴拏正法以儆其餘該將軍督

撫等卽嚴定章程妥議具奏

二十日 庚辰西凌阿綿洵奏言自本月初一等日

督隊進攻德安逆匪負固抗拒堅不出戰初六日賊匪六七十名在北鄉擄掠經我兵擊殺十餘名正在追趕間北門突出賊衆千餘抄截適臣等督隊到齊上前攻擊殺斃數十名乘勢追抵城下東門復出賊數百撲來接應敗賊復行

聖學聖方略卷二百三十七

十二

反噬幾被圍裏經舒保平海各馬隊合力衝殺斃賊三百餘名我軍馬步兵勇傷亡者數十名初九日臣約定參將顏朝斌出隊夾攻是日辰刻有逆匪數千圍撲顏朝斌營盤勢甚兇猛臣當撥營總富勒登布等帶兵往援該匪聞風退回我兵陣亡受傷者四十餘名十一日逆匪由東門擁出二千餘名臣卽整隊迎敵逆衆敗退

兵勇爭前追襲詎兩旁村內突出賊匪千餘名
兵勇猝不及防暫行退後復有東西各門出賊
無數分三面裹來經舒保平海德楞額馬隊分
路衝突賊始敗回追殺數里先後斃賊百數十
名兵勇受傷陣亡者四五十名奏入

上命軍機大臣傳諭西凌阿綿洵官文曰西凌阿等初

六日之戰以已敗之賊背城反噬幾被圍裏初九日

聖朝軍方略卷三十七

十一

之戰既傳知顏朝斌出隊夾攻何以又未交戰直至
顏朝斌營盤被困始於次日往援十一日之戰又以
猝不及防幾墮逆匪詭計種種疏失不但郡城不能
攻克卽該逆分股出撲亦僅勉強支持每次傷亡兵
勇總有數十餘名之多似此調度乖方毫無把握安
望其克復德安耶官文由安陸京山一帶進發此時
諒已馳抵德安著卽妥籌布置併力攻克府城使江

北之賊先絕根株然後武漢等處會勦易於得手諒
該督亦必早計及此也

二十三日癸未托明阿陳金綬雷以誠奏言據總

兵武慶馳報和州逆匪竄至石蹟橋地方香泉

勇營二座失守初七日賊匪數千圍攻副將言

連營盤十分危急卽派總管西昌阿等帶領馬

隊二百五十名遊擊黃志配等帶領步隊六百

聖朝軍方略卷三十七

十二

名星速赴援是日戌刻行經江浦縣城因新江
口地方來有賊船黃志配分兵三百名協同堵
勦留防江浦西昌阿等帶馬步官兵於初八日
馳至石蹟橋奮力迎擊殲賊五六百名當將石
蹟橋鎮克復一面追殺餘匪一面分攻曹王廟
之賊又斃賊一千有餘立解曹王廟賊圍維時
吉連亦率步騎官兵從營內衝出追殺餘匪無

算又據遊擊鄧鳳林等稟報初七日有賊船三十餘隻停泊新江口賊匪數百名登岸焚掠我兵正在掩殺聞上流復來賊船數十隻賊黨三四百名登岸爲諸賊援應該遊擊等分路迎擊適武慶派往石蹟橋之馬步官兵經過遊擊黃志配等卽率水勇步兵協勦追至沿江擊沈賊船四隻次日賊仍從新江口上岸鄧鳳林等伴

聖朝聖曆卷之二十七

七

退誘賊至江浦龍王廟地方黃志配等從旁抄出鄧鳳林回兵環攻三戰俱勝初九日有賊船分擾龍王廟地方武慶等督兵分四路迎勦適西昌阿等由石蹟橋江浦一帶回營一齊兜勦殺賊甚多至瓜州之賊負固已久八月二十九日臣密飭總兵陳國泰等會合東西陸路馬步兵勇一齊進攻先令守備鞠耀乾等率領各艇

爲前隊該鎮等循南北江岸並進前隊賊船直偏金山見有黃旗賊船自南而北傳令緊逼賊船斬其黃衣賊目一名餘賊自相擠溺時南北陸路正攻瓜鎮槍礮連環不斷將賊隄轟塌數處臣托明阿親督副都統德興阿等由西岸四里鋪一帶進攻都司富倫布等分三路直逼賊濠賊紛紛敗退德興阿策馬揮軍直前掩殺忽

聖朝聖曆卷之二十七

七

東岸之賊糾約下瓜州賊黨沿河撲來西岸高橋又出賊數百名衝我後隊我兵分投迎擊斃賊多名賊始敗逃臣陳金綬臣雷以誠由東岸督兵進攻參將英貴等分攻上瓜州守備湯繼揚等分攻中瓜州忽下瓜州來賊五六百名兩路抄襲愈聚愈多我兵分兩翼包抄大隊繼進開礮轟擊賊屍枕藉此後每日各營輪替出隊

並令水師嚴截江面斷賊接濟一俟水勢稍退設法奪其重濠直搗賊穴不敢稍有延緩奏入報

二十四日甲申向榮奏言蕪湖上下賊援屢至經

臣檄令鄧紹良統軍與師船併力會勦旋據鄧紹良呈稱上月二十三日賊復於弋磯修濬濠

聖朝聖方略卷二百三十七

七

牆左右添築二壘我兵乘夜往勦焚燒丁橋前賊卡一座斬殺三十餘人該逆敗退二十六日挑選我軍精銳一千八百人繞赴老鴉山左山西湖後之白馬山紮營四座約會吳全美水師於五鼓水陸進攻山西湖賊壘擊殺數十人又經水師快蟹划船開礮轟打水勇亦登岸助勦斃賊無數撲河淹溺千有餘人乘勢衝破賊壘

七座餘匪向鶴橋逃竄追至高岡鋪河岸又擊

殺淹斃多賊山西湖一帶俱已肅清又據吳全

美等稟報師船節次斷賊接濟先後擊沈賊船

二十餘隻溺斃甚多奪獲米豆火藥等船十一

隻生擒偽軍師王畢等十名查該逆外援各壘

以廣福磯弋磯最為扼要該處左顧范羅山右

通丁橋陡門一帶惟有先從丁橋陡門攻進方

聖朝聖方略卷二百三十七

六

易得手當飭鄧紹良等相機籌辦並札飭舟師會同夾勦杜賊外援旋據探聞該逆於旗羅山修築壁壘聲言欲竄黃池一帶以抄我兵後路當即派隊約會水師分投攻襲范羅山弋磯之賊並暗襲丁橋其出拒大股之賊被我兵斬殺數百人乘勢搶踏賊壘餘逆經水勇登岸兜斬無遺時裕溪口賊船亦被紅單船截獲三隻擊

沈賊匪不少其周家山賊壘經我軍水陸出隊
 攻槍壘內火起各兵爭先破入擊斃黃馬褂賊
 首一名賊眾敗潰追殺三百餘人溺斃者不計
 其數時後隊之楚兵與川廣等勇又來接應副
 將蔡應龍等復揮令合攻宋家嶺賊營連破大
 小賊壘二座擊殺無算追斬又二百有餘當於
 周家山及龍村陡門港邊屯紮三營以聯紅單

聖朝聖略卷二百三十七

十九

江面聲勢初八日派令蔡應龍等督率各路兵
 勇往攻廣福磯賊壘千總陳昌達首先躍登連
 奪前面二壘都司張玉良等乘勢攻槍後營擊
 殺賊匪百數十名都司陶茂森生擒偽總制曹
 芝程一名我兵一齊壓進又破賊壘一座吳全
 美復督水師分路進攻弋磯撲近賊濠守備陳
 超宗等率陸兵繼進立毀山北二壘直逼山南

上

諭內閣曰此次旬日以來蕪湖上下外援賊壘盡行
 掃蕩勦辦尙屬認真著向榮等督飭將弁將范羅山
 一帶聯絡紅單阻斷下游旗羅山梁山之路其
 范羅山內賊壘僅餘五座我兵既扼紮弋磯賊
 勢已孤卽石壘餘匪亦不難次第勦平奏入

聖朝聖略卷二百三十七

二十

之賊並石壘餘賊一律掃除淨盡無稍遲延
 二十五日酉乙酉西凌阿綿洵奏言本月十六日逆
 匪由東西北三門擁眾萬餘分作三股來撲三
 陂營盤我軍勇隊當先迎敵步隊繼之臣等親
 帶各起馬隊督後接仗時許賊眾三面兜裏勇
 力不支全行潰敗步隊兵丁亦卽披靡各營均
 已棄失臣卽過河督戰手斬潰兵數名勢不能

遏賊眾見我兵單復向前來撲臣督飭各起馬隊悉力前擊總管平海率馬隊急馳從東殺入總管德楞額亦率馬隊襲賊來路三路合剿賊眾大潰追殺四十餘里直抵城下計殺賊一千餘名生擒長髮賊百餘名臣思步隊兵勇屢次退卻此次接仗仍復紛紛潰散臣等督率無方實深惶悚相應請

聖皇聖方略卷二百三十七

三

旨將臣西凌阿綿洵從重治罪

同日官文奏言據顏朝斌稟稱初九日約會北路官兵夾攻郡城辰刻出隊適該逆擁眾數萬漫山徧野而來我軍分投迎敵鏖戰三時殲斃賊匪千餘名因賊眾兵單撤隊歸營該匪圍裹營盤相持一晝夜之久初十日賊匪稍懈官兵乘間出擊值西凌阿發馬隊來援內外夾攻該

逆始行敗退追至河壩橋地方十一日賊眾二萬餘人由東北兩門出城駐紮經西凌阿飭令請欽往擊賊分兩股旁抄適馬隊官兵趕至合力夾攻將賊擊散仍敗入城各等語臣知顏朝斌一軍屢挫賊鋒尙屬可靠惟兵力單薄因添派石清吉之勇一千名鍾祥勇五百名並飭李光榮帶勇千餘名接應後路會合西凌阿等督

聖皇聖方略卷二百三十七

三

飭各路兵勇四面環攻以期力破賊巢頃接羅澤南來稟該道督勇五千名於九月初五日齊抵通城會集各營分投進攻將城外賊壘盡行燒燬殺賊無數賊匪退奔城內我兵攀援入城該逆從北門擁出追殺十餘里前後約斃賊三千人生擒三百六十人奪獲旗械無數當將縣城收復擬卽由崇陽一帶乘勝進剿等情臣查

羅澤南一軍素稱勁旅甫入楚境即將通城賊
 匪勦滅淨盡楚北大局為之一振現接胡林翼
 來函擬會合羅澤南之勇先攻金口再圍武昌
 其襄河中路賊匪屢圖上竄九月初九日賊匪
 千餘人由八百工侏儒山竄撲江家集經鹽道
 常恩分派兵勇迎勦擊斃賊匪甚多賊始敗退
 查賊匪窺伺襄河雖經兵勇擊退總未大受懲
 創現飭李孟羣迅來漢川會合常恩由襄河進
 發力圖蔡店扼守要隘然後與撫臣約期同進
 庶易為力至布政使銜道員羅澤南殺賊立功
 調度有方可否仰求

天恩優加獎勵

同日駱秉章奏言官軍自克復江西義甯州後
 賊首鍾姓竄回湖北通城崇陽通山各縣糾黨

聖朝聖方略卷二百三十七

三

萬餘人仍圖抗拒臣札催道員羅澤南帶勇由
 義甯前進密飭平江巴陵各界官軍會合進勦
 九月初五日羅澤南軍至通城連營東南山上
 管帶平勇知縣何忠駿黃崇策等亦於是日起
 到連營西南山上羅澤南督率進攻何忠駿等
 分三路直薄賊壘連破二營羅澤南督軍接應
 候補道李續賓等攻城之西北參將彭三元等
 攻城之東南羅澤南指揮諸軍進勦殲斃悍賊
 數百名縱火焚燒賊壘該匪渡溪而奔諸勇分
 路截殺溪流盡赤及奔竄入城諸勇躡蹤追捕
 攀援登城殲斃無算賊從北門蠶擁而逃復被
 伏勇截殺淨盡當將縣城收復共計前後殺賊
 約三千名生擒三百數十名奪獲馬匹旗幟無
 數羅澤南復率師進攻桂口該逆聞風已竄通

聖朝聖方略卷二百三十七

三

山羅澤南急於援鄂卽由蒲圻前進道員江忠濟率楚勇二千於初八日馳赴蒲圻界之羊樓司會勦臣復飭調何忠駿等扼崇通交界之桂口兼爲羅澤南聲援此次克復通城在事將士紳勇實著微勞可否由臣覈明分別保奏以勵軍心均奏入

上命軍機大臣傳諭官文曰西凌阿綿洵總統諸軍勦

欽定剿平粵匪方略卷一百三十七

三

辦楚北逆匪兵勇屢次潰散已明降諭旨將西凌阿綿洵革任留營交官文差遣委用並授官文爲欽差大臣督辦軍務矣官文接奉此旨著卽馳抵德安妥籌攻剿事宜西凌阿等所帶馬隊尙屬奮勇可用或仍令該革員等督帶以贖前愆至步隊募勇遇賊卽逃懦怯已極投誠義勇一項本有三千今祇存六百餘皆逃入賊營此等情形幾於不可收拾官文接統

全軍應如何力加整頓以期挽回惡習轉敗爲功至竄撲江家集之賊雖經常恩擊退究未能掃除淨盡官文已檄飭李孟羣與常恩會合力圖蔡店扼守要隘布置均屬周密羅澤南克復通城卽由崇陽一帶乘勝前進與胡林翼合攻金口再圖武昌該大臣卽馳往德安先籌克復然後統兵南下迅掃逆氛速奏膚公以慰殷望

欽定剿平粵匪方略卷一百三十七

三

上諭內閣曰前因逆匪攻撲營盤損失軍裝器械朕僅將西凌阿綿洵革職留任稍示薄懲冀其愧奮乃本日據奏攻剿情形雖馬隊獲勝而步兵屢次潰散調度乖方毫無紀律實屬大負委任西凌阿綿洵均著卽行革任仍留軍營交官文差遣已革提督孔廣順革職留營後不知激發天良奮勉圖報著卽拏問交官文嚴訊確情據實具奏

上又諭內閣曰羅澤南帶領兵勇屢著戰功此次攻克
通城尤屬奮勇可嘉著發去白玉翎管一枝綠玉四
喜徽指一箇荷包四箇火鐮一把交羅澤南祇領仍
飭會攻武漢迅殄寇氛所有羅澤南一軍在事出力
人員著會國藩覈明保奏其平江四營各紳勇並著
略秉章查明保奏

同日

聖恩厚矣略卷百三十七

三

上諭內閣曰湖廣總督官文著授為欽差大臣即日馳
赴德安接受關防督辦湖北軍務

二十六日丙戌會國藩奏言臣自辦理內湖水師

已逾半年鄱湖以內雖已一律肅清而未能橫
截江面無裨大局轉瞬霜降水竭攻勦愈難師
久無功餉項虛糜應請

旨將臣交部嚴加議處惟臣調度乖方咎無可辭而助

臣辦理軍務者實有勞績不可泯滅如侍郎黃
贊湯自去歲督辦捐輸已逾六十餘萬兩實屬
力拯大局南昌府知府史致諤於九江廣信湖
口等軍支應叢雜毫無貽誤候補直隸州知州
李瀚章自去歲辦理糧臺每於艱難挫折之際
措置裕如至外江金口水營李孟羣等赴援武
昌僅礮船五十餘號彭玉麟等赴援武昌亦僅

聖恩厚矣略卷百三十七

三

礮船八十餘號到武昌後三次遭風賴湖南巡
撫略秉章一力維持接濟礮船撥給餉項俾金
口水師危而復安候選同知左宗棠於外江水
師尤為殷勤保護苦心照料候補知府彭玉麟
於大風壞船後督率舟師赴援武昌其時賊勢
方張我軍氣餒彭玉麟與李孟羣同心協力目
不交睫者八十餘日竟能保守金口水軍復振

其堅忍之力殊屬難得禮部主事胡大任自賊氛再犯武漢以後在新隄地方勸捐安定民心接濟軍火歷艱險而不渝前任知府黃冕專辦湖南礮船前後造礮至六百餘尊精鍊光瑩所製竹筒炸彈之類亦皆具有精心利於攻剿不敢不歷陳於

聖主之前侍郎黃贊湯巡撫駱秉章受

欽定剿平粵匪方略卷一百三十七

无

恩深重自應屆誠報答李孟羣職任兩司亦不敢仰邀獎敘其史致諤等以下各員卽歸入義甯州案內開單保奏願懇

恩施奏入

上諭內閣曰兵部侍郎曾國藩督帶水師屢著戰功自到九江後雖未能迅卽克復而鄱湖賊匪已就肅清所有自請嚴議之處著加恩寬免前刑部侍郎黃贊

湯督辦捐輸以濟軍餉尤爲出力著加恩賞戴花翎會國藩又奏言羅澤南援鄂之師計此時尙在崇通一帶若剿辦得手進至咸甯江夏等縣去臣營在八百里以外出入賊地信息難通羅澤南營中大小軍情若仍由臣處奏報往返耽閣動逾一月此時鄂事孔棘我

皇上盼望捷報方殷擬令羅澤南於開仗之後自行專

欽定剿平粵匪方略卷一百三十七

三

摺奏報較之由臣處轉奏可期速到同日李孟羣奏言臣自隨撫臣防剿南路雖屢次獲勝究不能迅復堅城七月間撫臣渡江進攻臣留防金口七月二十五六等日賊由武昌出城糾合咸甯大股撲攻金口陸軍潰散復爲賊踞麥山之師亦因無餉而潰臣率礮船與賊相持旬日苦無援軍可調撫臣飭令駛赴上游

嚴防江面臣至新隄分撥礮船防勦島口沙湖等處旋因督臣赴德安恐襄河照料難周飭臣挑帶精勇繞赴漢川仙桃鎮一帶會同常恩魁玉等籌辦防勦力圖整頓查中路軍情前經督臣布置極為周妥嗣因蔡店失利府河後路空虛常恩等兵力單薄稍稍引退督臣現派知府李錦變募勇二千不日可到並有知州李保邦

聖皇聖考卷三十七

三

等之勇皆精強慣戰堪資防勦臣於九月十六日由沙湖至仙桃鎮會商魁玉等籌定機宜即催督各軍進勦惟臣既無陸勇而欲整頓別營仍多掣肘可否仰懇

天恩飭下中路帶兵各員聽臣會同查看調度以收整頓之效均奏入

上命軍機大臣傳諭官文胡林翼曰據曾國藩奏羅澤

南帶兵援鄂距該侍郎軍營甚遠請令該道自行奏報軍情並據李孟羣奏稱馳赴中路力圖整頓各等語自蔡店失利府河後路空虛常恩等兵勇遇賊卻退武漢賊勢愈肆狹獮官文前赴德安中路各軍必應有所統屬李孟羣已由沙湖至仙桃鎮所有中路各軍著官文即飭李孟羣就近調度羅澤南移師援鄂克復通城當與胡林翼會合嗣後羅澤南勦賊情

聖皇聖考卷三十七

三

形即著胡林翼奏報毋庸交曾國藩轉奏以省往返耽延

二十九日巳官文奏言九月十六日德安逆匪

四五千入撲出東門轉至北門三陂港勢甚猖

獮義勇迎戰輒敗賊匪竄至平林市地方適西

凌阿綿洵督率馬隊官兵趕至即分路迎擊賊

始大敗兵勇營盤間被焚燒潰散亦復不少現

報馮官屯馬隊官兵二千名於九月十一日陸續已到惟顏朝斌石清吉等兵勇既嫌單薄而北路兵勇又難獨當一面臣調李光榮之勇由應城而上援助川兵並有孝感練勇一千三百名於十一日前來德郡助戰茲奉

諭旨夔巫有署總兵德恩帶兵二千名飭往荊州臣同

西凌阿函商與其令德恩駐守荊州徒糜餉費

聖皇聖方略卷二百三十七

三

莫若由荆襄馳抵西凌阿大營會合川兵南北

進剿必較屢潰之勇大為得力其荊州尙有後

派川兵陸續而來似可無虞羅澤南克復通城

後已入崇陽縣境沿途疊有斬擒賊俱退踞崇

陽城內指日亦可克復此軍一出金口會合胡

林翼李錦鑾兵勇攻取武漢使賊南北不能應

援則德安之賊卽易殲除奏入

上是之

聖皇聖方略卷二百三十七

四

欽定剿平粵匪方略卷一百三十八 乙卯年

十月初一日 辛卯 胡林翼奏言 臣自將水陸諸軍

嚴為裁汰點數軍籍以求簡練即函知道員羅

澤南約期夾剿金口併攻武漢署臬司李孟羣

副將王國才派於北岸步步為營以冀迎會北

兵漸圖漢陽 臣正擬督軍深入力勦為客兵之

前導而羅澤南由南康疾馳入境已先有通城

聖皇聖略卷一百三十八

一

之捷計是役斬賊約三千餘名羅澤南由通城

直搗桂口分三路進攻奪桂口之險 臣當即飛

飭羅澤南從崇陽蒲圻由驛路進取新店金口

以期會合 臣軍速攻武昌奏八報

聞

初二日 壬辰 官文奏言據鹽法道常恩稟稱本月

十八日賊在漢陽所屬龍潭地方竄擾當即帶

勇馳往勦擊斃賊多名生擒黃旗賊目二名餘

匪敗竄我軍追至蕭家集河邊逆眾撲河溺斃

數十名擊沈賊划數隻次日該道分布水陸隊

伍乘勝督勦由官橋劉家集進攻蔡店由南河

渡江家集進攻侏儒山二十日黎明行抵蔡店

該逆傾巢而出勢甚兇悍我軍奮勇爭先正鏖

戰間適水軍駛至斃匪無數奪獲大小賊船二

聖皇聖略卷一百三十八

二

十六隻維時軍功王得勝帶勇馳抵侏儒山該

逆因聞蔡店危急正欲往援我軍適至出其不

意乘勢衝擊逆眾披靡各勇追殺十餘里斃賊

數千名 臣查蔡店近接漢陽為水陸總匯該逆

所必爭之地雖已受創難保不復竄至該道孤

軍深入恐難扼守即飛飭李錦鑾等馳往蔡店

相機堵扼一面催李孟羣迅進襄河力督進勦

並檄魁玉等隨時應援兼防周家幫沙湖之路
鹽法道常恩自進兵以來親冒矢石調度合宜
仰懇

天恩賞加按察使銜以示鼓勵奏入

上諭內閣曰賊匪竄擾漢陽所屬龍潭地方及蔡店等
處經鹽法道常恩督帶兵勇進剿屢次獲勝辦理尙
屬得手常恩著賞加按察使銜

聖學集方略卷二百三十八

三

初三日癸巳載增富森奏言臣等接魁玉報稱侏

儒山賊衆復圍大舉卽派錫齡阿帶兵馳往會

剿維時正值團首高定山等報稱賊衆在侏儒

山銅山頭洶洶欲出請兵往堵都司文瑞等將

滿漢兵勇分爲四隊以一隊從小路抄往侏儒

山東面埋伏約俟山前火起殺出截賊歸路以

兩隊潛伏於山之左右葦岸文瑞等自領一隊

直從大路進剿天明馳抵侏儒山賊衆驚起迎

敵我兵奮力接仗左右伏兵皆至賊陣披靡紛

紛退走復經官兵從東路突出兜擊先後斃賊

八百餘名偪入水中溺死者甚多餘賊下竄正

擬收隊聞忽見銅山頭大股賊衆盪擁而來我

兵合力抵禦適錫齡阿帶勇趕到從斜徑抄出

橫截將賊首尾衝斷李保邦帶勇抄至銅山頭

聖學集方略卷二百三十八

四

殺賊約三百餘名餘賊遁逃我軍遂進紮侏儒

山相機進剿奏入報

聞

初七日丁酉和春福濟奏言廬州賊匪負嵎抗拒

臣等籌思非內外合攻不克竣事紳民王子顧

等糾集難民願爲內應密令民人羅金桂等絕

城而出約定舉事日期復挑選精壯豫備攻城

十月初一日傳令三更出營分派兵勇令總兵
珠克登進攻水西門副都統常清麟瑞協領玉
崐都司余兆春進攻北門副將嵩瑞等進攻大
東門都司于昌麟進攻小東門參將程智泉進
攻大南門 臣和春在北面調度 臣福濟在東面
督攻時天色昏黑我軍皆銜枚疾走潛抵城根
鄭魁士等督兵豎立雲梯都司熊天喜等帶兵

聖朝聖考卷二百三十八

五

突上北門首先登城施放火箭擡槍延燒更棚
賊正驚亂適都司于昌麟由小東門首先上城
燒賊更棚該逆撲救嵩瑞等攻入東門同時帶
兵官由各門緣梯而上殺斃極多值微風徐起
火箭拋入火藥局賊儲硝磺轟發內應亦在各
門放火火光燭天我軍乘勢衝下逆眾塞路填
街自相踐踏合肥被擄百姓歡欣鼓舞隨同奮

殺當將廬州府城克復餘賊并死潰出 臣和春
督兵在將軍廟紫金隄埂一帶盡力擊刺該逆
死者不計其數其南路餘賊馳來援應亦被痛
擊無一倖逃統計殲斃五千餘人生擒三百零
七名內有偽師帥等十七名 臣等入城招撫難
民搜捕餘黨擬定期進攻南路以期次第蕩平
惟合肥被賊蹂躪顛沛流離情殊可憫茲復內

聖朝聖考卷二百三十八

六

應立功洵屬民心可恃所有咸豐四五年三
年錢糧懇

恩概予豁免文武學額請永遠增廣各三名以溥

皇仁而昭激勸所有尤為出力鎮將員弁或身在行間
不避艱險或衝鋒冒石首先登城得以成此巨
功合無仰懇

天恩俯准先予鼓勵其餘在事文武員弁兵勇容 臣等

號都司江忠信著賞給毅勇巴圖魯名號熊天喜江忠信均著免補都司以遊擊遇缺卽補守備余成蛟著以都司卽補並賞給禦勇巴圖魯名號守備馬昇平著賞加都司銜並賞換花翎其餘在事文武員弁兵勇並著和春等查明請獎合肥紳民內應立功能知大義所有該縣咸豐四五六三年錢糧加恩概予豁免並將該縣文武學額永遠增廣各三名以示鼓勵

聖朝聖方略卷一百三十八

九

廟

初十日庚子向榮奏言蕪湖外援賊壘經我兵鏟盡後卽移紮丁橋弋磯一帶與師船合圍扼勦鄧紹良復派撥兵勇潛往范羅山右縱火焚襲賊卡逆眾驚竄斬殺數十人將卡牆悉行犁毀吳全美督領紅單各船進攻礮隄石壘斃賊不少陸軍亦乘勝力攻該逆死守不出江北有賊

數千由西梁山竄至東梁山分屯嘯聚另股欲由裕溪口渡江應援東梁山賊黨分至松園四合山馬廠等處築壘均經鄧紹良吳全美分帶兵勇進攻斃賊甚多越日東梁山復來賊五六千人直竄丁橋一帶並於范羅山等處袤延築壘副將蔡應龍馳往截勦行過丁橋數里該逆見我兵兩路兜至卽大股衝來抵敵我軍爭先

聖朝聖方略卷一百三十八

十

縱擊追斬百數十名擄撲落水者尤眾江北雍家鎮賊黨又突來三四千人欲於蠓磯廟築壘吳全美駛往防勦鄧紹良撥陸兵渡江協勦擊倒賊中望樓兩座李德麟等船前赴雙港堵賊上游在荻港打仗將神灘河對渡賊船擊沈大小十數隻溺斃甚眾追獲逆船四隻泥汊河江面賊船經遊擊唐國棟等追擊燒沈十四隻奪

獲三隻臣思范羅山各壘餘賊經我軍水陸合圍接濟已斷勢窮蹙乃該逆復於對江竄踞意圖聯絡援應阻礙舟師若不趕緊攻毀使沿隄逆壘頻添恐水師兩面受敵當經嚴飭吳全美作速圖攻並檄鄧紹良渡江協剿連日疊有斬獲范羅山營中之賊見我軍出江分剿乘虛衝竄官軍分路夾攻直抵范羅山賊壘施放火

聖朝聖略卷二百三十八

十一

具兼開槍礮賊眾驚擾千總楊國正等帶勇爬越賊牆黔勇雷大貴突被賊礮中腹腸出仍大聲呼眾繼上旋又被戮跌落登時殞命守備胡得順聞聲首先擁撲槍礮愈多將守牆賊紛紛擊斃遙見哨樓有黃衣賊首搖旗指揮胡得順躍近一箭即應絃而斃我軍復對哨樓攢轟倒壓多賊該逆仍死守拒戰同知鄭濟美等帶勇

接應街上合力併攻胡得順繞過壘門飛身撲上不料被賊礮中頭額登時陣亡是時丁橋陡門武陶一帶亦均有賊先後來犯經兵勇力戰擊退臣現經催飭鄧紹良內外妥籌嚴防衝突並責成吳全美李德麟斷賊江面以期早靖蕪湖至守備胡得順身經百戰奮勇攻賊被礮陣亡實屬忠勇絕倫深堪憫惜可否請

聖朝聖略卷二百三十八

十二

旨飭部照遊擊陣亡例從優議卹出自

逾格鴻慈奏入

上諭曰著嚴飭鄧紹良吳全美等兩岸迅圖掃蕩勿令該逆南北聲氣相通致師船進退兩難胡得順著照遊擊陣亡例議卹

十一日辛丑官文奏言接據探報九月二十四日夜賊匪因常恩兵勇進紮蔡店漢川空虛該逆

率眾由南北兩岸小路暗襲縣城二十五日常
恩等聞報趕回救援連日與賊鏖戰頗有斬擒
詎二十七日漢陽逆匪復傾巢而出約眾七八
千並駛敵船數十隻分途上竄漢川之賊亦乘
勢出拒常恩督飭兵勇分投迎敵血戰數時之
久殲斃逆匪甚夥該逆首尾夾攻我軍腹背受
敵難以抵禦兵勇多有潰散該逆乘虛上竄漢

聖朝聖略卷二百三十八

十三

川復失賊至鄢家灣一帶魁玉錫齡阿督隊力
戰殺賊無數因該逆分路抄襲我軍眾寡莫敵
亦相繼潰挫軍功張起鳳等率領沙湖練勇將
賊擊退現在麥旺嘴盤踞臣即日由京山馳赴
德安籌辦攻勦事宜勢難兼顧而中路兵勇經
此挫失賊勢復張亟宜設法堵截臣前所調巡
檢陳時森帶南勇五百名據報已抵安陸現今

暫駐該郡會同安陸府縣多集團勇扼要嚴防
又派楊昌泗督同天門縣帶領兵勇赴岳口防
堵一面飛催李孟羣迅速趕赴襄河催齊李錦
鑾之勇並嚴督中路帶兵各員趕緊收集潰兵
整隊堵截以遏上竄奏入

上命軍機大臣傳諭官文曰前據官文奏中路情形尙
可無虞常恩帶兵進襲蔡店辦理似有把握何以數

聖朝聖略卷二百三十八

十四

日之間遽有漢川失守之事李孟羣業已於九月十
六日由沙湖至仙桃鎮中路各軍前有旨令其就近
調度何以此次摺內尙稱飛催該署臬司迅赴襄河
該署臬司係專辦中路之員豈可任其久駐潛沔之
間致下游賊蹤猖獗上竄著官文嚴飭李孟羣迅即
前進所有襄河上下賊匪責令一力攻勦該大臣得
以先顧德安不受牽掣官文自鍾祥京山一路行走

至今尙未行抵德安未免過於遲滯著卽迅速起程
一面向接受關防督辦北路攻剿事宜一面兼顧中路
並將潛沔等處妥爲布置毋任顧此失彼常恩魁玉
錫齡阿不能實力堵禦著該大臣卽將該員等潰敗
情形查明具奏

上又命軍機大臣傳諭黃宗漢曰本日據官文奏漢陽
逆匪傾巢上竄官兵失利漢川復失該逆已竄至鄢

欽定剿平粵匪方略卷二百三十八

十五

家灣麥旺嘴一帶恐其窺伺荆襄大局攸關必得添
兵防備德恩所帶防兵著卽嚴催迅赴荆襄聽候官
文調遣毋稍遲誤續撥赴荆兵勇究有若干樂斌萬
福二員何人可往並著一面籌度一面迅速具奏

十二日 壬寅 官文奏言 臣昨奉

諭旨授爲

欽差大臣兼程馳赴德安督催前隊顏朝斌等進逼

郡城設法攻剿賊匪連日出拒均被官兵擊退
該逆見我兵攻城甚急分股出城盤踞義塘陳
家店等處爲犄角之勢意在抄襲我軍後路 臣
督飭中隊兵勇已抵德安府境惟查北路各營
馬隊尙稱得力其步隊兵勇屢經潰挫殊不可
恃現在南路攻剿正值喫緊 臣若繞赴北路未
免紆遲 臣接受關防後所有馬隊仍派西凌阿

欽定剿平粵匪方略卷二百三十八

十六

綿洵管帶步隊兵勇派訥欽等管帶由北路合
力進攻一面督飭南路官兵分投圍剿嚴防後
路現在宋河新募勁勇二千名卽令協同官兵
直取郡城並曉諭附近各鄉整飭團練防賊旁
竄如此嚴密布置計日可期得手至漢陽賊匪
上竄鄢家灣一帶經張起鳳等擊退茲據李錦
鑾稟報賊蹤竄擾沔陽誠恐窺伺荆沙已令李

保邦管帶勁勇三千名馳赴迎擊該員督齊後隊前往策應務期撲滅等情臣並飭魁玉錫齡阿整齊兵勇力扼後路接應前軍痛加勦洗官文又奏言臣所派南路兵勇會合北營馬隊隨州安陸等處團練於十月初四日辰刻俱各奮勇進攻直抵城下四處放火齊力圍擊殲斃城外賊匪多名該逆敗退入城我軍乘勝奪門而入遇賊卽殺斃賊無算將德安府城克復現在督兵追勦逸匪以期一律肅清臣一面辦理善後事宜卽行振旅南下

同日西凌阿綿洵奏言自八月十六十八等日南北路官兵殲勦逆匪設法挑誘賊衆堅不出戰臣等趕備雲梯等具定於十月初三日大舉全隊進攻察看情形乘夜襲取我軍三面齊進

聖朝聖略卷三十八

十七

於午刻直抵城下更番攻擊該逆暗從堞孔施放槍礮我兵仰施火槍賊衆鼠伏遠難得手候至夜間豎梯進攻不料起更時風雨大作徹夜不休逆匪乘虛潛出南門冒雨南竄臣等派勇進城搜獲餘賊二百餘名跟追二十餘里大股賊匪業已走向孝感一路逃回武漢並飭馬隊分赴各鄉搜捕匪賊現在德安一帶雖已肅清而武漢尙未克復恐其復生覬覦不得不留兵駐紮臣等將新到馬隊二千名卽派副都統都興阿統帶仍紮德安原營以壯北路聲威令勇目施紹恆等各帶義勇已革提督訥欽等分帶馬隊官兵趕緊追勦臣等卽督隊前進如果餘賊竄歸武漢自當相度機宜合力攻勦

同日胡林翼奏言道員羅澤南探聞桂口之賊

聖朝聖略卷三十八

十六

竄入崇陽於城南江邊之山巔紮大營二座毀
城內屋輒砌壘高二丈壘外又以木椿竹籤層
布圍繞砌斷大路以遏我師沿途設伏以圖截
殺復於城東門外搭架浮橋密約通山之賊數
千人入城助戰羅澤南因會同候補道員李續
賓候選訓導劉蓉兩營渡江而進知縣蔣益澧
帶勇防賊後襲均循河之東岸約於浮橋東偏

聖皇聖考卷一百三十八

十九

駐營以截賊入通山之路羅澤南等沿河西岸
而進遊擊普承堯直隸州唐訓方堵賊抄襲繞
道出城之西北偏近賊營駐紮賊營已包於我
軍之中彭三元駐其左李杏春駐其右賊乘我
師方至營壘未修遽以六七千人自壘中分兩
路而來羅澤南傳令賊不偏營不可與戰以數
十人搖旗向前佯敗數次誘賊衝至營旁羅澤

南率勇從山脊而下彭三元從左路堵之各殺
斃騎馬賊目二名兩路之賊大敗回竄狂奔思
歸賊壘李杏春率勇由江邊而下圍繞賊壘奮
力衝殺以截賊之歸路賊不能復入其壘唐訓
方普承堯亦率勇疾進相與追殺賊繞城之西
北冀由東門渡江以逃李續賓劉蓉蔣益澧由
東岸山內殺出兩岸約共斃賊六七百名賊乃

聖皇聖考卷一百三十八

二十

入城閉門自守羅澤南擇勇二千人分作數十
隊伏於兩岸要隘簡選敢戰之士於二更時攜
沙囊負雲梯緣壁而上拋放火毬火箭光燄燭
天兩岸伏勇各擊鼓吹角施放槍礮城中之賊
大亂遽開北門而出踐斃於城甕者以數百計
踰城墮死者無數其得出城者又爲各路之勇
截殺千餘人諸勇乘勝而入當將崇陽縣城克

復至臣之水陸各師於通城桂口告捷之後揣度賊情必由蒲咸下竄以與省城之賊相通因派陸師三千餘礮船十餘隻由六溪口橫入蒲圻地界駐營於車埠以各營分布四面並約會羅澤南定期夾攻因岳州防兵進勦微挫且探聞僞易王石達開以羣賊數萬人上竄盡注於武昌南岸羅澤南之兵極精而少於賊數不止十倍崇陽餘匪搜勦須嚴故援兵不能速至翼日賊已悉衆由茅山蕭橋兩路分踞我營之前經守備何紹彩等憑隄抵禦殺斃當先悍賊數十名賊卽敗退另股賊匪復蠡擁齊下水師都司喻吉三開礮擊之橫截賊腰斃賊百十名賊復退卻我軍乘勝追之至茅山而返其蕭橋之賊股數尤多千總楊再佑領勇獨當一面匹馬

聖皇聖考卷百三十八

三

衝鋒揮礮殺賊立斃七人賊畏其勇折回茅山一路以撲何紹彩等之營各營奮勇抵禦賊不能支又折而聚於蕭橋一路楊再佑俟其涉水至半轟斃數十人截殺百餘人賊遂大敗退走我軍正值收隊而賊復折回回軍抵擊賊勢退卻追入山中賊衆橫出我軍之後各營俱被圍繞奮殺兩時乃出重圍軍氣稍挫是日以三千之勇敵二萬之賊鏖戰六七時之久千總楊再佑等雖以追賊深入爲賊所乘而志節不衰整飭數日仍可進勦均奏入

聖皇聖考卷百三十八

三

上命軍機大臣傳諭官文胡林翼曰官文奏德安府城

克復朕正疑此股逆匪並未大受懲創何以遽能克復頃復據西凌阿等奏初四日天色未曙正在設法進攻該逆乘虛潛出南門冒雨南竄由孝感一路逃

回武漢是德郡果非攻破實該逆有意竄逸難保無
另有詭謀西凌阿等現派施紹恆等義勇並馬隊官
兵於初五日相繼進發著卽趕緊追剿官文甫抵德
安該處已無賊蹤自應迅速跟蹤南下由漢川一帶
直擣漢陽以分南岸賊勢卽可迅克兩城不得藉口
善後逗留德安致該逆復圖上竄中路情形喫緊仍
著嚴飭李孟羣等實力堵剿何項兵勇最爲出力並

聖皇聖方略卷一百三十八

三

著查明具奏據胡林翼奏崇陽縣城池經羅澤南帶
兵克復本可卽與該撫夾攻蒲圻惟因逆賊石達開
率眾數萬人上竄悉踞武昌南岸較羅澤南之軍多
至十餘倍以致與胡林翼阻隔羅澤南所帶各勇雖
僅五千餘人然皆精銳自江西饒州義甯轉戰無前
遂能連克崇通此軍於剿賊大有關係今以數萬賊
匪叢擁相逼深虞挫失現在德安旣經收復著官文

酌量派撥精兵邊委得力將弁統帶前進接應羅澤
南之師以壯軍威胡林翼進剿蒲圻雖未得手小挫
之後士氣尙能振作仍著激勵將士速行進攻以期
與羅澤南一軍會合庶不致彼此隔絕致有疏虞

上諭內閣曰官軍自上月克復通城後逆賊悉數竄入
崇陽於城外紮營築壘以遏官兵復密約通山賊匪
入城助戰羅澤南定計派令李續賓等督率兵勇合

聖皇聖方略卷一百三十八

三

力前後截擊當將縣城克復著胡林翼飭令地方官
紳隨處截勦出力員弁兵勇均著擇尤彙保俟朕施
恩

十三日癸卯官文奏言據副都統魁玉等稟報該

逆由仙桃鎮擊退後糾率股匪分股上竄攻陷
沔陽州城我軍大隊趕至魁玉等卽派兵勇分
路進剿另派一軍由小河口抄至北門外平家

台埋伏魁玉等督率大隊接應各軍於本月初四日黎明齊進該逆閉門固守我軍奮勇爭先自卯至午鏖戰四時之久適值沔陽西鄉練勇前來接應李保邦等由西南梯繩而上東南官兵亦同時上城當將守陴之賊殺斃無算該逆見勢不支即奪北門奔逃我軍亦奪門放入大隊搜捕餘匪登時將州城克復一面安撫居民

聖朝聖略卷二百三十八

三

一面派隊追殺該逆奔至平家台我軍埋伏齊出又殺斃逆匪多名該逆紛紛亂竄我軍乘勢追殺奪獲器械馬匹多件臣當嚴飭各軍將漢川仙桃鎮一帶竄匪趕緊剿除淨盡以靖地方奏八報

聞

十四日甲辰載增富森奏言漢陽賊匪約有五六

千人於九月二十七日由襄河南岸楊林溝而上直撲麥旺嘴地方分股由敦厚岸新興廟等處抄襲沔陽州三十日夜間被賊乘閒撲入州城魁玉等督兵於初四日進抵城下四面兜圍乘機由西南東南兩處城角梯繩而上奮砍守陴賊眾賊開北門奔逃我軍遂開各門放入後隊追殺敗賊直至平家台地方臣等伏思沔潛

聖朝聖略卷二百三十八

三

為荊州之門戶而仙桃鎮鄢家灣等處又為沔潛之門戶現已責令魁玉等嚴督各營兵勇迅即會合團練剋日進攻仙桃鎮鄢家灣等處立圖克復至荊州兵勇本單襄河亦甚空虛蒙恩飭調派防夔巫之川兵二千名來荆臣等委員馳往

迎催前進李孟羣統帶礮船八十餘隻已由清水口經過即日可抵荊州之長湖駐紮臣等俟

該署臬司到荆會商調度庶水陸防剿可期聯
絡奏入

上命軍機大臣傳諭官文載增曰沔陽為荊州門戶雖
經我軍收復而仙桃鎮鄢家灣等處均為賊踞自應
趕緊堵剿毋任上竄德安已無賊蹤官文即可由漢
川一帶相機進剿其夔巫防兵二千名著即飛催赴
荆應即由荆至潛沔一帶會同攻剿著官文酌量調

聖旨

三

度得此生力之軍又有李孟羣所帶礮船八十餘隻
在長湖駐紮兵力不為不厚著官文載增即飭李孟
羣與魁玉等合力夾擊先將仙桃鎮等處賊匪悉數
殄除該大臣即可統領全軍進攻武漢

十五日乙陸元煊奏言據贛州鎮總兵阿隆阿

等報稱粵匪屯聚信豐縣之竹山圍於八月二
十日分三股竄入白田大河背張公墟等處該

縣知縣吳秉衡會同汛弁亦將兵勇分為三路

迎剿斃賊二十餘名餘匪敗退二十一日該匪

分股竄至漢口地方竊伺吳秉衡即派兵馳往

迎擊斃匪十餘名是日申刻又竄至小菰地方

鏖戰逾時殺賊數十名匪眾敗退佛嶺背次日

吳秉衡督軍進剿爭先陷陣殲賊數十名生擒

十名匪眾連日奔竄龍南縣該鎮阿隆阿等帶

聖旨

三

兵分擊斃匪無數匪勢不支大敗狂竄復被龍
南縣鄉團斬擒多名餘匪均竄回粵東逃散我
軍窮追出境邊境一律肅清又據吉安府知府
陳宗元等稟稱茶陵州賊匪二千餘人竄至相
距城隍街十里之彭家祠地方柏英即與永新
縣知縣華翼綸帶隊進剿擊斃賊匪數十名接
戰逾時賊勢稍卻詎彭家祠後山上突出大股

逆匪乘我軍血戰之際闖入永新縣茶子山地
面柏英等即行馳回草市坳一帶截擊惟賊眾
我寡兵力不敷永新城垣修築未竣情形甚為
危急臣查此股匪徒蔓延江境安福龍泉泰和
等縣均近永新而龍泉又與湖南鄱縣接壤現
俱紛紛告警必須厚集兵力迅速撲滅以免深
入腹地現經臣添撥團勇五百五十名省兵二

聖皇聖考卷二百三十八

三九

百名又咨會曾國藩抽撥平江勇六百名均令
兼程前赴吉安並札調新授臬司周玉衡酌帶
贛州兵勇馳往統領諸軍督率調度剋期進剿
以冀速滅妖氛
陸元烺又奏言據武甯防堵委員龍泉等稟稱
八月二十六日湖北興國州朝元坑賊匪一千
餘人駐紮山巔揚言來撲橫路大營馬占魁等

率勇進剿賊眾敗竄我軍乘勝追擊殲斃數十
人滾崖跌斃者不計其數兵勇追抵賊巢踏毀
營盤數座復焚斃賊匪數十人臣查興國州地
方為賊淵藪此次逆眾復犯武甯邊境經在防
員弁立即勦退焚燬其巢堵禦洵為得力惟現
值大兵進剿崇通敗匪必歸興國武甯尤宜隨
時設備俾免疏虞奏八均報

聖皇聖考卷二百三十八

三九

聞

一萬二千八百八十 八 反上句

欽定剿平粵匪方略卷一百三十九 乙卯年

十月十六日 丙午 托明阿陳金綬雷以誠奏言九

月十八日上流駛來賊船大小五十餘隻總兵

葉常春等督率各艇分兩翼抄截賊死戰不退

忽東南風發守備賴鎮海等連開大礮擊沈賊

船數隻斃賊無數該鎮等復督各艇聯檣續進

殲賊尤多浦口陸軍與金陵水勇乘勢夾攻擊

聖朝軍方略卷一百三十九

一

損賊船多隻餘船竄回下關 臣等因逆船必思

續竄而瓜鎮之匪死守待援因與吉爾杭阿密

約乘夜火攻出其不意或可一鼓攻入二十二

日吉爾杭阿於江南口岸派定水勇火船進攻

金山賊簿土橋水師總兵陳國泰遙見南岸鮎

魚套口火光並聞礮聲卽飭把總李逢春等分

駕多槳快船先往策應該鎮親督遊擊陳世章

等各駕紅單戰船隨後進駛正值賊船數十隻

與南岸快船相拒該紅單船快船齊開槍礮立

沈該逆數船該鎮等緊追轟擊攻至金山賊從

礮臺開礮我師對放大礮但聞礮臺傾塌喧嚷

之聲維時金山口賊簿亦開槍礮該鎮指揮各

艇分投攻搶木簿賊船紛紛出口救護我師擊

沈其沙船三隻划船八隻船內之賊梟水思逃

聖朝軍方略卷一百三十九

二

多被擊斃水中時至亥刻東南風起焦山水師

總兵周士法密派守備韋長貴等分撥火船爲

三路而以署遊擊鞠耀乾等之快船幫護先進

縣丞周閑等以礮船橫截金山江面斷賊接應

該鎮親督戰船繼進並知會管帶練勇知州雷

鳳翥等督勇同時夾攻乘黑夜俱至瓜口時小

口賊船密布韋長貴等各率兵勇駛駕火船截

八賊船叢中趁風潮之力船頭狼牙鐵釘俱釘
入賊船隨即發火風勢愈狂火器齊噴賊船三
四十號一時俱燃火光燭天鞠耀乾等疊開槍
礮小口賊營亦登時延燒凡在船內營內之賊
俱因火中奔逃無路維時上下瓜州賊營齊向
火光開礮礮彈盡打落小口賊營臣等飛督陸
軍東西逼近賊濠暗施槍礮土橋水師亦從上

聖朝聖略卷二百三十九

三

游戢擊而來賊益慌急不敢出巢另股賊划多
隻出大口撲我大船韋長貴等正帶長龍快槳
分赴北岸棲泊賊船處所施放火器遇見賊划
即接放槍礮斃賊多名並獲賊船二隻餘船折
退復被鞠耀乾等快艇截住盡將賊划擊沈周
士法等帶領礮船將鎮江金山各口駛出大小
賊船數十隻焚燒淨盡雷鳳翥等帶勇由虹橋

興隆橋八號口三路前進行抵新河口江邊葦
灘中埋伏遙見江面火起知我師得手即放火
焚賊瞭臺卡房奮力撲下瓜州賊營殲賊無算
通計連日水陸兵勇殺賊攻城俱各齊心出力
水師殲賊尤多所有各營出力員弁可否容臣
等併案酌保以示鼓勵之處伏候

訓示奏入

聖朝聖略卷二百三十九

四

上從之

十八日戊申胡林翼奏言羅澤南克復崇陽後因
岳州防兵挫於蒲圻之羊樓洞虞賊上犯以牽
我軍派候補道員李續賓等移營羊樓洞之西
羅澤南與彭三元李杏春各帶兵勇仍紮崇陽
本月二十三日忽報逆首石達開統帶悍賊六
七千來犯我軍分三路應之左路中路奮力同

進殺斃當先悍賊賊遂大潰而右路松林之賊愈集愈多李杏春躍馬登山整隊以待該逆爲山所隔不知中左兩路之賊先潰仍洶湧並進我軍突前擊之斃大旗悍賊八九名賊衆反走彭三元督勇橫截而出殺賊最多餘悉奔白羊山往咸甯而逸計各路共斃賊八九百人二十四日羅澤南以書促彭三元李杏春歸營而逆

聖朝聖略卷一百三十九

五

賊大至槍礮環施火箭噴筒交下彭三元李杏春見賊甚衆身先士卒擇要隘堵殺追至田隴而返我軍甫返賊又擁擁而至如是者二三十合彭三元耳受礮傷血流滿襟李杏春勸其回營而彭三元戰益力誓同生死自卯至申鏖戰五時之久賊乃敗退羅澤南在崇陽聞信以從九李續宜率兵三百人援之並飛調蔣益澧由

聖朝聖略卷一百三十九

六

羊樓洞來援二十五日寅刻羅澤南自帶中營二百五十人繼進賊之在咸甯者黎明已盡數來攻數倍於前繞營三匝彭三元李杏春相誓以身許國各跨馬分路堵禦相持兩時礮子噴筒連環疊至彭三元李杏春不少卻賊之另股忽繞後路入營放火回馬救之賊衆尾追彭三元大呼殺賊手刃黃馬褂賊目一名爲羣賊殺於馬下李杏春勒馬衝至隨丁勸之走不顧且冒之曰彭參將死我何獨生爲亦遂殉難把總蕭馥山始終隨李杏春左右爲賊所刃把總李光熾在營守輜重聞其兄李杏春死目皆怒裂同時死之千總彭獻傑把總胡元則劉碧山率中營三百人獨當一面與賊力戰賊不敢逼及營中火起遂各執哨旗殺入賊中而死是時勇

丁以營官陣亡且戰且卻迨羅澤南督勇馳援距營十里而事已無及列隊山岡以集勇丁賊見我軍繼至不敢前追日暮乃率歸崇陽時蔣益澧已駐軍城外卽下馬相商以我師分駐崇陽羊樓兩路兵力本單乃定計以五鼓移師羊樓併力駐守羅澤南於二十六日午刻馳抵羊樓洞其老營已造飯相待方令傳餐突報大股

聖朝軍略卷之九

七

賊匪由蒲圻來羅澤南李續賓登山審察約二萬餘賊屯聚山巔爲二大枝其一枝循山而下踰田隴吹角放槍黃旗遍野是爲賊之正兵其一偃旗息鼓草山蛇行埋匿於七里冲山內是爲賊之奇兵冀誘我師禦其正兵而其奇兵襲後撲入我營羅澤南會商各營以我師自崇陽至者血戰三日遠行百餘里令少息毋遽出戰

而令劉蓉率其營以擊田隴賊陣之腰李續賓率其營從左路石山繞出以截田隴賊陣之尾唐訓方則以其營三哨當田隴之正賊以二哨搜其營前山內之伏賊普承堯則分其營爲二路搜七里冲諸山之伏賊部署甫定而中營副中營左營保營之自崇陽至者羣以今日誓報昨仇爭請於前羅澤南義之因示以策應之略

聖朝軍略卷之九

八

賊之在田隴者見訓營三哨人少直前攻撲我兵按立不動俟賊偏近突以槍轟之鏖戰移時賊不能敵劉蓉率副右營從中段橫截賊亂反旗而走諸勇圍之不得出其在後者回奔山上遇李續賓右營已繞至山巔截殺蔣益澧率左營策應賊之正兵大敗而山內之伏賊不知也猶踴躍思出中營副中營從左路無賊之處繞

出山巔將賊包裹其中普承堯則率其營直從山口分路迎頭殺入老寶營繼之賊之奇兵亦大敗各勇分途追殺十餘里計共斃賊九百餘名訊據賊供僞國宗章俊自鄂省率賊二萬餘由紙坊至蒲圻冀以抗拒援軍不能下攻等語參將彭三元身經百戰屢立奇功候選同知直隸州李杏春學問深醇節概凜然並千總彭獻

聖朝聖略卷二百三十九

九

傑等均以力竭捐軀深堪憫惜可否

飭部給予優卹羅澤南一軍由江西入境所向克捷因岳州兵挫崇陽賊多分而爲三遂致中挫移師合勦繼復大勝該道員以新失二將稟請交部嚴議之處伏候

聖裁臣軍先於二十二日在蒲圻挫失刻已整理與羅澤南會攻蒲圻卽以水陸並進直搗金口奏入

上命軍機大臣傳諭胡林翼羅澤南曰覽本日該署撫

奏羅澤南一軍接仗情形將士兵勇均能奮不顧身以少擊衆惟彭三元李杏春俱衝鋒殞命殊爲可惜雖二十六日羊樓洞之捷尙能轉敗爲勝士氣不衰究竟損傷精銳皆因兵單所致胡林翼所統各軍旣已力加整頓卽著與羅澤南會合直抵蒲圻石達開章俊均係著名悍賊現在旣屬聚成甯卽應合力進

聖朝聖略卷二百三十九

十

攻能將該逆殲戮則咸蒲一帶賊匪自必瓦解羅澤南之兵本紮崇陽羊樓兩處今旣併歸羊樓則崇通後路有何接應此時賊勢甚熾攻勦機宜固不在專守城池而此軍一移誠恐得而復失不特前功可惜抑且後顧堪虞應調何處兵勇以爲後路接應該署撫卽與官文商酌如荊州新到川兵及德安得勝兵丁皆可分撥著該署撫飛咨官文迅速調度羅澤南

一軍於勦賊極有關繫而崇通咸蒲又為江西湖南四達之衝該逆既以全力來抗我軍亦必併力會攻始能得手此處關鍵一得即可乘勢長驅由金口直趨武漢切勿稍存大意致誤事機

上諭內閣曰此次奮勇殺賊力竭陣亡之參將彭三元著追贈副將銜照副將例從優議卹候選同知直隸州知州李杏春著追贈知府銜照知府例從優議卹

聖朝聖略卷一百三十九

十一

千總彭獻傑著照都司例從優議卹藍翎把總胡元則把總李光熾蕭馥山劉碧山均著照千總例從優議卹並准附入湖南地方塔齊布專祠羅澤南帶兵由江西入楚境連復兩城此次以少擊多雖致中挫仍復大勝所有自請嚴議之處著加恩寬免

二十一日 辛亥 和春福濟奏言廬州外援之賊疊

經痛勦斬馘甚眾而餘孽仍於南路二三十里

外往來窺伺初一日三更後我軍圍勦正在得手該逆猶敢拌死來援均經截殺殆盡但南面地方遼闊路接舒桐尙有賊巢 臣等於初三日卯刻督兵趕至煙墩集有賊壘四處當令麟瑞常清等分途圍勦該逆正在搬運木植意圖堅築壁壘嚴防見我軍大至有退入巢內固守者有拋棄鋤鋤奔跑者官軍四面兜圍槍礮連環

聖朝聖略卷一百三十九

十二

逆匪驚亂越牆逃出兵勇搶進內濠擁入賊壘盡力砍殺死者枕藉即將賊巢四座焚燬其餘逃賊復經麟瑞等分途趕殺追至焦湖落水死者不計其數約斃賊一千數百名生擒四百餘名附城一帶一律肅清惟路通舒城廬江之沙河地方現在賊匪為數尙多深溝高壘防備極嚴 臣等擬將廬城善後布置妥協即率同鄭魁

士等帶領兵勇先由三河進剿得手後再分兵
攻剿廬江舒城巢縣以冀次第克復奏入

上諭內閣曰廬州外援逆匪經官軍四面兜圍附城一

帶業已肅清著和春福濟督飭諸軍迅將廬江舒城
巢縣等處賊匪次第剿除毋再延緩

二十三日癸丑載增富森奏言十五日接准魁玉

等報稱我軍自克復沔陽州城後探得賊衆在

聖軍方略卷一百三十九

十一

仙桃鎮鄢家灣等處營盤添築土牆加修木柵

爲抗拒我軍之計魁玉卽於是夜先派出滿漢

兵勇共一千名由王泗口迂道潛行分伏於柏

木橋陽岡口兩處約俟次晨我軍接仗時一齊

放火並卽抄赴鄢家灣下游截其去路又分派

兵勇一由鄭家集赴仙桃鎮北面以襲賊後一

由麻港趨仙桃鎮西南以防賊衝魁玉親督李

保邦等由里云口橫出沙嘴進剿而派錫齡阿

督同文瑞等直出袁家口攻其西面復調軍功

張起鳳等帶團分布魁玉錫齡阿兩軍齊偪仙

桃鎮賊營賊衆擁擁而出我軍奮力進攻斃賊

多名順風施放火箭火彈焚燬木柵賊猶拌死

抗拒而鄭家集麻港兩路之勇已同時趕到夾

擊賊衆不支棄營下竄維時鄢家灣營內之賊

聖軍方略卷一百三十九

十二

正圖救援忽見柏木橋陽岡口兩處火起驚顧

問我軍馳至連開大礮轟塌土牆數處賊卽潰

逃柏木橋陽岡口兩路兵勇已抄從下游截殺

而來各隊團練爭先會剿共約斃賊數千名生

擒六百名餘賊撲入襄河溺死我軍仍暫就仙

桃鎮鄢家灣等處老營修整牆柵扼紮相機卽

赴下游進剿奏入報

聞

二十五日卯乙官文奏言自中路兵潰漢川復失

賊匪上竄麥旺嘴仙桃鎮一帶勢甚猖獗臣一

面馳赴北路督辦攻剿旋將德安城池克復即

添派綿洵帶馬隊五百名並都司石清吉之勇

一千名由天門縣馳赴仙桃鎮迎頭截擊又派

孔廣順等帶兵由長江埠新溝抄出兜尾攻擊

聖學集卷百三十九

十一

襄河賊匪見我軍首尾夾攻逆膽已碎中路官

兵因襄河北岸前後俱有應援復經臣飭催兵

勇銳氣倍增魁玉錫齡阿等各帶兵勇由王泗

口等處分四路進兵夾擊賊勢不支敗竄漢川

繫馬口金家堰等處次日經千總舒渭玉帶領

川兵由北岸行抵漢川派勇襲入城中舉火內

應並調刁汭湖水勇八百餘名分三路進攻賊

匪勢窮敗潰官兵復追殺數百名落水淹斃無

算餘匪下竄我軍收復漢川縣城臣查德安既

經克復襄河漢川之賊又復下竄亟宜乘此聲

威進圖武漢現飭派往仙桃鎮長江埠各路兵

勇分投進剿並派訥欽帶領官兵九百餘名勁

勇二千名都興阿選帶馬隊一千名由孝感楊

店進攻漢口漢陽並令西凌阿帶馬隊二千名

聖學集卷百三十九

十二

官兵一千餘名駐守德郡為各路應援臣暫駐

德安部署一切即帶隊馳赴襄河居中督剿其

四川兵練三千名誠為勁旅未便令其專辦一

隅臣相機擇要進攻千總舒渭玉奮勉出力仰

懇

天恩准以守備儘先補用先換頂戴奏入

上命軍機大臣傳諭官文曰現在中路漸就疏通官文

正可督師南下乃覽本日奏報收復漢川縣城仍暫駐德安實堪詫異官文馳抵德安已在攻復郡城之後計今又逾半月不卽乘此聲威趨程進發遠駐無賊之地似此有意遷延避難就易何以激勵軍心羅澤南以五千餘勇敵賊數萬因彭三元等勦辦失利扼駐羊樓事機喫緊急盼北路援兵會勦何以此次未聞籌及現在中北兩路均已得手卽當統率官兵

聖朝方略卷三十九

七

由北而南與襄河兵勇乘勢下壓約會胡林翼等爲三面兜勦之計其西凌阿所帶馬隊酌量留駐德安以固北路不得藉布置善後爲詞致失機宜

上諭內閣曰此次官文督飭兵勇擊退襄河一帶賊匪收復漢川勦辦尙爲得手著官文督飭各路兵勇乘此聲威將下竄賊匪悉數殄除千總舒渭玉帶勇收復漢川尙屬奮勉著以守備儘先補用先換頂戴

同日向榮吉爾杭阿奏言鎮江逆匪被我軍犁毀金雞嶺賊壘後卽負固不出九月十三日探有竄往瓜州之信臣等恐其聲東擊西當飭東南兩路各嚴警備仍於十四日五更派令副將慶文等統領大隊自西路分道截勦該逆甫經出城見官兵勢大仍復竄回我兵直抵寶蓋山下及西門外一帶地方連環轟擊傷斃極多臣

聖朝方略卷三十九

六

等竊思該逆雖未突圍北渡而金山兀峙中流爲其所踞南北之往來總難斷絕隨卽密派千總李玉林等豫備火船帶領水勇從上游高資港放船出口潛襲金山適遇賊匪哨船我船開槍擊沈數隻餘皆逃回金山遊擊陳世章駛赴下游擊沈賊船數隻其餘賊船立卽星散臣吉爾杭阿親督各路兵勇至煙墩山一帶接應余

萬清派出隊伍在摩旗山一帶為後路聲援迨
聞江中槍礮聲起慶文等分路由金雞嶺煙墩
山進攻寶蓋山該逆憑高施放槍礮拒敵我兵
奮勇轟擊望見賊壘中旗幟倒亂乘勢上衝臣
吉爾杭阿復會同虎嵩林督飭慶文等各帶小
隊前赴南門外虎頭山查看地勢瞭望城中情
形以誘之該逆鼠伏不出旋見我人數不多即

聖朝專方略卷一百三十九

十九

有數百人前來衝犯當經在煙墩山南紮營之
周兆熊等前來接應與慶文等夾擊將此股逆
匪殲盡旋接探報金陵逆匪挑備馬步數千分
三路由陸來鎮救援臣向榮即抽撥兵丁移紮
附近龍潭之東陽鎮地方臣吉爾杭阿派隊在
高資鎮紮營五座以扼其衝奏入報

聞

二十六日丙辰向榮奏言十月初一日黎明該逆
從朝陽門龍脖子各出賊匪數千分撲川東湖
南營盤經副將西林等迎勦斃逆二三十名該
逆撲近明陵左側適張騰蛟伏兵齊起擊斃甚
多賊勢稍卻遙見後有騎馬賊千餘已由太平
門接應又有大股分作兩翼由鍾山腳下馳突
抄來副都統德崇額督領吉林黑龍江馬隊同

聖朝專方略卷一百三十九

二十

副將王俊自靈谷寺山前分隊迎敵其時署江
甯將軍福興已抄至湖南營前督戰即令遊擊
李定太率同親軍從旁要擊並令川東貴州官
兵與兩廣各勇夾擊該逆反奔自相踐踏均向
龍脖子逃去蕪湖各壘餘賊自鄧紹良火攻後
乘勝晝夜攻勦未能得手惟節次截勦旗羅山
一帶援賊屢有斬擒祇因圍勦兼籌兵力不敷

分布現於蕪湖西南二街口趕築礮臺三座移營屯扼並將二三千斤大礮運往轟擊該處緊對寶塔根之前兼可旁擊大石壘及小河南之賊我兵將該逆浮橋擊斷賊壘兩面不通可期漸次掃蕩吳全美泊堵上游探有安慶賊衆分水陸來援蕪湖經紅單船赴泥汊河迎勦燔沈賊船十餘隻餘逆向上游遠逃復經吳全美節

聖皇聖方略卷三十九

三

次扼勦斃賊甚多臣檄令吳全美分扼弋磯等處並撥李德麟拖舂船歸併調遣兼顧南北兩岸奏八報

二十九日己未官文奏言臣於漢川克復後即飭

李光榮力破蔡店現據稟報十月十七日李光榮前隊舒渭玉帶領川勇會合漢川團練分投

進攻蔡店攻破該逆水陸二卡偏近賊巢適有

被擄良民該逆派爲前隊見官兵至各棄刀矛

投誠跪迎後隊賊勢不支兵勇乘之賊遂大潰

我兵四面抄殺殲斃數百名餘匪竄歸漢陽李

光榮已帶兵進紮蔡店臣前派孔廣順帶川兵

四百餘名都司王玉琳帶鄖竹官兵一千名並

陳時森帶南勇五百名抄擊襄河賊匪現已催

聖皇聖方略卷三十九

三

其由蔡店會合進攻漢陽訥欽都興阿之馬步

隊即催其由楊店進攻漢口又派李錦鑾等帶

勇三千餘名由侏儒山一路進攻漢陽副將顏

朝斌帶四川勁旅爲臣前隊兼程前進會同派

攻漢陽漢口各軍擇要進勦並令都司石清吉

帶勇繞出多寶灣駐紮漢川綿洵帶馬隊繼進

爲中路一帶接應臣布置周妥催兵起隊後即

由德安起程馳往中路嚴督各軍進剿漢陽一
克則與大江諸軍聲氣已通可與羅澤南互相
援應現又催總兵德恩帶夔巫防兵二千名遊
擊侯鳳岐帶兵一千名各由大江直下接應羅
澤南一軍力攻武昌使該逆首尾不顧剿辦易
於得手惟川兵以候餉為詞屢催尙未到荆伏
乞

聖學軍方略卷二百三十九

三

飭下嚴催前進俾免稽延奏入

上命軍機大臣傳諭官文曰官文奏由各路進攻漢陽
之兵數已逾萬果能分投並進併力會攻原不難力
克漢陽聯絡南岸但閱該大臣所奏有催兵起隊後
即日由德安起程之語似全隊進兵尙需時日軍務
貴速豈可空言布置遲遲不發著嚴督派出諸將剋
日前進齊抵漢陽漢口不准稍有遲滯並著該大臣

親統官軍趨程前進與各路兵勇同抵該郡以期迅
速攻克若徒事遷延而以道路窳遠之兵指為接應
南軍之用儻羅澤南一軍稍有挫失該大臣亦不能
藉口諉過也其侯鳳岐所帶官兵仍著該大臣嚴催
速進

聖學軍方略卷二百三十九

三

署總兵德恩督帶前進以資接應

上又命軍機大臣傳諭黃宗漢曰官文奏稱川兵尙在
待餉請飭迅速前進著黃宗漢即將兵餉撥給飭令

欽定剿平粵匪方略卷一百四十一 乙卯年

十一月初二日 辛酉 陸元煊奏言湖南茶陵縣

匪闖入永新縣地面經 臣續調臬司周玉衡前

往督勦該縣城垣年久失修必須以戰為守參

將柏英紮營離城十餘里之草市坳知縣華翼

綸移紮蓮花廳都司李慶華紮營洋湖各隘口

堵截九月十三日逆匪先以大股分撲洋湖草

聖皇聖略卷一百四十一

市坳柏英及華翼綸各率兵勇迎勦接戰逾時

詎該逆另股數千人繞撲縣城柏英等急回堵

禦逆匪已由缺口越入城內草市坳等處之賊

復自後夾攻我軍寡難敵眾且恐賊乘勢窺犯

府城遂退駐里田要隘二十五日探聞該逆分

竄永新安福連界之隆田地方尙留悍賊數百

在城華翼綸等冒雨進攻適知府陳宗元派勇

馳至協力攻擊逆匪俱越城而逃我軍直前追

捕華翼綸等入城安撫居民其隆田之賊於二

十六日圍攻安福縣城該縣知縣杜林派勇出

勦斃賊一百數十名奈賊愈聚愈多攻撲入城

杜林等退至里田柏英營內請兵收復其時續

調之寶勇威武軍及省城兵丁先後馳至而該

鎮阿隆阿聞永新之警即率贛州兵勇進駐安

聖皇聖略卷一百四十一

福所屬之楓田地方大河北岸分紮兩營用成

犄角之勢三十日阿隆阿督同柏英出隊該逆

恃眾迎拒自辰至午接戰三時殲賊百餘名該

逆敗退阿隆阿追逐十餘里又復殺賊數十人

不意該逆分股由南岸偷渡過河先襲寶勇營

盤繼衝贛兵營壘阿隆阿柏英回救無及復被

逆眾四面包抄以致全軍皆潰現退回里田逆

饒愈張不但吉安府城可虞卽鄰境之袁州臨
 江二府亦俱震動必須添集勁旅迅圖剿洗臣
 已飭知府周汝筠選募南康勇二千名馳往剿
 辦前調平江勇五哨尙未到吉應再添調五哨
 飛咨侍郎曾國藩飭催拔營前進合力夾擊至
 永新縣知縣華翼綸千總李慶祥安福縣知縣
 杜林參將柏英總兵阿隆阿仍令速集潰散各
 軍俟平江南康等勇到後會合兜剿藉贖前愆
 奏入

聖朝聖考卷百四



上諭內閣曰此股賊匪攻陷城池永新縣知縣華翼綸
 南安營千總李慶祥未能禦賊入城雖旋即收復地
 方究已被擾均著革職仍責令搜捕餘匪以觀後效
 安福縣知縣杜林著卽革職留營帶罪自效吉安營
 參將柏英著摘去翎頂署贛州鎮總兵阿隆阿著摘

去頂戴柏英阿隆阿仍著交部分別議處

初五日甲子胡林翼奏言逆首章俊自擊敗後復

撥石達開悍賊數千共二萬餘人自蒲圻分途

來撲其由東路楓樹嶺雷家橋沿七里冲而入

者則橫排羊樓洞北田隴一股由千嶂嶺踰山

西來約四五千人列陣於營北又一股約二三

千人由港口驛循中港而至列陣於葉家山冀

聖朝聖考卷百四



以牽掣我西面諸營羅澤南駐營山上傳令如
 賊偏營勿遽出戰東路一股忽分三路一路登
 小石山撲我左營一路踞麥園以防中營之橫
 截一路循山脊直偏右營道員李續賓督勇擊
 之與賊交鋒殺斃悍賊五六百人羅澤南分三
 路繞攻麥園知縣蔣益澧分其左營爲二一登
 小石山一繞山北抄之鼓勇而前賊衆大潰溺

斃於園外池塘者三百餘人各勇又截殺五六
百人大股由田隴狂奔散布山谷右營從七里
冲之右脊而上中營副中營循中脊左營循左
脊三路圍勦奮登其巔其在山谷者千餘人皆
刃之逸出者又追殺十餘里營北山巔之賊見
大股已敗猶思踞險自固訓導劉蓉率副右營
分路仰攻殺斃悍賊數十人唐訓方由張鼓嶺

聖朝聖方略卷一百四

五

橫截之葉家山之賊普承堯暗擊之賊俱駭奔
劉騰鴻抄其西署蒲圻縣孫守信包其左四路
截殺屍橫徧野計共斃賊三千餘人生擒二百
三十餘名據供章逆受石逆密指奮力來攻上
襲岳州石逆卽由通城攻平江共犯湖南等語
十三日 臣由嘉魚取道至羊樓洞與羅澤南會
商進取適湖南平江紳士在通城防勦勇丁二

千人與首逆石達開血戰數日平營被踏退守
平江上塔市 臣以該逆故作上竄湖南之勢者
不過牽掣我師使不得遽攻下游搆其巢穴若
我軍久駐羊樓洞遷延時日適足老師若復轉
搜崇通則兵進賊遁兵退賊出往返皆疲莫如
併力急攻直下蒲圻攻其所必救羅澤南與 臣
均卽拔營前進並約楊載福水師進紮新灘口
牌洲相機直下 臣仍一面飛咨湖南嚴防不虞
至羅澤南營中出力員弁勇丁可否由 臣查明
彙案請獎伏候

聖朝聖方略卷一百四

六

聖裁奏入
上從之

胡林翼又奏言湖北賊勢自秋冬以來大股專
注於南岸卽下游金陵皖江之賊亦專以分股

上竄為計而總不離沿江兩岸求所以制賊之
死命者惟以精練水師為先務之要 臣考古今
平賊之路未有不據上游形勢者武漢則金陵
之上游也荆襄關南北之大局而武漢又荆襄
之咽喉通籌全勢必以武漢得手設立重鎮屹
然不可再搖乃會合江西內湖一軍以水師之
全力制賊下游紅單巨艦亦得併力以扼賊吭

聖朝聖略卷二百四

七

惟外江水師船多礮少取給湖南礮局暫可供
用而模範較小不如粵東所購洋礮之美上年
侍郎曾國藩請調礮位因道梗未經運竣應請
飭下兩廣督 臣葉名琛購運五百斤以上千斤以下洋
礮六百尊派兵護交湖南舟運湖北以冬杪為
期轉交待郎曾國藩勻配以資異日東征利用
奏八

上命軍機大臣傳諭葉名琛柏貴曰胡林翼奏請飭購
運洋礮等語著葉名琛柏貴即購運五百斤以上千
斤以下洋礮六百尊派委兵弁護送由湖南運赴湖
北胡林翼軍營俾資應用

初九日 戊辰和春福濟奏言廬州近城一帶雖已

肅清而距城百餘里之三河南通舒城西接廬

江東路可達無為巢縣水陸衝要該逆久經占

聖朝聖略卷二百四

八

踞堅壁高壘復有河道環繞防備甚嚴必須趕
緊攻圍方能力取舒巢 臣等飭令鄭魁士麟瑞
移紮清平寺該逆突出千餘名來撲兵勇連開
槍礮兩面圍殺約斃賊百餘名十一月初一日
鄭魁士等分三路進剿逆匪出巢千餘人隔河
開放槍礮我軍過河三而夾攻槍礮連環逆勢
不支向西敗走兵勇追殺馬隊兩路斃抄死者

枕藉鄭魁士等槍過河西截其歸路逆匪不敢入巢將西面賊營一座平毀約斃一百數十名又准秦定三來函十月十五日會同珠克登添築營壘適南門及城外並七里河各出賊千餘人來撲秦定三珠克登督兵夾擊斃賊百餘名十七日黎明分攻南門六安門時賊營各出數百人拚死抗拒兵勇一齊衝突連斃賊十餘名

欽定剿平粵匪方略卷二百四

九

餘皆驚潰我兵趕殺斃賊一二百名又接吉順函開帶兵由柘皋移營楊徐山督兵分路進攻東門出賊千餘人我軍迎勦並令馬隊從後抄襲賊勢大潰奔敗入城約斃賊一百數十名臣等仍飭迅速進勦以圖克復奏入

論曰進攻並未得手殊深憤悶若不趕緊痛勦何日方有轉機

十一日庚午官文奏言臣於克復德安後因聞武

漢賊眾內多新擄鄉民當卽出示開導解散派撥各軍齊抵蔡店澗口等處孔廣順李光榮遂進紮距漢陽十數里之興隆集十月二十三日李光榮等帶隊直至漢口守備舒渭玉襲破竹臺寺賊卡千總李芳春撲進橋口軍功朱忠清等帶礮船由襄河直下燒燬浮橋二座上岸齊

欽定剿平粵匪方略卷二百四

十

攻殺斃賊匪無算臣現由長江埠馳出澗口李孟羣已抵漢川聲勢聯絡進攻較便其羅澤南一軍孤懸羊樓洞前調四川湖南官兵應援恐緩不濟急故力催諸軍迅徧漢陽以分賊勢臣近接胡林翼書據稱兵力已強不必分兵往援以攻取漢陽爲要臣卽力圖武漢以爲拔本之計其德安分竄黃州餘匪行至黃岡新州地方

經知府許廣藻會團進攻殺賊數百復經四面圍擊殲斃及偏入河內淹斃者不計其數當將新州肅清奏入報

十二日辛未胡林翼奏言臣由羊樓洞拔營下攻

蒲圻與羅澤南軍相為聯絡軍威益壯十月十八日羅澤南李續賓帶同署蒲圻縣孫守信審

聖皇聖考卷一百四

十一

視形勢逆渠韋賊等收集殘喘乞救於逆渠石達開分四千人令偽總制李賊率之來會兼集崇通土匪不下三萬人踞於蒲圻守具日增於鳳凰山之麓五嶽觀之巔築大營二座豐樂門外築大營一座各營之間設立石卡以扼入城之要河之北岸築木城四座以通咸甯江夏之賊搭造浮橋以濟之冀阻我師之下攻也臣等

由開道出公安畷進駐鐵山臨城西北隅賊壘遠失其險鐵山高二里綿亙數里與豐樂門之雞冠山相峙其東南為鳳凰山西北為河邊寶塔一帶諸山形勢雄險臣等以五營駐山脊俯瞰城中以四營駐山之西北以三營駐山之東南分路進攻因我軍野戰則易於取勝攻堅則受傷必多計誘賊眾來襲庶可一鼓蕩平二十

聖皇聖考卷一百四

十二

日遣捷勇數百偪壘搦戰賊出則反旗而走賊退又往如是者一日賊不敢遠追二十一日辰刻羅澤南率中營劉蓉率副右營從山右田隴而下攻南門外賊壘李續賓率右營從雞冠山脊下攻豐樂門賊壘知縣蔣益澧率左營知州唐訓方率訓字營從田隴之右林木中繞出攻五嶽觀賊壘守備周得魁等駐鳳凰山防賊之

伏遊擊普承堯紳士劉騰鴻從山左下駐寶塔
諸山截河北之賊兼以攻城張寅恭等攻城之
西北孫守信督練分布要隘臣軍方出北岸賊
衆紛紛渡河來救普承堯等率諸勇截之賊不
敢渡復督諸勇以擡槍仰攻守城之賊或緣梯
而上或肉薄而登爲賊滾木亂石所阻終莫能
上城中之賊爲我所截亦無出救賊壘者李續

欽定剿平粵匪方略卷一百四

十一

賓由雞冠山直薄豐樂門賊壘奮勇而上各營
亦極力分攻皆堅不可奪賊出柵來追諸勇乘
賊之出反旗衝殺賊又入柵自固無敢出壘迎
敵者豐樂門南門二壘之間賊立重卡卡內有
小坡賊之悍者悉萃之我軍因轉而攻卡賊以
死力拒守諸勇奮力血戰旋退旋進爲地勢所
阻終莫能入羅澤南等會商令諸勇暫駐山坡

約會各營誓破此壘劉蓉之弟劉藩親取柴草
往燒賊壘賊以槍礮轟擊劉藩身先士卒不稍
退避中礮陣亡諸勇憤之荷芻負薪奮迅而進
縱火焚燒烈燄突起賊衆乃亂乘機奪柵以入
蔣益澧殺入東嶽觀之壘唐訓方殺入河邊之
壘劉蓉率勇四面攻擊分途截殺豐樂門與南
門壘中之賊猶恃險如故羅澤南李續賓乘勢

欽定剿平粵匪方略卷一百四

十一

殺入臣遣張寅恭從城西北殺入連用大礮轟
擊賊莫能當張寅恭先射賊目策馬躍於壘中
普承忠等繼之奪柵以入賊壘殺賊三千餘名
其逃潰之賊爲諸勇殺者亦以千計內斃賊目
十餘名其餘涉河逃溺死者無算卡營俱破所
未下者僅一城耳臣於傍晚派李續賓帶勇百
餘人據雞冠山頂俯瞰賊營蔣益澧帶勇從鳳

鳳山下防賊南竄崇陽之路普承堯劉騰鴻帶
 勇至城西門外山上張寅恭周有元帶勇至寶
 塔山上循環放槍吹角賊皆驚亂各自奔逃我
 軍直追城下緣梯而上諸賊盡從北門而出黑
 夜自相踐踏殺者又以千計諸勇相繼入城
 搜殺五六百名二十二日黎明渡河將北岸賊
 營四座盡行焚燒兩日一夜約殺斃賊衆五六
 千人生擒三百七十餘名奪獲馬四百餘匹是
 役也以全力攻堅將士同心效命得以踏破賊
 營九座克復城池在營出力將領員弁應懇
 旨分別獎勵陣亡各員從優議卹

聖皇集卷一百一

十五

胡林翼又奏言浙江甯紹台道羅澤南候補道
 安慶府知府李續賓每戰必先忠勇冠時閱該
 員等家書羅澤南之父羅嘉旦年八十歲李續

賓之父李登勝年七十歲最以忠勇報
 國不得眷戀庭闈詞意正大可風是該員等之忠
 義奮發實皆稟承家訓可否仰懇

天恩賞給羅澤南祖父母父母二品封典李續賓
 賞加鹽運使銜給其父母三品封典出自
 逾格恩施奏入

上諭內閣曰此次我軍進剿踏破賊營九座克復蒲圻

聖皇集卷一百一

十六

所有疊次出力之直隸州知州唐訓方著賞加知府
 銜並賞換花翎知縣蔣益澧著以同知補用並賞換
 花翎訓導劉蓉著以知縣補用賞加同知銜並賞戴
 花翎遊擊普承堯著以參將儘先補用都司朱品隆
 著以參將補用並賞換花翎守備劉錫文周寬世張
 文煥均著以遊擊補用千總陳光孚劉人和王名濬
 均著以都司補用把總朱升開錢得勝何習藝均著

以守備補用軍功李見榮著以千總拔補並賞戴藍翎軍功普承忠著以把總拔補並賞戴藍翎把總楊德武張福田均著以守備補用已革遊擊張寅恭著開復原官署蒲圻縣知縣孫守信功過相抵著免其置議其先後陣亡之文童劉藩著追贈知縣照知縣例從優議卹都司楊泰友著照參將例從優議卹千總楊佐清楊再佑著照都司例從優議卹把總劉祥

欽定剿平粵匪方略

七

雲易光榮黃德榮張九錫外委章順清均著照守備例從優議卹從九品蔣文彬郭祥基均著照縣丞例從優議卹

又諭內閣曰布政使銜浙江甯紹台道羅澤南候補道安徽安慶府知府李續賓自帶兵出江以來勇敢直前屢著戰功允宜特沛恩施以昭獎勸羅澤南著於此次覃恩內賞給伊祖父母父母二品封典李續

賓著賞加鹽運使銜亦於此次覃恩內賞給伊父母

三品封典

十三日壬申向榮奏言逆匪自被挫後仍伏匿不

出我兵至龍脖子哨探誘敵該逆遙見人少隨於太平門出賊一千餘名我兵直前迎戰大股騎馬賊眾又由太平朝陽兩城根分股抄至各兵勇且戰且退誘賊撲過明陵伏兵齊起遊擊

欽定剿平粵匪方略

七

李定太由明陵橋南堽去都司蔣錫光從山溝橫衝參將張騰蛟將槍礮排轟擊斬馬步賊匪無算該逆擁眾鏖戰李定太縱馬橫擊連砍數十餘人力奪賊馬十餘匹逆眾稍卻經守備鄧連科由明陵西牆角堽勦潮黃兵由東牆角抄出要擊臣復派署將軍福興統領兵勇馳至督同副都統德崇額及護理副都統順庭率兵策

應賊始大敗返奔奪獲賊馬三十六匹臣思該
逆連次馬隊出撲皆被痛懲創敗愈深思竄愈
急連日探有賊眾至三汊河江甯鎮嘯聚聲言
欲犯秣陵關該處為內竄要衝竊伺最久惟有
加意防禦並飭總兵明安泰嚴守秣陵一面添
派得力兵勇赴北路巡防與高資兵勇遙作聲
援密加堵遏至蕪湖水陸圍剿各賊壘仍負固

聖朝聖略卷一百四

十九

相持所有旗羅山外援各賊或後窺神山前伺
陡門中出丁橋一帶逐日前來抵突意圖分掣
我兵通彼援救而范羅山石壘之賊亦不時乘
虛出撲鄧紹良親督兵勇防剿兼施殺賊頗多
並訊據生擒賊供江北匪黨亟欲偷渡過江接
應等語趕卽函會水師經吳全美李德麟等分
次擊沈賊船現在水陸圍截賊已無從接濟石

四

壘既形窮蹙亟可乘勢蕩平惟南岸兵力不敷
未能分撥過江臣咨商和春派軍馳至江北會
剿並飛咨鄧紹良迅圖進攻一面堵剿外援之
賊以防內犯仍責成吳全美扼剿江面使賊不
能偷渡接濟為掃穴擒渠之舉奏入報

十五日甲戌官文奏言十一月初四日漢陽城賊

聖朝聖略卷一百四

二十

分起攻撲三眼橋孔廣順督兵施放槍礮轟斃
多賊詎該逆由河下衝來賊船數十隻上岸助
戰我兵分投抵禦適顏朝斌由蔡店督隊趕至
併力齊攻當將賊匪殺敗仍追過三眼橋賊復
傾巢而至官兵迎擊一股敗去一股復來連環
撲戰河下賊船又復乘風下駛臣聞信後卽撥
兵五百派文明督帶並催調後路兵勇接應由

榔頭山殺入遊擊何越瑛首先率勇突至浮橋
邊殺斃逆賊數百護軍劉玉奇爭先衝陣孔廣
順顏朝斌等各帶兵勇夾擊槍獲賊船六隻殺
斃逆賊千餘羣賊大敗奔回城中李孟羣督隊
緊追離龜山不遠山上大礮連擊遂即收隊據
探逆賊將近山土城礮臺修整四圍密設滾木
槍礮極爲堅固漢陽逆匪晝夜興築附近居民
均被逼迫現在解散脅從使賊無附和自不難
於殲除奏入報

欽定剿平粵匪方略

三

同日陸元娘奏言查義甯州界連湖北崇陽通
城等縣羅澤南等收復城池後即赴援武昌臣
咨會劉開泰撥兵嚴守以杜回竄茲據知縣黃
振成稟稱十月十四日劉開泰督兵移營馬坳

地方有賊匪千餘竄至渣津距馬坳十里劉開
泰出隊行至渣津橋邊遇賊接仗斃賊百餘人
賊即敗退十五日寅刻劉開泰復派兵出隊分
三路渡河艾連升等爲前鋒吳邦樞等由東路
進攻吳邦柱由西路進攻劉開泰由中路進攻
以賴兵爲後隊該逆始以千餘人列陣山坡艾
連升等奮力衝殺賊旋退至山後忽於東西兩
山各出二千餘人擁擁來撲吳邦樞等分投截
擊山坳內復出賊匪二支抄襲吳邦樞等後路
又另股賊匪二三千直奔中路劉開泰督放槍
礮擊斃多匪乃賊自兩旁山麓而來愈聚愈衆
艾連升等急率勇協助被賊包裹併力衝突殺
賊數百名該逆知係統兵大員圍刺愈急劉開
泰身受重傷力竭陣亡其長子五品軍功劉以

欽定剿平粵匪方略

三

亨亦同時被害艾連升及各備弁均受多傷兵勇傷亡不少餘俱潰敗黃振成沿途收集潰兵退駐州城甚為可慮各等語臣卽飛調道員耆齡參將遮克敦布帶領贛勇一千七百餘名馳往援剿其饒郡防兵既撤省東未免空虛現咨商臣會國藩擬將湖口官渡陸營移紮都昌地面庶與饒郡聲勢聯絡遇有緩急卽可就近赴

聖皇聖考卷二百四

三

援一面札催臬司周玉衡剋日進攻安福如賊竄袁郡卽跟蹤追剿務期悉就殲除勿任蔓延贛州鎮總兵劉開泰忠勇兼備屢著戰功調度允當用能剋期收復城池其子劉以亨奮勇殺賊同時陣亡均堪憫惜合無懇

從優議卹仍將劉開泰於義甯州城建立專祠劉以亨一同附祀以慰忠魂奏八

上命軍機大臣傳諭陸元烺曰義甯為湖北崇通後路羅澤南之師自崇陽通城蒲圻一路進仗甫經克復三城而該州境內復被賊匪闖入不但傍竄內犯延蔓可虞兼恐牽掣羅澤南之後該道現與胡林翼合軍勢難返顧陸元烺已檄調贛南道耆齡參將遮克敦布帶勇千數百名馳往援剿如能將義甯賊匪掃數殲除卽著飭令耆齡等前往崇通一帶隨剿隨進

聖皇聖考卷二百四

三

與羅澤南互為聲援不可株守本境以期次第殲除上諭內閣曰此次義甯州境堵禦陣亡之總兵劉開泰前在江南大營屢著戰功赴任以來會勦義甯賊匪克復城池茲以力竭捐軀殊堪憫惜著交部從優議卹伊子五品頂戴劉以亨奮勇殺賊同時陣亡著一併交部從優議卹劉開泰並著於義甯州城建立專祠劉以亨一同附祀

欽定剿平粵匪方略卷一百四十一 乙卯年

中央民族
學院圖書

十一月十八日 丁丑 托明阿陳金綬雷以

臣等探得瓜州賊匪約鎮江金山之黨潛聚瓜

巢意圖旁竄旋於十月十九日瓜州突出賊一

千餘名直向東岸尹家橋衝撲意欲毀我新築

土圍參將英貴等帶兵迎擊斃賊百餘名賊卽

折退俄又有賊黨五六百名由虹橋與隆橋撲

來 臣 托明阿督隊嚴防賊由西岸竄擾副都統

德興阿督帶營總博奇等從浮橋過河分三路

進剿將該逆擊散二十日該逆三四千名復撲

尹家橋經參將英貴等帶兵由長橋迤北截戰

斃賊百餘名千總姜德等帶勇扼河開放槍礮

斃賊數十名賊不得渡退至虹橋隔渠衝突另

股賊匪或伏草樹之中或匿牆溝之內誘我深

入德興阿知賊狡計親率馬隊由中路直衝賊

隊擣其中堅富明阿等分帶搜伏之兵兩翼並

進賊匪登時潰亂向江路狂奔遁回瓜州我兵

正追剿間又有另股賊犯虹橋德興阿復帶兵

馳往截殺殲斃三百餘名其竄往王家港常家

橋之賊復被練勇截殺餘賊遁回瓜州其江面

賊船由瓜口及金山江汊膠檣上駛總兵陳國

泰擊沈一船斃賊多名適鎮江逆匪大股突出

與京峴山官兵接仗總兵泊承陞等親督各艇

赴南岸協剿賊勢不支紛紛潰遁回巢現據逃

出難民供稱瓜州金山賊造船隻欲撲土橋竄

回金陵復聲言欲撲下游占踞焦山等語 臣等

恐該逆聲東擊西酌撥水陸兵勇建營焦山之

上協同水師斷其下竄之路又飭陳國泰督帶

師船嚴扼瓜州上游江面與岸上營盤互相犄角總期設法緊攻誘入巢穴將賊全股殲除奏

八

上命軍機大臣傳諭托明阿吉爾杭阿陳金綬雷以誠曰瓜州逆匪窮極思竄亦在意中若不設法破其巢穴則下游焦山上游土橋各處幾於防不勝防況此時四面兜圍既已嚴密即使賊匪不出亦不難於設

聖朝聖略卷一百一

三

法進攻鎮江府城早聞可以攻克吉爾杭阿大營又方占勝勢何以遲遲未見捷音總因南北兩岸不能同時並舉南岸得勝則恐瓜州之賊下援北岸得手又恐鎮江之賊上救以致兩相牽掣日久無功著托明阿吉爾杭阿等乘此賊勢窘蹙之際趕緊籌攻誘其巢穴不可徒以防竄為詞金陵逆首半載未出近復屢遣騎馬賊隊出撲其奸詭之謀總在援應鎮江

瓜州如能先將二處克復則金陵自成孤立之勢萬勿以長圍為可恃任賊從容自竄歸併金陵復蹈揚州故轍也

二十日卯 己官文奏言逆匪自擊敗後盡調武昌

金口沌口悍賊合萬餘之眾在漢陽西門外結成大寨圖撲我軍 臣暗撥精卒助戰初八日賊乘風駛上礮船數十隻繼以陸路之賊沿岸撲

聖朝聖略卷一百一

四

來李孟羣督兵分兩路助剿一路迎敵陸路之賊一路由岸拋擲火毬以擊賊船賊船被焚正在回棹我之礮船馳出擊沈賊船四十隻奪獲大三板礮船十隻五百斤大礮二位陸路之賊甫與我軍交鋒見礮船已敗亦即返奔我軍水陸馳逐斃賊無數追過十里準賊目劉姓偪令賊目偽丞相孟姓奪回蔡店孟賊是晚謀襲城

頭山之營顏朝斌等率兵伏於營外夜半賊至
伏兵齊起掩殺賊隊大亂昏夜自相蹂躪臣督
前營移紮近城處所設法破其西門外頭卡催
令王國才由沌口進攻都興阿訥欽由黃花坳
步步進逼三面夾擊務將漢陽克復惟羅澤南
一軍自入楚境大小二十餘戰屢挫兇鋒克復
崇通蒲圻等城賊首偽易王石達開率五萬之

欽定剿平粵匪方略卷一百一十二

五

衆來抗屢戰屢敗得脫者不及萬人最爲得力
故胡林翼屢咨臣不必分兵往援囑臣專力漢
陽以圖早克乃近因石逆竄入江西義甯江西
撫臣貽書欲令羅澤南回兵剿賊而臣軍已至
漢岸時不可失胡林翼亦囑臣奏留羅澤南一
軍在楚助剿臣飛札羅澤南督軍攻剿武昌俟
克復後酌量緩急再援江西庶免顧此失彼奏

八

上命軍機大臣傳諭官文曾國藩胡林翼陸元烺羅澤
南曰羅澤南自入楚境連克三城逆首石達開率其
敗竄餘衆逃回江西其在武漢之賊當必聞風窘蹙
此次官文前隊已將漢陽出巢賊匪痛加殲勦軍情
正在喫緊據官文奏稱江西欲令羅澤南回軍勦賊
自因匪蹤闖入義甯境內急籌堵禦惟該道一軍甚

欽定剿平粵匪方略卷一百一十二

六

爲得力若遽撤回江西則楚軍攻剿武漢恐難得手
羅澤南仍應由蒲圻進發俾官文各軍得以專注漢
陽早圖克復著官文胡林翼傳諭該道俟江漢肅清
再行回兵援應江西官文亦當乘此機會速飭王國
才都興阿訥欽趕緊攻克漢陽府城爲進擣武昌之
舉至石達開著名兇悍旣已竄擾義甯州界腹地亦
應嚴防者齡遮克敦布所帶額勇此時當已馳抵義

甯周玉衡阿隆阿進剿吉安前已奏報獲勝如賊勢已衰即可移緩就急以援義甯其曾國藩軍營及陸元烺省垣各兵有可再行抽調之處並著妥商辦理不得專恃羅澤南一軍以致顧此失彼

二十一日 庚辰

命軍機大臣傳諭曾國藩陸元烺曰昨據官文奏江西因匪蹤關入義甯欲令羅澤南回軍剿賊已諭知

聖皇聖方略卷一百四十一

七

官文等傳諭該道毋庸撤回江西並諭令曾國藩陸元烺酌量調兵援剿義甯矣崇陽通城係江西湖北往來要路向為盜賊淵藪羅澤南帶兵不過數千現須由蒲圻進發與胡林翼會攻武漢而義甯州賊勢又熾可見崇通後路尚未肅清恐我軍不免受其牽掣因思江西升用知府周汝筠所帶南康縣練勇六千名上年經陳啟邁派往龍南一帶並廣東韶州勦

匪現在廣東業已肅清江西南南路情形較緩此項練勇著該署撫查明即令全數調赴崇通等處仍交周汝筠統帶勦賊以為羅澤南一軍後路至周汝筠未到以前江西有無可調之兵著曾國藩陸元烺酌量撥往助剿俟義甯肅清後即將耆齡等所帶兵勇一併飭赴湖北既可固江西之藩籬並可絕武漢賊黨之援應於大勢當有裨益

聖皇聖方略卷一百四十一

八

二十二日 辛巳 向榮奏言蕪湖居江皖之中實為南北關鍵自克復縣城後餘逆負固江濱嘯聚南北兩岸欲與我爭此要衝茲據總兵吳全美稟稱探聞江北之賊日來日眾紅單各船因無風不能起碇惟日令划船快蟹往來堵擊沿江遇有賊出隄邊即派水勇登岸抄截並將各紅船用纜牽綴排對轟打無如賊踞高岸船礮仰

擊不能盡準本月初一日南北賊划飛駛對渡經水勇分勦擊沈賊划二隻復有賊划由北岸駛出守備郭定猷登時奪獲初二日北岸又有賊划欲行偷渡郭定猷飛駕划船攔勦復將賊划撻沈訊據生擒賊供有楊逆令北岸趕緊接應送信蕪賊死守要衝之語現在江闊岸寬賊於南岸沙灘窺穴安礮與弋磯分泊紅船對擊

聖皇聖略卷一百四十一

九

我船兩面受敵且北岸尚無陸軍水師獨力難支懇請調兵會勦各等語臣思該逆南北分踞已成犄角之勢必須設法妥籌方足以資堵勦江口有關門洲一區可以相機扼紮木簕將戰船悉圍在內設立木城築以土石安礮對攻石壘遇有偷渡賊划放船駛出攔截斷賊接濟最為周妥臣已密飭鄧紹良吳全美等迅速辦理

惟南岸陸軍不過萬人紮營二十餘座內圍逆壘外勦賊援晝夜苦戰無兵可分北岸竟無一軍賊益滋蔓臣聞廬州克復和春有移師巢縣之說亟盼其追勦東下即可聯絡聲援應請

飭下和春由廬分調得力官兵馳往裕溪口扼紮會勦一經得手則上自安慶以至九江湖北下由梁山太平直搗金陵老巢均不難次第肅清矣奏

聖皇聖略卷一百四十一

十

上命軍機大臣傳諭向榮和春福濟曰蕪湖為南北咽喉關繫吳楚全局經官軍收復後該逆復以死力來爭吳全美所帶紅單師船祇能掃蕩江心鄧紹良陸路官兵祇能顧及南岸江北無兵會勦難扼守蕪湖於大局實有關繫著和春福濟即於廬州得勝兵內選派得力將弁管帶陸兵數千名剋日馳赴裕溪

口一帶與蕪湖南岸官兵聯絡夾擊毋得藉詞推諉致南軍或有疏虞

向榮又奏言金陵賊逆於本月初八日在城北附近擄脅民人臣即密飭遊擊李鴻勳等馳往截勦該逆擾及邁皋橋一帶李鴻勳趕到兜圍殲斬七八十人直追至神策門外初十日復派隊至龍脖子誘敵該逆出黨千餘在西北山溝

聖朝聖略卷一百四十一

十二

掛牆抵拒我軍亦阻溝列陣鏖戰之間忽有騎馬賊隊千餘人揮動黃旗來抄我後各兵勇且戰且退突從西南角迎擊直前該逆大驚返奔自相衝踏總兵德安即揮令乘勢壓進斃賊三四百名追至龍脖子山腳該逆已逃入太平門是日雨花臺賊營亦有匪黨出窺紅廟子一帶經總兵張國樑出隊迎勦將該匪擊退乃該逆

因連次挫敗復有大股傾巢撲出犯我楚粵兩營都司蔣錫光分兩翼迎戰川東兵由左路抄截而來參將張騰蛟由右路山溝對賊轟擊該逆大敗奔回統計兩日擊殺之賊不下六七百眾臣仍隨時堵勦兼籌以期聚殲奏入報

二十四日癸未和春福濟奏言准秦定三函開探

聖朝聖略卷一百四十一

十二

得安慶援賊二千餘名在舒城南門外添營二座十月二十九日督兵攻勦突出賊二三千人由南門七里河撲來兵勇分投追殺適南門小東門各出千餘名分抄該提督衝入賊隊吳秀等一齊擁進珠克登等合力兜圍斃賊三百餘名十一月初七日北門出賊三四千名郝光甲等分途擊勦六安門又出三千名三路包裹經

抵蕪店候催到川南之兵卽當酌飭策應諸軍
臣接胡林翼來函該署撫與署提臣楊載福軍
同抵金口羅澤南軍日內亦可趕到並派偏師
取道嘉魚下擊約俟彼軍到洪山紮定後知會
臣約期分派精兵駐於漢口之下將水師分作
兩支以一支截斷下游以一支扼守上游再以
陸軍分道步步偏攻賊必內潰武漢俱可克復

聖學集考卷二百一

十一

所有在金口沙口打仗出力員弁兵勇容俟查
明彙請獎敘奏入報

同日安徽徽甯池太廣道石景芬奏言臣前在
蕪湖因我軍連獲勝仗寶塔根左右賊壘卽日
可除惟恐江北敗匪窺伺徽州遂於十月初
親赴黟縣之羊棧西武祁門之樺根大洪各壘

查看團防尙屬周密而青陽縣之崇覺寺有雲
南開化鎮臣都隆阿與副將周天受督帶川浙
官兵駐守亦可無虞內竄臣復由徽起身道出
太涇勸諭該二縣紳董認真團練扼要嚴防於
十一月初二日馳抵甯郡詢之在防文武郡城
近尙安堵惟蕪湖南岸逆匪踞卡偷生對岸賊
巢接濟藥糧糧食非添設巡船不能斷其接濟

聖學集考卷二百一

十二

擬請

下浙江江蘇撫臣飛撥釣船六隻八槳船十隻赴蕪
采沿江一帶以備截擊巡防奏入

命軍機大臣傳諭怡良吉爾杭阿何桂清石景芬曰
前因石景芬所帶兵勇陸續裁汰令其專任地方現
該道以蕪湖賊壘未清自請籌防協剿卽著與江長
貴相度機宜協同鄧紹良等沿江勦賊肅清賊壘仍

將徽甯各屬防務認真籌辦不得顧此失彼所請飭撥釣船六隻八槳船十隻著怡良吉爾杭阿何桂清照數分撥飭赴蕪采沿江一帶交該道調用

二十九日戊子湖廣總督官文署湖北巡撫胡林

翼署湖北提督楊載福奏言本月初八等日臣等派各營自蒲圻向咸甯進發不意武昌賊匪約集興國大冶之賊五六千人先踞城拒守復

聖朝方略卷二百四十一

七

分三路直撲我營知縣邢高魁分三路應之鏖戰二時之久賊遂大敗乘勝追至橋頭殺賊二百餘名三更時賊復率眾撲營見我軍屹立不動歷時乃退羅澤南在汀泗橋聞信即率各營前進行至咸甯城西時方大霧賊始不知突見城外多壘賊眾大亂縱火焚燒橋亭使我軍無進攻之路羅澤南同李續賓率兵攻城之西北

邢高魁等攻城之東南諸勇或從橋上撲火而進或從水淺處裸身而涉直逼城下攀緣而登

賊眾盡從東門逃出分途截殺斃賊數千人隨即收復咸甯縣城羅澤南進駐桃林鋪探知逆賊敗後下竄江夏之山坡驛復乞救武昌城內之賊共得八九千人蟻聚驛店於山坡上五里四姑腦地方派民修築土城以爲頭卡於山坡

聖朝方略卷二百四十一

十六

下五里街修葺木壘以爲二卡冀以抗拒我師又伏悍賊以衝我之行陣羅澤南分各營爲前後隊行至四姑腦近處突遇賊匪分三路而來李續賓吳坤修禦中路大股知州唐訓方禦右路遊擊普承堯等禦左路羅澤南暗伏左路樹林之前以防賊伏賊乘我師列陣未就分路來撲我師亦分路應之殺斃前鋒數百人賊遂敗

走乘勝追殺賊至山坡驛前後踞險頓旗以待
羅澤南等從樹林截出賊不虞我軍之突至遽
施火槍噴筒以拒我師奮力衝突殲其前鋒七
十餘人林後之賊亦敗爲諸勇所遏不能回驛
由驛左山坳以竄山坡之賊方在抵敵遙見伏
兵已破而各路兵勇奮殺遂盡從驛北以竄知
縣蔣益澧軍功劉騰鴻聞前路礮聲不絕知與

聖朝聖略卷一百一

十九

賊戰卽與前隊共相追殺斃賊三千餘人生擒
六百餘名奪獲大小黃旗八百餘面鳥槍擡槍
七百餘件至金口各水陸要衝賊踞日久牆壘
尤堅伏思陸路正兵由蒲咸驛路而進賊必探
知可以豫爲準備如先以偏師循江岸擣金口
則水陸聲援可通而賊亦不虞官兵遽至金口
關隘可奪而有巨楊載福飭水師自陸溪口拔

營以中營都司鮑超守備李濟清前營都司王
明山副前營都司銜守備萬化林副左營守備
銜千總陳金鼇等循江南岸而下而自率右營
遊擊李成謀等循江北岸繼發又飭副將王國
才帶陸勇循北岸以渡新灘口賊聞我軍北岸
已復潰口蔡店進徧漢陽南岸復蒲咸破山坡
而由驛進發其新灘口各處之賊聞風卽潰皆

聖朝聖略卷一百一

二十

竄聚金口以禦我師復以拖罟快蟹大礮船數
十號長龍三板快划數百號泊於金口橫截中
流並以賊壘五處護之鮑超由中路奮勇當先
陳金鼇萬化林繼之李濟清抄其左王明山抄
其右四面圍擊鏖戰踰時賊以千斤大礮排列
施放四徧我軍以戰艦排列施放六徧賊怯而
不敢進我軍每放一輪卽進十餘丈六徧之後

軍船已近賊舟鮑超右肋中大礮子傷吐血升許而勇敢絕倫進戰益力衆軍益奮擊沈賊船數十隻斃賊數百名乘勢衝入賊陣施放火箭賊勢不支乃開船下竄我軍且追且燒轉戰五六十里賊船沈沒無算岸上之賊亦有驚潰水師進泊金口大軍山及臣胡林翼軍抵金口臣楊載福遂率副將王國才等以其陸師及全營

聖諭

三

水師進屯沌口臣等查南北各路仰仗

天威水陸並進臣胡林翼臣楊載福與道員羅澤南均會於金口密商訂期齊攻武漢以冀速復堅城

上紓

宸念出力及陣亡各員弁可否懇

恩分別獎勵出自

聖裁奏入

上諭內閣曰此次胡林翼等進剿咸甯山坡及金口沌

口水陸獲勝大振軍威所有奮勇出力之都司鮑超著以遊擊儘先補用並賞給壯勇巴圖魯名號千總陳金鼇著以守備補用把總吳玉清著以千總升補並賞戴藍翎陣亡之千總李見榮著照千總例議卹把總楊琢珩從九品李開益未入流史友喬外委汪永釗熊紹德黃鎮海郭榮輝劉百祿李榮均著交部

聖諭

三

從優議卹把總瞿高魁黎立祖均著照例議卹軍功歐陽光王得高周岐鳳劉鳳壽戴曉嵐王錫福張日新于得勝鄧勝華胡家順均著照外委例議卹

胡林翼又奏言臣前保知縣劉蓉久在湘魯羅

澤南稱其於當世之務無不窮究侍郎臣曾國

藩廷之幕中自克復湘潭岳州武昌以至潯城

參議軍謀竭誠贊助今秋援鄂劉蓉管帶副右

營克復通城崇陽蒲圻皆資借箸其父劉東屏年近七十屢召之歸其弟劉藩攻城陣亡劉蓉素性孝友負骸歸養惟念軍務至要當此武漢待復江南未平必須該員襄理湘營事宜應請飭下湖南撫臣傳諭劉蓉之父卽飭劉蓉迅赴軍營隨同羅澤南辦理營務奏入

上諭內閣曰湖南在籍知縣劉蓉係因親老回籍之員

聖學聖方略卷一百四十一

軍

惟據胡林翼奏稱該員熟悉營務足資襄辦著略乘章卽飭劉蓉前赴羅澤南軍營隨同辦理營務

欽定勦平粵匪方略卷一百四十二 乙卯年

中央民族學院圖書館

十二月初一日 寅 托明阿陳金綬雷以

查賊踞瓜州沿江列壘踞險負嶠日久未能攻

克者由於港汊紛歧進勦本難兼之駐營過遠

往返路遙逆賊以逸待勞隨時乘空竄擾非移

營進逼則攻勦難於施力琦善相地築牆西自

儀徵新城東至施家橋而止原以防賊匪之闖

聖學聖方略卷一百四十二

一

入而南距賊巢尙有二十餘里東西處處可通其間均係稻田溝渠迴環村落相望既無移營之地又無清野之方若非建築土圍移營進逼別無勝算可操臣等曉諭居民令富者出貲貧者效力並派遊擊滿祿已革揚州府知府張廷瑞等會同地方官剴切勸導卽沿西岸自八里鋪直達土橋舊牆池南築至江口東岸自八里

揚州隨勦已歷三年頗著勞績茲在軍營病故殊堪憫惻可否

飭部從優議卹奏入

上從之

托明阿陳金綬雷以誠又奏言查江面全賴艇師堵勦焦山戰艇節經調赴上游亟須添造以資截擊茲據局員呈報自八月十六日開廠起

聖學集考卷一百四十二

四

督飭興工倣造洋船象鼻桅戰艇一隻可配大小礮二十九位大頭猛廣艇四隻每船可配大小礮二十五位快蟹廣艇六隻每船可配大小礮二十一位龍船快艇二隻每船可配大小礮十五位總共造成大小戰艇十三隻又隨船小三板十三隻均係倣照外海船式於十月二十六日一律完工惟新造各艇配用大小礮位自

一千五百斤起至二三百斤止為數甚多開鑪興造恐稽時日現在各路軍營多有向洋船購用洋礮者業經臣等委員前赴上海一帶向商船購辦飭卽由海道運歸水師以期早資攻剿肅清江面所有各捐生應得獎敘容俟礮位配齊由臣等分別請獎局廠委員設法籌捐尙屬奮勉可否容臣等一併開單酌保奏入

聖學集考卷一百四十二

五

上從之

托明阿陳金綬雷以誠又奏言臣等查捐築之士圍雖缺濱江一面而上游之士橋與下游之焦山皆與東西兩岸土圍緊相連屬是長圍清野巨艇橫江水陸兩軍正可互資援應臣托明阿復慮該逆沿江上竄勾結金陵賊黨又於土橋迤南挑濬寬河一道直達於江以防偷越十

一月十四日有瓜鎮賊箚二座護以大小賊船數十隻由瓜州江面溯流而上直撲土橋意在誘我下追乘隙上竄總兵陳國泰飭令各船扼住要津度礮力可及陡然起碇迎擊焚燬賊船十餘隻殲賊百餘名賊箚中礮遁回匿不復出十六日賊匪箚船蠶擁而上我師開礮擊沈賊划二隻賊匪大驚折退仍靠江岸十七日乘風

聖皇聖考卷一百四十二

六

進駛以二巨箚居前復有大小賊船百餘隻隨其後甫近土橋忽沿北岸落帆並有眾賊登岸佯為築造礮臺當經總兵松齡等於沿牆各礮臺連開大礮轟擊並出隊堵勦臣托明阿飛飭陳國泰相機圍攻該逆將箚船全力進駛圖衝水營陳國泰令紅單各船分兩翼下壓礮如雨下立沈賊船二十餘隻斃賊無數該逆前箚正

竄江心猝被紅單斜衝而來適撞賊箚我兵用火包俯擲賊箚登時延燒該逆紛紛投水隨後最大一箚被紅單各船追及兵勇跳躍過箚揮刀奮斫斃賊甚多生擒偽參護鄭金桂等多名是日北岸陸路賊匪約有數百名由江灘直趨土橋總兵松齡等出土圍柵門分路截勦殺賊過半追至軍橋餘賊多擠溺橋下盡毀其沿路

聖皇聖考卷一百四十二

七

卡柵臣等東西出隊環攻瓜巢以分賊勢復據水師總兵陳世忠稟報十六日望見金陵城外沙塵蔽空下關賊船數十號連檣下駛探知金陵首逆派賊萬餘水陸並下救援瓜鎮陸路之賊已經向榮分兵追擊並有吉爾杭阿豫撥鎮江兵勇迎勦該鎮卽專截水路下竄賊船先以兵勇小船駛入內河另以大號艇船阻截江口

各兵勇行至燕子磯恰遇賊船當即開礮並用各項火器對準拋放礮賊焚船不計其數追至觀音門賊已進口用木簞橫阻祇見陸路賊一千餘名沿岸撲來船內餘賊亦皆登岸陳世忠等撥兵上岸與豫伏兵勇及六合水勇奮力夾勦賊且戰且逃各兵勇追入山谷沿路賊屍枕藉當因山深路僻賊易潛藏復分兵勇各路窮搜果有餘匪數百名伏於烏龍山嶺時已昏黑兵勇嚴守山腰至十七日黎明奮勇登山該逆先用亂石拋擊旋以槍械接戰我兵勇短兵直前賊紛紛中傷墜崖墮澗者無算查瓜州逆匪受此大創已足以褫逆魄惟奸謀叵測仍不敢以屢獲全勝稍弛周防奏入報

聖朝聖略卷一百四十二

八

初二日辛卯向榮吉爾杭阿奏言鎮江逆匪自連次痛勦後勢漸窮蹙有由陸路南竄丹陽水路占踞焦山東竄江陰之謠臣吉爾杭阿查該逆南竄丹陽之路必由東南北三門而出其東北二門自沿江地選築牆至京峴山有余萬清紮營堵勦無虞竄逸惟南門外地大兵單虎頭山尤當衝要因飭已革鹽知事張翊國紮營虎頭山下充當頭敵一面商之余萬清將潮勇移紮都天廟並飭副都統致祥等將前駐茶亭之四營移近駐紮與東西各路營盤聯絡十月二十六日該逆由南門衝突而出一經我兵出隊迎勦即潛身頽垣敗壁中施放槍礮我兵不能進攻是夜密商虎嵩林等帶領兵夫將該處垣壁拆毀二十七日該逆復由南門而出我兵奮勇

聖朝聖略卷一百四十三

九

閱

一萬二千〇〇〇 冊 續修四庫全書 史部 紀事本末類

直前該逆卽退回城於虎頭山迤東之羊角山
修築礮臺對新紮各營開礮轟擊二十八日余
萬清帶領隊伍運礮數尊排列於都天廟前向
羊角山橫擊臣吉爾杭阿督同知府劉存厚等
帶隊至摩旗山開礮向羊角山斜擊虎嵩林等
由正面攻搶羊角山擊至申刻摩旗山開放大
礮擊斃多賊城上人聲慌亂羊角山之賊亦漸

聖朝集方略卷一百四十二

十

不能支持遊擊姚麟將賊築礮臺全行平毀余
萬清所派隊伍亦將其護礮土硬犁平是役鏖
戰至六時之久擊斃逆匪約有千人十一月初
一日江北賊船聯檣而來蟻聚南門城外我兵
嚴陣以待至申刻始行散去遂將虎頭山營盤
趕緊興築完整飭令張翊國等移紮山巔該逆
在城牆施放大礮俱越我虎頭山營盤而過其

擡礮鳥槍及我營牆而止該逆已技無所施初
五日衆逆沿江而上臣吉爾杭阿當飭遊擊李
若珠等迎擊一面商令虎嵩林等尾抄其後該
逆行至九擺渡地方見我兵前後追襲由濱江
沙灘狂奔而遁臣吉爾杭阿知該逆南竄之路
已絕必將西竄金陵因函商托明阿在陳國泰
所帶紅單船內抽撥五隻移紮南岸高資港口

聖朝集方略卷一百四十三

十一

與高資營盤互相聯絡十二月十五日會同虎
嵩林等前赴永固等洲將洲上樹木砍伐賊由
金雞巔一帶出巢臣吉爾杭阿派參將周兆熊
等分路夾擊斃賊不計其數該逆因陸路無從
竄逸勢不能不占踞焦山東竄江陰臣等當會
同前撫臣許乃釗及余萬清等前赴焦山查看
形勢函商托明阿等於南北兩岸兵勇內抽撥

二百名紮營焦山安設礮位與艇師各營盤互相犄角十四十五等日該逆用木紮筏兩架上築礮城輔以江船數十號乘風上竄臣吉爾杭阿登高瞭望目擊陳國泰排列水陣擧獲木筏一架焚燬一架並獲江船多隻十六日金陵逆匪數千分作兩股由棲霞一帶直竄而下援應鎮逆臣向榮一面調派總兵德安張國樑分投

聖朝集略卷一百一十二 上

追勦臣吉爾杭阿亦飛商余萬清等派兵馳赴高資而兩股逆匪已為德安張國樑等勦洗殆盡十九日金陵逆黨由觀音門一帶來援鎮江臣吉爾杭阿仍飭虎嵩林等馳赴龍潭迎勦並杜其旁竄句容之路旋接探報此股逆匪亦經張國樑等擊敗回巢旋聞鎮城逆眾於南門迤西修築木架礮臺臣吉爾杭阿會同余萬清親

聞

赴摩旗山將大礮對準燃放轟倒賊築礮臺該逆由東北二門出賊數百人直撲王家灣欲燒民屋經我兵奮擊傷賊數名該逆恃眾抵拒參將台斐音等憑牆施放大礮擊入賊隊一面由江邊抄襲逆勢不支敗竄回城臣等竊思該逆於數日之間水陸並竄金陵之逆又分隊下援其窮蹙情形已可概見現在水陸大獲勝仗逆

聖朝集略卷一百一十二 上

膽更寒而我兵南北合圍水陸並堵可期聚而殲之奏入報
初五日甲午載增富森奏言接據各營稟報賊在武漢分股由大江襄河而上意圖竄擾荊州經王國才等追至金口蔡店將上竄之匪極力痛勦賊眾敗退並聞官文胡林翼及羅澤南等均

移營進偏武漢是賊勢漸見窮蹙惟沔陽及監利潛江一帶外江內湖港汊分歧直通下游均爲荊州門戶誠恐賊情譎詐仍分股暗趨別徑伺隙分竄是沔監潛各處轉覺空虛不得不格外嚴防查前調四川兵勇二千名係奉

旨專爲防守荊州十一月二十日先抵荆一千五百名現經官文調赴大營會勦情形較急未便截留

但中路下游之師實屬太少合無仰懇

天恩飭令官文酌撥兵勇駐紮中路要隘以資防勦奏
八

上命軍機大臣傳諭官文曰襄河上竄之賊雖經王國才等擊退而沔陽及監利潛江一帶湖港分歧恐賊情譎詐以大股牽掣我軍分股暗趨潛沔各路前次所調四川兵勇本爲防守荊州既經官文調赴大營

會勦則此時中路空虛自應撥兵援應著官文體察情形如大營兵勇有可分撥卽飭赴中路駐紮各要隘以固荊州門戶一面仍知照載增等嚴密防範毋稍疏虞

初六日乙未向榮奏言金陵踞匪雖疊受創懲而時萌接應鎮江內犯蘇常之意節經添兵嚴防連日探有湖北竄回之賊五六千人合併城中

死黨嘯聚觀音門七里洲一帶十一月十五日據探該逆分作數路聲言夜間大夥齊出一走姚坊門至仙鶴門內犯兩股由觀音門直趨棲霞東陽一帶竄援鎮江分黨由太平朝陽洪武三門出撲牽綴我兵又有賊船二百餘隻由七里洲出江下竄當經挑派兩粵四川各兵勇及黑龍江吉林馬隊交總兵德安張國樑統帶馳

赴仙鶴門迎勦次日守備李日昇等與賊接仗
適德安張國樑大軍從後路兜至逆衆大敗回
奔又經黑龍江馬隊圍勦斬馘一千數百名餘
賊沿江敗走我軍奮勇追擊該逆撲水淹溺者
又七八百人生擒二百三十餘名此股賊匪幾
無遺類而前竄之賊約有三千餘人一股已至
東陽一股尙在棲霞街 臣飛令張國樑繞過東

聖朝聖略卷一百四十三

末

陽以德安堵勦棲霞後路十七日張國樑會合
兵勇行至東陽前面該逆擁衆苦戰張國樑揮
令馬隊抄攻賊果後顧驚亂德安聞東路礮聲
亦分兵三隊由上流涉水攻進逆衆正在棲霞
街造飯被我軍三面兜圍一鼓衝入該逆突出
一千餘衆前來抵敵遊擊李鴻勳等各率兵勇
突入賊隊殲賊四百餘名該逆立時敗潰維時

張國樑一軍已由東陽追來兩面夾勦賊敗走
石埠橋江邊經我軍馬步隊伍沿江追截俘斬
不計其數餘俱撲溺大江無一得脫者其逸出
江邊之賊經總兵陳世忠艇師及六合縣兵勇
擒斬數十餘名竄匿各村莊者亦經句容縣勇
練搜捕正法十九日復探有賊二三千人在觀
音門一帶築壘空濠當與福興籌商調度飭令

聖朝聖略卷一百四十三

七

張國樑等馳往傅家橋分投進剿定於二十日
寅刻齊至觀音門張國樑先由東路殺進擊斃
逆衆數十人秦如虎由西路翻山攻進遇賊千
餘迎戰經守備杜照瑞等各帶兵勇包抄該逆
紛紛敗走秦如虎督兵直前追近中路適順庭
已領旗兵衝入餘逆四散竄逃復經馬隊左右
抄攔截殺二百數十名一齊追至岔路口突有

悍賊數百來援秦如虎揮令董洪昇等迎戰將
悍賊併力擊刺斃賊不計其數餘匪狂逸江邊
我軍盡力追逐該逆撲江淹溺聞有梟水得脫
者均奔入儀鳳門水營連環開放大礮我軍阻
水難進將一帶賊巢焚燬淨盡統計斃賊共三
千餘名二十三日首逆韋滄輝聚黨數千竄至
觀音門一帶臣仍令張國樑秦如虎分統官兵

聖朝聖略卷一百四十三

十六

連夜馳往仙鶴門於二十四日分路進剿該逆
卽行遁回張國樑等會兵追過觀音門焚燬賊
卡數處因思北路當內犯之衝乃江鎮往來要
隘該逆連出窺竄我兵漏夜馳截並檄鎮營兵
勇節次往來未免疲於奔命因與吉爾杭阿函
商必須屯兵北路委令副將王浚前往履勘查
東陽鎮最爲扼要由江鎮抽勇二千名交德安

帶赴該處紮營四座相機戰守旣以逼金陵賊
出並可斷賊逆歸途一俟兵力稍充再步步由
城北移營進逼以爲合圍克復之計

向榮又奏言蕪湖逆匪盤踞神山意圖內犯十
一月十五日一戰擊退神山之賊十八日范羅
山石壘之賊忽出弋磯江邊窺伺陸軍追近賊
壘外濠逆衆復回抗拒千總黃縉帶勇撲入斃

聖朝聖略卷一百四十三

十九

賊五六十名不防賊於迎面猝至刺中心坎登
時陣亡二十三等日旗羅陶陽鋪等處賊匪
全股齊出疊犯神山並旁擾龍村陡門丁橋一
帶直撲我營其范羅山之賊亦衝突常山弋磯
率綴我軍連日鏖戰各兵勇踴躍用命擊斬賊
匪一千數百名其紅單拖督等船節次在江中
乘風攻剿並經吳全美率同各水勇快蟹划船

晝夜巡堵江面屢次截獲偷渡賊划殺斃多賊
 據鄧紹良呈稱太平金柱關又到賊黨分股至
 查家灣焚劫嘯聚擄掠船隻聲言欲犯黃池該
 處當內竄要衝直接高瀆東壩現在東陽既須
 堵紮秣陵關亦無兵可抽臣惟有揀派精銳一
 軍以備緩急如果黃池有警卽令總兵明安泰
 統帶馳援由高瀆一帶攔剿一面密飭鄧紹良
 妥防後路不可稍有疏虞其蕪湖內外之賊出
 沒靡常與江北賊勢蔓延如能先將江面扼斷
 使該逆不能接濟自可以次蕩平所有前籌關
 門洲攔紮木簔已飭催鄧紹良等趕緊妥辦並
 令與吳全美力圖扼剿一面設法進攻毋再遷
 延奏八

聖朝聖學卷二百四十二

三

上命軍機大臣傳諭向榮怡良吉爾杭阿曰金陵賊匪

窺伺蘇常已非一日向榮以東陽鎮最爲扼要飭德
 安帶兵前往紮營堵遏足斷逆賊北面往來之路據
 鄧紹良探報太平金柱關匪黨欲犯黃池則高瀆東
 壩一帶均關緊要著向榮與吉爾杭阿確探賊蹤撥
 兵應援一面飭德安明安泰等相機攔剿毋令內犯
 至該逆窺伺腹地必先分布奸細潛往勾結怡良駐
 紮常州著嚴飭地方文武員弁於丹陽高瀆無錫一
 帶嚴拏奸細以消內患設有警信並著怡良就近撥
 兵策應毋稍疏懈

聖朝聖學卷二百四十二

三

上諭內閣曰此次金陵賊匪大股屬至蕪湖賊出窺伺
 均經向榮督派將弁進擊大獲勝仗所有在事出力
 員弁卽著擇尤保奏陣亡千總黃縉著交部從優議
 卹

初七日 丙申和春福濟奏言廬州爲北路第一門

戶防守最關緊要焦湖路達金陵距廬城僅四十里雖於丙子鋪紮營堵禦而湖面遼闊處處皆通朝發可以夕至此時防禦要隘巡守城垣兵本無多逆匪萬一來窺所關甚鉅昨據六安州知州茅念劬稟報盤獲奸細據供安慶賊匪探聞廬郡兵少有由桐城襲廬之說逆情詭譎不可不防臣等就近督勦三河尖以定人心官軍祇有此數不得不先其所急擬俟三河尖勦匪淨盡卽行進攻廬巢無爲桐城一面進圖安慶以清江北奏入報

欽定剿平粵匪方略卷一百四十三

三

同日陸元娘奏言十月十六日臬司周玉衡帶勇行至廬陵安福交界之里田地方會同阿隆阿等分隊前進安福城內逆匪見大兵將至先

聞

行竄出北門埋伏白華山下阿隆阿等督令後隊士卒裏外夾擊殲賊一百餘名敗匪均望分宜奔竄當將縣城收復該逆竄至分宜縣車谷地方知縣汪正準率勇堵禦詎該逆繞由小路撲入縣城汪正準援救無及卽就鄉間添募壯勇於二十日率領進勦適安福袁州援兵四集該逆卽由陽橋一帶向萬載逃逸汪正準隨同

欽定剿平粵匪方略卷一百四十三

三

阿隆阿等收復城池先是署萬載縣知縣李吉言探聞賊擾分宜卽派勇前赴塘下地方守禦嗣聞義甯另股逆匪窺擾新昌李吉言卽率勇赴盧家洲防堵二十三日分宜之賊從陽橋直撲塘下兵勇被衝潰散致賊越入城內李吉言由盧家洲折回與張朝縉等收集潰兵共圖克復阿隆阿周玉衡亦派兵勇馳赴萬載十一月

初一日在寨下地方鏖戰斃匪三百餘名追殺數十名該逆來撲五次均為我軍擊退是夜焚燒衙署民房悉向新昌逃遁李吉言隨即折回收復其湖北大股逆匪在渣津地方與義甯防兵打仗後竄至新昌縣天寶鄉知縣莊丙熊探知賊擾縣境遄回防堵而該匪乘虛撲入新昌縣城萬載敗賊亦至新昌合為一起有從上高

聖皇聖考

聖

棠浦兩路窺犯瑞州及臨江樟樹之謠瑞臨二郡甚為喫重臣現飭周玉衡就近馳往臨江瑞州二府確探賊蹤所向迎頭兜剿並同各路兵勇相機夾擊總兵阿隆阿前於楓田剿賊失利經臣奏請交部議處並將參將柏英摘去頂翎今該鎮將會同周玉衡督率兵勇收復安福等縣均屬出力前請議處摘去頂翎之案懇

恩開復安福縣知縣杜林隨同收復城池功過尙足相

抵應免置議署分宜縣知縣汪正準署萬載縣知縣李吉言被賊越入城內雖即收復究屬防範不力署新昌縣知縣莊丙熊被賊竄撲入城雖先期公出究屬未能豫防俱屬咎有應得相應請

聖皇聖考

聖

旨將汪正準李吉言莊丙熊一併革職責令與杜林分別趕辦善後並隨同攻剿縣丞張育楠千總胡殿魁外委王逢亮樂捷元受傷陣亡應請

飭部從優議卹奏入

上諭內閣曰陸元娘奏官兵收復安福等縣情形湖北崇通逆匪竄踞安福總兵阿隆阿等督兵收復該匪敗竄分宜阿隆阿等援兵進剿賊匪竄陷萬載即將分宜縣城收復復經官兵馳赴萬載擊斃賊匪多名

收復縣城該逆退踞新昌現在派兵迎勦贛州鎮總兵阿隆阿吉安營參將柏英援勦出力所有前案議處及摘去翎頂之處均著准其開復已革安福縣知縣杜林隨同收復縣城功過尙足相抵著免其置議署分宜縣知縣汪正準署萬載縣知縣李吉言於縣城被陷後雖卽收復究屬防範不力著與因公出境之署新昌縣知縣莊丙熊一併革職與杜林分別起

欽定剿平粵匪方略卷一百四十三

三

辦善後並隨同攻勦縣丞張育楠千總胡殿魁外委王逢亮樂捷元奮勇殺賊受傷陣亡均著交部從優議卹

中央民族
書院圖書

欽定剿平粵匪方略卷一百四十三 乙卯年

中央民族
書院圖書

十二月初九日 戊陸元烺奏言查瑞州久坍塌無險可憑知府王嘉麟會同都司唐應魁及帶領平江勇之知縣劉希洛李錕於離城二里許之高岡分紮三營合力扼守署高安縣知縣吳攸之在城巡防十一月初九日探知新昌大股逆匪已至棠浦村前一帶王嘉麟卽飭

欽定剿平粵匪方略卷一百四十三

一

各營嚴行準備賊匪四五百人分三路來撲勢甚猖獗劉希洛等俟賊撲近傳令出隊李錕派勇由左路抄出劉希洛派勇由右路抄出又合派六哨由中路迎勦王嘉麟唐應魁率兵爲後路策應殺賊五百餘名生擒八十餘名逆衆大敗狂竄追至望城岡又殲斃無數十一日賊匪分路撲營劉希洛李錕督勇迎擊匪黨兇悍異

常王嘉麟唐應魁馳往策應血戰五時斃賊千餘人奈彼眾我寡兵勇死傷枕藉劉希洛李銀力竭被害王嘉麟唐應魁亦各身受數傷被匪重重圍裏吳攸之與額外吳松齡前往救援始得突圍而出詎逆匪已分股由北門擁入城內兵勇均被衝散現在收拾潰兵添募鄉勇力圖克復又聞新昌逆匪由上高界埠陰岡嶺攻撲臨江防隘兵勇失利被匪闖入城內文武各員不知下落並聞兩路逆匪意圖直犯省城臬司周玉衡於收復萬載後探知新昌之賊將犯瑞臨二郡湖南鄱縣之賊已竄入吉安府永甯縣分撥練勇取道宜春分宜援救瑞州等處親帶兵勇馳往吉安進剿永甯臣查臨江與撫州吉安連界瑞州又壤接奉新靖安省南一帶均為

聖朝聖考卷二百四十三

二十一

震動該逆或徑犯省城或旁窺鄰郡俱屬堪虞現飛飭周玉衡督率兵勇趕緊折回臨江並飛催道員耆齡帶領駐防饒郡額勇一千七百名知府周汝筠添募南康勇二千名馳往兜剿一面咨商會國藩酌撥勁旅協助惟江省界連皖楚粵東三面受敵沿邊要隘處處須防額兵本屬無多省城及各郡所募練勇合計雖有萬餘一經分派防勦仍覺其少此時兩湖大股逆匪盤踞腹地尤有防不勝防之勢省垣守兵僅二千有奇不敷分布合無仰懇天恩飭下湖南撫臣選派得力兵勇二千名派員管帶星馳來江助剿署瑞州府知府王嘉麟署高安縣知縣吳攸之護理瑞州營都司唐應魁堵禦不力請

聖朝聖考卷二百四十三

三

一五 二六 三

旨一併革職帶罪圖功臬司周玉衡僅派備弁往援輕
重失當臣未能先事豫防均咎有應得請將臣
及該臬司交部議處候補知縣劉希洛李銀血
戰多時力竭陣亡應請

飭部從優議卹

陸元烺又奏言候補知府劉長佑前在江省剿
匪甚資其力雖此時南省郴桂軍務尙未蕪事

聖學方略卷二百四十三

四

而江楚輔車相依江省之賊一日不除楚南之
防一日不容稍懈應請

飭下湖南撫臣卽派劉長佑統帶兵勇來江以期綏靖

腹地

同日江西學政廉兆綸奏言江省自軍興以來
守備單弱俱借資於募勇聞通省募勇約有一
萬五六千名若使人人用命已不爲少乃或稱

某軍或稱某勇覈其名目竟有二三十項之多
至帶勇之員惟聞新升贛南道者齡統帶二千
餘名駐紮饒州其餘或數百人爲一隊或百餘
人爲一隊管帶者多係微末之員彼此不相統
屬每遇地方有警則稟由撫臣酌撥數隊前往
先到者每以後隊未集爲辭後來者又觀望前
隊之利鈍往往遲留不進幸俱進矣而意見各

聖學方略卷二百四十三

五

殊勝則互訐以競其功敗則爭潰而不相救甚
且擾民冒餉乘便營私種種弊端不勝枚舉前
年八月省城解圍祇九江一郡喫重經曾國藩
等提兵勦辦江省北面無虞所有此項募勇不
過彈壓土匪藉壯聲威而已義甯被擾以來賴
羅澤南一軍督兵克復及該道提軍入楚逆匪
又乘隙竄撲鎮臣劉開泰陣亡遂陷新昌其自

湖南竄踞永新之匪復與合夥賊勢日張本月
初十十一等日又聞分踞瑞州臨江兩郡距省
城不過一二百里中間並無阻隔設有倉卒以
此散而無紀者當之何恃不恐 臣愚就現在情
形而論惟有請

旨飭下撫 臣速將所募之勇裁去一切名號併為三四

軍每軍可得四五百人由撫 臣妥派監司大員

聖朝聖考卷一百四十三

木

素有威望者三四人各統一軍其軍中分領之

員弁以及戰守攻取之宜即由派出之大員相

機辦理而撫 臣居中統制以責其成功如此則

後效或可幾而前弊亦可去也 臣聞省垣兵勇

現祇二千餘名守禦已形單弱而江省武弁急

切又無可用之材即上年所請揀發來江者亦

均未經戰陣難資統帶此時所恃者惟勇設復

因循散漫為之奈何署撫 臣陸元烺辦事非不
勤懇而省垣兵力既單帶勇者又不可靠其視
署任未必無五日京兆之見似須實任者早到
方可事權歸一聞新任巡撫由陝西山西迂道
迎摺北上尚無到任確期相應請

旨飭令兼程速赴新任以專責成均奏入

上命軍機大臣傳諭曾國藩文俊陸元烺曰江西臨江

聖朝聖考卷一百四十三

七

瑞州距省城僅一二百里均係一水可達此時省城

防兵僅二千餘名緩急萬不可恃曾國藩近在九江

所帶水陸兵勇為數不少著即迅撥兵勇馳往瑞州

臨江二處與本省兵勇合力勦截以遏賊鋒並著會

同該撫等分兵嚴扼要路保護省垣毋稍疏懈前諭

令將黃贊湯所帶練勇四千名分撥布置原恐湖南

湖北逆匪合而為一擾及袁臨今既已合股內竄著

陸元烺卽將該侍郎所帶練勇派委文武幹員統帶前進與周玉衡周汝筠等合力攻勦加以耆齡所帶兵勇與曾國藩所撥兵勇前後夾擊庶不至擾及省垣萬不可專待湖南之兵致滋貽誤本日復據廉兆綸奏江西募勇約有一萬五六千而名目繁多竟有百餘人爲一隊者似此散而無紀遇敵何能制勝該學政所請裁去一切名號併爲三四軍每軍可得四

聖皇聖略卷一百四十三

八

五千人派素有威望大員各統一軍責成勦賊較爲得力著陸元烺酌量歸併派員管帶此時南昌省城偏近賊氛一切守禦事宜甚爲喫重新任巡撫文俊現抵何處著卽迅速赴任與曾國藩妥籌勦辦毋再耽延文俊自楚省赴江紆回繞道名爲迎摺實則故意耽延勿謂朕見聞莫及也

上又命軍機大臣傳諭駱秉章曰湖北崇通賊匪並湖

南茶陵州之賊竄入江西義甯萬載等州縣後股竄踞新昌遂撲瑞州由北門擁入其分股逆匪復攻陷臨江該省兩府城池先後失守賊氛偏近省垣人情震動湖南壤地相接應援較近著駱秉章選派精勁兵勇二千名卽日前往江西助勦候補知府劉長佑前經該撫奏留湖南並令帶勇與王葆生等會勦鄱縣賊匪此時江西情形緊急著駱秉章卽將所派兵

聖皇聖略卷一百四十三

九

勇交劉長佑統帶刻日赴江協力攻勦儘劉長佑不能前往卽著駱秉章另派得力員弁統兵前進其應備器械鉛藥口糧等項均著妥爲籌備俾得迅速成行不致遲延貽誤

上諭內閣曰此次兩湖逆匪分竄江西腹地意圖窺伺省城著曾國藩陸元烺卽添兵募勇速圖克復毋令盤踞臨張署瑞州府知府王嘉麟署高安縣知縣

吳攸之護理瑞州營都司唐應魁雖經力戰受傷究屬堵禦不力著一併革職帶罪圖功按察使周玉衡帶兵赴勦未能趕緊應援陸元烜不能先事豫防均屬咎有應得著一併交部議處候補知縣劉希洛李銀力竭陣亡殊堪憫惻均著交部從優議卹至臨江如何被擾情形及該文武員弁下落著陸元烜查明具奏

聖朝聖學卷一百四十三

十一

聖朝聖學卷一百四十三

十一

初十日巳官文楊載福胡林翼奏言十一月二十八日道員羅澤南率湘勇各營紮洪山南岡修築營盤賊眾聚蛇山觀望不敢出戰臣胡林翼於紙坊拔營進駐李家橋逼近省城之南十字街口八步街口壘匪約共二萬餘人從十字街而上以阻我師勢甚兇悍候補參將普承堯等分路迎敵斃其前鋒數十人賊敗退復戰各

營復奮力禦之如是者三四次相持至二時之久羅澤南李續賓登洪山瞭望即派直隸州知州蔣益澧駐守老營防壇角之賊並分右營三哨據洪山以制東門外礮臺之賊羅澤南等親率兵勇至賽湖隄邊直攻附城大壘及十字街口之壘普承堯唐訓方等暗令諸勇佯敗反旗而走賊不知我師業已抄出諸勇縱火焚燒壘

中之賊無得脫者其追我師之賊從隄下藕塘以竄陷於泥淖有一勇殺至數十賊者餘賊俱由十字街以遁附城大壘之賊見我師分支由賽湖隄上進攻遽合二小壘之賊來禦我師以擡槍轟之馬俱倒斃賊大敗歸壘我師尾之賊皆鎚城而上其不及鎚者盡為我師所殺二小壘亦一時並塌縱火焚燒與十字街口賊壘之

山積初四日賊用火藥轟開西門周雲耀猶手
刃緣梯上城之賊三名既知事無可爲自刎而
死把總周佑得手刃數賊相繼陣亡此廣西賊
合股竄撲永明縣城副將周雲耀城陷殉節之
實在情形也桂陽州城克復後王鑫移師赴郴
攻剿未至之先郴城賊分股三四千仍思襲攻
桂陽州城爲牽製官軍之計十月十七日由村

聖朝聖考百四十一

古

頭沙坪叢擁而來直撲州城該署知州梅震榮
等率勇夾擊斃賊九百餘名該逆敗竄嘉禾又
由該縣分股一竄新田常甯兩縣交界地方已
經勦散一竄甯遠縣下灌墟一帶人數不過千
餘十一月初二日派令參將趙永年馳抵甯遠
分路進攻下灌墟因大霧迷漫咫尺莫辨兵勇
行抵墟口忽兩山伏賊抄出官軍之後勢不能

支趙永年督兵左右衝突力竭陣亡千總唐仁
高等相繼陣亡此桂陽州擊敗逸賊竄甯遠
縣境趙永年剿賊陣亡之實在情形也現雖疊
據王鑫及知府劉長佑等稟報接仗獲勝將賊
困偏可望聚殲然賊數尙有萬餘負隅死守恐
未能剋期蕪事 臣已密飭王鑫等如郴州可期
速拔固可移師西向儘克復需時亦當分撥一

聖朝聖考百四十二

十五

軍赴永以期兼顧此次保升副將周雲耀誓守
危城捐軀殉難大節懍然請

飭部照副將例從優議卹參將趙永年等均請照例議
卹文生胡化宣請照從九品例六品軍功傅周
年請照外委例議卹其失守城池之代理永明
縣知縣曾德麟應請革職拏問外委楊尙烜陳
學校在周雲耀營中帶勇於開城擊賊時卽避

往上江墟並未歸隊現密札道州知州馮崑就
近查明押解來省據實彙辦奏入

上諭內閣曰廣西永福賊匪由灌陽竄攻永明副將周
雲耀聞警赴援馳抵永明督勇出城迎剿斃賊三百
餘名礮轟城外賊匪屍如山積郴州賊匪由村頭沙
坪一帶攻撲桂陽州城經署知州梅震榮等率勇擊
退該匪現竄甯遠縣之下灌墟著卽督飭道員王鑫

欽定剿平粵匪方略

卷一百四十三

等迅速進剿淨掃逆氛周雲耀力戰捐軀深堪憫惻
著照副將例從優議卹臨武營參將趙永年著與陣
亡之把總朱耀唐仁高周佑得均交部照例議卹文
生胡化宣著照從九品例議卹六品軍功傅周年著
照外委例議卹代理永明縣知縣曾德麟於賊匪竄
至縣城時藉詞募勇馳赴道州以致縣城失守著卽
革職拏問嚴叅懲辦外委楊尙虹陳學校於周雲耀

開城擊賊時逃避上江墟著於拏獲後訊明情節卽
行正法以肅戎行

十一日庚子官文奏言臣前隊諸軍自攻敗漢陽
城外之賊卽在三眼橋築營九座顏朝斌孔廣
順張萬祿石清吉四營列於前李孟羣李保邦
二營在中何越珽盧又雄二營居後綿洵帶馬
隊各營在後接應因與武昌之兵約期進攻武

欽定剿平粵匪方略

卷一百四十三

漢臣於二十八日馳至蔡店督戰因漢陽城內
之賊堅匿不出毀除城外賊卡二座轟倒龜山
尾至伯牙臺土城一道約計殲斃二百餘名餘
俱逃散十二月初一日臣親赴三眼橋督隊李
孟羣率各營兵勇由十里鋪進攻飭礮船由河
下夾擊先奪西門外頭卡賊礮連擊我兵伏地
而行直至卡邊勇目張兆麟躍身先登衆勇繼

之卡內之賊措手不及俱被殺傷趕散放火焚燬隨派軍功盧又雄與知州李光榮帶勇由西門橋進攻毀其土城遊擊何越珽等帶勇由龍燈隄進攻餘營分投接應盧又雄等至龜山尾遇賊大股拒戰擊斃賊數百名李保邦等至月湖隄接戰賊勢不支急往後退追墮入水者不計其數燬船攻至五顯廟連燬賊船十餘隻破

聖朝聖考卷一百四十五

木

賊水卡二座奪獲賊船四隻漢陽東西城外土城俱已毀盡據生擒賊供漢陽城內本有二萬餘賊數戰之後傷亡逃散存不及半現仍督軍環攻相機進取其羅澤南之軍自攻克咸甯城池復大敗賊於山坡驛毀其堅壘旋由金口進紮洪山胡林翼亦進次李家橋上月南北兩岸各軍約期出隊胡林翼破保安門外賊壘羅澤

南破洪山以下賊壘維時王國才在沌口出隊訥欽都興阿等在沙口漢鎮出隊均有斬擒並焚燬賊船南北兩岸火光相接賊呼號不絕浮屍蔽江昨武昌城中偽丞相熊鴻恩自黃陂通信願投誠內應臣當送交胡林翼就近妥辦惟屢接胡林翼來函金口石嘴地方我軍後路糧道攸關無兵防守臣因銅仁糧匪徐士杰等復陷松桃屢犯鎮筸等處將前調兵一千名內分撥後起兵四百名留在南省防剿其已到北省六百名當飭紮於石嘴地方為羅澤南等後應俟川兵到時再行酌量分撥奏入

聖朝聖考卷一百四十五

十九

上命軍機大臣傳諭官文曰漢陽城外賊卡土城經官文督兵進攻悉行焚燬胡林翼羅澤南亦將武昌保安門外及洪山等處賊壘分投剿除南北兩路官軍

均極得手武漢賊匪不能相顧勢極窮蹙著官文乘此聲威會同胡林翼羅澤南併力攻勦節節進逼迅圖克復兩城

十二日辛丑曾國藩奏言據各路探稱此次賊犯

江西實係偽易王石達開偽豫王胡以光偽易丈黃姓偽丞相曾姓張姓率眾二三萬人大舉內犯九月間從安慶上竄自樊口登岸取道金

欽定剿平粵匪方略

卷四十三

牛西上九月二十五日濠頭堡之挫參將彭三元等殉難十月初五日通城之挫知縣李原濬等殉難十五日義甯之挫總兵劉開泰殉難此次瑞州之挫知縣李錕劉希洛等殉難皆係與石逆大股相遇該逆往來於湖北湖南江西三省交界之區蹂躪猖獗逆氛極惡萬載股逆自湖南茶陵而來者已與粵匪合而為一臣查石

達開為賊中著名驍悍之魁上年在湖口與臣軍水陸接仗詭計百端卒挫我師今乃大舉內犯又附以茶陵股匪自非厚集勁旅不足以資

堵剿臣處陸路兵勇除羅澤南一軍業經調赴鄂省外惟副將周鳳山九江一軍尙為得力臣接瑞臨失陷之信即飛調周鳳山統帶全軍前往堵剿已自九江拔營進攻瑞安臣亦知潯防

欽定剿平粵匪方略

卷四十三

喫重不宜輕撤奈石逆大股竄踞瑞州恐其肆擾腹地江省難以抵禦臣處別無重兵不得不先其所急暫解九江之圍移剿瑞臨之賊江省水師係知府劉于瀆統帶八九月間隨臣紮泊南康後因茶陵股匪竄至安福臣調該知府至吉安防堵旋因萬載新昌先後竄陷署撫臣陸元煊又調至樟樹鎮防堵今石逆大股攻陷瑞

州臣恐江西水軍過於單薄又在青山楚軍水師內抽調賀虎臣一營帶戰船三十號駛赴省河與劉于瀆協同防守梭巡上游一帶毋使該逆東渡直薄省城至羅澤南一軍入楚以後克復通城崇陽大捷羊樓岡克復蒲圻戰功屢著茲石逆大股猝來江西江省官紳皆思調羅澤南回江會剿臣思湖北通城縣爲三省適中之地與湖南之巴平湖北之崇蒲江省之義甯州相去皆在百里內外已飛飭羅澤南在通城地方駐紮俾石逆大股有所牽制顧忌不敢深入江西腹地三省有急可以兼顧如周鳳山一軍不敷勦辦再調羅澤南由義甯回江助勦以爲後勁之繼如瑞臨之賊迅就撲滅則羅澤南由通城回攻武昌亦不過二百餘里其贛南道者

聖皇集考卷一百四十三

三

齡督同遊擊遮克敦布帶賴勇二千在饒州防堵聯絡紳團屏障東北深得民心署撫臣調者齡至吉安義甯等處防勦饒州士民來臣營兩次稟請該道留饒情詞懇切旋因瑞事愈急署撫臣飛檄飭催者齡令遮克敦布先帶賴勇一千馳赴省城今瑞臨並陷九江重兵已撤赴省城局勢大有變更則遮克敦布之兵自應仍回饒州以嚴東北之防查江省九十月以後土匪自湖南茶陵而來粵逆自湖北通城而來西邊吉袁瑞臨四府並遭蹂躪此時惟當防守東北力保饒廣撫建四府庶錢糧有可徵之處奏報有可通之路保全半壁冀以挽回全局臣屢次函商署撫臣陸元烺留者齡久駐饒州無庸調往他處近又咨商請飭遮克敦布帶賴勇仍回

聖皇集考卷一百四十三

三

饒州防堵東路以免疏虞

同日廉兆綸奏言瑞臨二郡逆匪逐日遺賊四出擄掠臨江一股噴又進踞樟樹鎮該處既爲撫建吉贛通衢且又偏近豐城距省一百餘里省垣兵勇無多勢難抽撥迎擊而賊烽日迫人情洶洶現聞曾國藩札調副將周鳳山來省援勦是九江陸路已開一面儻該逆跟蹤追襲不

聖皇學略卷百四十三

三

免仍爲牽掣且聞現踞瑞州之賊係逆首石達開領衆萬餘中多悍賊周鳳山所帶兵勇不過四千餘人亦恐驟難殄除而臨江竄匪漫無制遏裹脅日衆必致糜爛不堪雖經署撫臣陸元烺飛咨湖南速調劉長佑帶兵來江並調知府周汝筠募勇赴援但聞劉長佑係湖南奏留之員其能來與否尙難豫定周汝筠本在南安此

時道途梗塞且其練勇已散重須招募省垣屢

經札調至今尙無帶勇起程確期均恐緩不濟急查浙江甯紹台道羅澤南一軍聲勢甚壯近聞曾國藩有札調羅澤南回駐通城以爲三省策應之說自係爲江省急迫回援地步但刻下情事日異曾國藩駐紮南康不比近在省垣見聞更切署撫臣陸元烺亦深以羅澤南回勦爲

聖皇學略卷百四十三

三

然伏乞

恩施速飭羅澤南回軍援勦則江西可保於大局庶有裨益均奏入

上命軍機大臣傳諭曾國藩陸元烺曰據曾國藩奏已飭副將周鳳山將九江全軍帶往瑞州復於青山水師內撥船三十號赴省河協防自係先其所急惟九江如何布置未經奏及設或周鳳山全軍赴省而潯

城逆賊潛躡其後或擾江西腹地或上竄湖北下連蕪湖隨在可慮曾國藩現駐南康存營兵勇共有若干能否嚴扼九江之衝卽著妥籌布置不可專顧一路羅澤南進攻武昌正在得手據胡林翼等奏卽日可期克復未便遽行撤回俟武漢克復後該道或徑趨江西或由崇通攻賊之後再當酌量催調至耆齡遮克敦布駐紮饒州之勇旣經調赴省城再令撤回

聖學聖略卷一百四十一

天

聖學聖略卷一百四十一

毛

亦多周折惟該侍郎意在保全完善之區亦不爲無見著陸元烺通盤籌計將耆齡遮克敦布二員酌留一員在饒督同本地練勇扼要防守其現調兵勇仍飭前往瑞州以期兵勇厚集至臨江踞城之賊亦應亟籌分勦現派兵勇均係前往瑞州尙未計及臨江本日廉兆綸奏稱臨江竄匪漫無制遏稟警日衆尤恐其互相犄角牽綴我軍况周汝筠練勇業經遣散

尙須重募劉長佑又未必能來所謂湖南兵勇亦恐驟難分撥著曾國藩陸元烺妥籌兼顧萬不可因有警信張皇失措徒使兵勇有調撥之煩轉授賊以可乘之隙也

曾國藩又奏言查十一月初五日賊衆由九江東北兩門繞城行至八里坡高嶺地方分爲六股排列嶺之東西西門亦出賊約三四百名由

楓樹灣前來復有賊由南門湖內用船登岸撲我軍西面官兵分投迎擊賊在八里坡前行經參將阿達春之勇由左繞至斃賊十數名都司滕國獻帶兵衝殺嶺東中路畢金科之勇由嶺東右路衝入各斃賊數十名嶺東賊股齊退入東門林內抗拒我軍見城上槍礮如雨不能近偪周鳳山遂令阿達春等分往湖邊抄賊後路

陣勢嚴整槍礮猝發卽行敗走右前兩營由西岸追及湖口賊忽回船拒戰右營長龍船一隻因灘乾擱淺被賊圍奪退至鞏山東岸二營近前接戰萬礮齊施賊始振舵回奔我軍又復尾追數里此次陸軍迎勦逆首受傷水師亦獲勝兩次稍擴積憤臣惟有伺隙而動以期力破賊壘陣亡兵勇查明照例辦理奏入報

聖學集略卷之四十三

三

同日掌山西道監察御史宗稷辰奏言自粵寇竄擾長江數年來武臣之能戰守者不多文臣之有膽略者尤少如烏蘭泰塔齊布江忠源皆難得之將才而多不盡其用固大可惜近如支持兩湖之胡林翼羅澤南皆能以膽爲士卒先遂時有斬獲收復此二人者實曾國藩有以開

之然至賊重竄江西曾國藩徬徨於彭蠡之中亦甚孤矣在下者罕得如臧紆青以佐行陣在上者罕得如徐榮石景芬以一心力天下豈絕無人何以用之如此其不足乎此時若開兼資文武一科誠足濟當務之急而臣工多不敢言薦舉者一恐其才疏而得過一恐其遇蹇而罔功處燃眉焚頂之時守蹈常習故之轍見有挫

聖學集略卷之四十三

三

輿動以餉匱爲辭試思苟無用兵之人雖斂金百萬直歸無用何能濟乎臣所知湖南有左宗棠通權達變疆吏重倚之不求榮利真心輔翼跡甚微而功甚偉若使獨當一面必不下於胡林翼諸人其肝膽經術實可取材者有若湖州之姚承輿其策議深沈才識過人者有若常州之周騰虎管晏桂林之唐啟華皆關心軍務尙

鬱鬱伏處田間臣思康熙中海內外猶未盡平
建議者主收召布衣自詞科舉而野無遺賢天
下於是大定今誠能破格以招傑士則得一人
可以平數州得數人可以清一路長江雖阻當
不難分道建功剋日平之也

明詔如命廷臣與科道等各舉所知又

命督撫保之於外無論已仕未仕果能文武兼資皆許

欽定剿平粵匪方略卷一百四十二

三

徵起必可網羅而盡得之臣尤願既得其才必
當其用實今日求羣策羣力之要務也伏惟

聖主鑒其愚忱而採擇之奏八

上諭內閣曰現在用兵省分委用需人如有才兼文武

膽識出眾之士自應隨時採訪或令隨營或辦團練

以收實效宗稷辰所稱湖南之左宗棠浙江湖州之

姚承與江蘇常州之周騰虎管晏廣西桂林之唐啟

華才略各有所長著江蘇浙江湖南廣西各督撫悉
心訪察如其人果有經濟之才卽著出具切實考語
送部引見此外衡茅伏處不乏英奇並著各省督撫
廣爲諮訪擇其素懷忠義韜略過人者據實保奏一
併給咨送部引見候朕錄用總期保舉得實毋尙虛
聲將此通諭知之

欽定剿平粵匪方略卷一百四十三

三

欽定

欽定剿平粵匪方略卷一百四十四 乙卯年

中央民族
圖書

十二月十五日 甲辰 陸元烺奏言查十一

續修四庫全書

日賊由上高竄至陰岡嶺距臨江郡城僅三十里知府史麟善即督同清江縣知縣金漢帶勇於南門要道堵禦都司韓榮銓駐守城樓初十日逆匪四面撲城史麟善等兵力過單被匪由北門撲入城內兵勇均被衝散退守大河南岸

聖皇聖考卷一百四十四

一

收集潰兵力圖克復知府劉于瀆督率礮船於臨江河口及樟樹鎮河面防守探聞賊擾臨郡恐賊據船下竄督飭士卒嚴防十一日探聞逆匪竄至沙湖地方劉于瀆即派千總李逢春帶領長龍三板二十號駛抵該處開礮擊沈賊船數隻賊眾登岸逃逸十二日賊匪竄至臨江河口並捆紮木簞意圖偷渡經千總蔡康業燒燬

木簞數架焚溺甚多餘俱逃回郡城十三日臨江匪黨來撲水師李逢春等用礮連環施放匪勢不支敗退回郡該匪潛從上游新淦縣河面偷渡過河繞由陸路闖入樟樹槍掠查樟樹距撫郡益近撫州建昌等府係屬完善之區自應實力保護適遊擊遮克敦布管帶賴勇一千名到省飭令馳往樟樹會同劉于瀆水師及楚軍

聖皇聖考卷一百四十四

二

營官賀虎臣所帶戰船合力勦洗並令道員林福祥督帶寶勇志同軍一千二百名赴撫州之狀元嶺等處要隘協同撫建二郡防兵嚴密堵禦現因賊踞臨江贛南等郡文報不通前飭知府周汝筠選募南康勇行抵何處尙無確耗仍飛催督勇前進自吉安一帶兜剿而下進攻臨江並准曾國藩咨會副將周鳳山帶領防剿九

江楚勇於十八日拔營起程赴瑞州攻勦臣仍隨時督催水陸各軍三路並進奮勇夾攻務期肅清腹地其九江地方防務臣亦經咨商曾國藩酌撥一軍協同總兵居隆阿扼要守禦以杜潯城逆匪乘虛內竄

陸元烺又奏言查江西省城五方雜處咸豐三年以來省垣各門均委員營勇盤詰城內街道

欽定剿平粵匪方略卷一百四十四

三

編查保甲嗣又辦理團巡按戶出丁於大街小巷徹夜梭織巡查均係前任臬司惲光宸總理其事該臬司現因提訊舉人彭壽頤控案經會國藩奏參解任在省聽候查辦現在賊擾瑞州臨江二郡亟省甚近正當巡防喫緊之時自應仍責成該臬司督同員弁紳士實力稽查又全城防務必須專派大員總理以臻周密查有署

廣饒九南道李桓敏練精能留心武備堪資委任

陸元烺又奏言據臬司周玉衡稟稱收復萬載縣城後逆匪竄擾新昌正在跟蹤追勦湖南鄱縣股匪竄至永甯總兵阿隆阿派參將柏英帶領兵勇馳往堵勦一面派勇一千一百餘名赴瑞州又派勇四百名赴臨江會合各郡兵勇兜

欽定剿平粵匪方略卷一百四十四

四

擊新昌賊匪該臬司隨後繼進乃甫抵臨郡地面湖南茶陵州湖口墟逆匪突竄蓮花永新一帶該臬司以吉安被匪兩路入境勢實難支一被蔓延則上游各郡均為震動遂親身統帶赴援於十三日馳抵吉郡探知茶陵之賊已至永新之隆田柏英所帶兵勇駐紮黃陂堵禦其知府陳宗元派往永甯勦賊之南康勇馳紮七溪

嶺均因眾寡懸殊未能即時撲滅現在添募龍南等勇協剿臣查鄱縣茶陵股匪分竄永甯蓮廳吉郡緊急自係實情但臨江瑞州俱為賊擾尤屬喫重該臬司應將吉安募勇防剿事宜迅速布置就緒馳回臨江會督各軍奮力夾攻殄滅巨寇庶免顧此失彼奏入

上命軍機大臣傳諭曾國藩陸元烺曰據稱防堵撫州

聖學聖略卷二百四十四

五

建昌兩處要隘及派遮克敦布赴樟樹鎮協剿各情布置均屬周妥惟周汝筠一軍自吉安兜剿而下遲速尙未可定聞該員所帶練勇多已遣散尙須重募恐一時未能即到臨江臬司周玉衡著俟吉安布置妥協責令該地方文武剋期勦洗該臬司即回臨江會督各軍奮力進剿曾國藩派往瑞州兵勇四千餘人加以周玉衡先派之勇一千一百餘名為數尙不

甚少乘此逆匪初到守禦未堅奮力攻擊先挫兇鋒則克復城池較易為力石逆所帶賊黨雖多一經羅澤南痛剿即連次挫敗可見兵力不在多寡全在統領得人著曾國藩等激勵在事文武奮勉圖功殄此巨寇至九江一路陸元烺已咨商曾國藩酌撥一軍協同居隆阿扼要守禦究竟該侍郎軍營陸勇除周鳳山所帶外尙有若干能否足資堵截儻稍有疏懈不特江西內地堪慮並有礙長江大局該侍郎等不可顧此失彼是為至要文俊現未到任惲光宸既無應辦公事即著准其辦理巡緝事宜俟文俊到後再行歸案查訊其守城兵勇即著道員李桓總理鈐束以專責成

聖學聖略卷二百四十四

六

十八日丁未官文奏言本月初二日臣督飭李孟羣孔廣順顏朝斌等分兩路進攻武漢李保邦

陳德新由西門橋攻入李光榮由武顯廟攻入
請欽督李玉田自漢口過河夾攻王國才自沌
口赴西門橋會攻綿洵督巴揚阿帶馬隊在後
接應都與阿督馬隊在漢口堵截過河敗賊各
路兵勇齊進賊之遠卡前已燬盡附近西城尙
有土壘接連圍護城身環列槍礮復於龜山城
上密安大礮更房望樓層出壘上濠溝蜿蜒外

聖朝聖曆百四十四

七

通大江內連小湖竹籬木椿如麻我軍連撲五
次俱爲槍礮所阻李孟羣身先衝入親兵被賊
礮傷十餘人西北角又撲出賊旗二面登時賊
營黃旗皆動全股外撲遊擊何越珽等各斃賊
多名賊壘戰不退顏朝斌趕催礮隊迎擊賊衆
始敗退入營我兵乘勢掩殺燬賊頭卡一座初
三日李孟羣仍督隊攻城都與阿督馬隊會同

黃陂鄉勇以投誠僞將軍陳元恩導引往沙口
下攻勦礮船出江會攻賊修木壘未竟被我兵
射倒百餘名羣賊急奔上船各船已被礮船擊
沈趕散上下無路全行追殺溺斃初四日各營
復攻漢陽賊於西門橋民房內豫伏二千餘人
王國才督軍行至三里坡前隊迎戰未久賊卽
敗退兵勇追入伏賊齊出王國才急用連環槍

聖朝聖曆百四十四

八

礮轟擊賊始披靡李孟羣督隊由武顯廟進攻
何越珽率廣勇從五里墩深入賊將廣勇圍住
營總平海書保施放槍箭將賊擊敗餘賊被兵
勇大隊衝來俱跌入湖內兵勇繞湖礮之一時
俱盡初六七八等日用火彈拋焚其濠內木椿
並用劈山大礮轟傷站牆之賊其牆上更房亦
經焚燬楊載福於初二三等日督水師在鮎魚

套一帶鏖戰燒燬賊礮船百餘號賊所贖新礮船三四十隻堅守不肯起碇因其大船各有千斤大礮未能近身焚燬連日胡林翼極力攻城賊亦堅守不出然圍困至嚴不慮不克聞曾國藩往勸江西省城之賊已全撤九江之兵大江賊路復通恐指日有上援股匪深為可虞現在催調大礮並掘地道盡力圖謀冀可剋日收復

聖朝聖學卷百四十四

九

候選知州李保邦候選知縣李光榮都司陳德新前因輕進摘去頂戴現在連日攻城甚屬出力伏懇

賞還頂戴以示鼓勵

官文又奏言本月初五日楊載福又親率上游水師四隊往攻南岸嘴賊船遊擊李成謀率下游六營上攻先令小船往來誘敵賊出鳥船七

八號拖罟數號拒戰李成謀當先衝入賊隊哨官張啟基李濟清率勇繼之賊始敗退因以大礮擊沈其船十餘隻次日仍率營往攻賊匪負固不出我軍拌死攻入燒其護船十餘號生擒長髮五十七名連日共燒賊礮船二百五十餘號所有陣亡外委劉魁和等應請

旨從優議卹奏入

聖朝聖學卷百四十四

十

上諭內閣曰官文等督率諸軍進攻武漢賊匪連日兵勇尙屬用命著卽乘機鼓舞務將兩城力圖克復迅掃逆氛候選知州李保邦候選知縣李光榮都司陳德新攻城出力均著賞還頂戴陣亡外委劉魁和曹勝發把總賴洪興談金榜均著交部從優議卹
二十日酉已何桂清奏言查皖南軍務與金陵大營合而為一今年二月徽郡一府三縣先後失

守臣與向榮飛調各路兵勇馳往救援賊匪聞風將遁石景芬先提一旅之師克復徽歙兩城誠爲勇往然休甯婺源旋克旋失功過僅足相抵該道所帶台勇先與徽人不睦自行裁汰嗣在婺源清華街一戰止餘數百全行稟撤七月閒欽奉

諭旨調補徽甯池太廣道臣以徽池防務善後辦理有

欽定剿平粵匪方略卷一百四十四

十一

人因令該道專任地方臣亦不過爲區別乃石景芬自以爲曾得軍功益思誇耀私囑夏寶慶等將從前潰逃台勇招致入徽以致沿途滋擾臣嚴札申飭事乃中止今該道於本任應辦公事不知其如何布置而藉口通籌全局自請帶兵協剿並請將夏寶慶王夢彪交其差委不過欲遂其私水師戰船高大堅固無過紅單然尙

待東風助順始能打出東西梁山今該道請調釣船六隻不知蕪湖水師紅單等船勝於釣船者不知凡幾區區釣船何補軍情於萬一況所過瓜鎮金陵及東西梁山節節俱有賊壘船礮如林若欲釣船揚帆直達蕪采非沿江肅清皖南撤防之時不可該道以無知之言竟敢飛章入奏自命爲通籌大局荒唐極矣署皖南鎮總兵江長貴現同鄧紹良在蕪湖攻剿又不與之會銜顯違前奉

欽定剿平粵匪方略卷一百四十四

十一

諭旨尤屬膽大妄爲蕪湖爲咽喉重地我所必守亦賊所必爭從征將士大小數十員皆曾身經百戰金陵大營復派謀勇兼全之將特立營務處與鄧紹良晝夜環攻水陸得力兵勇萬餘猶恐不能兼顧北岸是以向榮又奏調廬州得勝之師

駐紮裕溪口力圖會剿其歷次攻剿情形向榮奏報無一字不實該道所稱通籌全局此語惟向榮足以當之其徽州一帶離金陵大營較遠一切防剿善後事宜均由臣會向榮奏報該道自謂曾任言官請臣奏懇兼御史銜無非欲遂其自便之意經臣以正言拒之而止迨履任皖南一切舉動無不獨斷獨行前月兩江督臣怡良來函以該道近日行爲恐其僨事請臣會銜覈參並囑於徽甯兩知府中暫委一員護理臣以全才難得姑且略短取長孰知氣質之偏變而加厲臣不敢以保舉在先稍存回護相應據實嚴參請

旨定奪奏入

上諭內閣曰新設安徽徽甯池太廣道原准專摺奏事

惟現在辦理軍務自應聽候欽差大臣及江浙督撫調度該道石景芬簡任是缺適在徽甯克復之後地方防堵善後事宜業經何桂清奏請交該員專辦其蕪湖軍營仍歸向榮調派之鄧紹良江長貴等辦理乃該員連次具奏總以統籌全局爲詞自請赴剿且據何桂清查明該員所招潰散台勇有沿途滋擾情事而該員仍在甯國招募無賴游民既耗錢糧又恐滋事至所調鈞船爲數無多亦與軍營無益顯係私心自逞有意邀功石景芬著卽革職所有徽甯池太廣道員缺著怡良何桂清於江浙兩省道府內會同酌保一二員奏請簡放先行派員署理以專責成

同日福建道監察御史李鶴年奏言臣見

皇上御宇以來勤求治理而逆氛頻年未息各省因循

疲玩之習亦未革除

國法日輕官常日紊不可不急圖整飭臣謹臚陳

四事曰申法紀杜規避儆庸懦禁欺朦請爲我

皇上陳之軍興以來失事諸臣如賽尙阿徐廣縉等俱

以失律獲咎荷蒙

皇上寬仁不予刑誅而罪名已定彰彰在人耳目凡百

臣工孰不惕息然臣竊有疑者會國藩兵抵江

西兩湖餘孽業已淨盡楊需身統全軍僅遇數

欽定剿平粵匪方略卷一百四十四

十一

千竄逸之賊未能防禦節節退避以致武漢失

陷全局震動殃民糜餉貽誤至今該員革職之

後如果天良激發尙可勉贖前愆乃因循數月

輒託病懇請回旗藉便其顧戀妻孥之計是債

事於前又巧避於後統兵大員若皆相率效尤

逆賊何日可平天下何日可定臣所謂申法紀

者此也近來用兵省分月選揀發人員無不視

爲畏途延不赴任至

特旨簡放之員或藉團練爲名逗留原籍或稱有經手

未完事件經督撫保留本任湖南湖北廣東廣

西道府到任者寥寥可數既遂其遠避鋒鏑之

心復豫爲資緣保舉之地居心詭譎莫此爲甚

此後服官莅政安望其潔已奉公鞠躬盡瘁耶

臣所謂杜規避者此也例載失守城池罪名甚

欽定剿平粵匪方略卷一百四十四

十一

重近來州縣之避賊者賊至之先輒稱出城堵

禦賊去之後又稱帶兵收復該管上司遂謂功

過相抵奏請免議伏思該員等既能出城堵禦

何若登陴固守既能事後力圖收復何至臨時

重誤事機且無論寇至先逃寇退則反其罪不

可勝誅卽令收復之時該員亦有微勞而罪名

自在豈能概從寬免此風一開恐巧滑之徒以

臨難苟免為見機以嬰城死守為迂拙紛紛避就視

國事如楚越於大局殊有關係應請

飭下各督撫凡失守城池之員仍照例審擬罪名不得

巧為開脫庶人知儆戒可以挽頽風矣臣所謂

儆庸懦者此也外省督撫遇有查辦參員之案

往往含糊了事如安徽知州繡綸河南道員周

聖朝集考卷一百四

七

照徵劣蹟昭著經人糾劾該撫既為消弭罪案

又為保至功名較尋常化大為小尤為寬縱且

該員等或膺民社或任監司全在輿情愛戴方

可藉資撫馭今既物議騰沸為眾論所不容如

再令服官原省則官與民為仇敵恐至激成事

端應請

申諭該巡撫悉心察看如該員等果能痛改前習再出

具切實考語保留本省此後如有貪鄙劣蹟別經發覺即治該撫以濫保匪人之罪則回護屬員之習庶可稍戢矣臣所謂禁欺朦者此也奏入得

旨軍機大臣會同該部議奏

二十二日 辛亥何桂清奏言探聞江西軍情甚急

饒州兵勇經陸元烺調赴省垣臣思饒州為廣

聖朝集考卷一百四

末

信藩籬與徽衢接壤今防兵奉調從征則守禦

空虛徽衢防務更為喫重查浙省得力之師半

在徽池半在蕪湖省中無可調撥臣飛咨張芾

於徽屬婺源一路嚴飭文武加緊巡防並咨鄧

紹良將蕪湖彪勇抽撥六百名交守備楊國正

管帶馳赴衢州防堵並囑鄧紹良添募壯勇助

剿蕪湖賊壘其徽池兩路雖有川浙官兵嚴防

而沿江賊匪不免窺伺屢接張芾來函尙以兵力不敷爲慮茲饒州廣信偏近賊氛設或該逆乘虛內竄於邊防稍有震動則非特民心不可復固且於東南半壁可虞臣統籌全局饒廣兩郡似宜扼要嚴防方爲有濟年來江西軍務惟羅澤南最爲熟悉可否仰懇

天恩飭下羅澤南統領原帶兵勇馳赴江省相機勦辦

欽定剿平粵匪方略卷一百四十四

十九

若能徑赴饒廣一帶更於東南大局有裨奏入

上命軍機大臣傳諭何桂清曰現在羅澤南勦辦武漢賊匪正在得手若遽令折回江西深恐功敗垂成且江西賊勢蔓延臨江瑞州尙未收復吉安現又被圍羅澤南卽能馳回江省亦須先赴臨江等處勦除大股賊匪斷不能徑赴饒廣一帶爲浙省防堵著何桂清卽飭張芾督飭地方文武員弁嚴防徽屬婺源一

路其衢州防堵准其咨調蕪湖彪勇星馳赴浙以資捍衛

同日陸元烺奏言江西毗連皖楚寇患頻仍九江湖口兩處經曾國藩水陸兩軍與江省兵勇合力圍攻軍聲尙壯此外如饒州府城及浮梁縣之景德鎮南昌府屬之義甯武甯等州縣吉安府屬之蓮花廳常被鄰匪衝突賴有浙江甯

欽定剿平粵匪方略卷一百四十四

二十

紹台道羅澤南一軍每遇寇警卽往勦辦本年七月間羅澤南由通城崇陽赴援武漢江省兵力愈單九月間粵東股匪自湖南茶陵州闖入永新賊首石達開大股匪黨自湖北通城竄擾義甯總兵劉開泰陣亡該逆旋竄新昌永新之賊自安福分宜萬載等縣亦竄至新昌擾陷瑞州臨江二府石逆自踞臨江以其渠魁仍踞瑞

州復分黨與一由新淦撲入樟樹鎮一由峽江
上竄吉安府之吉水縣而湖南鄱縣賊匪復於
十月間擾及永甯縣茶陵湖口墟之賊擾及蓮
花廳現又合而為一竄及廬陵縣之永陽地方
離吉安府城僅數十里該郡岌岌可虞不但周
玉衡萬難分身即知府周汝筠所募南康練勇
亦當截留吉安以資勦洗並接曾國藩來函切

聖朝聖考百四十四

三十一

言石逆狡黠必須副將周鳳山一軍往勦方能
得手業已暫撤九江之圍仍將駐紮湖口之平
江勇調至南康協同九江官兵扼要守禦用固
省城北面而東路空虛遊擊遮克敦布所帶額
勇亟宜折回饒郡以捍禦東北一面而衛廣饒
兩郡是現在進勦瑞臨巨寇僅止周鳳山統帶
楚軍三千數百名士卒雖精以之當數萬之賊

勢不能悉就殲除此攻彼竄其漫漶有不可勝
言者羅澤南一軍現駐咸甯最為驍勁且距江
省不遠堪以就近來援合無仰懇

天恩飭令羅澤南統領全軍剋日折回江省會同周鳳
山將瑞臨等郡逆匪趕緊殄滅再行進攻武漢
豈惟江省得以保全即兩楚東南邊境亦可無
虞實於大局深有裨益奏入

聖朝聖考百四十四

三十一

上命軍機大臣傳諭官文胡林翼陸元烺曰羅澤南現
由崇通赴援武漢帶兵進紮洪山勦辦正在得手若
遽令折回江西恐功敗垂成墮賊牽綴之計惟瑞臨
兩郡失守而賊蹤又擾吉安周鳳山一軍兵力實形
單薄著官文胡林翼迅攻武漢早圖克復以便羅澤
南回援江西不致久延有誤大局陸元烺仍嚴飭周
鳳山等就現有兵勇實力防勦不可專待羅澤南之

軍致有貽誤

陸元烺又奏言十一月二十二日劉于瀆等行抵離樟樹二十餘里之楊山洲地方遮克敦布令千總黃萬銘等分路前進劉于瀆督率水師揚帆直上樟樹逆匪約三千餘人分爲三股一伏沿河廟內鑿空牆孔放礮一屯鎮北街口抗拒陸兵一屯大馬頭用木簞搭架浮橋阻截水

欽定剿平粵匪方略卷一百四十四

三

師我軍行至寶金山該逆搖旗來撲遮克敦布揮刀奮擊殲斃匪黨甚多大股逆匪隨後包裹而來我兵三路並進自辰至未鏖戰四時陣斬騎馬賊目十數名匪徒數百名時劉于瀆指揮戰船緊對賊隊百礮齊發轟斃賊匪不計其數乘機斬斷浮橋直衝上游逆匪用所擄民船安礮迎戰均爲礮船轟擊登時沈溺船上之賊盡

行淹斃被擄民船二百餘隻悉予焚燬逆衆敗

匿鎮內現令副將周鳳山一軍由省拔營馳抵該鎮會勦務期悉數殲除相機進勦臨江瑞州二郡遮克敦布仍回饒州以固省東疆圍陸元烺又奏言查臨江竄至吉水之賊分爲三股一走吉水大路一走阜田一走水東攻撲吉安郡城其由永甯蓮花廳竄至永陽地方之賊

欽定剿平粵匪方略卷一百四十四

三

分股往撲泰和並在永新河內擄掠民船欲圖順流下竄夾攻郡垣臣以省城防兵單薄無可抽撥飛催知府周汝筠速帶南康勇馳赴援勦並飭副將周鳳山進攻樟樹臨江以分吉安賊勢並令臬司周玉衡督同知府陳宗元實力防守一俟周汝筠到郡合力勦洗以保危城奏入均報

聞

二十四日癸丑官文奏言德安克復以後漢川蔡

店以次肅清大兵將賊逼入漢陽城中李孟羣

顏朝斌等從三眼橋直逼城下臣大營紮於蔡

店後路新溝一路有王馬二垵水勇划船湏日

有遊擊霍萬林等帶鄖竹之兵藉護糧餉漢陽

之上下沙口漢口有都興阿馬隊黃孝練勇暨

請欽等兵勇漢陽之右沌口有王國才兵勇大

江上下游有楊載福礮船堵勦均可堵截中路

漢陽城中之賊已無路可奔荆州遠居數百里

外似可無虞計惟以勦代防早滅漢陽之賊則

全省俱免戒心而荆州駐防之兵經臣連年訓

練尙稱得力再將臣已起之團加意勤練不但

保衛地方綽有餘裕且可助進勦一臂之力其

聖朝聖考卷一百四十四

三

聞

撥四川兵紮金口石嘴以防胡林翼後路原防

義甯九江回竄之賊與漢陽後路情形不同臣

當知照載增等嚴密防範稽查沙市遣勇逃匪

以免疏虞奏入報

二十五日甲寅和春福濟奏言三河逆匪堅築石

壘兼有水道環繞隄堰窄狹攻擊不易官軍連

日進剿該逆拒守不出鄭魁士在前敵修築礮

臺逆匪約出千餘人隔河開放槍礮即飭程智

泉等率勇過河奮擊斃賊無數旋即奔逃詎該

逆又由西路突出計圖抄襲我軍後路各勇轉

戰逾時餘賊敗走其東面復出賊千餘經麟瑞

督飭馬步各隊攔頭截殺該逆敗退我軍趕至

街頭南路其舒城北戴家壩爲東西兩路要衝

聖朝聖考卷一百四十四

三

秦定三督兵築營該逆突出數百人來撲被我軍擊斃十數名敗退入巢次日復率同珠克登等分攻各門一面督夫築壘適北門出賊千餘名由六安門城根而來卽令吳士俊等帶領黔兵迎勦慶瑞等從後抄殺曹達榮以大礮從中橫擊該逆三面受敵兵勇合力痛勦逆匪紛紛倒地正在得手忽西門六安門各出賊千餘名來援當飭楊安明等帶領雲貴兵直進該逆驚潰兵勇乘勝趕殺屍徧郊野南門又出賊數百名經富昌等督兵迎勦均敗奔入城其巢縣之賊經吉順督兵進攻北門出賊千餘名經官兵槍過五里墩該逆死拒不退我軍衝入賊隊盡力擊刺該逆漸漸退卻正在追殺又出賊千餘人前來接應吉順率領馬隊左右衝突賊勢大

聖朝聖略卷一百四十四

毛

潰臣等現飭知府李元華招集近處練勇四千名前往助勦以厚兵力奏入

上諭曰三河舒巢各處均屬小勝若不趕緊催勦終虞日久蔓延汝等久駐廬城亦應速定進取庶期漸次就緒

二十六日卯 乙駱秉章奏言查郴州直隸州知州朱孫詒丁憂例應回籍守制通判周溥丁憂服

聖朝聖略卷一百四十四

天

滿例應赴部引

見現在湖南賊氛未靖邊境戒嚴所有團練防勦事宜在在均關緊要必得熟悉情形之員委令辦理方歸妥協合無仰懇

天恩將朱孫詒周溥均留湖南差遣委用以資熟手奏入

上從之

二十八日丁巳托明阿陳金綬雷以誠奏言逆匪

自土橋大挫長髮賊目大半被擒賊首吳如哮

梟水脫逃或避匿鎮江或避匿瓜州或偷住金

山賊寨潛蹤無定恐被生擒另造船隻思竄臣

等先期知會吉爾杭阿分派馬步兵勇東西並

進本月初九日臣陳金綬雷以誠由東路進

攻臣托明阿親督副都統德興阿統帶官兵由

聖朝聖考卷二百四十四

三

西岸掩旗息鼓潛攻上瓜州賊營協領富明阿

等分領馬隊伏於賊濠左右參將成明等率奮

勇步隊填土搭板暗越兩道賊濠偏近土城該

逆突然驚覺槍礮疊開我師與之對擊時天色

已明逆黨紛紛出巢我兵一擁而前殺賊甚多

並有另股逆夥繞道馬橋欲襲我軍後路德興

阿等前後抄截賊屍徧路俄又有悍賊數百名

由旁路斜衝而來營總德克津佈督放火器賊

狼狽奔竄我軍追至賊營西門濠塹重深未能

前進總兵松齡等由小盧莊軍橋一帶前來沿

途焚奪賊卡五座進至蔡莊殲勦無算臣陳金

綬雷以誠督軍由東路回水灣前進灣旁聞

有伏賊當撥都司趙樹棠等礮隊為前敵另派

參將英貴等分路搜擒伏賊駭竄槍斃約數十

聖朝聖考卷二百四十四

三

名餘賊四散回巢知州雷鳳翥孫懷德分帶練

勇一攻沿江賊壘一隨總兵鞠殿華由虹橋攻

下瓜州賊營勇目蔡泳洲等填溝搭板至七濠

口地方金山賊船屬集瓜州賊亦突出被該勇

立殲數賊餘即折回鞠殿華雷鳳翥分南北隄

壘進攻把總劉起標等徑搶下瓜州礮臺臺上

槍礮愈密另有賊七八百名撲來鞠殿華等連

環截擊賊死傷重疊逃入土營堅守不出是日
寶蓋山等處與鎮江西門外火光衝起酣戰約
四五時間吳逆堅囑各賊勿輕出戰添造多槳
划船圖竄金陵又聞金陵首逆聚集上游賊眾
續撥大股死黨定期下竄再援瓜鎮臣等密飭
沿江水陸嚴防並與吉爾杭阿妥商進剿以期
攻拔奏入

上諭曰所云殲剿無算並無殺斃賊數足見過事掩飾

欽定剿平粵匪方略卷一百四十五 丙辰年

六年正月初二日庚申陸元娘奏言接據周鳳山
等稟稱十一月二十四日樟樹賊匪三千人竄
至拖船埠攻撲水師劉于瀆督率戰船迎擊轟
斃賊匪一百餘名賊即敗退回巢十二月初四
日周鳳山行抵距樟鎮五里之泉港墟當派都
司滕國獻等督帶兵勇分攻賊壘該逆傾巢出
拒約三千餘人自辰至午鏖戰三時賊之藤牌
最為兇悍周鳳山令兵勇以鈎連槍破之殺賊
六七百人賊始潰敗我軍直前追逐立將賊壘
五座焚燬燒斃賊匪五六百人餘匪由浮橋逃
走為我軍所偏紛紛落水並焚賊船二十餘隻
時劉于瀆賀虎臣各率水師轟擊對岸賊壘復
上岸繞至賊營後路拋擲火彈登時火起乘勢

衝入賊匪棄營逃竄立將賊壘燬臺盡行踏毀
時鎮內敗賊爭渡浮橋各戰船開礮轟擊斃賊
數百人各船砍斷浮橋直衝上游焚燬新造賊
船十餘號被擄民船百餘號隨即收復樟鎮又
據署新淦縣知縣李作士稟稱十一月十五日
臨郡逆匪竄至縣城對岸經兵勇擊退二十四
日復有賊匪數百屯聚對河逆眾數千潛自下

聖朝聖略卷二百四十五

二

游渡河徑撲縣城被賊闖入又據奉新縣知縣
寶煦稟稱十一月二十五六等日瑞州逆匪屢
撲奉邑甘坊均經寶煦擊退二十八日賊眾四
五千人由六尺橋小路撲入縣城請速發兵往
勦臣查此次水陸兵勇收復樟樹洵為妥速自
應乘此聲威進規瑞臨兩郡但新淦為賊占踞
與樟樹毗連現飭周鳳山先將淦邑股匪撲滅

再行渡河次第克復瑞臨庶免賊匪復犯樟鎮
至奉新縣城離省僅祇百里亟宜撥兵往勦已
派遊擊遮克敦布等帶領練勇馳赴奉新以勦
為堵用杜賊匪窺犯省城之路署新淦縣知縣
李作士奉新縣知縣寶煦被匪竄入城內實屬
防堵不力應請

聖朝聖略卷二百四十五

三

旨將李作士寶煦一併革職責令帶罪隨營攻勦以觀
後效奏入
上諭內閣曰逆匪由臨江分股竄擾樟樹鎮經副將周
鳳山等分路進攻賊眾潰敗當將樟樹鎮收復著會
國藩陸元烺督飭各員迅將旁竄各匪勦洗克復瑞
州臨江毋稍延緩現在新淦奉新均有匪蹤闖入雖
因兵力較單究屬防堵不力署新淦縣知縣李作士
奉新縣知縣寶煦均著革職帶罪隨營以觀後效

陸元煊又奏言查吉安府城被賊圍困業經臣
飛調練勇馳往救援茲據署贛州府知府楊豫
成候補知府周汝筠稟報陸續招募南康練勇
四千餘名於十一月二十七二十九等日行抵
贛郡並添募龍南勇一千名亦已抵贛卽令候
選同知周炎管帶先行周汝筠親督南康勇繼
進由泰和攻勦而下救援吉安惟泰和之賊現

聖皇聖學卷之百四十五

四

分股攻撲興國縣城吉郡賊匪復分股擾及永
豐今南康龍南各勇既已由贛起程亟應星馳
進勦速解吉安城圍興國之賊卽責成楊豫成
截擊勿任蔓延至永豐與撫州府屬之崇仁樂
安兩縣連界難保該逆不乘隙闖入窺犯撫建
二郡現飭崇樂二縣募勇一千名各守隘口並
調臨川南城練勇一千餘名省中抽撥練勇數

聞

百名前往合力堵禦仍令周汝筠俟吉郡勦匪
事竣卽赴永豐勦辦殄滅寇氛以靖腹地奏入
報

初三日辛酉向榮奏言蕪湖賊壘負固節經我軍
水陸圍攻扼要堵禦江北神塘河口內忽有賊
匪嘯聚數千在泥汊河荻港一帶出沒窺伺李

聖皇聖學卷之百四十五

五

德麟帶領紅船駛至神塘河進勦賊船盡擁拒
戰擊沈三十餘隻斃賊百數十名羣逆駛船回
竄遁入河口乃收隊仍回白馬嘴三山扼泊以
遏上流總兵吳全美各船在下游截勦亦擊沈
裕溪口接濟賊船並斬獲南北偷渡賊划多隻
十二月初九日探有江北無爲州之賊竄應神
塘河匪股糾合上游賊船數百隻直逼荻港意

圖內犯甯國下援石壘經李德麟知會鄧紹良
飛調陸路兵勇分紮老鴉山魯港吳全美分撥
多槳快蟹趕往上游助剿將魯港紅單移上三
山接應李德麟駛近荻港擊沈大小賊船數十
隻斃賊無算餘船不敢抵敵紛紛竄入神塘河
當即收隊扼泊派撥快划會同吳全美撥來快
蟹駛赴上游跟剿先後擊沈及奪獲賊船無數

聖朝聖考卷一百四十五

木

鄧紹良陸路大軍連日截擊石壘內外之賊小
有挫斬而陶陽鋪旗羅山各賊因聞神山營盤
撤動悉眾來犯經各兵勇擊退賊忽於十六日
夜焚壘竄回東梁山分踞戴橋龍山橋一帶該
處接近青山乃內犯黃池衝要當將魯港老鴉
山兵勇撤回分紮黃池以顧後路查蕪湖外援
之賊既經棄壘竄徙石壘應援已絕上游賊復

被懲自可乘此聲威迅圖掃蕩一面嚴加防堵
杜賊旁竄內犯之路至金陵逆賊糾合上游各
路黨與分屯各門仍圖援應鎮江臣已揀派兵
勇嚴密布置並飛函吉爾杭阿乘賊出巢會師
痛剿以靖妖氛奏入

上命軍機大臣傳諭向榮吉爾杭阿曰旗羅山等處賊

匪焚壘回竄東梁山向榮等已調魯港老鴉山兵勇

聖朝聖考卷一百四十五

七

協紮黃池杜其內竄該處直接高淳東壩久為逆匪
窺伺所派兵勇是否足敷堵截此時蕪湖陸賊雖棄
壘潛竄鄧紹良一軍仍應嚴扼上游恐不能分兵返
顧仍當確探賊蹤儘力堵截不可令其竄入腹地亦
不可因該逆回竄遽撤上游精銳兵勇致墮該逆牽
綴之計至金陵逆匪糾合上游各路黨與分屯各門
意圖援應鎮江向榮前已飭德安帶兵駐紮東陽鎮

斷其往來誠恐賊眾我寡未能得力著與吉爾杭阿
妥爲籌商總當誘賊出巢就地勦殺不特可免內竄
之患亦於克復城池事機更有裨益

初七日^{乙丑}石景芬奏言金柱關賊匪在距黃池

十五里之亭頭地方滋擾又於查家灣搭造浮
橋希圖內竄復擾及距亭頭十五里之青山地
方該處前對金柱後通黃池東西梁山在望實

聖皇聖考卷一百四十五

八

係甯郡門戶要隘臣星夜馳往擇險築營防守

未被該逆占踞遷徙各戶陸續撤回查家灣梅

塘嘴一帶二三十里地面居民安堵全行薙髮

臣仍勤發偵探以守爲攻相機籌辦如能克復

金柱關即可扼斷金陵蕪湖逆賊往來之路蕪

湖以南賊卡不攻自潰連日探知金柱關賊匪

搭造浮橋竄掘濠塹並有由龍山橋侵犯消息

當卽撥隊迎勦斃賊三十餘人賊匪退入卡內

我軍縱火焚其外卡賊眾挂帆逃逸焚燒賊船

五隻浮橋一座焚溺之賊不計其數餘賊閉卡

死守復擊斃三百餘名賊勢已蹙克復之期當

亦不遠奏入

上命軍機大臣傳諭向榮曰本日據石景芬奏紮營青

山及進勦金柱關賊匪情形尙能扼要布置現值軍

聖皇聖考卷一百四十五

九

務需人金柱關旣爲金陵蕪湖賊匪往來要道黃池

一帶防兵甚單著向榮卽飭該革員隨同鄧紹良認

眞堵勦以杜該逆內竄之路

上諭內閣曰已革安徽甯池太廣道石景芬著留江南

軍營交向榮差遣委用

十一日^{己巳}曾國藩奏言查副將周鳳山會同水

師劉于瀆等進規樟樹鎮連獲大捷十二月初

四日卽將該鎮克復初八日周鳳山馳抵灌溪聞新淦縣城有千餘賊盤踞該縣爲通撫州府及省城要道若舍此徑勦臨江恐賊由東岸竄擾蔓延撫建必須先克新淦乃無後路牽掣之虞遂於初九日約同水師星夜進攻該逆聞風懼怯紛紛竄渡臨江各營跟蹤追擊斃賊多名其登岸之賊狂奔遠遁我軍入城安撫收復新

聖朝聖考卷之百四十五

十一

淦縣城查僞易王石達開占踞臨江府匪黨分布瑞州新昌新淦奉新及袁吉各屬又以精銳屯集於樟樹鎮扼省城之咽喉逆計實爲兇狡周鳳山初統此軍先破樟鎮次收新淦仰仗

天威軍聲已振此次水陸弁勇奮猛出力額懇

皇上天恩容臣擇尤彙保以示鼓勵奏入

上諭內閣曰此次周鳳山等督同水陸各軍疊獲勝仗

收復樟樹鎮及新淦縣城辦理尙屬得手所有在事出力文武員弁兵勇著會國藩擇尤保奏候朕施恩

十四日壬申略秉章奏言江西一省自逆渠石達

開由湖北通城竄入義甯州新昌縣粵東賊匪王崇開等又從茶陵竄入江西永新安福與石逆會合分撲臨江吉安兩府近復分股竄踞袁州府城所屬俱陷江西與湖南兩省壤地毗連

聖朝聖考卷之百四十五

十二

江西之西路卽湖南之東路自郴州之桂東北至岳州之平江千餘里開犬牙相錯臣前密飭劉長佑俟鄴茶剿匪事畢卽赴郴州掃除賊巢移師赴江西協勦劉長佑自擊敗鄴茶股匪後會勦郴州踞城之賊十一月二十六日郴城收復賊由江西竄逸卽調劉長佑回軍由醴陵馳援江西劉長佑已帶勇馳赴道州日內始行折

同由衡州馳赴醴陵臣已札調南北兩路各勇先赴醴陵瀏陽兩縣邊界俟劉長佑進剿分隸數營合成四五千之數以厚其勢以江西現在賊勢言之袁州吉安臨江瑞州四府在在俱急然袁州府地居總要楚軍赴援先須規復袁州然後東北可以援臨瑞東南可以援吉安隨時相機以取腹背夾擊之勢現飭劉長佑迅赴省

聖學集方略卷一百四十五

十三

垣面爲商推以期周妥奏入報

聞

十六日甲戌向榮吉爾杭阿奏言查寶蓋山賊壘與鎮江西門接連呼吸相應必先將寶蓋山賊壘掃蕩城中之逆始不能以自存臣吉爾杭阿會商余萬清虎嵩林派令兵勇在寶蓋山賊營之前路東路中路分道埋伏並伏兵於城之四

面同時進攻該逆四面死拒鏖戰四時之久將賊壘外之卡棚梅花樁焚燬殆盡賊因我兵攻勦甚急遣人前往金陵求救旋據謀報金陵首逆調集上游賊衆將由南岸竄援鎮江儻被官兵要擊卽渡過江北由六合儀徵而至瓜州再行渡江南來以圖一逞管帶紅單船之總兵陳國泰以儀徵縣之沙漫洲徑對南岸龍潭渡口

聖學集方略卷一百四十五

十三

必須於沙漫洲停泊師船方足杜賊北犯儀徵之路稟經托明阿飭將駐守高資港口之紅單船調赴沙漫洲另調拖罾船及新造廣快等艇駛赴高資港口一帶交陳國泰調遣部署甫定上游大股逆匪直竄棲霞石埠橋一帶臣等當卽商派余萬清帶領兵勇一千二百名於十二月二十三日拔隊起程馳赴東陽會同總兵德

安等扼要堵勦總兵虎嵩林帶領兵勇七百名馳赴高資督飭原有防兵八百名以為後路接應二十五日晚探知鎮逆意欲潰圍而出接應上游之賊遂定以攻為堵之計二十六日該逆自鎮江西門迤邐而至寶蓋山出賊約四五千

聖朝聖略卷一百四十五

十四

逆勢難支始紛紛敗退回巢是役殺賊數以千計現在余萬清虎嵩林已在下蜀街紮營臣吉爾杭阿又添派楚黔精銳將余萬清帶去兵勇酌量抽換余萬清等營盤共有兵勇二千三百餘名連前調赴東陽高資兵勇一千六百餘名統計鎮江營盤調赴上游兵勇四千名與臣向榮派出官兵合力堵剿上游竄援之賊伏查該

逆此舉係以全力回救鎮江並有窺伺蘇常之意臣等惟有竭力堵其旁竄遏其下援庶幾堅城可拔蘇常可保無虞奏入

上命軍機大臣傳諭向榮吉爾杭阿托明阿陳金綬雷以誠曰金陵首逆調集上游賊眾將由南岸竄援鎮江如被官兵要擊欲由北岸至瓜州渡江以圖一逞必須於江面扼要截剿不可令其南北兩岸往來自

聖朝聖略卷一百四十五

十五

如著托明阿向榮嚴飭陳國泰調集師船於沙漫洲一帶嚴密防剿杜其北竄之路至金陵賊黨竄撲棲霞石埠橋等處鎮江之賊又欲潰圍而出是該逆以全力回救鎮江且有旁竄內犯之慮此次殺賊雖以千計而賊援未退余萬清虎嵩林所帶兵勇是否足資堵剿著向榮吉爾杭阿飭令帶兵各員迅將棲霞等處之賊併力剿擊該大臣等務須南北通籌水陸

並舉毋得日事耽延致有貽誤

十七日乙亥向榮奏言金陵逆賊自上年十一月

連次大創而其竄擾鎮江之心不死復糾集黨

與紛紛竄回十二月十九日接各路探報有賊

數萬由上游陸續竄至聞係蕪湖兩岸外援及

兩梁山金柱關與江北和合一帶並廬州三河

之賊陸續歸併金陵分布各城剋日大股出巢

聖朝聖略卷一百四十五

七

衝竄一由神策門至仙鶴門抄拒我兵一由觀

音門沿江至棲霞一帶直走鎮江一由南路秣

陵以圖內犯並埋伏太平各門附近俟我兵分

調各路卽來圍撲大營又有大小賊船在夾江

窺伺下竄當與署江甯將軍福興籌商揀派馬

步隊伍交總兵張國樑副將秦如虎統帶分起

馳往仙鶴門迎剿飛檄秣陵東陽兩軍嚴加堵

截吞照怡良吉爾杭阿飭屬一體防堵調兵丹

陽固守要衝並由鎮營選派一軍馳赴東陽一

帶會勦分飭堵泊觀音門師艇及六合縣水勇

截擊下竄賊船二十二日張國樑秦如虎兩軍

馳至仙鶴門擊賊大勝直追至觀音門聞有賊

兩大股已沿江竄赴棲霞石埠橋一帶卽回軍

馳往截勦秦如虎分兵繞往東陽會同德安張

聖朝聖略卷一百四十五

七

國樑一齊進攻該逆已於棲霞石埠橋之間築

壘踞守張國樑督兵衝進極力勦洗德安秦如

虎兩軍已到石埠橋之東與賊接仗羣逆敗退

回巢城中復出賊數千由龍脖子來窺我楚粵

兩營被擊敗退我兵將賊偪入明陵斬殺極多

逆股復至南路元山一帶亦經明安泰擊回板

橋斃賊無數伏查該逆四出衝突牽掣我兵大

營存兵有限分撥不敷因查蕪湖外援之賊業已竄回可以移緩就急當檄鄧紹良由蕪營抽調兵勇二千六百名前來助勦卽飭乘此機會協同舟師迅圖攻克石壘掃蕩逆氛並就近在秣陵撥勇先行馳往東陽責令德安秦如虎迅籌攻勦鎮營派來兵勇已由余萬清統帶馳抵龍潭探有賊匪數千由沿江洲路下竄秦如虎

聖朝聖略卷一百四十五

十六

余萬清由龍潭趕赴下蜀街攔截該逆卽潛遁回巢有欲步步爲壘直逼鎮江之語龍潭上距東陽五里內通句容丹陽其下十五里爲下蜀街乃洲地前竄要隘當飭秦如虎至龍潭築營催趨蕪湖調來兵勇趕往屯紮余萬清一軍紮營下蜀街虎嵩林之兵由高資移併堵守本年正月初三日探有賊匪數千由龍潭山後下竄

秦如虎馳往東路兜截將賊股悉力截回初五日見有賊大股竄下卽與李定太會兵渡河截勦逆衆大潰敗入三汊河其前股下竄之賊經余萬清虎嵩林等擊回該逆退踞李家橋地面秦如虎李定太等馳赴下蜀街協堵乘勝攻勦三汊河而李家橋賊股復由趙家橋衝竄余萬清等分路追截斬擊無數餘賊敗回李家橋而

聖朝聖略卷一百四十五

十七

去此半月以來連次堵勦之實在情形也此股竄匪勢衆且悍我兵經旬勦截雖未能大挫賊鋒而自東陽以至龍潭下蜀街連營三十餘里該逆旣難飛越內犯亦無從竄擾鎮江所有沿江河汊亦已由吉爾杭阿調撥下游戰船分泊高資鮎魚套一帶截賊出江之路臣責成余萬清等激勵各營迅掃羣醜張國樑設法截賊後

路明安泰嚴堵秣陵密防南面咨商督撫添兵
駐守丹陽以防內犯現在蕪湖情形較緩飛檄
總兵吳全美抽帶紅單船二十隻由梁山金柱
關節節掃蕩直逼江甯大勝關一帶以清江面
而分賊勢其餘蕪湖各船卽令交副將李德麟
統領分扼上游會剿石壘一俟蕪湖得手併下
合圍金陵剿辦更有把握奏入

聖朝聖略卷一百四十五

三

上命軍機大臣傳諭向榮曰金陵逆賊糾合上游黨與
分路竄擾經向榮派撥兵勇分投堵截布置均合機
宜金陵東路兵勇雲集仍應亟籌進剿著向榮督飭
余萬清鄧紹良等將洲地往來賊匪悉數殲除吳全
美師船准其調赴大勝關協力攻擊其沿河港汊並
咨會吉爾杭阿派撥戰船堵禦務令水陸各軍聲勢
聯絡毋令竄越其蕪湖賊壘並著飭令李德麟等就

現有師船迅速攻剿前調紅單船隻業已自粵開行
一俟進江後卽著向榮妥爲調遣以資助剿

同日江西巡撫文俊奏言臣於十二月十六日
抵省接印詢知吉郡尙未解圍周炎周汝筠赴
援兵勇均尙未到泰和爲赴吉安必由之路恐
被匪衆阻隔復飛調興國縣武進士韓進春率
勇數千由間道赴吉援應二十四日接據袁臨

聖朝聖略卷一百四十五

三

副將蔣益輝稟稱逆賊由分宜繞竄袁州郡城
於十二月初一日失守蔣益輝招集敗兵現紮
萍鄉縣蘆溪司地方守候湖南援兵到日隨同
攻剿永甯縣於十月二十日被賊攻陷泰和縣
於十一月十五日失守永豐縣於十二月初六
日失守吉水縣於十二月初一日失守並探得
九江府屬之德安縣城已被潯城賊匪竄踞萍

路偏圍城外之溝壘日增又益以興國之賊萬人困守堅城以老我師十二月初二日陸師羅澤南李續賓率眾直攻八步街口二壘以奇兵襲壘之後諸勇逼近壘前拋擲火毬火箭壘中火起賊眾敗遁諸勇乘之以入截殺最多遂將八步街賊壘攻克初六日臣胡林翼督同羅澤南李續賓分攻各門賊悉眾來拒督勇截殺賊

聖朝方略卷一百四十五

三

眾敗歸壇角初十日李續賓往攻壇角蔣益澧以左營前驅適賊出隊掘溝諸勇往撲賊潰李續賓率右營後營乘之直偏壇角賊悉入壘抗拒我軍三面圍攻奪入賊壘縱火焚燒適值賊之火藥由興國州解到者尙存壘中一時火起賊眾死亡殆盡乘勝將漢陽門外之壘踏破所設船廠一併焚燬賊之焚死殺死及投江死者

數以千計城賊由竇伏行溝內思截我軍李續賓據險以待羅澤南從洪山馳下由小東門城根截出李續賓等復由小龜山殺下竇營訓營亦從城根衝出賊乃竄歸十一日李續賓羅澤南兩路接戰獲勝斃賊千餘又伏兵截殺賊七八百名賊復於望山門外築葺石壘二座斷我師進攻之路十八日我軍破其前壘賊復加修

聖朝方略卷一百四十五

三

次壘高與城等白沙洲之壘與壇角之溝日益高深二十日三路進攻踏破土壘二座將守壘之賊悉行駢斬復誘殺城中之賊數百名二十三日李續賓出窰灣一帶截賊之餉賊率大股七八千人由壇角經小龜山沿湖而下李續賓督勇數百據險以戰賊眾莫之敢撻羅澤南由洪山東西分兵抄出前後夾攻賊大潰敗殺斃

及溺死者無數計自十二月初二日至二十三日城之東路南路東北路西南路賊壘均已蕩平而江岸西北一隅之賊壘未破各營登城破壘受傷甚多而士卒奮勇無一退卻臣楊載福率水師於十二月初二日自沌口出隊至鸚鵡洲派萬化林從鮎魚套下口攻勦瞿定國等從鮎魚套上口攻勦李成謀張啟基等攻勦南岸

聖朝方略卷二百四十五

三

增壇角二處南岸嘴外水落洲藏有賊船數十艘我軍攻撲數次未能踰越遂併力以攻壇角賊船中雜有糧食坐船有隙可乘我軍奮勇攻撲賊勢不支焚燒賊船百餘號殺賊千餘餘船逃竄追至青山收隊萬化林等攻打鮎魚套亦焚燒賊船二十餘號並登岸攻破賊壘一座得大礮二十餘尊初三日各營復出隊夾攻鏖戰

逾時李成謀奮勇衝入賊隊張啟基李濟清繼之賊始敗退仍依泊土城之下李成謀等從下擊之張榮貴等從上截之賊船火器齊施我軍不退一步船上之賊盡行擊斃復以大礮圍衝將其船隻擊壞臣楊載福卽飭萬化林等三營回紮沌口而自率瞿定國李成謀等仍紮漢口下游北岸帶兵都統都興阿見水師下駛率馬

聖朝方略卷二百四十五

三

隊馳三十里駐江岸以守護之露宿兩日夜屹立不動水師將弁倍形感奮而馬隊亦因水師之敢戰故露處兩日夜而不言勞也初四日萬化林等三營自沌口出隊李成謀等七營由下攻上賊死守不出因思上游賊船未盡終不便久泊下游遂率十營回紮沌口初五初六等日率兵往攻賊竟以負固不出爲得計連戰數日

共燒賊船百數十號擊斃賊匪甚多十九日夜
縱放火船焚燒南岸嘴洲外賊船數十隻鮎魚
套上口賊船二十餘隻二十日進攻鮎魚套又
斃賊約數百名營官喻吉三受傷猶能力戰不
退經旬以來水師疊獲大勝而弁兵亦多傷亡
然無一船損失無一人退卻臣等仍令水陸暫
養數日設法併力攻勦以期迅復堅城所有尤

聖皇聖略卷二百四十五

三六

為出力及陣亡員弁臣等謹先行開列顯懇

天恩分別獎卹奏入

上諭內閣曰此次湖北省城外水陸攻勦士卒均奮勇
前進無一退卻辦甚屬得手所有尤為出力之外
委陳玉輝著以千總拔補從九品劉騰鴻著以知縣
選用知縣李續宜著以同知選用並賞戴花翎軍功
楊高桂著以把總補用傅學海著賞給六品頂翎外

委彭彩南著以千總超補都司張榮貴王明山均著
以遊擊儘先補用守備萬化林李濟清均著以都司
儘先補用遊擊張啟基著以參將儘先補用守備陳
金鼈著以都司儘先補用並賞換花翎喻吉三著以
都司儘先補用其力戰陣亡之從九品劉卓巖著交
部照例議卹守備張福田劉高選均著照都司例從
優議卹千總賀采臣劉青四均著照守備例從優議

聖皇聖略卷二百四十五

三九

卹把總吳秀佩羅長發王美在會旺益周玉堂黎天
才均著照千總例從優議卹外委廖自集鍾興胡裕
大王祥元朱福勝賀芝蘭戴有亮黃復勝董起隆徐
文章均著照把總例從優議卹軍功夏隆吉田羣良
朱達明劉步駟吳勝貴均著照把總例從優議卹
二十五日未和春福濟奏言逆匪久踞舒城負
隅甚固必先破城外賊壘則襲取方有把握正

月初一初三初四等日更番進攻使逆匪應接不暇十二日兵勇直逼城下分攻各門一面挑選精銳出其不意攻打北門外賊營該逆猝不及防恰值火藥轟發賊眾驚亂越壘逃出我軍乘勢擁入砍殺多名逆屍枕藉即將賊壘三座先後奪獲約斃賊一千數百名十四日探得賊眾被勦窮蹙意欲乘夜潛逃當派總兵郝光甲

聖朝集略卷五

三

等分攻各門總兵珠克登等於七里河一帶埋伏各路官兵攜帶攻城器具銜枚疾走齊抵城根音德布等帶兵豎立雲梯由東門首先登城同時各門亦緣梯而上齊聲喊殺頃刻各門火起官軍乘勢衝下賊匪急圖逃遁兵勇儘力砍殺餘賊由小東門南門逃出者經秦定三督兵截勦有向七里河而遁者珠克登等伏兵齊出

該處守營之賊聞聲驚潰兵勇趕到併力痛勦殺死逆匪無數即將賊壘五座一併奪獲統計斃賊三千餘名隨將縣城克復查福建提督秦定三久經戰陣勇敢老成此次克復堅城厥功甚偉應如何

褒獎之處恭候

聖裁尤為出力鎮將員弁仰懇

聖朝集略卷五

三

天恩先予鼓勵其餘在事出力員弁兵勇俟查明另行請獎奏入

上諭內閣曰逆匪占踞舒城負隅抗拒經提督秦定三督率官兵節次痛勦於正月十四日克復縣城著和春等卽飭在事文武乘勝迅速前進將巢縣等城次第收復毋稍延緩秦定三督兵日久不憚勤勞著賞給騎都尉世職甘肅西甯鎮總兵珠克登著賞加頭

品項戴三品銜署陝安鎮總兵郝光甲著賞給總兵頂戴並賞戴花翎已革總兵音德布著開復原官仍以總兵用並賞還花翎都司慶瑞著以遊擊儘先補用並賞戴花翎五品銜曹遠榮著賞加四品頂戴並賞換花翎其餘在事出力員弁兵勇著該提督等查明另行奏請獎勵

二十九日 亥丁向榮吉爾杭阿奏言正月十一日

聖學聖方略卷二百四十五

三

夜有僞總制熊步芸及夥黨二人從便民河北潛渡高資經兵勇擒獲搜出僞文內稱鎮江爲金陵咽喉必須堅守囑令鎮逆竊踞高資接應來援之賊 臣吉爾杭阿督飭各營嚴行戒備一面遴派遊擊伊經阿等帶隊埋伏於七里店要隘並飭高資帶兵遊擊張汝琳等豫整隊伍爲前後夾擊之計十五日有賊二千餘人潛出西

門散布於銀山寶蓋山谿谷間窺我虛實伺隙上竄 臣吉爾杭阿督隊馳往截擊用礮向山谷連環轟擊該逆不能抵敵始行敗退斃賊約二百人十六日該逆千餘人由江邊潛向西行將至七里店地方伊經阿等伏兵突起守備周天培策馬衝入賊陣該逆驚惶失措竄踞山梁復有瓜州金山賊黨約三千人並自西門出賊約二千人分股西竄知府劉存厚等列陣寶蓋山東副將慶文等布陣寶蓋山西副都統綳閣等管帶車礮由中路策應都司玉興管帶車礮排列兵勇大隊之間伊經阿等由七里店追勦而來正值該逆分股來犯兵勇分投攻擊該逆抵死抗拒旋屬聚於金雞嶺我兵鼓勇而上賊勢不支始行潰散追至城濠共斃賊約四五百名

聖學聖方略卷二百四十五

三

十七日有賊約三千人占踞金雞嶺山梁另有
 一股伏於山坳均經我兵擊敗斬馘約二三百
 名十八日先有賊匪數百潛由寶蓋山下西竄
 為伊經阿等伏兵要截城中賊黨二千餘人
 屯蟻聚而來併力衝突劉存厚等迎頭攔截殺
 賊數百餘賊鼠竄而回臣等現已調撥兵勇駐
 紮丹陽句容函商托明阿等酌調六合縣水勇
 五百名陸勇三百名並另調陸勇一千二百名
 渡江南來歸併下蜀街營盤為一鼓殲擒之計
 陣亡守備王炳周等請

聖學聖略卷二百四十五

三

旨分別飭部議卹奏入

上諭內閣曰此次鎮江逆黨鋌險因關經我兵截勦賊
 技已窮著向榮吉爾杭阿乘賊勢窘蹙迅復城池毋
 稍延緩所有力戰陣亡之貴州下江營守備王炳周

著照守備例議卹把總侯連科著照把總例議卹勇
 目李啟秀著從優照外委例議卹

同日怡良何桂清奏言查石景芬前在青山紮
 營向榮以石景芬兵力尙單奏撤魯港老鴉山
 兵勇進紮黃池以顧青山後路並經鄧紹良派
 撥壯勇六百名與浙省派防黃池之虎勇五百
 名協同防守賊於十二月二十四日直撲青山

聖學聖略卷二百四十五

三

營盤石景芬派隊迎敵賊匪敗退嗣復飭勇窮
 追被該逆從旁抄襲寡不敵眾傷亡兵勇多名
 臣等深慮石景芬輕率債事即飛飭江長貴親
 往該營代領其眾將無用者去有用者留統歸
 該署鎮酌量派防以節糜費而收實效惟據石
 景芬送到鈔摺竟以敗仗捏報勝仗昧盡天良
 一至於此理合據實參奏奏入

上諭內閣曰已革道員石景芬前令留營差委原冀其自知愧奮乃既輕率債事復敢掩敗爲勝希圖冒功實屬味良業經革職著毋庸留營差委所帶各勇卽著怡良等飭令江長貴認真簡汰以收實效

同日官文奏言查武昌省城惟西面濱江漢陽府城東臨襄河東南西南悉偪江面北蔽龜山僅西北兩路可以進取我軍攻之益急該逆守

聖朝聖學

美

之彌堅自曾國藩全師赴援江西九江之賊陸續由大江南岸興國武昌一帶水陸紛竄武漢非謀勇兼施未能得手正月十一日臣飭令顏朝斌孔廣順等各率兵勇由五里墩進紮西門橋分軍進攻令巴揚阿帶馬隊爲合後李孟羣於梅子山一帶爲諸路策應請欽等帶兵渡襄會勦我軍甫抵西門橋逆衆出拒巴揚阿馬隊

直前將賊衆衝斷各兵勇奮力擊殺斃賊三百餘名該逆敗歸城壘堅守不出十五日臣令顏朝斌與王國才駐防沌口一軍互相對調以誘之密於五里墩山梁左右伏兵而伺該逆窺見我軍移營紛出大股乘機衝撲我軍佯退已過五里墩伏兵齊起李孟羣親率廣勇復由中路直擊該逆大敗其續出大股援賊被王國才等

聖朝聖學

美

自西衝殺共計斃賊三百餘名該逆敗竄回巢我軍併力追捕又殺賊百餘名是夜復擊斃賊數十名該逆經此數次勦敗益復堅守臣現已添派馬步兵勇扼防大江北岸下游沙口一帶並咨胡林翼派勇移紮南岸下游青山一帶遏其外援趕造攻城器具以期迅速克復同日曾國藩奏言臣前調周鳳山一軍飭令先

攻瑞州後勦臨江以瑞州偏近省垣僅百二十里也厥後周鳳山至省與陸元烺等熟商瑞臨在河之西與省城尙有一水之隔樟樹鎮在河之東於省城尤爲肘腋之患遂舍瑞州不攻改爲先攻樟樹次勦臨江之策迨克復樟樹一鎮新淦一縣本可渡河以勦臨江矣因吉安被圍緊急司道等移文周鳳山囑其赴援以解吉安

聖朝聖略卷一百四十五

三

之圍而臬司周玉衡知府陳宗元在吉安圍城之中亦飛書請援於周鳳山往返耽延遂逾二旬現臣與撫臣文俊函商省城爲根本之地瑞臨爲切近之災決計先勦臨江不得以四處告警東瞻西顧徒延時日此周鳳山一軍未克遽赴瑞州與臣前奏不符之實情也九江爲陸路八省之驛道南康爲水路通省之總匯青山距

兩府城各四十餘里臣之水軍久駐青山兩岸皆以陸軍護之實與九江呼吸相通自周鳳山尋軍撤去之後九江小池口湖口梅家洲四處之賊日夜環伺十一月二十日東岸湖口大戰臘月初三日西岸青山大戰幸獲全勝厥後又有土匪二千餘人自湖北興國州來竄踞德安縣城聚散無常臣處青山老營防禦五處之賊

聖朝聖略卷一百四十五

三

陸路存營之數不過二千九百人水路存營之數不過二千三百人兵力至爲單薄伏念臣軍自岳州而下水陸萬餘人合併一支從未分散去歲以來陸軍分爲三支羅澤南率援鄂之師五千人爲一支周鳳山接統塔齊布舊部四千人爲一支李元度等率平江各勇三千人爲老營一支水軍分爲兩支武昌十營楊載福所統

者爲外江一支鄱湖八營臣新調彭玉麟來此
統帶者爲內湖一支旣已分而爲五矣而李元
度駐湖之東又抽撥平江勇虎勇千餘人駐紮
西岸是陸軍三支之外又分一小支外江則李
孟羣帶船六十號別在襄河內湖則前撥船三
十號外噴臣又飭彭玉麟帶船三十號馳赴臨
江是水師兩支之外又分二小支愈分則人數

聖皇聖方略卷一百四十五

四

愈寡氣勢愈弱其在湖北者距臣八百餘里在
臨江者距臣五百餘里雖欲急圖合併而勢有
不能至於行軍之道擇將爲先得一將則全軍
振失一將則士氣消甲寅秋冬間臣軍所以長
驅千里勢如破竹者以陸路有塔齊布羅澤南
水路有楊載福彭玉麟諸人軍中士卒皆以塔
羅楊彭爲法沿江村市亦知有塔羅楊彭之稱

聞

故能旌旗生色席卷無前不幸塔齊布中道殂
謝而羅澤南楊載福彭玉麟又分往湖北臨江
不克遽聚一處後起之才如周鳳山李續賓李
元度數人者又未知果能血戰成名仰邀
恩眷否臣惟當督飭老營水陸嚴防五路之賊一俟湖
北臨江兩處勦辦得手再圖會合歸併一軍掃
蕩羣醜均奏八報

聖皇聖方略卷一百四十五

四

欽定勦平粵匪方略卷一百四十六 丙辰年

二月初三日 辛卯 軍機大臣吏部刑部會奏言遵

旨會議御史李鶴年奏稱用兵省分月選及揀發人員

無不視為畏途延不赴任至

特旨簡放人員或藉團練為名逗留原籍或稱有經手

未完事件保留本任等語查軍興以來凡月選

揀發分發應行赴任赴省人員有經本籍及經

聖皇聖考卷一百四十六

過地方各督撫大臣留營差委或留辦團練防

堵等事僅係咨部覈辦者吏部俱經議駁惟專

摺奏明者始行遵辦况

特旨簡放及月選各員均係實缺該員等如果經濟素

優正當迅速赴任整理一切若徘徊中路到處

逗留是其心懷畏避已可概見至揀發分發人

員雖非實缺亦應速赴本省以供驅遣相應請

旨飭下統兵大臣及各省督撫查明從前奏留各員已

經著有勞績保奏有案者仍准留於該處差委

外其無勞績者俟接到此次部文即行分別勒

限飭赴本省本任不得以現有經手事件為詞

仍一面報部查覈嗣後無論月選揀發分發及

特旨簡放之員均令依限赴省赴任概不准經過地方

留辦團練等事至推升用兵省分人員應行引

聖皇聖考卷一百四十六

見赴任者如原省並無軍務尤不准奏留展限如有藉

詞奏請者均由吏部查明奏駁並將該督撫大

臣議處本員如有逾限情事仍照例辦理又據

稱失守城池罪名甚重請

飭各督撫仍照例審擬罪名不得巧為開脫等語查州

縣失守城池定例甚嚴辦理無虞輕縱惟近來

州縣於賊至之先往往藉稱出城堵禦賊去之

後又稱帶兵收復實屬巧爲避就請嗣後失守城池之員仍照本例定擬必實係禦賊打仗身受重傷或真能督率兵勇隨同收復者方准聲敘可原情節據實奏明請

旨辦理不得概以功過相抵爲詞遽爲開脫又據稱外省遇有查辦參員之案往往含糊了事如安徽知州繡綸河南道員周煦徵劣蹟昭著該撫既

爲消弭罪案又爲保全功名請

申諭該撫察看各該員果能痛改前非再出具切實考語保留本省此後如有貪鄙劣蹟卽治該撫以濫保匪人之罪等語查繡綸前在山東滕縣知縣任內諱盜革職照例應卽回旗所有該御史奏請

飭令該撫出考保留之處應毋庸議河南道員周煦徵

聖學聖略卷二百四十六

三

因被人糾參劣款經巡撫英桂奏請撤任會同河道總督李鈞審明被參各款並無其事擬請留豫另補茲該御史奏令該撫悉心察看再出具切實考語保留本省係爲整飭吏治起見應如所奏請

旨飭下該撫遵照辦理奏入

上諭內開曰向來月選揀發分發各員原應依限赴省

聖學聖略卷二百四十六

四

赴任乃近來用兵省分揀發人員往往經本籍及經過地方督撫大臣留營差委或留辦團練防堵等事甚至特旨簡放之員亦復觀望徘徊延不赴任似此規避取巧以致員缺久懸尙復成何事體著各省統兵大臣及各該督撫等查明從前奏留各員如有已著勞績保奏有案者仍准留於該處差委其餘並無勞績者自奉旨之日爲始勒限飭赴本任本省不得

復行藉詞奏留仍一面報部查覈嗣後月選揀發分發人員概不准經過地方督撫大臣奏留差委其推升軍務省分人員應行引見赴任者如原省本無軍務尤不准奏留展限如有藉端奏請者即著該部查明奏參至失守城池罪名綦重各省州縣賊至則稱出城堵禦賊去又稱帶兵收復紛紛開脫何以申法紀而肅官常嗣後失守城池各員仍著照本例定擬

聖朝聖方略卷二百四十六

五

罪名必實係禦賊仗身受重傷或真能督率兵勇隨同克復城池情節實有可原者方准各省統兵大臣及督撫等奏明請旨不得概以功過相抵等詞曲為開脫至前任河南開歸陳許道周煦徵被參各款雖據英桂查明並無實在劣蹟請仍留該省另補著送部帶領引見再降諭旨

初六日甲午托明阿陳金綬雷以誠奏言瓜州之

賊因金陵逆黨大夥來援每日分股出巢意圖逃竄臣等日督馬步兵勇東西設伏相機攻剿正月十二二十四十八等日該逆大股撲西路土橋另股撲東路虹橋官軍奮力截殺擊倒其前隊大旗復經副將英貴等麾兵左右衝出立將賊隊衝為數段自辰至未殲賊一百五六十名餘逆敗遁十九日賊乘霧黑風狂暗撲我西路

聖朝聖方略卷二百四十六

六

圍牆經副都統德興阿督率兵勇火器齊發轟斃無數虹橋迤南賊甚猖獗英貴復帶隊馳往策應並派都司趙樹棠等分路進攻斃賊約數十名忽該處東南二勇營盤為賊火箭射入立即延燒賊見營內失火撲回衝突英貴等急將各隊聯合短兵相接奮力兜截德通等復分馬隊夾攻賊眾大挫分路潰逃統計殲斃偽總制

一名賊匪三百餘名惟遊擊王永追賊中槍與把總陳玉彪同時陣亡伏乞

天恩交部從優議卹日來大雪迷漫累日不息現甫晴霽而曠野稻田一望泥濘急切不能進攻賊亦深匿不出容再設法與吉爾杭阿等商議南北會攻之策奏入

上諭曰瓜州賊匪屢次衝突英貴等分投截剿尙屬奮

聖皇集方略卷二百四十六

七

勇惟賊出可以接仗賊退卽無法進攻徒作焦急之言以掩遷延之咎何日方可奏功且屢傷勇弁甚屬可惜卽如王永人頗去得前經誦爾經額保舉會蒙召見朕不知者尙不知凡幾托明阿等日久無功不過時閱數旬敷衍入奏殊失朕委任之心汝等自返能無愧乎

上命軍機大臣傳諭托明阿陳金綬雷以誠曰瓜州蕞

爾之區被賊占踞托明阿自督師以來總未實力進

攻以致久稽克復卽如正月十四十九等日之戰皆係賊匪前來撲營勉強開仗英貴等雖有斬擒而東南營盤被焚遊擊王永等陣亡實屬可惜且賊匪被擊退去官軍並未前往追剿並以連日大雪途多泥淖未能進攻爲詞似此懈弛遷延實堪痛恨現在南岸賊衆麇集竄擾意圖內犯情形極爲喫緊但能北岸實力攻擊亦可稍分賊勢著托明阿等督飭水陸各軍迅速進剿務將瓜州賊巢剋日掃除毋再耽延致干咎戾

聖皇集方略卷二百四十六

八

上諭內閣曰逆黨因踞瓜州伺隙撲竄經英貴等分路夾攻賊衆大挫潰逃著托明阿乘勝進攻毋再遷延所有力戰陣亡之遊擊王永把總陳玉彪均著交部從優議卹

同日向榮奏言官軍連日進攻三汊河等處賊壘該逆扼險相持未能得手賊遂分股由攔江舖竄至楊家壩陳莊一帶築壘嘯聚距倉頭鎮三四里查倉頭介於龍潭下蜀街之間乃我軍往來要道其內通句容丹陽各路旁竄尤屬可虞臣前已令余萬清妥籌兼顧並飛飭德安等前往會同堵禁正月十一日果有賊股竄越倉

聖朝聖德

九

頭經余萬清派兵將賊擊走斬殺數十餘人十一日余萬清會同總兵虎嵩林副將蔡應龍分路進剿該逆出拒我軍槍礮連環斃賊無數突有大股賊由上游繞出倉頭大路分撲我營余萬清等督兵分投抄殺奮力鏖戰擊殺執旗悍賊數十名賊眾敗退倉頭踞河密排槍礮十四日張國樑會同秦如虎督兵至丁家邊地方余

萬清等軍亦由下蜀街齊出攻勦虎嵩林蔡應龍等兵同時趕至將賊衝爲兩截俘斬無算該逆奔敗回巢張國樑復會同秦如虎於倉頭街後斃賊一百餘名適三汊河之賊潛出窺我營盤當卽撤隊回救逆匪遁去十五日總兵德安等揮兵直攻張楊村三汊河賊壘該逆出黨數千纔擁前來我軍槍礮齊施斃賊一百數十名

聖朝聖德

十

張國樑秦如虎復督兵分隊衝勦燒燬附近賊壘房屋連斬騎馬賊十餘名賊陣大潰惟賊壘濠寬密槍礮排開難以得手伏思此次竄賊雖挫其鋒無如賊蹤愈竄愈前逼近腹地我軍自仙鶴門以至東陽龍潭下蜀街分屯百里兵方愈單而處處皆關緊要幾於勦不勝勦防不勝防前經臣咨商怡良吉爾杭阿調兵防守丹

陽以固蘇常要隘現在倉頭有賊則句容又爲
喫重且係大營後路復咨商添調官兵赴句紮
堵籌調水陸壯勇趕赴下蜀街一帶防剿並以
蕪湖餘賊無多檄鄧紹良將兵勇暫交江長貴
統領卽日酌帶勁兵數百名趕回金陵面商勦
堵機宜並抽撥龍潭張玉良川兵馳往丁家邊
協堵撤回張國樑至仙鶴門營盤調令遊擊李
鳴勳勇五百名移紮牌頭菴聯絡東陽龍潭以
壯後路聲勢十六日倉頭石埠橋賊匪窺伺龍
潭分股來犯勢甚兇悍經官軍四面攻剿轟斃
不下三四百人同日余萬清虎嵩林兩面夾攻
焚破韓家村賊壘一座十八日遊擊李定太等
移紮顧家壩遇賊於施家村卽與余萬清派出
各隊分投截剿連斬桀賊多名殲斃無數該逆

欽定剿平粵匪方略

卷一四六

紛紛敗退追奔數里整隊撤回申刻復有大股
賊匪由顧家壩進口竄越嚴巷一帶余萬清飛
令李定太楊瑞乾等趕由六里店繞出亭子岡
攔頭截擊該逆未敢前竄十九日黎明該逆已
於顧家壩口築壘並分踞嚴巷各村四散擄掠
查六里店前之夏家邊係句容丹陽兩處要衝
可堵賊旁通內犯之路特調令楊瑞乾等移至
夏家邊紮營相機截剿並派兵勇扼紮亭子岡
以爲犄角另派兵填紮沿江各營與下蜀街互
相聯絡以壯聲勢而防下竄先是 臣聞逆竄嚴
巷不勝憤恨適鄧紹良由蕪湖到營 臣與之面
商機宜檄令統領下蜀街東陽龍潭諸軍於二
十一日先赴龍潭布置周妥抽帶楚兵凱勇八
百名連夜馳赴六里店會同余萬清速商剿堵

欽定剿平粵匪方略

卷一四六

並帶去吉林黑龍江馬隊二百名咨商吉爾杭
阿囑令京口副都統綱闕前往統帶助剿將調
到之儀徵六合水勇分布高資下蜀街沿江地
段並飭總兵明安泰由秣陵關馳往句容設防
駐守以杜內犯此次陣亡之千總高啟榮防禦
魁慶千總伍元慶三員並前在棲霞陣亡之把
總雷萬年外委陳遇恩均能身先殺賊力戰捐

聖朝聖略卷二百四十六

十三

軀俱堪憫惜應請

旨飭部一併從優議卹奏入

上命軍機大臣傳諭向榮吉爾杭阿曰逆黨由洲地一
路前竄急思內犯前據向榮奏自東陽以至龍潭下
蜀街連營三十餘里堵扼周嚴並調下游戰船分泊
高資一帶添調兵勇駐守丹陽業經諭令向榮等迅
將棲霞石埠橋之賊併力剿擊毋令內竄乃覽本日

奏報三汊河賊壘尙未剿除而該逆已由攔江驛等
處竄入倉頭鎮倉頭賊黨尙未擊退而該逆已由顧
家壩竄越嚴巷是其內竄之路漸偏漸近且處處築
壘以阻我軍聲勢若不併力急攻僅丹陽句容稍有
疏虞全局何堪設想前此秦如虎欲過三汊河紮營
而河北先為賊踞該大臣令余萬清力扼倉頭而賊
已先踞倉頭河岸李定太方欲由丁家邊進屯顧家

聖朝聖略卷二百四十六

十四

壩賊轉從顧家壩竄過嚴巷似此著著落後則雖稱
夏家邊亭子岡等要隘均有屯兵亦屬有名無實此
時江南北別無可以添撥之兵就該大臣現調兵勇
計之為數不少但能分投截擊將最悍之賊最堅之
壘剿除一二處則賊鋒漸挫兵力自能施展著向榮
吉爾杭阿嚴督鄧紹良等務將三汊河倉頭嚴巷等
處賊壘悉數掃除應扼要隘萬不可再任該逆占踞

該大臣等不能迅克金陵鎮江遷延已甚若再不力圖扼截以致常州腹地復有震驚恐不能當此重罪也

上諭內閣曰賊匪屢出竄撲意圖內犯經官軍節次痛勦尙未能悉數殲除著向榮等嚴飭領兵各員迅速分投進攻務將沿江賊壘掃除淨盡毋稍玩延千總高啟榮防禦魁慶千總伍元慶把總雷萬年外委陳

聖皇聖考百四十六

五

遇恩身先士卒力戰陣亡殊堪憫惻均著交部從優議卹

十一日己亥會國藩奏言撫臣文俊與臣函商前以瑞臨偏近省垣決計先勦臨江周鳳山未經奉札之前陸軍在新淦縣水師在樟樹鎮中隔七十餘里兩軍不相聯絡周鳳山因撥岳炳榮等帶勇八百人回駐樟樹護衛水師詎臨江之

賊偵知官軍分支人數單薄遂由上游偷渡悍

賊四五百人正月初二日來撲岳炳榮等營岳

炳榮匹馬衝突十餘次奈眾寡懸殊漸退入營

該逆層層包圍自卯至午火藥罄盡營盤被陷

士卒傷亡二百餘人岳炳榮衝出重圍奔至豐

城收集餘勇該逆乘間直上新淦翼撲周鳳山

之營周鳳山亦率全軍折回樟樹初三日與賊

聖皇聖考百四十六

十六

遇於瓦山地方該逆分爲六股周鳳山傳令各營先據山嶺紮營以高擊下自督都司臻國獻畢金科擊樹林之左兩股都司周岐山唐得陞擊樹林之右兩股參將阿達春都司李新華擊隄上兩股我軍奮不顧身衝入賊隊鏖戰逾時殺賊一千餘名賊眾敗竄各營奮追二十里又斃賊三四百名偏入河中死者無數生擒八十

餘名當初二日賊撲樟樹陸營之時水賊亦有戰船順流而下西岸又有陸賊二千人助之知府劉于瀆派千總李逢春等擊江中之賊舟余化南等擊東岸之陸賊吳步鼇等擊西岸之陸賊旋見旱營火起岳炳榮等陸兵失利劉于瀆自上戰船直前接應喊聲雷動分兩岸窮追賊船大小三十五號悉被我軍包裹賊抵敵不住

聖皇聖考卷百四十六

七

紛紛斬斷繩索棄船下水溺死者不計其數在船者盡被殲斃奪得長龍賊船四號燒燬三號擊毀西岸賊壘二座奪獲大礮十一尊火藥十餘石初四日彭玉麟抵樟樹鎮初七日賊用大船自上游放下意圖衝動我營而戰舟與小划繼之彭玉麟督同都司孫昌國帶三板十餘號前進賊舟退卻進逼臨江河口我軍連環轟擊

賊以小划抵敵而其大者盡退入口內挽樟上行我軍盡奪小划擊斃多賊乘勝衝過賊壘追入內河搶賊糧船三隻拆毀浮橋初九日彭玉麟督孫昌國等至臨江河口攻打賊壘斃賊甚多該逆棄壘逃退入城各水勇登岸將其護牆望樓全行踏毀伏查瑞臨袁三府淪陷吉安被圍西路業已糜爛省城與撫建各府在贛水大河之東久為該逆所窺伺幸去臘有樟樹之克今春有瓦山之捷賊匪兩次東渡均被我軍擊敗水師扼泊樟鎮壘獲勝仗東岸當可無虞口內浮橋造成陸師西渡即當激勵將士迅克臨江以慰

聖皇聖考卷百四十六

八

聖主睠懷南服之意

會國藩又奏言正月十八日都司黃虎臣武生

黃之一等分路進攻九江府城行抵東城多方
挑戰該逆負嵎不出黃虎臣飭哨官李大雄伏
於左詹榮清伏於右自帶小隊誘敵出城至路
徑歧隘之處黃虎臣回兵大戰兩路伏兵衝出
勇氣百倍該逆回奔追至城根奈城上礮石過
多僅殲二十餘賊當東城接仗之時西門出賊
三百餘名由接官亭至鳳凰山意圖抄東路官

聖朝聖略卷一百四十六

九

軍之尾武生黃之一自西突出率弁勇衝入賊
隊連斃三十餘賊賊遂潰敗該逆復糾悍賊五
百餘人戰船八號由水路猛撲我軍且戰且誘
佯爲退走追與遊擊曾昭麒接應兵近復回旗
大戰殺賊八十餘名溺水者不計其數此次兵
勇僅及千人進攻潯城均以佯敗取勝可否獎
拔數人歸於樟樹鎮案內彙保之處出自

天恩奏八

上諭內閣曰此次水陸大捷著曾國藩卽飭周鳳山等
乘勢克復各城毋任久踞都司黃虎臣等進攻九江
誘賊出城截擊獲勝殺賊甚多所有出力員弁著准
其歸入樟樹鎮獲勝案內一併保奏

十四日 壬寅 胡林翼奏言上年十二月二十七日

賊於城外空濠樹柵湘後營劉騰鴻帶二哨往

聖朝聖略卷一百四十六

三

偵賊見我兵不多出旗來圍我兵隨戰隨退以
誘之添撥六哨一鼓抄襲殺賊甚多嗣因雨雪
連綿不能出戰羅澤南駐營洪山之南因北路
爲山所隔懼賊猝來襲營本年正月十二日羅
澤南移三營駐洪山絕頂爲犄角之勢十三日
夜李續賓帶兵往偵遇賊於雙鳳山下李續賓
策馬直進潛分二支包山之趾而及其脊賊敗

羅澤南派兵接應於山之左劉騰鴻接應於山之右斃賊無數夜半收隊十四日黎明大霧劉騰鴻率兵登雙鳳山巔以劈山礮轟擊大東門城中大亂四面開礮以拒之及霧收賊以千餘人繞城而下我兵力戰以拒之賊不能近又於小東門出千餘人來抄我後羅澤南督兵從雙鳳山北以迎之鏖戰良久殲其前鋒十餘人賊

聖朝聖朝卷百四十六

三

猶力戰如故羅澤南乃從湖之乾涸處分二支以繞賊之左劉騰鴻驅雙鳳山之賊與小東門之賊聚作一處亦分二支以繞其右皆偪至木柵城上之礮以賊未入不敢開四路夾擊斃賊約六七百人生擒二十五名城內見賊敗遽出隊數千從漢陽門繞沙湖之尾來救李續賓蔣益澧都司何紹彩由小龜山直偪沙湖以槍礮

轟擊斃賊最多十八日賊以百餘人猝抵五里墩搗戰我軍按兵不動以百餘勇敢者追至長虹橋賊以千餘人伏於其側我兵退以誘之參將普承堯知府銜唐訓方督勇分路進擊遊擊張寅恭等繼之分三路以攻其伏鏖戰二時之久礮斃其頭目三人賊敗乘勝尾擊殺斃者數百人二十四日大雪初霽四更後賊以千餘人

聖朝聖朝卷百四十六

三

撲營猝抵營前拋擲火器營中以槍礮轟擊發無不中賊大敗棄械而逃墜崖死者甚衆二十五日賊隊來撲中營登山拋擲火毬羅澤南令左右二哨分路抄出前哨開營迎敵劉騰鴻率後營分路繞賊之後賊見我兵出隊乃狂奔其旁遁者多爲我兵所殺追至城根賊踰柵繞城而上我勇登雙鳳山以劈山礮擊之墜城而死

者無算賊千餘人復捲旗來撲中營我兵之伏者俟其過而截之中營前左二哨迎之前後夾擊共斃賊二百餘人二十八日賊由東門而下出小龜山之尾有渡賽湖燒民房者羅澤南乃飭劉騰鴻率後營以救火分中營二哨往堵大東門何紹彩率仁勇堵小龜山鏖戰兩時斃賊二千餘人官軍正欲收隊詎壇角忽出賊千餘

欽定剿平粵匪方略卷一百四十六

三

人從隄上以牽掣左營大東門小東門縋城下者直撲仁營賊氣頗悍仁營分三支應之奮力抵禦不少退卻左營見兩路齊至飭勇駐小龜山巔據險以待分二哨繞小龜山而下以截撲仁營之賊乘勢邀擊賊敗由湖汊逃至城根復頓旗迎戰我軍分投奮迅而前賊又敗斬斃約六七百人餘賊皆遁二月初一日賊防我兵進

攻城池欲過賽湖之水以斷後路以四五百人掘土填橋羅澤南飭劉騰鴻督軍隄上率隊轟擊賊不能敵直奔中和門東舊壘冀縋城而上諸勇乘勝尾追作三路包繞城下溝深樁密賊悉陷於溝坑樁籬中我勇火器環擊鮮有脫者賊又以三四千人過鮎魚套橋由八步街衝撲臣飭唐訓方普承堯等督勇至長虹橋迎

欽定剿平粵匪方略卷一百四十六

三

敵飭丁銳義等由五里墩渡浮橋以禦八步街之賊賊之在長虹橋者見我兵至施槍擗戰我兵俟其近前始開槍礮以轟之鏖戰二時之久參將葉永泰出湖中遙爲接應賊畏抄其尾乃敗走各營乘勝追之殺賊數百賊之由八步街出者南營向前截之衆寡不敵勢幾不支我兵之戰於長虹橋者懼對岸有矢飭善泗水者踰

鮎魚套援之殪斃賊目十餘人賊敗走初二日

臣軍與羅澤南軍各出數百人誘賊賊自城上

見之亦以千餘人繼城而下我兵爭先奮擊塵

戰逾時斃賊數十人賊緣隄而走我兵乘勝追

之殺賊不少水師現在添備火具趕緊催齊臣

即日定期會勦力圖廓清以慰

聖懷所有陣亡守備丁懷本千總金品高把總黎文祥

聖專匪方略卷一百四十六

三

向德明秦裕昌外委蕭得勝胡萬隆等屢立戰

功奮不顧身深堪憫惻應請

旨飭部分別從優議卹奏入得

旨丁懷本等均照所請優卹

欽定勦平粵匪方略卷一百四十七 丙辰年

二月十五日 癸卯

上諭內閣曰已革都察院左副都御史袁甲三著隨同

英桂勦辦河南捻匪

同日官文奏言賊匪在漢江北岸搭造浮橋臣

恐其潰圍而出意圖上竄當經撥兵添紮北岸

嚴密防勦正月二十六日漢江南岸賊匪潛圖

聖專匪方略卷一百四十七

一

上竄已革總兵誦欽密遣兵勇分投設伏四更

時賊大股屬至我軍礮械齊施賊屍枕藉自相

踐踏溺水死者不計其數誦欽復由上游渡漢

進攻至龍鐘隄賊約數百人攔擁出戰我軍分

路抄殺賊即狂奔復殺斃十餘名追至月湖遇

賊礮船接戰又被我軍槍礮擊回賊復由龜山

出隊數百人誦欽派兵至小河口見賊船由晴

川關復來我軍開礮擊沈數隻賊勢遂卻二十
八日夜賊復由水路潛竄我軍縱火燒燬賊船
數隻餘船悉遁二十九日署提臣楊載福礮船
由沌口進發副將顏朝斌督兵進攻漢陽南門
賊堅壁不出我軍佯退至三里坡賊忽開城大
隊出追我軍折回迎擊楊載福登岸望見親督
水勇飛奔接應各勇馳至賊方退入城中忽由
西門及龜山下出賊數千分途來犯經李孟羣
王國才孔廣順楊昌泗督兵迎敵賊殊死戰巴
揚阿顏朝斌等均從南路趕至抄殺前後夾攻
斃賊二百餘名賊復出數千人我軍鏖戰六時
之久賊匪大敗三十日李孟羣等復於西門及
龍燈隄兩路力挫賊鋒斃賊四百餘名二月初
一日漢陽賊在五顯廟對岸搭造浮橋請欽卽

聖朝聖曆卷一百四十七

二

在該處挑善泅兵勇數十名乘夜攜刀入水砍
其緯纜初二日李孟羣趕飭礮船飛駛助戰請
欽卽令兵勇分撲賊卡斃賊多名時月湖賊船
數十隻出隊接應被李孟羣礮船擊退賊卽竄
入卡內王國才馳至七里廟等處先後斃賊甚
多查武漢自遭淪陷一載有餘臣由德安進剿
以來力攻漢陽大小四十餘戰該逆踞守愈堅
賊數愈衆良由賊踞長江數千里之險並有下
游武昌興國九江之賊接濟雖軍威大振而兩
城尙未克復臣惟有與胡林翼隨時商酌設法
斷江路賊援一面嚴督將士剋期殄滅羣醜以
副

聖朝聖曆卷一百四十七

三

皇上宵旰憂勤之意奏入報
聞

十八日丙午向榮吉爾杭阿奏言瓜鎮逆匪自正月十八等日痛勦後情形甚為窮蹙潛在金山西面夾江蘆葦叢中築壩一道直通便民河北岸洲地意圖逃竄二月初一二等日瓜州賊船聯檣來鎮暗舉號火瓜鎮之逆併力衝窺初四日夜遊擊張汝琳等瞭見西北夾江燈光隱約似有船行臣吉爾杭阿恐高資有警即派知府

聖朝聖略卷一百四十七

四

劉存厚等帶兵於初五日由鎮江拔隊前赴高資該逆鋌而走險於初四日夜由金山渡過鮎魚套至洲地登岸潛行蘆葦中由西頭架搭浮橋渡過黃泥洲江濱偷紮賊壘二座初五日張汝琳等出隊往攻該逆三四千人分作數股由便民河涉水而過直撲營盤張汝琳等見賊勢甚眾即回營固守正在相持之際適劉存厚等

兵到張汝琳等勇氣倍增與劉存厚等前後夾擊該逆敗回黃泥洲劉存厚張汝琳等亦即渡河追勦該逆抵死抗拒其由洲地來援之賊愈聚愈多高資港口之拖管船開礮轟擊力不能及即派水勇登岸抄襲守備銜劉襄等衝入賊陣斃賊百人賊始披靡劉襄蔣國材亦被槍陣亡初六日該逆四五百人涉水圍撲張汝琳等

聖朝聖略卷一百四十七

五

營盤另股於便民河濱放火助勢劉存厚督軍鏖戰臣吉爾杭阿又派王夢熊等抄襲賊後立斬賊首三顆追溺偽總制一名賊俱望風而遁初七日臣吉爾杭阿會同署京口副都統綢閣親督佐領興福等馳赴高資進勦該逆五六千人分股來撲各軍齊出截殺正在酣戰之際臣吉爾杭阿望見伊經阿坐馬被賊槍斃譚金常

被賊擊傷勢將不支卽同縹緲帶領小隊馳赴東路督飭進攻守備顧維正首先衝入賊隊手斬數賊逆饒始衰顧維正亦中槍陣亡東西兩路之賊俱被我兵擊潰查高資至下蜀街一帶處處可通丹陽臣等惟有嚴飭余萬清等就近馳往堵剿先顧內犯以保蘇常至黃泥洲賊壘離倉頭等處賊壘祇三十餘里儘上游之賊沿江下竄下游之賊亦沿江接引則我下蜀街兵勇離江數里實有攔截不及之勢臣吉爾杭阿現擬在蕪湖等處招募得力勇丁以補兵之不足仍一面會商托明阿等乘虛合力進攻以冀克復瓜鎮且使黃泥洲之賊不敢更萌他竄之念所有陣亡之守備銜劉襄千總蔣國材守備顧維正節次打仗素稱得力仰懇

聖
事
粵
略
卷
百
四
七

六

天恩飭部分別照例議卹奏入

上命軍機大臣傳諭向榮吉爾杭阿日前因金陵逆賊圖援鎮江竄至倉頭鎮等處諭令向榮等迅速攻剿毋任洲地各匪日久占踞茲閱該大臣所奏鎮江賊匪於金山西面夾江築壩直通便民河北岸洲地遂由金山渡鮎魚套至黃泥洲偷紮賊壘竄撲高資吉爾杭阿等派兵接仗雖有斬獲而黃泥洲之賊尙未驅除傷亡弁兵亦復不少該洲去倉頭鎮三十餘里若使上下游賊匪聯絡則該逆內犯之志愈堅沿江一帶地方遼闊節節設防徒費兵力惟有扼要衝擊使賊不能遠爲一氣以挫兇鋒而圖制勝著向榮吉爾杭阿簡派精銳將上下游洲地各賊壘次第掃除並遏句容等處內竄之路仍嚴絕鎮江接濟勿稍鬆勁至兵力旣無可添調而招募遺勇總須來歷清楚

聖
事
粵
略
卷
百
四
七

七

者方可收錄勿令奸徒濶跡致有貽誤

上諭內閣曰瓜鎮逆匪圖踞高資經此次痛剿已截其

內犯之路著向榮吉爾杭阿嚴督各路合力殲勦無

任窺伺陣亡之守備銜劉襄守備顧維正均著照守

備例議卹千總蔣國材著照千總例議卹

向榮吉爾杭阿又奏言鎮江各營勇多於兵勇

數既多勢不能責成一人統帶因思前隨僧格

聖學聖考卷二百四十七

八

林沁在連鎮馮官屯打仗出力之員應不乏人

合無仰懇

皇上天恩俯念江鎮軍營乏員差遣在連鎮等處打仗

出力人員內遴選敢勇服眾者四五員迅速馳

驛來營以備委用奏入

上諭內閣曰著兵部傳知僧格林沁在連鎮等處打仗

出力人員內擇其曉暢營務堪以帶兵者酌保四五

員奏明請旨發往

十九日 丁未

上命軍機大臣傳諭理藩院曰前因逆匪滋擾直境派

哲里木卓索圖昭烏達三盟官兵交僧格林沁等統

帶勦滅天津等處逆匪前經僧格林沁奏稱該三盟

蒙古官兵等素稱忠勇勦匪甚為得力朕亦早有聞

知今河南地方賊匪猖獗殲除未淨正我蒙古奴僕

聖學聖考卷二百四十七

九

等乘機出力攻勦以申誠篤之時著理藩院曉諭哲

里木卓索圖昭烏達三盟盟長等各由該盟挑選精

銳蒙古兵一千名配帶器械火藥鉛丸等件由各該

盟派委賢能台吉他布囊管帶即在該游牧候調其

王貝勒貝子公等著毋庸親身帶兵前來所有該盟

兵調取鑼鍋帳房等件皆由京豫備

上諭內閣曰前年逆匪渡河北竄特命奉命大將軍惠

親王參贊大臣僧格林沁統帶京營勁旅滿漢官兵
及三盟蒙古官兵剋期進勦業已悉數殄滅殲擒首
逆方冀各路統兵大臣愧奮激發迅速圖功俾逆氛
次第掃除吾民得安衽席乃金陵首逆日久稽誅鎮
江瓜州尙未克復安徽江西湖北賊蹤肆擾雖捷奏
頻聞勢已漸蹙而勞師數載兵力漸疲亟應厚集精
兵以期大舉著內札薩克哲里木卓索圖昭烏達西

聖皇聖考卷二百四十七

十

林郭勒烏蘭察布伊克昭各盟於所轄四十九旗內
挑備驍健官兵驍壯馬匹備齊軍裝器械聽候調遣
一俟秋高氣爽卽當簡派重臣統率南下加以京營
勁旅滿漢重兵分道出師殄除羣醜諒茲窮寇不難
一鼓蕩平各路統兵大臣仍當實力攻勦將賊匪占
踞各城迅圖克復若俟大兵南下始奏膚公遲延觀
望之罪責有攸歸其各懷之

二十四日壬子向榮吉爾杭阿奏言黃泥洲逆匪
於二月初十日渡便民河南岸在高資以上之
蔡家寨地方四出擄掠經臣吉爾杭阿派署遊
擊伊經阿等帶兵馳往奮勇勦殺該逆不虞官
兵驟至村外之賊紛紛逃竄守備周天培卽將
村莊圍住縱火焚燒村內之賊約有二百餘名
盡行燒斃其逃竄之賊經伊經阿等擊殺數十

聖皇聖考卷二百四十七

十一

名斬首十餘顆十一日臣吉爾杭阿意欲乘虛
襲取鎮城冀黃泥洲之賊回顧根本不敢他竄
當卽密派已革參將師長鑣已革鹽知事張翊
國知縣松壽挑選兵勇充作頭敵豎梯爬城並
飭綑關等相機策應十二日子刻臣吉爾杭阿
親督小隊至虎頭山派令水勇搶搭浮橋二座
師長鑣等各帶兵勇負梯過橋拔去賊釘木椿

越過濠溝直抵城下知縣松壽首先緣梯而上
拋擲火包將城上賊柵焚燒不意賊匪驚覺松
壽為槍子中傷登時墜下陣亡同時副將慶文
等分兵槍上寶蓋山將賊卡焚燬該逆不敢出
巢僅於壘內施放槍礮抗拒圍攻兩時天已大
明始各收隊是日接劉存厚稟報高資以上十
里便民河北岸洲地有逆匪屬聚該洲徑對南

聖朝聖考卷一百一十七

十三

岸之炭渚情形甚為緊要 臣吉爾杭阿卽刻督
帶隊伍馳赴高資旋據探報嚴巷等處之賊因
提督鄧紹良紮營六里店不能內犯旬容忽於
十二日夜自焚其壘竄至江濱與鎮逆併而為
一 臣吉爾杭阿卽帶同劉存厚折回鎮江軍營
一面飭虎嵩林統帶兵勇二千七百餘名駐紮
高資一面飛函知會鄧紹良余萬清會同虎嵩

林上下夾擊其自高資至下蜀街三十里之間
如橋頭炭渚等處皆有賊蹤係通句容丹陽大
道惟有激屬將士將便民河南岸賊匪逐節勦
洗淨盡再於便民河北岸洲地橫互築營直至
江濱與水師聯為一氣庶可無虞內犯上下賊
勢仍不通連勦辦方有把握所有陣亡之知縣
松壽首先爬城中槍陣亡殊堪憫惻合無仰懇

聖朝聖考卷一百一十七

十三

天恩將松壽照同知陣亡例議卹奏入
上從之

同日

上諭內閣曰福興現署江甯將軍著在向榮軍營幫辦
軍務

二十五日 癸丑 官文奏言自去年收復德安後回
戈東指極思掃蕩逆氛剋日肅清江漢數月以

來駐師漢上近偏賊巢壘經臣激勵兵勇大小四十餘戰總計先後殺賊數千我軍奮不顧身受傷殞命者亦復不少而將士勇往之氣未嘗鬆懈現仍督飭諸軍三面兜圍日夜環攻奈該逆負固日甚賊壘亦隨毀隨修又恃有興國大冶武昌九江一帶賊援踵至水師楊載福統領十營礮船僅可截賊上游難以分截大江來路

聖皇聖考卷中十七

十四

且武漢隔江對峙水陸紛歧頗難扼截現在黃孝德安各路皆無重兵該逆被剿窮極豕突狼奔潛圖北犯在在尤宜豫防此臣深以攻克漢陽較武昌爲急切而荆襄門戶更當兼顧庶無北竄之虞也日來該逆屢敗歸巢守之彌固臣忝總師干頓兵城下迄今三月有餘武漢兩城尙稽克復勞師糜餉實由臣調度無方溺職辜

恩罪無可道惟有仰求

皇上天恩將臣從重治罪以昭炯戒奏入

上命軍機大臣傳諭官文曰前因德安武漢等處先後被賊蹂躪楊需西凌阿勦辦無功特授官文以督師重任該大臣總統師干自當隨機應變出奇制勝乃遽以調度無方自請治罪當此事機喫緊之際豈容置身事外朕於各路統兵大臣有功者不吝爵賞有

聖皇聖考卷中十七

十五

罪者亦自有權衡該大臣惟當激勵士氣設法圍攻以副委任豈得以請罪虛文爲塞責耶現在興國大冶一帶賊援踵至據稱楊載福水軍僅能遏賊上游荆襄水陸紛歧宜防竄突卽當杜絕外援力圖克復漢陽兼顧荆襄門戶並與胡林翼等謀勇兼施聲勢聯絡以期一鼓蕩平毋得觀望畏難致挫三軍銳氣官文又奏言二月初五日副將顏朝斌督兵由

鸚鵡洲一帶進勦直逼賊卡該逆率衆圍撲我軍奮力迎擊斃賊多名當將賊卡焚燬該逆賊船楊帆上援適值楊載福督船出隊將賊船圍擊賊勢不支轉舵逃奔我軍大獲勝仗奪獲大拖罣船一隻燒燬大鳥船二隻奪獲大銅礮十七尊生擒老賊二十餘名燒斃溺斃者無數是日署按察使李孟羣副將王國才分左右隊於

聖朝聖略卷百四十七

七

漢陽西門外誘戰賊見我軍列陣直前攻撲李孟羣揮兵迎擊千總劉德榮身受四傷猶手刃悍賊一名軍功范潮蘭又往五顯廟誘賊出戰賊出二百餘人俟其撲近擊之李保邦亦自伯牙臺抄擊而至又斃賊多名李孟羣礮船燒燬賊船三隻並將五顯廟賊卡焚燬初六日李孟羣王國才於漢陽西門橋誘敵賊出二千餘衆

我軍佯退該逆追至七里廟訥依琿阿馬隊首先抄擊殺傷多名賊匪奔潰維時漢陽南門外顏朝斌楊載福等同時會攻百計誘之該逆江面礮船因前日之敗不敢復出岸上賊衆出拒我軍旋敗退入卡已革總兵訥欽等在江邊埋伏潛分一軍將該逆五顯廟卡牆更樓一併轟倒該逆大股由龜山趨至援應月湖內賊船亦開礮抵禦復有股匪由梅子山衝出我軍先已節節埋伏該逆猝不及防驚奔回卡我軍復礮斃湖內賊匪十餘名外江賊船聞礮聲趨援亦被我軍擊斃無數初八日李孟羣等分途進攻該逆堅守城壘直至午後於西門出賊四千餘衆分路來撲勢極勇猛我兵嚴陣以待王國才等直搗中路該逆首尾不顧勢卽披靡被我兵

聖朝聖略卷百四十七

七

殺斃數百餘匪敗遁十二日夜南岸賊船六十餘隻溯流而上李光榮等分坐划船迎擊焚燒賊船十餘隻斃賊多名餘船乘風而遁查該逆疊次受創以堅守爲得計我軍屢抵卡下拔其鹿角焚其木柵均被卡內槍礮所阻傷亡甚多賊卡被燬隨修未能卽平焦灼實深現仍吞會胡林翼分撥礮船陸隊先行截賊青山援路一面督率南北各軍更番攻勦庶得乘機攻克以期一戰成功兩城速復奏入報

欽定剿平粵匪方略卷四十七

十六

二十八日辰丙向榮奏言該逆竄踞倉頭顧家壩內犯堪虞臣檄令鄧紹良馳抵六里店會同余萬清妥籌布置迅速進兵該逆連日由山僻小路竄越焚掠俱經遊巡兵勇分投擊退二十六

日有賊大股至嚴巷口桃岡築壘鄧紹良會同余萬清派隊分路攻撲逆衆擁擁拒戰遊擊李定太督軍奮勦鄧紹良與余萬清親督大隊左右抄攻轟斃賊匪無算連奪大黃旗多桿賊勢不支官軍移營進逼二十七日該逆五六千人分路迎拒鄧紹良馳馬督戰被賊礮傷腰膂李定太亦被槍傷左頰余萬清催兵奮擊陣斬悍賊多名斃賊數百餘人該逆復分股窺犯下蜀街圍襲營盤被虎嵩林伏兵擊敗二十八日余萬清會兵夾勦擒斬多名將賊屯糧房屋燒燬三十餘所兵勇進紮和家灣逼攻嚴巷該逆分路拒戰鄧紹良親督指揮令千總徐剛等從山左將賊要擊先後斃賊二百餘人李定太衝入賊隊連斬黃衣賊二名餘逆大潰奔逃二月初

欽定剿平粵匪方略卷四十七

十九

聞

一二等日官軍會攻姚岡顧家壩賊壘斬獲甚多盡將壘外鹿角椿籤焚燬並焚其屯糧之草田二壘餘逆併入劉家莊木瓜村兩壘死守初五日夜復來襲便民河被伏兵痛剿截回該逆以下蜀街六里店勦截嚴密有復向上游由三汊河內犯蘇常之語初八九等日張國樑會同德安秦如虎由三汊河龍潭口進攻賊壘殺賊二百餘人另股竄至英隆洲屯踞經余萬清田宗揚疊次要擊斬馘五十餘名偏溺河港死者數十名臣查賊由英隆洲竄踞橋頭既抄出下蜀街之前內犯旁竄在在堪虞臣先調總兵明安泰至句容縣堵紮一切城守事宜均已布置周妥現在丹陽緊要仍令該總兵馳往設防惟兵力甚單臣軍除調出各路外存營不及四千

聖朝聖訓卷之四十七

三

聖朝聖訓卷之四十七

三

人該逆大股出竄以來我軍連月苦戰雖斬擒逆匪不下六七千衆而我兵受傷亦一千餘人探聞上游賊援又有萬餘踵至欲由石埠橋東流等處衝竄是賊勢日增日衆我兵愈分愈少四顧躊躇左支右絀因函商督臣怡良於江蘇籌兵二千名更替扼紮以便抽撥兵力併圍攻勦無如急切不能趕到惟有飭催鄧紹良會同余萬清相機進攻一面令德安張國樑直搗倉頭使賊首尾牽綴不能兼顧十二至十五等日張國樑等兵進攻倉頭該處賊巢六座前後相倚我兵槍撲前壘賊從後壘併駭抵拒又有顧家壩賊衆來援我軍鼓勇攻打轟斃守塚多人立破前壘二座該逆於十二日夜自焚賊巢全毀竄赴炭渚其衝犯龍潭之賊經秦如虎等過

河迎勦殺斃賊匪二百餘人乘勝進攻橋頭並
躡看紮營地勢現擬移營偏攻分屯東西堰一
帶總期扼住內犯迅將竹裏廟橋頭炭渚之賊
併力掃蕩臣惟有殫竭血忱妥為籌策與吉爾
杭阿和衷商辦督飭該提督等嚴密堵勦力扼
要衝以冀仰紓

宸廑所有力戰陣亡之守備董洪升千總彭秀剛額外

陳平川外委吳雲忠懇

恩飭部從優議卹奏入

上命軍機大臣傳諭向榮福興吉爾杭阿托明阿陳金
綬雷以誠曰該逆自占踞倉頭嚴巷後雖經官軍連
日痛勦而賊黨愈衆復由沿江炭渚橋頭一帶步步
築壘延亙洲地至百餘里之遠斷非隨處設防所能
堵截覽所奏接仗情形將士皆能用命而洲地港汊

聖皇聖德

三

紛歧必須水陸夾擊向榮所調怡良兵二千名卽著
飛提赴營派撥助勦本日復諭知何桂清於浙江防
兵內酌量籌撥一千或數百名卽可飭交鄧紹良等
分投堵擊總以力掃賊壘使沿江之賊不能與瓜鎮
勾連庶可杜其內犯黃泥洲賊匪旣自瓜州繞越竄
出瓜州賊營必已空虛托明阿等卽不能杜其由江
邊竄越之路豈不能乘賊空虛力圖克復似此因循
坐視殊屬不知大局著懷遵前旨迅將瓜州賊巢剋
日掃除以分南岸之勢勿事遷延自干咎戾

上又命軍機大臣傳諭何桂清曰逆匪自竄踞倉頭顧
家壩等處屢圖內犯蘇常漸與下游瓜鎮竄出股匪
繞越通聯近復探聞上游賊援又有萬餘踵至欲由
石埠橋東流等處衝竄而向榮一軍除調往各路外
存營兵不過四千名雖經向榮會商怡良於蘇省籌

聖皇聖德

三

兵二千更替扼紮仍恐兵力不敷賊勢日增日眾我兵愈分愈少覽所奏情形實屬萬分緊急蘇常為浙省門戶設有疏虞何堪設想著何桂清卽於該省存兵及各路防兵內籌撥勁旅千名選派得力將弁管帶迅速馳赴向榮軍營聽候調遣如該省之兵實係無可分撥亦務須酌量緩急通籌大局調撥數百名前往以資攻勦而助聲援

聖皇朝實錄卷二百四十七

三

上諭內閣曰逆匪被勦窮蹙時圖紛竄經官軍截勦疊勝著向榮嚴飭鄧紹良等合力掃除毋任竄越先後力戰陣亡之守備董洪升著從優照都司例議卹千總彭秀剛著照守備例從優議卹額外陳平川儘先外委吳雲忠均著照把總例從優議卹

向榮又奏言蕪湖石壘餘賊經江長貴督兵堵剿布置密嚴正月二十七等日東梁山竄賊至

四合山築壘撲營江長貴親統大隊抄勦斬首數十級總兵吳全美帶紅單拖營等船於正月十四日駛近兩梁山山坳賊船數十隻亦揚帆前來抗阻我軍開礮迎勦立沈賊船數隻焚燒賊糧船十餘隻二月初一日吳全美揮船下駛將至四合洲紅單船忽然開淺吳全美卽抽換戈礮拖營一船於初四日乘風直下攻至兩梁

聖皇朝實錄卷二百四十七

三

山沿江掃蕩適副將李德麟分派紅單七船及快蟹三隻隨同上勦大通江面初七日風色甚順吳全美督船攻擊南北兩岸賊壘風息收隊復分撥水勇三百名在江邊紮營助勦聯絡水陸聲勢現在江鎮情形喫重若將上游江面扼斷賊勢自孤廣東續調紅單等船二十七隻尙無到江信息臣擬俟該船到江卽令調赴上游

百名專撲虹橋又有大股賊匪一千餘名護擁
續至經總兵鞠殿華會合各勇四面勦殺斃賊
二百餘名餘賊潰散各兵勇追至賊濠始行收
隊此後百計環攻賊終不出昨接吉爾杭阿來
咨高資以內嚴巷一帶之賊被攻勢蹙於十二
日焚壘夜遁與鎮江逆賊合股東下又據探十
八日上流駛來白篷賊船五十餘隻十九日又

聖朝聖略卷一百零八

二

來大船多隻俱泊金陵下關一帶並聞金陵賊
匪置火攻船十隻快船二百餘隻糧船多隻欲
遇順風先以火攻水師隨領糧快等船東下另
有十船裝載甄石柴薪欲撲浦口且於十七八
兩日出賊二千餘人由觀音門潛赴下游臣等
一面商同吉爾杭阿加意籌防一面飛飭焦山
水師速撥戰艇選派得力將弁督帶上駛協力

防勦並飭土橋觀音門等處水勇聯絡聲勢節
節應援惟陸路兵力既單江面水師零星布置
每處祇船十餘隻實恐不堪抵禦前經向榮由
粵東咨調之紅單船臣托明阿疊次催提杳無
信息惟有仰懇

飭下浙江福建各督撫沿途提催飭令迅速入江協勦

同日翁同書奏言臣查咸豐三年四月間江忠

聖朝聖略卷一百零八

三

源奏陳軍務八條皆切中時弊洞悉賊情實為
至當不易惟於江防事宜尙未議及臣以為此
時逆賊瀕江踞守江防之要有五一日扼要津
長江自漢口而下如道士洲小孤山樅陽鎮板
子磯等處險要不可勝數就蕪湖以下言之則
如裕溪口浦口觀音門高資港鮎魚套土橋焦
山等處均為沿江要害皆已有水師駐守惟和

州之賊魚嘴在西梁山之下卽古之橫江口尙無水師駐泊故賊船得由皖省內河及巢湖出江調安慶賊黨下援並運送糧米波至南岸直抵金陵城下是賊魚嘴亟宜撥船堵截二曰聯陸路凡江面屯泊水師之處岸上必須有陸軍接應今惟觀音門岸上無兵若陸路派撥一軍駐紮南岸燕子磯棲霞山一帶則觀音門水師

聖皇聖考卷一百四十八

四

無孤立之虞至水陸兩路利於同時夾擊儻有不前卽從重懲辦以儆其餘三曰斷岸奸賊匪往來每密布奸細暗通消息浦口南岸之七里洲等處皆爲賊匪聚集之所必應設法緝拏並令居民遠徙庶賊匪信不能通糧無可掠四曰議火攻自艇師上駛皆以火攻獲勝今可仍用火攻之策使水師兵勇泗水登陸燔燒賊營尤

足令其破膽五曰增小船艇師各船過於笨重非大風則不能行遇淺港則不能進備賊匪乘坐划船難期追擊宜多設小船與大船相輔而行用大船以扼截用小船以追剿庶賊船無從竄脫臣復查近日續調粵中紅單船二十七隻據報於上年十二月自粵起程至今尙無入江消息俟此項船到似宜催令卽日上駛扼守金

聖皇聖考卷一百四十八

五

陵上游賊魚嘴以補空虛斷皖省賊船由巢湖及內河出江之路並分起先攻金山橋其中堅俾賊匪失南北犄角之勢則瓜鎮易於勦洗儻一時未能攻克卽催令力扼上游庶免逗留取巧徒淹時日均奏入

上命軍機大臣傳諭托明阿陳金綬雷以誠曰瓜州逆賊自我軍築圍進逼以後旣已野無可掠乃月來攻

勦不過小有斬獲而瓜州賊匪竄出與金陵賊黨相連已於江中洲地徧布營壘逆燄方張殊堪憤懣昨已諭令托明阿等乘該逆竄出攻取瓜州並與向榮吉爾杭阿等掃除江洲賊壘絕其南北相連著即設法辦理毋得以該逆困守不出為詞觀望遷延自干重咎廣東續調紅單船二十七隻本日復諭何桂清飛催前進矣再據翁同書條陳軍務請扼要津聯陸

聖皇聖考卷百四十八

六

路斷岸奸議火攻增小船等五條著托明阿等即將該員所陳體察情形採擇辦理

上又命軍機大臣傳諭何桂清曰前據葉名琛奏續雇紅單船二十七隻於十二月初一日起程茲據托明阿奏稱疊次催提杳無音信現在瓜州一帶堵剿喫緊此項船隻由粵赴洋將及三月如已駛至浙江甯波一帶即著何桂清嚴飭管帶船隻之護參將李新

明等趕緊駛赴江南聽候調遣毋任沿途逗留致誤事機

初四日 辛酉 何桂清奏言金陵逆匪闖入龍潭等

處欲由句容丹陽內犯蘇常向榮檄令鄧紹良馳往六里店進剿而以江長貴接統蕪湖該署鎮即由黃池帶勇七百名馳回防剿逆匪於正月二十六七等日幾次衝突俱被我軍截回二

聖皇聖考卷百四十八

七

十八日復來撲營江長貴督飭官兵斬獲甚眾惟東西梁山賊援繼至南陵大通江面又有賊船自江北來蕪湖水陸各軍多半調赴金陵句容各路存營兵勇究嫌單薄江長貴尙能勉力支持向榮與臣往返函商惟有隨時察看軍情力籌接濟並望六里店一帶迅殄妖氛鄧紹良早日班師庶於蕪湖軍務更有起色再臣前准

江蘇撫臣吉爾杭阿函知賊匪因援應鎮江不遂分股直趨句容希圖內犯請調浙省兵勇馳赴句容堵截臣卽飛飭省城虎勇九百名委參將師長鑣統帶起程嗣復接准吉爾杭阿來函囑撥兵勇協防臣又派藍翎侍衛胡鳳鳴統帶健勇五百名前赴鎮江聽候調遣至江西軍情現在吉安之圍未解而臨江瑞袁三府數月以

聖朝軍方略卷一百一十八

八

來未復一城衢州防務緊要該處兵勇無多前調漳泉兵勇尙無到浙日期現復咨行總兵饒廷選臬司周起濱會同衢州鎮道就地雇募民勇分布要隘隨時偵探江省軍情緩急妥籌防堵奏入報

聞

初五日 壬戌 怡良奏言接准向榮吉爾杭阿來咨

聞

現在軍情緊要請調本省標兵協勦查蘇省地廣兵單兼值防護海運出洋在在需兵本難徵調惟賊勢狡猾未敢拘泥不得已於無可抽撥中酌調留防上海及提鎮各標存營兵共二千名飭令配齊軍裝器械前往江甯軍營聽候向榮調遣奏入報

聖朝軍方略卷一百一十八

九

同日翁同書奏言上年托明阿等建築土圍臣與德興阿因南北地勢不同苦口力阻始終不從本年二月二十七日金陵鎮江悍賊萬餘合股渡江次日約緝瓜州之賊直撲土圍由土橋一帶越圍縱火兵丁紛紛潰走德興阿帶隊往援托明阿親督接應力戰竟有傷亡甚多賊衆分路抄襲處處火起各營盡燬托明阿退守三

汧河二十九日賊由樸樹灣過河德興阿帶隊
迎勦托明阿亦由三汧河回顧後路秦家橋一
帶又有大股賊匪過河圍攻參將毛三元營盤
而東岸各營亦已為賊所燬此時揚城大震全
局已壞不敢不據實直陳伏乞

嚴飭招集潰兵暫顧目前並

飭下河臣嚴防北竄以維大局

聖事集方略卷一百四十八

十

同日文煜奏言瓜州賊匪於二月二十八日突
出數千名竄至土橋將土橋烏塔溝各營盤衝
踞二十九日探得托明阿等西岸營盤均被焚
燬德興阿所帶馬隊尙在接仗托明阿等均退
守三汧河陳金綬雷以誠毛三元各營亦被衝
塌焚燒托明阿現在秦家橋揚城無兵恐難保
守糧臺駐邵伯係屬鄉鎮現在賊蹤已由陸路

東竄患在肘腋臣相度機宜前路一經逼近必
應設法挪移惟有激勵團練安撫居民於沙頭
加意防堵均奏入

上命軍機大臣傳諭托明阿陳金綬雷以誠文煜曰托
明阿等圍攻瓜州師久無功軍心懈弛所築長圍本
不足恃致令賊匪合股渡江將土橋烏塔溝各營衝
踞托明阿等西岸營盤均被焚燬該大臣退守三汧

聖事集方略卷一百四十八

十一

河而毛三元營盤被賊焚燒陳金綬雷以誠兩營亦
被衝踞揚州軍營大局已壞該大臣等貽誤之罪殊
堪痛恨現在賊勢颯張亟宜嚴防北竄托明阿等著
卽收集潰兵扼要堵勦杜賊北竄之路邵伯鎮糧臺
距賊甚近自應設法挪移著傳諭文煜相度情形妥
為安設此時江北事機萬分喫緊該大臣等儻不知
奮勉力圖遏截賊鋒國法具在斷難倖邀寬宥現在

如何籌辦情形著隨時馳奏並知照邵燦吉爾杭阿相機截擊毋得再事遷延

上又命軍機大臣傳諭邵燦曰瓜州逆匪被圍日久突致衝出大肆鳴張托明阿等各營既燬我軍失勢文煜恐賊氛逼近欲將糧臺移徙此時賊勢蔓延既向運河兩岸則高郵邵伯一帶接連淮安清江勢尤可虞邵燦現權河督駐守清江亟應力籌堵禦之策徐

欽定剿平粵匪方略

卷一百四十八

州捻匪未滅尤須豫防勾連本日已諭吉爾杭阿派兵由江東繞出賊前力遏北竄又令崇恩派兵前赴淮徐一帶協同攔勦其伊興額等所帶馬隊一千名亦令英桂飭調前赴淮徐交邵燦調遣清江防守兵單邵燦卽將伊興額等馬隊迎提並催提山東派撥兵勇相機調度力保淮徐卽以遏賊北竄之路

上又命軍機大臣傳諭吉爾杭阿曰瓜鎮兩處逆賊偷

越出竄焚燒托明阿等營盤兵勇多有傷亡此時大局已壞揚城震動清江一帶兵力過單北竄可虞托明阿等軍心敗散卽使收拾潰卒亦難維持全局著吉爾杭阿飛速挑撥精壯兵勇派令得力大員統帶由東路過江繞出賊前遏其北竄其沿江水師各戰船亦恐托明阿等調度不及著吉爾杭阿嚴督水營將弁在瓜州江面力圖扼截毋令該逆接踵而至其

欽定剿平粵匪方略

卷一百四十八

鎮江攻勦事宜仍著布置周密毋稍疏虞

上又命軍機大臣傳諭英桂崇恩曰金陵鎮江悍賊萬餘合股渡江會合瓜州之賊直撲土圍托明阿全營兵丁大半潰散卽使收集散亡亦難復振設淮安清江一帶稍有疏虞大局何堪設想邵燦兵練爲數無多難資堵遏豫東兩省毗連江境亟應分兵應援所有伊興額等馬隊千名著英桂飭令該員等卽日統

率所部由徐州一路前赴淮揚崇恩出省防勦所謂各路官兵諒已到齊著卽酌撥勁旅迅速馳赴清江一帶力扼賊衝均歸邵燦調遣並確探賊情隨時馳奏

同日駱秉章奏言江西西路臨江瑞州袁州三府所屬均已淪陷吉安府城亦正被圍劉長佑所部兵勇二千名仍嫌單薄已抽調南北兩路

聖朝聖略卷二百四十八

十四

各勇先赴醴陵瀏陽邊界俟劉長佑進勦分隸數營合成四五千之數以厚其勢嗣接探報從九品毛英勃援勦萍鄉行至蘆溪遇賊衆數千突至毛英勃率其弟毛英俊督勇力戰殺賊數十嗣因路徑生疏衆寡不敵被賊四面圍裹毛英勃毛英俊同時力竭捐軀並陣亡勇丁二十六名幸前調之都司田興恕等到界結營楚東

橋賊始卻退卽選道劉長佑於正月十七日抵省臣面與商酌楚軍越境須由瀏陽醴陵攻克萍鄉萬載兩縣始可規復袁州蓋以江西西路諸郡縣均淪於賊湖北之匪又隨時添入若祇從一路進兵賊必悉力抗拒攻克爲難臣當札飭瀏陽醴陵兩縣官軍歸劉長佑統領合之劉長佑舊部楚勇及增募之勇數近五千令其馳

聖朝聖略卷二百四十八

十五

赴醴陵相機進勦並札飭卽選同知直隸州知州蕭啟江等均聽劉長佑調遣以一事權劉長佑進取萍鄉於二月初四日由黃花渡進兵初六日行至青山鋪疊次誘賊出與分路轟擊十一十二兩日連獲大勝賊匪被勦窮蹙悉由袁州大路竄去遂復萍鄉縣城統計殺斃賊匪千餘名生擒長髮賊目四十二名奪獲軍械旗幟

不計其數其駐瀾陽之蕭啟江等軍於初九日
進駐萬載縣境珠樹潭十一日袁州府城之賊
糾黨數千潛來撲營疊經蕭啟江等前後遮擊
賊匪紛紛敗潰官軍乘勢掩殺追至河岸賊匪
沿河潰逃撲水死者甚多共計斃賊千名生擒
五十二名奪獲藤牌槍矛多件其由江西義甯
州及瑞州各屬窺伺瀾陽東界之賊又經團紳

欽定剿平粵匪方略卷一百四十八

十六

黎端甫等先後堵擊殲斃甚多此次逆蹤由義
甯而擾西路首逆石達開先陷瑞州次陷臨江
袁州探聞吉安亦於正月二十五日被賊攻陷
數郡千里之間無一官一兵相爲援應楚師出
境非克復萍鄉萬載將附近各賊殲除則不能
進剿袁州克復袁州後非又將附近各屬賊匪
殲除則不能進剿各郡未復之處既須客兵助

勦已復之處又須客兵代防楚師五千名雖皆
百戰之餘然越境以後兵分力單顧後瞻前動
多牽掣深恐師行濡滯有誤事機首逆石達開
悍而多詐江西風氣積柔兵勇見賊卽靡僅恃
曾國藩水陸兩軍爲之撐撐而曾國藩陸勇不
滿七千戰守俱行單薄以江西現在局勢而論
鄂城速下則羅澤南一軍可以倍道馳援固爲

欽定剿平粵匪方略卷一百四十八

十七

上著儻堅城難以遽破而江西盼救甚殷似非
閩浙廣三省各簡銳師由該省東路南路速進
不可江西地居腹中爲東南四達之區於目前
勦賊局勢關繫非淺臣既有所見不敢不畢獻
其愚此次打仗出力員弁兵勇可否由臣覈明
彙案保獎出自

天恩其追賊陣亡之藍翎從九品毛英勃請照縣丞例

議卹六品軍功毛英俊請照把總例議卹奏入

上諭內閣曰此次湖南官軍應援江西兩路疊獲勝仗

克復萍鄉縣城實能不分畛域勦辦尙屬得手著略

秉章迅飭帶兵員弁將萬載一路股匪次第殲除進

勦袁州以圖克復所有出力員弁兵勇著准其彙案

酌保追賊陣亡之藍翎從九品毛英勃著照縣丞例

議卹六品軍功毛英俊著照把總例議卹

聖皇聖考卷一百零八

十六

同日文俊奏言臣據探吉安府城於正月二十

五日失守並據臬司周玉衡之子候選同知周

炎稟稱該員由韻募勇應援吉安因賊踞泰和

未能衝過探知吉安府城失陷伊父周玉衡及

胞兄周恩慶定已遇害請發重兵進勦保全大

局等情查臬司周玉衡督率文武堅守危城屢

次獲勝殺賊千餘卒至遇害情堪憫惻可否先

行

賜卹出自

聖恩其餘殉難員弁容俟確切查明另行具奏再聞逆

首石達開往來吉臨二郡先則聲言分爲三股

水陸並進撲我樟鎮營盤直犯省城又復分其

黨類圍聚泰和南窺贛境未幾永豐股匪又比

竄樂安縣之龔坊襲我隘口都司郭煥溪等迎

聖皇聖考卷一百零八

十七

勦失利退守崇仁南界又准胡林翼咨稱武漢

外援賊匪被勦下竄約有五六千人由大冶行

抵興國竄入江西是北界武甯一帶賊匪愈多

實有防不勝防之勢臣與曾國藩函商目前之

計惟有飭令周鳳山堅守樟鎮堵遏吉臨陸路

之賊以道員彭玉麟督帶楚軍戰船堵禦上游

之賊並令知府劉于瀆統帶水軍戰船駐紮市

漢嚴堵瑞河要口捍衛省南檄遊擊遮克敦布
會同臨川縣知縣馬永熾扼守崇仁樂安兩縣
要隘以固撫建藩籬其贛郡地方尤爲水陸衝
要現亦各行鎮道督同地方各官招集鄉團互
相策應共保無虞至此失陷郡城臣有應得
之咎應請

旨將臣 交部議處

文俊又奏言派援吉安之候補知府周汝筠前
以頓兵泰和緩急失當業經摘去頂翎仍令繞
道星速應援乃該員一任嚴催總以必須克復
泰和縣城方可前進膠執稟復以致吉郡望救
不至終被攻陷現更因賊由陸路分竄萬安興
國遂撤回贛屬之大湖江地方並據贛州府稟
稱周汝筠之勇半在萬安潰散應請

旨將候補知府周汝筠先行革職仍責令揀留精銳壯

勇二千名折回贛郡協同該地方文武扼要環
守以贖前愆奏入

上命軍機大臣傳諭曾國藩文俊曰吉安被圍日久雖
在事文武竭力堅守卒以外援不至賊勢猖獗以致
孤城淪陷覽奏實深憤恨撫建二府密邇寇氛情形
倍爲喫重該逆又復分黨屬聚泰和南窺贛境且由

永豐竄偏樂安此時周鳳山堅扼樟鎮彭玉麟堵禦
上游劉于瀆駐紮市汊皆不過以防爲勦周汝筠之
勇旣因潰散回贛遮克敦布一軍亦僅能扼守崇樂
要隘若不嚴飭該遊擊等節節進勦則我退而賊進
其勢必更蔓延著曾國藩等仍令周汝筠遮克敦布
各勇探賊所向迅速迎擊本日另諭葉名琛等揀調
精兵五六千名前赴江西應援應由何處進兵著文

俊等催提前進至臬司周玉衡理問周恩慶遇害情形著會國藩文俊確查具奏再降諭旨其圍城文武如何下落一併查奏周玉衡之子周炎所募賴勇二千本為救援吉安現因賊踞泰和未能衝過亦著會國藩等飭令隨勦隨進以期稍遏賊氛

上又命軍機大臣傳諭官文胡林翼曰楚北賊黨既分股回擾江境則武昌漢陽逆匪無多正當乘機進取

聖朝聖考卷一百四十八



三

以搆其虛官文統師進徧漢陽已逾數月大小數十戰均有斬擒前奏水陸攻勦情形籌畫似有把握胡林翼屢獲勝仗著該大臣等激勵將士迅克兩城肅清江漢為協勦江西之計羅澤南一軍最為驍勇善戰前此楚疆危急經會國藩派往應援現在江省如此喫重該大臣等惟有迅圖克復武漢則羅澤南一軍即可回援江西矣

上又命軍機大臣傳諭葉名琛柏貴曰江西賊勢蔓延情形萬分喫緊必應厚集兵力以資進勦此時廣東省勦辦餘匪漸次肅清著葉名琛等即行挑選精兵五六千名配齊軍裝器械派委得力將弁管帶兼程前赴江西聽候文俊調遣

上諭內閣曰江西吉安府城被賊攻陷所有帶兵赴援之候補知府周汝筠前抵泰和勦賊未即往援業經

聖朝聖考卷一百四十八



三

摘去頂翎茲復遲延不進著即革職仍責令帶勇協勦以觀後效如再不知奮勉著即嚴參治罪文俊到任未久雖籌勦派援急難應手惟所屬失陷咎有應得著交部議處該城文武員弁著查明如何下落一併具奏

初七日子甲托明阿奏言二月二十八日瓜州鎮江賊匪分撲東西兩岸沿牆官兵槍礮環擊該

逆仍前衝突總兵松齡遊擊滿祿協領奇成額等所守土橋小蘆莊等處逆賊拚死越牆而進施放噴筒火箭將沿牆營盤焚燒步兵潰散大半至晚收隊暫紮三汊河二十九日該逆各股由樸樹灣等處涉水過河分撲北竄至徐家集薛家樓一帶臣與德興阿率領馬隊官兵分路攻擊聞瓜州逆匪又由八里堡另出一股直撲

聖皇朝方略卷一百四十八

三

三汊河營盤賊眾我寡東岸兵勇竟未接應勢不可支遂撤隊固守秦家橋蔣王廟營盤並差人赴東岸探詢陳金綬雷以誠消息因路徑不通不知情形如何現在賊勢萬分喫緊步兵尙未收齊惟仗馬隊分路截擊副都統德興阿落馬受傷尙能竭力督戰臣復與該副都統相機週勦一面嚴催各營鎮將趕緊聚集官兵迅將

各路竄賊剿除至此大營盤失利實由臣調度無方應請

旨將臣先行從重治罪並請將失守之總兵松齡參將

毛三元遊擊滿祿協領奇成額等一併先行革職仍責令帶罪自效其陣亡官兵容臣查明另行辦理

托明阿又奏言頃聞逆匪自西北分竄復有另

聖皇朝方略卷一百四十八

三

股由東西兩岸分路竄入揚城臣與德興阿卽帶領官兵馳往攻剿直逼城下槍箭並發殲斃賊匪五六百名生擒賊目三名長髮賊十九名並先由新集等處擒獲賊目及長髮賊三十七名據供該逆現已糾集鎮江悍賊分路北竄共有死黨數萬餘人現在官軍馬步各隊統共不足千餘名且須扼截北竄之匪實屬不敷分布

臣已飛知浦口江浦六合等處暫為抽撥馬步
精兵一千餘名星馳來揚協勦一面札飭藩司
文煜相度地勢督帶練勇在邵伯一帶扼截水
陸要衝杜賊竄赴清淮之路奏入

上命軍機大臣傳諭德興阿翁同書曰逆匪分股竄撲
揚州復陷本日已明降諭旨將托明阿等先行革職
並授德興阿為欽差大臣令翁同書幫辦軍務矣據

聖朝集方略卷一百四十八

三

托明阿奏逆匪欲分路北竄此時清淮下游極關緊
要該大臣等亟宜扼要駐紮嚴防北竄我兵自潰散
後馬步兵勇數已無多著德興阿等先就現有兵勇
設法堵勦務將該逆北犯之路堵扼方可徐圖攻城
之策切不可專顧攻城為賊牽掣致令高寶一路稍
有疏虞本日已諭令吉爾杭阿派兵由揚州東路抄
出城前並調山東直隸陝西等處官兵赴清江交邵

燦調遣該大臣即與吉爾杭阿邵燦會商何處扼要
即由何處扼截總期妥為布置以固北路藩籬陳金
綬雷以誠現在何處何以東西兩岸聲息絕不相通
著即查明據實具奏綠營潰兵亟應趕緊招集現在
陳金綬革職何人可勝幫辦之任著德興阿於帶兵
大員中酌保一員候旨簡派

上又命軍機大臣傳諭向榮怡良吉爾杭阿曰前因瓜

聖朝集方略卷一百四十八

三

州逆匪竄擾運河兩岸當經諭令吉爾杭阿派撥兵
勇渡江由東路繞出賊前截擊現在揚州失守據托
明阿奏稱訊據賊供此股賊眾不下數萬均由鎮江
等處糾合而來志在北竄清江現無重兵駐守情形
萬分喫重著怡良吉爾杭阿遵照前旨於鎮江軍營
挑選精壯兵勇派委得力大員統帶由通泰繞出賊
前嚴扼清淮一帶以杜北竄毋許稍涉遲緩並著將

派定統兵之員速行具奏至金陵鎮江沿江賊壘仍著向榮吉爾杭阿督飭兵勇實力攻剿使該匪有所牽制不致悉數北渡其浦口等處並著向榮等飭令統帶師船各員嚴密防範

上又命軍機大臣傳諭桂良英桂邵燦曰賊匪竄入揚城又欲分路北竄現在邵伯一帶兵勇單薄清江爲水陸要衝實爲北地門戶邵燦所轄河漕弁兵爲數

欽定剿平粵匪方略卷一百四十八



無多難資堵截著桂良卽將前留長垣防堵之官兵一千八百名仍令羅玉斌管帶星速馳赴清江並著英桂將陝西前調赴豫之駐防官兵一千名一併飭令前赴清江其伊興額等所帶馬隊一千名著英桂仍遵前旨飛催前進勿任逗留各該省所調官兵到後俱著暫歸邵燦調遣

上又命軍機大臣傳諭和春福濟曰逆匪闖入揚州府

城意圖北犯是淮徐情形最爲喫重已派員撥兵在清江一帶防堵復恐該逆由天長滁州等處直撲臨淮與徐宿捻匪互相勾結爲害更鉅著和春福濟迅派得力大員酌帶兵勇扼守臨淮關杜其北犯之路該處關係甚重和春等將何員派往防堵並一切布置情形均著卽行馳奏

欽定剿平粵匪方略卷一百四十八



上諭內閣曰托明阿等督師江北一載有餘瓜州蕞爾一隅不能力圖攻克已屬大負委任乃此次逆匪突圍出撲由土橋一帶分股亂竄各路兵勇紛紛潰敗揚州府城復被闖入托明阿先事旣不能嚴防迨逆匪撲出復不能力爲扼截雖經副都統德興阿督帶馬隊連日截殺斃賊數千而營盤連失府城復陷托明阿調度無方實堪痛恨陳金綬雷以誠以幫辦大員駐兵東岸逆匪直撲三汊河營盤並不派兵接應

現在退至何處亦未與托明阿會合均屬怙怯無能厥咎甚重托明阿雷以誠均著先行革職陳金綬業經革職所有三品頂戴並著先行革去聽候查辦正白旗漢軍副都統德興阿著賞加都統銜授為欽差大臣並著詹事府少詹事翁同書幫辦軍務先就現在兵勇擇要嚴扼毋令該逆擾及清淮一帶其由揚州旁竄之路亦即分投堵剿毋稍疏忽至失守營盤之總兵松齡參將毛三元遊擊滿祿協領奇成額均著即行革職仍留德興阿軍營帶罪自效儻再不知奮勉即行嚴參治罪

聖朝聖方略卷二百四十八



初八日 乙丑 曾國藩文俊奏言 臣等遵查江西地勢以樟樹鎮為最要現有周鳳山彭玉麟周尊彝等水陸各軍駐紮用全力扼守樟鎮以保東岸而衛省垣又查各路賊情金陵逆匪由湖北

入江境者以偽易王石達開為首偽檢點賴蔭新陷瑞州偽豫王胡以洗等陷袁州偽春官丞相張遂謀等攻臨江吉安粵東另股土匪由湖南茶陵等處入江境者以周培春人數為最多又有賊目葛耀明關志江等於瑞州臨江投入石逆大股之中賊目王義潮劉夢熊分屯吉安泰和亦已與石逆合併為一石逆現回臨江分

聖朝聖方略卷二百四十八



遣賊黨攻圍贛州又有鄂省新到之賊及興國土匪於二月初八日攻撲武甯縣該逆久踞臨江兇悍之賊必萃於此南則窺伺贛州南安以通兩粵之餘匪北則踞守武甯新昌以通九江之歸路全勢注於江西意圖盡披枝葉困我省會兇謀詭計實可痛恨查劉長佑一軍現因道途梗塞尚無入江確信 臣等擬令該員先攻袁

州俟克復後卽由分宜新喻直下與周鳳山一軍會合以攻臨江不必先往吉安恐孤軍深入腹背受敵再查德安縣城被賊竄踞上年臘月有瑞昌及興國州土匪竄入該縣賊目係武甯之葉至華興國之劉棕魁等約二千人該縣與瑞昌毗連賊蹤去來無常春初僅贖數百人正月全數竄出嘯聚於武甯瑞昌之間二月竄入武甯縣境被該縣兵勇剿散初八日有湖北新到賊股合之興瑞土匪攻撲縣城至周汝筠一軍設法疏通一節查屢次搜獲僞文據稱粵東賊目王義潮統賊萬餘阻禦泰和使周汝筠之師不得進援吉安臣文俊前因其救援不力曾另調遊擊遮克敦布統率兵勇由樂安永豐一帶取道援吉詎遮克敦布起程數日卽得吉安

欽定剿平粵匪方略

卷一四八

失陷之信臣等卽令遮克敦布扼駐樂安屏蔽撫建並令周汝筠退回贛州防守惟賊衆兵單不得不急求外援相應請

旨飭下兩廣總督廣東巡撫迅派兵勇三四千人直赴贛州會同戰守再臣曾國藩接據探報賊蹤已近撫州上游十分緊急卽於二月十八日由南康起程赴省二十日途中接彭玉麟飛稟周鳳

欽定剿平粵匪方略

卷一四八

山連日血戰十八日與賊接仗全軍失控若該逆直犯省城深爲可虞臣曾國藩一面單舟進省會商守城事宜一面飛調湖口青山水陸各軍同回省垣以固根本曾國藩文俊又奏言臣等前請調羅澤南帶兵來江助剿先後接奉

諭旨令俟武漢克復酌量催調惟現在賊氛日熾江境

軍情萬緊而湖北武漢之賊又堅守不出我軍日與相持城池勢難遽下與其頓兵堅城攻克無期不如移師腹地速救江西應請

飭下湖北撫臣速令羅澤南兼程來江援勦實有神於大局

同日胡林翼奏言接據曾國藩函稱吉安府城失陷江西省軍情日緊速調羅澤南李續賓提師

聖皇聖略卷二百四十八

四

回援臣思首逆石達開擾害江西與粵東流匪合併更益以本境土匪連陷江西州縣則南贛撫建固屬可危浙閩湖南尤深遠慮東南大局所關臣何敢以鄂中一省之事而忽然不顧羅澤南之議則曰武漢為南北樞紐視他省關繫獨大上藉荆襄下控吳皖未可棄而不顧臣再四思維南岸各軍力攻八十餘日戰士良苦遽

行撤調未免功墮垂成且羅澤南之軍虧欠正

二兩月餉項江西庫帑亦竭即令剋日速援而

欠餉行糧必應速為籌措臣之水師火具已齊

湖南大礮亦到默計旬日之內春汛初起漢陽

南岸嘴之沙渚可期漲溢則賊舟難於閉藏水

賊或可燒而走也臣定計力圖克復如旬日無

成則鄂省戰守惟臣無可諉責自當權其緩急

聖皇聖略卷二百四十八

五

籌措餉項先以數千人赴援均奏入

上命軍機大臣傳諭官文胡林翼曰曾國藩文俊奏吉安失陷石逆久踞臨江南則窺伺贛州南安北則踞守武甯新昌賊勢蔓延全省幾徧請飭羅澤南迅速移師來江援勦本日復據胡林翼奏現在春汛初起賊舟難於閉藏已定計力圖克復儻一時未能得手先以數千人赴援等語所籌甚是胡林翼如能於旬

日之間攻克武漢則羅澤南一軍即可回援江西儘克復尙需時日先行派兵分援亦須仍由羅澤南等統帶前往方能得力該督等務當權其緩急不可稍存畛域之見致誤事機

又命軍機大臣傳諭葉名琛柏貴曰前因吉安失守當經諭令葉名琛等撥兵五六千名前赴江西聽候調遣現在逆賊石達開等糾合各路匪徒萃於江西

聖朝方略卷二百四十八

奏

連陷瑞臨袁吉四郡復分遣賊眾攻圍贛州該郡爲江右雄鎮稍有疏虞後患不可勝言惟該省賊眾兵革實屬不敷勦辦自應亟爲籌撥著葉名琛柏貴遵照前旨速行挑選精兵五六千名派委得力將弁統帶剋日馳赴贛州相機堵剿該郡待援急迫葉名琛等務須不分畛域迅速派撥毋稍遲誤

胡林翼又奏言二月初三日賊以數百人掘隄

使我兵不能及城知縣劉騰鴻督率鄉勇於隄上迎擊賊匪敗退我兵分路追殺抄至長虹橋賊伏突起劉騰鴻誓以死戰用礮轟之適臣中路東路兵勇俱以大隊接應殺賊無算該逆大敗入城連日堅閉不出初九日督臣官文約期大舉臣與羅澤南督飭各營豫備攻城器具分路進攻乘夜集於城下先砍其濠邊木柵二重

聖朝方略卷二百四十八

奏

繼以土囊稻草填其城濠兵勇用梯登城賊拋擲火毬亂石繼以槍礮我勇受傷者多毫無退志相持一時之久終莫能登臣以礮傷士卒太多遂令暫退忽見城上之礮自裂傷賊甚多據逃出之賊供稱是日城上之賊爲我軍礮斃者以四五百計又因礮裂而自斃者有章姓頭目一名我軍受傷及陣亡者亦已六百名初十

至十五等日賊匪時以數百人出城搗戰疊被
我兵抄擊下游青山窰灣一帶為陸路接應賊
糧之道臣擬分兵扼守羅澤南等前往審視營
基見賊之大隊盡由武勝門出不下三四萬人
排列六七里之遙其前隊八九千人更番出戰
羅澤南等設伏要擊都司何紹彩亦率勇來接
追殺六七里斃賊四百餘人同知蔣益漕等駐

聖朝聖略卷一百零八

天

紮小龜山賊不能踰乃由紫金山橫出與大東
門之賊會合又為湘勇所敗二十三日賊在小
龜山延燒民房大東門之賊亦來接應羅澤南
等分軍擊勦賊眾大敗殲斃六七百人餘賊踰
溝而逃署提臣楊載福於二月初五日率水師
十營自沌口至鸚鵡洲分隊循東西兩岸而下
距賊船約四五里該逆乘風上駛我軍以火攻

之賊船悉燬其南岸嘴及東岸鮎魚套之賊船
亦先後被我軍焚燒臣等水陸各軍自冬至春
幾於無日不戰現在李續賓等移紮下游窰灣
羅澤南仍駐洪山臣當中路長虹橋一面至水
路之臣置於武漢兩城之下外以沙洲為護
內與陸賊相依計惟有多用火具乘風延燒趁
勢追勦或可得手目下春水方生旬日之內必

聖朝聖略卷一百零八

天

可剋期大舉聚而殲旃所有陣亡之千總彭本
餘等應請

旨飭部分別從優議卹其餘在事出力文武員弁及陣
亡受傷勇目容臣查明彙請獎卹奏入
上從之

同日翁同書奏言瓜鎮賊匪越圍燬營東西兩
岸步隊同時潰散托明阿督同德興阿赴西路

迎勦陳金綬雷以誠退守沙頭幾於全局瓦解
現聞兩岸潰兵已過邵伯鎮臣卽於本月初一
日馳抵邵伯親至街市勸諭始得照常市易兵
民相安其土匪潰兵之滋事者立按軍法人心
乃定文煜因邵伯係糧臺重地亦卽馳至與臣
面商力扼北路咽喉杜賊北竄並籌給口糧軍
裝以固軍心臣一面飛札高郵等州縣截回潰

聖皇聖方略卷二百四十八

甲

兵並飛咨河臣一律飭辦現已收集潰兵約有
一千餘名妥爲安插拊循衆兵似知愧奮擬於
六橋口立營扼要設防以壯聲威探聞托明阿
駐紮秦家橋德興阿駐紮蔣王廟六合浦口官
兵已到兵力尙單又添調步兵三百名派遊擊
魁霖管帶徑赴秦家橋接應臣與文煜另派官
兵由揚州北路相機協勦以期再振軍威惟邵

伯爲清淮門戶現在情形萬緊必須添兵增餉
庶不致再有疏虞正在繕摺問文煜接據委員
張士楷稟報揚城再陷知府世焜參將祥林均
已遇害其餘城內文武不知下落臣與文煜計
議除酌留收回潰兵力杜北竄外一面飛催各
營迅速齊隊赴秦家橋蔣王廟一帶會勦並函
致吉爾杭阿急攻鎮江以分賊勢

聖皇聖方略卷二百四十八

甲

同日文煜奏言揚城被陷聞係東岸張逢春舊
勇勾結應賊以致失事本日又據委員稟報賊
在沙頭對岸豎立黃旗無數呈請添勇助勦臣
查沙頭原駐練勇本有一千四百餘名屢經托
明阿等調紮他處僅存四百餘名難資堵禦若
倉卒添募更恐來歷不明反滋事端臣體察情
形邵伯實爲水陸要地况糧臺駐紮尤未敢稍

有疏虞現聞陳金綬雷以誠均已退守沙頭兵
勇尙多或可稍資抵禦臣以糧臺事重邵伯又
爲北路要津竟有不能暫離之勢已飛飭帶勇
員弁妥爲防堵惟揚州爲東南門戶路徑處處
可通揚屬及裏下河各州縣現已全局震動釐
捐及地漕錢糧更難催納以後軍需不知如何
支持均奏入

聖學聖方卷二百四十八

聖

命軍機大臣傳諭德興阿翁同書怡良吉爾杭阿曰
邵伯爲清淮門戶現經翁同書與文煜紮營六牖口
自可嚴扼北路要衝惟所集潰兵僅止千餘深恐難
資堵剿陳金綬雷以誠現已革職其所帶兵勇是否
全在沙頭地方卽著德興阿翁同書札調布置一面
力扼上游一面相機進剿其秦家橋蔣王廟兩營及
沙頭六牖兩處現存兵勇共有若干該大臣等於收

集齊全後卽行分撥防剿以期振作翁同書所請添
兵赴邵伯之處前已有旨令怡良吉爾杭阿選派大
員管帶兵勇由東路通泰等處繞出揚州之前計該
督等接奉前旨當已趕緊籌派仍著怡良等迅速催
趨前進並將派兵若干何員統帶先行馳奏其所需
餉銀著怡良吉爾杭阿於淮關江海關兩處籌備銀
二十萬兩趕緊解交文煜糧臺如一時不能湊齊卽

聖學聖方卷二百四十八

聖

陸續起解毋稍缺乏揚州文武下落並著德興阿等
查明具奏

初九日 丙寅 邵燦奏言瓜州賊匪竄至西岸各營

兵丁潰散勢已決裂臣卽飛飭各該地方官沿
途招集一面派員前往彈壓並設法截留酌給
盤費口糧催令迅赴六牖一帶聽候調遣刻下
該逆進踞三汊河所有各處招集之兵不過二

千餘名難期得力揚州以上惟邵伯鎮最爲險
要現在文煜已紮營駐守此外惟淮安府以下
之平橋地方水勢湍急尙可相機扼守臣又飭
道員黃錫慶酌帶兵勇馳赴該處擇要設防惟
目前情形不堪設想應請

旨飭下山東撫臣迅撥勁旅數千名委員星夜管帶赴
揚以資助勦至清淮地方兵勇無多惟有激勵

聖學聖學卷一百四十八

聖

民團會合堵守以固人心奏入

上命軍機大臣傳諭崇恩曰賊匪闖入揚州清淮防禦
極爲喫緊著崇恩仍遵前旨於該省前調各路官兵
內迅速挑選精壯兵丁一千名派委得力將弁統帶
剋日馳赴清江聽候邵燦調遣毋許遲延貽誤並將
該官兵起程日期卽行馳奏

同日翁同書奏言連日截回潰兵不及二千名

因揚城東西兩路兵單未敢專顧北面急飭各
營潰兵折回南路其赴東路者已調往仙女鎮
其赴西路者均由揚城北面繞道循山而西歸
托明阿軍營併力堵勦臣酌留官兵七百餘名
分紮邵伯迤南之六牖口暨大王廟二處以杜
北竄連日探報賊已占踞揚城幸前調之六合
浦口馬步官兵已到托明阿親督堵勦曾有新

聖學聖學卷一百四十八

聖

河灣之捷逆匪雖踞揚城時慮西路官兵追躡
其後未敢乘勢北竄遊擊鄧鳳林已由江浦馳
至秦家橋續調之步兵計日亦可趕到或可藉
壯聲威現在地方情形萬分喫緊惟冀將潰兵
陸續追回庶可添防要害如聲勢漸壯卽當呈
請托明阿遴選武職大員統帶由城北夾擊儘
兵數無多祇可量力防堵萬不敢分兵撤防冒

昧圖功以致再有疏虞

同日文煜奏言臣連日收集逃兵一千餘名卽籌發口糧並軍火器械已在六牘地方安營其有已過邵伯者卽由翁同書咨行河臣並飛檄高寶各州縣盡數截回托明阿現駐秦家橋舊營臣趕籌餉銀商同翁同書撥兵繞道解濟至沙頭一帶適接委員稟稱雷以誠已赴艇船沙

聖朝聖略卷一百四十八

聖

頭無人主持並據轉呈勇弁稟報雷以誠又將所撤之勇撥往仙女鎮沙頭僅存本營練勇四百餘名萬難固守懇求添勇助勦等情臣接閱之下不勝駭異竊思邵伯爲北路咽喉揚城旣陷自以遏賊北竄爲先陳金綬雷以誠旣退守該處必當竭力堵勦以固裏下河門戶茲雷以誠又退駐他處陳金綬更無確蹤沙頭地方僅

臣派往之練勇四百餘名極爲單薄實屬萬分爲難惟有嚴飭帶勇員弁激勵現存勇丁盡力扼堵

同日托明阿奏言逆賊由西北各路亂竄意圖抄截我軍經臣親督兵勇分路扼勦德興阿亦帶兵應援先後將賊匪擊敗適遊擊鄧鳳林由江浦帶兵趕到斃匪尤多賊隊遂亂退至黃家

聖朝聖略卷一百四十八

聖

莊一帶臣復督同德興阿追殺斃賊一千餘名並沿路搜出奸細四名當卽訊明正法該逆因河南賊援屬至卽奔赴三汊河一帶窩聚再臣前與德興阿在新集等處勦賊維時陳金綬等帶兵在東岸轟打零星餘匪迨該逆復撲陷三汊河營盤陳金綬等近在咫尺竟未援應嗣聞東岸各營均已焚燬並據探稱陳金綬雷以誠

均退守沙頭又有謂其退守裏下河者現在揚州一帶路途梗阻臣已專弁繞道分赴各處探訪囑其星速馳回至招集西岸潰散步兵現在陸續歸隊者已及過半其暫調浦口江浦六合等處馬隊均已迅速來揚均奏入

命軍機大臣傳諭德興阿翁同書曰此時揚州西北一路據托明阿奏報潰兵歸隊者已及過半其暫調

欽定剿平粵匪方略卷一百四十八

吳

浦口等處之兵亦到西北一帶兵力稍集著德興阿卽督飭帶兵各員實力截勦務將該逆悉數擊回勿使分竄之賊再過北路然後力圖攻克揚城方有把握至東北一帶兵勇過單六舖留兵僅止七百餘名沙頭練勇又止四百餘名雖經翁同書文煜多方激勵誠恐難期得力昨經疊降諭旨令怡良吉爾杭阿派兵由通泰一路赴援此項官兵繞赴北面時著德

興阿翁同書相機分撥應勦應堵妥爲布置至翁同書所稱量力防堵不敢遽行分兵所見甚是但究係文員恐未能帶隊接仗著德興阿酌派得力將領一二員前赴六舖交翁同書調遣至此次逆匪越牆竄出究係何人營盤先失土橋一帶各營是否陳金綬雷以誠駐兵之地西岸官兵接仗何以東岸並無一兵接應雷以誠旣退沙頭又赴艇船並將所撤之勇

欽定剿平粵匪方略卷一百四十八

吳

撥往仙女鎮陳金綬甚至杳無確耗其退避情狀實堪痛恨著德興阿翁同書確切查明據實奏

欽定勦平粵匪方略卷一百四十九 丙辰年

三月十一日 戊辰 向榮奏言逆匪竄擾炭渚橋頭

一帶 臣令總兵張國樑等添兵助勦該逆撲犯

下蜀街營盤張國樑帶勇馳援立將賊匪擊退

余萬清等由高資往攻炭渚又將賊踞村落焚

燬該逆復糾眾至下蜀街對山一帶築壘並分

股直撲我營鄧紹良惟以兵單賊眾為言毫無

勦平粵匪方略卷一百四十九

布置 臣因與署將軍福興等籌商張國樑勇敢

有為素為各營兵勇悅服昨經派往助勦若就

近接統諸軍較能得力二月二十日檄令張國

樑總統各軍飭鄧紹良抽帶楚兵凱勇撤回龍

潭更換副將秦如虎帶領廣西兵勇及四川台

勇一千三百人馳往下蜀街並歸張國樑調遣

復經吉爾杭阿派令虎嵩林帶兵一千六百餘

名由高資前來會勦該逆大股盡屯橋頭築壘

甚多張國樑審度地勢情形將各兵勇分別移

營賊見我軍逼近連日出黨來撲均經官兵擊

退適吉爾杭阿於二十四日由鎮營馳抵高資

親至東西堰履勘形勢復令秦如虎等屯兵兩

峽橫山之上聯絡聲勢並分紮山下防賊內竄

之路二十六日張國樑密派兵勇夜襲顧家壩

勦平粵匪方略卷一百四十九

賊壘將溝外樁籤焚燬一空該逆復分股下竄

張國樑自領各軍進攻下蜀街對山各壘二十

七日出隊連破賊壘三座共殺賊一千五六百

名其東西堰等處亦經秦如虎等分督進攻直

抵橋頭焚破賊壘二座殺賊數百名並馳回下

蜀街沿江追勦將洲上賊卡十餘處悉行焚燬

二十九日又將下蜀街新築賊壘二處乘勝燔

燬其另股賊匪欲來應援復經兵勇截回乘勝連破太平橋大小二壘賊屍徧地餘匪奔向三思莊賊巢秦如虎督同李鴻勳等兵勇追殺張國樑復調集大隊乘勢攻撲該逆伏匿壘牆施放槍礮我軍仍前進逼適撫臣吉爾杭阿由東西堰馳至督軍會勦合力奮攻該逆越濠奔竄兵勇追剿十餘里斃賊無算統計連日破賊七壘焚斬溺斃之賊四千有餘生擒二百餘人現在下蜀街橋頭炭渚一帶一律肅清惟黃泥洲有賊壘三座逼近高資若將該處賊壘掃除即可斷其沿江竄路總兵吳全美江長貴合圍蕪湖賊壘連日均有斬獲其副將李德麟所領各船上剿大通之賊與吳全美派來之船會合攻擊燔沈賊船二十餘隻奪獲九隻生擒賊匪十

聖皇聖考卷一百四十九

三

聖皇聖考卷一百四十九

四

五人擊斃淹溺無算上游漸次肅清足扼賊匪下竄惟有催令江長貴等迅圖掃蕩蕪湖賊壘力殄餘氛其打仗陣亡之把總虎振岡守備徐鎮海六品軍功徐汝璜仰懇

天恩俯准交部從優議卹奏入

上諭內閣曰金陵逆匪大股外竄蔓延炭渚橋頭一帶張國樑總統各軍設法攻勦連破賊壘賊卡斃匪四五千名現在下蜀街一帶肅清總兵吳全美等合攻蕪湖逆壘連日均有斬獲副將李德麟上勦大通之賊連燬賊船數十隻斃賊無算現已駛回蕪湖扼勦仍著向榮督飭張國樑等乘勝速將黃泥洲賊巢掃蕩會剿高資一帶務須扼斷該逆內竄各路並飭吳全美等迅將蕪湖賊股殄除毋再遲延把總虎振岡守備徐鎮海六品軍功徐汝璜打仗陣亡深堪憫惻

均著交部從優議卹

十二日己巳向榮奏言瓜州營盤失利托明阿退

軍秦家橋揚州危急江北情形萬分喫緊大局

所關非得威名素著之提鎮大員不足以振兵

氣查鄧紹良前在廣西湖南力保危城上年援

剿徽州克復蕪湖尤為賊所深憚昨由六里店

撤回龍潭祇因意見之誤現已愧奮出力其所

聖皇聖考卷一百四十九

五

帶湖南兵勇能戰能守若令統領往援足可制

賊當卽函商吉爾杭阿並囑由鎮營揀派得力

勁兵會同往援據稱已派廣東兵八百名虎勇

三百名先往揚州調鄧紹良渡江統領並令知

府溫紹原隨同勦辦臣已飛檄鄧紹良抽帶湖

南兵七百五十名凱勇五百名由龍潭拔隊取

道高資渡江會合溫紹原之勇由儀徵一帶進

勦仍隨同托明阿等保固揚州以扼北路門戶

現在張國樑已帶兵回抵龍潭所有東陽排頭

庵各軍併歸調遣飭卽乘勝勦辦務期迅就掃

除再將我兵移紮石埠橋逼近觀音門沿江聯

絡舟師以通北岸聲勢

同日吉爾杭阿奏言連接探報知江北失利揚

州危急遂卽星夜折回調派廣東官兵八百名

聖皇聖考卷一百四十九

六

虎勇三百名令遊擊黃朝恩等管帶均由焦山

渡江探明路徑疾趨揚州並將已報起程之六

合勇五百名截留江北一併改道前赴揚州為

登陣守禦之計

同日文煜奏言臣接知府江清驥等稟逆匪大

隊已在便益門外紮紮東渡當卽飛派該員等

同直隸州知州雷鳳鸞督帶練勇迅速堵截臣

亦星馳到營該逆在萬福橋西岸大肆焚掠約有賊匪一千餘人我勇誓以死戰斬殺賊匪多名逆衆仍回揚城該匪既欲東竄則揚城迤東之霍家橋嚴家橋新馬頭等處四通八達在在堪虞且存勇祇有四百名沙頭萬福橋兩營岌岌不可終日若該逆全勢東來惟有盡力堵勦力遏賊氛

欽定剿平粵匪方略卷一百四十九

七

同日托明阿奏言三月初三日逆匪由凍青堡一帶來撲薛家樓地方臣令副都統德興阿等分路進攻槍礮齊施擊倒手執大旗賊目十餘名復斃賊三百餘名生擒十六名奪獲旗幟器械多件該逆又分兩股直奔徐家集等處俱經伏兵截擊斃斃黃巾紅衣賊三十餘名長髮賊一百餘名德興阿從旁兜截又斃賊三百餘名

燒斃賊一百數十名該逆全股敗退入城是日

先由臣派令總管西昌阿等帶兵馳往揚城西北一帶扼剿擒賊多名官兵復分攻揚城行至新河灣等處遇賊正搬運輜重往來不斷卽與西昌阿會合痛剿共斃賊數百名搬運之物大半委棄填塞道路我兵追至城濠始行收隊臣查邵伯鎮係南北水路通衢前已飭文煜督帶

欽定剿平粵匪方略卷一百四十九

八

練勇嚴爲扼守現尙有翁同書在彼收集潰兵兼籌防堵惟薛家樓司徒廟七里甸等處最爲西北要道已派官兵分往駐紮嚴杜該逆西北紛竄之路仍當設法緊攻揚城以圖早復惟揚營及沿江一帶處處兵單現當萬難之際惟有額懇

天恩將和春福濟等克復廬州舒城等處官兵速撥二

千名來揚協勦以冀早滅賊氛再現在步兵不能得力全資馬隊副都統富春總管西昌阿協領富明阿參將成明等連日馳勦均皆身先士卒勇敢非常故能擒斬極多合併陳明

同日翁同書奏言臣查邵伯鎮池南之大王廟及六舖口兩處足資扼守惟東南陸路必須添兵紮營邇來潰兵紛紛北上臣連日在邵伯截

聖學聖學略卷一百四十九

九

留除飭赴仙女廟秦家橋歸伍外酌留防堵邵伯之兵僅有七百餘名實屬不敷分布擬於北路追回官兵內再留數百名庶足以杜北竄據參將陳昇等稟稱僅截回甘肅督標潰兵四百餘名其餘各營業經遠去幸附近居民聞臣在邵伯力扼北竄有大義鄉等處五十三莊各練民團約二千餘人守望相助眾志成城每日斬

擒零星賊匪數名臣復出示懸賞人心稍定但鄉里小民手持農器豈能扞禦悍賊頃獲奸細據供賊遣伊等五十餘人至邵伯探路意欲攻陷高郵是北犯之計已決而西路大軍阻於西南其東路兵勇數千名及鎮江援師一千五百名除撥勇數百名駐紮灣頭外其餘皆以防裏下河為名駐仙女廟距北來大路甚遠臣以文臣獨支北路萬一力不能遏賊匪直竄清江如大局何應請

聖學聖學略卷一百四十九

十

飭下托明阿陳金綬雷以誠等分堵要衝臣與文煜力扼邵伯以防北竄一面呈請統帥早為嚴密布置同日陳金綬雷以誠奏言瓜州逆匪糾合江南下竄大股撲犯土橋焚燬西岸各營托明阿退

守三汊河賊復由該處渡河抄截東岸各營後路三面受敵臣等祇得退守沙頭查東岸各勇營盤均尙鎮靜約有三千名現已飭令嚴堵不容賊匪旁竄一面派令鞠殿華帶本營兵四百餘名駐紮沙頭協同防守並派英貴帶領通永昌平等兵約及千名馳赴仙女廟邵伯等處扼截該逆北竄之路臣等撫馭無能既未能先事

欽定剿平粵匪方略卷一百四十九

十一

嚴防又不獲臨時勦滅實屬罪無可逭惟有仰

乞

皇上天恩將臣等交部從重治罪並請

飭下吉爾杭阿迅撥官兵渡江協勦以維大局再揚州府城兵勇無多勢難堵勦該知府世焜等以城陷捐軀深堪憫惻應請旨從優議卹以慰忠魂均奏入

上命軍機大臣傳諭德興阿翁同書文煜曰逆匪竄踞

揚城由便益門外紮紮東渡在萬福橋西岸焚掠雖經練勇擊退而揚城迤東之霍家橋等處在在堪虞存兵祇四百名沙頭萬福橋兩營勢甚危險薛家樓等處又爲西北要道並有逆賊數萬豫備北竄打通儀徵六合之說托明阿等雖獲有勝仗而逆勢狡猾西北兩路及東路一帶均應嚴密設防杜其紛竄托

欽定剿平粵匪方略卷一百四十九

十二

明阿請調廬州舒城官兵二千赴揚協勦現在皖省勦匪正在喫緊恐難分撥已諭令和春等飭催伊興額德昌速帶馬隊千名馳回清江其直隸官兵一千八百名陝西調赴豫省之駐防官兵一千名山東官兵一千名均赴清江著德興阿等選派統兵得力大員駐紮清江會同邵燦以爲揚州後路聲援如揚城一帶情形緊要必需馬隊方能得力即可飛咨邵燦

就近將伊興額德昌等所帶之兵調撥現據向榮奏江北情形喫緊派鄧紹良抽帶湖南兵七百五十名凱勇五百名由龍潭取道高資渡江會合溫紹原之勇由儀徵一帶進剿並據吉爾杭阿奏調派廣東官兵八百名虎勇三百名由焦山渡江疾趨揚州萬福橋為糧臺重地邵伯為北路要衝設有疏虞關繫匪細德興阿節制全軍翁同書亦係幫辦大員此時逆

欽定四庫全書

平定

匪紛竄固當趕緊攻剿揚州而萬福橋邵伯兩路兵力既單尤應分兵往助翁同書究係文員該大臣務揀派得力武職大員前往協同防剿仙女廟兵勇為數尚多該處距北路甚遠即當飛速調派扼要堵截萬不可以有用之兵置之無用之地沙頭東岸各勇營盤據雷以誠等奏稱約有三千餘名是否足資防堵該大臣等總當統籌大局嚴密分布毋再疏虞

上又命軍機大臣傳諭和春福濟曰前因揚州失守清淮兵單諭令英桂飛催伊興額等所帶馬隊一千名迅赴清江歸邵燦調遣以杜北竄門戶本日據托明阿奏揚州西北兩路賊匪分撲秦家橋蔣王廟薛家樓等處雖經官兵擊退而司徒廟七里甸一帶均為衝要堵剿宜加嚴密並據文煜奏逆賊竄撲萬福橋窺伺裏下河我兵竭力奮殺該逆始敗回揚該藩司

欽定四庫全書

十四

等存勇僅四百名勢難堵遏所奏危急情形較之皖省捻匪尤為緊要伊興額等馬隊著和春福濟飭令迅赴清江毋稍遲緩

上諭內閣曰此次兩路堵剿揚城逆匪尙屬得手著德興阿等激勵將士迅即攻克揚城毋稍遲緩所有揚郡失陷時知府世焜參將祥林力戰捐軀深堪憫惻均著交部從優議卹

同日怡良奏言逆匪在南岸圍竄均為我兵連

日截勦殲斃甚眾並將沿江下蜀街等處賊營

全行焚燬該逆無存身之地是以竄入鎮城並

分竄瓜州繼又竄入揚城難保不乘機由灣頭

竄入下游江路焦山以下江面節節可通內河

常州所屬之江陰孟河等口尤為切近必得加

意嚴防查蘇松兩府各標營官兵先後經向策

欽定剿平粵匪方略卷一百四十九

十五

吉爾杭阿咨調業已調撥二千三百名陸續赴

金陵軍營現又值護送海運船隻出口之際未

便再行抽調惟有飛飭沿江各營就現存之兵

嚴密防守江面並分飭各團練晝夜協防冀免

逆匪由江竄入內河臣仍不時密查以期處處

有備無患奏入報

聞

十四日辛崇恩奏言臣接奉

諭旨令臣派兵赴清江協防遵即將武定營兵四百名

臣標右營兵三百名派遊擊馮化青等分起管

帶迅即馳赴清江聽候邵燦調遣惟清江戒嚴

則東省兗沂兩郡亦必震動該二府額兵均已

調派遠出必須添兵協防且為南路策應臣擬

再於登中登右膠州即墨四營各抽調兵一百

欽定剿平粵匪方略卷一百四十九

十六

五十名青州萊州甯福三營各抽調兵八百名

壽樂營抽調兵五十名並將前次由金鄉羊山

調往曹屬之兗中兗右兵三百名一併調赴兗

沂兩郡察看各路情形分別擇要布置以期東

西均可應援臣若偏駐曹屬距兗沂較遠鞭長

莫及查兗郡為沂曹要隘臣擬駐於兗州府城

以便居中調度其曹沂兩郡要隘仍責成各該

欽道實力嚴防奏入報

聞

同日廉兆綸奏言臣在廣信府城棚次屢閱探報逆匪竄陷吉安郡城分為兩股一赴泰和縣撲周汝筠之營一赴樟樹鎮撲周鳳山之營旋聞周鳳山敗退該逆遂疊陷撫州進賢東鄉及饒州府屬之安仁縣城臣查江省自九江不守

聖朝聖略卷百四十九

七

以來省城文報皆取道於安仁以達廣信實為進京要路而安仁扼要之處又在撫州今二地復失是省城四面皆賊江西毗連六省今逆賊狡獪至此於東南大局甚有關繫臣現駐廣信府與浙閩相通現已飛咨該二省督撫並駐紮衢州之湖南臬司周起濱就近進兵援救應請旨飭令該督撫等迅速撥兵來援奏入

上命軍機大臣傳諭曾國藩文俊廉兆綸曰本日據廉

兆綸奏撫州進賢東鄉安仁於二月二十三等日相繼失守是該逆已踰贛江而東延及饒境省城四面悉為賊踞文俊等前派遮克敦布林福祥兩軍分援吉安撫州何以不飛速前進致賊勢愈形延蔓遮克敦布等所帶兵勇合之周鳳山等水陸各軍為數不少著曾國藩文俊督飭該副將等迅速攻勦力保省垣毋得再事株守廣信饒州兩郡為該省完善之區未容再有疏失廉兆綸所請援兵現已諭令王懿德等撥兵三四千名何桂清酌撥兵勇分投赴援即著曾國藩等飛催各該省援兵分別由建昌廣信等處前進既以保衛饒廣即可援救省城其饒廣各屬要隘並著廉兆綸督飭耑齡等就現有兵勇實力堵禦仍相機將安仁縣城速圖克復與省城聯絡聲勢並

聖朝聖略卷百四十九

十六

仍相機將安仁縣城速圖克復與省城聯絡聲勢並

將近日情形隨時奏報

上又命軍機大臣傳諭王懿德呂佺孫何桂清曰逆匪自攻陷吉郡後撫州進賢東鄉安仁紛紛失陷近復窺伺廣饒江西毗連六省匪勢猖獗設省城復有疏虞東南大局何堪設想著王懿德呂佺孫於所屬各營汛內就近調撥精兵三四千名簡派得力大員管帶迅速起程由建甯取道廣信設法進攻以通要路

聖學聖略卷一百四十九

十九

而保省垣至浙江之兵除各路派防外其節次調往江蘇安徽者爲數已屬不少惟浙省與江省唇齒相依周起濱現在帶兵駐紮衢州著何桂清酌量緩急迅飭該臬司就近進兵由廣饒一帶援救江西毋稍延緩

十五日 壬申 何桂清奏言 臣聞江西吉安撫州等城失守賊復連陷進賢豐城東鄉安仁等縣分

股圍攻省城勢甚猖獗並聞樟樹鎮周鳳山一軍亦有挫失現在道路梗阻文報不通該省各路軍情無從探詢浙省衢州以廣信爲門戶玉山爲咽喉現在撫州失守與廣信壤地緊接玉山以內常山獨當其衝防務萬分喫重在防兵勇祇有三千五百名常山隘口紛歧不敷分布浙省兵勇節次調赴鎮江及皖南各路爲數不

聖學聖略卷一百四十九

二十

少茲於無可籌撥中在省城派撥南河壯勇二百名徽州防所調回嚴協兵三百名威坪防所調回處標兵三百名並於提標及紹興各協營飛調官兵一千名又飛咨江蘇撫 臣將從前調往虎勇九百名仍飭師長鑰管帶回浙並咨督 臣催提漳州兵勇五百名星夜分路馳赴衢防俾資策應其各路兵勇未到以前已咨行總兵

饒廷選官勒興阿湖南臬司周起濱金德嚴道
 劉成萬等先於衢郡召募壯勇扼要防守並令
 饒廷選駐紮玉山以當前敵富勒興阿駐紮屏
 風關以顧後路其江山開化二縣於撥兵之外
 兼練團丁並令募勇嚴防力杜該匪內竄惟浙
 省在防文武未歷戎行深為可慮昨已咨商向
 榮請揀派威望素著之提鎮大員前來督辦並
 請吉爾杭阿張芾江長貴於鎮江皖南各軍營
 察看情形如可移緩就急各選精銳之師以助
 指臂奏入

聖皇聖考卷一百四十九

三

上命軍機大臣傳諭官文胡林翼曰前因曾國藩等請
 飭羅澤南回軍援救江西並胡林翼奏請暫留羅澤
 南俟旬日以後再行派兵赴援當經諭令官文胡林
 翼斟酌緩急辦理現據廉兆綸奏江西自吉安失守

後賊復連陷撫州進賢各郡縣省城四面受敵消息
 不通請速撥兵援救並據何桂清奏江西省城現已
 被圍江西毗連六省形勢極關緊要現在逆勢披猖
 省城危急設有疏虞則東南大局豈堪設想此時籌
 撥援兵計惟羅澤南一軍馳赴省垣庶危城可保著
 官文胡林翼酌量情形如武漢賊勢實已窮蹙即照
 胡林翼前請先派官兵數千名馳援江西令羅澤南
 暫緩起程以免功敗垂成若武昌急難克復則羅澤
 南雖留無益即著官文等飭令該員統帶原有兵勇
 刻日起程回援江省並設法迅速馳赴南昌毋稍遲
 緩勇目營啟給施紹恆等所帶各勇如此時正資攻
 勦則仍留該大臣軍營調遣儻不能得力即著官文
 飭令將所有義勇帶往河南交英桂軍營聽候差遣
 同日陳金綬雷以誠奏言臣等接據候選直隸

聖皇聖考卷一百四十九

三

州知州雷鳳翥稟報三月初六日兵勇出隊渡
過萬福橋賊匪率眾來撲我軍施放槍礮斃賊
六十餘名賊稍退卻我軍奮勇直前轉戰至五
臺山又出賊一二千人各帶大木盆意欲徑渡
萬福橋見我軍追逼卽分三股我軍奮力攻擊
賊始敗退追壓至五臺山賊竄入城力戰四時
之久殺賊一百四十餘名現在揚城復失亟應

欽定剿平粵匪方略

卷一四九

力圖攻克參將英貴等現存官兵二千餘名其
由吉爾杭阿向榮調撥之兵已陸續渡江不日
兵勇雲集卽可分路進剿臣等卽於初六日督
帶官兵八百名馳赴萬福橋駐紮一俟兵力齊
全剋日進取斷不容其北竄
雷以誠又奏言文煜以保守糧臺爲名將萬福
橋各勇全行調赴邵伯保護家眷並有聞警先

逃情事臣因該營空虛飭令雷鳳翥派勇前往
駐紮初六日遇賊接仗獲勝後文煜始回仙鎮
輒謂雷鳳翥之勇係伊調來且親自督戰以文
其聞警先逃之咎又糧臺存項有餘文煜扣餉
不發致使眾兵屢次滋鬧江北全局敗壞實由
於此奏入

欽定剿平粵匪方略

卷一四九

上命軍機大臣傳諭德興阿翁同書曰本日陳金綬雷
以誠奏初六日雷鳳翥禦賊獲勝各情節卽係前日
文煜所奏之仗惟據雷以誠稱雷鳳翥獲勝後文煜
始回仙鎮並未駐守本營又稱文煜扣餉不發以致
兵心渙散且有聞警先逃調勇回保眷屬情事是否
屬實著德興阿翁同書秉公密查務將實在確情據
實具奏陳金綬雷以誠業經革職聽候查辦所帶兵
勇卽著該大臣迅派大員接帶以資攻勦向榮吉爾

杭阿派來赴援之兵應如何分撥布置亦著妥籌扼要處所防勦兼施嚴杜北竄

十六日 癸酉 江南河道總督庚長奏言查得揚州

北距清江僅三百餘里運河一水可通其西路由天長繞至蔣壩東路由裏下河繞至淮安亦有路可達清江現在瓜州儀徵一帶盡係賊巢清淮兵勇無幾且河庫空虛情形尤為可慮雖

聖朝聖略卷二百四十九

三

邵伯鎮有翁同書收集殘兵在彼扼守又有邵燦所派兵勇駐紮平橋均極單薄現飭高寶各州縣激勵民團竭力守禦其西路蔣壩地方飭令同知潘榮准會同原派各員加意防堵其東路裏下河以泰州為門戶亦飭該地方文武杜塞要隘以防偷越惟兵力不敷南路籌防已多竭蹶而北路又須防堵擒匪實有顧此失彼之

虞應請

旨飭調精兵迅速南來助勦以固江北而維大局奏入上命軍機大臣傳諭邵燦庚長曰清江距揚城較近運河東西水路可通蔣壩淮安等處現在瓜儀一帶盡係賊巢清淮兵勇無幾其汊港紛歧可通舟楫處所在在可慮庚長現已到任所有清江防守事宜責無旁貸著會同邵燦籌商堵禦凡清江以南清江以北水陸要隘處所均須妥為設防不可稍涉大意

聖朝聖略卷二百四十九

三

同日托明阿奏言逆賊自占揚城後未及十日業已疊受重創我軍聲威復振三月初八日臣親督各隊分投攻截行至吳家莊地方即見賊匪紛紛出撲我軍奮勇迎擊協領烏爾恭額等帶兵馳往西門緊攻時副都統德興阿等由司徒廟進攻廿四橋該逆大股復因西南門被攻

緊迫回奔援應我軍追至天甯門外之建龍寺
沿途斬殺甚多其三汊河之賊亦經總管西昌
阿等擊敗該逆又出大股賊黨萬餘直撲秦家
橋營盤各隊登時環集併力痛勦立將騎馬賊
目轟斃賊衆梟水遁逃淹斃不計其數我兵乘
勢掩殺並將援賊痛勦賊黨首尾不能兼顧共
斃賊二千餘名生擒十七名奪獲贏馬器械多

聖朝方略卷一百四十九

三

件餘匪逃竄入城我軍馬步各隊分布西南北
三門外堵截臣惟有乘此聲勢激勵將弁力圖
攻拔揚城

托明阿又奏言前因路途梗阻與東岸消息難
通至三月初七日始探得陳金綬雷以誠均在
萬福橋舟次初八日官軍進攻揚城逆勢已屬
不支如彼時東岸派有兵勇或隔河夾擊或從

旁襲取無難立時攻克綠文煜於截留在邵兵
丁發給全餉一月其在揚州隨勦兵丁口糧屢
經催提僅解到銀一萬四千兩按名發給祇敷
五六成之數兵丁率多離揚就邵因此更形單
薄未能進取臣惟有加意拊循仍當函催陳金
綬等趕緊前進擇要安營一面會商環攻揚城
斷不敢稍存畛域奏入

聖朝方略卷一百四十九

天

上命軍機大臣傳諭德興阿翁同書曰揚州東路兵勇
爲數不多當托明阿等分投進攻之時何以陳金綬
等並不督兵夾擊以致揚城尙稽克復至兵丁口糧
最關緊要文煜總理糧臺何以任意支發多寡不均
著德興阿翁同書將托明阿所奏等情並前次疊飭
查辦各情事一併查明據實具奏毋稍徇隱

十七日甲戌翁同書奏言揚營潰兵臣在邵伯截

留者約三千餘名除酌留防兵七百名外餘已分別飭赴仙女廟秦家橋歸隊其在清江浦截

回者共計一千四百餘名遴派得力將弁管帶

囑令整隊而進遇賊卽擊徑赴托明阿軍營歸

伍助勦臣仍親督駐邵伯官兵晝夜嚴防將六

隔河內大小船隻全數收泊北岸以防搶渡逆

匪自踞揚城後屢次窺伺北路均經民勇截擊

聖朝聖學卷一百四十九

三十九

回城不敢過雷塘瓦窰鋪而北如灣頭設有重

兵則邵伯人心稍固聞提督鄧紹良已率鎮江

援師三千人過江乃馳書雷以誠懇其分撥駐

紮灣頭黃泥港等處杜賊北走邵伯之路惟援

師皆駐東路揚城北面如司徒廟瓦窰鋪一帶

並無一兵該處路徑叢雜湖汊紛歧均通北路

在在可虞幸秦家橋蔣王廟二處屢獲勝仗賊

聞

鋒少挫若乘此時四面環攻似尙易於得手奏
入報

十八日乙托明阿奏言提督鄧紹良統帶金陵

鎮江兵勇二千餘名來揚助勦當因司徒廟地

方緊要咨商鄧紹良前往駐紮詎接探報三月

初十日突有金陵逆賊數千直撲江浦縣城兵

聖朝聖學卷一百四十九

三十九

勇接仗因眾寡不敵旋即失陷因復飛咨鄧紹

良兼程前赴浦口會同武慶將江浦縣城趕緊

克復並檄飭副都統穆克登額帶領馬隊分紮

浦口六合遊擊吳章龍等帶領步隊分紮六合

儀徵一面飛咨和春等抽撥官兵二千名及副

將吉連步隊前往江浦會合助勦

同日陳金綬雷以誠奏言臣等督帶廣東兵八

百名馳赴萬福橋駐紮陝西提督鄧紹良亦卽
統帶兵勇渡江前來當經商令鄧紹良與張翊
國駐紮灣頭扼截北竄復派總兵鞠殿華扼紮
灣頭南岸以爲後路應援並飭候選直隸州知
州雷鳳翥帶勇一千三百餘名分駐黃泥溝嚴
家橋等處並飭參將英貴挑選精銳扼守霍家
橋以資策應現在東路官兵約共二千餘名邵

聖學聖方略卷一百四十九

三

伯雖係要鎮究屬東北後路萬福橋等處旣皆
派兵扼守邵伯可以無庸留兵現已分咨文煜
翁同書卽將收回東路各兵各歸各隊卽日調
回仙鎮萬福橋配齊軍械以便進剿不得截留
邵伯並飛咨吉爾杭阿等再行添撥精兵渡江
助剿
陳金綬雷以誠又奏言臣等連日收集散兵鼓

勵士氣正在分投布置據雷鳳翥稟該牧赴糧
臺請領口糧奉文煜札飭以托明阿行知奏稿
有東岸各營盤全行燒燬並無一兵一勇等語
可見練勇亦多潰散何得仍照原數請發先發
錢三千串接濟飭查潰散若干造冊送覈臣等
聞之不勝惶駭當此強寇壓境萬分危急之時
軍心渙散賴此練勇以杜竄擾設該勇亦以餉

聖學聖方略卷一百四十九

三

缺瓦解復蹈覆轍何堪設想不得已飭令雷鳳
翥先將領到錢文儘數散放一面妥爲拊循各
勇均尙安靜臣等非敢謂勇皆可靠蓋因正月
十九日虹橋失利臣等查知帶勇之外委張逢
春首先潰逃當卽正法故此次各勇尙知畏懼
未敢擅退幸得保全連日各勇出隊爲衆目所
共覩乃托明阿遠在西路不察虛實竟謂東岸

並無兵勇殊不可解伏查二月二十八日逆匪

撲犯西岸營盤雷鳳翥曾派外委熊定邦管帶

練勇三百名馳赴托明阿大營接應當奉托明

阿面諭已調到官兵三百名虹橋等處亦在喫

緊令將該勇帶回堵剿二十九日西岸各營全

失東岸緊急雷鳳翥親帶練勇三百名隨同臣

等在八里埠河口接仗時因三汊河失守賊由

該處渡河抄截我軍後路眾寡不敵始行撤回

現在新舊各勇統計三千一百七十五名應請

旨簡派大員逐營查點

旨簡派大員逐營查點

同日翁同書奏言三月十三日探聞賊情稍懈

揚城有可復之機密約德興阿攻其西南一面

知會薩炳阿酌帶防兵進剿適報鄧紹良已帶

兵勇由灣頭出隊臣復派西安馬隊通永步兵

會合民團由城北環攻已將揚城克復均奏入

上命軍機大臣傳諭德興阿翁同書曰本日據陳金綬

雷以誠奏江南兵勇到齊駐紮灣頭圍攻揚州一摺

又片奏托明阿不察虛實謂東岸並無兵勇請飭訪

查等語所稱邵伯為東北後路無庸留兵該處為糧

臺重地亦難漫無防範至因兵力尙單飛咨向榮吉

爾杭阿再添精兵助剿一節金陵鎮江防剿亦屬喫

緊業經派撥二千餘名來揚協剿若再行添調該處

兵力愈單剿辦豈能應手著德興阿等查看情形如

兵勇不敷分布即飛咨邵燦庚長將伊興額等馬隊

及現調之直隸陝西山東各官兵內酌量分撥以期

助剿留防兩無貽誤至所稱此次各勇尙知畏懼未

敢擅退托明阿遠在西路不察虛實竟謂東岸並無

兵勇以致請領口糧文煜據托明阿行知僅發錢三

千兩

聖皇聖后卷二百四十九

聖皇聖后卷二百四十九

聖皇聖后卷二百四十九

聖皇聖后卷二百四十九

一第...丹黃參日... 7 文E卜

千串等語瓜州逆匪竄撲運河兩岸衝破營盤疊據文煜托明阿先後具奏何以陳金綬雷以誠奏稱西岸各營全被賊燬東岸勉力支持並未一律潰散賊撲三汊河營盤該革員等並未派兵接應全行退至沙頭此等情形與潰散何異如果平時軍律嚴明何至遇賊輒退著該大臣等將所奏各情秉公查明據實具奏又據翁同書馳奏揚城業已克復托明阿奏

聖皇聖考卷百四十九

事

金陵逆匪數千直撲江浦縣城旋即失陷我兵克復揚州情形諒德興阿已奏報在途現經托明阿派撥兵勇卽飭鄧紹良武慶迅圖克復城池及水師扼截江面杜賊續竄之路逆匪現在逃往何處該大臣卽偵探明確迅速兜擊毋令肆行奔突武慶之兵曾否接仗及該縣文武下落均著確切查明迅速具奏上又命軍機大臣傳諭和春福濟曰揚州於十三日攻

克其詳悉情形尙未據德興阿奏到而江浦被陷係初十日事若該逆竟從滁州天長等處衝突則北竄大有可慮且天長緊接揚州亦恐其與瓜揚逆黨竄合勦辦更形掣肘此時惟有由廬舒揀撥勁旅以資堵截著和春福濟迅卽就近選派精兵委令得力大員管帶馳往江浦毗連之地極力遏其北竄其臨淮正陽各關隘均爲北路要途並著節節嚴密布置該提督等斷不可稍分畛域仍以無兵可調爲詞致誤大局自干重咎

聖皇聖考卷百四十九

奏

上又命軍機大臣傳諭邵燦庚長曰本日據托明阿奏金陵逆匪直撲江浦縣城旋即失陷賊勢猖獗之極北竄可虞且恐與徐州捻匪勾結辦理更形棘手前疊催伊興額等馬隊並直隸山東陝西官兵迅赴清江此時諒已陸續可到著邵燦等卽會商調遣探明

賊蹤所在何處喫緊卽往何處策應斷不可專以防
守清江爲重稍事拘泥再本日又據翁同書奏揚城
已於十三日克復惟此股賊匪竄往何處尙未具奏
並著邵燦等迅卽確探情形相機堵剿隨時奏報以
慰廑念

十九日丙子向榮奏言總兵張國樑回抵龍潭卽
派兵添紮各營乘勝往襲三汊河冒雨進攻賊

聖朝聖考卷四十九

三

欲逃竄回城張國樑設伏以待該逆果於大雨
之際棄壘竄逃張國樑率同副將蔡應龍等奮
力追擊各路伏兵齊起俘斬數百奪獲大礮槍
械無算該逆拌死潰竄江邊當將三汊河張楊
村各壘蹋毀連夜跟蹤追剿所有石埠橋棲霞
各賊亦紛紛逃潰經秦如虎等繞路截殺張國
樑由後追擊臣復商令署將軍福興督軍接應

餘匪盡棄槍礮輜重由觀音門沿江一帶遠逃
被我兵追逼撲河淹溺無數所有三汊河棲霞
石埠橋一帶卽日肅清起獲米糧火藥甚多生
擒賊匪二百餘名張國樑統領調遣旬日間殺
賊不下一萬餘衆盡掃逆壘南岸一律肅清雖
該總兵調度有方而各軍踴躍用命著有微勞
可否仰懇

聖朝聖考卷四十九

三

天恩准予擇尤併案保奏出自
逾格鴻慈奏入

上諭內閣曰金陵匪黨分股內撲疊經向榮派令總兵
張國樑等督兵進剿將沿江賊壘盡行燒燬南路一
律肅清在事員弁奮勇可嘉著向榮擇其尤爲出力
者併案保奏候朕施恩

同日庚長奏言署總兵傅振邦等率領兵勇勦

辦徐州府屬之雒河集匪徒疊獲勝仗該匪計必糾合大股意圖復逞原應厚集兵力會合兜剿惟現在瓜州賊匪復陷揚城希圖北竄清淮防禦倍關緊要不得不先其所急擬俟直隸陝西等省官兵到後卽與漕臣邵燦熟商酌撥一旅赴徐協剿以杜勾結仍飛飭該鎮道就現有兵勇相機勦辦不得守候客兵致滋觀望至瓜

聖皇聖方略卷一百四十九

三

州之賊進踞揚城時出窺伺灣頭等處清江素無城郭臣已檄令同知朱善張等於各處要隘派兵嚴防又遴派幹員於運河南北兩岸晝夜嚴查以防奸細奏入

上命軍機大臣傳諭邵燦庚長曰據庚長奏徐州勦匪獲勝並清淮守禦情形覽奏均悉所稱徐州賊匪屢受懲創必糾合大股意圖復逞擬俟奉派兵到酌撥

一旅赴徐自爲會合兜剿之計惟疊諭直隸山東等省迅派官兵馳赴清江原爲高寶清淮最關緊要必須重兵駐守以資防勦若撥赴徐州則揚州後路仍屬兵單現在揚城雖已克復而此股賊匪竄往何處尙未據德興阿等具奏況江浦失陷北竄更屬可虞邵燦等仍當遵奉前旨相機堵剿所有伊興額等馬隊及直隸等省官兵到時應調何處仍當酌量緩急

聖皇聖方略卷一百四十九

四

奏明請旨一面仍嚴飭傅振邦等就現有兵勇竭力勦辦不得守候客兵轉致遷延時日

欽定剿平粵匪方略卷一百五十 丙辰年

三月二十日 丑 德興阿翁同書奏言揚州踞逆

於本月十二十三等日向薛家樓一帶繞撲經

臣德興阿親督馬步各隊分路截剿先後將賊

匪擊退該逆不能北竄卽向樸樹灣遁逸城內

之賊出城接應又經富春等截其歸路該逆不

能退回斬殺過半卽會同鞠殿華帶兵進城搜

剿平粵匪方略卷一百五十

一

剿餘匪立將城池收復據富春鞠殿華面稟城

內各門未見他處兵勇接應其被截不能入城

之賊復糾三汊河瓜州賊黨與官軍抗拒經 臣

等督兵痛剿該匪遂竄往各鄉藏匿現在官兵

數少未能兼顧守城惟力保營盤爲要查提督

鄧紹良統帶江南援師駐紮灣頭該處情形不

甚喫緊卽經飛咨該提督分兵一半前來接應

現在賊蹤距蔣王廟營盤仍不過里許 臣等惟
有相機截剿先杜該逆北竄以維大局

同日陳金綬雷以誠奏言揚城踞匪於三月初

十日竄至霍家橋等處 臣等當派參將英貴帶

兵駐守並飭直隸州知州雷鳳翥馳往協剿十

一日該逆直衝霍家橋張鳳山等督率兵勇抄

殺 臣等分投扼守探知揚城賊匪聞提督鄧紹

剿平粵匪方略卷一百五十

二

良等兵到頗覺驚慌當卽知會該提督等乘機

迅攻一面飭令雷鳳翥等帶勇堵剿十二日鄧

紹良親督兵勇逼近揚城當毀賊卡兩重殺賊

數十名該逆分股出城抗拒又經我軍截殺是

夜冒雨由南門竄逸城中留賊無多 臣等飭令

雷鳳翥調齊各勇攜帶雲梯先在五臺山埋伏

雷鳳翥帶勇八百名前往接應一面知會鄧紹

良由南門堵剿十三日我軍於便益門外豎梯登城殺斃城上賊匪十數名打開城門雷鳳翥與鄧紹良均親督兵勇進城斃賊多名當將揚城收復惟郡城遼闊現存兵勇不敷駐守臣等會商鄧紹良先於城外寶塔灣等處派撥兵勇扼要駐守俾派鞠殿華駐灣頭以杜該逆回竄均奏入

欽定剿平粵匪方略卷一百三十一



上命軍機大臣傳諭德興阿鄧紹良翁同書曰揚城收復官兵爲數尙少未能兼顧守禦賊蹤距蔣王廟仍不過亞許鄧紹良後師現駐灣頭自應移緩就急先行馳赴大營協力助剿本日已降旨令鄧紹良幫辦德興阿軍務該提督久經戰陣熟悉賊情自必能操勝算卽著與德興阿等統籌全局何處情形喫緊卽當撥兵前往堵剿前調山東兵一千名及伊興額等

馬隊一千名計此時可抵清江著德興阿等行知邵燦庚長迅調來揚將薛家樓三汊河一帶賊黨次第剿除陳金綬雷以誠所帶兵勇前已諭令德興阿另派大員接管如尙未有人著暫令陳金綬雷以誠在萬福橋等處駐紮托明阿並著留於德興阿軍營效力以贖前愆再據陳金綬雷以誠奏稱攻剿獲勝會同鄧紹良收復揚城各情與德興阿等奏報所稱城

欽定剿平粵匪方略卷一百三十一



內各門未見他處兵勇接應之語情節不符著德興阿等與前次交查各件一併查明具奏

上諭內閣曰陝西提督鄧紹良著在德興阿軍營幫辦

軍務

同日向榮怡良吉爾杭阿奏言臣等飭鄧紹良援剿揚州並飭前任江蘇臬司查文經隨同商辦戰守事宜旋聞托明阿退守蔣王廟舊營已

將江浦等處官兵調去又聞該逆有乘虛侵犯

江浦之信並據署江浦縣知縣曾勉禮稟請轉

咨托明阿撥兵援應 臣吉爾杭阿當飭守備夏

定邦迅速折回六合據探初十日有賊船由金

陵上河口渡江直撲江浦縣城並聞有徑撲浦

口之信 臣吉爾杭阿當飭千總藍新恩渡江助

勦旋聞江浦縣城已失 臣等當即催令夏定邦

聖皇聖考卷三十三

五

等星夜由下蜀街渡江 臣向榮復派總兵張國

樑等由石埠橋至浦口相機進勦並飭總兵李

志和等力保儀徵縣城現在文煜翁同書俱在

邵伯鎮祇能招集潰兵使之歸隊而與托明阿

陳金綬雷以誠等相去各數十里聲勢不相聯

絡鄧紹良等雖已抄出賊前馳抵灣頭而孤軍

無助且揚州之東北兩門外並無一兵仍甚可

慮 臣等惟有嚴飭鄧紹良查文經鼓勵兵勇力

扼灣頭急圖進取以顧大局

向榮吉爾杭阿又奏言 臣等接何桂清函江西

逆氛已偏廣信浙江防務甚嚴請速撥兵救援

當經 臣吉爾杭阿將浙江調來之參將師長鏞

及丹陽防堵之侍衛胡鳳鳴等所帶各勇飭令

折回浙江惟該勇等雖皆可用究未經遇大敵

聖皇聖考卷三十三

六

浙江現有兵勇亦多未歷戎行江浙唇齒相依

若不扼住常山要隘致被賊匪闖入則江浙兩

省全行震動因於無可抽撥之中添派都司虎

坤元等兵勇一千名千總張朝光捷勇三百八

十餘名以副將秦如虎為統帶馳赴浙江相機

堵勦至鎮江逆匪負嵎如故現派總兵虎嵩林

統帶兵勇二千五百名駐紮黃泥洲一面督率

兵勇緊攻鎮江府城以冀牽制逆匪不敢北犯
廣東續調之紅單船已有十二隻於三月初五
日抵吳淞口臣等已飛調入江先堵下游俟揚
州軍務就緒再行上駛奏入均報

同日胡林翼奏言二月二十五日知府李續賓
等移營審灣二十六日進攻塘角賊匪伏於草

欽定剿平粵匪方略卷一百三

七

埠民房暗施槍礮李續賓縱火焚賊茅屋斃匪
無算道員羅澤南率同知蔣益澧等直攻小龜
山知府銜唐訓方率勇至山尾截擊賊匪大敗
連日堅閉不出惟於城上施放槍礮三月初二
日因九江等處賊援大至該逆分門出撲羅澤
南派都司何紹彩等分投迎勦賊眾大潰我軍
乘勝窮追賊已大半入城餘賊五六百人閉於

城外盡為我勇殲殺城上槍礮如雨羅澤南立
馬城門左額中槍子血流衣帶猶駐馬不移賊
亦不敢再出其撲李續賓營盤之賊亦為官軍
分路截擊陸路之賊大敗官軍追至城濠通計
殺賊約二千人生擒五十餘名是日羅澤南受
傷甚重至初八日身故當派知府李續賓由審
灣仍回洪山總領其軍數日之內賊復於保安

欽定剿平粵匪方略卷一百三

八

門外添築新壘三座臣與李續賓密計及其初
成全力破之遂於初十日派周得魁等分三路
圍攻立將賊壘攻破壘中守賊百餘人悉行殲
戮城中之賊復分路來援兵勇即於城濠之外
整隊以備賊而以百餘人毀平其濠壘更番接
戰斬獲甚多賊勢大挫遂將新砌之壘及長濠
六道一律毀平此次陣亡之外委陳達清曾玉

蘭唐訓得應請照把總例從優議卹文童鍾近
衡鍾楚池王嶽峯應請照從九品例從優議卹
其餘打仗出力員弁兵勇可否懇

恩彙案請獎奏入

上諭內閣曰官軍勦賊獲勝破賊新壘三座著胡林翼
督飭李續賓等激勵諸軍乘勝克復堅城毋稍遲緩
陣亡之外委陳達清曾玉蘭唐訓得均著照把總例

聖事畢方略卷百辛

九

從優議卹文童鍾近衡鍾楚池王嶽峯均著照從九
品例從優議卹此次出力員弁兵勇並准其彙案保
奏候朕施恩

胡林翼又奏言布政使銜浙江甯紹台道羅澤
南以諸生講學宗法程朱其所著小學韻語諸
書體用兼備洵堪輔翼名教咸豐二年賊犯長
沙卽倡率生徒辦理湘鄉團練忠義至性感動

鄉里遂率其鄉人效力戎行轉戰湖南江西湖
北等省克城二十大小二百餘戰每言首逆踞
金陵則武漢為必爭之地且南北樞紐亦以武
漢為最要自上年圍剿以來力攻九十餘日督
催至嚴雖水陸弁勇中傷已逾三千人而忠毅
之氣不容稍懈初二日帶傷甚重血沾衣帶尙
能指畫戰狀臨危時總以武漢未克為恨言不

聖事畢方略卷百辛

十

及私該員之父羅嘉且年八十一歲長子羅兆
作次子羅兆升均應童試合無仰懇

天恩俯准將羅澤南照二品陣亡例加等

賜卹並於湖北江西設立專祠其湖南湘鄉縣本籍請
建之忠義祠卽作為羅澤南專祠所有該縣陣
亡之士民弁勇一併附祀以妥忠魂奏入

上諭內閣曰布政使銜浙江甯紹台道羅澤南以在籍

生員倡率生徒辦理團練嗣因楚省賊氛猖獗率其鄉人自效戎行轉戰湖南江西湖北等省大小二百餘戰克城二十朕嘉其忠義奮發屢著偉績由訓導超擢道員加布政使銜方冀其攻復武漢殄滅逆氛克膺懋賞茲因攻勦武昌乘勝追賊直逼城下受傷殞命覽奏之餘深堪憫惻羅澤南著加恩照巡撫陣亡例賜卹伊父羅嘉旦著賞給頭品頂戴伊子羅兆

聖皇集方略卷一百五

十一

作羅兆升均著賞給舉人一體會試以示朕褒恤蓋臣至意並著於湖南本籍及湖北江西地方建立專祠其湘鄉縣士民兵勇打仗陣亡者一併附入羅澤南本籍專祠以慰忠魂

二十一日 戊寅 德興阿奏言據總兵武慶稟三月

十一日賊匪分五路來撲浦口並由西關及駱駝嶺圍繞我營官兵甫自江浦撤回已形疲乏

加以賊眾我寡竟夕接仗未能稍息十二日復有另股賊匪由寶鳳莊及石佛寺抄來我兵力戰至午傷斃賊匪多名千總夏尊聖外委陳起盛同時陣亡賊復糾眾萬餘四面放火我兵力竭退至六合縣城現仍招聚前往浦口攻勦查浦口爲江北首要之衝該逆似欲打通六合東擾儀徵與瓜州賊巢連爲一氣武慶等現既退

聖皇集方略卷一百五

十二

保六合該縣有總兵多隆武等馬隊及該縣練勇千餘名又新派穆克登額管帶馬隊馳往六合會勦向榮亦派張國樑赴浦口救援在六合紮營武慶已會商進勦惟浦口自前次失守之後經琦善奏派武慶前往扼防三載以來不下百戰一無挫衄嗣經托明阿奏調伊興額馬隊赴豫近又調撥西昌阿馬隊來揚該處存兵既

單賊復大集實屬眾寡不敵諒邀

聖明垂鑒奏入

上諭內閣曰浦口為江北要衝逆賊大股分撲總兵武慶駐守日久屢著戰功此次由江浦撤兵盡力迎剿雖因兩次將所帶馬隊奉調赴豫來揚而眾寡不敵以致失利究屬疏防咎有難辭武慶著革職留任以示薄懲現經德興阿派令穆克登額帶領馬隊前往

聖朝聖訓卷之百三

聖朝聖訓卷之百三

六合與向榮所派總兵張國樑等兵赴浦救援仍著德興阿督飭武慶等會合進剿迅圖克復

德興阿又奏言三月十四十五等日賊匪疊次來撲營盤經臣親督馬步各隊奮力痛剿共斃賊四五百名該逆敗退西南一帶十六日逆眾復由營西大至臣會同鄧紹良督帶兵勇出剿斃賊二百餘名賊始回遁其薛家樓一帶亦有

聞

聖朝聖訓卷之百三

十四

賊出被富春等擊退其另股竄過新集之賊復經西昌阿等繞前迎擊又斃賊二百二三十名生擒十三名據供該逆欲由儀徵六合至浦口臣現又派已革遊擊滿祿帶兵四百餘名馳往儀徵隨同總兵李志和暨該縣文武嚴密防堵其濱江一帶亦據陳國泰稟報分撥師船扼要巡防奏入報

同日官文奏言二月十八日都司方映川等見對岸賊船上駛即調集水勇划船追剿齊拋火彈燒燬賊船數隻奪船十二隻格斃賊匪多名三月初五日下午游金鋪山地方有賊千餘意圖上竄經副都統都興阿等揮令步隊向前迎擊馬隊分抄其後陣斬賊目十餘名斃賊三百餘

名生擒二十名復派馬隊於團風地方焚其運
囤米糧斃賊百餘生擒四十餘名陣擒偽官熊
致和等三名其五顯廟卡內之賊亦經已革總
兵訥欽等奮勇衝擊殲其前鋒十餘人斃賊百
餘名初六日賊船竄泊南岸嘴等處訥欽等密
派兵勇潛往襲剿拋擲火彈燒其近岸數船截
獲礮船一隻槍礮旗械多件所有疊獲勝仗之

聖皇聖略卷三十五

十五

員弁兵勇可否由臣擇尤酌保以昭激勸之處

出自

天恩奏入

上諭內閣曰漢陽水陸各軍連日攻剿疊獲勝仗著官
文乘勝進攻力圖克復所有出力員弁兵勇著俟攻
克武昌漢陽後併案彙保候朕施恩

同日何桂清奏言江西賊勢蔓延浙省常山開

化二縣均關緊要必得另籌布置並准江西學
政廉兆綸先後請撥援兵臣查廣饒爲浙江藩
籬與其株守邊防自不若進援鄰境湖南臬司
周起濱帶領兵勇赴玉山相度安營所有常山
曹城一帶防務責成貴州安義鎮總兵饒廷選
統帶閩兵扼要駐守其開化白沙關一帶與樂
平德興接壤責成衢州鎮總兵富勒興阿實力

聖皇聖略卷三十五

十五

堵禦至臣前此奏調官兵一經合集卽須於常
玉山連營駐紮直出廣信以備進剿惟此次調
撥兵勇爲數較多且軍情變易靡常誠恐在防
鎮將狃於積習互相推諉必得大員統率以一
事權查有前任浙江學臣吏部侍郎萬青藜自
上年督辦協防局事務深知浙省情形且籍隸
江西於該省人地更爲熟悉相應請

旨飭下該侍郎督辦三衢廣饒一路防勦事宜所有文武官兵均聽調度節制現當軍情萬分緊急之際臣已咨請該侍郎星夜遄行與晏端書相機援勦力保江浙兩路臣仍飛咨向榮迅派威望素著之提鎮大員隨帶親兵馳赴廣信會同勦辦其常山開化防務及調遣各路征兵亦不可無大員統率署臬司繆梓熟諳軍務飭令前赴

聖皇聖略卷百五

七

常玉山居中控馭

同日廉兆綸奏言安仁逆匪因廣信兵勇扼守貴溪遂分竄餘干等縣其撫州之賊亦竄建昌該郡於二月二十八日失守撫建俱陷廣信益孤贛南道耆齡駐紮饒郡所帶練勇不過千人兼與此間聲息不通而廣信練勇頃已盡赴貴溪一帶分堵其餘隘口甚多勢難分及該郡勢

據上游西為江省咽喉東為浙江門戶設使再有疏虞非惟江省轉機甚難即浙江自失藩籬大勢亦皆震動惟有瀆懇

天恩俯念江省萬分危急

飭下浙江撫臣無論何項兵勇星夜急由玉山前進先保廣信以通省垣及饒州之路俟援兵陸續趕到立即會同進勦庶於兩省皆有裨益均奏入

聖皇聖略卷百五

六

上命軍機大臣傳諭何桂清廉兆綸曰江西逆匪因我軍扼守貴溪分竄餘干等縣並由撫州分股於二月二十八日攻陷建昌郡城賊勢蔓延朕心實深焦灼何桂清所稱株守邊防不如進援鄰境自宜如此辦理廉兆綸請飭浙省兵勇由玉山前進先保廣信以通省垣及饒州之路亦為急援要著該撫現已飭饒廷選統帶閩兵駐常山曹城一帶調富勒興阿統帶

衢州兵勇堵禦開化白沙關一帶固足以保浙省門戶並著飛催各路官軍卽速由玉山直出廣信節節進剿廉兆綸仍當激勵民團藉資鎮壓至江西省城聞有被圍之信現在賊氛阻梗著廉兆綸設法繞路詢悉省垣消息並著何桂清派員偵探近日情形飛速奏報以慰廑念前吏部侍郎萬青藜籍隸江西人地較爲熟悉所有三衢廣饒一路防剿事宜卽著該

欽定剿平粵匪方略卷一百一

十九

侍郎會同晏端書督飭將弁相機剿辦

上又命軍機大臣傳諭駱秉章曰江西情形危急劉長佑之軍雖經收復萍鄉而萬載一帶賊匪尙多恐難直抵袁州閩廣浙江應援之兵調撥亦需時日因思湖南南境業已肅清選用道王鑫帶勇素稱得力著駱秉章添撥兵勇飭令該員由茶陵州進剿蓮花廳一帶以爲劉長佑後路策應降調湖北藩司夏廷樾

前郴州知州朱孫詒均籍隸江西若令協帶兵勇赴援能否得力並著駱秉章查明具奏

二十三日庚辰翁同書奏言臣前請調派直隸陝

西山東官兵駐紮清江原以防賊北竄今揚州收復高寶以上安堵無虞若仍令遠駐清江是置諸無用之地莫若催令悉赴揚營汰其舊存兵勇之羸弱益以新調官兵之精銳庶兵力可

欽定剿平粵匪方略卷一百一

二十

期厚集餉項亦不致多糜至伊興額等馬隊亦應來揚助剿俾得兼顧浦口奏入

上命軍機大臣傳諭德興阿鄧紹良翁同書邵燦庚長曰翁同書奏請將前調清江駐紮之兵催令悉赴揚營等語著邵燦庚長仍遵前旨將前調山東兵一千名及伊興額等馬隊一千名俟抵清江卽迅速飭令前赴揚營其前調陝西駐防官兵一千名著一併飭

令前赴揚魯歸德興阿等調遣以期厚集兵力清江
為南北要衝徐州一帶未就肅清防堵尙形緊要所
有前調直隸防兵一千八百名著仍留於清江歸邵
燦庚長調遣

翁同書又奏言臣於本月十四日由邵伯起程
至蔣王廟與德興阿會晤當以大營步隊太單
將帶去之兵四百餘名悉留蔣王廟秦家橋以

聖朝集略卷一百一

三

壯聲勢是夜令官兵在營外埋伏更番休息賊
匪屢次來襲均經擊退臣念揚城雖復賊尙踞
三汊河窺伺儀六其患近在肘腋大營固屬喫
緊北路亦宜嚴防遂於十五日仍回邵伯邵紹
良由灣頭移營沙河橋在揚城之東南距三汊
河不遠於目下地勢尙屬相宜惟西北兩路無
兵可撥蔣王廟秦家橋兩處幸賴德興阿勉強

聞

支持萬一賊匪偵知官軍勢孤繞出我軍之後
斷我餉道必至前後受困因與文煜商議先運
米麪以顧目前其軍裝器械復咨請吉爾杭阿
等先後協撥以資配用奏入報

二十四日辛巳曾國藩文俊奏言臣等探聞石達
開由吉安回竄臨江帶賊船二百餘號屯踞永

聖朝集略卷一百一

三

泰地方又探得臨郡賊匪由沙湖渡至東岸欲
分三路來襲二月十三日至樟樹鎮河邊游探
經彭玉麟督率水勇轟擊其隄上之賊亦被陸
軍擊退十四日副將周鳳山約會水師進勦橫
梁自督諸軍堵擊橋上之賊彭玉麟復令水師
登岸協勦斃賊數百名橋上及隄左之賊同時
敗潰我軍會合追擊直抵橫梁奪獲槍礮刀矛

多件共殺賊七八百名十六日石逆率眾數萬分踞橫梁香溪一帶周鳳山約水師分路馳擊斃賊多名陸軍進逼香溪猝遇賊之大股賊分四隊占踞山坡都司滕國獻等由右衝擊賊已敗退山左復出賊一股守備岳炳榮等不能抵敵滕國獻等率右路之勇回隊堵截傷亡不少十八日賊匪四路前來撲營參將阿達春等抵

聖皇聖考卷一百三



禦東北李清華等抵禦西南岳炳榮等在後接應時西路隄邊彭玉麟已派礮船幫同轟擊兩處各斃賊匪多名其西南逆賊見東北賊敗遂繞向東路抄在我軍之後岳炳榮等力難撐拄逆賊乘勢緊逼致西南路各營不能兼顧傷亡兵勇幾近千人營盤全失此次剿賊失利應請旨將副將周鳳山守備岳炳榮卽行革職守備銜千總

黃玉芳革去守備銜周鳳山黃玉芳仍留營效力並請將臣曾國藩交部議處至陣亡之前任湖南知縣馬丕慶請開復原官照知縣例從優議卹訓導林長春府經歷李清華均交部從優議卹其餘傷亡兵勇容臣等查明照例辦理

聖皇聖考卷一百三



曾國藩文俊又奏言臣等據探撫州府城於二十二日失陷該郡與廣信接壤而廣信又爲奏報進京浙江轉餉之路關係緊要現調湖口李元度一軍進勦撫州以保廣信調青山水師退紮吳城鎮青山陸兵調赴省城上年九江湖水陸萬餘人今全數撤入內地目下所望以挽回全局者在內惟李元度一軍在外惟羅澤南劉長佑二軍袁臨之路久梗劉長佑迄無入境確耗其羅澤南一軍及廣東防勦贛州之師請

旨再行飭催迅速來江援勦浙閩兩省與廣信建昌毗連請

旨飭下該省督撫嚴密防堵以免竄越

同日胡林翼奏言首逆石達開於上年秋間由

湖北竄入江西又益以本境土匪賊勢益熾二

月十六日周鳳山以眾寡不敵全軍失利不特

江西全局震動即南服數省亦岌岌難支湖南

選派五千人由東路赴援而江西西路州縣淪

陷俱有大股賊匪阻截道路非節節搜勦不能

前進曾國藩前次急調羅澤南回援是尙未悉

羅澤南陣亡之事現在江水僅長五六尺春汛

初起當可望其速漲羅澤南自帶之一千六百

人新失主將必須慎選將弁派令專管以歸李

續賓統帶臣前議分軍數千人往援江西此時

羅澤南身故無將可分情形固已不同且勦辦

大股賊匪非三四千人所能濟事曾國藩撤調

南康青山水陸各軍回援江西省城下游賊援

接踵上竄臣所轄武昌邊境盡與江西州縣毗

連賊蹤滋蔓道途梗塞援兵深入必須多攜軍

火錢糧乃免匱乏臣等再四思維惟有水陸力

攻決期進勦如即時克復誠爲善計萬一久頓

城下卽以李續賓等全軍往援方爲妥善均奏

入

上命軍機大臣傳諭曾國藩文俊曰江西賊勢蔓延前

已諭令葉名琛等撥兵進勦計日當可起程劉長佑

一軍於二月十二日克復萍鄉縣城進攻萬載孤軍

深入復諭知駱秉章添派兵勇赴援亦可陸續趕到

饒廣路已令萬青藜督辦防勦除浙江本省防兵

外由鎮江調回師長鑣夏寶慶各勇一千四百餘名由金陵派出秦如虎等兵一千三百餘名均可由浙前進撫建一路已諭知王懿德等派兵三四千名由建甯一帶進援冀可保衛廣信兼顧建昌現在該侍郎等將九江湖口水陸各軍全數撤回舍長江而專顧內地亦屬萬不得已之計但必須迅速設法使各省援兵能與本省兵勇相接方可次第勦辦若內外

欽定剿平粵匪方略卷一百一

七

隔絕聲息不通援兵雖已漸集省城終屬孤懸大局何堪設想著曾國藩文俊妥爲調度其援兵較遠省分卽飭繞道催提一面酌量撥兵疏通道路俾近省先到之兵得以迅速會合不可束手坐困致誤事機至武昌回援之軍前已屢次諭催詎意羅澤南遽爾陣亡且武昌此時攻剿正在喫緊本日復諭催胡林翼迅圖克復以便李續賓回援江西曾國藩等自應

先就青山調回之兵爲力保省垣之計未可專恃此軍致成株待也再前據駱秉章奏江西失陷各郡千餘里內無一官一兵似此情形卽官兵克復城池過後必爲土匪竊踞軍行仍多後顧之慮著曾國藩等轉飭帶兵各員遇有克復地方卽由軍營派員暫爲管理令其撫輯難民辦團守禦庶文報往來餉需轉運皆可逐節疏通不致有旋得旋失之患

欽定剿平粵匪方略卷一百一

七

上又命軍機大臣傳諭官文胡林翼曰江西情形萬分喫緊本日據胡林翼奏羅澤南現已陣亡武漢如能迅速克復卽可派兵回援萬一久頓城下卽令李續賓一軍前往等語李續賓著留於湖北俟武昌克復後再行帶兵回援江西惟官文等節次奏報總以克復在卽爲詞朕心實深殷盼若徒以粉飾之詞遷延時日是武漢旣不能克復而江省復不能回援糜餉

老師豈非兩失著官文胡林翼督飭水陸諸軍將武漢剋期收復毋得再有遷延致滋貽誤

上又命軍機大臣傳諭葉名琛柏貴曰江西壤地毗連六省形勢極關緊要現在各郡縣相繼淪陷南昌孤危非四路援兵迅速前進不足以分賊勢而保危城著葉名琛柏貴將前諭調赴江西精兵五六千名飭令剋日起程馳赴贛州奮力進剿並將所需軍餉寬

聖事軍略卷一百三

三

為籌備源源接濟無許稍涉遷延致滋貽誤

上諭內閣曰廣東羅定協副將周鳳山於克復樟樹鎮後不乘賊匪未集速攻臨江乃敢遷延瞻顧致該逆大股屬至抄襲官軍後路旋有挫失實難辭咎守備岳炳榮守備銜千總黃玉芳接應不力亦屬咎有應得周鳳山岳炳榮均著卽行革職黃玉芳著革去守備銜周鳳山黃玉芳仍著留於軍營以觀後效儻再

不知愧奮卽著嚴參懲辦曾國藩調度失宜著交部議處所有陣亡之前任湖南知縣馬丕慶著開復原官照知縣例從優議卹雲南候選訓導林長春湖南候選府經歷李清華均著交部從優議卹

二十七日 甲申 德興阿翁同書奏言揚城收復後

賊勢環聚西南其運河東岸及東北一帶情形較鬆惟逆謀叵測不敢稍弛防維 臣翁同書仍

聖事軍略卷一百三

三

駐邵伯會同總兵薩炳阿及文煜在六隔防堵鄧紹良現由灣頭分兵扼守裏下河之路而親駐南門寶塔灣與三汊河賊壘漸近實為節節移營緊逼之計其雷鳳翥所帶練勇三千餘名除將舊勇一千名撥還文煜管帶以防沙頭一路外所餘新勇二千名業經咨會鄧紹良歸其統帶分別裁留別為一軍令在灣頭駐守以為

東北屏蔽一俟伊興額德昌兩起馬隊趕到清江後仍卽調回揚營酌撥馬隊分駐灣頭以壯聲勢北山爲大營後路現於楊家廟駐兵八百名新河灣緊靠南門紮馬隊一百名步兵七百名俾與鄧紹良之師互相聯絡其餘照舊分紮要隘至江南前派已革臬司查文經來揚協勦復由吉爾杭阿檄令截留常州所募徐宿壯勇

聖聖聖聖聖聖

三

五百名現在揚城已復查文經及所帶之勇可以毋庸留揚免致聚勇太多與兵雜處徒滋流弊惟鄧紹良所帶兵勇一千二百五十名必須留此助勦其吉爾杭阿前派之廣東兵八百名虎勇三百名若必須調回鎮營亦可一併飭回再逆賊因疊次被創漸欲遁逃儀徵爲西面首衝該縣原有總兵李志和等兵勇一千餘名尙

上是之

形單薄今復由六合調回穆克登額飭帶吉林馬隊來儀助防一面仍令富春由揚馳回六合以便會攻浦口奏入

德興阿翁同書又奏言三月十七日逆匪屬聚蔣王廟大營西面臣德興阿親督馬隊一面分兵繞道截其後路該逆見官軍分路齊進不戰

聖聖聖聖聖聖

三

而退臣德興阿復統領官軍分攻薛家樓賊壘該逆出拒馬步各隊橫衝斜截立平三壘殺賊二百名奪獲器械多件十八十九等日該逆誘我深入官兵左右分伏中以勁旅迎敵斃賊數十名該逆紛紛敗退二十日臣德興阿會同鄧紹良親督馬步兵勇由大營西南分五路進攻該逆首尾不顧兵勇直攻七里橋賊壘一擁而

入砍殺極多立將賊壘焚燬該逆合股竄向徐家集等處我軍跟蹤追剿共殺賊四百餘名落水淹溺者不計其數奪獲器械多件該逆經此次懲創業已退卻惟徐家集等處尙有數壘臣等惟有乘機卽攻遇敵則戰斷不容稍安喘息以期次第掃平

德興阿翁同書又奏言臣等據探總兵張國樑

聖皇聖考卷百三

三

於本月十二日馳抵六合之龍池地方十四日賊匪四五千人在毛許墩焚掠來攻六合縣城張國樑卽揮兵衝擊陣斬黃衣賊首匪黨潰散我軍追至水家灣適署六合縣知縣溫紹原帶勇追至會合痛剿共斃賊千餘名奪獲旗幟器械無算救出被脅難民數百名敗匪急向浦口遁去我兵追殺四十餘里是日武慶亦帶同馬

聞

步官兵沿途會剿張國樑於十七日拔營前進往攻浦口臣等已飛飭江浦各營會同張國樑乘勝進取以冀迅殄逆氛奏入均報

二十九日丙戌德興阿翁同書奏言逆賊現在樸

樹灣等處分段築壘與官軍抗拒西路地勢平衍防不勝防瓜鎮賊黨往來勾通裏脅愈聚愈

聖皇聖考卷百三

三

多實屬眾寡不敵臣等前奉

諭旨調撥直隸陝西山東官兵共三千八百名均赴清

江交臣等選派得力大員會同邵燦以爲揚州

後路聲援今揚城已復北路晏如清江遠在上

游防堵情形稍緩似當先其所急擬請將此項

官兵一併調來揚營俾資攻剿再浦口現經克

復武慶已帶兵進攻江浦其張國樑一軍素爲

賊中所憚現在逆匪急圖西竄揚營兵力甚單
所調各兵驟難趕到可否請

旨飭令張國樑即日帶兵由六合直趨儀徵迎擊並相

機會勦三汊河一帶賊壘更資得力

德興阿翁同書又奏言總兵張國樑於三月十

七日由六合拔營前進探知該逆於葛塘集地

方築壘二座礮臺五座經官軍分投攻擊賊即

潛遁十八日張國樑等帶領馬步兵勇分路進

攻見悍賊多名出巢抗拒經都司楊萬青等奮

力向前砍斃賊目多名賊眾大敗立將礮臺五

座全行平毀該逆分股遁入左右二壘遊擊李

鴻勳首先殺入兵勇乘勢衝進合力勦洗計殺

賊一千餘名十九日復分路環攻直逼城下該

逆奪門而逸又被兵勇截殺斃賊八九百名立

將浦口克復零星餘匪或奔往九洲或逃入

江浦縣城擠溺江中者無數我軍追至江邊及

九里山等處復殺賊二三百名遂在浦口城外

紮營臣等現已飛飭武慶等乘此聲威迅攻江

浦縣城以期早日克復張國樑一軍自渡江協

勦以來疊次大勝實屬奮勇可嘉合無仰懇

天恩俯准將張國樑

賞加提督銜其在事出力各員臣等酌保數員以

昭激勸之處伏候

聖裁再武慶等於浦口失事本有應得之咎旋即督兵

會勦立將浦口克復功過尚足相抵合併聲明

奏八

上命軍機大臣傳諭德興阿鄧紹良翁同書邵燦庚長

日現在揚城已復清江遠在上游防堵情形尚不十

分喫緊而揚儀賊氛較熾亟應厚集兵力著邵燦庚長仍遵前旨將前調山東兵一千名陝西駐防官兵一千名俟抵清江卽迅速飭令前赴揚營其直隸防兵一千八百名著一併飭令前赴揚營歸德興阿等調遣至浦口現經克復武慶已帶兵進攻江浦著卽飭張國樑帶兵由六合直趨儀徵迎擊並相就近會同揚營新調各兵併力勦洗三汊河一帶賊壘以期迅速掃蕩

聖朝聖考卷二百三

七

期迅速掃蕩

上諭內閣曰官軍踏平六合賊壘克復浦口卽日進攻江浦縣城著德興阿等嚴督將弁乘勝勦洗勿留餘孽張國樑渡江協勦疊獲大勝此次迅復浦口實屬可嘉著賞加提督銜武慶著開復革職留任處分其在事出力員弁著德興阿等查明保奏

德興阿翁同書又奏言揚州西路賊壘疊經官

兵掃平數座該逆仍踞西南一帶時出擄掠二十三日復乘夜來撲我營先經官兵瞭見卽開礮轟擊該逆漸退共斃賊七十四名據生擒賊供該逆密議數日乘夜劫營如再不能打通卽分股往儀徵查儀徵雖有馬步官兵一千餘名在彼駐紮究嫌單薄臣等惟有權其緩必相機布置奏入報

聖朝聖考卷二百三

八

閱

中書

欽定剿平粵匪方略卷一百五十一 丙辰

中央民族學院圖書館

四月初一日 亥 丁德興阿翁同書奏言

伺大營已久三月二十三日忽據探稱有股匪

潛至距大營僅二里許 臣德興阿親督官兵由

西路分攻偏近七里橋池西賊穴砍殺數十名

燒燬賊壘二座該逆蒼黃無措即奔竄徐家集

糾率大股出巢死拒 臣德興阿揮令富明阿等

剿平粵匪方略卷一百五十一

帶領馬步各隊分三路環擊復以勁旅擣其中

堅該逆出巢圖竄各隊乘勢掩殺旋將徐家集

賊壘四座平毀敗匪披靡有西向樸樹灣而遁

者有南向烏踢溝而遁者 臣等一面飛飭營總

索昌帶隊繞出賊前會同派防儀徵之李志和

等帶兵一千一百五十名跟蹤追剿 臣等復揮

軍分路搜捕至樸樹灣該逆已將浮橋燒燬官

軍未能飛渡計共斃賊五百餘名落水淹溺者

無算是日鄧紹良松齡等復帶領馬步兵勇進

攻三汊河轉戰四時斃賊二百餘名 臣等查近

營賊壘雖經節節掃平而三汊河尙有大股死

拒牽掣我師又復分股西竄誠恐衝撲儀徵兵

少備多殊難支持奏入

上諭曰西竄之賊剿辦若何占踞何處著迅速具奏

剿平粵匪方略卷一百五十一

初二日 戊子 德興阿翁同書奏言據武慶稟報三

月二十三日官兵四面環攻江浦該逆由南門

竄出我兵乘勢掩殺力奪縣城賊眾披靡斬賊

無算立將江浦城克復 臣等查江浦為江皖接

壤北路要津斷難任賊久踞茲武慶張國樑等

勦力同心士卒用命甫逾旬日併浦口一同攻

克洵足大振聲威惟本日樸樹灣之賊因官兵

痛勦復向儀徵一路遁去勢必合併昨日西竄

賊黨益肆臨張卽飛咨張國樑統帶所管得勝

兵勇星夜兼程前赴儀徵幫同穆克登額李志

和翰殿華等攻勦俾臣等得與鄧紹良專勦三

汧河賊巢以杜旁竄

德興阿翁同書又奏言正在封摺聞據穆克登

額報稱遵檄馳赴儀徵行抵二十里鋪卽聞李

聖事畢方卷一百一十一

三

志和等營盤失陷儀徵失守查逆賊因連日被

官兵痛勦並踏平多壘紛紛向西竄逸節據李

志和等報稱儀徵危急又據翰殿華報稱追至

龍和集地方與賊接仗茲聞儀徵失守實堪憤

恨而儀徵縣知縣范驥迄無一字稟報臣等惟

有嚴飭先後派出之馬步官兵趕圖攻克並飛

咨張國樑迅帶得勝兵勇星夜兼程來儀夾攻

以期迅速克復奏入

上命軍機大臣傳諭德興阿鄧紹良翁同書曰前因儀

徵兵單浦口克復後諭令德興阿等卽飭張國樑帶

兵由六合直趨儀徵會合新調各兵相機勦洗本日

據奏儀徵業經失守儀徵毗連山陽交界之蔣壩地

方該處商賈輻輳米艘停泊甚多若令關入則清淮

全局震動而六合天長一帶在在空虛尤須加意防

聖事畢方卷一百一十一

四

範不可稍有疏虞著德興阿等嚴飭先經派出之索

昌等馬隊並翰殿華博安等馬步隊會合張國樑新

克江浦之得勝兵勇趕緊將縣城克復毋許稍有稽

遲致再蔓延爲患並著將儀徵縣知縣范驥未經稟

報緣由及現在下落查明具奏

上諭內閣曰逆匪竄踞江浦縣城經張國樑武慶移師

進勦於二十三日四面環攻該逆由南門衝出我兵

乘勢掩殺賊眾披靡斬馘無算立將縣城克復旬日以來浦口江浦連次攻克勦辦尙爲得手著德興阿等督飭將弁節節進攻務將三汊河等處賊巢迅速掃除毋稍延緩

初三日己丑向榮奏言據探瓜州賊股竄擾儀徵縣城失守查儀徵復失六合相連咫尺情形更危張國樑一軍昨始撤回已分撥調赴甯國接

聖朝聖略卷百五十一

五

勦臣當派遊擊李定太鎮守兵四百名並守備陶茂森仁勇五百名台勇一百名共一千名檄令總兵明安泰統領刻卽起行渡江馳赴六合應援督同該地方文武兵練妥籌城守事宜所有前山吉爾杭阿調赴六合援應之遊擊張汝霖壯勇一千二百名截留儀徵其力尙嫌單薄茲特飛咨德興阿速調鄧紹良就近帶兵進勦

儀徵亟圖克復以顧江北大局奏入

上命軍機大臣傳諭德興阿鄧紹良翁同書曰儀徵毗連六合必須急圖克復據向榮奏稱派總兵明安泰統帶李定太陶茂森鎮守兵仁勇台勇共一千名馳赴六合防勦此項兵勇旣經渡江卽當會同攻克儀徵縣城毋得專事防堵德興阿等前已調派穆克登額等帶領馬步各兵及由吉爾杭阿派往之遊擊張

聖朝聖略卷百五十一

六

汝霖所帶壯勇一千二百名會合勦辦著德興阿等飛飭穆克登額等協同江南援師乘逆賊踞城未久之時四面圍攻務將儀徵克復毋令旁竄以保江北大局其三汊河賊壘並著德興阿鄧紹良等趕緊掃除毋稍延緩

向榮又奏言查蕪湖餘賊負固經總兵吳全美江長貴水陸圍攻斷其接濟三月初一日突有

賊船多隻由裕溪內河乘夜駛出守備盧起陞督領三板等船迎勦礮火連施燔沈大小賊船五隻焚溺賊匪多名其蕪湖各壘之賊自二月二十三日以來時於范羅山小河南出黨窺竄江長貴督飭各兵勇隨時分投截擊日有斬擒三月初一日該逆忽出黨五六百人來撲小河南楚黔勇營我勇俟其近濠排開槍礮江長貴派隊由營後馳出抄勦吳全美亦督水師前來接應該逆奔退回巢負嵎死守我軍明攻暗襲皆未得手突於十七日黎明賊黨千餘人出巢埋伏范羅山下分股前來誘敵江長貴派隊三路迎勦槍礮齊施羣逆敗竄共計殺賊一百餘名再據皖南道鄧瀛稟稱婺源之賊竄及休甯並有另股攻陷祁門進擾黟縣十六日賊復踰

聖朝聖德

七

聖朝聖德

八

羊棧嶺竄至甯國之太平縣境屢稟請兵分援蕪湖甯國等語查江西賊勢鷓張前因浙防告警經臣派令副將秦如虎統帶兵勇一千名赴浙接應旋聞賊由景德鎮分竄入徽復陷婺源祁門徽州府城危急當即飛函何桂清速飭秦如虎一軍移往徽州援勦今賊蹤又闖入太平縣境逼近甯國自應分撥勁兵以顧全局而臣軍祇有此數實已無可再分幸張國樑一軍已將江浦縣城克復北岸肅清乃飛令該總兵即日拔隊星夜調回江南抽派遊擊楊瑞乾等勇一千五百名飭副將蔡應龍統帶馳赴甯國由太平一帶迎勦以斷蕪賊接應保固甯國並飛檄副將李德麟統帶紅單拖魯戰船駛上大通一帶扼勦截賊沿江竄路以爲陸軍聲援奏入

報

聞

初六日 壬辰

命軍機大臣傳諭葉名琛柏貴曰現在江西賊勢披猖劉長佑一軍尙阻袁州周鳳山兵勇接仗失利曾國藩雖調集兵勇力保省垣而外援不至省城終屬孤危江省待援情形誠屬萬分喫緊因思大兵赴援

欽定剿平粵匪方略卷一百三十一

九

非有大員統帶不足以嚴軍律而壯先聲著葉名琛等將前諭調赴江西精兵五六千名卽飭令提督崑壽統帶前往剋日起程由贛州一帶奮力進剿期將失守各城次第克復保衛省垣該督旣撥兵赴援所需軍餉卽著寬爲籌備並著將該提督帶兵起程日期迅由海道馳奏

初七日

癸巳

德興阿奏言賊衆現在西竄惟三汊

河尙餘逆壘牽掣我師二月二十六七等日馬

步兵勇疊次進攻均有斬擒二十九日已革總

兵松齡等由王家港向南進攻遊擊鄧鳳林等

由三汊河北岸向東進攻參將英貴由中路進

攻總兵安勇及鄧紹良所派之遊擊黃朝恩等

由運河東岸進攻協領富明阿營總海全帶領

馬隊營總德克津布帶火器從兩旁抄擊均撲

欽定剿平粵匪方略卷一百三十一

十

至濠邊將其卡房燒燬該逆急出大股抗拒我

兵鼓銳直前斬斃賊匪二百餘名奪獲器械無

算至攻撲儀徵之賊於二十四日竄至新城地

方經李志和等帶兵迎勦該逆另股由舊港山

根兩路抄撲縣城遊擊景和知縣范驥在東門

抵禦兵勇各有傷亡賊卽由北門闖入李志和

等營盤守兵無多被賊衝破據李志和景和范

驍稟報情形大略相同連日該逆時出近村擄掠經官兵分攻斬擒甚眾現在張國樑渡江南回因由揚營抽兵五百餘名飭總兵薩炳阿統帶馳往江浦會同武慶防勦向榮已派總兵明安泰帶兵千名渡江協勦儀徵至穆克登額索昌帶領馬隊五百餘名已紮儀徵之西陳堡橋杜賊竄往六合之路鞠殿華巴林保博奇等帶

聖朝聖略卷一百一十一

十一

馬步隊一千餘名已紮儀徵之東樸樹灣杜賊回竄揚州之路並飭隨時會合夾擊又嚴檄李志和等收集兵勇由北路進攻以期早復城池儀徵縣知縣范驥署奇兵營遊擊景和派防總兵李志和均請旨先行革職仍責令帶罪自效如查有聞警先避重情仍當據實嚴叅奏入

上諭內閣曰儀徵失守著德興阿等嚴飭在事將弁奮力進攻剋期收復毋稍遲延所有儀徵縣知縣范驥署奇兵營遊擊景和派防總兵李志和均著先行革職仍留軍營責令帶罪自效如查有聞警先避重情即著據實嚴叅

聖朝聖略卷一百一十一

十一

德興阿又奏言遵查此次揚營失事之由因托明阿專信雷以誠之言以長圍為可恃復旬日虛報勝仗塗飾目前遂一切玩泄從事以致大挫至揚城失陷後旋即收復實由逆匪之不敢堅守而逆匪之所以不敢堅守者實因西面官兵連次力攻恐遂斷其歸路故盡力狂奔臣前奏未見他處兵勇之語係據富春鞠殿華二人所稟伊二人係同時入城搜勦且信其素行樸誠是以即於摺內敘入至雷以誠與陳金綬是

日泊船萬福橋並未聞其督隊攻城鄧紹良曾
向臣面述有東路並無一騎相助之語嗣經行
文咨詢亦據覆稱並未見陳金綬雷以誠同時
入城追賊撤隊後始於老虎山得見萬福橋
勇壯先後趕到其無人用梯登城益屬可信昨
據雷以誠呈繳所獲旗幟各件復與原摺數目
不符其意不過欲爲帶勇員弁冒功兼爲自己

聖學聖方略卷一百一

十三

脫罪地步茲閱其奏稿更有疊次殺賊等語尤
屬全無影響雷以誠連年以養勇爲名濫開捐
局無裨兵餉徒糜民膏現聞雷以誠於三月二
十三日渡江赴吉爾杭阿軍營至今未回臣已
行文催令卽日回揚聽候查辦今陳金綬業已
身故若令雷以誠暫駐東岸非特兵心不服卽
民心亦復不平至查辦各事臣當與翁同書逐

事細查據實具奏不敢蹈軍營欺飾積習奏入

上諭內閣曰德興阿奏稱揚州收復雷以誠與陳金綬
是日泊船萬福橋並未聞督隊進攻該革員前奏所
稱東路疊次殺賊等語全無影響且呈繳所獲旗幟
各件復與原奏數目不符顯係事後捏飾希圖脫罪
陳金綬雷以誠以幫辦大員於瓜州賊匪出撲並不
實力督率致令兵勇潰散迨收復揚州後復敢捏稱

聖學聖方略卷一百一

十四

助勦辜恩昧良殊堪痛恨陳金綬業經病故雷以誠
著卽拏問交德興阿等嚴行審訊請旨定奪所有交
查各件仍著逐一查明具奏

同日何桂清奏請准向榮檄委總兵銜前雲南
楚雄協副將秦如虎統帶川廣兵勇一千名吉
爾杭阿派撥提勇五百餘名江長貴派撥執勇
五百名川銳勇五百名並於蕪湖另募新勇接

替先後起程來浙張芾因婺源與樂平景德連界嘗於祁門瀟亭等處派撥兵勇前往防堵兼以援應常山開化詎行至中途樂平之賊已於三月初七日由萬年竄入婺源縣境復由東路竄入五嶺張芾派令川徽各勇馳往擊退頗有斬獲而景德之賊復於十二日乘虛竄入祁門一心嶺張芾飛派川浙官兵迎敵獲勝逆蹤飄

聖朝集略卷一百一

十一

忽靡常已由閒道繞至瀟亭其婺源一股賊匪又從五嶺至龍灣竄入瑤溪一帶張芾督率郡城兵勇駐紮七里頭扼其內竄徽浙之路一面飛飭川營參將周天受前往堵剿並令廣東肇慶府知府程葆葆號召鄉團助戰先後接仗十餘次賊蹤遠遁臣查徽郡祁門西北一帶時有賊蹤而嶺隘紛歧防不勝防婺源遠在嶺外無險

可扼乃樂平景德之賊同時乘虛內竄窺伺徽浙兩路軍情萬分喫緊張芾督率周天受程葆於大兵未到以前堵剿兼施更幸該郡民皆向義助戰者萬餘人旬日間即轉危為安惟祁門股匪已從羊棧嶺竄擾甯國府屬之太平縣婺源餘匪亦由箬嶺竄入太平縣境逆情詭詐多端勢將窺伺甯國以牽綴金陵江浙之師現在

聖朝集略卷一百一

十二

張芾已派兵追剿並經督辦甯國糧臺之道員胡元博及該管道府均派撥兵勇前赴太平剿辦而南陵旌涇各縣及甯國郡城兵勇均不免單薄且自太平而東為甯國縣廣德州均與杭湖兩屬交界尤為浙省之憂刻下徽境已安而江西情形尚緩所有秦如虎一軍應即移緩就急進援甯國臣已飛檄該副將帶同虎坤元由

昌化取徑叢山關進發於甯國駐紮其吉爾杭
阿派來之捷勇亦飭馳赴該處歸秦如虎統帶
合隊迎勦至連界之於潛昌化長興孝豐等縣
亦一律設防以爲後路接應奏入報

聞

初九日乙未正白旗漢軍副都統德興阿陝西提
督鄧紹良詹事府少詹事翁同書奏言查廣東

續雇紅單船二十七隻都司黃彬所帶頭幫十

三隻已於三月二十日泊抵焦山刻下上游當

蕪一帶情形稍緩下游如浦口觀音門均爲賊

船出沒之所警報頻聞土橋毗連儀六防堵尤

關緊要所有此項紅單船十三隻除吉爾杭阿

已撥三隻暫駐三江口防勦外其餘十隻應仍

歸陳國泰經管卽由陳國泰酌撥浦口觀音門

兩處助防庶浦口以下各要隘不至船單江面
堵防更爲嚴密仰懇

天恩俯准施行奏入

上命軍機大臣傳諭德興阿鄧紹良翁同書曰紅單船
前幫十三隻已經入江浦口觀音門均爲賊船出沒
之所土橋毗連儀六尤關緊要著准其將紅單船十
隻歸陳國泰經管仍嚴飭該員分布要隘嚴密堵勦

江北水師原歸德興阿調遣軍情緊要不事事待
旨而行

德興阿鄧紹良翁同書又奏言四月初二日儀
徵逆匪竄及北山自硯臺山至廟山一帶處處
皆賊悉向西北竄越當派協領富明阿等帶馬
隊抄前攔截卽遇大股賊匪四五百人接仗斃
賊極多該逆倉卒思遁又被兵團搜捕總兵鞠

殿華遊擊吳奉龍帶兵兜勦臣德興阿親督參
將英貴等由中路進攻往來衝突賊隊頓分兩
截我兵乘勢掩殺廟山敗賊正在回奔又經富
明阿等沿途追殺十餘里屍骸徧地賊悉遁入
龍和集新城等處共斃賊八百餘名落水淹斃
者無算奪獲刀矛器械三百餘件救出被脅難
民幾及千人是日臣鄧紹良總兵安勇等帶兵

聖朝實錄卷三十一

十九

分東西兩路進攻三汊河賊匿不出嗣經官軍
誘敵轟斃賊數十名據生擒賊供逆首秦曰綱
現派五六千人由北山後路攻打六合不料官
兵齊來截殺等語臣等現飭穆克登額嚴扼儀
六衝途並相機在儀邑東路追勦又連日疊飭
知縣溫紹原及富春等協力守禦至向榮所派
明安泰統帶援兵一千名現駐六合足資防勦

臣等此時總以嚴扼西北山路為要著一面分
攻三汊河以分賊勢奏入

上諭內閣曰此次截勦儀徵竄匪尙為得手著德興阿
卽督飭各員弁嚴扼西北山路一面分攻三汊河務
期迅速掃除毋令竄逸

同日廉兆綸奏言臣疊據探報陷踞安仁之賊
因貴溪有兵勇防堵未敢徑前衝突及竄餘干

聖朝實錄卷三十一

二十

樂平等縣後又因駐紮饒河之贛南道覺羅耆
齡帶勇迎勦遂連日下竄安徽之婺源休甯一
路而去現卽廣饒二郡情形而論安仁及餘萬
德樂等縣已無賊匪省城水路亦可通行惟撫
建二郡逆匪尙多現復招集土匪蔓延日甚探
聞省城已遣兵勇由進賢往攻撫州又札調升
用同知李元度由饒州取路安仁進兵合勦設

兩路兵勇到後撫賊聞風上竄廣信仍在在堪
虞臣已連次飛函詢問省城的確消息尙未接
據覆音此聞幸安仁以北警報稍鬆商民稍稍
復業臣所辦集團招勇等事始得略有規模刻
下所招之勇已及千人合之廣信舊招現守貴
溪弋陽各隘口之勇共有二千俟一律訓練整
齊亦足以彈壓地方分防要隘臣擬請卽暫駐

欽定剿平粵匪方略卷一百五十一

三

廣信督飭地方官管帶新舊練勇協助官兵相
機進剿俟江省軍務稍平他郡可以按試再將
所招之勇交該地方官酌量情形分別留遣妥
爲辦理

同日閩浙總督王懿德福建巡撫呂佺孫奏言
准廉兆綸咨稱逆匪自竄擾撫州後連陷進賢
豐城東鄉安仁等縣省城文報不通請調重兵

馳援並據各屬探報建昌府城已被逆匪竄踞
萬年餘干樂平貴溪各縣均有逆夥滋擾查該
逆狼奔豕突連陷郡邑閩省邵武建甯各屬向
恃撫州建昌爲屏蔽今撫建相繼淪陷匪氛偏
近樂平貴溪等縣又距衢州府屬不遠防堵在
在喫緊臣等現調漳州鎮轄九營兵一千名泉
州陸提六營兵六百名興化城守營四百名另

欽定剿平粵匪方略卷一百五十一

三

雇漳州勇五百名泉州勇三百名興化勇二百
名合成三千名均交延平城守副將張從龍統
帶護閩安協水師副將陳上國協帶由臣王懿
德面授機宜飭令星速起程馳赴江西確探何
處軍情緊急卽由何路進兵扼守相機協剿仍
飛飭衢防文武會籌布置互相聲援庶於閩浙
防務較有把握地方可期鞏固均奏入

上命軍機大臣傳諭廉兆綸曰現在安仁以北賊氛稍戢省城水路漸通廉兆綸暫駐廣郡新募之勇及舊招守隘各勇約有二千自應多方激勵以資彈壓其由閩赴江之兵勇並經王懿德等調足三千名派副將張從龍陳上國管帶探明江西何路緊急卽由何路進兵廉兆綸惟當督飭地方官令將新舊練勇協助官兵堵守要隘一俟閩浙援師趕到卽可探賊所向

聖朝聖略卷百二十一

三

向漸次翦除至該學政所探江西省城有分遣兵勇由進賢往攻撫州及派李元度由饒州取道安仁合剿之信仍當確探消息隨時奏報

初十日 丙申 德興阿鄧紹良翁同書奏言據范驥

景和稟稱連日會同兵團由東西北鄉三路進剿水師陳國泰亦撥水勇登岸四面夾攻逆匪始則踞城堅守嗣見我軍大隊進攻卽開東門

聞

竄出當於四月初一日將儀徵縣城收復仍奮力追賊至新城一帶殺死及溺斃無算惟查儀徵雖經收復而賊壘尙在帶子溝等處臣等一面檄飭穆克登額帶領馬隊五百名會同總兵李志和等帶步隊一千餘名在儀徵扼堵並隨時協同揚營各兵相機兜剿仍一面由西北山抄前攔截以遏旁竄奏八報

聖朝聖略卷百二十一

三

十三日 己亥 曾國藩文俊奏言道員劉長佑親督楚勇二千餘名於二月初六日行抵距萍鄉十里之青山鋪城內擁出大股賊匪約三四千人分路抄撲守備梁開國等且戰且誘回至青山鋪劉長佑率勇由中路迎擊槍礮齊施該逆紛紛退向山坡分左右兩路併力來抄我軍百長

許繼衡等由左路迎擊李明惠等由右路迎擊
梁開國衝入賊隊手刃紅衣賊目許繼衡等從
松林截出殺賊百餘名賊勢披靡我軍兩路直
偏城根城內賊復悉眾出巢計將乘我我軍返
旗回擊將賊隊衝爲兩段復大敗之計斃賊三
百餘名初七日劉長佑飭令都司田興恕等移
營黃花渡守備黃三清率勇進紮葡萄嶺十一

聖朝聖略卷五十一

三

日卯刻出隊進攻萍城該逆擁擁前來撲營劉
長佑派李明惠許繼衡黃三清等分左右中三
路迎擊自率一旅潛由路旁田隴橫抄以出該
賊後隊敗退首尾不能相應時左右兩路之賊
業經奔潰因賊首被圍回頭衝突我軍分投截
殺黃衣賊目被圍愈急撲火自焚各路之賊拋
棄器械鼠竄入城我勇列隊環攻是日約斃賊

千數百名生擒七十餘名割取首級三百八十
顆奪獲器械旗幟無算劉長佑傳令次早攻城
四更時探報該逆將城外各巢燒燬勢將他遁
卽乘月督隊前往黃三清李明惠等由城西大
路進攻田興恕梁開國等由城北小路截出該
逆望風驚潰自相踐踏我軍一面追勦一面入
城安撫其由瀏陽進攻萬載之同知蕭啟江等

聖朝聖略卷五十一

三

兩營於二月初九日紮萬載之珠樹潭分布各
隊十一日南岸出賊千餘直趨平岡另股二千
餘人繞出營後把總周崇高率四哨勇與平岡
之賊相持蕭啟江馳往助戰忽山下之賊麕至
乃揮令軍功彭文德等併力抵住蕭啟江復進
偏山下之賊把總楊恆陞亦張左右翼抄之賊
被圍紛竄我軍節節追逼逃者無幾是日約斃

賊千餘人生擒五十餘人查萍萬兩縣與湖南接壤山路歧雜最易藏奸已飭劉長佑節節搜勦一俟兩路兵勇會合然後併力進攻袁郡迅圖克復奏入

上諭內閣曰湖南援師疊獲勝仗克復萍鄉復由瀏陽進攻萬載於珠樹潭接仗獲勝仍著曾國藩等飭令劉長佑分派各軍節節搜勦廓清土匪以期進勦袁

聖皇聖考百幸一

毛

州迅圖克復

曾國藩文俊又奏言臣曾國藩於上年招募湖南平江勇飭李元度練成一軍臣文俊又募平江勇二千餘人派知府鄧輔綸同知林源恩一同統帶約會於進賢東鄉等處進勦冀以保全廣信規復撫建二月二十三日李元度自湖口拔營赴饒逆黨突出千餘人分三路來撲我軍

聖皇聖考百幸一

天

俟其偏近橋壩開礮轟擊連斃數賊營官彭斯舉等復分三路抄擊殺賊六七十名賊匪奔潰追入湖口沿途又斃賊五六十名二十九日李元度一軍行抵饒州臣等即飭其暫時駐兵而令鄧輔綸林源恩自進賢一路前往東鄉以圖會合進勦三月初七日鄧輔綸等自省城起行臣等又派周鳳山帶勇八百名前往助勦十一日行抵羅溪地方該逆排立湖岸礮聲四起鄧輔綸等督飭各營馳過湖路該逆分三路來撲都司周岐山等帶鳳字營迎頭勦殺復有賊千餘人由隄路抄擊鄧輔綸等派左營耿光宣等沿隄截勦殺賊多名該逆力不能支紛紛敗退奔回進賢縣我軍追擊十餘里計共殺斃賊匪二百餘名十二日林源恩督帶中營勇五隊當

先鄧輔綸領五隊繼之左營耿光宣右營高夢漢分兩翼以擊其旁都司畢金科緊爲接應各營進行距進賢縣三里卽有賊數千叢擁直前林源恩帶前隊疾趨迎擊我軍士氣百倍立斃長髮賊一百餘名該逆退奔各哨急追兜擊復殺斃八九十名中營哨勇由西北角梯繩登城殺守堞賊十餘人燒燬望樓大呼同進卽將進

聖皇聖方略卷三十一

三九

賢縣城克復伏查省東撫建廣饒四府皆以進賢爲咽喉要路此次兩戰克復東路漸有轉機臣等現飭李元度自饒州起程與鄧輔綸林源恩等會合迅往撫州圖克郡城奏入

上諭內閣曰進賢爲省東要路此次兩戰克復辦理尙屬得手卽著飭令李元度等會合兵勇迅復撫州毋令逆匪久踞蔓延

曾國藩文俊又奏言青山水師於二月二十六日行抵吳城湖口賊船亦卽尾追而上分泊於渚磯等處而德安建昌之土匪與湖口之賊聯爲一氣冀撲我師臣等因調彭玉麟由樟樹鎮馳赴吳城以資鎮攝三月初二日彭玉麟尙未到防有陸賊數百人叢擁而來至吳城後河西岸搭造浮橋賊船亦至河口之下左營陳炳元等以長龍船紮泊前河親兵營各船紮泊後河而分三板之半由前河直下包抄賊船以一半赴後河攻勦陸賊該匪見官軍直下賊船遂退竄渚磯而陸賊排立望湖亭對岸施放槍礮各水勇一躍登岸揮旗直前刺殺長髮十餘名陸賊紛紛敗北我軍窮追約二十餘里賊船之下竄者水軍亦追逐十餘里復將後河賊划概行

聖皇聖方略卷三十一

三九

焚燒初四日彭玉麟抵吳城鎮飭各營嚴密防
範十二日有陸賊約千人由涂家埠搭浮橋而
來至吳城上游分股抄出彭玉麟派嚮導左右
三營登岸陸戰賊之至河干者我軍三板排礮
齊發轟斃賊十餘名該逆無所遮蔽遂退入隄
內抄出直竄街市我軍突起直前擊斃二十餘
名該匪敗北至小港之前梟水而遁彭玉麟以

聖朝方略卷一百五十一

三

陸賊之來係由涂家埠搭造浮橋而過必先清
來路之源各軍始得安枕十四日飛檄疾行馳
抵涂家埠見賊浮橋二道甚為堅固橋內灣泊
賊船約百餘號我軍船一齊駛進該逆用擡槍
抗拒鏖戰逾時我軍點放排槍礮子如雨賊勢
稍卻各勇一鼓衝入砍斷筏纜拆毀浮橋二道
賊見我軍衝過浮橋將所據船隻急速開行我

軍乘勢尾追拋擲火彈一船焚燬眾賊驚慌我
軍見賊大潰極力窮追約十餘里計燒賊船數
號奪獲二十餘號臣等查內湖水師自去歲駐
紮青山姑塘以來東岸有湖口陸兵西岸有青
山陸兵兩相依護聲勢甚壯一旦與陸軍遠隔
駐泊吳城孤懸賊中幾有防不勝防之慮幸兩
次登岸陸戰一次遠出迎擊俱獲勝仗從此卽

聖朝方略卷一百五十一

三

可堅駐該處保障下游奏入報
文倭又奏言自樟鎮再陷周鳳山一軍退回省
垣該逆乘勢直趨豐城署知縣張詔南把總宛
世雄先因濠湖墟一帶賊氛緊急帶勇往勦聞
信馳回賊已乘虛撲入縣城遊擊遮克敦布一
軍禦賊失利賊遂於二月二十三日攻陷撫州

聞

府城並分竄進賢東鄉等處進賢縣知縣史昌壽登陴固守因賊眾兵單力竭城陷史昌壽與營弁各受重傷家人掖之而出得免遇害二十六日賊由東鄉竄入安仁縣城二十八日分二股一竄餘干一竄萬年建昌府城亦於二月二十九日被匪竄陷查該逆擄掠重貨帶領賊眾二萬餘人已由饒州各屬地方經過分踞吉瑞

欽定剿平粵匪方略卷一百五十一

三

袁臨撫建六郡勾結土匪四出劫掠臣現同會國藩商派李元度與周鳳山鄧輔綸等統師先由進賢攻勦以期次第迅克各城並分撥各軍兜勦附省各縣以清肘腋之患署餘干縣知縣陶慶瀄萬年縣知縣邢肇需於匪眾過境力保縣城應免置議署豐城縣知縣張詔南於城破後即與把總宛世雄糾集鄉團各勇立將縣城

克復進賢縣知縣史昌壽乘周鳳山等統兵進勦接濟兵食隨同收復張詔南史昌壽力竭失守事後尙知愧奮均請

旨革職留任以觀後效豐城縣縣丞譚士淮教諭蕭祖琛訓導李同經查明先期往鄉分別勸捐辦團典史柳先傳解犯進省並未在城均係因公出境並無規避情弊請

欽定剿平粵匪方略卷一百五十一

三

飭部均免開缺奏入

上諭內閣曰本年二月間江西臨江逆匪分竄豐城撫州進賢東鄉安仁等府縣建昌府城亦被匪竄陷現經會國藩文俊派令李元度周鳳山等合師進勦次第克復各城所有失守各員自應分別查辦署豐城縣知縣張詔南於城破後糾集鄉團會同水師克復縣城進賢縣知縣史昌壽接濟兵食隨同周鳳山等

收復縣城尙知愧奮均著革職暫留本任豐城縣縣丞譚士淮教諭蕭祖琛訓導李同經查係先期出城勸捐辦團典史柳先傳解犯進省並無規避情弊均著免其開缺

文俊又奏言再袁州府知府紹德於失守府城後退駐蘆溪正月十七日賊撲萍鄉紹德與萍鄉縣知縣萬清督兵接仗不意另股賊匪由小

聖朝聖略卷一百三十一

表

路襲入縣城以致敗退湘東駐紮二月初四五日湖南劉長佑之師已抵萍鄉袁州協副將蔣益輝與紹德萬清所帶袁萍兵勇及署宜春縣知縣錫榮所帶宜春勇俱隨同夾擊分路攻城該逆驚潰由南門逃遁遂將縣城克復查紹德錫榮於失守後退駐萍鄉宜春交界之蘆溪地方收集敗潰兵勇激勵鄉團守候湖南援師入

境卽各帶勇壯隨同劉長佑克復萍鄉尙知愧奮惟郡城失陷究屬守禦不力袁州府知府紹德署宜春縣知縣錫榮均應請

旨革職責令隨營效力俟克復郡城後再行查辦萍鄉縣知縣萬清於縣城失陷業已隨同克復原可責令留任辦理善後惟查該令才識迂拘難勝民社應請

聖朝聖略卷一百三十一

表

旨卽行革職至袁州協副將蔣益輝統轄協營失陷城池守禦不力卽有應得之罪雖已協同克復萍鄉縣城功不抵過應請

旨革職聽候查辦該員年力已衰毋庸留營效力奏入上諭內閣曰上年十二月及本年正月袁州府城並萍鄉縣城先後失陷袁州府知府紹德署宜春縣知縣錫榮於失守後收集兵勇激勵鄉團隨同劉長佑接

兵攻克萍鄉尙知愧奮惟郡城失陷究屬守禦不力
紹德錫榮均著革職責令隨營效力俟克復郡城後
再行查辦萍鄉縣知縣萬清於縣城失陷業已隨同
克復惟才識迂拘難膺民社著卽革職袁州協副將
蔣益輝失陷城池守禦不力雖經協同克復萍鄉功
不抵過著卽革職該員年力已衰著毋庸留營效力

欽定剿平粵匪方略卷一百五十二

十一

欽定剿平粵匪方略卷一百五十二 丙辰年

四月十四日庚子德興阿鄧紹良翁同書

准庚長咨稱伊興額已馳赴懷遠其直隸官兵
一千八百名因徐州鎮道請兵儘數赴徐等語
臣等伏查此次奉

旨調赴揚營之馬步官兵雖有四千八百名現惟德昌
馬隊五百名抵揚而賊逆踞守三汊河垂涎東

欽定剿平粵匪方略卷一百五十二

十一

路頃向榮又以蘇浙門戶須防飛檄調回乾鎮
河兵七百五十名計江南帶來援師祇留凱勇
五百名何以支持臣等不得已派令鞠殿華帶
兵一千一百名由樸樹灣徙駐東岸助防然西
路又形空虛勦辦實難周轉惟有籲乞

天恩仍飭庚長邵燦迅將伊興額馬隊五百名及直隸
兵一千八百名一併催令兼程來揚俾得撥援

浦口暨分布東西兩岸庶遠近勦防均可應手
奏入

上命軍機大臣傳諭德興阿鄧紹良翁同書邵燦庚長
曰前因伊興額馬隊已有旨留於徐州助勦當經諭
令邵燦庚長將派赴懷遠之吉林黑龍江餘丁酌分
五百名前往揚州其直隸防兵除已赴徐州五百名
外其餘一千三百名亦令邵燦等酌度或分一半或

聖朝聖訓卷五十三

二十

分一千馳赴德興阿軍營本日據德興阿等奏稱官
兵不敷派撥仍請飭催伊興額馬隊及直隸防兵自
係未經接奉前旨約計此時山東官兵一千名當可
先後過浦吉林黑龍江餘丁及直隸防兵亦當陸續
到齊著邵燦等速將已到之兵遵旨分撥未到之兵
趕緊催提德興阿等於此項官兵到場後即妥為布
置毋稍疏忽至軍營馬隊步隊本宜相輔而行無論

旗營綠營但能調度得宜皆可得力德興阿身為統
帥非前此專帶馬隊可比鄧紹良久歷戎行於步隊
情形尤為熟悉自應妥籌調遣於應用馬隊之處固
宜加意激勵即應用步隊之處亦當認真駕馭使之
互相奮勉方收實效翁同書既係幫辦軍務即應與
德興阿同在一處方可就近商酌軍情翁同書著即
馳往德興阿軍營商辦一切不必遠駐邵伯揚營積
習已深必須大加整頓該大臣等務當同心協力以
振軍威毋蹈從前故轍

聖朝聖訓卷五十三

二十

十六日 壬寅 英桂奏言接准官文咨稱前奉

諭旨勇目詹啟綸施紹恆等所帶各勇著官文飭令詹

啟綸等統帶前往河南交英桂軍營聽候調遣等因
查此項義勇投誠以來在北路軍營頗為勇敢
上年調赴楚北後傳聞未能得力本年二月間

臣面詢西凌阿據稱此項義勇在楚已陸續遣散現存不過五六百名日久懈生不如從前奮勇等語戶思該勇等仰沐

天恩再造未必遠有他虞惟狼子野心究難馴伏設與現在兵勇不能協力同心轉生周折若另成一隊則爲數無多難資攻剿况信陽一帶連年兵差絡繹不絕居民困苦異常儻令此起義勇前

來又恐易滋擾累相應請

旨飭下湖廣督臣官文將詹啟綸等所帶義勇仍留楚省軍營調遣或酌量遣散之處恭候

聖裁奏入

上命軍機大臣傳諭官文胡林翼曰前諭官文等將詹啟綸等所帶各勇酌量飭赴河南交英桂軍營聽候差遣本日據英桂奏稱詢知西凌阿此項義勇現存



不過五六百名日久懈生不如從前奮勇設與兵勇

不和則轉多周折若另成一隊則爲數無多等語所

奏自係實情此項義勇著仍留於該大臣軍營調遣

毋庸令其前往河南並著該大臣等妥爲駕馭隨時

彈壓至武昌疊經大兵圍攻久未能下漢陽間亦報

有勝仗尤屬敷衍塞責該大臣等總統全師身膺疆

寄若頓兵堅城老師糜餉日復一日伊於胡底著官



文胡林翼激勵將士督飭水陸各軍將武漢兩城剋

期收復毋得再有遷延致干咎戾

同日胡林翼奏言查武漢未復江西待援統籌

大勢萬不可謂全局於不顧惟羅澤南傷亡之

後李續賓新領其軍勢難分援江西適會國藩

之父曾麟書聞羅澤南傷亡卽遣其次子同知

銜曾國華兼程前來幫辦營務查湘營均係會

國藩同里之人寶營係其舊部驍勇敢戰從征
最久交會國華統帶士卒必樂為之用臣即以
湘中營五百名歸其專管而兼統劉騰鴻之湘
勇後營一千名劉連捷之湘勇副後營五百名
同知吳坤修之彪營七百名參將普承堯之寶
勇中營七百名把總普承忠之寶勇左營七百
名計共四千一百名於四月初四日拔營由咸

聖學集考卷五十三

六

甯通城取道江西義甯州兼程前進臣又先期
派遊擊張榮貴馳赴湖南省城另募精銳二千
名隨後續進湖南派援江西之兵已將馳抵袁
州分路堵剿均屬得力臣所派援軍約期本月
杪可以齊抵江西省城臣一面分兵援應江西
仍一面籌商恢復武昌之策並分兵扼要斷賊
資糧總期迅復堅城以紓

聖念奏入報

聞

十七日癸卯向榮奏言接皖南道鄧瀛稟稱太平
之賊竄至三溪湖勇失利賊偏甯國府城萬分
危急當派遊擊蕭知音管帶湖南兵勇五百名
馳往援剿三月二十八日我兵正在甯國城外
紮營該逆由西南撲至其數不下萬餘各兵勇

聖學集考卷五十三

七

出隊迎剿另有大股繞撲北門我兵眾寡不支
傷亡數百府城旋即失守鄧瀛等督帶潰兵退
至東門外洪林橋扼守各等語查甯國距營四
百餘里所有派援之副將蔡應龍一軍係於二
十六日拔隊馳往二十八日已過高瀆其副將
秦如虎一軍由浙撫臣何桂清飭令改道廣德
援甯前隊都司劉季三壯勇亦已趕至洪林橋

一帶乃賊鋒剽疾該地方文武竟不能爲一日之守致陷府城甯國東連廣德建平係入湖州東壩要道蘇浙咽喉內竄處處可虞又西達灣沚黃池已抄出蕪湖之後全局震動臣軍分調四出實已無可再分適聞江北儀徵收復六合防勦已鬆飛令總兵明安泰將所帶兵勇一千名卽日拔隊調回飭赴黃池扼紮策應飭令蔡

聖朝聖略卷一百五十二

八

應龍由水陽一帶進兵剋日會籌攻克府城續據江長貴稟稱連日探報金柱關東西梁山之賊糾黨愈多紛紛至四合山二十里鋪一帶屯聚現在甯國被陷恐賊乘隙進躡黃池後路空虛情形至爲可慮蕪營四面受敵兵勇僅有四千餘人連營二十餘里處處皆單權其輕重緩急不得已將弋磯陡門四營撤赴黃池屯扼等

情又據探報上游繁昌一帶賊股數千竄至雙港師船較單吳全美抽調裕溪各船上駛行近弋磯適見石壘賊股竄至江邊我師卽奮力勦洗斃賊極多該逆紛紛敗竄追斬長髮首級二十餘顆探聞該逆嘯聚甯國北門城外已將各門堵塞扼險以拒我兵臣現飛飭遊擊李定太管帶楚兵五百名及守備陶茂森仁勇五百名

聖朝聖略卷一百五十二

九

由黃池趕往審灣併歸蔡應龍調遣責令迅速進攻力扼東南一帶以遏內犯蘇浙之途並令明安泰嚴紮黃池聯絡蕪營爲蔡應龍一軍策應惟念此次賊陷甯國蘇杭皆震必當集全力以爲戰守臣軍除調出之外其餘分屯石埠橋等處堵勦大營存兵不及五千逐處尙須兼顧萬難再行抽撥因查揚州儀徵克復江北軍聲

已振現聞德興阿復將清淮防兵馬步三千餘人奏調前往揚營兵力不為不厚鄧紹良既經奉

旨留彼幫辦軍務所有帶去之凱勇五百名自可留於

江北為鄧紹良爪牙之用其餘湖南乾鎮河兵七百五十名應仍調歸金陵以資分援臣已咨商德興阿檄令參將陳明志迅將楚兵調回即

聖皇集略卷之五十三

十

飭徑赴審灣助勦並飛咨何桂清移緩就急調集浙防各兵併交秦如虎統帶會勦務期併力攻取克復甯國府城保固蘇浙一帶以顧大局向榮又奏言接據探報初七日甯國之賊大股出撲審灣我軍以少敵眾鏖戰數時殺賊極多奈全軍僅一千有餘孤軍深入被賊圍裹數重以致失利副將蔡應龍等不知下落聞之五中

焦灼查審灣一失則廣建一帶可危臣軍於無可調撥之中復抽派兵勇一千二百名交副將王浚統帶並令副都統德崇額抽帶馬隊二百名拔隊馳往高瀆會同總兵明安泰黃池之兵聯絡聲勢先扼內竄要衝一面探明蔡應龍等下落再行相機進勦至蕪湖賊勢上下蔓延江長貴一軍分調已單而四面受敵萬難支拄連

聖皇集略卷之五十三

十一

接該總兵來稟已於初九日全軍退守黃池臣當即飭令固守要衝與明安泰聯絡聲援相機勦辦現在上游賊燄臨張廣建一帶處處可偏蘇浙我軍雖集高瀆僅能截賊入蘇之路而入浙各路僅有秦如虎一軍扼勦力難周密查提督鄧紹良上年在徽甯防勦熟悉地利情形前赴江北援勦業經奉

旨留揚幫辦軍務現在揚州儀徵俱經克復軍聲已振而甯國爲賊陷踞大股踵至蘇浙財賦重地不可不力圖保固相應請

旨准令鄧紹良暫赴浙江調度防勦以顧大局奏入上命軍機大臣傳諭向榮福濟吉爾杭阿德興阿鄧紹良翁同書曰逆賊由太平竄至甯國遠爾失守該處文武毫無準備實堪痛恨現在甯灣一軍又已失利

聖皇集方略卷一百五十二

三

江長貴全軍退守黃池全局爲之掣動向榮現派之明安泰等既已同抵高淳卽著迅速籌議將甯國府城趕緊克復金陵軍營兵本無多而東西梁山賊黨愈衆繁昌等處復有賊船下竄向榮一軍兵分愈單務當嚴密防堵勿致稍有挫失現在布置尙屬妥協惟鄧紹良旣派爲江北軍營幫辦未便遠離若此時尙未渡江著毋庸赴浙卽由向榮另派大員赴浙督

勦備業已前進則揚營步隊各兵卽著德興阿翁同書酌派得力武弁暫行帶領俟鄧紹良回揚再行交卸當此南北軍情同形喫緊向榮德興阿等務當彼此妥商通籌緩急以期上顧清淮下保蘇浙蔡應龍等下落仍著向榮速查具奏

上又命軍機大臣傳諭何桂清曰本日據向榮奏甯國失守蘇浙情形喫緊請飭令鄧紹良暫行赴浙援勦

聖皇集方略卷一百五十二

三

等語甯國爲蕪湖後路處處可通蘇杭該郡一經失陷則蕪湖之軍旣四路受敵而蘇杭等郡亦全局震動前經該撫派令副將秦如虎帶兵駐紮廣德遏其內竄晏端書萬青藜各帶兵勇駐守省城兼爲湖州策應如果浙省足資守禦則鄧紹良新授江北軍營幫辦未便遠離當已到浙著何桂清另派大員受代卽令鄧紹良折回揚州不致顧此失彼現在蔡應龍

遇賊潰敗秦如虎若能勝任卽飭由廣德州進援甯國以保浙境仍著飛咨向榮妥商辦理

十八日甲辰官文奏言臣於三月二十日後接據

各處稟報九江賊匪竄至黃州糾合團風等處股匪並武昌城中竄出多賊至馬鞍山白塔河一帶徑撲新洲等處地方鄉團與戰不利二十五日賊遂進踞三店新洲等處恣意焚掠並在

聖朝聖略卷一百三十二

十四

三店新洲柳子港一帶修築木城土壘圖抗我師臣卽飛催京口副都統都興阿等督帶馬隊先往截剿四月初二日護軍參領舒保營總多隆阿等督隊行至新洲以上李家集地方見賊匪正在四鄉擄掠當將馬隊衝出截剿羣賊四散奔逃我兵追殺三十餘里殲賊百餘名探知賊尚在柳子港三店等處修築木城土壘初三

日將馬隊分作三路會合鄉團直抵柳子港西岸賊衆約三千人在東岸列陣抗拒隔河對放槍礮鏖戰兩時之久多隆阿奮勇當先渡河衝擊身受矛傷三處仍裹創力戰羣騎盡渡東岸該逆敗潰退入木城黃陂縣鄉勇陳潮俯等奮不顧身撲近木城連擲火彈延燒賊營火藥賊始驚潰紛紛從東路奔逃欲赴三店賊營適軍

聖朝聖略卷一百三十二

十五

功吳之傑等帶勇伏於河邊樹林內賊果繞林覓渡衆勇突出殲斃無算生擒八十餘名餘匪竄匿麥田復被黃安麻城各團勇搜殺無遺遂合馬隊進剿三店惟時署麻城縣知縣劉榮親督紳團攻破岐亭賊壘至三店會合馬隊盡力搜殺立將柳子港三店木城土壘概行燬除大獲全勝是夜各軍俱駐三店新洲賊匪棄巢逃

遁我兵乘夜往追擊斃護糧賊三百餘名燒燬賊匪糧船數十隻舒保等復帶隊追至團風地方該處爲賊巢積糧之所我兵徑撲糧囤燒燬房屋賊往救護兵勇乘勢擊殺賊乃潰逃我兵分起沿河追剿赴水溺斃者極夥遂將團風新洲賊壘次第削平初四日又有賊船五十餘隻由大江上竄李光榮順流下擊遇賊略戰卽回

欽定剿平粵匪方略卷五十二

七

舟誘敵賊船追至陽邏把總陳占鼈帶礮船在彼豫伏俟逆船過盡方將礮船衝出火彈火箭齊施燒燬賊船五隻溺斃賊匪數十人餘船奔至沙口軍功葉占超指揮礮船划船一併衝出火礮亂擊將賊船截斷不能相顧又燒賊船十餘隻奪獲三隻斃賊無數此次剿賊馬隊最爲出力營總多隆阿率衆當先身受重傷猶督兵

力戰卒控兇鋒實屬奮勉謹擇尤爲出力者開單呈

覽伏候

恩施

官文又奏言再武昌漢陽逆匪堅壁固守圖老我師臣前與胡林翼商議以李續賓帶勇四千駐紮沙窩青山一帶堵剿調水師往截沙口催

欽定剿平粵匪方略卷五十二

七

陸兵臨城攻擊詎楊載福礮船尙未下移而羅澤南忽然傷殞致李續賓之營仍撤回洪山西北兩岸復形空虛武漢兩城之賊又得肆行上下此次九江上竄股匪幸經兵勇痛剿大受懲創逃回無幾兩城逆匪當已膽落然連日李孟羣等乘勢督隊進攻逆賊仍是一味堅守臣竊計欲克武漢自非肅清江面不能有濟雖現在

水師已撥礮船五十餘隻赴沙口然終須責成
楊載福在青山布置水營方能阻其上竄之路
臣乘黃州團練得勝之時妥派大員前往經營
聯絡聲勢此擊彼救再以礮船木簞阻遏江面
令下至黃州上至漢口賊之舟楫不通則該逆
縱能堅守而餉絕援孤亦不難於殄滅奏入

上命軍機大臣傳諭官文胡林翼曰武漢賊勢疊據官

欽定四庫全書

十一

文胡林翼奏報漸就窮蹙方冀克復有期乃此次所
陳勦辦情形以羅澤南傷殞李續賓撤回西北兩岸
空虛未能杜絕賊援須令楊載福前往青山布置以
礮船木簞阻遏江面使該逆餉絕援孤不難殄滅是
克復武漢尙無把握老師糜餉伊於胡底况江面雖
有船簞阻隔而陸路處處可通豈能斷其接濟至欲
派大員前往黃州聯絡團練以壯聲威亦宜早爲籌

及何得事事延緩官文總統全師已逾半載胡林翼
圍攻武昌屢稱即可克復乃遷延日久迄無成效殊
失朕望著該大臣等嚴飭各軍振刷精神鼓其銳氣
剋期拔取二城毋得以逆匪堅匿不出爲詞遲延干
咎

上諭內閣曰此次賊由九江黃州上竄經兵練奮力截

勦殲拾殆盡勦辦尙爲得手所有黃州團練准與在

欽定四庫全書

十一

事文武查明請獎其尤爲出力之黑龍江額外協領
委營總多隆阿著賞加副都統銜上虞備用處三等
侍衛忠齡著以應升之缺升用黑龍江佐領委參領
密雅明阿著以協領升用驍騎校委參領巴圖隆阿
著以佐領升用吉林防禦委參領喀爾庫領催委參
領金順領催委防禦富呢雅干黑龍江委防禦溫德
勒克西領催委防禦富森保前鋒委參領諾明阿披

甲西蒙克什克披甲委驍騎校常與阿前鋒委驍騎
校雙福均著賞換花翎吉林委防禦尙福永全委驍
騎校保林德克吉布常有委官保福富興阿吉勒忠
阿披甲常林富凌德常壽依常阿托克托布福祿和
隆阿德貴奎成凌善保喜順六十瑪爾洪阿常明喜
春富春張文奎常順依興阿黑龍江披甲烏縐額富
壽博里善紀林佈善農依布薩炳阿吉善成大諾敏
德岳興阿四孝爾依陞阿特克興額委驍騎校音德
善前鋒烏勒興額披甲阿達布博凌阿順太壽青托
克托布克什圖喀爾圖巴依精阿富色布巴彥布額
林布雅豐阿薩呢布鄉勇趙暨發李德謙陳賦羅金
魁均著賞戴藍翎守備銜軍功劉正發著以守備儘
先選用軍功周家治程太旺均著賞給五品頂戴

官文又奏言 臣前奉

聖旨

三

諭旨飭 臣令詹啟綸等將所有義勇統帶前往河南交

英桂差遣 臣詳查詹啟綸現帶之勇選其精壯
堪用者並軍功頭目共四百八十八名發清積
欠餉銀另籌給一月口糧交詹啟綸管帶派遊
擊徐庭楷等押送前去於四月初十日起程飭
令沿途妥爲約束毋許騷擾地方一面開造義
勇花名清冊咨送至信陽州交南汝光道查收
委員接解至英桂大營交收聽調其勇目施紹
恆因有京控發審之案未結自應留楚備質未
會派令前往奏入

聖旨

三

上命軍機大臣傳諭德興阿鄧紹良翁同書英桂曰昨
據英桂奏詹啟綸等所帶義勇不過五六百名不如
從前奮勇等語當諭令官文將此項義勇仍留該營
毋庸前往河南本 臣據官文奏稱詹啟綸現帶之勇

四百八十八名已派遊擊徐庭楷等押送於本月初十日起程至河南信陽州交英桂大營矣此項投誠義勇著英桂飭知史榮椿於前在僧格林沁軍營現發往河南各員內熟習帶勇之人揀派一二員管帶前往揚州軍營交德興阿等酌量調遣妥爲駕馭

同日向榮怡良吉爾杭阿奏言鎮江逆匪本已援盡糧絕乃自竄擾揚州搶掠米糧槍礮回鎮

聖朝聖略卷五十三

三

郡後遂憑城抗拒鼠伏不出近日擊獲賊目蔣幹臣供稱該逆時思內犯蘇杭一俟糧食擄足卽出鎮江北門由九里街沿江一帶直竄丹陽等語該處在京峴山東僻處江濱恐有疏虞三月二十四日臣吉爾杭阿親往京峴山會同余萬清察看地勢商定添紮營盤以備衝突忽報該逆大股由西門而出臣吉爾杭阿一面傳令

出隊一面馳赴黃山余萬清亦帶隊馳赴摩旗山堵剿兵勇踴躍爭先直奔賊隊逆勢不支披靡而遁我兵乘勢分投追剿將近城濠及寶蓋山賊巢始行收隊臣等查鎮逆所恃爲犄角者銀山寶蓋山賊巢也而銀山寶蓋山與煙礮等處相連因卽會督帶兵各官商定於煙礮山巔趕築營盤一座免被賊占而該山緊對寶蓋山

聖朝聖略卷五十三

三

賊壘相距不及半里非勁兵不能駐守有儘先守備陳錫麒外委趙昌第自願紮營山上充當頭敵知府劉存厚卽撥給強勇五百名於四月初二日夜密派隊伍埋伏於煙礮山左右竭日夜之力趕築營壘一律堅固陳錫麒等卽帶勇進營紮定又在西南山麓添紮一營飭令守備周天培管帶兵勇二百七十名移紮其間與山

南原有營盤三座聯爲一氣現擬將大礮運上
煙墩山向寶蓋山壘開放炸彈焚其轡重再行
設法進攻至甯國府城於三月二十八日失守
該府四通八達距浙江長興江蘇高淳溧陽荆
溪等縣及東壩均不過一百餘里隨處皆可竄
入其浦口敗殘餘孽又渡江而南意欲直撲秣
陵關接應甯國之賊南岸賊勢復熾臣向榮將

欽定剿平粵匪方略

卷一百五十二

前次派赴六合之總兵明安泰一軍調回飭赴
高淳一帶又飭副將蔡應龍赴水陽一帶並由
何桂清飛飭副將秦如虎等從廣德一帶三路
進攻甯國而明安泰一軍尙嫌單薄復由臣吉
爾杭阿調派都司李譜守備黎敬復等帶勇千
名星夜馳往惟東壩爲內犯總徑現在咨商德
興阿將遊擊黃朝恩等所帶兵勇一併撤回並

聞

飭遊擊黃朝恩等管帶廣東兵八百名剋日馳
赴東壩聽候明安泰調遣至廣東續雇之紅單
船二十七隻派委遊擊李明新都司黃彬分幫
管帶先後駛抵焦山臣吉爾杭阿飭李明新黃
彬撥船六隻派委已革遊擊張瀚管帶駛赴三
江口會同京口水師暫行寄泊防勦俟江北東
路營盤紮定再飭上駛歸幫餘船二十一隻於

欽定剿平粵匪方略

卷一百五十三

初五日乘風駛過金山奏入報

十九日^乙德興阿奏言查總兵武慶駐紮浦口
疊據參將王巨孝知縣溫紹原等稟稱年力就
衰難資振作臣前與鄧紹良翁同書會商均以
浦口爲通北要津現在逆眾水陸窺伺欲與儀
六通連而九洲洲仍有賊營患在肘腋若果武

慶不知振作議定鄧紹良帶勇馳往屯紮兼與江浦六合及金陵各營互相聯絡乃奏草甫定忽接向榮來文廣建一帶偏近賊氛咨請鄧紹良暫赴浙江督勦臣正擬將浦口關繫北路鄧紹良不可暫去情形奏明定奪詎據鄧紹良咨稱已率勇起程由水路赴浙等語伏思鄧紹良係奉

聖旨

奉

旨幫辦軍務原為江北要地得人乃僅以向榮一紙文書去之惟恐不速殊不可解浙江固南省完區此時賊蹤未至所需祇在於防浦口則北門重鎮該處賊燄方張所急尤在於勦鄧紹良以江北特簡幫辦大員親往援應亦當與同事商度請旨後行臣營近在咫尺何以竟不面商先行後咨理合

奏請

聖裁至武慶歷被控許事件改派總兵安勇帶領馬步隊六百餘名即日馳往密查暫行駐紮浦口嚴扼防勦奏入

上命軍機大臣傳諭向榮福濟吉爾杭阿德興阿翁同書曰前據向榮奏甯國失守蘇浙喫緊請調回鄧紹良赴浙援勦當因該提督既派為江北軍營幫辦若尚未渡江即毋庸赴浙本日據德興阿奏鄧紹良於十二日帶勇由水路赴浙竟不面商先行後咨等語該提督因向榮咨調暫赴浙江督勦刻即馳往自係因該處情形緊急起見若再令折回江北轉滋周折已明降諭旨將鄧紹良仍歸向榮調遣毋庸幫辦德興阿軍務矣現在甯國被陷蘇杭一帶處處可通防勦最關緊要向榮即嚴飭該提督實力督辦毋令逆

聖旨

奉

匪日肆蔓延揚州軍營步隊官兵必須得力之員管帶與馬隊相輔而行卽著德興阿於各營鎮將內詳細查看擇其能帶步隊者據實保奏候旨遵行至武慶被控之款德興阿已派總兵安勇馳往密查如該員實有貽誤劣蹟卽著據實查辦儘僅係年老精力不支亦著奏明請旨其浦口地方爲北路門戶德興阿等務須妥爲布置毋稍疏虞

欽定剿平粵匪方略卷一百五十一

未

上諭內閣曰陝西提督鄧紹良著仍歸向榮調遣毋庸在德興阿軍營幫辦軍務

同日怡良奏言據江長貴稟稱探聞甯國府城於三月二十八日失陷查甯國爲蘇浙門戶且係蕪湖軍營後路該逆窺伺三年未能得志今被占踞四通八達處處可虞現在蔡應龍秦如虎均已帶兵趕到擇地安營扼其內竄向榮復

添派兵勇令遊擊李定太統帶由溧水高淳前進聽候蔡應龍調遣進剿吉爾杭阿亦由鎮營派員帶勇隨同向榮所派之總兵明安泰馳赴黃池扼要嚴防兼顧高淳杜賊合併之路其廣德建平東壩一帶臣已嚴飭該管營縣及在防將弁督率兵勇激勵民團實力堵截至甯郡失守情形未據該道府稟報但江長貴接到鄧瀛

欽定剿平粵匪方略卷一百五十一

未

等來函已在郡城失守之後實屬守禦不力相應請

旨將徽甯道鄧瀛署甯國府知府顏培文一併革職暫行留任責令帶罪自效收集兵勇會合進攻迅圖克復此外在城文武各官下落容俟確查另行彙辦奏八

上諭內閣曰大股逆匪攻撲甯國郡城被陷現經向榮

等疊次派兵馳往進剿著怡良嚴飭在防將弁實力堵截趕緊克復城池毋稍遲延所有守禦不力之微甯池太廣道鄧瀛署甯國府知府顏培文均著革職暫行留任仍責令帶罪收集兵勇會合進攻以觀後效其在城文武下落並著確查具奏

二十七日癸丑廉兆綸奏言查逆賊竄擾江西連

破瑞臨袁吉撫建諸郡九江大營一撤南康府

聖皇聖名卷五十三

三

聖皇聖名卷五十三

三

城又陷駭駭乎有撲竄廣饒之意現在石逆下竄省路雖通而江省地方被陷十分已去其七八所存者南惟南贛甯都東則饒州廣信而已南路所屬久已不通聲息與現遭陷踞之八郡地方錢漕捐款已不可問刻下甯國不守偏近杭湖此間與浙西郡縣在在毗連如此孤危何恃不恐伏思廣饒者浙徽之門戶撫建者閩省

之藩籬南贛者粵東之衝要

皇上俯念江省為東南要地關繫匪輕現已

諭令閩廣楚浙督撫各出精兵來江會剿然而浙西戒

嚴即不能分援江省緣各省既分疆域遂不得

不自顧考成實則江西之與浙江如輔車之相

依水陸交通皆繫東南大局勢必須兩省合辦

方可聯指臂之使而酌緩急之宜若於江省衝

聖皇聖名卷五十三

三

要之地

簡派親信大員付以所調各省援兵

飭令督辦江西浙江兩省軍務得尺守尺得寸守寸漸

推漸廣錢漕捐釐等款皆可贍軍呼應既靈轉

關必捷可否仰懇

天恩就近於閩浙兩廣總督內

簡派一員馳赴江西抑或另調大員來江督辦兩省軍

務先克建昌以爲駐紮之所建昌旣復卽可以南連贛郡東接廣饒江省未陷數郡皆得聯絡聲勢而浙西一帶亦在在可以相通俟兵力旣齊必能以次克復諸郡似於江浙兩省皆有裨益奏入

上命軍機大臣傳諭葉名琛崑壽廉兆綸曰前因江西賊勢猖獗諭令葉名琛撥兵五六千名往援續復諭

欽定剿平粵匪方略卷一百五十一

三

令將所撥官兵交提督崑壽統帶由贛州一路進剿本日據廉兆綸奏九江兵勇撤赴撫州等處後南康郡城隨復失陷現在石逆雖已下竄而入郡悉爲賊踞逆氛甚熾大勢難支請於閩廣兩督臣中簡派一人或另簡大員馳赴江西統領各路援兵勦辦江西毗連六省形勢極關緊要現在賊蹤延蔓非迅速勦除則東南均難安枕惟閩廣督臣均膺海疆重寄未

便遠離職守自應將各路援兵催集勦辦著葉名琛於接奉諭旨後卽將所調精兵五六千名挑派齊全遵照前旨交崑壽統帶剋日起程由贛州一路進剿毋稍延緩崑壽起程日期並著先行馳奏至廣饒兩郡未遭蹂躪守禦尤爲緊要仍著廉兆綸督同地方官將勸捐辦團等事實心經理以資保障

欽定剿平粵匪方略卷一百五十一

三

廉兆綸又奏言撫州府屬之金谿縣與貴溪接壤自撫郡不守後該縣卽被逆匪竄踞與郡城互爲聲援臣飭調防堵貴溪之上饒廩生郭守謙等移營魚塘地方就近確探金谿逆匪情形相機進剿該廩生等於初九日齊抵金谿從北門攻入生員曾守誠奮勇首先入城中左二隊繼進該逆首冷姓不虞官兵猝至急與夥賊分奪西門南門而逃我兵分投追趕殺斃賊匪二

十餘名立將金谿縣城克復臣查該廩生等當安仁逆匪屬集時僅帶三百餘名馳往貴溪防堵是時逆匪撲擾貴溪距縣城祇十餘里而該縣得以保全者實該廩生等堅守不退之力茲一經調遣復能克復金谿以斷撫賊右臂卽省兵亦可以專力攻勦撫州無虞東顧似未便沒其微勞可否額懇

聖主格外鴻慈奏入

三

天恩許臣於防堵貴溪克復金谿二案中擇尤酌保三四員出自

聖主格外鴻慈奏入

上諭內閣曰江西金谿縣城被匪竄陷經該學政飭令帶勇之上饒縣廩生郭守謙等相機進剿於本月初九日由北門攻入逆眾驚潰奪門奔逃各勇分路追殺立將縣城克復該紳士等前次防堵貴溪頗稱得

力現復督勇克復金谿縣城著有微勞所有該二案中出力紳士著廉兆綸擇尤酌保三四員候朕施恩同日何桂清奏言甯國府城失陷蕪湖四面受敵全軍已退守黃池逆勢猖獗至此蘇浙軍情日緊一日高瀆東壩等處已由向榮吉爾杭阿調集勁旅分起堵勦而廣德建平一帶入浙之路僅有兵勇一千五百餘名由副將秦如虎統

聖主格外鴻慈奏入

三

帶在甯郡東門外紅林橋駐紮兵力殊形單薄查有蕪湖軍營遊擊蕭知音兵勇五百都司貴廷芳勇五百千總曾得勝勇三百調防南陵之同知曾承禧勇五百均屬久經戰陣臣卽檄行秦如虎先行合成一軍一面飛調總兵都隆阿浙兵六百餘名侍衛胡鳳鳴都司夏寶慶健勇七百餘名同知李恆淞滬勇五百餘名並另募

申勇四百名威勇三百名陸續飭赴紅林橋歸
秦如虎統帶相機進剿其甯國縣去郡城八十
里可由此直達杭屬之於潛昌化且兼通廣德
四安以至湖州並可繞出紅林橋之後必須分
兵駐守以杜紛竄又將守備張應超執勇五百
名從九品劉福林銳勇三百名遊擊徐天麟浙
兵四百名州判徐慮善浙勇三百餘名調赴該

聖皇聖德

美

縣扼要嚴防又飭調馬鎮國等勇五百名馳赴
甯防交秦如虎調遣其徽防周天受一軍共有
川省兵勇一千六百餘名現經張芾飭令駐紮
涇縣三溪地方杜入浙之路奏入報

三十日 丙辰 德興阿翁同書奏言本月二十二日
臣德興阿率領馬步隊由刁家廟進攻三汊河

聞

賊巢該匪堅匿不出二十三日馬步各隊分爲
三路前進約定繞出城背以期一鼓殲除該逆
見我軍排牆而至勢已不支遂各驚潰我兵因
連日獲勝膽氣益壯再接再厲賊益披靡官軍
乘勢掩殺殲賊三百餘名溺斃無算餘匪渡過
浮橋向西岸瓜州竄逸卽將浮橋撤去我兵泗
水渡河立將高明寺旁賊營踏平其前後蓆棚
亦俱焚燒殆盡 臣等以揚儀兩城雖經次第收
復而三汊河尙爲賊踞其地枕岡背水攻拔較
難今數日之間士卒用命竟能連摧兇燄將負
固巢穴一律削平現擬將各處派撥官兵陸續
調回厚集兵力亟圖進擣瓜州以固江北全局
在事出力員弁擬請擇尤酌保奏入

聖皇聖德

美

上命軍機大臣傳諭德興阿翁同書曰揚儀兩城克復

後逆黨尙在三汊河死蹏本爲率擊官軍進攻瓜州之路現已踏平賊營奪其所恃賊膽已寒即可乘此士卒用命之時進拔瓜州賊壘惟逆蹤詭秘或堅匿不出故老我師或抵隙乘瑕恣其奔突務須謀勇兼施力圖攻克方足以固江北大局該大臣督師以來尙能速摧兇鋒瓜州雖蕞爾一隅水陸皆能竄突進攻之法必須會約舟師同時並舉使該逆應接不暇庶勦辦易於得手

勦平粵匪方略卷一百五十三

三

上諭內閣曰三汊河一帶現已肅清著德興等督率各軍擣破瓜州賊巢所有在事出力員弁並著德興阿等擇尤保奏獎勵

欽定勦平粵匪方略卷一百五十三 丙辰年

中央民族學院圖書

五月初二日 戊午 和春福濟奏言查徽州

徽州府

婺源祁門兩縣與江西接壤前月逆首石達開率領大股由樂平浮梁德興三路分竄當經革任江西巡撫張芾札飭都司封九貴等嚴守要隘從九品張琪等帶勇馳赴婺源豫飭從九品程守謙等往堵婺休接壤之五嶺並飛調參將

勦平粵匪方略卷一百五十三

一

周天受自崇覺寺馳回漁亭接應祁門浙嶺兩路之兵復派浙江候補府經歷縣丞王桐等游巡各路三月初七日賊竄婺源縣之中雲知縣楊裕仁督團迎擊斃賊多名賊知縣城有備卽繞由江口一帶竄入五嶺十二日知縣唐寶昌千總歐陽彬等扼賊於新嶺遇賊接仗自卯至未殺斃百餘名賊退嶺外十三日賊竄休甯之

屯溪祁門之賊分股竄至七里橋周天受由漁亭進至花橋遇賊接仗殺斃長髮賊數名餘匪數十名賊始敗遁張芾親帶壯勇數百名扼紮西門外之七里亭令周天受會各路兵勇至七里亭紮營二十二日進攻屯溪賊不敢拒由歙縣之西溪奔赴潛口我軍自佛子嶺追至楊干地方賊分兩股一至吳家林楊村一至吳坎許村經鄉團圍攻周天受等合力鏖戰斬逆首六十七級生擒五十四名餘賊竄出箬嶺祁門之賊亦被擊退逃出羊棧嶺現在徽州府境一律肅清張芾倉卒布置悉合機宜尙屬著有微勞惟曾任大員應如何給獎恭候聖裁五品頂戴歐陽彬六品頂戴把總程朝貴六品頂戴紳董程懋恩曹元振葉邦本葉星若力戰陣

聖諭軍機處卷一百五十三

二



亡應請

飭部從優議卹奏入

上諭內閣曰本年三月間逆匪竄擾徽州府屬之婺源祁門兩縣當經張芾分派兵勇勦擊疊有斬擒鄉團合力助戰斬馘尤衆賊由羊棧嶺竄逃徽州境地肅清六品頂戴前任江西巡撫張芾著賞給五品頂戴陣亡之五品頂戴千總歐陽彬六品頂戴把總程朝貴六品頂戴紳董程懋恩曹元振葉邦本葉星若均著交部從優議卹

初三日 己未 山東道監察御史方濬頤奏言 臣聞江南襄下河七州縣素稱產米之鄉現在江南北軍民所需皆取給於此賊匪復陷揚城忽來忽去意似不在踞城而在擄糧刻下三汊河雖已收復誠恐各營將士日久懈生不可不嚴加

聖諭軍機處卷一百五十三

三



整頓儻六隔仙女廟等處再有疏虞則七州縣甚屬可危南北兩路河道必至梗塞應請

旨嚴飭領兵大員加意防堵或添兵勇或連莊保較從

前倍加嚴密則不必籌餉道而自無轉運之勞

不必議屯田而自無乏食之患再由仙女廟至

秦州約二百餘里為裏下河往來要路秦州四

鄉千河萬港不通旱路相傳宋臣岳飛駐軍於

聖學聖學

四

聖學聖學

五

此其支河汊港俱照陣圖窵成河道極多曲而且窄外河船隻不能知其路徑明時備倭寇亦在秦州北鄉港口鎮一帶為篙子會無事在河港寬處操練有警則各港小船飛馳而出使賊不知我軍多少歷觀宋明以來皆於此處屯兵防禦現值賊氛未息不得不為久遠之謀亦應請

旨飭下領兵大員倣照辦理

方濬頤又奏言已革江蘇藩司雷以誠現經奉

旨拏問交德興阿查辦第恐德興阿所奏各款尙有遺

漏臣聞雷以誠軍營凡勸捐釐捐畝捐等事名

為籌餉實則營私所委司收發各事者為以誠

之胞姪雷鳳翥又名雷儀甫女婿黃鍾及吳雲

翁壽慶虞詠齡悉其私人眾稱之為五虎偪令

聖學聖學

五

捐戶寫立不願請敘字據派民守牆迫使按日以錢自代所發之餉每百文必扣三十文到處售賣功牌每張收番銀二三十圓吳雲虞詠齡有迫脅陣亡中書鍾准之子鍾毓麟詐去紋銀千兩之專黃鍾有鎖禁楊壽壩村民吳姓責打霍家橋武生常姓之事並有吳雲所委鹽大使陳壽椿在黃珏橋勒詐湖廣職員讓鑄番銀百

圓致令自盡而其釐捐之錢復溢及空船畝捐之錢幾四倍於錢糧至伊婿黃鍾竟置田產於北鄉方家巷一時營中員弁貪婪暴虐坐擁厚貲無非其爪牙羽翼民不聊生人人側目遂致三月初一日賊匪乘隙來攻兵勇全行潰散相應請

旨將雷以誠委用各員一併交德興阿秉公查辦奏入

欽定剿平粵匪方略卷一百五十三

六

上命軍機大臣傳諭德興阿翁同書曰御史方濬頤奏江南裏下河七州縣素稱產米之鄉賊匪意在擄糧宜嚴守要隘以裕軍餉泰州爲裏下河往來要路河港曲窄宋明以來皆於此處屯兵防禦請飭倣照辦理等語著德興阿翁同書悉心酌覈設法嚴防以保完善另片奏雷以誠軍營委員雷鳳翥黃鍾吳雲翁壽慶虞詠齡皆雷以誠之私人衆稱爲五虎其勸捐

發餉等事種種營私索詐甚至有勒偏釀命情事著德興阿等按照所參各款提集該委員等一併歸案嚴行審訊毋得稍有不實不盡

初五日辛酉葉名琛柏貴奏言江西逆匪竄擾瑞

袁臨吉撫建等府及泰和萬安各縣贛州以下匪徒尙在十八灘內之良口地方南安府所屬南康縣之潭口聚有匪徒數千人大庾縣之新

欽定剿平粵匪方略卷一百五十三

七

城地方匪徒現竄至青龍墟滋擾查南雄州東北一帶緊接江境該處情形緊急當卽飛飭署南雄州知州孫福謙雇募練勇一千五百餘名並添雇東莞勇三百餘名派令從九品孫福同等帶赴南安一帶援剿其始興仁化連平和平等處皆與江省毗連並飭各該文武分督兵勇在交界各要隘加意嚴防奏入報

聞

初六日壬戌德興阿翁同書奏言據署江浦縣知

縣曾勉禮稟稱二十五日未刻有賊船百餘隻

駛泊老西江口等處登岸向西南兩路奔來撲

城該縣督勇登陴守禦千總藍新恩帶勇由北

門繞南迎擊總兵薩炳阿帶兵出城該縣連開

槍礮擊斃賊匪十餘人賊勢稍卻因卽飛請薩

炳阿應援連催三次未見發兵接應該縣及藍

新恩拒戰多時該逆復分路撲犯眾寡不敵各

勇傷亡甚多卽於戌刻縣城被陷等語臣等接

閱之下不勝駭憤查上游賊船屬聚北岸向榮

所謂吳全美等師船迄無抵老西江口消息而

賊已由彼登岸撲擾薩炳阿以派防總兵大員

賊至帶兵出城何以該縣請援不至必須確查

究辦應請

旨將總兵薩炳阿卽行革職聽候查辦署江浦縣知縣

曾勉禮先行革職仍責令帶罪自效若查有退

避重情仍當據實嚴參在城文武下落查明再

行具奏昨已由儀徵添撥穆克登額馬隊一起

馳赴浦口會同安勇富春等設法進攻又揚營

派撥營總博奇馬隊一起赴浦助剿迅圖克復

德興阿翁同書又奏言自三汊河賊巢掃平後

餘匪遁回瓜州臣等連日派兵在東西兩岸之

四里鋪等處搜剿臣德興阿等親督官兵由東

路進攻總兵鞠殿華等向紅橋尹家橋進攻已

革總兵松齡等向蕭莊進協領富明阿等向四

里鋪進臣等以向來攻賊每接一仗卽行收隊

此次向東攻進其西路勢必稍鬆復督飭馬步

隊由西岸馬橋商橋一帶設伏另由四里鋪進
攻上瓜州賊營並飭東岸官兵同時攻中瓜州
以分賊勢該逆突出三四百人前來抵拒我軍
鼓勇直前斃賊三十餘名伏兵齊起攻擊賊遂
不支紛紛敗退我師跟蹤追勦撲入外濠因木
樁竹籤太密又兼時已昏黯亦卽收隊臣等議
以嗣後進攻必東西兩軍齊進俾該逆面面受

欽定剿平粵匪方略卷五十三

十一

敵不令息喘惟步隊究嫌過單直隸兵截留徐
營屢催不遣請

飭下邵燦庚長檄飭直隸兵迅速來揚並將吉林黑龍

江餘丁五百名一體催令起來揚營以資助勦

奏凡

上命軍機大臣傳諭德興阿翁同書曰賊匪竄至江浦

城池被陷該處地關緊要著德興阿等派撥精兵前

往攻勦務將該縣城池剋日收復毋任逆眾久踞至
與江浦毗連之六合儀徵等處並著德興阿等飭令
總兵李志和等嚴密防堵勿令賊蹤蔓及致干重罪
瓜州一日不復則江北一帶不得休息德興阿等所
奏攻勦情形尙屬毫無把握該大臣等身膺督師重
任務當申明紀律使將弁兵勇咸知奮勉將瓜州賊
巢迅速攻毀毋得老師糜餉自取咎戾

欽定剿平粵匪方略卷五十三

十一

上又命軍機大臣傳諭邵燦庚長曰逆賊攻撲江浦縣
城失陷瓜州死黨連被官兵圍攻竄伏不出我軍步
隊過單未能直搗賊巢揚營需兵十分緊急著邵燦
等卽將已抵清江各省官兵及吉林等處餘丁遵照
歷次諭旨分撥啟行剋期馳赴揚州毋再遲延

上諭內閣曰江浦縣城經官軍克復後德興阿等派令
總兵薩炳阿帶兵駐守四月二十五日有微甯敗賊

由老西江口等處奔撲縣城知縣曾勉禮登陴守禦千總藍新恩帶勇迎擊其時薩炳阿已帶兵出城曾勉禮等因賊衆麕集往請該總兵應援不至該縣城卽於是日被陷薩炳阿以派防總兵大員賊至未能堵禦以致縣城失守著卽革職知縣曾勉禮著先行革職仍責令帶罪自效該總兵等有無退避重情著德興阿等嚴查叅辦在城文武下落並著查明具奏

勅諭

主

其江浦縣城著德興阿翁同書督飭兵勇迅速收復毋稍延誤

同日胡林翼奏言臣自三月初十日攻破忠和門外賊壘三座後賊復於長虹橋西倚城之地乘夜冒雨築壘掘濠因商之李續賓令蔣益澧等分布洪山等處十五日黎明齊力往攻該逆抵死抗拒被我軍槍礮轟斃數十名李續賓派

勅諭

主

右營移三千斤大礮連日於雙鳳山一帶轟擊賊仍死守相拒二十九日賊由保安門外繞廬嘴圍至譚家灣縱火延燒民房李續賓令遊擊劉錫文等率勇往襲賊卽退走劉錫文趙克彰追擊之該逆突出二三千人排列於賽湖隄施放槍礮我軍用劈山礮直前轟擊何紹彩等繞出湖尾邀截賊遂驚潰我軍乘勢衝殺斃賊四百餘名生擒十五名其小龜山之賊千餘已被蔣益澧殺退賓陽門亦出賊三四千見賽湖隄小龜山之賊皆敗遂不敢前李續燾又突起擊之斃賊數十名賊敗入城四月初一日賊出兩大股由武勝門賓陽門分路埋伏我軍嚴陣以待劉錫文率軍擊之斃賊多名蔣益澧趙克彰等率各營繞擊賊遂驚潰計斃賊二百餘名追

殺至雙鳳山下賊復連施槍礮李續燾率兩營先待於洪山之北俟其伏出邀截之李續賓復督親兵用礮轟擊斃賊數十名賊遂狂奔入城城上礮子如雨恐多傷士卒遂令收隊我軍米糧軍火厯由石嘴運五里墩以至洪山必由南湖涸處經過而賊每就近橫阻李續賓等疊次堵截未嘗稍懈臣與官文楊載福函商力攻武

欽定剿平粵匪方略卷一百五十三

十四

漢堅城之下徒傷勇士再四思維惟有水陸扼要斷賊資糧軍火之一法臣因派千總余雲龍等率勇千餘於下游壇角一帶雕勦以斷賊之陸運李續賓營駐洪山其地至高可以眺遠見有大股賊護運卽添兵飛擊之楊載福亦飭水師參將李成謀等以二營五十二船下紮沙口斷賊水運四月初八日水師以全隊攻南北兩

岸賊船李成謀等率戰艦下駛行至小河口奮力攻入燒燬賊船五號擊斃淹斃之賊約二百餘名水師駛至青山賊不虞其猝至也兩營一擁而前將賊輜重船隻燒盡斃賊約六七百名賊僅餘六船下竄我軍追之不及至白澗山前始行收隊十六日水師由沙口截擊賊船追至陽邏該逆順流下竄我軍仍回駐沙口所有陸

欽定剿平粵匪方略卷一百五十三

十五

師把總賀連城鄒友廷文德元水師哨官宋富源皆係爭先殺賊力戰陣亡均請從優照千總例議卹現在江流盛漲廣東籌解洋礮已有二百尊運解來營卽當約會南北水陸各師併力大戰以圖恢復奏入

上命軍機大臣傳諭官文胡林翼曰覽胡林翼所奏情形自三月十五至四月十六日已逾一月不過零星

勝仗於克復城池毫無把握該署撫於三月初間疊次奏報均稱旬日之間城池可復又稱春漲初起賊船可以盡燒今已遷延數月始稱水陸扼截斷賊資糧直似從前並未籌及且所稱紮營洪山等處斷賊陸運紮營沙口斷賊水運而四月十六日賊船下駛仍復窮追不及是其布置實未周而殊負委任官文共事一方亦不聞其互相匡救著卽嚴督水陸各營

聖朝集略卷一百五十三

七

合力進攻務將武漢城池剋期攻克若再事遷延朕必治其老師糜餉之罪至於江忠濟陣亡岳州一帶何人扼守本日已諭知駱秉章妥籌布置該督撫亦當豫籌策應不可專恃赴援江西之軍以爲必能掃蕩賊蹤也

上諭內閣曰武昌水陸官軍疊勦獲勝著胡林翼督飭員弁乘勝分擊剋日攻復省城毋再延緩陣亡之把

總賀連城鄰友廷文德元水師哨官宋富源均著從優照千總例議卹

胡林翼又奏言再查有湖南舉人揀選知縣汪靜淵向隨湘營當差廉幹有聲經臣委令代辦咸甯縣事該令汪靜淵率其子汪樹藩汪樹聲領團擊賊疊有斬擒四月初二日徐逆自江西糾合義甯武甯大股乘夜來撲汪靜淵偵知先

聖朝集略卷一百五十三

七

令其子汪樹藩號召各團接應而親率其子汪樹聲領眾鏖戰奈賊眾我寡汪樹聲奮勇衝鋒身受二十餘傷歿於陣前汪靜淵揮戈直前手刃數賊衝突不出遂亦陣亡及汪樹藩率各團趕至將賊殺退均竄入通城地界適湖南派防岳州道員江忠濟前已分兵駐守通城初二初三等日偽指揮何逆大股由江西義甯回竄江

忠濟力戰兩日踏毀賊壘四座初四日出隊擊賊新集鄉團人多且驚賊從間道先破鄉團營壘後路火光頓起該道前敵血戰終日力竭捐軀所部將弁同時殉難除江忠濟各營員弁官紳應由湖南巡撫查明請卹外所有代辦咸甯縣事揀選知縣汪靜淵防剿四月屢立戰功殺賊衝鋒父子同時殉難志節不虧深堪嘉尚又

聖皇聖方略卷一百三十三

十一

查上年九月十月代辦通城縣教諭選補漢陽府教授熊繡蒲圻縣教諭黎鴻漸候選訓導賀壽椿候選從九品但懋城王道平均各率團勇先後殺賊遇害忠義可風請將汪靜淵熊繡賀壽椿黎鴻漸但懋城王道平照例從優議卹汪樹聲係六品軍功亦請照把總例優卹奏入

上諭內閣曰湖北代理咸甯縣知縣揀選知縣汪靜淵

於江西逆匪回竄督率紳團疊次擊退該逆復糾合大股乘夜來撲該知縣率其子六品軍功汪樹聲悉力鏖戰衆寡不敵同時陣亡殊堪憫惻汪靜淵著交部從優議卹汪樹聲著照把總例從優議卹至代理通城縣教諭選補教授熊繡蒲圻縣教諭黎鴻漸候選訓導賀壽椿候選從九品但懋城王道平於上年九月十月間帶勇殺賊先後遇害著一併交部從優

聖皇聖方略卷一百三十三

十九

議卹

同日瑞昌巴彥岱奏言甯國蕪湖賊勢蔓延軍情日迫省城下游在在喫緊杭州及乍浦調來官兵不敷防守臣等與何桂清再四籌商將前次赴衢官兵五百餘員名趕緊調回已於本月十八日全行歸伍臣等即將此隊官兵飭令於城內暫紮一俟紳民練勇到齊擬再於守城兵

聞

丁內挑選精壯得力者湊足八百名配齊軍火由臣等酌量統帶相機防勦奏入報

初七日癸亥向榮奏言查小丹陽有賊壘四與朱

門一帶賊股聯絡盤踞數約萬餘意圖內犯經

臣檄令張國樑即日移軍進攻以固要衝惟聞

金山賊匪糾合瓜州大股竄撲黃泥州煙墩山

聖朝聖考卷一百三十三

三

營盤經吉爾杭阿督兵截擊急須援應臣當飭

遊擊蔣錫光都司向奎營總薩齡布遊擊李定

太等各帶兵勇拔隊馳往一面催張國樑進攻

小丹陽作速掃除以便調回協勦乃連日進兵

小丹陽迄未得手而疊接吉爾杭阿函稱該逆

長驅內犯另股六七千人由東西山坳衝出衆

寡勢殊官兵挫折四月二十八日吉爾杭阿會

同副都統綱閣督領營總薩齡布參將周兆熊

等管帶馬步隊二千名親往勦辦行至香山口

遙見該逆在煙墩山北黃泥洲南嘯聚築壘虎

嵩林劉存厚等帶隊攻勦將賊築土牆踏平該

逆分股沿山南竄我兵大隊趕到夾攻逆衆立

卽退回不料黃泥洲勇壯三營忽然潰奔致爲

賊陷臣聞信之下復派遊擊李若珠由石埠橋

聖朝聖考卷一百三十三

三

帶領川黔兵勇五百名馳往應援正在籌商之

際突接前任江蘇臬司查文經來稟及臣差弁

回營稟報賊自二十八日圍攻煙墩山營盤不

退相持至二十九日卯刻撫臣吉爾杭阿受傷

殉難綱閣虎嵩林等仍親督各將弁竭力死守

至夜賊來愈多營盤旋即被陷綱閣虎嵩林劉

存厚周兆熊薩齡布及其餘各官不知下落各

等語伏思吉爾杭阿謀勇兼備在鎮江督勦年餘屢挫兇鋒今以賊困營盤力竭捐軀痛憤之餘不禁眦裂鎮營爲蘇省屏障一旦撫臣殉節遠邇震驚丹陽常州防守空虛若該逆倉猝內犯大局不堪設想所有京峴九華山各兵勇臣飛檄余萬清就近統領妥爲鎮撫並札令李定太等各兵勇暫駐句容飛調總兵明安泰馳赴

橫水橋接統各軍以扼小丹陽秣陵關一面檄令張國樑選帶精兵二千餘名令福興督往迎勦如九華山各軍未退卽統軍前進會合嚴加勦堵惟鎮營勇多兵少設使立腳不住非獨蘇常危急卽金陵大營亦不免掣動祇有扼據丹陽先固蘇常門戶一面飛咨德興阿遠派馬步官兵渡江接應並知會鄧紹良密堵甯國賊股

由紅林橋抽撥勁兵二千名飭交副將秦如虎由東壩一路馳援以顧後路臣惟有與福興悉心妥籌仍親督秣陵石埠橋各軍嚴防賊竄以保全局

同日德興阿翁同書奏言五月初一日接已革江蘇臬司查文經等稟稱吉爾杭阿於四月二十八日辰刻帶兵接應高資二十九日黎明遙見四面賊營吉爾杭阿登牆高望被賊擡槍擊傷陣亡等語臣等接閱之下不勝駭憤昨據水師陳國泰呈報南岸之賊撲入鮎魚套口新營三座我兵退駐煙墩山營盤卽經派撥已革參將陳昇都司富羣帶固原兵四百名又挑選練勇六百名飭令趨程渡江馳赴鎮營飛咨已革提督余萬清俟此項兵勇到日歸其調遣臣等

仍隨時確探南岸情形與向榮會商勦辦

德興阿翁同書又奏言前奉

恩旨准將續到紅單船前幫十隻歸陳國泰經管分布

要隘嗣准向榮咨稱欲將此次上駛之紅單船

撥赴老西江口扼堵囑俟李德麟等所帶舊紅

單船下駛再行飭歸陳國泰調遣 臣等查江浦

業經被陷老西江口泊駐師船已屬無及而李

德麟所帶紅單船一時未能下駛現在江北浦

口觀音門等處為賊船出沒之所近又有逆首

秦曰綱欲從瓜鎮江路竄回金陵之說江北師

船缺乏萬一賊匪竄越恐難抵禦應請

飭下向榮仍遵前

旨將此項紅單船十隻歸江北軍營調遣均奏入

上命軍機大臣傳諭向榮福興怡良曰向榮奏逆賊連

陷黃泥洲煙墩山營盤撫臣殉難德興阿等奏吉爾

杭阿中槍陣亡等語覽奏實深憤懣逆匪糾合瓜鎮

大股南竄黃泥洲煙墩山兩營先後失陷縹緲虎嵩

林等亦不知下落賊勢猖獗已極丹陽常州防守空

虛儻該逆乘勢內犯於大局殊有關繫京峴九華各

兵勇卽著該大臣傳諭余萬清就近統帶相機堵勦

其內犯各路向榮現派李定太等分勦惟蘇常一帶

若專恃向榮派兵援應亦恐鞭長莫及怡良近在常

州一切堵勦機宜亟應早為籌備毋得專恃向榮之

軍致滋貽誤江蘇巡撫已命趙德轍署理該督卽與

該署撫會商籌辦毋令該逆內犯至金陵大營尤不

可輕為掣動德興阿等奏派已革參將陳昇都司富

羣帶兵四百名又選練勇六百名渡江馳赴鎮營此

項兵勇到後卽歸余萬清調遣現在江北浦口觀音

項兵勇到後卽歸余萬清調遣現在江北浦口觀音

項兵勇到後卽歸余萬清調遣現在江北浦口觀音

門等處賊船出沒且江浦復失情形亦極緊要德興
阿請將此次上駛紅單船歸江北調遣卽著向榮遵
照辦理俟北岸稍清再與德興阿商酌何處喫緊卽
撥往何處截擊

上又命軍機大臣傳諭德興阿翁同書曰賊陷黃泥洲
煙墩山營盤撫臣殉難丹陽句容等處內竄可虞雖
向榮德興阿均各調撥兵勇往援仍當確探南岸情

欽定剿平粵匪方略卷一百三十三

美

形會商余萬清辦理所有都司黃彬管帶前幫紅單
船十隻本日業諭向榮等飭歸江北軍營調遣該大
臣務當迅擣瓜州賊壘攻克江浦縣城毋再延緩

上諭內閣曰江蘇巡撫吉爾杭阿由郎中揀發江蘇道
員屢立戰功超擢巡撫懋著勛勤賞加頭品頂戴法
施善巴圖魯名號並令幫辦江南軍務自圍攻鎮江
以來一切布置頗合機宜本年擊勦金陵內竄賊匪

盡力籌防不辭勞瘁方冀恢復堅城正資倚畀乃據
向榮德興阿等同日奏到該撫因剿賊煙墩山登高
瞭望中槍殉難深堪憫惜吉爾杭阿著追贈總督卽
照總督陣亡例賜卹賞給一等輕車都尉世襲罔替
伊子戶部筆帖式文鈺著俟百日孝滿後由該旗帶
領引見用示朕褒嘉忠盡至意

欽定剿平粵匪方略卷一百三十三

毛

同日曾國藩文俊奏言臣等札調都司黃虎臣
自省督帶三營馳赴吳城協助水師相機攻剿
二月二十二日黃虎臣約會水師後營丁義方
會攻建昌縣城該縣西南兩門臨河我軍半渡
之時賊分三路來迎東西南三門各出賊二千
餘人排列河岸並於隄上包抄勢均兇悍黃虎
臣派李耀南朱邦武等衝擊河洲胡應元帶勇
進擊河岸李大雄帶許志清等直攻隄上水師

亦開礮轟擊朱邦武首先陷陣手刃數賊中槍陣亡各弁勇不少怯退是時哨官許志清被賊矛搠墜馬勢幾不支黃虎臣督各營背水猛戰又有黃再玉馳救許志清得脫須臾轉爲大勝賊眾紛紛敗北我軍追勦殲斃約四百人溺斃無數黃虎臣等指揮環攻水師亦出隊協勦該匪閉城抗拒黃虎臣以逆賊受創膽寒卽與各營官乘夜攜帶火器前進五更復抵城下四面圍攻李大雄首先登城拋入火彈焚燒賊棚各門亦先後齊登賊突北門敗走我軍一面追勦一面窮搜城內餘匪殺斃數十名城上賊棚概行燒燬當將建昌縣城收復撤隊回省四月初四日復派黃虎臣等營進攻瑞州令市汊水師前往會勦初六初七兩日黃虎臣帶勇赴瑞州

城下擊賊壘有斬擒初八日知府劉于瀉遊擊劉國斌自市汊帶領戰船到瑞會合夾攻該逆堅守不出水軍泝流上擊賊於南北兩城及中間石橋上均置大礮水師被礮傷亡甚多劉于瀉黃虎臣等正議再攻忽聞豐城一帶賊乘虛下竄水師於初九日拔營回赴市汊陸軍亦於是日拔營回勦奉新該縣距瑞郡六十里黃虎臣欲乘賊不備輕騎掩襲督率弁勇衝過南門木橋攻破土壘殺賊二十餘人賊遂退入北門我軍環繞城下攻擊三時之久城內賊匪擁而出黃虎臣揮隊回敵賊始退回我軍傷亡一百餘人仍調回省城駐紮臣等查近省郡縣爲賊占踞自應逐一勦除以清肘腋之患惟逆賊長於堅守而兵勇單寡又不能處處圍攻現

將各營調省訓練以期相機攻克近省各城奏
八

上諭內閣曰江西建昌縣城前爲賊匪占踞二月二十
二日官軍水陸進攻斃賊約四百人撲水溺斃者無
數是夜將該城四面圍攻登城焚燒賊棚賊突北門
敗走縣城當卽克復現在黃虎臣等進攻瑞州奉新
等處仍著曾國藩等嚴飭各員弁奮勇進剿次第克

復盡殲醜類

曾國藩文俊又奏言據李元度稟稱三月二十
日行抵安仁東鄉交界之江港派哨官賴準發
等至東鄉縣城時僞監軍熊近洸僞軍師錢懷
榮在城盤踞經賴準發等會同署東鄉縣知縣
吳朗各帶兵勇殺賊多名當將東鄉縣克復二
十二日鄧輔綸林源恩周鳳山等齊到東鄉與

李元度一軍會合分紮南關外共八千餘人規

復撫州撫郡之賊聞官軍將至集黨抗拒二十

三日僞指揮李逆率眾三四千人分三路來犯

哨官周友勝等奮力衝殺斃悍賊數十名僞官

十餘名該逆紛紛潰退追至八里外三石橋溺

死之賊又數百人逃賊在民房解甲傳餐兵勇

圍剿復殺三百餘名當斬僞指揮李逆並殺黃

馬褂僞官一名計鄧輔綸林源恩一軍殺賊六

百餘名李元度一軍斬馘三百餘名共生擒一

百七名奪獲旗幟軍器無算二十五日官軍進

紮汀橋距撫州郡城十里定議越日大舉二十

七日林源恩乘霧進攻橫街口賊營該逆增柵

踞濠勢極堅固守備周友勝等率勇直前開礮

轟擊礮子落賊藥桶賊營火起各軍乘勢殺入

焚勦殆盡橫街口一營既破遂分攻正覺寺兩營耿光宣李晉發等攻其左彭斯舉等攻其右縱火焚燒兩營相繼攻破維時左直街賊營已爲彭斯舉等所圍先鋒唐廷健等及周鳳山之勇左馳右突殲賊立盡其河東灣賊營經吳齊源等繞道圍攻該逆閉門轟礮死拒哨官賴準發首先攻入童梅華等各放噴筒燃燒殲賊千計文昌橋以東五營一時盡破轟殺及溺斃之賊約共五六千人生擒百餘人奪獲大礮擡槍刀矛旗幟等物一千四百餘件我軍亦有傷亡賊之在城內者阻水爲固以巨礮橫截文昌橋我軍因移營南城外之千金坡擬從上游搭橋過渡四月初二日李元度督勇綰搭浮橋城內二三千賊分股來撲鄧輔綸林源恩周鳳山等

分三路抄擊追至文昌橋畔逆黨鼠伏亭中相持甚久李元度令左營新中營乘隙飛渡城東各營聞渡河之師已畢始從文昌橋收隊是日楚師直逼城下與江軍夾河而營次日全軍畢渡同紮五里塘初四日鄧輔綸等各率所部分攻西南北三門斃賊約二百名我軍受傷者亦有二百餘人初九日進紮西南隅距城止半里許該逆出城分撲各營且紮且戰殺賊七八十名賊遂閉城拒守李元度步步爲營與鄧輔綸林源恩之師會合進逼郡連破賊營晝夜環攻士卒洵屬用命惟城內悍賊堅守如故而建昌瑞臨之匪猶復伺隙來援臣等現派水陸兩營扼紮李家渡地方以絕逆黨接應之路仍飭各軍奮力克復要郡先清東路奏入

上諭內閣曰逆匪竄踞江西撫州府及東鄉縣城李元度等由江港地方進剿直抵東鄉縣城疊有斬擒將縣城克復三月二十二二十五二十七等日將撫州城外文昌橋以東賊立五營盡行燒燬斃匪共五六千人生擒百餘人奪獲軍械千餘件著曾國藩文俊飭令李元度等督率兵勇迅圖克復郡城聚殲醜類

初八日甲子胡林翼奏言查逆賊戰船分布武漢

欽定剿平粵匪方略卷一百三十三



者漢陽東門南門至南岸嘴一帶約停泊二百餘號武昌城外鮎魚套壇角等處亦各有十號永不啟旋每船密排礮位外以大鐵練繫大木簞依附之翼以梗塞我船不得相近臣與楊載福密籌火攻之具逐一周備每火船用勇士二十人駕之附一三板偪近賊船拋錨下旋始行燃綫舉火即躍入三板之中有未近賊船而先

舉火者斬之又豫製擗簞溼絮百具分豎於船以避賊礮四月二十五日楊載福添派遊擊鮑超之營下勦適李成謀周清元追擊賊船溯流而上燒燬賊船甚多斃賊無算其棄船登岸之賊悉爲北岸都統都興阿馬隊所殲無一脫者二十八日南風大起令參將張啟基等四營出隊作接應之兵楊載福卽親督遊擊王明山等

欽定剿平粵匪方略卷一百三十三



七營帶火船五十餘號順風揚帆蔽空而下直抵漢陽東門南門上下圍裹我軍勇士斫斷木簞鐵練偪近賊船賊見我船猝至倉卒無措開礮抗拒僅中於蘆葦深處及積薪溼絮之中而火船緊偪霎時火起槍礮齊發所有漢陽一帶賊船二百餘號燒燬淨盡燒斃溺斃之賊無算並延燒漢陽江岸陸賊營壘是日臣豫派李續

賓等東路中路及石嘴沌口各營四面分攻保
安門望山門青山壇角窩灣等處並以大隊五
千人循江岸以護水師午刻火微而賊船亦盡
我軍始收隊四月十一日曾國華等已至崇陽
聞江西義甯州賊匪回竄湖南防兵在通城失
利道員江忠濟陣亡偽指揮何逆將復竄蒲圻
以阻江西援軍曾國華遂率各軍間道趕至蒲

聖朝聖曆卷一百五十五

庚

圻二十日何逆果至不虞我援軍之猝遇也二
十一二十二連戰兩日大勝之轟斃騎馬黃衣
賊目二名餘賊擊斃無算臣已函飭曾國華迅
速追勦崇通直達義甯現在水陸之賊僅餘武
昌城下鮎魚套賊船二十隻以四營水師扼之
賊可待斃楊載福已駛往沙口探報黃州府一
帶新從湖口小池口調到賊船三百餘號因沙

口已駐水師不敢上犯楊載福即日率領六營
下駛可一鼓殲除也此次賊船焚燬殆盡水賊
已無能為其漢陽接濟久斷武昌南路中路均
已扼截無隙可乘惟下游之窩灣青山一綫江
隄尙有小路可通臣與李續賓派兵一千餘名
上下梭巡賊勢實已窮蹙臣咨文所派弁兵搜
獲賊匪偽報據稱各路援賊期以前後夾擊臣

聖朝聖曆卷一百五十五

庚

營及李續賓洪山之營而大治武昌各官紳探
報亦同臣等密商即使四路齊撲亦可努力決
戰不致別有貽誤奏入

上命軍機大臣傳諭官文胡林翼曰胡林翼奏水師火
攻連獲大勝漢陽江岸賊船已盡焚燬援軍中途勦
賊亦獲勝仗辦理尙屬得手其自鮎魚套至黃州一
帶賊船三百餘隻即著楊載福乘勝痛加勦洗勿令

上竄官文總統全師胡林翼圍攻武昌亟應乘此聲威迅圖攻克二城著該大臣等嚴飭各軍振刷精神水陸合勦以期及早奏功至搜獲該匪偽文有糾約援賊夾擊官兵營盤之語並著加意嚴防毋墮奸計

同日

諭內閣曰余萬清著補授雲南鶴麗鎮總兵仍留鎮江統帶官兵督辦防勦事務

聖
事
畢
方
略
卷
之
五
三

天

同日德興阿翁同書奏言前派援兵千名渡江助勦竊慮九華山大營挫失一面籌添步隊及練勇往援一面飛檄水師總兵泊承陞周士法紮南岸各口出江船隻暫令收泊北岸以固藩籬初二日據探九華山大營已為賊踞臣等即將籌添之河州兵三百五十餘名派總兵李志和統帶練勇四百名派參將毛三元統帶飭

令兼程渡江其前此所派兵勇一千名亦歸該二員分帶會同余萬清妥商勦辦又據逃出難民供稱賊匪意圖侵踞句容丹陽再行分股渡至江北由沙頭杭家集竄往仙女廟邵伯鎮等情現飭各營設法堵禦加意嚴防

德興阿翁同書又奏言揚營步隊從前懸缺未補及陣亡潰散者共三千七百餘名較原額計

聖
事
畢
方
略
卷
之
五
三

天

短四分之一所有奉

旨續撥各兵惟山東兵已到九百名其羅玉斌所帶直隸宣化兵均為徐州截留屢催罔應至馬隊一項馬匹倒缺過半近因緊攻江浦先後添撥馬步隊一千餘名共計現駐浦口者將及四千名茲又兩次酌撥兵勇一千七百餘名赴南岸援勦以致存營之兵益形單薄額乞

天恩飭下邵燦庚長仍遵前

旨將直隸宣化兵一千三百名吉林黑龍江馬隊餘丁

一千名均催令全數來揚俾敷勦辦奏入

上命軍機大臣傳諭德興阿翁同書邵燦庚長曰逆黨

連陷黃泥洲煙墩山盤營復將九華山大營占踞意

在窺伺句容丹陽圖擾蘇常一帶官軍新挫余萬清

初領各軍未知能否得力雖有李定太等兵勇駐紮

句容等處而東南大局已不免掣動德興阿等所派

李志和等分帶兵勇著卽飭令與余萬清等會商勦

辦以固蘇常門戶瓜州未復鎮江又復失利逆黨欲

竄江北該大臣當飭各營加意嚴防勿令江南賊匪

與瓜州連爲一氣此時揚營兵力甚單所有直隸宣

化兵一千三百名著邵燦庚長卽令全數速赴揚州

交德興阿等調遣其吉林黑龍江馬隊餘丁一千名

聖朝聖訓卷一百三十三

聖

該漕督等仍遵前旨分撥一半赴揚協勦不得任聽
徐州截留致有貽誤

聖朝聖訓卷一百三十三

聖

欽定剿平粵匪方略卷一百五十四 丙辰年

五月十一日 丁卯 向榮奏言查金山賊衆出竄連

陷營盤九華山不守兵勇潰退丹陽蘇常更形
震動雖京峴山各營紮住余萬清兵僅三千前
由江甯派援之楚黔兵勇二千餘名皆分駐句
容丹陽扼賊內犯西路周兆熊三營復被賊久
困經臣飛催張國樑趕回大營選派最爲得力

欽定剿平粵匪方略卷一百五十四

十一

兵勇三千名交臣福興統領往援於初三日拔
隊由龍潭直趨高資令遊擊李定太帶楚兵七
百餘名自句容六里店馳出迎會飭張國樑繞
赴鎮江西路先援周兆熊各營力保鎮營全局
所有丹陽縣城特派前廣西右江鎮總兵谷韞
琛馳往布置潰回兵勇責成虎嵩林等分起營

將秦如虎由甯國抽帶兵勇二千名趕回駐守

日來探報小丹陽之賊嘯聚更多逆首石達開
現在上河大勝關一帶因聞張國樑撤回聲言
卽來內竄橫水橋一軍雖有總兵明安泰接統
扼紮兵力太單秣陵關亦僅兵勇一千數百名
均恐不敷堵剿上游賊黨絡繹竄回現又分屯
太平神策門外有日內分股來犯石埠橋及圍

欽定剿平粵匪方略卷一百五十四

十二

撲大營之語通盤籌算實有此顧彼失之虞前
准浙撫來咨福建調有漳泉兵勇三千名係副
將張從龍等統帶在閩浙交界一帶防剿此時
若能就近移調由浙江取道前來可期助剿迅
速如前項閩兵難以暫調援應相應請

旨飭下直隸陝甘兩省酌調官兵三四千名馳赴江南
俾資調遣至撫臣吉爾杭阿忠誠果勇謀略過

人督師鎮江年餘疊次出奇制勝倍著勤勞今以援救煙墩山營盤陷圍殉節殊堪悼惜請

旨從優賜卹候補道江甯府知府劉存厚隨征三載歷著戰功今以賊撲營壘督兵鏖戰力竭陣亡副都統綉關被馬掀跌落水遇救得生泣稱身受國恩不能殲除逆醜臨陣捐軀實深愧恨仍投水殉節均堪憫惜應請

聖恩賜卹卷一百五十四

旨飭部將劉存厚綉關一併從優議卹

向榮又奏言再查上年調到吉林黑龍江馬隊共一千名因沿途馬匹多有倒斃到營後經臣飭糧臺就近買補數百匹分撥攻剿去冬以來疊次打仗衝勦陸續損傷倒斃現又不敷乘騎當茲攻剿喫緊應請

旨飭部就近於察哈爾等處或直隸陝西督提兩標趕

調應壯戰馬五百匹派員解送來南以資應用

向榮又奏言再據余萬清稟報逆匪竄踞丁卯橋五峯口一帶時山窺伺初三日參將吳世斌副將站任等會各合營分兩隊沿運河西岸進剿該逆出眾擁拒我軍奮力夾擊立將丁卯橋奪回斬馘數十跟蹤追擊並將都天廟一帶潮勇三營奪回斃賊尤多餘逆奔入五峯口等語

聖恩賜卹卷一百五十四

臣思余萬清力扼京峴山各營由南路進攻獲勝士氣復振福興張國樑大軍現已由句容之薄塘橋上塘前進計本日可至鎮營臣已飛催乘此夾攻迅解西路之圍以期仰慰

宸廑奏八

上命軍機大臣傳諭向榮福興余萬清怡良趙德轍曰此次逆匪併力內犯狻猖已極余萬清既能力扼京

峴山尙不致全行決裂本已命幫辦江南軍務著與福興張國樑等力挫兇鋒保全大局各疆琛茶營丹陽虎嵩林等紮營練湖固爲保守蘇常門戶然必能勦而後能守如有機可乘仍當督兵迎出與余萬清等合力夾擊不可株守內地高瀆東壩尤爲常州緊要鎖鑰明安泰兵僅千餘是否足資扼截現聞該逆又有欲撲大營之說此時惟有將鎮江一軍立定

欽定剿平粵匪方略卷五十四

五

營壘牽制逆匪使不敢南北肆竄則我軍聲勢復振然後分投勦辦次第廓清庶可挽回大局怡良趙德轍如能激勵鄉團齊心助勦於大勢亦屬有益至該處兵餉著該督撫等力籌接濟萬不可使有缺乏

上又命軍機大臣傳諭官文胡林翼曰連日據向榮等先後奏報鎮江賊勢披猖煙墩九華兩山營盤全失巡撫吉爾杭阿副都統綱闕均已陣亡現少帶兵得

力大員因思都興阿新授江甯將軍仍在湖北督帶馬隊近日江南情形較湖北更爲緊急都興阿如能前赴向榮軍營協同帶兵勦賊必可得力著官文等體察情形迅速具奏如令都興阿前往其所帶馬隊著官文等揀派得力之員接續管帶毋令鬆勁

上又命軍機大臣傳諭桂良曰向榮奏請飭就近調馬五百匹趕解軍營等語現在江南賊勢鷓張馬隊甚

欽定剿平粵匪方略卷五十四

六

爲得力必應添調備用著桂良於直隸南路各營內趕緊挑選驍壯馬五百匹派委委員迅速解赴江南軍營以資攻勦儘該省官兵馬匹調撥後不敷應用卽著該督酌量奏請於察哈爾馬匹內就近撥還

上又命軍機大臣傳諭王懿德何桂清曰鎮江逆賊攻撲煙墩山營盤丹陽句容等處在在危急金陵鎮江之賊兩路同時竄撲向榮大營兵分力單實爲可慮

前據王懿德奏撥漳泉等屬兵勇三千名派副將張從龍陳上國統帶前赴江西交界會同衛防文武籌辦防剿現在是否已抵常玉山等處著王懿德何桂清飭令張從龍等將所帶兵勇三千名悉數帶赴金陵大營交向榮調遣為移緩就急之計毋許遲誤

上又命軍機大臣傳諭邵燦庚長曰巴棟阿已補授京口副都統此時鎮江情形萬分喫緊該副都統無論

聖學聖略卷三十四

七

已赴揚州或尚在徐州著邵燦等傳知該員即赴鎮江隨同余萬清進剿其原帶之餘丁仍分一半赴揚一半留徐毋庸帶往

上又命軍機大臣傳諭英桂曰賊謀內犯丹陽句容等處在在危急雖經向榮等派兵四路援剿而賊眾兵單不敷分撥東南大局攸關自應撥兵助剿昨據英桂奏勦辦永城等股匪獲勝並袁甲三等已進駐毫

州該省軍情較江南稍緩所有陝西綠營兵一千名計已行抵河南著英桂即飭該省帶兵官遊擊興貴等將此項官兵一千名悉數帶赴金陵大營交向榮調遣毋許遲滯

上諭內閣曰前因江蘇巡撫吉爾杭阿剿賊煙墩山中槍殉難業經降旨追贈總督優加賜卹因思吉爾杭阿躬歷戎行動勤懋著著於殉難地方建立專祠以

聖學聖略卷三十四

八

彰忠烈京口副都統綑關候補道江甯府知府劉存厚隨同殉難著一併附祀

上又諭內閣曰京口副都統綑關候補道員江甯府知府劉存厚駐守煙墩山營盤於撫臣吉爾杭阿陣亡後督兵固守復會合援兵衝突賊圍鏖戰逾時劉存厚力竭被戕綑關馬跌落河遇救得生旋復自盡該副都統等督兵勦賊屢著戰功茲因力竭捐軀實堪

憫惻綳闊劉存厚均著交部從優議卹

同日

上諭內閣曰雲南鶴麗鎮總兵余萬清現在督兵鎮江著幫辦江南軍務

十六日壬申何桂清奏言查建平緊偏廣德為紅

林橋後路乃蘇浙緊要門戶先經秦如虎派同知仲孫懋等在彼駐紮鄧紹良復添派同知曾

聖朝聖略卷一百三十四

九

承禧一軍並蕪采營官兵會同仲孫懋等扼紮

建平東門外金珂橋嚴密防堵四月二十七日

鄧紹良秦如虎督兵進發行至雙橋踏平賊壘

一座殺賊百餘名即在雙橋沿河一帶紮營並

咨江長貴移營進紮油榨橋都隆阿移營進紮

板橋仍派遊擊蕭知音等駐守紅林橋從九品

陳雲龍駐守孫家埠二十九日我軍進至東溪

橋紮營該逆以三四千人由大東門小東門北

門三路出撲鄧紹良秦如虎親督都司虎坤元

等迎擊槍斃賊匪數百名三十日鄧紹良親督

蕭知音等攻大東門秦如虎親督虎坤元等攻

小東門賊出城抗拒我軍槍礮齊施大東門之

賊先敗入城鄧紹良秦如虎以兩隊合擊小東

門一路賊復潰竄我軍追至城邊大東門又衝

聖朝聖略卷一百三十四

十

出賊匪四五千入前來接應我軍仍分左右兩

隊夾擊是日自辰至酉殺斃黃衣賊首一名騎

馬賊目十餘名餘匪五六百名奪獲旗幟槍械

百餘件臣查鄧紹良自抵皖南以後會督秦如

虎移營進紮偏近郡城三次攻勦獲勝辦理頗

為得手臣已飛咨該提督激勵全軍乘勝迅圖

克復奏入

上諭內閣曰逆匪占踞甯國郡城負嵎抗拒疊經大軍進剿殲戮無算極為得手著鄧紹良乘此聲威督同將弁等迅即克復郡城毋稍延緩

何桂清又奏言查涇縣周天受一軍由三溪進紫桓公嶺四月二十七八等日疊次獲勝賊眾潰亂周天受探知城內之賊傾巢而出遂督隊奮力追殺直至赤灘地方餘匪仍由青弋江竄

聖朝聖事卷一百三十四

十一

去我軍正在整隊進城甯郡之賊大股來犯周天受派令守備吳緯奇協同涇縣知縣崔琳等先行收復縣城一面親督兵勇迎頭攔剿於雙坑地方自午至申鏖戰三時將該匪擊退乘勝追至琴溪等處相持未決周天受飛調桓公嶺守營兵勇駐紮畫眉嶺又調三溪守營兵勇進紮桓公嶺二十九日該逆分五路而來我軍分

投迎戰並於樹林深處設伏鏖戰半日誘至山曲伏兵衝出兩面攻擊轟斃逆匪無數復乘勝追至鼓樓鋪賊已遠颺周天受即在畫眉嶺紮營經臣將派防於潛之同知李恆淞滬勇六百餘名會同前派都司馬鎮國川勇二百名飭赴涇縣進剿並飭周天受於三溪桓公嶺二處分派接防策應奏入報

聖朝聖事卷一百三十四

十二

十八日甲戌怡良奏言查小丹陽一帶賊勢蔓延向榮雖派明安泰接統扼剿兵力尙單聞蕪湖逆船在水陽等處日聚日多意在窺伺東壩甯國秦如虎一軍業經向榮調回飭令由東壩前進現已知會秦如虎沿途體察情形如東壩軍情喫重即將所帶兵勇暫留堵截又據探報該

聞

逆知向榮營中驍將勁卒分派四出將竄回逆

黨分屯太平神策等門有分股來犯石埠橋及

圍撲大營之信賊眾兵單應接不暇請

旨飭下直隸陝甘等省速調精兵數千名馳赴向榮軍

營聽候調遣奏入

上命軍機大臣傳諭怡良曰怡良所奏情形需兵實屬

緊急前已諭知王懿德何桂清將福建派赴江西交

聖學聖略卷百五十四



界之漳泉等屬兵勇三千名飭令悉赴金陵此項兵

勇著怡良飛咨何桂清探明迎提催令迅赴金陵大

營歸向榮調遣陝西綠營兵一千名本日復經諭令

英桂催令前進矣至句容東壩一帶實為內地門戶

仍著該督派撥兵勇擇要堵扼毋稍疏虞

上又命軍機大臣傳諭英桂曰前諭英桂將陝西綠營

兵一千名撥赴江南此時金陵情形喫緊著該撫迅

遵前旨照數撥往向榮軍營俾資調遣

同日英桂奏言臣因袁甲三等攻勦喫緊將黑

龍江餘丁五百名派往助勦昨准邵燦庚長來

咨仍催令黑龍江餘丁前赴揚州臣查豫省兵

勇漸次進逼雒河正在得手蕭場情形已鬆今

德興阿大營既須添兵所有徐州截留之吉林

餘丁五百名自當就近飭往以期迅速而免跋

聖學聖略卷百五十四



涉奏入

上命軍機大臣傳諭邵燦庚長曰英桂奏請將徐州截

留之吉林餘丁改赴揚營等語此時蕭場一帶情形

稍鬆即著邵燦庚長將現留徐州之吉林餘丁五百

名飭令馳赴德興阿軍營以資助勦其黑龍江餘丁

五百名即留亳州毋庸調回

二十一日 丑 向榮奏言查九華山各營失陷後

我軍雖於丁卯橋獲勝而京峴山兵勇力扼東路亟難分調西路川兵銳勇營被賊攻陷惟存四川兩營參將周兆熊守之至初四日該逆由銳勇營內穴地轟撲川兵僅賸數百人傷亡枕藉周兆熊一面揮兵出戰一面燃火藥自焚殉難甚爲慘烈初五日有賊六七千人復竄至丁卯橋一帶總兵李志和參將毛三元帶領陝甘

聖朝聖主

聖朝聖主

兵練渡江趕到正在紮營之際該逆忽分三股來撲京峴山並由運河西岸趨丹徒鎮抄圍余萬清卽會同李志和毛三元等分投攔剿斬馘甚多福興張國樑帶兵從龍潭問道馳至上塘正遇賊股焚擄爭先抄殺斬獲賊首三十六顆生擒十五名餘逆潰散我軍進抵距丹陽十五里之河陽地方駐紮臣福興連接余萬清來函

卽約會張國樑夾剿由丹徒鎮一帶進兵初六日黎明派遊擊李鴻勳等由新豐取道先進張國樑親督參將張騰蛟等馬步兵勇馳赴丹徒鎮至上下區地面有賊萬餘分八股來拒張國樑揮軍從左衝剿擒斬數十餘人該逆大股擁來適李鴻勳等已由丹徒鎮兜至兩面夾攻槍斃賊目一名陣斬悍黨甚多衆軍一鼓壓進該

聖朝聖主

聖朝聖主

逆大敗向九華山狂奔又追斬二百數十人我軍亦有傷亡初七日黎明有賊窺撲京峴山營盤經余萬清派隊擊退其時丁卯橋寶蓋山及豬婆灘西岸共有賊壘七座福興諭令張國樑挑選奮勇隊伍多帶火器乘夜往襲該逆驚懼無措初八日五更紛紛越牆竄出經我軍四面截殺丁卯橋等處竄來之賊棄壘潰逃斬擒甚

衆張國樑復會同李定太馮子材色爾固善等
由紅山凹截擊福興與德崇額從禹山旁抄兜
該逆敗至紅山被我兵三路圍攻殺斃無數生
擒長髮賊十五名內有僞國宗楊侍棕及僞侍
衛檢點陳大本譚如和等三名餘逆敗赴小茅
山一帶旋據探報該逆分股竄往楊巷意圖內
犯福興卽派李定太馮子材色爾固善帶領馬
步隊伍一千餘名並商張國樑會紮馬陵以扼
丹陽之前初九日我軍移屯楊巷初十日進兵
小茅山有賊分股來拒我軍奮勇衝勦賊勢不
支忽山左擁出賊股抵敵防禦鍾祿驍騎校富
貴慶明衝入賊隊連殺數賊被槍殞命各兵勇
大呼奮擊馬隊亦馳突抄殺該逆敗奔回壘我
軍追撲賊濠正在得手忽山右伏賊衝出四五

欽定剿平粵匪方略

卷一五四

千人抄我後路張國樑與德崇額順庭等督軍
分勦把總楊大得陷陣力戰中槍陣亡大隊併
力衝盪直搗中路擊斬數百餘人該逆相率敗
回十一日該逆全股宵遁盡棄小茅山九華山
煙墩黃泥洲各壘沿江竄赴高資下蜀街一帶
是日未申時分鎮逆全股已由東陽繞越石埠
橋竄至甘家巷等處經臣飛派遊擊張玉良帶
兵勇千餘名會同仙鶴門栖霞石埠橋防兵截
勦擊賊於傅家橋陣斬二百餘人該逆已分兩
路竄入觀音門我兵追奔十有餘里其時張國
樑一軍亦已追抵溧陽溧水隨同福興回營此
次援勦鎮江痛挫兇鋒逆股退歸金陵大局稍
定所有鎮江西南各路現仍飭余萬清妥籌布
置卽將虎嵩林收集各起兵勇由丹陽次第調

欽定剿平粵匪方略

卷一五四

出逐加簡閱裁汰務使兵勇皆歸實用余萬清力扼京峴東路使該逆不敢深入長驅該革員苦戰經旬卒能保全大局可否請

旨賞給三品頂戴副都統德崇額隨同援勦調度甚合

機宜參領色爾固善遊擊李鴻勳防禦委佐領穆克德恩驍勇得力可否請

旨賞加勇號以示鼓勵湖南撫標中軍參將儘先升用

聖朝聖略卷二百五十四

九

副將周兆熊以孤營控扼西路堅守至四晝夜之久慷慨捐軀尤堪憫惜應請

旨照總兵例議卹鑲紅旗防禦鍾祿正紅旗驍騎校富貴正藍旗驍騎校慶明廣東把總楊大得及黃泥洲營盤陣亡之升用都司廣西提標千總湯廷槐皆係臨陣捐軀應請

飭部一併從優議卹

向榮又奏言據溧水縣知縣周硯銘稟報十一

日聞紅藍埠有形跡可疑多人帶勇趕往查拏

不料另股賊匪已由西門闖入祇得退守小東

門外飛請派兵援勦溧水咫尺東壩接界溧陽

均係入蘇常要道大局攸關亟須派兵援勦當

經飛檄江長貴將所統兵勇一千四百名刻卽

起程由句容抄出賊前先遏內犯之路飭明安

聖朝聖略卷二百五十四

二十

泰橫水橋一軍星夜拔隊趕往援勦並由大營

抽派親軍一千名移調義勇五百名於十二日

先往助戰仍令張國樞帶勁兵於十三日馳

往督勦一面札飭秦如虎嚴防東壩以截賊衝

並咨怡良嚴飭溧陽荆宜各地方嚴密防堵現

在臣軍僅有吉林黑龍江馬隊八百餘名昨經

咨商德興阿由江北借撥二百五十名前來助

勦仍屬不敷調派懇請

皇上飭調馬隊官兵一千名迅來江南遣用實於軍務

有裨奏入

上命軍機大臣傳諭向榮德興阿怡良曰逆賊窺伺蘇常蓄謀已久丁卯橋一帶之賊雖經福興張國樑痛勦京峴山重圍立解官軍進紮楊巷小茅山亦獲勝仗而溧水城池被陷該縣咫尺東壩接界溧陽均爲

欽定剿平粵匪方略卷一百五十四

五

蘇常要道該大臣已檄江長貴由句容抄出賊前秦如虎嚴防東壩聯絡高瀆並抽派親軍令張國樑督勦布置均尙周妥而內地尤須防範怡良身任封疆責無旁貸著嚴飭溧陽荆宜各處地方官實力堵遏不得以防勦之事專委之向榮致有疏失至向榮存營兵力本甚單薄此時攻勦緊要著德興阿將現在營中馬隊五百名迅速調往江南歸向榮調遣至余

萬清業經簡授鶴麗鎮總兵幫辦軍務此次向榮稱其力扼京峴東路著有勞績該總兵是否足當一面著向榮悉心察看迅速奏聞

上又命軍機大臣傳諭和春福濟英桂曰江蘇溧水縣城被賊竄陷該處接壤東壩溧陽情形緊急現在向榮軍營馬隊不敷分派揚營官兵現攻江浦瓜州等處亦須馬隊助勦著英桂卽將黑龍江餘丁五百名

欽定剿平粵匪方略卷一百五十四

五

全數撥赴揚州交德興阿調遣並著和春福濟迅撥馬隊四五百名剋期馳赴向榮軍營以資攻勦上諭內閣曰此次援勦鎮江連獲大勝痛挫兇鋒餘匪逃回金陵勦辦尙屬得手余萬清業經簡放鶴麗鎮總兵著卽實力防勦力遏賊鋒參將儘先升用副將周兆熊竭力守禦慷慨捐軀著照總兵例議卹陣亡防禦鍾祿驍騎校富貴慶明把總楊大得千總儘先

升用都司湯廷槐著一併從優議卹至另股賊匪關
入溧水縣城知縣周硯銘退守小東門外地方有無
退避各情著怡良等查明彙辦

上又諭內閣曰向榮奏援勦鎮江出力各員請賞加勇
號等語副都統德崇額著賞給喀勒崇依巴圖魯名
號參領色爾固善著賞給維拉台巴圖魯名號遊擊
李鴻勳著賞給曠勇巴圖魯名號防禦委佐領穆克

聖朝軍略卷一百五十四

三

德恩著賞給綽克台巴圖魯名號

同日廉兆綸奏言查本年二月間撫建陷後安
餘德樂一帶羣盜縱橫既而石逆下竄賊勢漸
鬆雖八郡皆有逆氛大抵皆土匪結黨成羣而
長髮老賊甚少此實天假之便不可多得之時
乘其未肆憑陵卽當力圖勦滅命將出師宜何
如躊躇審慎臣聞攻勦撫州自曾國藩派出之

兵以同知李元度主之自省城派出之兵以捐
職知府鄧輔綸主之李元度久著戰功至鄧輔
綸乃臬司鄧仁堃之子原不宜與聞公事且少
年輕脫素不知兵特以官階較崇李元度反不
能不受其牽制江西糜爛至此文武大小官員
何至一無可遣而獨遣一未經戰陣之鄧輔綸
乎至兵勇口糧一節先聞曾國藩大營每月八

聖朝軍略卷一百五十四

三

萬金省城各勇每月十二萬十四萬金不等自
三月間沙汰散勇後曾營月需七萬省城月需
十萬此時八郡淪胥尙無一復省城兵勇以月
需銀數計之較之曾國藩營加倍曾未聞有打
仗之事卽如吉安被圍周汝筠一軍爲泰和逆
匪所扼省城並未另派一兵馳抵吉安城下臬
司周玉衡等盼救不至以致全郡失陷忠義傷

亡又如二月間撫建告警亦未聞豫設重兵力
爲扼守以至數十萬錢漕一旦付之賊匪曾國
藩雖近日師出無功而衝鋒對壘猶彰彰在人
耳目省勇則月糜十數萬金錢止有零星防堵
未聞大隊進征惟此次攻勦撫州纔出兵四五
千人以爲背城借一之舉而率以鄧輔綸將之
設或再有疏失致該逆乘勢撲出則廣饒之間
何堪設想聞省城調兵撥餉事無巨細皆鄧仁
堃一手主持該臬司非無小才特以忌心太重
私心太深又兼攝藩糧二篆通省利權在其掌
握年來經手錢漕數十百萬加以捐辦城濠各
工不能潔已遠嫌致外間物議沸騰怨聲載道
今又使伊子鄧輔綸辦理江西軍務直不啻壟
斷而登當此餉需支絀軍情喫緊之時豈宜任

聖皇聖學卷一百三十四

三

其乘便營私毫無忌憚臣深恐有誤大局不敢
避嫌緘默至於進退寬嚴之際

聖主自有權衡非臣所敢妄擬奏入

上命軍機大臣傳諭曾國藩文俊曰逆匪竄擾江西蔓
延八府瑞州奉新尙未得手撫州等府猶爲賊踞該
侍郎等自應揀派委員分投勦辦乃據廉兆綸奏稱
自省城派出之兵以捐職知府鄧輔綸主之該員年
少輕脫本不知兵又非江西官員伊父鄧仁堃係本
省臬司其子本不應與聞公事軍情重大該省豈無
委員可派何以令鄧輔綸管帶兵勇設有疏虞咎將
誰誘曾國藩文俊接奉此旨卽將鄧輔綸撤回另行
揀派得力大員前往會同李元度趕緊攻勦毋許延
誤至臬司鄧仁堃兼署藩司糧道據廉兆綸奏捐辦
城濠各工不能潔已遠嫌致物議沸騰怨聲載道又

聖皇聖學卷一百三十四

三

令伊子鄧輔給辦理軍務等語現在軍餉支絀臬司
鄧仁莖如有營私舞弊情事卽著曾國藩等嚴密確
查據實彙奏石逆下竄賊勢漸鬆各府土匪勦辦較
易正宜乘此機會分路進勦迅圖克復著曾國藩文
俊亟籌勦辦勿令該匪日久盤踞

二十二日 戊寅 胡林翼奏言查江西義甯賊匪由

通城回竄冀遏援軍同知銜曾國華迎勦獲勝

聖朝聖考卷一百二十四

三

四月二十八日抵羊樓洞偵知前途賊衆尙萬
餘人二十九日官軍整隊前進甫出羊樓街卽
遇大股賊至奮擊之斬獲無算賊遂大敗追殺
數里賊糾黨復戰又敗之如是者五六次劉騰
鴻奮不顧身普承忠策馬繼進勇銳百倍左右
兩山伏賊經吳坤修普承忠劉連捷各軍殲斃
無數追至黃土堡我軍三路會合連環轟擊賊

旗盡靡鼠竄而去是日計殺賊五六百名擒斬
偽水總制張逆偽金總制毛逆偽將軍陳逆李
逆各一名三十日賊大股復至羊樓街分三路
而進曾國華督軍亦分三路迎敵陣斬悍賊數
十人三路之賊皆潰我軍窮追及於羊樓上洞
石橋乘勢掩殺積屍滿途計斃賊八百餘名生
擒五十三名我軍乘勝直搗崇陽賊衆逃散過

聖朝聖考卷一百二十四

三

半所餘不過數千人遁入通城地界是日楊載
福一軍至鵝公涇探詢團風以下悉泊賊船楊
載福令李成謀等三營由新河下勦而自率鮑
超等三營由老河下勦直至黃州府城毀沈賊
船百餘號斃賊甚多時樊口港內尙泊賊船數
十六營環攻不能得手楊載福因督五營在港
外轟擊令鮑超一營衝入港內焚燒賊船登時

火起奪賊長龍三板各一隻是夜卽駐得勝洲
五月初一日賊船尙存十餘號依壘而守楊載
福令鮑超李濟清二營回駐沙口力扼樊口而
率李成謀陳金鼇下駛與王明山周清元會於
巴河楊載福卽日率四營乘風揚帆攻其不備
由蘭溪進發至黃石港縱火焚燒賊船五六十
號蕩然無存初二日辰刻至蘄州城下將賊船

欽定剿平粵匪方略卷一百五十四

五

數十隻焚燬一空巳刻至富池口燒賊船三十
餘隻午刻至武穴賊之輜重船隻紛紛下竄僅
以礮船十餘隻迎拒楊載福知賊之不敢久戰
也急派李成謀陳金鼇二營首尾夾擊密令王
明山周清元二營登岸伏蘆葦中賊果棄船逃
竄突起擊之無一脫者初三日辰刻至龍坪賊
以三板拒戰全力擊之焚燒立盡巳刻至德化

縣之羅家嘴賊船已竄去大半惟港內匿船三
十餘隻焚之又盡午刻至九江寂無一船小池
口築有土壘亦無船礮惟城上徧豎黃旗開礮
抵禦楊載福令各船對城轟擊兩時賊無出城
者乃於初四日回舟初九日仍抵沙口老營十
日之內已轉戰千里矣臣前派勇在下游窰灣
青山日夜雕勦並於白陽橋設卡巡防陸賊接

欽定剿平粵匪方略卷一百五十四

五

濟已斷五月初六日賊忽自武勝漢陽賓陽忠
孝四門及廬嘴關八步街等處每股分數千人
來撲欲犯白陽橋卡以通賊援臣派蔣益澧李
續燾等連環擊之逆賊踰溝爭門自相踐踏其
不得入城者約三百名悉爲我勇所殺蔣益澧
追逐小龜山敗賊至紫金山殺賊約二三百被
偏落水者不少白陽橋撲卡之賊經李續賓等

斜抄橫截擊斃五六十名賊遂紛竄入城其八步街長蛇橋之賊見各路賊勢均敗亦即竄遁我軍申刻收隊訊據擒賊供稱洪逆韋逆約九江下游援賊萬餘前後夾撲我營舉火為號李續賓遂因以給賊賊見後路火光誤為援賊遂洞開各門而出勢甚兇猛我軍偃旗息鼓寂然不動臣又加派同知唐訓方等相機助擊午刻

聖皇聖考卷一百五十四

三

賊始近壘李續賓麾營齊出李續燾等率各營由洪山之東北西北分路齊進唐飛舞等進洪山北之姚家嶺而由田隴斜出小龜山尾以繞擊之都司張勝祿出洪山之前朱品隆出洪山之南趙克彰等各營同時並舉各路逆賊惶遽無措紛紛大潰自相踐踏死者以六七百計直追過小龜山計共斃賊一千二三百名訊據生

擒賊供四年八月武漢竄出賊目首逆楊秀青皆分裂以徇此次賊目分守武漢畏不敢奔其親屬均繫於金陵揣量賊情必須盡殺乃止即十分窮蹙尙日夜待援賊之來也所有水陸出力員弁應俟武漢克復彙案請獎其中礮陣亡之守備李登進可否照都司優卹千總熊有章向三元可否照守備優卹把總左玉佩鄧友廷

聖皇聖考卷一百五十四

三

羅祖績可否照千總優卹外委雷光友何添元六品軍功趙國樑藍翎六品軍功陳玉升可否照把總優卹出自

天恩奏入

上諭內閣曰此次水陸各軍奮勇進攻尙為得手著卽督率員弁迅復武漢毋再稽延所有出力員弁准其彙案保奏陣亡守備李登進著從優照都司例議卹

千總熊有章向三元著從優照守備例議卹把總左
玉佩鄧友廷羅祖績均著從優照千總例議卹外委
雷光友何添元六品軍功趙國樑陳玉升均著從優
照把總例議卹

胡林翼又奏言臣自上年臘月至今年三月逐
日督隊仰攻驅血肉之軀與礮石爲敵傷亡水
陸勇丁三千餘人道員羅澤南及都守千把百

餘人節次陣亡皆係四方精銳之士羅澤南篤
信學道尤深惋惜現在陸營良將以李續賓爲
尤著該員廉正樸誠凡他人所怯者無不毅然
自任進攻省城屢瀕於危幸賴

天威良將無損兵易募而將難求求勇敢之將易而求
廉恥之將難蓋勇敢倡先是將帥之本分而廉
潔正直則糧餉不欺賞罰不濫乃可固結士心

歷久長勝也臣於四月以前欲以力取旁觀皆

笑臣愚卽臣自問計亦良左四月以後乃禁約
仰攻分精銳四千餘人由咸蒲以取義甯四戰
皆捷分水師以清下游江面直達九江四月二
十八日乘風縱火漢陽賊舟盡付一炬臣自領
五千人扼南路之三面李續賓領六千三百人
扼洪山之東路又分勦青山窰灣之北路水師

六營下駐沙口水陸之賊直至近日乃援絕路
窮漢陽之賊糧久斷四月以前尙取給於武昌
近來武漢均斷此路兵勇已經督臣多方激勵
整飭惟馬隊將士忠勇可恃爲

國家之正兵所當愛惜而善用之若迫使乘墉是
舍所長而用所短矣刻下南北兩岸尙難彼此
調撥日後武漢收復卽當會同商議以步隊之

堅定不搖者分隸於馬隊而以步隊戰於前陣
俟賊眾敗潰卽以馬隊乘勢掩殺蓋步兵追賊
至多不過二十餘里若得馬隊追勦賊可盡殺
也下游九江府興國州陸賊萬餘僞檢點古隆
賢等分道來援冀約城賊夾擊大營臣卽豫撥
三千餘人及其未定而擊之十二十三兩日乘
勝窮追已過百里以外至道員江忠濟全軍覆

聖朝軍方略卷三十四

三

於通城湖南改派防兵二千餘人駐守岳州而
援軍已過崇陽賊逃散過半計日可抵江西義
甯州城疊次委解軍餉軍火堪資接濟臣歷觀
前史李左車之告韓信尙以頓兵城下情見勢
絀爲戒是戰易攻難自古已然臣之才力何足
言兵惟才有限而志無窮誓與兵事相終始期
於殄此賊而已奏八

上諭曰以前戰功具載摺中無須表白朕惟責以實效
歷述艱辛於事何益汝督軍進勦固不可稍存畏怯
然國體具在亦應寓慎重於其中

聖朝軍方略卷三十四

三

欽定剿平粵匪方略卷一百五十五 丙辰年

五月二十六日壬午官文奏言查安徽另股賊匪

二千餘名竄入英山縣城徑撲羅田經署黃州

府知府許廣藻代理羅田縣知縣彭應鯉督帶

紳練擊之於樂利河地方賊眾大敗遂於四月

二十三日進克英山縣城斃賊數百名奪獲器

械無算又有九江竄來股匪數千合蘄州之賊

聖皇聖略卷一百五十五

上竄復經彭應鯉帶勇防剿二十七日於嚴家

坳地方殺賊千餘名生擒二十七名正法內有

長髮老賊偽總制王羊瑞等十五名追至蘄州

三望冲地方賊俱翻山而逃當各路截剿之時

臣等每日督隊加力攻城雖日有斬擒足寒賊

膽而最可惜者莫如五月初八日一戰是日各

營同時併力攻剿大兵直抵西門橋兵勇槍聲

雲梯越濠進營已將賊卡焚燬卡內之賊始覺

兵勇揮刃趕殺詎料卡內復有重濠濠內復有

壘牆密排槍礮我兵奮勇槍攻多被中傷遊擊

玉山憤極槍登亦中礮登時陣亡兵勇仍退出

卡外誘賊出戰賊堅拒不出其西門頭卡內賊

五百餘名偽官三名俱已殲盡探聞下游之賊

疲於救援武漢亦各窮蹙兩城逆賊援絕餉空

聖皇聖略卷一百五十五

臣等現仍每日攻城俟追下樊口之師折回水

陸齊進諒可盡殲陣亡之署漢陽營遊擊玉山

伏懇

飭部從優議卹奏入

上命軍機大臣傳諭官文胡林翼曰覽官文所奏勝仗

不過斬擒零星外援賊匪至二城情形則疊卡重濠

堅拒死守如故乃云專待追下樊口一軍折回始能

齊力攻進殊屬支吾掩飾官文總統全師已踰半載
朕遇事惟知責以實效豈能任其以搪塞空言掩其
糜餉老師之罪著卽會同胡林翼仍遵前旨嚴督水
陸諸軍合力進攻出奇制勝迅將武漢攻克毋得再
事遷延致干咎戾

上

諭內閣曰賊匪數千由安徽突入英山縣城徑撲羅
田署黃州府知府許廣藻等督帶紳練大敗賊於樂

聖朝軍略卷五十五

三

利河克復英山縣城斃賊數百人由九江竄來股匪
復合蘄州之賊併力上駛兵勇分投夾攻斃賊千餘
人賊勢已窮著官文胡林翼督飭水陸各軍合力齊
攻迅克武漢毋稍延緩揀發遊擊玉山力戰捐軀深
堪憫惻著交部從優議卹

同日駱秉章奏言湖南援江之師克復萍鄉後
逆賊踞守蘆溪宣風鎮一帶圖抗援師堅踞袁

郡卽選道劉長佑駐軍萍鄉城外十里鋪二月
二十日瑞州臨江老賊糾聚死黨數千分五路
撲營劉長佑伏勇於麻子坪蘇家灣萬家沖一
帶度賊過而後擊之又飭守備黃三清等各帶
壯勇分扼楊家灣橋口以備要擊賊分三路來
逼我營百長李明惠等截擊陣斬先鋒悍賊各
數名蘇家灣萬家沖所伏各勇穿入賊陣賊眾

聖朝軍略卷五十五

四

奔潰中路之賊亦敗官軍之在楊家灣橋口者
見東壁山後有賊二千餘由白源台州而來黃
三清等奮起迎擊賊隊驚亂紛紛敗走麻子坪
之賊正與百長翟國彥等相持見東壁山賊敗
始奪路而走千總李承立帶勇急擊鮮得脫者
是戰共計斃賊數百名三月初三四等日劉長
佑移軍進駐高岡埠近逼蘆溪賊營賊固匿不

出十一日劉長佑親督黃三清等營分路進剿
遇賊於溫江橋陣斬先鋒賊目二名斃賊百餘
名十二日仍督各營五路並進直攻聖岡賊壘
偏圍數重百長郭成璋等越濠躍入賊眾驚亂
爭門而出經鄧在富等截殺斃黃衣騎馬賊
目楊姓餘賊悉數就殲其獅子崖一帶賊營亦
經黃三清等攻破陣斬黃衣騎馬賊目兩名老
鵝山大山殿賊營見賊壘均破棄營而奔劉長
健等乘勢薄之擊斃及溺死者無數劉長佑急
令劉坤一等悉力攻破蘆溪之賊豬婆山石灣
四營賊黨亦皆棄壘奔逃官軍分途掩殺十餘
里共破賊營十一座斃賊一千數百名賊目約
數十名生擒逆賊王繼愚等百五十名割取首
級六百餘顆奪獲礮位軍械無算官軍受傷者

百餘人宣風之賊竄回袁州府城守賊憤其爲
官軍所敗不許入城另調臨江萬載髮逆二千
意圖復拒劉長佑由蘆溪移營前進十七日賊
分三路來撲官軍亦分三路擊之共斃賊四五
百名生擒十餘名二十五日劉長佑進駐宣風
鎮四月二十一日移營進紮河田距袁州城十
餘里攻破鳳凰山賊壘斬擒甚多二十二日劉
長佑復督各營分三路進剿連克街口鳳凰嶺
兩處賊營計兩日殺賊七八百名生擒四十餘
名焚死者不計其數其由瀏陽進攻萬載一軍
自珠樹潭大捷後賊悉眾拒守荆樹鋪及大橋
以抗我師卽選同知蕭啟江等旣恐兵分力單
一路進剿又墮奸計乃明攻大橋之賊而乘不
意以搆荆樹三月初二日夜半掩甲疾趨黎明

官軍猝至已據街口賊即翻山四竄官軍掩殺
 十餘里是役除焚斃外斬賊約七百餘生擒一
 百二十餘名燒船二十餘隻十五日蕭啟江等
 進剿大橋之賊斬馘以二百計十六日趨攻大
 橋拔之賊眾五千夜遁十八日上高新昌之賊
 二千有零突至白樑圖截官軍後路蕭啟江等
 整隊迎戰斃賊七百餘名二十一日守備楊恆
 升自大橋拔營回駐珠潭賊分三路驟至萬載
 縣知縣李吉言原駐珠潭之瀏勇勢正不支楊
 恆升分所部長勝軍為五隊奮勇衝殺賊遂驚
 潰擒斬約數百名二十二日賊率數千人潛撲
 大橋營壘蕭啟江等嚴陣以待分派正兵奇兵
 破賊之伏而擊其尾追剿二十餘里殺賊七百
 餘名四月初三日萬載竹埠高城等處之賊糾

聖朝聖考卷百五十五

七

合上高逆賊萬餘分三路來撲蕭啟江等以眾
 寡不敵謹守營壘先示以弱踰時左右中三路
 之賊漫山而至分撲各營槍礮齊發毒燄迷蒙
 忽大雨如注賊之火器盡溼技無所施蕭啟江
 等始向賊隊密處開礮轟擊列我隊於營外分
 攻賊陣賊之前後隊皆敗軍官薄之於河溺斃
 甚多共殺賊千餘名生擒百餘名十三日蕭啟
 江等進擊高城竹埠之賊復斃六百餘名二十
 八日蕭啟江等督各營直薄萬載城根連踏西
 南北三門外賊營六座賊踉蹌入城由東門狂
 走官軍掩追十餘里始收隊而還二十九日撲
 營之賊三千餘人經蕭啟江等擊敗賊眾大潰
 官軍乘勝追殺遂將萬載縣城克復臣維逆賊
 竄入江西疊陷該省西路各府州縣城池湖南

聖朝聖考卷百五十五

八

援師自瀏陽醴陵出境節節攻勦大小各數十戰先後斃賊一萬有奇而官軍受傷者僅百餘人陣亡者不過二十餘人將士之用命賊匪之無能亦可概見然曠日持久始克兩城不能成長驅席捲之勢實以江西與湖南接壤賊踞各處南北延袤一千餘里勢若長蛇援師連克萍鄉萬載徑抵袁州城下其勢如擊長蛇之腰防

聖皇聖考卷一百五十五

九

其首尾俱應萬載之北袁州之南皆有閒道可抄官軍後路據劉長佑蕭啟江等稟請增調勁勇臣已續撥三千餘名合原調之師將八千矣然以之分勦各路仍嫌不足論湖南援江全局現由醴瀏兩軍並進爲中路其北路應從平江出一軍勦新昌上高以復瑞州南路應從鄱茶出一軍勦永新永甯蓮花廳以復吉安庶不爲

賊所牽掣臣擬察看情形如賊增兵少尙應隨時派撥以厚兵力

駱秉章又奏言查卽選道王鑫因帶兵赴廣東勦賊積勞成疾沿途感受瘴氣病日益增遂班師回楚就近回籍調理前奉

旨飭該員由茶陵州進援江西該員以病尙未愈懇請另行派委臣維王鑫勇而有謀能以寡擊衆現

聖皇聖考卷一百五十五

十

在湖南帶勇文武中實罕其比茲因病難驟愈旣未便強之速行而此外堪當一面之寄者又殊難其選容再隨時察看情形妥爲籌辦

駱秉章又奏言臣前奉

諭旨飭降調湖北藩司夏廷樾等赴江援勦臣查夏廷樾朱孫詒兩員由湖南知縣洊升今職歷著循聲均曾帶勇勦賊著有勞績夏廷樾於咸豐四

年赴四川鹽茶道任途次連奉

恩命權任湖北藩司得暑遣征感受風溼致患足疾降

調後來南就醫尚未全愈一俟調理就痊即馳

赴援江行營協同勦辦朱孫詒丁憂後因交代

留楚現委辦局務從前所帶湘勇久已散隸江

西湖北各營一時難以復聚容臣察看情形如

夏廷樾足疾全愈朱孫詒能招集親信得力弁

聖朝聖學卷之五十五

十一

勇當即調赴各營協勦奏入

上命軍機大臣傳諭略秉章曰覽奏克復萍鄉萬載情

形勦辦可期得手惟北路自平江至瑞州南路自茶

陵至吉安尙無策應之軍恐中路一軍不免為賊牽

掣所陳自係實情夏廷樾朱孫詒二員據稱尙未能

迅赴各營協勦著略秉章查明夏廷樾足疾是否痊

愈朱孫詒散勇何時可以招集迅速撥派兵勇催令

該二員統帶赴江為劉長佑蕭啟江各軍後路聲援

以期厚集兵力至王鑫一員帶勇素稱得力並著略

秉章察看情形如該員病能痊愈仍遵前旨添撥兵

勇飭令由茶陵州進勦蓮花廳吉安府一帶以資策

應

略秉章又奏言上年武漢復陷後臣調候選道

江忠濟統帶楚勇駐防岳州兼堵崇通之賊十

聖朝聖學卷之五十五

十二

一月通城復陷江忠濟隨派千總徐以祥等帶

勇往勦擒獲賊目簡金堂等正法收復通城搜

斬土匪旋擊崇陽沙坻之賊擒斬三百餘名將

拔營回岳而通城士民紛紛願留徐以祥等遂

駐通城先後攻勦大橋等處之賊疊有擒斬武

昌逸賊偽指揮何姓偽將軍謝國俊等帶賊眾

二三千糾合通山興國土匪將撲通城徐以祥

等勇力尙單不能堵禦而通城士民又懇請濟師江忠濟卽帶勇馳赴通城督戰二月初十日賊四五千分三路撲營江忠濟令各勇堅壁勿出踰時賊徧濠邊江忠濟始開營率各勇齊進陣斬騎馬賊目四名賊衆敗走沿途追殺斃賊六七百名內有騎馬賊目二名生擒楊善城等五十名十三日賊復分三路來撲適從九品黃

欽定剿平粵匪方略卷一百五十五

十三

新祿帶勇馳至賊匪新挫之後又見官軍益增遂翻山竄去僅追斬數十而已自是賊目何姓遂糾合湖北通山興國江西武甯義甯之賊誓圖報復江忠濟以通城不可無兵控扼遂留駐督辦團練冀由通城漸及通山崇陽俾賊不得四竄四月初一日接江忠濟稟報通城圍丁之赴營點驗者一萬五千有餘崇陽通山亦漸有

去逆效順之意初三夜來稟則賊目檢點何姓指揮姜姓等從義甯入通山潛至崇陽率興國通崇之賊八九千於是日辰刻撲營江忠濟令各勇以七成列隊營外俟中營鼓聲起則齊力猛撲之三呼三進賊之後隊已潰各勇乘之追斬二三百名遙見山岡之賊築壘十餘座急擊之復殺賊數百名毀其四營而還初四日賊仍

欽定剿平粵匪方略卷一百五十五

十四

分三路來撲通城塘湖一帶土匪二三千亦來助勢江忠濟督各營分投攻擊自辰至申殺賊約數百名賊猶不退忽團勇營中火起江忠濟督勇回救賊四面圍之江忠濟左右衝突身受十餘創猶掣佩刀連刃數賊力竭遇害賊讐其屢斬逆目遂被支解楚勇之同死者數百人千總徐以祥固守營盤開放槍礮斃賊最多直至

三更忽大雨如注敵聲始息而全營勇丁無一免者 臣接岳州府平江縣各探報即飛札同知

銜曾國華知縣劉騰鴻參將普承堯湖南即補

同知吳坤修等由咸甯蒲圻便道進剿另調都

司余星元等率兵勇二千二百餘名屯駐岳州

其由通城敗潰之楚勇一千餘名及駐岳州楚

勇八百名概行裁撤 臣查即選道江忠濟係江

聖朝臣方略卷百五十五

十五

忠源之弟江忠源兄弟凡四江忠源居長次江

忠濬次江忠濟次江忠淑均帶勇立功而江忠

源江忠濟先後殉難事尤可憫江忠濟賦性樸

直臨陣勇敢屢著戰功忠義出於至性 臣已飭

平江紳士設法覓獲忠骸棺殮回籍可否籲懇

恩施照臬司陣亡例

賜卹千總徐以祥原係江忠源舊部勇敢樸實此次力

守孤營斃賊最多力竭捐軀實為可惜可否照都司例議卹之處出自

天恩江忠源曾奉

特旨許立專祠江忠濟徐以祥應請一併附祀以昭激

勸奏入

上諭內閣曰湖南候選道江忠濟駐守岳州堵剿湖北

崇陽等處賊匪上年十一月通城失守江忠濟派千

聖朝臣方略卷百五十五

十五

總徐以祥等帶勇攻克復親赴通城督戰本年二月初十三等日疊有斬擒四月初三日賊匪大股撲

營又被殲斬數百名並毀賊營四座初四日賊分路

來犯圍繞各營江忠濟派隊攻擊自辰至申斃賊無

數賊猶不退遂致力竭遇害徐以祥固守營盤同時

殉難道員江忠濟賦性忠義疊著戰功茲以越境剿

賊力戰陣亡深堪憫愼加恩著照按察使例賜卹並

賜卹千總徐以祥原係江忠源舊部勇敢樸實此次力

准其入祀江忠源專祠其隨同被難之千總徐以祥著照都司例賜卹准其一併附祀以慰忠魂

駱秉章又奏言上年四月賊陷東安縣城臣飭

官軍嚴扼衡州寶慶賊竄之路札委在籍訓導

江忠淑募勇二千赴東安會剿維時郴桂告警

巴平戒嚴武岡衡陽土匪竊發兵增餉竭江忠

淑奉札募勇其母陳氏以所生四子均被

聖皇聖后略卷五十五

七

天恩先後湊捐錢一千串銀一千兩零以資其行又懸

賞錢六千串以鼓勵各勇用能殲除醜類保固

城池查原任安徽巡撫江忠源殉節廬州已蒙

恩照總督例賜卹江忠源故父歲貢生江上景存母陳

氏均未得有

封典可否仰懇

天恩給予江忠源父母三代一品封典之處出自

恩施奏入

上諭內閣曰原任安徽巡撫照總督例賜卹江忠源之

母江陳氏當伊子江忠淑募勇需餉之時毀家捐餉

鼓勵軍心洵屬深明大義忠悃可嘉著給予江忠源

父母三代一品封典用示朕推恩錫類之至意

二十七日

癸未

德興阿翁同書奏言臣德興阿翁

同書親督總兵提玉斌等由東西兩岸分路進

聖皇聖后略卷五十五

六

攻瓜州行抵濠邊賊見官軍環集堅伏巢內密

開槍礮我兵佯退潛伏僅以數百人誘賊出巢

賊見官軍勢單即由馬橋出敵伏兵盡發賊即

駭走官兵追殺十餘名賊遁入牆內轟礮拒敵

溝壑重重驟難飛越始行撤隊至江浦界連儀

六又為江皖咽喉斷難任賊久踞穆克登額等

帶兵分路向江浦進攻直薄城下踰溝拔樁火

箭噴筒齊發撲近西北賊營斃賊二百餘名馬

步隊分打各門亦斃多賊自辰圍攻至午收隊

回營此次六合練勇作為頭敵頗為出力因調

溫紹原暨副都統富春來儀密授機宜當派總

兵羅玉斌協領富明阿等帶馬步隊及六合練

勇剋日往攻江浦復飭穆克登額等帶兵攻九

洲以分賊勢部署甫定旋接向榮來咨以逆

聖朝專集卷五十五

十九

聖朝專集卷五十五

三

賊數萬圍撲金陵大營勢甚危險請飛速撥兵

渡江援剿前來 臣等再四熟商將派防儀徵之

直隸官兵四百名令遊擊石皓管帶兼程迅赴

江南助剿又以鎮江賊氛稍緩令余萬清將江

北前撥兵勇一千七百餘名交已革總兵李志

和統帶由間道馳赴金陵暫歸向榮調遣 臣等

仍不時飛探擬俟日內江浦得手即就近再撥

兵勇渡江助剿奏入

上命軍機大臣傳諭向榮福興德興阿翁同書曰此次

官軍進攻瓜州雖經誘賊出巢而所殺逆匪無多剿

辦尚未得手著德興阿等設法迅攻不得以逆眾溝

塹難踰任令久踞其江浦縣城業經穆克登額等分

路進攻並六合練勇斃賊甚多著即飭令羅玉斌等

剋期會攻並撥兵攻打九洲以分賊勢至向榮存

營兵力單薄加以逆賊數萬圍撲大營實屬萬分危

急現經德興阿派遊擊石皓管帶直隸官兵並令李

志和統帶兵勇由間道馳赴金陵助剿當可聯絡聲

勢惟逆氛甚熾尚須厚集重兵著俟江浦得手迅即

再撥兵勇渡江接應至合攻金山水陸並進務當密

約定計毋使賊匪知覺豫有防備甯國溧水能否即

時克復並近日金陵剿匪情形著向榮等迅速馳奏

同日軍機大臣奏言自粵匪竄擾長江卽經奉
旨通行團練果能人自爲戰家自爲守團練必能得力
今則實心任事者少甚至土豪劣董借名科斂
一旦有警賢者尙知效節不肖者相率潰逃且
有奉

旨派辦團練之巨紳而潛蹤他處者以此見任紳不若
任官也况如河南以團練委之於民遂啟聯莊

聖皇聖考卷一百五十五

三

之患其必以官率紳以紳勸民而後如指臂之
聯爲一氣可知也爰考唐乾元初置團練使大
者領十州小者三五州代宗時命刺史悉帶團
練使宋置諸州團練使元置團練安撫勸農使
明以團練諸務設按察使兵備道分統之古制
具在可斟酌而行也臣等公同商酌與其別設
一官不如倣唐時刺史帶團練之制令知府直

隸州兼之至按察使兵備道前明本分統團練
使事務今應仍兼團練請以按察使及各項道
員均兼督辦團練銜知府直隸州知州均兼辦
理團練銜統率州縣實力團練其有地方遼闊
按察使道員不敷分轄者准添設三四品官員
分督團練帶兵防禦率屬巡查每省不得過一
二人其添設之員或請

聖皇聖考卷一百五十五

三

旨簡放或由該督撫保奏候

旨錄用各以本官兼督辦團練銜如非實任人員請由
部議給廉俸以示體恤謹將整頓事宜酌擬數
條恭呈

御覽一近賊之府州縣分上衝次衝上衝者附近軍營
由營撥兵協守卽歸管帶不另派將弁以一事
權如賊匪大隊衝突統兵大臣仍須遣將馳救

次衝則團練鄉兵協同該營汛防守以省兵力而免煩擾一殘破州縣及甫經收復之城民人遷徙空虛無憑團練應於附近完善州縣或本境完善村莊爲團練立腳之地然後招集流亡漸次推行仍由地方官保舉公正紳士爲團總團長立功者卽予奏獎一不教之民難以禦寇訓練事宜責成州縣會同營汛辦理督辦團練

聖朝集略卷五十五

三

及協理團練之員巡行校閱分別勸懲一此方有警鄰境各府州縣切須互援賊退仍各守本地其非鄰境不得擅自徵調及貪功冒進一禦賊之法無過堅壁清野惟地方情形不同若鈔撮舊文行之或有窒礙轉多藉口但須選用得人其應如何設法團練之處悉聽斟酌辦理如能力戰退賊城鄉完善者一二次奏請獎勵三

次者知府與道一體升轉直隸州知州與知府一體升轉知縣與知州一體升轉俱先換頂戴仍留本任若城池雖未失陷而附近村鎮爲賊蹂躪過多者亦應分別降斥仍令帶罪自效一現辦團練之上衝次衝府州縣一應捐輸雜派悉予蠲免各量地方情形勸民捐辦團練之費器械錢穀各從其便此方所捐專爲此方之用

聖朝集略卷五十五

三

他處不得挪移仍按所捐之數與報效軍需者一律奏獎其殘破州縣甫經收復者暫由糧臺籌給一戰守之要莫先斥堠稽查之法莫善保甲如果實力奉行賊蹤雖甚詭祕繞越偷度何難覺察勾引接濟何難斷絕今後各衝要處所責成該府州縣各就地方情形廣設斥堠力行保甲以杜勾結然須假以事權方能號令嚴明

人知畏法請嗣後辦理團練各州縣孳獲奸細
審明後卽行正法其有奸民偷賣火藥米糧接
濟賊營及團勇擾害良民搶掠行兇情同盜匪
者均卽行正法此外罪名仍照例辦理一司道
中應以何人兼團練何員分轄何地使各有專
責應請

旨飭下各督撫酌量情形奏明辦理其州縣有屢次立

欽定剿平粵匪方略卷一百五十五

三

功升至知府或同知直隸州者准其兼協理團
練銜以示優異而資得力一司道既兼團練應
由附近軍營或本省督撫撥給兵練以資巡守
軍務告竣酌量裁撤此項兵練毋庸設爲定額
一府州縣旣各有團練之責斷非庸材所能勝
任請

飭下各督撫慎選守令據實保奏凡上衝次衝之地不

拘資格務在得人行之一年

皇上卽可以所保之優劣定督撫之賢否以行賞罰一
軍中首重火藥近聞各營兵勇有將火藥抵買
食物而貿易奸徒卽以售與賊營者此事所關
非細應請

旨嚴飭統兵諸臣確查密訪如有偷漏火藥私賣與賊
或抵買食物者立即正法糧臺製造火藥委員

欽定剿平粵匪方略卷一百五十五

三

及帶勇各員弁能自行查出者免議失察者嚴
參以上各條應請

旨飭下湖北湖南江西廣西河南安徽江蘇浙江各督
撫各就地勢實力辦理

軍機大臣又奏言據章京王錫振呈稱團練辦
賊實爲至善不易之法謹擬十條以備採擇一
曰團保團練之法必先保甲州縣編查保甲旣

成然後計若干牌保而爲一團每團設立團總團長卽於各牌保中擇士民之賢能者爲之通一州縣若干團練丁若干人連環保結造冊由州縣申詳各道以憑查驗二曰練丁團保旣成近賊地方或衝要州縣於各團丁中擇其尤爲壯健者若干人爲練丁加之訓練量其地之廣狹貧富而定練丁之多寡練習旣成再由州縣

欽定四庫全書

卷五

造冊申報各道以備守戰三曰捐儲凡有練丁處所須各量地方情形捐出銀錢米穀器械軍裝各供本處之用並由各團總長自爲經理至其地方殷厚能於團練經費之外捐積米穀或捐助軍餉者仍歸各省捐輸案內辦理四曰守助一州縣中何處有事本團練丁自守各團互相策應一道中何州縣有事本處練丁及鄰近

團練皆相應援惟有賊踞地方四圍州縣團練無論是否一道員之所轄必當卽時聯合爲一大團交相策應以助官軍之不及其能自成軍當賊一面者又必於各團中推擇材望素優之紳董一二員以統率之五曰巡察每團自巡察各團又互爲巡察平時匪徒之溷跡者奸細之窺探者甚有爲賊接濟鹽糧器具硝磺鉛藥者

欽定四庫全書

卷五

查出匪犯立正軍法舉發者優獎容隱者同坐至於各團是否整齊練丁有無冒濫各州縣自行巡察各道員以時周行巡察其報聞集事後或請

欽使開出巡察六曰形勢用兵之道地利得則事半功倍惟在豫爲修備一旦有事則前堵後截要擊尾追調度裕如至於空濠築壘建堡設礮尤

必豫籌臨時戰守始得所憑藉七曰調募團之
有練原爲地方衝要者言且專爲自守之計其
有地非衝要而民氣剛強地方殷厚之處可以
酌量練出團丁若干候調應募者或衝要地方
練丁無事之時自守有餘願出調募者均由地
方官申明各道督辦團練之員聽候調募此項
練丁均照軍營壯勇辦理八曰經制事必先立

欽定剿平粵匪方略卷一百五十五

三

經制則網舉目張按察使筦一省之總其以各
道專司其事者以本有巡守兵備之責也至團
總團長旣必取之士民則官紳宜並重每府州
縣由各道訪求公正賢能紳士一二人與地方
官會同辦理所有立團練丁捐資調募以及擇
立團總長諸務仍是以官率紳以紳勸民斯情
形畢悉而措置咸宜九曰賞罰官紳辦理團練

有功者破格優獎無實者立予叅劾又必使之
久於其任故叅劾者稍有可原仍留自效優獎
者雖得升轉仍留本任必至事竣方可交替其
舉劾有不當者准各團公揭以聞十日章程各
省團練因時度地各有所宜每道若干州縣辦
理章程悉聽各該官紳自爲酌定其應僅辦團
保者章程若何限期若干可以集事其應團而

欽定剿平粵匪方略卷一百五十五

三

又練者章程若何限期若干可以集事其有練
丁足備調募與官軍協同勦賊或現在應聯爲
一大團者章程若何限期若干可以集事先行
奏聞事集之日再由各省各道督辦協理之員
查驗申明具奏各等語理合據呈代奏一併恭
呈

御覽

同日吏部右侍郎沈兆霖奏言軍興以來已踰七載勞師糜餉迄無已時計惟實行民團庶無俟增兵益餉而賊坐受其困夫集民為團練與招募相似而大不同民團皆有顧惜身家保衛田廬之意果有官紳為之倡導剴切勸諭多方激勵民豈有樂於轉徙甘於從逆者哉請

飭下江南安徽江西浙江湖北湖南各省凡與賊偏近

聖聖聖聖聖

三

及被賊竄擾各州縣各舉公正練達紳士實行民團先清保甲次抽壯丁一月之中訓練三四次或五六次餘日仍聽自謀生理有警則四鄉鳴鑼整眾齊出惟必須官為督率上下一心眾志成城堅不可犯於大局實有裨益
沈兆霖又奏言民團原為捍禦賊氛各衛身家起見其無軍務省分果能一律實心辦理原可

弭亂於未萌無如常人之情不遇緊急難期奮發且恐奉行不善轉滋煩擾臣愚以為非現辦軍務省分祇須嚴查保甲已足防奸團練似可從緩均奏入

上命軍機大臣傳諭各直省督撫曰文慶等奏實行團練任官督率酌擬整頓事宜數條並代奏戶部主事王錫振呈遞團練事宜朕詳加披覽於現在防勦機

聖聖聖聖聖

三

宜頗中切要逆匪飄忽靡常官兵徵調有數團練得力則人自為戰家自為守使賊黨日孤盜糧漸絕然後繼以兵力方無顧此失彼之虞所謂以民助兵以堵為勦制賊之法未有善於此者現在湖北湖南江西廣西河南安徽江蘇浙江或被賊竄擾或逼近賊氛自應趕緊舉行團練著各該督撫各就地方情形酌量辦理司道府州既各有團練之責固當擇賢而

任至州縣爲親民之官民心之向背視州縣之賢愚亦非碌碌庸才所能勝任該督撫等辦理團練當以得人爲先務著將擬辦章程先行具奏至團練皆土著之民異於招募不得以無賴游民充數致啟弊端故欲行團練必先嚴保甲使奸宄無從溷跡而後同心敵愾衆志成城所屬各員及紳民之充團總團長者如能實心辦理著有成效准各督撫據實保奏朕

欽定剿平粵匪方略卷一百五十五

三

必立予恩施儻或藉團練爲名苛派勒捐侵漁肥己卽著嚴叅治罪當此用兵日久師老餉匱該督撫等務各激發天良盡心籌辦使小民自衛身家不受遷徙流亡之苦紳士共明大義各矢同仇偕作之心以期早殄逆氛同登衽席毋負朕諄諄告誡之至意又據侍郎沈兆霖奏請行民團一摺亦以先清保甲爲要務與文慶等奏大略相同其另片奏非現辦軍務

省分雖不盡行團練亦當嚴查保甲所奏不爲無見並著各督撫一體遵行

欽定剿平粵匪方略卷一百五十五

三

欽定勦平粵匪方略卷一百五十六 丙辰年

六月初一日 丙 湖北提督向榮西安將軍福興

前長蘆鹽運使彭玉雯奏言逆匪自攻陷溧水

後經臣向榮派張國樑帶兵馳往溧水會同明

安泰勦辦其時鎮江竄回大股之賊於太平神

策各門分股屯踞五月十五日先由龍脖子出

賊數千窺伺前敵各營並在大小水關一帶築

聖皇聖曆卷一百五十六

十一

壘當派副將王浚等分路進攻將賊擊敗復有

上游賊眾二萬從蕪湖金柱關一帶陸續竄回

金陵屯踞北鄉與大水關之賊聯絡並於黃馬

羣路口添築二壘當飭張國樑抽帶兵勇趕回

大營一面札飭總兵虎嵩林遊擊張玉良等各

調兵勇均赴大營策應並密飭都司馮子材帶

廣勇五百名潛赴黃馬羣地方將該逆新壘焚

燬斬殺二百餘人十七日逆匪四五千人直撲

仙鶴門營盤王浚李定太李若珠等整隊迎勦

該逆復突出數千分股包抄我軍眾寡懸殊旋

戰旋退該匪即乘勢攻撲將仙鶴門營盤圍困

臣復抽派兵勇交遊擊李鴻勳帶往援勦該逆

始行退去 臣福興以賊勢過眾親往青馬羣地

方連夜趕修營盤堵其內竄詎該逆分十數股

聖皇聖曆卷一百五十六

二

來撲張國樑督率兵勇奮擊斃賊數百名忽紫

金山賊股撲犯山腳營盤南門及通濟門又出

賊數千直撲七橋壘捷勇營盤該勇存營不及

三百其勢甚危 臣向榮親統官兵策應併力截

殺我兵無不以一當百斃賊甚多戰至午時張

國樑一軍火藥鉛彈俱盡該逆抵死不退張國

樑匹馬衝殺立砍黃衣賊首三人副都統德崇

額槍斃悍賊多名適另股四五百人翻山圍撲馬隊營盤縱火焚燒以致各營相繼失陷逆眾數萬卽圍撲大營其時徧地皆賊我軍於賊隊之中往來鏖戰斃賊不下數千人張國樑直衝賊隊左腳被槍子打傷仍復拚命力戰參將陳明志都司戴文英李振甲劉秀珠等均不知下落兵勇傷亡亦不下千餘人該逆復分股至小

聖皇聖方略卷百三十六

三

水關高橋門一帶查高橋門爲大營後路萬一

被賊占踞則我兵腹背受敵營盤旣失祇得將全軍退至涇化鎮整隊扼守臣軍兵力本單今因連日苦戰死傷不少必須整頓休息調集兵力方可再圖進剿惟該逆人數旣衆久已垂涎蘇常設再竄至句丹乘勢內犯則大局不堪設想臣等以丹陽爲內竄要道情形喫重卽令拔

隊分起馳赴丹陽將城守一切布置設防並於城外擇地趕築營盤俾資戰守一面將秣陵關一軍調至溧陽歸總兵明安泰調遣併力防堵以扼內犯之路並將石埠橋棲霞仙鶴門各軍卽令總兵德安帶赴白土一帶防守句容原設兵勇一千二百名今於丹陽抽撥勇壯一千五百名前往協同防守以期保固東南大局惟臣等日久無功今復將營盤失陷請

聖皇聖方略卷百三十六

四

旨將臣等從重治罪以儆戎行奏入

上諭曰向榮久歷戎行素諳機宜雖賊多而悍何至如此大挫展布全無殊屬辜恩著奮勉以補前愆趁此梟獍萃集未必不轉好機會爾若豫存拏問發遣以遂脫離之心是真喪良也料爾或不出此

上命軍機大臣傳諭向榮福興余萬清德興阿翁同書

曰上下游接賊糾合金陵逆眾數萬於神策太平門外屯踞圍撲我軍營盤因眾寡不敵以致失陷退保丹陽此時賊勢猖獗已極向榮等遇其內犯固為保全大局起見尤應重整兵威力圖進剿藉以牽制賊勢若僅株守丹陽一蹶不能復振則該逆愈無顧忌况甯國溧水尚為賊踞內犯之路不止一處更恐顧此失彼該大臣等營壘已定務當奮力出剿以冀轉

聖皇聖考卷五十六

五

敗為功庶可稍贖前罪現在江南大兵已撤逆賊無所顧忌江北情形亦極喫重前調河南防剿之陝西綠營官兵一千名已諭令英桂調赴揚州交德興阿等相機布置如江北兵力足敷攻剿而江南尚在需兵再行調往向榮軍營其黑龍江餘丁五百名到場後即交德興阿等調遣向榮現駐丹陽距大江已在百里以外所有紅單各船恐難兼顧著德興阿翁同

書余萬清分飭上游各船攻剿觀音門一帶賊船下游各船攻打瓜州金山等處以分賊勢使不得全力內犯亦不敢分股北竄俟向榮統兵前進重整軍威仍由南北聯絡再籌剿辦之方今當官兵新挫逆賊方張該大臣等務須同心協力謀勇兼施冀早挽回大局以慰朕懷

上又命軍機大臣傳諭怡良趙德轍曰金陵大營相繼

聖皇聖考卷五十六

六

失陷向榮收集各軍扼守丹陽蘇常情形萬分喫緊怡良總督全省責無旁貸著即妥籌布置仍遵照前旨迅飭宜興荆溪各處地方文武嚴密防範並通飭蘇常各屬查拏奸細毋令勾結貽患向榮軍營兵力甚單趙德轍曾任江甯府知府熟悉金陵民情如能將秣陵關溧化鎮一帶民團聯絡以輔兵力之不足該署撫即可出省為向榮後路援應該民團果能奮

勇立功卽著奏請優獎著趙德轍酌度情形相機妥辦

上又命軍機大臣傳諭英桂曰向榮營盤被陷退扼丹陽蘇常情形甚爲喫重卽江北一帶亦恐逆匪生心北竄前諭英桂調赴金陵之陝西綠營兵一千名已據該撫奏籌給軍裝飭遊擊興貴等帶由永城前往現在向榮已移紮丹陽著英桂飛飭該遊擊將此項

聖聖聖聖聖聖聖聖

七

官兵改赴揚州德興阿軍營聽候該大臣調撥其黑龍江馬隊餘丁五百名亦已諭令全數撥往揚州並著英桂迅卽飭令起程勿再延誤

上諭內閣曰此次逆匪糾衆圍撲向榮一軍雖因屢經抽撥兵力過單究屬調度乖方辜恩溺職湖北提督向榮著卽革職拔去花翎仍留欽差大臣督辦軍務西安將軍福興著革職留任拔去花翎仍幫同向榮

奮勉立功以贖前愆其不知下落各員弁並著查明具奏

初二日丁亥何桂清奏言五月初一日鄧紹良督兵進攻甯國踞賊逆衆伏巢不出初二日總兵都隆阿移營板橋該逆出隊來撲兵勇迎勦殲擒多名初八日鄧紹良督飭侍衛胡鳳鳴等進攻該逆數千由大東門小東門撲出我軍分路

聖聖聖聖聖聖聖聖

八

迎擊守備石玉龍等首先衝入賊隊立斬悍賊數名賊勢頓挫我軍槍殺斃賊數百名該逆復從南門撲出千餘人亦被我軍擊退斬俘無算鄧紹良復與都隆阿分兵進紮夏家渡詎孫家埠附近之水東鎮趙村等處奸民私立天罡會名目聚衆從逆欲抄我軍之後都司銜申明照率勇防守營盤俟其偏近擊斃賊匪三四百名

鄧紹良派胡鳳鳴等飛奔救援槍礮齊發轟斃
 千餘名該逆潰竄申明照嚴受箭傷猶鼓勇追
 殺斃賊二三百名溺斃者數百名是日郡城之
 賊分黨出竄欲圖接應都隆阿扼守板橋賊不
 能越仍復回巢鄧紹良以奸民結會從逆法所
 不容但經此次勦辦已足以壯軍威且各村鎮
 宛屬良民多而莠民少當經撰具告示曉以大
 義並因孫家埠僅有申明照一軍亟應稍增兵
 力復令把總田俊帶楚黔勇三百名折回孫家
 埠協防十二日賊匪窺伺夏家渡營盤當經擊
 退十三日賊眾數千直撲同知徐慮善營盤守
 備楊國正首先迎敵適五里亭援兵趕到分投
 衝殺該逆紛紛潰奔我軍追至張公橋擊斃逆
 匪二百餘名落水死者二百餘名現仍飭督率

聖朝聖略卷百五十六

九

聞

將士相機進勦早日克復郡城奏入報
 初三日戊子德興阿翁同書奏言查浦口洲地之
 賊近日頻出侵擾經安勇等帶勇進勦奪賊浮
 橋二座縱火焚燒賊卡七處奪獲船隻礮械甚
 多五月十九日復進攻江浦行至十里橋遇賊
 數千我兵一面拒敵一面分兵前進斃賊無算
 其九洲洲賊援經我兵截殺一百餘名該逆大
 敗狂奔官軍乘勝追勦直薄江浦城下敗賊四
 散奔逃掩殺四五百名生擒長髮老賊敖光越
 陳有波二名二十三日富明阿等聚齊馬步各
 隊先攻江浦北門外賊壘該逆突出與我兵刀
 矛相錯兵勇拔樁越濠槍進放火焚其蓆棚該
 逆拚死撲出被馬隊抄截追殺立將逆壘二座

聖朝聖略卷百五十六

十

毀平賊向東南奔竄計殺賊三百餘名臣等仍
嚴飭各軍剋期攻克

同日宗人府府丞宋晉奏言金陵大營失陷向
榮兵力不支情形危急現雖分路撥兵仍恐緩
不濟事因念本年浙江所雇護送海運之火輪
船轉動迅速礮械堅利水面攻勦較之紅單船
尤為猛迅現聞江浙海運米船均已到津火輪

船無所事事可否請

飭江督浙撫行令徑由圖山關入江焚攻金焦一帶賊
船風便數日可到先將瓜州攻克再由儀徵而
溯浦口力勦北岸賊匪與六合諸軍相為犄角
則江甯鎮江對岸賊匪節節防我必不敢離巢
東竄是不特解江南之急卽江北亦愈就清謐
矣現聞有紅單船二十餘隻自粵來江德興阿

向榮有各為分撥之說臣思兵力合則見厚分
則見單應請

飭下德興阿向榮將紅單船併歸一處力扼蕪湖江面
乘夏令風熱之時盡力勦洗如能將蕪湖克復
則已俯賊之背甯國且不攻自退矣至現雇之
火輪船祇有二隻尙覺稍單似可多雇數隻較
為得力惟駕駛控制必須才識兼優乃心國事

之人方能辦理無弊臣聞浙江候補道繆梓甯
紹台道楊裕深歷次辦理海運於沙船商人情
形極為熟悉又留浙道員金安清辦理茶局釐
務往來上海亦能洞悉外洋商情此三員皆才
識精敏遇事不辭勞怨可否請

旨飭下兩江督臣浙江撫臣將雇船事宜責成此三員
辦理均奏入

上命軍機大臣傳諭向榮德興阿怡良趙德轍何桂清

曰據宋晉奏江南情形危急請飭護送海運之火輪

船入江勦賊並紅單船一項請併歸一處力攻蕪湖

所奏不為無見此項護送海運之火輪船前據向榮

等奏俟護運事竣飭調入江助勦現在護送海運業

已竣事火輪船入江之舉正在此時著怡良趙德轍

何桂清即行飭知帶船各員迅由圖山關入江會同

聖學聖略卷一百三十六

十三

紅單各船聽候向榮德興阿等調度又奏請再行多

雇輪船並責成道員繆梓楊裕深金安清辦理雇船

事宜等語輪船多雇既恐需費不貲又恐船大難於

駕駛前此洋人李泰國呈報有新製小火輪船之語

如能添購數隻較之大號輪船行駛更當便捷著怡

良等妥速會商如事屬可行須由內地官紳管帶應

需經費並著該督撫等妥為籌畫迅速奏聞其繆梓

等三員能否前往上海甯波等處辦理船隻並著何

桂清酌度具奏至紅單等船昨因向榮一軍距大江

較遠諭令德興阿等就近調度本日據德興阿等奏

攻擊金山情形似亦可牽制賊勢現在金陵既無大

軍逆氛必更猖獗南北沿江處所在在堪虞如得火

輪船協同紅單船上下游往來攻勦以挫兇鋒當可

牽制賊眾使不敢深入紛竄該大臣等即妥為布置

聖學聖略卷一百三十六

十四

以速為貴至水師無陸兵相輔而行亦恐勢成孤立

向榮德興阿余萬清各營能否抽兵相助並著會商

妥辦

同日

上諭內閣曰前任福建按察使徐宗幹著馳驛前往安

徽幫同和春福濟辦理防勦事宜

初六日

辛卯和春福濟奏言粵匪自江西下竄甯

國節經向榮分兵援勦金陵大營自形單薄德興阿分救江浦等處力亦稍單此時若得一旅之師出奇截擊使賊回救亦可牽制賊兵惟三河爲廬州舒城廬江往來要衝該逆踞險死守形勢無異瓜州臣和春督攻以來雖疊有斬擒未能迅平賊壘此時裕溪運漕之間添賊萬餘焦湖有賊船數百隻往來接應並搜搶漁船在廬縣製造數千快槳卽不突至三河亦將窺伺廬州兵力祇有此數實已防不勝防臣等連日激勵官兵奮力偪攻斷不任其竄越奏入

上命軍機大臣傳諭和春福濟曰自向榮退守丹陽後金陵一帶陸路無兵逆匪愈肆臨張和春等稱裕溪運漕之間添賊萬餘焦湖有賊船數百隻往來接應又在巢縣製造數千快槳實屬防不勝防等語殊堪

詫異焦湖密運廬州巢縣本有官兵攻勦何以任聽該逆聚眾萬人在彼製造船隻且至數千之多一旦駛下長江爲患不可勝言該提督等何竟不知思慮豫防著卽督飭員弁迅將逆船設法焚燬毋得養癰貽患日後備有快槳賊船駛至大江及由小口竄入下游腹地者惟和春福濟是問徐宗幹於皖省情形究未熟習和春等可酌量委辦事件

和春福濟又奏言臣等查黑龍江馬隊先經分撥兩起赴巢縣防勦本年三月又派一起赴懷遠勦捕捻匪現三河軍營馬隊無多且因餉缺已久馬匹多不足額惟江南兵力單薄自應迅撥以資救援協領輯順所帶吉林五起馬隊二百餘名打仗勇敢素稱得力又遊擊景昌所帶步兵二百餘名於江面情形熟悉臣等已札飭

輯順等管帶馬步兵四百餘名迅速啟行前赴金陵協勦不准逗留奏入報

聞

初八日癸巳向榮奏言查丹陽地方一走新豐至

丹徒鎮一走馬陵至甘棠橋一通植樹岡均係

通鎮之路一由白兔一由句容均可直達金陵

此外尙有小道可通金陵鎮江者實爲蘇杭緊

聖皇聖考卷一百五十六

七

聖皇聖考卷一百五十六

六

要門戶臣已飭總兵張國樑虎嵩林等連日於

城內外布置設防凡扼要處所均已完築營盤

日來軍心稍定辦理已有端倪惟句容地勢散

漫必須多設兵力臣復於丹陽調撥兵勇二千

名令副將西林馳往統率防堵其溧水之賊經

總兵明安泰於十七日進攻頗有斬獲臣現飭

令管帶兵勇馳赴溧陽會同署總兵江長貴將

溧陽金壇東壩內犯之路扼截仍相機進勦溧

水之賊其白兔寶堰地方亦爲內犯之路臣已

酌派兵勇前往駐紮並將寶堰船隻一律驅逐

不准停泊至石埠橋樓霞一軍經總兵德安於

五月十六七八等日出隊救援仙鶴門營盤與

候補副將巴圖督兵禦敵鏖戰三晝夜斃賊數

百因該逆愈來愈多我兵相持至十九日早衝

聖皇聖考卷一百五十六

六

圍而出副將巴圖千總朱得隆奮勇殺賊力竭

陣亡都司姚爵階身受多傷兵勇傷亡不少德

安收集潰兵均已陸續來丹勉爲休息連日探

得金陵逆衆分股逼近句容一帶焚掠兵勇新

挫之餘誠恐難資守禦茲復派李志和統帶勇

丁五百餘名馳往堵勦現在丹陽兵勇陸續到

齊已令總兵張國樑總統諸軍挑選精銳汰除

疲弱並催調軍械以資戰守惟臣營兵勇原有
一萬六七千自抵金陵以來分調各處不下萬
餘存營不及五千現雖有福建漳泉兵勇三千
名及歸德軍營陝甘兵一千名赴調前來而賊
勢臨張官軍控衄加以轉戰頻年疲病傷亡亦
復不少實屬不敷堵剿惟有仰懇

天恩飭廣東督撫挑選得力精兵四千名多配擡槍鳥

聖學聖方略卷一百三十六

十九

槍令提鎮大員統帶兼程前來助剿或由海船
前來更爲迅速至廣東陸路提臣崑壽總兵通
安參將梁顯揚衛佐邦聞皆久經戰陣熟悉賊
情並請

飭令酌派統兵前來更資臂助至前在金陵力戰陣亡
之廣東雷州營參將陳明志貴州古州鎮都司
李發榮永安協都司劉秀珠四川川北都司李

振甲候補副將巴圖廣西提標千總儘先守備
朱得隆並巴圖之子馬甲恩明隨營書識山東
棲霞縣份生郝聯蕙候補守備張德祿均請

飭部照應得升階加等議卹其餘陣亡兵弁暨不知下
落各員弁俟查明另行辦理

向榮又奏言據報逆匪千餘由土橋竄近句容
都司李譜等帶勇迎剿被賊包抄失利退至白

聖學聖方略卷一百三十六

二十

兔地方維時西林張汝琳玉興統軍尙在途中
逗留不進縣城被賊占踞臣當派守備梁克勳
把總李桂芳帶勇前往二十七日賊匪千餘人
直撲白兔營盤經李桂芳等帶隊迎剿鏖戰時
許李桂芳直衝賊隊手刃執旗賊目數名賊遂
不支我軍乘勢壓下賊衆奔潰追殺六七里斃
匪百餘名餘賊遠颺把總李桂芳屢立戰功此

次於官軍新挫之餘首先衝殺挫賊兇鋒仰懇
皇上天恩准將李桂芳以守備儘先補用並

賞換花翎以示鼓勵至帶兵逗留之四川懋功協副將

西林浙江處州遊擊張汝琳候補都司玉興與

遇賊即潰之候補都司李譜均屬怙怯無能相

應請

旨將西林降為守備張汝琳玉興李譜均請革職留營

聖朝聖方略卷一百三十六

三

責令立功贖罪奏入

上命軍機大臣傳諭向榮曰前調福建兵三千名已由

邵武至撫州雖距江南較遠較之廣東兵到尚為迅

速著該大臣即行催提以資攻剿至丹陽地方為蘇

杭緊要門戶我兵業已完築營盤收集兵勇惟甯國

溧水尚未克復而句容又被賊陷內犯之路幾不勝

防該大臣於丹陽一帶布置既定仍當激勵弁兵以

勦為防毋得株守一隅以致較長莫及難資控馭

上又命軍機大臣傳諭葉名琛柏貴曰向榮所統兵勇

前因抽撥過多值金陵各路梟獍紛集以致大營失

陷該大臣退紮丹陽恐兵單不敷堵剿著葉名琛柏

貴於廣東各標營中挑選得力精兵四千名多配擡

槍鳥槍兼程前赴江南助剿如能由海道行走較之

陸路更為妥速著葉名琛等迅速商辦至統兵大員

聖朝聖方略卷一百三十六

三

向榮擬請飭令提督崑壽總兵通安及參將梁顯揚

衛佐邦等帶兵前往現在廣東各路漸次廓清能否

即令該提鎮等前往丹陽之處並著葉名琛酌量調

派迅速奏聞

上諭內閣曰候補副將巴圖廣西提標儘先守備朱得

隆並巴圖之子馬甲恩明隨營書識山東棲霞縣僧

生郝聯蕙廣東雷州營參將陳明志貴州古州鎮都

司李發榮永安協都司劉秀珠四川川北都司李振甲及候補守備張德祿均係與賊血戰陣亡著一併交部照該員等應得升階加等議卹

上又諭內閣曰逆匪由土橋竄近句容候補都司李譜等迎勦失利副將西林等或逗留不前或遇賊潰敗以致縣城被賊占踞副將西林著以守備降補遊擊張汝琳都司玉興李譜均著革職留營以觀後效至

欽定剿平粵匪方略卷一百三十六

三

官軍退守白兔地方逆眾纒擁來撲經把總李桂芳直衝賊隊手刃執旗賊目數名賊眾奔潰我兵追殺斃匪百餘名賊遂遠遁李桂芳著以守備儘先補用並賞換花翎

向榮又奏言據委員江西候補知府王曾樾等稟稱隨營糧臺總局設於大營之後其餘支應各省官兵分局亦俱設附近營盤之孝陵衛街

五月十八日該逆數萬分撲各營官兵迎勦被圍連將衛街民房焚燬糧臺總局分局亦均被焚護臺壯勇僅五百人不能抵禦當即潰散查月餉向多掛欠所到之銀隨收隨放局中並無存留惟有寄存代發上游紅單船之餉銀五千兩致被燬失又備支雜項錢文尙有五百餘千並存局中文冊鈐領攻城器具亦被燬失此外

欽定剿平粵匪方略卷一百三十六

三

尙有米局所收清米千餘石亦被焚燒臣覈查屬實現飭各員迅速清查辦理奏入

上諭內閣曰糧臺總局分局被焚並將米石燒燬該員弁等救護不及實難辭咎所有辦理糧臺之前任鹽運使彭玉斐及委員江西候補知府王曾樾均著交部議處

向榮又奏言鎮江逆匪大股屯踞南門五峯口

及摩旗磨盤虎頭等山十五日余萬清令副將
 站在督勇由丁卯橋銜枚前進先令奮勇勇丁
 十數人偷近賊濠乘夜放火五峯口賊營火起
 該逆正在撲救我軍衝入逆眾奔竄立將賊壘
 踏毀後面兩營之賊見前營已破亦棄壘潰奔
 各軍分路追剿斃賊無算時摩旗等山賊壘各
 出接應官軍分隊截擊槍礮環施逆勢不支敗

聖朝聖略卷百五十六

五

奔回壘是日計燬賊營三座傷斃賊匪五六百
 名奪獲槍礮旗幟刀矛百數十件臣已添派兵
 勇一千二百名前往扼紮丹徒鎮為京峴山後
 路聲援奏入報

聞

初十日未乙曾國藩文俊奏言前因江西軍務緊
 急奏調廣東援師蒙

恩派重兵五六千人臣等亦屢次函咨迄今未接回文

每念贛州天險為古來必爭之地非得廣東厚

援終恐不免疏虞道途久梗呼救無從顧懇

天恩飭下廣東督撫先撥一二千人星速踰嶺保守贛

州先據上游俟大隊全集再圖入援吉安不獨

江西之幸亦廣東之先著也奏入

上命軍機大臣傳諭葉名琛柏貴曰前因江西吉贛一

聖朝聖略卷百五十六

五

帶與本省道路梗阻屢經諭令葉名琛等調兵五六
 千名交提督崑壽統帶前赴贛州援剿嗣閱該督等
 奏報於未奉諭旨之先已派總兵壽山帶兵一千五
 百名從九品孫福同等帶勇一千八百名越境赴援
 本日據曾國藩文俊奏贛州道途久梗請飭廣東先
 撥兵勇一二千人星速踰嶺先據上游力保贛州再
 圖進援吉安自係未知粵省業已調兵此時江西南

路專待援於廣東必應如前降諭旨全數派往方資得力惟現在江南情形萬分緊急昨諭該督等撥兵四千名兼程赴援並酌量調派崑壽等統帶前往亦屬刻不容緩恐粵省兵力不敷所有派援江西之兵業經撥往三千餘名此外如尙未起程卽著暫緩先將向榮所調四千名飭令速赴江南毋稍耽延此兩路兵勇派出後如果粵省兵力尙敷調派仍著續行

欽定剿平粵匪方略卷一百五十六

三

調赴江西補足原調五六千名之數以期得力

曾國藩文俊又奏言臣等前派彭玉麟帶水師四營駐紮吳城劉于瀆帶水師二營駐紮市汊劉于瀆以豐城不復不能保全市汊四月初十日督船直指豐城連日攻勦未能得手二十日乘夜攻城牽制賊匪一面親督三板十號從西岸暗渡派千總李逢春等督帶哨勇登岸各持

火器直撲南門外賊營登時火起賊卽退走我

勇隨後追趕復燒賊隄內營盤並將四門戰船

調齊轟擊賊疑陸軍已至不敢駐足悉往樟鎮

上竄計斃賊二三百人克復縣城又據彭玉麟

稟稱五月十三日賊船四十餘號擁上犯將

近望湖亭彭玉麟派兵分投迎截鏖戰逾時轟

斃賊匪數十名賊始敗退我軍乘勝追殺燒燬

欽定剿平粵匪方略卷一百五十六

三

賊船四隻查水師各營分駐要地均尙得力祇

以西岸數百里無一陸兵水軍不能獨樹功績

劉于瀆專用水師克復豐城額懇

天恩准臣等酌保數人以示鼓勵奏入

上諭曰賊先竄出焉得謂克復姑念其打仗奮勇著准

其酌保數人

曾國藩文俊又奏言都湖彭建之賊常有窺伺

饒州之意者齡兵勇僅二千餘人軍勢實形單薄臣等因派都司畢金科帶陸兵一千名都司金世蓮等帶水師千人前往饒郡聽候該道調度三月十七日賊合大股進犯十六都地方團首陳鴻烈軍功趙德溶等率勇出隊斃賊五六

聖朝聖略卷二百五十六

三九

卒傷亡四十餘人次日整隊復出用噴筒火彈焚燬賊踞民房燃其火器局該逆蒼黃四竄我軍乘勝跟追傷斃賊黨五十餘名追偏落水死者百餘名奪船十餘號自此以後該逆退屯都昌之張家嶺鄱陽境內為之一清該道相度地勢以章田渡響水灘十六都三處最為緊要派撥陸勇水師分屯扼守令畢金科所統千人駐紮童子渡互相控制詎都昌湖口逆匪於五月

初六日直撲十六都團勇失利遂退至章田渡東岸併力守禦初九日聞賊將自荻溪灘渡河康國器等出隊河干禦之立將賊船擊沈湯家嶺營內之勇乘勢過河追勦章田營勇繼之伏賊突起我軍眾寡不敵仍回東岸惟前隊湯家嶺營勇傷亡百餘人營盤陷失自此西路要隘響水灘十六都章田渡三處均被該逆占踞十

聖朝聖略卷二百五十六

三九

五日該逆於章田渡搭造浮橋將撲童子渡營畢金科率兵迎勦遇賊我兵開放槍礮轟斃騎馬賊數名賊即潰敗我兵追偏之際山後旋出伏賊四五千入四面圍撲勢甚猖獗畢金科暨哨長李興隆等奮力抵禦鏖戰逾時賊黨敗北紛紛墜水共擊斃長髮賊六百餘人生擒二十餘名查都司畢金科每戰身先士卒驍勇冠倫

此次獨當一面以少勝多相應顯懇

恩施給予獎勵其餘出力員弁兵勇容臣等酌保數人以勵戎行奏入

上諭內閣曰此次逆賊大股來犯都司畢金科帶兵堵剿以少勝多洵屬奮勉出力著賞給呼爾察巴圖魯名號以示鼓勵其餘出力員弁兵勇著會國藩文俊酌量保奏

聖朝方略卷二百五十六

三

會國藩文俊又奏言四月十一日建昌援撫之賊盤踞油墩等處李元度派兵馳往截擊十四日賊傾巢撲犯左右二營分黨千餘排立隄上接應李元度等分路抄擊殺斃二百餘名周鳳山等截擊西南兩門及隄上隄下之賊均有斬獲二十二二十五等日撲我中營之賊均被官兵設伏抄截斃賊無算我軍亦有傷亡二十六

日瑞臨援賊三千屯紮西津渡對岸距北門五

里當派兵前往防剿城內賊見我軍出隊離城來撲李進發身先陷陣殺賊數名受傷力戰直抵城下復斃賊多名李元度見西北城空虛督兵進攻胡蓋南等復分路鏖戰賊遂敗奔二十八日賊由北門分二股繞出對岸援賊亦乘勢渡河其時耿光宣堵任上游賊不得渡彭斯舉

聖朝方略卷二百五十六

三

等包抄賊後奮力衝殺約斃三百餘名餘賊折回河干復被張應龍等追逼溺水對岸之賊移船接渡經我軍擊沈賊船十餘隻斃賊四五百人二十九日我軍沿河奪獲賊船十餘隻焚燬三隻並沈其偷渡之船三十日過河搜剿援賊追逐七八里將河岸賊壘三座盡行焚燒奪獲帳房刀矛多件船四十餘隻子藥十餘石五月

初一日探知崇宜交界之棠埠地方及相距十里之秋下地方均有賊盤踞初二日派兵往勦城內之賊傾巢出撲我軍力戰賊匪死傷甚多終不肯退我軍乘虛奪城賊乃退回城上百礮齊轟我軍受傷二十餘人賊之傷斃者亦以百計初五日賊復以全力撲我中營我軍轟斃執大旗四賊追至隄上復斃賊二百餘名又崇宜

聖朝聖略卷二百五十六

三

援賊復踞棠埠搭橋至秋下嘯聚幾二千人我軍往擊行抵秋下兩旁伏賊抄出遂致小挫初七初八初九等日賊屢撲我中營均經擊退初十日秋下援賊二千人糾合城內之賊大舉來撲各分三路圍攻彭大壽大呼過渡唐得升等從港之上下游分途圍殺連斃兇悍賊目十餘人賊始奔潰彭斯舉等過港衝殺賊屍遍野計

殺賊五六百名轟斃三四百名生擒七名查李元度周鳳山督帶楚軍鄧輔綸林源恩督帶江軍進勦撫州大小二十餘戰疊獲大勝祇以該逆倚恃堅城上排大礮瑞臨援賊源源不斷以致郡城未能遽復臣等惟有時加激勵誓復此城以挽大局

聖朝聖略卷二百五十六

三

曾國藩文俊又奏言建昌府城於二月二十九日失陷該知府何斌會同丁憂在籍知府張家駒等招勇一千名與遊擊名謙分帶於三月二十八日收復新城縣復增募勇一千八百餘名督帶進勦四月十五十八十九二十等日疊次打仗俱有斬獲二十七日城內之賊由東南關各出千餘人分撲廟嶺地方名謙等分隊抵禦殲賊數十名並殲斃執大旗賊目賊隊自亂我

軍叢擁而前該逆敗竄入城統計斃賊四百餘人五月初五日廉兆綸派廩生郭守謙帶廣信義勇一千二百名何栻等派教諭袁英帶南豐勇五百人均赴建郡約會各營分路進攻初六日偪城而陣以槍礮仰攻斃賊甚多初七日忽聞西路有宜黃援賊千人將至守備楊錦斌等馳往迎擊該逆不虞官兵猝至棄械而奔我軍

欽定剿平粵匪方略卷二百五十六

三

追殺一百餘人餘賊奔踞山巔我軍收隊賊忽下山追逐武生張榮燮扼住山口楊錦斌回軍合擊殺賊三十餘名生擒五人賊遂竄逸臣等以撫建唇齒相依能破建昌則撫賊之右臂已斷何栻張家駒等當無兵無餉之秋尙能招集義旅自成一軍若非由省城另派兵勇助之一旦挫敗則更無出而任事之人於是商定派楚

聞

軍黃虎臣等二千三百人益以九江贛標兵勇千餘共三千五百人於五月十二日行抵建昌卽派張家駒總理營務處與何栻會辦建昌防務期力復堅城肅清東路奏入均報

十五日庚子何桂清奏言向榮退守丹陽將士有

欽定剿平粵匪方略卷二百五十六

三

所統帥人心有所維繫蘇常一帶安堵如常惟新挫之餘門戶卽能保固進取實未易言浙省前已派撥兵勇千名馳往金陵此外無可再調至漳泉兵勇三千名探聞僅有九百人已入江境餘尙不知消息蓋閩省久形疲敝行裝軍實籌措爲難卽使剋日到防而遠勞之師又非久經戰陣軍氣難期振作現在大營精兵健將遠

良派守備張宏得等帶勇前赴該處紮營十七日鄧紹良令都司周萬遠等於西路設伏自率參將蕭知音等由北門前進分路齊攻逆黨出西北兩門抗拒我軍奮力衝殺周萬遠等伏兵齊起斃賊無算都隆阿等於南門外填壕以火罐噴筒拋入城內燒斃逆黨甚眾該逆分股千餘人出城攻撲我軍分投迎勦守備張應超等

聖朝平粵方略卷一百三十六

三

復從旁抄襲斃悍賊多名餘匪潰敗入城查點兵勇傷亡二十餘人十九日鄧紹良飭令千總會得勝等移紮北門大街守備陳再受等扼紮北門乾明寺都司陳國柱等於東北壩口合紮一營該逆分黨二三千人直衝西門而出抄至北門鄧紹良親督大隊迎擊石玉龍首先殺入賊隊立斬黃衣騎馬賊目一名陳再受等跟

縱撲進俘斬斃賊二十餘名斃賊黨一百餘名是日都隆阿督隊攻小東門守備楊國正與周天受合隊攻南門自卯至午我軍以槍礮轟擊逆眾出城抗拒被我軍擊斃甚眾餘黨奔潰回巢各營兵勇亦有傷亡鄧紹良以西門一路空虛飭千總吳再升等移營於北門山梁兼顧西路二十日營壘未成西門突出悍賊二千餘

聖朝平粵方略卷一百三十六

甲

名前來攻撲鄧紹良飛令蕭知音等分左右兩路抄襲自督周萬遠等攻打中路排槍轟擊前隊之賊紛紛倒斃而逆黨愈來愈多蕭知音等兩路截殺又斃悍賊數十名賊遂敗退查周天受全軍進紮南門而西北兩路復經鄧紹良於紅林橋孫家埠各路調派勁旅扼紮新營聲勢聯絡統計圍城兵勇已有萬餘人從此四面環

攻定可得手奏入

上命軍機大臣傳諭何桂清曰現在向榮退保丹陽兵力固甚單薄而往來布置尙有福興張國樑諸人和春督兵廬州該處被陷州縣未復者尙屬不少勢難遠離皖省惟向榮兵單可慮已諭英桂酌撥精兵前往丹陽助勦矣據奏甯國連獲大勝現已進逼城垣如能將甯郡趕緊克復則句容溧水不難次第奏功

聖朝聖學卷三十五

聖

現在賊犯建平浙省固屬喫緊而東壩爲蘇常門戶未可遽撤防兵著與向榮會商布置未可顧此失彼墮逆賊聲東擊西之計廣德建平距丹陽較遠卽著何桂清統籌防勦毋令賊蹤內竄

上又命軍機大臣傳諭向榮曰何桂清奏逆匪窺伺建平秦如虎東壩一軍已馳赴該處以固浙省門戶惟定埠之賊竄至下壩已在東壩後面秦如虎旣與浙

江委員仲孫懋拔營往援建平而東壩爲蘇常門戶

現在何人往守向榮近在丹陽必當兼顧不可稍有疏虞丹陽大營布置旣定向榮仍應督飭張國樑等相機進勦戰守兼籌斷不可因大軍新挫專以株守爲事至前調陝西綠營官兵一千名已馳赴揚州該大臣卽咨商德興阿派令迅速渡江協勦其前調閩廣各兵一時未能卽到已諭令英桂將該營西安馬

聖朝聖學卷三十五

聖

隊一千名酌量抽撥並另選得力官兵一二千名由揚州取道前赴丹陽交向榮調遣該大臣卽飛咨德興阿等一俟河南撥兵過境務卽催令渡江以資攻勦

上又命軍機大臣傳諭英桂曰西安馬隊官兵一千名前經調往勦捻現在捻勢漸衰而向榮軍營存兵甚少自當先其所急著英桂酌量情形或將西安馬隊

一千名全行調赴揚州再由揚取道前往丹陽或因馬隊得力未能卽行全數撥出亦著分撥若干另抽得力步兵一二千名飭令迅由揚州取道前赴丹陽俾向榮兵力稍厚得保江浙完善之區此乃當今急務該撫務當竭力籌畫以顧大局

欽定剿平粵匪方略卷一百五十六

望

欽定剿平粵匪方略卷一百五十七 丙辰年

六月十六日 辛丑 兩江總督怡良署江蘇巡撫趙

德轍奏言據向榮咨稱該逆於六月初二初三

兩日自句容白兔竄至丹陽之五里鋪地方分

股撲營均經兵勇迎擊努力包抄大獲全勝追

殺二十餘里斬擒盈千並將甫紮逆巢概行焚

燬實足大振軍威至溧陽及東壩地方已由向

欽定剿平粵匪方略卷一百五十七

一

榮飭令江長貴明安泰各帶兵勇分駐防堵計

先後調赴溧陽兵勇共六千餘名軍容甚壯臣

又因溧陽下游之宜興荆溪地方無兵駐守於

附近各營內湊撥三百名赴該二縣屯紮歸明

安泰管帶調度現據道員毓彬由溧陽宜荆來

常面稱各處兵勇防堵嚴密鄉團亦極整齊足

扼內犯江蘇候補知府留署句容縣事趙廷銘

在任四年督率鄉團隨同大兵攻勦屢得戰功
民情愛戴現在該縣城被賊占踞例有應得之

咎應請

旨將趙廷銘卽行革職仍暫留署任責令帶罪圖功署

溧水縣知縣周硯銘失守城池咎有應得應請

旨將該署縣周硯銘革職暫行留任責令帶罪自效

怡良趙德轍又奏言宜興荆溪地方突有匪船

聖朝聖略卷百五十七

二

聖朝聖略卷百五十七

三

前來滋擾經知縣王際相許美身會營帶兵調
集民團前往查拏該匪竄入濱塘各軍追擊至
後袁村監生芮禮等率眾直前迎捕殺賊多名
匪船復竄義豐地方該處民團會合出擊將匪
船四隻全行燒燬生員儲炳煥等乘勢追勦共
殺賊二百餘名奪獲槍礮器械多件臣等仍訪
該官紳等嚴密防範毋稍疏虞奏入

上命軍機大臣傳諭怡良趙德轍曰逆匪由白兔至五
里鋪分股撲營我軍大獲全勝焚燬新紮逆巢賊雖
未敢再犯丹陽而通達蘇常之路甚多溧陽東壩等
處雖經向榮派江長貴明安泰就近堵截未知有無
把握向榮軍威稍振自應乘勝追勦步步前進俾逆
賊有所忌憚方可捍衛蘇常但應防隘口甚多兵力
益形單薄怡良近駐常州調度較易著會同趙德轍
加意籌防此時惟有實行團練以民助兵以勦為防
內圍既固而後可戰可守該逆自不敢內犯此次宜
興荆溪練丁殲除外來船匪足見辦團禦侮著有明
效此外各縣均須一律辦理以濟兵力之不及怡良
等務當認真督勸勿稍鬆懈

上諭內閣曰江蘇候補知府留署句容縣事趙廷銘在
任四年尚能督率鄉團隨同大兵勦賊立功惟此次

縣城被賊占踞咎有應得趙廷銘著卽革職仍留署任帶罪自效溧水縣城失守署知縣周硯銘著革職暫行留任帶罪自效宜興荆溪民團奮勇擊賊保衛地方忠義可嘉著該督撫仍飭該官紳等嚴密防範協同官兵堵剿兼施

同日

上命軍機大臣傳諭英桂曰昨因向榮軍營需兵甚急

欽定剿平粵匪方略卷二百五十七

四

諭令英桂將西安馬隊官兵酌量分撥並另抽步兵一二千名均由揚州取道前赴丹陽所調官兵必須領將大員統帶方能得力因思徐州鎮總兵傅振邦曾在向榮軍營尙屬出力現在安徽擒匪漸就肅清著英桂傳知傅振邦令其馳定向榮軍營隨同剿賊英桂所派前赴丹陽官兵著卽交傅振邦統帶前往務須揀選精兵俾資得力其徐州鎮總兵著派史榮

辦
椿署理所有該處防勦事宜卽責成該總兵認真督

十九日甲辰向榮奏言查逆匪自白兔鎮敗退後六月初一日復糾衆七八千人分股來撲總兵虎嵩林等督隊迎勦擊斃多名初二日早賊至丹陽五里鋪一帶屯踞分五路蠶擁而來勢甚猖獗千總程翔蛟整隊迎擊適臣派守備李日

欽定剿平粵匪方略卷二百五十七

五

昇帶隊由中路馳至大呼直前賊之馬隊卽時驚走忽後隊突出賊目數人揮衆抗拒把總馮觀勝督同勇目李善華驟馬直衝均被槍傷甚重我軍齊出該逆拌死不退維時李鴻勳虎坤元等亦分左右兩路衝殺槍礮齊施逆衆紛紛倒地張國樑見中路賊勢較衆卽調後隊分兩路抄出兜擊自領一軍直衝賊隊連砍悍賊多

名逆勢不支卽時奔潰左右兩路之賊見中路
敗走亦卽紛級潰散臣福興指揮馬步分投掩
殺斃賊無算其有撲溝跳塘者均被我軍戮斃
追殺十餘里直至全州鋪賊壘始各收隊統計
是日之戰斃賊四百餘名斬取長髮首級五十
餘顆查該逆經此一挫兇燄稍息惟續來賊黨
甚多在丹陽西南鄉全州鋪丁莊鋪松柏村一

聖朝聖考卷二百五十七

六

帶連立多壘並探鎮逆於初四夜分黨二三千
人由七里店植樹岡薛村已到丹陽之白兔鎮
地方聯絡築壘且白兔離寶堰較近該處有小
河一道內通常州臣復派令總兵虎嵩林統帶
兵勇馳赴距寶堰三十里之珥陵鎮地方紮營
防賊內犯常州之路又探得溧水之賊糾合小
丹陽當塗逆匪數千由毛公鋪太村分竄東壩

之定埠有三路撲犯東壩之謠該處爲蘇浙門
戶僅有副將秦如虎一軍爲數不及二千情形
喫緊已由明安泰就近撥兵會剿臣復派令江
長貴由金壇統帶兵勇一千四百名兼程趕往
會同秦如虎攔頭截擊一面飛咨鄧紹良就近
策應至前蒙

飭調福建漳泉兵勇三千名復經臣等奏調廣東官兵

聖朝聖考卷二百五十七

七

四千名前來會剿茲接何桂清函稱閩省官兵
因行裝銀兩未就一時未能起程聞之實深焦
灼現在江南賊勢猖獗攻剿萬緊懇

恩飭催閩粵官兵迅速起程前來以期重振軍威痛加

掃蕩奏八

上命軍機大臣傳諭向榮福興余萬清曰此次逆賊糾
衆來撲雖經擊退而全州鋪及白兔鎮等處均有賊

壘分布卽就丹陽一路而論已屬防不勝防况此外
內通蘇常之路不止一處卽如溧水一股由毛公鋪
竄至定埠已在東壩東南昨據何桂清奏報又有建
平北門外二十里已有賊蹤之語向榮此次摺內尙
稱派江長貴會同秦如虎攔截東壩之賊不知秦如
虎同浙江委員仲孫懋已離東壩前往建平可見專
駐丹陽於各路聲息轉形稽滯必須進扼金陵重整

聖學聖方略卷一百五十七

八

舊時壁壘方能統馭兼籌此時若暫住東路原爲休
養銳氣仍圖進取惟僅能專顧一隅而於各路布置
未能周密恐中該逆聲東擊西之計總以四路控馭
絕其內犯爲最要關鍵俟軍威稍振仍當進逼金陵
不可被賊牽掣致成鞭長莫及之勢所請閩廣各兵
已疊降諭旨飭催而調到需時尙久本日復諭和春
福濟再行撥兵一千六百名連前撥馬步四百餘名

湊足二千之數前赴丹陽較之閩廣更爲近便火輪
船入江一節前令向榮等酌調助勦卽著咨商怡良
趙德轍何桂清催趨入江並將應備口糧子藥寬爲
籌備與紅單船一併接濟其前此諭令添購輪船亦
著會商各該督撫迅速籌辦至總辦糧臺彭玉雯聞
其年力已邁難保無疏於照料之處著向榮查明該
員是否精力不繼其平日支應一切有無浮濫如果

聖學聖方略卷一百五十七

九

不能得力卽將該員撤回另行委員接辦儘尙無貽
誤亦著據實覆奏

上又命軍機大臣傳諭和春福濟曰向榮大營失利退
守丹陽而句容縣城復陷溧水等處賊匪蔓延及定埠
窺伺建平內犯之路甚多賊衆兵單難資堵禦蘇杭
各屬爲東南財賦之區大局攸關該提督等近在鄰
封豈可擁兵膜視前此皖省情形緊急均由向榮軍

營抽調兵將前來救援今向榮因兵單不振而慮其擁兵雖眾日久無功和春等於請餉則極言兵勇之多至撥兵則又言兵勇之少即如徽甯等屬均福濟所轄地方業已委諸江浙卽池州等屬民皆從賊近日江面水師攻克銅陵擊獲賊船糧石皆係僞脅民間供億此外州縣村莊類此者諒尚不少亦不聞該撫設計搜剿實堪痛恨該處兵勇除撥赴懷遠宿州

聖朝聖學卷二百五十七

十

等處外尙屬不少著和春福濟剋期卽挑選精銳馬步官兵一千六百名連前次派出之四百名共湊足二千名派委得力員弁統帶卽日前赴丹陽交向榮大營調遣不得心存畛域仍以無兵可調爲辭遲延貽誤

向榮又奏言據副將李德麟稟報五月初九日賊在銅陵大通以上徧收米糧封擄民船百餘

隻卽欲裝送金陵並有小礮船十餘隻護解當派把總劉裕安等帶領兵勇百餘名坐駕長龍爬艇數隻並派鹽知事胡恩植等管帶豫勇快蟹三船新募水勇划船十隻連夜盪槳而上次晨行至土橋江面遙見賊船蔽江而下我師退伏於鯉魚套蘆葦叢密處見賊前船將近一齊擁出開礮轟勦該逆亦放槍礮環拒我師分船

聖朝聖學卷二百五十七

十一

包抄賊船驚遁其時後幫賊船見前船有失均卽回竄又經水勇划船飛棹攔截其前快蟹各船追勦於後礮火交施該逆紛紛投水餘船亡命奔竄正在跟追忽見銅陵城內之賊前來接應我師轉棹轟擊該逆抗拒移時勢漸不支兵勇乘勝登陸抄襲賊匪大潰不敢回城斯時城內餘賊亦開東門逃竄我師不便窮追旋卽收

隊入城安撫百姓並將賊館一切全行焚燬惜
兵勇無多未能守城祇得回船東下查水師各
船孤泊上游該士卒猶能疊挫兇鋒斷賊接濟
實屬奮勇可嘉謹將尤爲出力員弁兵勇存記
彙獎一面飛咨鄧紹良將浙省籌備軍餉子藥
就近設法護解赴船接濟並因江面攻勦喫緊
所有上海甯波紳商所購火輪二船現值海運

聖學聖略卷二百五十七

十一

事竣可以借撥入江助勦兼運送上游紅單子
藥於攻勦更有裨益臣現已咨商蘇浙督撫臣
覈飭遵辦奏入

上諭內閣曰此次水師各船停泊上游尚能疊挫兇鋒
斷賊接濟頗資得力所有在事出力員弁兵勇著向
榮擇尤保奏候朕施恩

同日胡林翼奏言武昌援賊在豹子澥等處築

壘掘濠臣抽調三千人及其未定迎擊之五月
十二日遇賊於茶棚李續燾以東路之賊行陣
不整因匹馬衝鋒衆勇隨之殪其前鋒悍賊數
十名賊衆駭愕乘勢掩殺東路之賊遂敗同知
唐訓方等力攻中路中路之賊敗歸西路唐協
和等力禦西路之賊酣戰最久唐訓方等從旁
抄之西路之賊亦遂大敗追奔二十里至二虎

聖學聖略卷二百五十七

十三

井收隊回營計共殺賊五百八十餘名生擒二
十餘人奪獲旗幟槍礮多件十三日偵賊將遁
追至八角嶺賊復遁豹子澥又追敗之遙見賊
數千人從梁子湖濱縱火焚燒民房以數千賊
伏於麥門橋房屋及林木深處湖邊列賊划數
十隻蔭益澧由驛路渡麥門橋先以火箭噴筒
延燒林木及村外積薪伏賊冒火衝出我軍以

劈山礮轟斃悍賊數名賊遂敗潰而湖濱之賊悉眾來援唐訓方擊之斃賊十餘名水賊又飛槳來救李續賓火器突起焚賊舟六隻水陸之賊均潰我軍尾追三十餘里至新店賊忽反旗相向各營奮擊立斃先鋒賊目數十名賊又敗走我軍沿途勦殺行抵葛店賊奪路奔竄自相踐踏死傷甚多計共斃賊數百名臣於附省要

聖朝聖略卷一百一十七

十四

隘均掘長濠防其竄逸二十二至二十九等日城賊疊次出撲均經我軍擊敗殲斃甚多二十九日獲賊間諜知逆賊古澆竄敗匿武昌縣之樊口依戰艦為壘賊目偽指揮鄭添得等復領賊七八千人進踞葛店地方臣選派精銳三千餘人以同知蔣益澧統之令署武昌縣知縣林之華率武勇為鄉導初二日將及葛店蔣益澧

令參將朱品隆等繞出葛店街市後而自領一軍循江岸橫衝賊壘賊見我軍無多分路迎拒哨官劉勝祥等首先攻撲賊壘賊以大礮連環拒敵官兵伏地避之三伏三起搶入賊壘賊即奔竄唐協和率勇邀擊共殺四百餘名蔣益澧獨以湘左營首先撲入左路賊壘殺賊四百餘名其時朱品隆等已繞至賊後焚燒街外賊巢

聖朝聖略卷一百一十七

十五

楊載福親率水師登岸以截奔竄之路賊眾四路狂奔各營夾擊共殲二千數百人其分哨以燒內湖賊舟者亦奪得賊船九隻各營乘夜窮追及於華容初四日及於樊口樊口東岸即武昌縣城外西山雷山蟠互險峻賊扼要守險築壘設關賊船憑依陸壘得以出沒江湖又於城外築壘互相犄角夾護賊舟初四日陸勇追賊

至此紮營西岸得勝洲楊載福率水師登岸與
蔣益澧等會商夾擊是日陸路各營分五路齊
進直逼賊壘轟擊賊匪落水死者數十人蔣益
澧遂傳令梟水先渡奪獲賊船者重賞千總鄧
有才首先梟水奪得三板船一隻守備陳仁蘭
躍登賊舟中礮墜水陣亡哨官王桐柏復登楊
德武繼之於是各營馮河鼓勇陸師攻其後水

聖朝平粵方略卷一百一十七

七

師攻其前內港之賊棄船先潰焚船踏壘殺斃
溺斃者約二千餘人西山雷山賊旗四布與踞
城之賊互爲聲援尙未敢馳下交戰而先渡樊
口各陸勇已與水師登岸攻縣城北門小北門
各營官帶領壯勇驀越山嶺賊衆驚潰乘勢掩
殺遂分攻縣城西門小西門署知縣林之華亦
率武勇繞攻東門先後入城追奔逐北城郭一

空其得出小南門逃竄者不過餘賊數百人我
軍追至南岡七里界而還所有出力員弁勇丁
可否准予擇尤先行獎勵伏候

聖裁其前後力戰陣亡員弁並請
飭部分別議卹以慰忠魂奏入

上諭內閣曰此次水陸各軍往來分合奮力環攻甚爲
得手著胡林翼迅飭諸軍乘此聲威進圖克復省城

聖朝平粵方略卷一百一十七

七

出力員弁兵勇准其擇尤先請鼓勵力戰陣亡之守
備陳仁蘭著從優照都司例議卹千總曹起龍著照
守備例議卹把總胡立發陳日勝黃雲浦均著照千
總例議卹外委魏學法張光連尹見興丁仙源崔得
勝歐洪培楊玉春李大成均著照把總例議卹

同日湖廣道監察御史何桂芬奏言臣訪聞各
處糧臺員弁鑽刺夤緣踞爲利窟已革藩司雷

以誠之糧臺有吳雲雷鳳翥翁壽慶黃斌及其
壻黃鍾等綽號五虎從中漁利各處立卡收捐
吳雲以泰州人徐震甲為牙爪現在蘇州城內
開設布莊黃斌黃鍾在揚州方家巷置買潘莊
田產毫無忌憚人所共知請

旨嚴查以儆官邪奏入

上命軍機大臣傳諭德興阿翁同書曰軍營委員藐法

聖朝聖略卷百五十七

六

營私科斂肥己大干法紀著德興阿等就近查訪揚
州有無黃斌等所置田產其吳雲在蘇州開設布莊
並著移咨趙德轍一併查辦

二十一日丙午戶部尚書翁心存奏言向榮退守

丹陽溧水句容相繼失守蘇常兩郡危在旦夕
近聞賊撲丹陽向榮迎勦獲勝宜興荆溪忽有
外來匪船經民團捕斬焚燬臣竊慮之夫聲東

擊西賊之故智賊船若至宜興則已越東壩而

南欲取間道直竄蘇州路徑既捷本可不由丹

陽特分股以綴我耳自宜興奪舟東犯由河路

則九十里徑抵無錫由太湖聯檣東下則徑襲

蘇城風帆瞬息可達民團既力難捍禦丹陽常

州之兵又隔在西北不及救援故東壩為第一

重藩籬宜興為第二重門戶蘇郡一經蹂躪則

聖朝聖略卷百五十七

九

諸郡必被騷擾臣以為宜

飭令向榮嚴扼丹陽防賊陸路來犯亟抽各路精兵俾

鄧紹良張國樑輩統之駐紮宜興控扼東壩並

收集長蕩瀟湖東西汎諸船毋為賊用別簡水

師一軍選得力總兵大員帥之駐紮太湖並召

募湖中大小漁船俾水鄉大戶分領協防庶蘇

常兩郡可保無事奏入

上命軍機大臣傳諭向榮福與余萬清怡良趙德轍曰
據翁心存奏賊越東壩而南恐由間道內竄則丹陽
常州之兵隔在西北不及救援於籌防形勢不為無
見惟鄧紹良現在總統甯國諸軍張國樑又須往來
策應均不能令其專駐下游一隅之地宜與一路既
距無錫較近自不可不嚴為之防昨據怡良奏派兵
三百名赴該處駐紮是否足資堵禦東壩一路自秦

欽定剿平粵匪方略卷二百五十七

干

如虎折回建平後江長貴是否已由金壇前往明安
秦現在溧陽所統兵勇約有五六千人能否責令兼
顧東壩著向榮等妥籌辦理荆溪宜興民團焚船殺
賊頗能得力亦著怡良等加意激勵令其自衛萬不
可稍形懈弛致有意外之虞向榮前奏驅逐寶堰一
帶船隻係防賊內犯常州其由太湖入蘇之路該尙
書所指長蕩滬湖東西沈等處亦應一體收集船隻

毋為賊用太湖協水師副將周希濂現在上游督帶
艇船其本缺係何員署理自應責令嚴密稽查以資
防範

同日和春福濟奏言接奉

諭旨令臣等派兵攻賊所必救以分賊勢查廬州兵勇
除分撥外實存者三河僅四千餘名廬城僅一
千餘名吉順帶兵駐紮下關既可前攻巢縣亦

欽定剿平粵匪方略卷二百五十七

三

可後顧柘皋然所紮之地皆在巢湖北岸其南
岸則徧地賊氛兵力實有所不及故領餉每苦
兵多而出隊又苦兵少原擬將勦捻兵勇分撥
數路一路攻廬江一路攻桐城廬江得手則無
巢可以偏攻桐城得手則安慶可以進擣無如
穎霍一帶尙未蕩平秦定三以千人之軍駐紮
軍鋪堵且不足更難施此勦辦棘手之實在

情形也此時裕溪運漕之賊在焦湖搜搶魚船製造快槳自應迅圖焚燬惟巢縣為賊占踞該逆造船又在巢縣之南我軍難以著手臣等已咨吉順密行設法並札無為巢縣各官紳團練一體遵照多派勇役改裝前往如有可乘之機即行縱火焚燬該逆意在駛入廬境已飭各營多備火攻器具以待賊來儻江南軍情稍定紅

聖皇聖考卷一百三十七

三

單各船能上扼裕溪水陸夾攻最為要策已咨詢向榮隨時酌辦至徐宗幹既承

恩派令來廬俟到營後謹當酌量委辦事件奏八

上命軍機大臣傳諭和春福濟曰廬營兵勇分駐軍鋪等處並未實力進攻和春等所稱廬江桐城無為巢縣安慶擬以次攻擣等語雖似極力籌畫仍屬毫無把握此時巢縣賊船足為長江之患吉順駐兵該處

已閱年餘並未實力搜剿既據和春等奏稱現籌設法焚燬著即飭吉順迅速設法辦理毋再延玩

和春福濟又奏言逆匪久踞三河壘經痛剿六月初三日無為援賊竄至運漕初五日向白石山一路前來麟瑞帶領馬隊迎頭衝殺常清等由左右圍抄臣和春帶領官兵趕到先將執旗賊目砍倒賊眾駭退諸軍追殺十餘里逆屍盈

聖皇聖考卷一百三十七

三

野大挫賊援其三河街外賊營突出接應經圖桑阿等扼住要路截殺多名旋即敗入是日共斃賊四五百名生擒十餘名初八日臣和春督兵潛進直偏外濠該逆驚覺抵拒我軍槍至南街施放噴筒火箭登時火起南街一帶房屋俱成灰燼逆眾輜重火藥焚燒頗多因街口兩營水道環繞未能即時攻破奏八報

土匪屢謀內犯幸賴曾國藩派赴饒防之都司畢金科帶勇千人於五月十五日在陶溪渡地方大獲勝仗饒境賴以安謐臣以該逆退而未散當咨曾國藩文俊務卽添兵助剿據咨派勝軍勇五百名飭令參將阿達春統帶馳往詎五月杪逆匪糾黨來撲先經畢金科出隊獲勝因賴勇爭拾逆匪遺棄財物致被抄襲失利適值

聖主鴻慈奏入

三

阿達春趕至四十里街截留潰勇與畢金科全軍回至饒郡北門外駐紮賊勢甚屬狡猾饒防極形喫重至廣信一郡與饒州水陸交通要隘林立新舊練勇僅有二千餘人實覺不敷調撥刻下撫建未克饒防又危惟恃省路一綫可通尙堪呼救然道途繚遠况值大兵經營撫建復須嚴防省會兼顧饒州豈有餘兵再援廣信臣

所奏請福建援兵三千均往攻剿建昌並未經由廣信近復馳赴江南大營其督辦三衢廣饒軍務之侍郎萬青藜據咨已折回浙省是閩浙二省援兵已成罷論其餘各路援兵如崑壽曾國華劉長佑王鑫諸軍未起程者是否起程已入境者現抵何處探無確耗其如何速籌援解出自

聖主鴻慈奏入

三

上命軍機大臣傳諭曾國藩文俊廉兆綸曰廉兆綸奏饒州自畢金科一軍接仗失利賊勢狡猾防兵喫重廣信水陸可通饒州而練勇僅二千餘人不敷分撥勢極孤危等語覽所奏情形自係萬分緊急業經諭令王懿德呂佺孫何桂清於附近廣饒等處酌撥官兵助剿惟賊踞徽甯浙江湖州一帶防堵正形喫緊

閩省前調兵勇三千令改赴江南尚未過浙恐軍裝器械急切不能完備今調赴廣饒之兵亦恐一時未能即到現在廣饒二郡尚為該省完善之區斷不可再有失事著會國藩文俊通籌大局設法分兵兼顧饒州即以保全廣信毋令與省城聲息不通致成孤危之勢其援兵未到以前著廉兆綸督同地方官實力團練以固藩籬

欽定剿平粵匪方略卷一百五十七

三

上又命軍機大臣傳諭王懿德呂佺孫何桂清曰本日據廉兆綸奏江西饒州自都司畢金科屢戰失利防堵甚為喫緊廣信與饒州水陸交通僅有練勇二千餘人不敷調撥扼守恐該逆乘間竄撲卽與省城聲息不通大局甚屬可虞江西情形現僅廣信一府尚稱完善饒州既形緊迫該處勢處孤危不得不急籌援應前調福建兵三千名已令改赴江南著王懿德

等於鄰近廣饒各營汛內籌撥兵二千名派員管帶迅速取道前往饒州廣信一帶擇要援應至浙江現在辦理甯國防勦兵力自屬難分惟廣信為浙省藩籬亦應兼籌策應何桂清前派往衢州防勦兵勇除調回外尚存若干若能派往廣信卽可以勦為防如兵數已屬無多卽於金衢嚴各屬內酌量抽撥官兵一千名前赴廣饒一帶藉資堵勦

欽定剿平粵匪方略卷一百五十七

三

二十八日癸丑和春福濟奏言三河踞匪日來防備愈嚴我軍不及五千兵力甚單勦辦難期得手臣等飭令參將程智泉等就地募勇千餘於西南紮營三座臣等帶領官兵嚴陣以待一面督夫窆築營壘該逆突出二三千人來撲兵勇攔頭迎殺轉戰逾時斃賊無算並砍執旗賊目二名餘黨驚潰回巢十五日賊又出千餘人來

撲即飭官兵痛加擊勦當斃賊百餘名生擒十餘名十七十九二十二十一等日該逆連次出撲均經我軍擊退現仍趕緊設法攻勦迅圖克復奏入報

二十九日甲寅曾國藩文俊廉兆綸奏言據閩督

咨稱閩省兵勇陸續馳抵建昌已有二千餘名

聖朝聖曆卷二百五十七

三

聖朝聖曆卷二百五十七

三

刻下勦辦正在得手斷難驟撤藩籬現擬奏明先撥兵勇一千五百名交陳上國統帶由建昌馳赴江南其餘兵勇一千六百名仍由張從龍統帶規復建昌俟閩省另調兵勇一千四百名由林潤禧祿等管帶抵建後再令張從龍帶兵續赴江南臣等正在移咨覈辦據報參將阿達春都司畢金科兩軍與耆齡兵勇於六月初五

日接仗失挫饒郡即於是日失守查該郡與省城撫州廣信處處毗連省城為根本重地自各郡淪陷所有文報往來餉儲轉運專恃廣信一綫可通逆賊竄踞饒州意在救援撫建若由安仁餘干橫來竄撲則信郡道絕省城四路不通撫建之圍亦恐不攻自潰現雖飭調郭守謙等回軍以固廣信門戶第所帶僅及千人合之本

郡新募各勇亦僅二千有奇而信屬之上饒貴溪弋陽玉山興安等縣均與饒屬接壤歧途百出在在堪虞加以防守郡城益覺不敷分撥若閩兵一去饒賊窺我虛弱勢將悉銳來攻撫建之匪亦將乘隙潰圍萃於廣信匪特江省無完土即浙杭亦為震動因思陳上國一軍若由建昌調齊閩兵馳赴江南已恐緩不濟急而江省

聞

軍情緊迫何敢稍事拘泥懇

恩將此軍全數留江卽令馳赴廣信會防要隘相機規復饒州俟饒撫克復信郡撤防卽令前赴江南所有張從龍之兵一千六百名應照來咨仍令專攻建昌以防逆匪竄撲至閩省續派琳潤等兵勇千四百名應請飛催由閩馳赴向榮大營以資調遣奏入

欽定剿平粵匪方略卷一百五十七

三

上命軍機大臣傳諭曾國藩文俊廉兆綸曰饒郡與省城撫州廣信壤地毗連現旣爲賊竄踞當防其四出滋擾儻由安仁餘干橫撲則省城道路梗塞文報餉運無路可通卽撫建兩路進攻亦恐未能得手著准其將張從龍所帶兵勇一千六百名專攻建昌陳上國所帶兵一千五百名馳往廣信會合本郡練勇分防要隘仍卽相機規復饒州以遏賊勢該侍郎等亦

當統籌全局設法兼顧一面趕緊攻克撫建一面酌

撥兵勇與閩兵會合務將饒郡及早克復庶不受逆賊牽掣之患現在金陵勦匪正當喫緊其由閩省續派琳潤等所帶兵勇一千四百名如過江西境內卽飭迅赴金陵大營至昨諭福建添調兵二千名原爲援應廣饒之用今廣信旣截留兵一千五百名所有續調福建兵二千名已諭知王懿德等飭令馳赴向

欽定剿平粵匪方略卷一百五十七

三

榮軍營江西毋得再行截留致滋貽誤上又命軍機大臣傳諭王懿德呂佺孫曰據曾國藩等奏饒郡失守所有福建派往江南之張從龍所帶官兵一千六百名擬專留建昌陳上國所帶官兵一千五百名擬飭赴廣信已如所請准其分撥助剿廣信現旣留兵一千五百名則昨諭續調之閩兵二千名自可毋庸再赴江西向榮扼守丹陽東壩等處賊衆

兵單亟須添助著王懿德等卽飭將琳潤禧祿所帶官兵一千四百名飛催速往江南並將續調之官兵二千名迅速揀選精銳派委得力將弁一併馳赴向榮軍營以資調遣

同日何桂清奏言 臣接奉

諭旨飭調護送海運之火輪船入江助勦查江浙兩省

商捐輪船現在護運事竣均在南洋巡緝除滬

聖學聖方略卷百五十七

三十四

聖學聖方略卷百五十七

三十五

商之船應聽蘇省籌辦其甯商之船向係該商自行管理今奉調從征應由 臣派員督帶一面

飭令由圖山關飛駛入江聽候向榮調度至護

運輸船祇有二隻必得於上海添購方能聯幫

攻勦候補道繆梓前經奏明委署金衢嚴道兼

督辦三衢防務甯紹台道楊裕深亦經奏明留

省辦籌防助餉兩局事務俱難另易生手惟留

浙道員金安清前在上海軍營情形熟悉堪以

委令前往妥為購募此外尚有試用知府何紹

祺甯波紳士編修張定學候選道楊坊杭州紳

士編修陳元鼎均在上海諳悉商情堪以委令

襄辦第添雇船隻需費不貲現在江浙兩省餉

銀萬分支絀驟增鉅款非破除成格竭力變通

斷難設措金安清才足有為 臣已咨請兩江督

聖學聖方略卷百五十七

三十六

臣江蘇撫 臣一體遴委幹員飭令前赴上海會同籌商多方設法奏入

上命軍機大臣傳諭怡良趙德轍曰據何桂清奏遵調

甯商護運之火輪船業經由浙派員管帶由圖山關

飛駛入江聽候向榮調遣其需添購之輪船亦已委

令金安清等前往上海妥為購募並籌款辦理所有

滬商護運之火輪船著怡良等迅速派員督帶入江

統歸向榮調度至添購一節自不可少而需費較鉅必當設法辦理著怡良趙德轍遴委幹員飭令前赴上海會同金安清等迅速籌商務令經費有著得以剋日奏功

何桂清又奏言六月初五日甯國踞賊於小東門西門兩路出巢衝撲鄧紹良督參將蕭知音等分投迎敵以大礮轟斃領陣悍賊數十名賊

欽定剿平粵匪方略卷一百五十七

三

勢潰亂我軍兩路夾擊殲斃逆匪無數該逆復糾集水陽南陵等處黨援數千於初八日從東西北三門分撲營盤我軍擊斃黃衣騎馬賊目二名轟斃匪黨三百餘名賊眾奔潰其東北一帶股匪直撲把總冉正祥營盤都司周萬遠等從旁抄襲我軍復四面兜圍縱橫肆擊立斃黃衣騎馬賊目一名斬獲無算我軍微有傷亡六

月初二日溧水之賊由毛公鋪竄入定埠分股直犯建平初三日賊竄分龍廟署知縣張炳文嬰城固守秦如虎當於城內紮營防勦初四日有薙髮悍賊扮作官軍溷入城中仲孫懋窺破奸謀即時擒斬二十餘人其大股之賊已由分龍廟而來攻我東西北三門秦如虎派令遊擊蔣錫光等分出各門迎勦仲孫懋奮勇直前槍

欽定剿平粵匪方略卷一百五十七

三

斃其騎馬賊目賊眾大潰我軍追殺二十餘里適有高滄防所守備葉棟國等管帶兵勇前赴建平中途會合助勦斃賊四百餘名賊匪退回定埠初五日該逆前來攻城經我軍擊敗初七日該逆擁眾萬餘直撲東夏營盤曾承禧裕英兩軍潰回廣德秦如虎督兵往援仲孫懋一軍奮勇當先槍斃悍賊數十名賊眾潰退各軍乘

勝追殺斃匪數百名維時該逆已占東夏營盤我軍於酉刻收隊兵勇亦有傷亡仲孫懋中火器傷送回廣德醫治初九日該逆自東夏前來攻城秦如虎督胡鳳鳴等擊之千總秦坤首先衝入槍斃賊目梁姓於馬下而秦坤亦被矛傷各路官兵相繼而進斃賊四百餘名賊眾大潰我軍追殺十餘里該逆於夜間遁往東壩查建

聖朝聖略卷二百五十七

三

平大股悍賊雖已退回東壩而東夏尚有餘匪並聞該逆前赴溧水糾集黨援仍圖衝窺向榮現飭江長貴從金壇前來助勦而紅林橋為甯國建平之鎖鑰兩營餉道攸關其廣德四安一帶為浙省屏藩又係甯國建平後路均須節節嚴防鄧紹良親至廣德與臬司慶廉將各路守禦事宜面商布置並令江長貴會同秦如虎統

兵迎勦一面咨請總兵明安泰駐兵南渡鎮聯絡策應如能攻復東壩即分兵駐紮定埠而以廣德兵勇協助建平庶於皖浙兩路邊防可期鞏固

聖朝聖略卷二百五十七

三

何桂清又奏言據探饒州賊援屬至情形甚為緊急南陵青陽之賊於六月初八日竄至涇縣經該縣崔琳等會同官紳擊退而南陵青陽賊蹤來往不定防不勝防祁門大洪嶺外有池州賊目石國忠擁眾萬餘圖犯徽州署知縣林用光會同武員駐紮東鄉迎勦張芾添兵策應並於甯國周天受軍營飭調守備余永椿令其帶同所部之兵三百餘名赴徽堵勦臣既顧浙西又顧浙東實有應接不暇之勢惟有飭令杭嘉湖金衢嚴各路在防文武隨時確探軍情嚴密

欽定剿平粵匪方略卷一百五十八 丙辰年

七月初一日 丙辰 王懿德呂佺孫奏言欽奉

諭旨飭調閩兵赴向榮軍營助剿查閩省建甯邵武汀

州延平等府均與江右輔車相依逼近賊氛前

派張從龍陳上國統領兵勇赴江應援業已陸

續馳抵江西建昌會同攻剿現據委辦防務督

糧道王訓稟報順昌九龍山土匪糾合江西汀

聖皇聖方略卷一百五十八

一



廣奸民分股滋擾該處路徑紛歧緊接建甯邵

武正當籌防江匪萬分喫緊之際亟應迅圖撲

滅現調省標及各營共兵一千名派遊擊蘇遇

春等帶赴順昌圍擊務期速殲醜類至張從龍

陳上國統率援師既已進紮建昌可圖克復若

全數改赴金陵閩省藩籬頓撤設該逆乘虛闖

入閩境勦辦愈形費手而江南需兵孔亟何敢

稍分畛域現飭張從龍陳上國於現帶兵勇內

挑足精銳一千五百名卽由陳上國統帶刻日

馳赴金陵大營其餘兵勇仍由張從龍統領會

合江右官軍併力攻剿一俟閩省另調興化等

營精兵添雇健勇派委署興化協副將琳潤等

帶赴江閩交界接替防剿卽飭張從龍統帶原

調援兵前赴江南軍營聽候調遣奏入

聖皇聖方略卷一百五十八

二



上命軍機大臣傳諭王懿德呂佺孫曰昨因江西饒郡

失守廣信危急諭王懿德等將張從龍陳上國所帶

各兵飭赴建昌廣信防剿並諭由閩續調官兵迅速

馳向榮軍營茲據該督等奏順昌九龍山土匪糾

合江西汀廣奸民分股滋擾調赴江右援兵未敢驟

撤藩籬等語閩省毗連江西地面本有督糧道王訓

等在彼督辦防務現雖有匪徒覬覦而滋事未久如

果實力圍捕當易撲滅該督已另調省標及各營兵一千名派遊擊蘇遇春等管帶前往順昌協擊著卽責成王訓等妥爲調度迅掃賊氛其張從龍陳上國之兵著仍令赴建昌廣信分投防勦該處距閩不遠亦可牽制賊勢爲順昌等處聲援至琳潤等所帶兵勇及續論添調兵二千名仍當迅速抽赴向榮軍營俾資勦辦

欽定剿平粵匪方略卷一百五十八

三

初二日丁巳向榮奏言逆匪自六月初三日被我軍擊敗後大股繞往東南之香草河錢橋和定橋一帶築壘屯踞意圖包抄我營後路希冀內犯臣與臣福興籌畫布置督飭總兵張國樑趕築營盤相機扼勦初八至初十日進攻錢橋和定橋等處賊巢斃匪無數該逆乘夜聚黨在鳳凰岡槍築賊壘十一十二等日臣福興與張國

樑等連次會合進攻雖擊斃站牆守堞之賊不下二三百人而我軍屢次逼近壘牆均因賊礮過密不能撲進十三日卯刻復分兵三路進攻該逆於申刻出壘潰逃經張國樑派隊抄勦並親督大軍分投掩殺斬馘不計其數餘匪奔往和定橋老巢又遇官軍迎頭攔截痛加勦洗賊屍徧地追奔十餘里該逆向殷莊一帶逃去乃

欽定剿平粵匪方略卷一百五十八

四

將鳳凰岡逆壘二座踏毀計連戰三晝夜之久斃匪不下千名軍威稍振惟逆數尙衆變詐百出內犯之路處處可通另派遊擊虎坤元選帶兵勇二千名馳往珥陵更替扼堵調回總兵虎嵩林之軍於香草河迤東添築營盤四座分屯堵勦十六十七等日賊匪分犯河東西張國樑等督隊截勦斃斃數百人立將賊衆擊退其

副將秦如虎一軍在建平堵剿亦於十三四等日連獲勝仗至總兵明安泰駐軍溧陽西北以扼溧水之衝旋因賊由東夏繞至建平復分兵紮於溧陽之東以顧宜荆臣現飛飭明安泰趕緊進兵南渡扼紮相機攻剿一面札飭江長貴秦如虎由建平東夏一帶進攻東壩與明安泰聯絡會剿以扼江浙門戶日來探聞各處之賊

勦平匪方略卷三十八

五

源源踵至並搬運大礮日對我營轟擊意圖衝突現在我軍雖能力遏賊鋒疊次斬殺不少第恐逆眾分股他竄兵力尙單不能分布截剿而統兵又乏得力大員伏思臣軍自到江南如和春秦定三瞿騰龍孔廣順吉順鄭魁士傅振邦等先後分調江北其留江南者鄧紹良則在甯國秦如虎則在建平明安泰則在溧陽德安現

又患病每遇接仗惟恃張國樑一人實屬不敷調撥相應請

旨將鄭魁士傅振邦

飭調一員前來江南以資差遣奏入

上命軍機大臣傳諭向榮曰逆匪撲犯丹陽經我軍日夜轟勦焚燬鳳凰岡賊壘二座聲威稍振惟逆數尙多內犯之路處處可虞該大臣布置各情雖尙周妥

勦平匪方略卷三十八

六

究恐賊眾兵單不敷分布前諭英桂飭傅振邦帶兵馳往江南助剿復諭和春等挑選馬步官兵二千名卽日前赴丹陽當可陸續趕到隨時布置該大臣扼守丹陽雖屢挫兇鋒而句容之茅山薛埠丹徒之寶堰等處皆可徑至常州無須經過丹陽况宜荆太湖水陸紛歧並可直達蘇浙內竄之路幾於防不勝防該大臣惟當嚴飭明安泰秦如虎等實力防剿並遵

疊次諭旨激勵兵勇相機進剿勿得株守一隅致誤全局

初四日己未何桂清奏言近日傳聞向榮福興共

事不似從前融洽且福興與張國樑又不相能

兵勇亦多不服臣初未敢信及密詢營中來者

眾口一詞雖皆為公並無嫌隙而不能和衷共

濟已可概見茲又見怡良寄許乃釗函稱彭玉

聖事畢方略卷一百五十八

七

斐催餉來常述及福興張國樑意見參差將士

無所適從囑許乃釗前往婉為開導否則於大

局有礙等語伏查向榮威望素著調度有方屹

然為東南保障者歷有年所而其所倚以為左

右手者則惟張國樑而已張國樑仰蒙

上拔擢之恩實能奮不顧身感激圖報百戰之餘殺

賊無算賊尤畏之故四五月間此擊彼竄倏忽

靡常無非為牽掣張國樑之計一聞其往攻溧

水遂糾眾數萬徑撲紫金山大營迫張國樑倉

猝回援身又受傷而各營盤已多失陷此向榮

之所以不得不退守丹陽也其時該匪已全力

內犯兵心不免渙散民心尤不免震恐賴向榮

速派張國樑總統諸軍帶傷力戰逆黨始不能

越丹陽一步是向榮所倚賴賊匪所畏懼兵勇

聖事畢方略卷一百五十八

八

所悅服以及江浙兩省官紳士民所仰望者實

不過張國樑一人今丹陽營盤三十餘座業經

紮定張國樑傷亦漸愈而福興與向榮張國樑

各存意見兵勇又不服之若令勉強共事必致

無益有礙況福興才具頗優年力正壯此時需

才之處甚多如能量移他處自可各盡所長至

許乃釗前往開導一節恐貌從心違遇事仍多

齟齬即使諸臣共知大義渙然冰釋而萬餘兵
更安能一一開導之使其翕然心服耶萬一眾
怒兵譁致生意外之變則大局更不可收拾矣
惟有願求

乾綱獨斷速降

諭旨以一事權而消禍患奏入

上命軍機大臣傳諭向榮曰朕聞福興近日在營與張

聖學聖略卷百五十八

九

國樞意見參差將士無所適從並聞怡良有函知許
乃釗令其前往開導之事軍營將帥不和必致貽誤
大局斷非勉強解釋所能了事自鄧紹良渡江之後
揚營武職正少幫辦大員該將軍才優年壯尙能督
帶馬隊若將福興移往江北較爲合宜著向榮卽將
福興與張國樞不能和衷之處據實速奏候旨派調
或令福興自統一軍分營防勦尙可藉資得力卽微

甯等處亦可酌量撥往總期各盡所長不致互相掣
肘貽誤大局爲要至丹陽軍營現在軍威稍振張國
樞總統諸軍尙能奮勇若昇以幫辦能否勝任著向
榮一併據實具奏當此軍務孔棘全在將帥得人萬
不准稍存瞻徇

初五日庚申官文奏言武漢逆匪經我軍連日環

攻探悉九江逆首石達開欲糾黨由廣濟斬水

聖學聖略卷百五十八

十

黃岡上至漢鎮援應臣當飭沙口水師嚴密扼
截一面密飭臬司李孟羣分派各軍相機進剿
六月初九日探報有賊六七千已由陸路至黃
郡上二十里之陡城分東西路而上我軍分路
截擊賊眾數千先由東路躡擁而至軍功范潮
蘭等乘其喘息未定衝入賊陣馬步並進槍礮
齊施斃賊五六百名時西路賊眾麴至軍功劉

藍田遇賊伴退數里營總多隆阿等伏兵從後抄襲賊隊大亂我軍首尾夾擊賊勢披靡殺斃四百餘名我軍會合於城頭山復追殺敗賊百餘名臣接報飛檄知府許廣藻會同將軍都興阿等乘勝進攻黃郡並令楊載福水師蔣益澧等陸勇就近策應初十日黎明整隊前進該逆先期於城外堅築圍牆死守不出我軍拋入火

聖朝集方略卷一百一十八

十一

彈焚其牆內望樓沿燒南門房屋賊眾驚亂水陸兵勇齊力轟燬土牆格斃守牆賊百餘名賊盡退入城內開礮抗拒我兵直撲城下被傷多名未能攻入漢陽城賊重濠壘卡死守如故李孟羣環攻二十餘日斬馘無多而連日探悉武昌城賊渡入漢城者絡繹不絕各營料有詭謀多方準備二十一日辰刻賊船數十號由襄河

口上駛請欽與李光榮飛調礮船迎擊拋擲火彈火箭焚燒賊船數隻餘船仍退出江各營正在收隊又有賊千餘由米廠河至漢口圖撲我營請欽與巴克坦布等馬步各隊縱橫血戰共計斃賊五百餘名餘賊潰敗回巢兵勇追至河口而還提訊生擒賊供武漢賊眾約二萬餘口糧尙可敷衍數月是以死守待援並分股上竄

聖朝集方略卷一百一十八

十二

冀解城圍等語查武漢重地我師圍攻日久該逆非堅守待援卽窮極思竄臣咨商撫臣胡林翼嚴扼下游杜其援應仍激勵將士務克堅城上紓

聖主宵旰憂勤至意奏入

上諭內閣曰官文等圍攻武昌漢陽日久無功此次各路雖皆獲勝於克復尙無把握實屬遷延貽誤著該

大臣等振刷精神督飭將弁兵勇實力勦辦剋期收復城池不得以小有勝仗鋪張搪塞儻再因循觀望國法具在恐該大臣等不能當此重咎也

十二日卯丁向榮奏言官軍自六月十七日擊敗

賊匪後旬日之間屢次明攻暗襲賊均伏匿不

戰二十七日探報江鎮又來賊萬餘由楂樹岡

丁角寶堰分股竄至蔓延黃土橋河西連夜偷

聖朝集略卷五十八

三

築賊壘臣帶領親軍小隊於二十八日親赴黃

土橋河東督戰令虎嵩林沿河起築營盤控扼

堵勒斃賊不少該逆復潛搭浮橋渡過簡瀆河

東黃莊橋偷築五壘因思賊勢既趨重黃莊橋

其後路松柏村五里牌之賊必少密飭張國樑

挑派隊伍分路力攻而以虎嵩林一軍牽制黃

莊橋之賊二十九日張國樑親督大隊兵勇由

五里牌上流搭渡進攻礮匪數十名立將礮臺踏毀乘勢躍過濠溝攻破賊壘斃賊無算餘逆飛奔後壘張國樑督隊催戰不料被賊擡槍子中傷左膀猶復奮力前衝移時收隊臣聞之倍深焦灼查賊鋒偏紮簡瀆河東已由南抄近東面距大道不過數里係丹陽入常後路該逆以全力來爭若不迅速掃除為患非淺迅將遊擊

聖朝集略卷五十八

十四

虎坤元由珥陵調回卽於是晚挑選兵勇派令

副將王浚等各率所部分作十隊檄令虎嵩林

指揮督戰而以副都統德崇額率領馬隊策應

三十日丑刻出隊直趨簡瀆河東黃莊橋會齊

各軍分路攻勦斬馘無數攻進賊濠該逆拌死

拒守大礮擡槍子密如雨兵勇不避兇險爭先

躍上壘牆砍斃柵門悍賊大隊一齊擁入殲斃

不計其數乘勝攻破二壘德崇額等馬隊左右抄撓殲斬無一脫者後面之賊越壘欲逃我軍馬隊一齊壓下勢如破竹將賊匪橫衝肆擊大加誅戮餘逆紛紛撲河淹溺尤衆遂將後面三壘並附村賊卡縱火焚燒河東黃莊橋一律掃平乘勢攻撲河西該逆阻水密開槍礮與我軍死力抗拒張國樑添派生力軍一支馳往策應

欽定剿平粵匪方略卷一百五十八

五

一面修築三營安放大礮對河西賊壘轟擊斃匪不少該逆站腳不住於夜半焚壘自遁當將河西三壘一律平毀統計是日踏破賊壘五座轟破三座斃賊二千餘名伏思該逆此次蔓延黃莊橋河東勢甚猖獗今一戰而掃八壘實足以挫兇猷惟是該逆偪犯丹陽於松柏村鳳凰岡等處築壘數十座我軍截剿經月雖屢有斬

擒而賊黨踵至延陵寶堰一帶皆已有賊往來該處可以直走常州儘有疏虞則首尾不能兼顧惟有儘力攻剿或可杜賊兇鋒臣營精銳惟恃張國樑一軍今該總兵骸復受傷醫治尙需時日臣又骸疾大發寸步維艱昨以賊窺黃土橋力疾督陣復感暑熱氣喘加劇臣受

欽定剿平粵匪方略卷一百五十八

六

國厚恩雖死不足以塞責第慮江南賊勢甚熾甯國建平溧水內犯處處可虞臣軍扼剿丹陽營二十餘里該逆因我兵截其東竄乃復糾集黨與四出窺伺似此賊衆兵單大局萬分緊要可否籲懇

天恩添派得力大員前來協助不勝激切待

命之至所有前蒙

飭調各路官軍仍請

旨嚴催迅速來營以資攻勦

同日何桂清奏言南陵大股賊匪於六月十三日復竄涇縣之上下坊欲圖援應甯國周天受督軍馳勦該逆遁回南陵其甯國之賊乘我軍調赴涇縣南路空虛亦於十三日分股千餘人撲我營盤經都隆阿等奮力擊退提督鄧紹良自廣德馳回二十日督軍環攻該逆從西北兩

聖朝聖曆三十八

七

門分股三四千人前來抗拒復從東路撲出二三千人併力接應我軍分投迎勦斃賊甚多該逆又撲我南路營盤復經都隆阿等四路兜勦賊鋒大挫潰奔西山一帶回巢是日之戰統計斃賊三四百人鄧紹良以南路兵力尙單復抽撥陳再受楊金榜帶勇三百名合力堵禦再圖圍攻其東夏餘匪於六月十六日糾黨直撲建

平秦如虎股傷未愈與署知縣張炳文扼守城池江長貴派遊擊蔣錫光等分路迎勦並親督都司劉仁福等抄襲其後斃賊極多逆眾紛紛潰散我軍奮勇追勦沿河斬殺淹斃不計其數該逆於是夜全股竄往東壩臣查甯國軍情經鄧紹良統領諸軍節次圍攻賊勢已形窮蹙茲周天受一軍扼守南路可以杜南陵青石一帶

聖朝聖曆三十八

末

賊援此後攻勦更當得手其建平一路自該逆竄陷東夏營盤疊次攻撲城池秦如虎江長貴先後督勦斃逆匪不下二千刻下全股退竄東壩勦辦甚爲出力惟定埠等處道路紛歧仍虞賊蹤竄突現在向榮飭令明安泰移師進紮定埠臣亦令秦如虎江長貴分兵進紮東夏定埠二處臬司慶廉並由廣德防所添撥兵勇留

於建城防守以爲東夏定準策應至此大溧水
賊匪大股竄犯建平意圖援應甯國攻襲浙江
情形萬分喫緊諸將士合力同心屢戰皆捷得
以保全大局所有尤爲出力各員相應開列仰
懇

恩施以昭激勸

何桂清又奏言查東壩地方當太平甯國高淳

欽定剿平粵匪方略卷一百五十八

十九

之衝實蘇浙兩省門戶其東壩後路有溧陽建
平二縣又當東壩及溧水之衝亦爲蘇浙兩省
門戶自賊踞溧水以後可不必經由東壩而直
犯溧陽建平故蘇省之防以溧陽爲扼要浙省
之防以建平爲扼要向榮令明安泰管帶兵勇
六千駐守溧陽原爲兼防溧水起見其時大營
新退丹陽兵力不敷調撥僅令秦如虎管帶浙

省兵勇千餘名防堵東壩而甯國攻勦正當喫
緊亦僅能分兵千餘名駐紮東夏以防建平詎
六月初二三日溧水之賊竄入建平定準地方
已在東壩之下十餘里建城並無防兵其地既
通廣德四安大路又有小路可繞出溧陽縣城
直達宜興荆溪以犯蘇常湖三郡秦如虎因孤
軍株守東壩無益於江浙兩省當卽商同仲孫

欽定剿平粵匪方略卷一百五十八

二十

懋拔營繞出賊前馳赴建平扼勦迨秦如虎行
抵建平而縣城已有賊蹤當卽督率兵勇擊退
迨後賊由東夏屢次撲犯秦如虎四戰皆捷克
保危城並經鄧紹良派兵接應向榮復令江長
貴前往助勦聲勢益壯賊聞風膽落大股退回
東壩十九二十等日又從南渡進犯溧陽爲明
安泰擊退現在向榮已飭明安泰由南渡進偏

定準一帶察看形勢擇要紮營一面挑選兵勇
交遊擊馬永清統帶約會秦如虎等相機會剿
臣惟有令秦如虎速飭將士步步為營紮出東
定準會同明安泰肅清東壩一面厚集兵力直
逼溧水迅圖克復城池庶幾賊氛漸遠蘇浙兩
省門戶可以鞏固矣均奏入

上命軍機大臣傳諭向榮曰據向榮奏連日攻毀賊壘

聖朝聖略卷三十八

三

並該大臣患病情形朕心深為懸念所請添派得力
大員一時實難其選該大臣久在戎行經歷各省所
有提鎮以上大員必有謀勇兼優素所深信之人著
卽酌舉一二人速行密奏候朕簡派以資幫辦張國
樞身受槍傷猶復奮力前衝實屬勇往茲已派令幫
辦軍務自當益加奮勉以酬異數前調福建兵除分
撥江西外應赴江南者尙有三千四百名已諭何桂

清飛檄提催其河南陝西官兵本日亦諭英桂催令
傅振邦統帶迅速起程又據和春等前奏於輯順所
帶馬隊之外續行抽調官兵一千餘名此二路官兵
相距較近當可剋期到營稍資分布建平賊匪據何
桂清奏現已退回東壩浙省自可無虞內犯惟東壩
直達無錫距蘇州切近我軍皆在上游深恐鞭長莫
及著該大臣督飭明安泰等務將該處迅圖克復力
扼內犯要衝方能專意進攻不致顧此失彼

聖朝聖略卷三十八

三

上又命軍機大臣傳諭英桂何桂清曰前據英桂奏稱
遵撥西安馬隊一千名令傅振邦統帶前往江南並
於該鎮原帶官兵內酌量抽撥一併帶往現在向榮
駐守丹陽雖屢獲勝仗而賊眾兵單寇氛日逼張國
樞復以接仗受傷情形危急傅振邦統帶西安馬隊
係於何日起程著英桂催令飛速前進該鎮原帶官

兵內抽派若干並著多撥精銳藉資得力前撥福建官兵三千名因饒州失守已將張從龍陳上國兩軍共三千一百名截留江西其餘一千四百名及續調福建兵二千名均應前赴江南是否已入浙境著何桂清飛檄迎提飭令速赴向榮軍營聽候調遣何桂清本日所奏東壩地勢及布置情形均屬周妥建平之賊既經擊退卽著該撫督飭秦如虎相機籌剿並

欽定剿平粵匪方略卷一百五十八



知會向榮力扼東壩毋令該逆內竄

論內閣曰賊匪竄踞甯國窺伺建平經各路官軍攻剿大獲全勝辦理尙屬得手所有在事尤爲出力之前任雲南楚雄協副將秦如虎著交軍機處記名遇有總兵缺出請旨簡放藍翎知州仲孫懋業經以知府補用著賞換花翎千總秦坤業經賞加五品頂戴著賞戴花翎並留於浙江以守備用軍功揚名聲著

留於浙江以千總儘先拔補知縣張炳文著俟補缺後以同知用先換頂戴

上又諭內閣曰提督銜福建漳州鎮總兵張國樑著在向榮軍營幫辦軍務

十七日壬申德興阿翁同書奏言七月初間賊偵

知樸樹灣撥兵增防時有游騎窺探虛實初四日臣德興阿帶投誠義勇親至樸樹灣督攻臣

欽定剿平粵匪方略卷一百五十八



翁同書帶兵赴三汊河督攻其時西岸帶子溝東岸尹家橋等處有賊旗搖颺墟莽之間誘我深入被我兵鼓銳直前槍箭齊發賊見官軍勢盛紛紛敗回計擊斃賊二十餘名淹溺三四十名是夜接余萬清來信約以乘夜會攻臣等當於初五日寅刻發兵進至四里鋪偪壘環攻並無一賊出敵城牆槍礮如雨我兵勇有踰溝直

八者竹籬木柵無可託足又因曉霧未退莫辨
徑途祇得臭水而回焦山師船亦因余萬清密
約於是日黎明揚帆駛攻北固山賊隄偏近銀
山進攻擊倒望臺數處適有北渡賊船經各快
艇擊沈再六月二十六七等日管帶紅單船之
參將李新明在石埠橋與賊接仗擊斃一百餘
名並將逆賊新造北渡船隻全行掃蕩因卽分

聖皇聖考百五十八

三

撥紅單船三隻在六合東溝扼駐

德興阿翁同書又奏言據總兵張國樑稟稱向
榮連日病劇不起於七月初九日在營病故該
總兵受總統之責所有軍務一切事宜惟有加
意維持嚴飭防範以期無虞等情查向榮在金
陵統兵數載南岸全局賴以維持今年五月賊
眾大股欲圖內犯經向榮駐師丹陽得以先期

布置蘇常無恙近聞其斬渠平壘正在得手之
際遠爾溢逝實堪痛惜况當此南岸逆燄未消
勦辦事宜在在極關緊要 臣德興阿已密咨福
興余萬清並嚴飭張國樑加意防維力杜內犯
臣等仍當隨時互商辦理

聖皇聖考百五十八

三

同日曾國藩文俊奏言下游之賊竄踞南康城
中不時乘閒上犯水軍統領道員彭玉麟督率
各營防勦疊勝旋探得賊在南康一帶迫脅民
夫修造戰船因派各營分途往勦長龍在前三
板繼後六月十八日五鼓出隊行抵老廟地方
焚賊艦六隻賊卽下竄我軍將長龍分泊兩岸
各帶三板直赴南康城下該逆嬰城拒守我軍
將沿岸堆積船料一概焚燒賊見城外火起卽
開東門逃竄該道同營官鄧翼升等揮水勇登

岸進城因水兵不慣陸戰尾追十里而還查南
康地瘠民貧城內賊黨無多水軍出其不意卽
時收復惟吳城水師祇有四營下游之賊雖經
懲創尙有德安建昌之賊截我後路又無陸兵
爲之犄角故不敢守此荒城祇得安撫居民仍
回吳城駐泊每日派船十餘號游弋郡城以巡
哨爲防守所有善後事宜臣等另籌陸兵與水

聖學集卷一百零八

七

師依護庶足以資堵禦

曾國藩文俊又奏言饒郡西通都湖北接彭建
實爲羣賊淵藪四路可通時虞窺伺臣等飭布
政使者齡督率水陸各軍擇要扼防相機攻擊
並以阿達春一軍進紮童子渡而令畢金科移
紮陶溪渡會合額營併力守禦六月初一日探
得都湖建德逆匪分三路內犯畢金科等亦分

三路迎敵初二日進至陳家嶺畢金科奮勇衝
殺殲斃長髮四百餘人追及臥虎山四面壁立
遙見密林中尙有伏賊畢金科勒馬壓隊毋許
再追該逆知我兵不入伏中遂由山背抄至陶
溪渡直襲額勇營盤須臾火起被陷額營各軍
退屯四十里街畢金科以陶溪營壘被陷恐童
子渡亦難孤立帶勇退紮北門外初四日該逆

聖學集卷一百零八

天

分竄景德知其爲聲東擊西之詭謀議定額營
諸軍力扼東路阿達春畢金科防禦西路水師
分布沿河一帶初五日賊衆分五股來撲郡城
畢金科等分途迎敵鏖戰二時賊黨敗走追不
數里忽分股抄出隊尾兩營腹背受敵額勇之
在茅園者亦已敗退賊衆由北門竄入直出東
門各營紛紛潰散水師賀虎臣康國器兩軍見

事勢危急督帶水勇登岸畢金科率親兵百餘回擊由高門進至東門水勇登城短兵相接殲賊三百餘名該逆狂奔出城我師雖於收隊時轉敗爲勝然以傷亡過多勞乏過甚未敢久駐城內耆齡督率水師泊於城河對岸陸營亦分紮角山圩等處旋與賀虎臣退至距饒三十里之表恩地方該逆於城外紮營四座堅壘深濠

聖朝集略卷一百五十八

三

極爲周密二十一日耆齡等定大舉進攻之議二十二日東路水師先抵黃龍廟哨官楊占鰲首先登岸畢金科等率兵勇繼進奮力衝殺火箭火彈四面拋放賊營火起紛紛潰敗遂合攻東門該處悍賊併力死拒適協和營繼進水師亦舍舟登岸環攻數重始衝入賊營乘勢進城追至大街城中伏賊突起三路抄來畢金科乘

勝怒戰連刺騎馬賊十一名該逆棄械逃奔計殺死及轟斃約五六百人其自西路進者康國器先帶礮船於高門上下開礮故作攻撲之勢城西之賊分撤往救耆齡督令守備羅玉祥等爲三隊迅速登岸賊之撤救高門者回顧不及濟勝軍水師及陸勇乘機分道上城勦殺守城之賊旋分撲高門靈芝門賊營縱火焚燒賊膽驚落遂大奔潰分投追勦殺賊千餘生擒八十五名立將饒州府城克復伏查饒州一郡捍禦都湖皖南之賊東蔽廣信南衛省垣實爲江省要區此次失陷半月幸我軍一鼓克捷保全東北藩籬然近而都湖遠而徽池匪黨環窺仍須厚集兵力方足以資防禦均奏入

聖朝集略卷一百五十八

三

上命軍機大臣傳諭德興阿翁同書曰據奏接張國樑

乏得力帶兵大員著葉名琛柏貴曾國藩文俊確探該提督現在何處傳旨催令迅赴丹陽毋稍延誤至江西省各路援軍漸次雲集南康饒州兩府城已報收復且逆賊騁聚江南則江西境內情形較鬆曾國藩等務宜乘此機會激勵將士將臨江瑞州等府次第克復此次畢金科攻克饒州尙能奮勇著令隨剿隨進毋得株守一隅專待外省援兵致稽時日

聖皇聖朝卷一百五十八

三

曾國藩文俊又奏言福建援江兵勇三千一百人現到建昌府者已有二千六百人屢接浙閩總督臣王懿德來咨先派護副將陳上國帶一千五百人馳赴金陵交向榮調遣其餘兵勇仍交副將張從龍留於江西攻勦建昌臣因饒州失陷恐賊蹤竄擾廣信擬俟陳上國閩兵過郡之便截留防守廣信今饒州業已克復此項閩

兵卽無庸留防廣信應令迅赴金陵以資援剿至湖北援師由普承堯曾國華等統帶來江已於六月十八日克復新昌縣二十四日克復上高縣七月初旬可至瑞州從此兩湖聲息可通大局當有轉機廣東援師據報潮州鎮總兵壽山於五月十九日已至贛州府城二十二日大獲勝仗防守尙嚴當可保全要郡奏入報

聖皇聖朝卷一百五十八

三

欽定剿平粵匪方略卷一百五十九 丙辰年

七月十八日 癸酉 福興彭玉雯奏言向榮前田金

陵退師丹陽憂憤焦勞舊疾舉發復於上月二

十八日力疾督陣感受暑熱病益加劇連日延

醫調治無如年近七旬氣血就衰且因軍務喫

緊憂勞過度精神日益委頓延至七月初九日

未刻出缺應如何優卹之處出自

欽定剿平粵匪方略卷一百五十九

一

天恩予現在攻勦一切事宜由臣福興督同總兵張國

樑等照常辦理不敢稍涉疏懈現當籌勦喫緊

之際應請

旨迅賜簡放大臣前來接辦以重軍務奏入

上諭內閣曰欽差大臣前任湖北提督向榮由行伍疊

次出師滑縣喀什噶爾等處以備弁洊升專闔蒙

皇考宣宗成皇帝超擢提督久歷戎行戰功屢著前因

粵匪肆擾統兵督勦力保桂林長沙等城經朕授為

欽差大臣由湖北追賊直抵金陵雖未能克復堅城

而忠勇樸誠士卒用命數年來保障蘇浙並分援皖

南江北等處均能盡心竭力懋著勤勞本年五月因

賊眾兵單扼守丹陽猶復力疾督陣誓殄賊氛方冀

其會集援兵軍威重振遽聞溘逝痛惜實深披閱遺

章無一語計及家事尤見忠忱義憤公爾忘私向榮

欽定剿平粵匪方略卷一百五十九

二

著加恩開復提督賞還花翎卽照提督軍營病故例

賜卹並賞給一等輕車都尉世職任內一切處分悉

予開復應得卹典該衙門察例具奏毋孫向恩等三

人著俟服闋後由吏部帶領引見其靈柩回籍時著

沿途地方官妥為照料用示朕褒嘉忠藎至意

上又諭內閣曰怡良著暫署欽差大臣督辦江南軍務

同日略秉章奏言官軍自速破袁州城外賊營

後賊急邀臨江安福萬載股匪助逆固守五月十五日道員劉長佑分三路進剿賊從南門竄擁而出教諭劉坤一等分投截擊斃賊二百餘名餘賊收隊入城十八日賊由洪塘向珠樹潭進發圖撲瀏勇營盤軍功崔大光等帶勇馳擊衝殺十餘里斃賊四百餘名是日劉長佑派隊分攻袁州府城誘賊出戰亦斃賊百餘名二十

聖朝聖考卷一百九十九

三

五日賊分三路來撲營壘劉長佑開壁縱擊賊大奔潰追至城根始還是日斃賊三四百名二十六至六月十五日疊次攻城搃斬賊匪數百名此袁州一路援軍攻城獲勝之情形也同知蕭啟江等於克復萬載縣城後瑞州新昌上高臨江之賊互相紆約分屯於縣東南北三面意圖復陷萬載五月初八日賊匪直薄都司田興

怨等營壘經我軍擊敗須臾賊隊大至官軍屹立不動迫賊近前始開放槍礮擊斃甚多賊乃潰走蕭啟江等復分路追殺大獲全捷共計斃賊一千數百名十九日賊復糾集各處股匪齊撲官軍營壘蕭啟江等督勇衝擊逾時賊始敗潰我軍追抵江南八角亭燒其營壘四座各營分路縱擊共斃賊千餘名六月初三日探報偽國宗楊義青自金陵擁賊一萬並合各股敗匪前來前隊已至距萬載縣城三十里之帶塘地方將撲官軍營壘初五日蕭啟江等派令湘勇分路進擊賊從田隴竄擁而至守備楊恆升等橫截而出縱橫衝突賊遂四散狂奔追逐二十餘里直抵柏木地方收隊是戰共斃賊二百餘名此萬載一路剿賊獲勝之情形也是日鄂省

聖朝聖考卷一百九十九

四

所派援江之同知銜曾國華知縣劉騰鴻參將
普承堯同知吳坤修等亦經臣札飭由潯馳抵
萬載縣城軍威更壯蕭啟江等遵檄助攻袁州
府城二十至二十七日劉長佑與蕭啟江疊次
環攻賊負隅不出曾國華等於十七日進攻新
昌之方塘斃賊二百餘名十八日乘勝進攻新
昌縣城賊之大隊已遁一鼓拔之二十五日直

欽定剿平粵匪方略卷五十九

五

趨上高劉騰鴻普承堯等分兩路進守城之賊
洞開城門劉騰鴻等先分隊截其出路直入城
中立斃悍賊二名賊遠駭走官軍分隊追之共
斃賊百餘名遂復上高縣城聞各路敗匪萬餘
均聚瑞州府城官軍已於二十九日拔營前
臣擬飭諸路一面相機搜剿將傍近股匪次第
殲除賊如出城援應即可乘機痛剿儻仍負隅

一城則枝葉彫枯本根亦當自萎似亦反客爲
主致人而不致於人之一說也至袁州萬載兩
路援軍已增至八千有餘閱時半載前後共獲
三十餘捷在事各文武實屬不避艱險著有微
勞所有最爲出力人員謹先開列數名可否仰
懇

天恩獎敘以勵軍心其陣亡之外委劉祖貴因傷殞命

欽定剿平粵匪方略卷五十九

六

之外委杜家星並懇

部從優議卹以慰忠魂奏八

上諭內閣曰此次援江各軍疊獲勝仗連克新昌上高
縣城勦辦尙屬得手著卽乘勝進攻盡殄醜類同知
蕭啟江著以知府卽選教諭劉坤一著以知縣卽選
並賞加同知銜都司田興恕著以遊擊留於湖南補
用並賞給尙勇巴圖魯名號守備楊恆升著以都司

留於湖南卽補並賞換花翎都司劉培元著以遊擊
升用先換頂戴外委崔大光著以千總拔補並賞加
守備銜守備黃三清著以都司補用並賞換花翎陣
亡外委劉祖貴因傷殞命之外委杜家星均著交部
從優議卹其餘出力員弁兵勇准其查明保奏候朕
施恩

二十日 乙亥 何桂清奏言東壩賊匪前由定埠東

聖事集方略卷之五十九

七

夏攻撲建平疊經秦如虎等擊退 臣恐該逆復
圖衝竄飛飭秦如虎江長貴趕緊分兵進紮東
夏定埠二處以杜賊蹤向榮亦派明安泰分兵
會紮定埠聯絡聲勢本月初四日江長貴自建
城移營甫抵東夏初五日黎明卽有大股賊匪
由東壩屬至趁我軍營盤未定分路攻撲該署
鎮所帶兵勇先已大半退避僅餘兵勇千名退

守橋西求援城內秦如虎並無援應祇得且戰
且退仍回建城現在賊亦不敢進攻而東夏仍
難扼守江長貴自稱統率無方稟請奏參旋接
秦如虎函稱江長貴移營時先行派交兵勇二
千五百名又於初四日添撥兵勇一千五百名
護紮營盤並於初五日聞警續添兵勇六百名
前往應援半途退回等語伏思江長貴所帶兵

聖事集方略卷之五十九

八

勇如果不先行潰散已不爲單秦如虎添助兵
勇如果能迅速往援尤爲不少此次賊來撲營
我軍雖未敗衄而事機已屬遲誤 臣查江長貴
本係前保徽郡得力之員是以張芾屢次來函
令其再往徽郡幫同防守乃與秦如虎互相齟
齬致失事機該署鎮稟請奏參咎無可辭相應
請

旨將署皖南鎮總兵江長貴交部嚴加議處並將接應

遲延之前任雲南楚雄協副將秦如虎交部議

處以示懲儆至東夏定埠一帶爲溧水東壩下

竄最要之路必須有進無退方能保固藩籬江

長貴與秦如虎稟報兩歧顯係各存意見臣已

飛飭知府仲孫懋迅卽幫同秦如虎嚴密防剿

以專責成其江長貴一員卽令前往徽郡交張

芾暫行派防聽候

諭旨並飛咨向榮嚴催明安秦進紮定埠會剿毋得再

存觀望奏入

上命軍機大臣傳諭怡良福興張國樑曰逆賊由東夏

定埠屢撲建平希圖內犯前已疊降諭旨責成明安

秦迅將東壩克復以固要衝本日據何桂清奏江長

貴扼守東夏兵勇退縮已飭令折回徽州並飛催明

安秦進紮定埠等語東夏定埠已在東壩之下爲內

竄必由之路現在僅有秦如虎一軍扼守建平而逆

賊來路未絕豈能杜其窺伺怡良現旣暫署欽差大

臣全軍皆歸調度未可專談之浙江致滋貽誤丹陽

軍營兵力縱不能分明安秦一軍不下五六千人何

以不能克復東壩亦不聞進紮要隘但令株守一隅

著怡良等卽飭該總兵迅速督兵前進扼紮定埠地

方卽將占踞東壩之賊奮力擊退以保內竄之路儘

有託故耽延卽著怡良據實奏

上諭內閣曰署安徽皖南鎮總兵江長貴前任雲南楚

雄協副將秦如虎經何桂清飭令進紮東夏定埠二

處防堵江長貴所統兵勇因東夏營盤未及紮定被

賊攻撲遽行退避輒稱秦如虎無兵援應與秦如虎

續報撥兵應援情節不符顯係各存意見江長貴著

欽定剿平粵匪方略 卷一五九

交部嚴加議處並著何桂清飭令前往徽州仍交張
芾差委秦如虎接應遲延亦屬咎有應得著交部議
處以示懲儆

二十三日 戊寅 胡林翼奏言黃州城內逆賊屢於

雙鳳山修築礮壘官軍於六月十二日進攻斃
賊五百餘名立將礮壘平毀其攻樊口之軍三
千人於十三日渡江正在合力以取黃州而各

聖朝聖學卷之九

十一

路報稱逆賊石達開自金陵糾眾上犯湖口逆
匪亦併力上竄詐稱五萬已到者實不過三萬
人搜得石逆偽文調江西臨江府城之賊從義
甯通城來擾上游又稱現於安慶彭澤等處造
船運礮以資水賊之力蓋賊之力爭江漢其蓄
謀固已狡矣臣思三千餘人觸暑遠征倖而獲
勝此次賊數較多必非三千人所能獨禦且臣

之後路歧途甚多其由義甯至蒲咸者一路由
興國至崇通者一路由大冶出金牛者一路均
可擾臣營之上由武昌縣出華容葛店者一路
其擾土橋豹子解青山者又分爲數路均可擾
省城之下禦於此必遺於彼遂於二十七日將
行軍撤回大營而援賊已分一萬餘人先走金
牛上竄山坡七月初四日派同知蔣益澧等分
率各營出師於紙坊以禦之賊之行抵金牛者
規知有備遂折而併力於武昌縣之葛店以趨
洪山之後初十日蔣益澧等仍轉紮魯家巷實
爲洪山後路之總要十一日該逆分十三股排
列而至每股一二千人旗幟林立我軍分路進
擊殺賊四百餘名十二日水師遊擊鮑超等由
沙口下駛乘勢將樊口之浮橋燒斷又登岸燬

聖朝聖學卷之九

十二

其陸路之壘都司喻吉三於黃州城下燒賊船數隻旋即回泊沙口魯家巷兵力尙單臣又派副左寶營七百人以益之十三至十五日賊兩次撲營官軍先後斃賊七百餘名查石逆自上年由鄂入江西攻陷吉安以後潛由江西九江安徽祁門至金陵方鵬張於下游復回竄於武漢逆燄頗熾必應慎以持之臣之中路李續賓

聖皇聖略卷百五十九

圭

之東路合計勇丁一萬餘人刻下抽調四千七百人於魯家巷迎勦臣營祇三千人洪山亦不過四千餘人城中困獸固不可稍有疏縱而外援沓至亦不能不分股迎勦至臣營後面可通金口紙坊者約有三路臣先期挖掘長濠濠內築壘每壘可容二百人仿古人礮堡之式以資防禦諒不致四路侵軼致爲驚擾而臣亦得以

專勦城中之賊並分兵以勦援匪此先期布置之情形也奏八

上命軍機大臣傳諭官文胡林翼曰武漢賊勢久蹙因官軍不能實力進攻致下游賊黨得以徐圖援應武昌南路本無布置黃州之兵復撤則東路賊匪亦將源源而至惟城中之賊既已窮蹙自應迅速進攻剋日收復則外來賊衆絕望自易勦滅著官文胡林翼

聖皇聖略卷百五十九

古

悉心籌畫併力攻勦毋得再涉延玩至湖北援賊號稱數萬若非裹脅無業游民安得如此衆多朕聞皖楚曾經被擾之區牧令或潛匿鄉村爲苟安之計巨室則遷徙一空城鄉小民貿易備趁者無計謀生遂致被賊裹脅是以賊黨愈聚愈多兵勇不敷抵禦實爲今日受病之源若不急圖變計正本清源將誅不勝誅伊於胡底前諭各督撫各按地方情形實行團

練官文胡林襄職任封圻責無旁貸著留心選擇賢能大員分投督辦如黃州崇通等處皆為賊匪竄擾出沒無常苟能慎選循良星羅碁布招集流亡實力團練在小民有所依歸不至流而為匪則賊援日少賊勢日孤未始非軍務之轉圜也該督撫等毋得視為迂緩致誤事機

同日

聖朝聖訓卷百三十九

十五

上命軍機大臣傳諭和春鄭魁士曰昨因向榮在丹陽軍營病故已命怡良暫署欽差大臣接辦軍務因念江南軍營現在帶兵大員乏人和春曾在向榮軍營隨同打仗於江南情形較為熟悉著即馳赴丹陽軍營協力相機堵剿再行聽候諭旨鄭魁士現在懷遠所有和春總統之安徽軍務即著鄭魁士接辦和春著俟鄭魁士到營交卸後即行迅速起程毋稍遲緩

二十四日己卯福興奏言七月初五日逆匪三四

千人突撲五里牌地方經總兵張國樑等分路攻擊殲斃逆眾甚多餘匪向西南之十里牌賓村回奔追殺無數初六日又出賊二三千人來犯城西營盤我軍先於黃土橋設伏該逆甫向前進捷勇連放大礮斃賊一百餘名該逆且戰且退突有十里牌賓村各壘賊匪出巢接應我

聖朝聖訓卷百三十九

十六

軍爭先衝殺又斃匪數百名其時協領輯順等帶領馬隊包抄賊後伏兵亦四起橫截該逆潰竄回巢一路掩殺甚眾兩日之戰共計斃匪一千餘名該逆受此懲創兇鋒更挫連日堅伏不出自初九日向榮出缺後臣密商張國樑嚴飭各營倍加防範一面將東西兩路營盤向前移紮緊逼賊壘晝夜用大礮轟擊逆勢不支即於

十三日分股宵遁一股竄往寶堰一股牽掣我軍當經張國樑派馬步各隊乘夜攻擊擒斬數百名該逆敗回白兔一帶我軍一路追勦斃匪甚多即將河東河西賊壘十一座概行踢毀臣等以寶堰一鎮關繫內竄金壇溧陽之路最為緊要當派遊擊虎坤元帶兵二千餘名間道馳赴金壇助勦旋探該逆復分兩股一竄金壇一

聖皇聖略卷五十九

七

奔溧陽臣等趕卽添派兵勇二千六百五十餘名飭令參將魯占鼐等管帶前往統由總兵虎嵩林會商駐守溧陽之總兵明安泰相機進勦十五日又添派參將李定太等挑選勁旅二千名帶赴金壇合之遊擊李鴻勳所帶一千餘名計數將及一萬兵力不為單弱攻勦尙易得手惟查該縣接壤溧陽有關蘇浙門戶而逼近常

州各屬僻徑甚多亟宜嚴扼內犯杜其旁走荆宜下竄常郡之路臣等一面嚴飭援勦各員乘賊布置未定迅解金壇之圍總期以勦為堵勿令該逆蔓延分竄一面由大營再行撥兵一千名派員速赴常州聽候督臣怡良調遣此時匪蹤雖去丹陽稍遠而回竄亦屬意中之事現探得白兔以上直達句容逆勢聯絡往來如故卽

聖皇聖略卷五十九

八

溧水東壩一路並須妥籌兼顧原不得以金壇一隅之地牽掣我軍全勢如果金壇城圍立解卽可移軍迎賊所向為步步前進之計若勦辦稍稽時日或該逆別有動靜則臣與張國樑二人趕緊酌量一人前往督勦免致顧此失彼再張國樑槍傷尙未合口該總兵心急如焚不勝焦切之至合併陳明奏入

上命軍機大臣傳諭怡良福興張國樑曰初五初六兩日逆匪出撲經官軍勦敗後分股宵遁雖河東河西賊壘均已蹋毀而逆黨圍攻金壇奔竄溧陽內犯愈急該二縣均為蘇浙門戶儻復旁趨荆宜下窺常郡大局更憂掣動該將軍奏赴援金壇之兵計數將及一萬足敷攻勦金壇解圍後即著步步追勦未可以一隅之地牽掣全軍如果情形緊急即著福興張國

欽定四庫全書

十九

樑酌分一人馳往督辦怡良暫署欽差大臣此時自已前往丹陽就近調度賊匪聲東擊西計甚狡譎丹陽既有重兵扼守更慮其旁竄他處不可不加意嚴防東壩直通無錫現在尙為賊踞著怡良等飛飭明安泰進紮定埠速攻東壩絕其內犯之路張國樑前受槍傷瘡口未合著發去如意拔毒散一料交該總兵祇領趕緊醫治就痊以慰朕懷

二十八日癸未宋晉奏言查東壩上通甯國太平蕪湖下瞰蘇常各郡實為皖蘇浙三省鎖鑰江長貴秦如虎等互相推諉以致險要轉為賊占現在駐紮溧陽之明安泰兵力已不為薄如能擇險偏攻原可相機克復第聞所帶之兵分屯城廂寺院毫無紀律並有縱兵搶掠放火延燒房屋情事似此悍慢之卒賊氛一至立見潰逃是東壩以下堵剿全不足恃臣再四籌思丹陽雖為內竄正路而現當重兵屯聚屢得勝仗賊必不至遽行窺伺可否請

欽定四庫全書

二十

旨密飭督臣怡良與張國樑審度機宜揀帶銳兵急趨溧陽由梅渚邵埠紅蘭埠三路進搗逆賊素畏張國樑威名不虞驟至勢必驚潰定能一鼓克復再行另選紀律嚴明之將帶兵屯紮東壩則

江浙後路鎖鑰永固矣

宋晉又奏言前因徽甯兩郡為江浙屏蔽奉

旨特設皖南道缺並經江督請以前甯國府鄧瀛升補

皖南道缺復經皖撫福濟以顏培文保升甯國

府缺原冀熟悉地方情形可以聯合紳民早籌

捍禦且聞浙省籌濟餉需及徽郡捐輸為數不

少地亦有險可憑乃賊自祁門等縣竄入守禦

毫無其竄至甯國之賊不過脅從餘眾被偏先

驅而城守先空頃刻被陷是皖南甯國之不能

得人已可概見似應另

簡明幹之員接辦以期迅復要區查前任福建臬司徐

宗幹曾任台灣道於勦捕事宜胸有方略又前

任江西撫臣張芾現在徽州幫辦防務熟諳地

方又浙江候補道繆梓久管浙省防局於徽甯

情形均所熟悉可否請

旨簡擇一員權攝皖南道假以事權責令會督鄧紹良

江長貴等迅圖克復甯國其甯國府可否即

飭簡任皖南之員自行保舉一員俾稔其才能得以同

籌攻勦奏入

上命軍機大臣傳諭怡良福興張國樑何桂清曰據宋

晉奏明安泰現駐溧陽所帶之兵分屯城廂寺院毫

無紀律並有縱兵搶掠延燒房屋情事請飭張國樑

馳往勦辦等語東壩為蘇浙咽喉明安泰兵力已不

為薄何以並未見進攻東壩轉在溧陽縱兵焚搶此

等漫無紀律之軍安能望其克敵著怡良等密速查

明如果實有其事即將明安泰並所帶之兵全行撤

回嚴參懲辦另派得力鎮將酌帶勁旅馳往東壩實

力堵勦以防內竄張國樑現在傷未平復且丹陽金

欽定剿平粵匪方略 卷一五九

六二九

壇均形喫緊未便令其專勦一處所有應行調撥兵將著怡良等妥速籌派皖南道鄧瀛甯國府知府顏培文守禦無方本係應行革職之員因一時接替乏人是以暫令留任該府丞所保浙江候補道繆梓一員是否能勝皖南道之任卽著怡良會同何桂清察看具奏此外如有賢員堪勝皖南道並甯國府要缺者亦著據實保奏候旨簡放

聖學聖方略卷一百六十九

三

欽定勦平粵匪方略卷一百六十 丙辰年

八月初一日乙酉官文奏言漢陽賊匪久踞兼旬以來我師屢偏賊壘七月十一日已革總兵訥欽等於東城外鐵門關一帶密派兵勇向卡施放火箭火彈沿燒卡內房屋多間毀其沿江外卡奮撲內卡又因濠深壘厚賊礮如雨我兵後隊未能繼進十七日臬司李孟羣等率各隊往

聖學聖方略卷一百六十

一

攻西門外堅壘約會各營分攻賊卡該逆由西門出賊三千餘人分三股而來我軍亦分三路迎敵都司張得勝先時帶勇伏匿從旁抄入賊之右路斃悍賊數人中路之賊經王國才督勇迎擊殪其賊目乘勢掩殺左路之賊又爲總兵楊昌泗等兵勇前後夾擊賊均敗竄回巢蘄州黃岡等處逆匪仍然嘯聚近又探聞逆渠石達

開與僞衛天侯曾逆僞春官丞相張逆糾集江西九江老賊興國大冶奸民共數萬人由南岸至武昌欲圖解武漢之圍並奪洪山要隘已陸續竄省城之山坡王家店一帶距胡林翼等大營十餘里及數十里不等賊勢日增雖北岸勒守同時喫緊兵力難分而武昌各營後路堪虞不能不統籌全局先其所急臣於漢陽各營馬

聖軍集方略卷一百一

二

隊中擇精壯四百餘名飭令分起渡江復撥步隊精勁兵勇選員管帶亦由上下游渡江前往胡林翼大營合力助剿臣督飭北路各營日夜嚴防相機攻擊奏入

上命軍機大臣傳諭官文胡林翼駱秉章曰漢陽逆賊被圍日久其勢已困必須乘勢進攻力圖克復雖賊壘堅厚槍礮尙多亦當設法攻剿出奇制勝斷不可

藉詞延宕致誤事機官文總統諸軍現當攻剿喫緊之際必將親督兵勇奮力圍攻若紮營處所距賊太遠恐呼應不靈難期得力武漢逆匪倚爲犄角若能克復一城則賊勢已孤併攻較易著官文胡林翼各飭將弁水陸並進毋得日事遷延致干重咎至賊援屬至號稱數萬其中多裹脅游民未必盡如粵匪之兇悍惟旣欲攻城又禦援賊不免受其牽掣湖南省脣齒相依道路較近未知有無可調兵勇前往湖北協剿著駱秉章酌量情形趕緊辦理如能抽撥兵勇速派得力之員統帶前赴湖北會剿得此一軍以禦賊援則官文等可專力攻剿克復城池不至兩面受敵爲賊牽掣矣

聖軍集方略卷一百一

三

官文又奏言武漢賊勢日蹙專待外援前次黃州上竄之賊因官兵新洲大捷截住北路應援

現復由武昌南岸來援賊衆以數萬計臣先由
比岸各營分撥馬步各隊自沌口渡江與胡林
翼兵勇合力勦辦近又探知該逆分賊三千餘
於南岸下游之青山港築壘搭造浮橋勢必糧
道潛通城賊又資接濟現復由臣函商楊載福
都興阿於沙口營內選撥馬步兵勇隨同礮船
整隊渡江截賊青山白羊橋來路與水師聯絡

聖皇聖方卷二百六

四

堯勦仍咨商胡林翼分兵各路堵禦協助李續
賓上下夾擊使援賊不能相顧臣乘此督兵日
夜力攻漢陽以分賊勢

同日何桂清奏言甯國賊匪於七月初六日在
南門外添築土壘與我軍營盤對峙鄧紹良飛
致都隆阿派令都司富保等馳往勦捕斃賊三
百餘名我軍一無損折鄧紹良以郡城西路賊

援未斷揀派守備石玉龍等帶勇赴西門外紮
營該逆從西門分股三千餘人衝突而來鄧紹
良隨帶親兵督勦分左右兩路抄襲斃賊數十
名賊奔回巢西門新營已於是日築成初七日
該逆又從西門撲出二千餘人犯我新營鄧紹
良飛調參將蕭知音等分三路迎敵斃賊二百
餘名賊勢稍卻後隊賊接踵至我軍乘勝追勦

聖皇聖方卷二百六

五

直至西門城下殺賊無算此甯國擊賊獲勝之
情形也據秦如虎等稟報七月初七日東壩之
賊分股二千餘人由定埠竄至距鍾橋五里之
馬長山初八日該逆又從金陵溧水添匪五六
千人直撲建城秦如虎出北門江長貴出東門
分路截勦斃賊甚多該逆擁衆退至鍾橋於橋
上率衆抗拒守備于紹昌千總會得勝首先衝

上鍾橋立斬僞檢點楊彪僞指揮黃金幅二賊
目逆勢大潰我軍奮勇窮追沿途俘斬三四百
名追過分龍廟餘匪仍回東壩此建平勦賊獲
勝之情形也查甯國西南兩路賊援未絕今我
軍於西路紮定新營復將南門賊壘一律踏平
西南兩路漸就肅清外援既絕正可設法圍攻
至建平一路賊復由東壩前來窺伺屯紮馬長

聖學方略卷一百六

六

山希圖攻襲縣城我軍於此次痛加勦洗斬馘
極多實足以整軍威現在皖南各路防勦均形
喫緊鄧紹良於甯國軍營抽撥劉福林一軍又
於涇縣防所飭調滬勇七百餘名前赴廣德臣
於浙省派鶴勇四百名又從明安泰處調回浙
勇四百名飭赴建平均交秦如虎調遣此數起
俱係得力之師以之分布廣建一路較爲嚴密

聞

仲孫懋與秦如虎相商於十三日自帶一軍出
紮鍾橋力扼要衝與建城爲犄角之勢臣現飭
鄧紹良激勵全軍乘勝攻復郡城並檄秦如虎
等步步移營會同明安泰迅速進勦東壩均奏
入報

初五日己丑西安將軍福興福建漳州鎮總兵張

聖學方略卷一百六

七

國樞奏言逆匪由丹陽竄至金壇當經派往官
軍八千餘名統歸總兵虎嵩林督帶進勦乃節
節遲延毫無調度致賊於近城西北池東處所
連紮多營阻我進步兩次接仗迄未得手臣張
國樞於七月十九日抵金壇催隊前進並越河
添築營盤使城內外聲勢相應一面酌撥兵勇
繞道入城協力固守以備夾攻二十一日黎明

渡河進攻賊壘該逆突出千餘人來撲新營又分股二千餘衆抄我河西舊營後路當派參將李定太等分路抄殺臣張國樑親督衆軍奮力直前斃匪甚衆立將河西抄營之賊擊敗其撲犯新營之賊經遊擊戴文英等督領精銳各勇過河衝殺斃匪多名逆勢不支潰亂奔回二十

聖學聖方略卷一百六

八

二日分兵中左右三路由東門賊壘進攻該逆出巢拒敵我軍三面兜擊馬隊分兩翼衝突乘勢掩殺直逼賊巢又斃賊數百名所有選帶入城之兵勇二千名均各酌帶軍火先後由南門衝入城內都司馮子材亦乘擊賊獲勝之時隨各兵進城協守城內人心大定查該逆自丹陽遁走後並未竄往溧陽其全股屯集金壇意欲奪踞此城爲徐圖內犯之計我兵現於東路各

處要隘分紮堵禦儘該逆被勦窮蹙復圖竄回丹陽則北路珥陵延陵一帶仍須駐兵嚴防頃因兵勇無可分撥臣福興臣張國樑酌商或將前此派防宜興之練勇一千餘名察看該處緩急卽飭調回防守珥陵以杜回竄之路此次陣亡之守備李慎等應請

旨飭部從優議卹奏入

聖學聖方略卷一百六

九

上諭內閣曰此股逆匪竄撲金壇經張國樑督隊攻勦連日獲勝並派都司馮子材等選帶兵勇入城協守卽著該總兵等督飭將弁內外合攻迅掃逆氛虎嵩林赴援遲延情節可惡著怡良福興張國樑據實嚴叅懲辦以肅軍令其陣亡之守備李慎把總戴魁額外吳祖貴均著交部從優議卹

同日廉兆綸奏言臣查撫建廣饒四郡如輔車

之相依當饒州告陷時臣以信郡愈危建圍愈
難鬆勁故奏請以閩兵一半來防廣信仍以一
半留勦建昌然究以建郡所留之兵尙形單薄
時恐該逆破圍出擾幸而陳上國尙未移營饒
州已報克復臣卽飭該副將毋庸馳赴信郡仍
與張從龍等併力規復建昌至廣信練勇現在
飭駐貴溪未敢輕動緣饒城雖復而逆匪尙踞

欽定剿平粵匪方略卷一百一

十

四十里街去饒郡僅四十里近復探聞分赴景
德鎮滋擾撫州雖經大兵攻勦疊獲勝仗然賊
之大股實聚於撫州臨江二府近日逆首黃玉
崑又帶悍賊二三千名伺隙闖入撫城意圖抗
拒是逆匪旣愈聚愈衆我兵復愈老愈疲信勇
祇二千餘人若北儲饒西備撫南備建勢必不
及臣再四籌維惟有暫駐三郡適中之地相機

進勦查江西毗連各省近日如廣東福建湖南
皆有兵勇進援獨廣信一帶尙覺空虛浙兵雖
近在玉山而該省爲甯國所牽掣信郡旣稱完
善而藉爲屏蔽之浙省又爲財賦之區久爲賊
所垂涎若恃此二千餘名之勇當撫建饒郡三
面之衝實屬不敷分布今日江省情形自以力
保廣饒爲先欲保廣饒不能不兼籌撫建應請

欽定剿平粵匪方略卷一百一

十一

飭下會國藩文俊統籌全局迅克撫建保全廣饒實於
江省大有裨益奏八

上命軍機大臣傳諭會國藩文俊廉兆綸曰廉兆綸所
稱閩兵須全留建昌自因撫建等處均有賊匪滋擾
恐兵力單薄起見惟現在江蘇丹陽一帶情形萬分
喫緊必得各路援兵厚集方足以資攻勦前據會國
藩等奏饒郡克復業將陳上國所帶閩兵一千五百

名飭赴江南軍營已諭令怡良等飛速催提儘此項官兵道經廣信廉兆綸不准截留防守致誤大局至所奏信勇祇二千餘名不能當撫建饒郡三面之衝亦係實在情形著曾國藩文俊迅卽酌撥兵勇前往廣信協力防勦現在南康饒州均已克復廣東湖南援兵助勦各有起色該侍郎等務當統籌全局設法兼顧趕緊克復撫建保衛廣饒毋令賊匪紛竄

聖訓

十三

聖訓

三

初七日 辛卯 福濟奏言欽奉

諭旨命提臣和春馳往丹陽協勦令鄭魁士接辦安徽軍務現在向榮病故局勢變更何敢諄諄請留惟是臣與和春昕夕籌防每次督兵臨陣臣見其匹馬衝鋒帶兵將帥似此者實無多人皖省士民倚爲長城渡江南去實非皖民仰望之心鄭魁士現在懷遠督勦捻匪運籌調度藉以鎮

靜居民退賊紛竄若遽令馳赴三河則勦捻之事專恃郝光甲等萬一稍有貽誤或勾結粵匪或北竄淮徐其勢更不可問若以勦辦捻匪專交鄭魁士臣親赴三河接辦和春軍務原可變通辦理而無爲巢縣之賊意在窺伺廬城前雖擊沈船隻昨報又來礮船數十隻在沿湖遊駛當此賊艇屬集統兵大員一有轉移未免人心

惶惑思維再四惟有仰懇

天恩俯念皖省軍務喫緊飭令提臣和春照舊督辦於江北全局大有裨益奏入

上命軍機大臣傳諭和春福濟曰據福濟奏稱皖省軍務喫緊請留和春督辦等語丹陽大營關繫蘇浙兩省保障朕素知和春尙有將略且曾在向榮軍營江南情形亦能熟悉是以調往丹陽卽欲命其爲欽差

大臣俟到江南再降諭旨鄭魁士在皖屢著戰功接
替和春總統軍務諒能勝任該撫現已病痊亦可與
鄭魁士和衷商榷會籌防勦和春福濟接奉此旨著
卽知照鄭魁士迅速折回廬州接辦安徽軍務和春
俟鄭魁士到營交卸後迅速起程馳赴丹陽軍營聽
候諭旨

初十日
甲午

欽定剿平粵匪方略卷一百六

十四

上諭內閣曰江南提督和春著授爲欽差大臣卽日馳
赴丹陽接受關防督辦江南軍務

十四日
戊戌 德興阿翁同書奏言近日瓜鎮賊匪

互相聯絡往來靡定臣等於七月十九等日屢
次督師進攻而五里莊四里鋪一帶該逆空隄
引流到處環阻官軍節節鳧渡冒險而進賊壘
槍礮較前益密連旬以來該逆由土橋出擾樸

樹灣等處屢經參領富明阿等帶兵擊退每殺
賊三五十名不等惟近獲奸細均有該逆分股

由儀徵往六合之供現在通飭江北各營嚴備

一面乘其謀竄未遂之先設法攻勦爲一舉殲

除之計特於揚儀馬步各隊中擇其年強膽壯

尤爲奮勇者以備設奇破敵之選並邀水師總

兵陳國泰來營密商囑其剋日多備火攻器具

欽定剿平粵匪方略卷一百六

十五

遇風色順利之時卽駛至瓜州大口乘風縱火

復飭其遴選水營兵勇臨時各駕小船接應泅

水登岸與陸路兵勇夾擊又密飭署儀徵縣知

縣楊鍾琛將該縣水勇趕緊募齊與舟師會合

屆期分路齊進臣等亦親督東西兩岸馬步各

軍隨帶各項攻具設法搗巢以期一鼓殲除奏

八報

閱

十五日 己亥

上諭內閣曰和春已授為欽差大臣督辦江南軍務所

有安徽軍務著派提督銜署壽春鎮總兵鄭魁士會

同福濟督辦

十六日 庚子 怡良奏言丹陽逆匪於受創後仍環

攻金壇縣城七月二十五日參將李定太等帶

聖學聖略卷一百六

十六

領馬步各隊分三路攻擊張國樑親督守備馬

騰超居中策應各軍衝至濠邊槍斃多賊城內

之都司馮子材等同時督兵勇擁出南門亦分

三面進勦焚燒該逆望樓斬擒約百餘名立將

城南頭座賊巢毀平二十六日挑派官軍護送

火藥由南門入城一面出隊牽制賊勢槍斃伏

牆賊匪多名二十七日分兵督攻南門外賊壘

燒燬更樓一間正在得手之時東西兩門之賊

突來二三千人內有騎馬賊目往來指揮我軍

用洋槍擊斃乘勢衝殺將逆眾壓敗回巢二十

九日派隊暗擊城東賊壘李定太張玉良等攻

第一座礮臺官軍以藤牌遮護一齊衝至岡下

斬馘守礮之賊甚多遂將礮臺平毀復乘勢擁

上土岡燃燒藥桶逆眾越牆逃竄砍斃燒死者

聖學聖略卷一百六

十七

無數又將第二座礮臺踏毀突有北門大股逆

匪來援張國樑督隊衝殺殲斃數十名該逆先

於西門外偷挖地道藏放火藥當我兵力攻礮

臺之時突然點發轟坍城牆三丈有餘幸城內

遊擊李鴻勳等督飭兵勇嚴守牆缺施放槍礮

斃賊數十名其轟發地道之時震坍民房數間

壓死逆匪百餘人查該逆在金壇縣城外築壘

環攻我兵擊其一面彼卽三面來援現在官兵
在城外者雖有六千餘名紮營東北僅可堵其
兩面其南門一面尙屬空虛復由丹陽大營抽
撥兵勇二千五百名前往堵剿以免曠日持久
所有陣亡之四川把總張殿元等及前七月十
七日在金壇縣打仗陣亡之貴州把總楊勝得
相應請

欽定剿平粵匪方略卷二百六

十六

旨交部從優議卹奏八

上諭內閣曰金壇節次剿賊獲勝著張國樑督飭在事
將弁將賊匪悉數殲除並設法杜其旁竄免致蔓延
爲患陣亡之四川把總張殿元五品藍翎勇目鄒得
龍均著交部從優議卹前在金壇打仗陣亡之貴州
把總楊勝得著一併交部從優議卹

怡良又奏言明安泰駐守溧陽一軍前此逆匪

未竄金壇之時原爲專顧東壩一路此時賊股

屯踞金壇城外卽應分兵迎勦該總兵前派勇

五百名赴宜興協防並另派都司陶茂林管帶

兵勇一千四百餘名往援金壇業經張國樑派

令八城協同守禦查溧陽距金壇不及百里水

陸直達毫無阻隔且西連溧水東接宜興目下

旣須旁顧定埠又須上扼金壇面面當衝防守

欽定剿平粵匪方略卷二百六

十七

倍形喫緊已由臣札行該總兵能否分兵進剿
東壩飭令相機辦理奏八報

聞

二十日甲辰怡良奏言八月初三日臣張國樑督

令參將魯占鼈等分投攻撲金壇東門賊壘因

牆高濠闊未能得手初四日各路援兵將次到

齊城內遊擊李鴻勳等瞭見西門外逆匪赴鄉

擄掠卽派張朝光等督帶兵勇潛出西門分兩路攻擊西街賊巢該逆猝不及防被我兵搶入連撲賊巢十餘處大股逆匪護擁來援我兵收隊回城該逆跟追近濠武生陳震指揮團丁施放槍礮連斃數賊始行擊退該武生亦被賊礮中胸登時陣亡初五日出隊在南門外移紮營盤四座該逆率黨五六千人前來攻撲我軍奮勇直前槍斃騎馬黃衣賊目乘勢進勦該逆敗退搯橋而守李定太匹馬當先督帶兵勇數十名搶上橋梁砍斃劇賊十餘名虎坤元從後掩殺該逆敗退回巢臣張國樑乘機直擣南門賊壘督飭虎嵩林率領李定太等四面圍攻該逆蒼黃失措我軍乘勢砍殺賊匪不計其數餘匪竄入第二座巢內我兵進攻適城內遊擊李鴻

聖皇集方略卷一百一

三

勳督率馮子材等帶同團丁從南門橫衝而出一併擁至賊壘李定太等帶勇躍過濠溝拋擲噴筒火罐壘中火起我兵乘其荒亂大隊壓入將巢內之賊盡行殲斃進攻第三座逆壘各兵勇從槍礮叢中踰牆而登該逆驚潰衆軍破柵而進刀砍矛刺賊屍徧地餘匪奔逃壘後土岡有礮臺一座該匪排列大礮連環施放我兵未能撲近臣張國樑密令李鴻勳等選帶藤牌手從岡後抄上該逆卽由兩旁逃竄將逆壘第三座礮臺平毀東西兩門之賊二三千趕來救援我兵首尾夾擊該逆披靡奔回舊巢統計是日斬馘首級一千五百顆生擒賊匪二十名至初六日子刻逆匪宵遁城圍立解臣張國樑卽飭虎嵩林等倍道追勦直至茅山勦殺不下千名

聖皇集方略卷一百一

三

該逆分作兩股一走句容一由茅山南路旁竄
李定太等帶領馬隊自茅山間道兼程追襲斃
匪三四百名餘俱爬山越嶺四散逃竄臣張國
樑查茅山南路近接溧陽卽令虎嵩林酌帶兵
勇馳赴溧陽會同明安泰相機堵剿其李鴻勳
一軍仍回金壇臣張國樑卽親統各軍由延陵
珥陵一路折回丹陽相機進取句容所有守城

聖皇聖考卷一百六

三

陣亡之金壇縣武生陳震相應請

旨從優議卹奏入

上諭內閣曰逆匪自丹陽竄撲金壇經總兵張國樑督
兵進剿與城內駐守之遊擊李鴻勳等兵勇內外夾
攻立解金壇城圍所辦尙屬得手著怡良仍飭張國
樑等督軍將敗殘餘匪搜除淨盡乘此聲威各路堵
剿力圖進取毋令逆勢紛竄蔓延陣亡武生陳震著

交部從優議卹

二十一日^{乙巳}何桂清奏言甯國賊匪被我軍疊
次痛剿勢已窮蹙惟涇縣竄賊雖經周天受屢
次勦辦獲勝力保城池而南陵青陽賊援屬集
與徽嶺處處可通江長貴於七月初八日在建
平軍營會同秦如虎等擊退賊匪以後隨即帶
勇由績溪入徽其時南陵之賊竄至涇縣張芾

聖皇聖考卷一百六

三

飭令將長勝勇派赴涇縣協勦該署鎮行抵徽
州而青陽之賊三四千人於八月初二日竄入
太平縣境張芾卽飭該署鎮帶勇出翁嶺迎勦
尙恐該逆潰竄旌德績溪臣已飭周天受準備
策應但周天受全軍僅千餘人甚爲單薄鄧紹
良先將調防廣德之李恆淞一軍飭令折回涇
縣以之兼顧南陵青陽兩路兵力尙屬不敷張

芾已咨商鄧紹良隨時察看緩急另籌接濟至建平溧陽兩路明安泰秦如虎本已約期會攻東壩嗣後因丹陽之賊竄往金壇明安泰以溧陽之師分援金壇派防宜興業已分兵不少而秦如虎駐紮建平仲孫懋駐紮鍾橋亦祇能力扼要隘杜其內竄不能分兵紮出定埠應俟金壇解圍再與明安泰約會進剿惟建平一帶道路紛歧尙慮逆蹤分竄李恆淞一軍旣回涇縣臣復由省撥金華勇六百名交慶廉派防廣德並咨會鄧紹良策勵全軍務須早日攻克甯郡以期仰紓

聖朝聖略卷一百六

三

宸廑奏八

上命軍機大臣傳諭怡良福興張國樑何桂清曰昨據怡良等奏金壇解圍已飭秦如虎由定埠進取東壩

此時仍當飭令明安泰約會該副將擊退東壩占踞之賊杜其內竄建平爲入浙要路李恆淞旣回涇縣該撫卽飭派防廣德之臬司慶廉等嚴密布置一面飛咨鄧紹良策勵全軍乘賊窮蹙之時攻克甯郡庶外援之賊失其所恃不致再生覬覦至徽郡兵單其南陵青陽竄匪並著該撫察看緩急飛咨鄧紹良酌量辦理毋稍疏懈

聖朝聖略卷一百六

三

欽定勦平粵匪方略卷一百六十一 丙辰年

八月二十二日 丙午 湖廣總督官文江甯將軍都

興阿署湖北提督楊載福署湖北巡撫胡林翼
奏言七月十六日武昌城賊開四門分路以撲
洪山填濠併進直薄我營李續賓自帥湘右營
前左四哨截於田隴賊殲於濠中者約二百餘
名我軍乘勝越濠追之城賊又出大股繞小龜

聖皇聖略卷百六十一

一

山以襲我後李續燾從旁橫擊偏斃於沙湖者
二百餘名其由中和門出城之賊趙克彰等分
繞巴頭山截殺追至城下斃賊四百餘名 臣楊
載福於是日派都司李濟清由沙口出隊往青
山防守因青山港有鳧水偷渡入城之賊李濟
清卽率三板十餘隻入港轟斃賊二百餘名生
擒長髮十數名十七日偽檢點古澧賢率賊千

餘循城北青山油坊嶺江岸修築土壘 臣楊載

福率遊擊鮑超等自沙口出隊至青山會合李
濟清入港轟擊鮑超等復登岸奮擊將油坊嶺
賊巢盡行燒燬十八日魯家巷援賊益多並新
添三壘 臣卽添派訓營李續賓亦抽分營哨前
往助勦鏖戰三時賊稍卻我軍同時並進立破
其中右二壘馬隊馳驟衝殺斃賊約三百名乘

聖皇聖略卷百六十一

二

勝追至黃家店又破賊後路三壘是日 臣楊載
福亦親率陳金鼇帶三板數隻首先衝入港內
對賊壘轟擊李濟清派勇由上青山登岸繞出
賊後焚燒賊巢將賊壘浮橋概行燒燬十九日
賊又以民划入南湖湯孫湖潛泊岸旁冀於夜
間放入湖中驚 臣後路瞿定國等於夜半突出
百餘人挾火具登岸焚其划船殆盡二十日東

湖船二十餘號由閘橋直趨魯家巷左壘援賊亦出二萬餘撲魯家巷各營 臣卽飭瞿定國先夜以三板挽入東湖繞擊賊船之後陸師則以礮沿湖轟之及賊船將近各勇解衣涉淺爭奪賊舟傷斃水賊百餘燒賊船三隻餘船仍奔入港二十四日瞿定國等又奪獲賊船四隻斃賊三十餘名二十五日副都統銜護軍參領舒保

聖朝聖略卷二十一

三

之馬隊全數至洪山安營二十六日赴魯家巷出賊不意踏其一卡生擒偽司馬李洸發斬之二十八日援賊城賊四面紛出約二三萬李續賓嚴陳以待約一時許號旗一揮各營齊出趙克彰奮勇爭先立斬衝鋒悍賊數名蔣益澧等率營抄截護軍參領舒保率馬隊四面衝突賊遂大敗伏屍滿途李續賓等各率勇分路邀截

聖朝聖略卷二十一

四

姚家嶺窰灣沙子嶺小龜山之賊賊殊死鬪一敗敗退一股繼進酣戰良久馬隊數十騎復橫掠沙子嶺而過槍箭並發余雲龍亦率勇從東湖繞姚家嶺而上從旁襲之賊遂大亂紛紛退走追至小龜山腳惟鮎魚隄一綫之路敗賊擁擠自相踐踏偏斃於沙湖及槍礮轟斃之賊約七八百名蔣澤灃朱品隆追過雙鳳山左右斃賊亦約二三百名統計各營斃賊約一千數百名斃黃衣騎馬賊目數十名是日各路之戰如魯家巷之援賊則張榮貴率勇迎勦踏破賊壘四座斃賊二百餘名其東湖之賊船出護陸賊經瞿定國焚燒三十隻其湯孫湖匿港之賊划則姚教忠轟燬七十餘隻斃賊三百數十名追至舒家橋縱火將賊划燒盡又登岸燒其賊巢

八十餘戶臣楊載福是日亦率李濟清等破賊
上青山三壘追至油坊嶺渡口毀其浮橋陳金
鼇率船攻壇角之賊亦破其一壘八月初三日
李續賓等赴魯家巷助剿三路齊進追逐十餘
里踏平賊壘六座斃賊六七百名初六日三更
偵探賊之後路四營已動賊將遁矣壘中賊聲
甚響更鼓已亂初七日丑刻急飭張榮貴會合
各營分三路進剿舒保率馬隊由洪山馳往接
應天尙未明我軍連破大壘十三座小卡無數
斃賊千餘名匪徒漫山遍野紛紛下竄馬隊追
及於土橋殲其後隊無一脫者賊奔益急七八
十里之地無一返顧迨追至華容則已百餘里
矣計斃賊千數名生擒六十餘名偪溺於內湖
者不可數計此七月十六日至八月初七日水

陸分攻馬步合剿大破城賊援賊之情形也該
逆石達開初至氣燄頗熾仰仗

大威旬日之內大小二十餘戰大挫逆鋒解散脅從約
計萬人敗賊尙有萬餘已至大冶興國而臨江
賊首偽侯黃玉崐復以大衆至興國會合賊情
詭祕尙宜嚴防所有統帶馬隊之副都統銜護
軍參領舒保等可否分別獎勵其力戰陣亡黑

龍江六品藍翎甲兵倭索爾札嗎立付善烏勒
希遜依郎阿巴彥吉爾嘎應請照驍騎校例議
卹遊擊劉錫文等並請分別議卹守備李登闢
戰功素著因傷成廢可否比照實缺守備例在
籍食俸奏入

論內閣曰此次旬日之內大小二十餘戰水陸皆能
用命而馬隊之功居多解散脅從約計萬人仍著胡

林翼等督軍悉數殲除趕緊克復城池無再延玩所有在事尤為出力之參領舒保著賞給倭什洪額巴圖魯名號記名道安慶府知府李續賓著賞加布政使銜都司何紹彩著賞換花翎免補都司以遊擊儘先升用其餘水陸各營出力員弁著准其彙案保奏力戰陣亡之黑龍江甲兵倭索爾札嗎立付善烏勒希遜依郎阿巴彥吉爾嘎均著照驍騎校例議卹遊

聖朝軍方略卷一百一

七

擊劉錫文著照參將例議卹把總晏光明顏真彥外委李升剛把總艾文軒李啟相黃武泰唐永飛外委蘇文炳陳龍開田福勝陳文昌孫連升唐隆保傅正榮李德輝丁光彩朱萬勝黃良仕陳紹林均著照例從優議卹擬保外委朱朝青黃建四金太和黃吉亨羅起富嚴得標周南桂袁正華六品藍翎何連勝已革把總楊慶春均著照外委例從優議卹守備李登

關因傷成廢著比照實缺守備例准其在籍食俸

胡林翼又奏言馬隊為我

朝勁旅

天威所臨羣兇震懾茲以四百渡江旬日之內擊走悍賊厥功甚偉所有馬隊員弁兵丁理合先行繕單保獎可否仰邀

俞允以示鼓勵奏入

聖朝軍方略卷一百一

八

上諭內閣曰馬隊官兵渡江勦賊最為得力黑龍江佐領西林佈著賞加阿木爾罕巴圖魯名號委參領儘先升用驍騎校花凌阿著賞加圖蘇普特依巴圖魯名號吉林委參領雙福委驍騎校雅隆阿驍騎校色克精額額外驍騎校貴廉黑龍江驍騎校德平委驍騎校烏普芮塔青阿甲兵農依佈岳隆阿均著賞戴花翎吉林驍騎校慶安黑龍江驍騎校巴彥杜勒均

著以佐領儘先補用並賞戴花翎黑龍江委防禦溫
德勒克喜著以驍騎校儘先補用吉林甲兵三慶托
克托佈黑龍江領催額爾登額巴彥佈德隆阿喜明
均著以驍騎校補用吉林領催委防禦來福委驍騎
校德海榮大奎英明升額外驍騎校和順軍功春瑣
德隆阿奎春全盛斌誠達豐阿全安英山連成富奎
興春甲兵穆吉楞額關德富春福英祿常在雙有拉

聖朝軍略卷二十一

九

杜舒成富羣富亮巴彥太德興阿永和貴有薩音布
雅黑龍江委驍騎校愛林保領催巴凌薩穆齊穆慶
阿庫墨善軍功巴克唐阿壽昌札勒芬佈德凌尼壽
巴爾沁緯力善愛新伊爾吞富慶阿成福庫蒙額尙
裕德綳阿德明阿甲兵巴立善博新哲西祿善立興
額雙全郭爾敏依勒興阿隆太阿克棟保依慶額明
成均著賞戴藍翎吉林甲兵德慶倭克精額德慶常

明勝貴富勒琿八十九春德達凌阿全有增祥富順
莫爾青阿安崇阿黑龍江甲兵壽亭烏爾西佈台平
阿倭興阿雙西保色克精額巴圖力托普興阿恩特
和善巴揚阿悅地善圖敏哲忠保郭興阿巴凌阿依
力佈巴圖爾札巴倭倪郭對依成額富平阿米方多
勒吉鐵保均著賞給六品翎頂吉林佐領富新著以
參領儘先補用委防禦承惠著賞換花翎黑龍江委

聖朝軍略卷二十一

十

防禦圖尙阿著以驍騎校升用賡音佈委驍騎校烏
豐阿均著賞戴花翎吉林甲兵德貴楊玉雙永凌陞
德慶委官圖善黑龍江甲兵喜蘭保富隆阿富勒春
庫克精額前鋒博清阿甲兵富慶全保蒙果勒佈郭
爾炳阿保任穆棟阿富勒佈慶壽額勒和布拜奴善
均著賞戴藍翎吉林甲兵雙林黑龍江甲兵雙喜努
胡德依巴奇那慶福常雲保均著賞給六品翎頂護

軍校貴成著免補本班以空花翎補用

同日德興阿翁同書奏言前因揚營失利郡城

再陷奉

旨將雷以誠革職查辦 臣等遵查本年二月二十八日

金陵下竄之賊與瓜鎮逆匪合夥攻撲土橋迨

至日暮官兵傷亡益眾 臣等均追至三汊河暫

駐次日 臣德興阿帶隊由西岸進剿東岸官兵

隔河開礮助戰俄報賊由樸樹灣過河托明阿

派 臣德興阿赴蔣王廟迎勦另股由凍青鋪渡

河焚掠托明阿遂由三汊河帶馬隊截勦詎意

賊匪分股攻撲愈來愈眾三汊河旋即失守雷

以誠退至沙頭嗣由沙頭登舟復至艇船據稱

意在聯絡江南援師至初七日雷以誠自焦山

回至萬福橋時因賊踞揚城道路梗塞以致東

西兩岸信息不通此揚營失利前後數日實在

情形也至收復揚城奏報不符最為緊要關鍵

臣等公同訊問據雷以誠供稱是日原未親身

帶隊入城至勇目臬廣德帶勇爬城則實有其

事雲梯四架現尚存黃泥溝可以查驗又有陣

亡壯勇二名受傷一名可據惟鄧紹良所報砍

獲首級耳記及奪獲器械旗幟等件並未繳驗

革員係查照報單摘敘入摺等語查此次揚營

失利實因變起倉猝力不能支並非不戰而潰

雷以誠矜才恃氣言動輕躁馴至兵勇不睦怨

謗交加雖失事由於西岸而東路亦不能守厥

咎惟均責無可貸洎退守沙頭後不即督勇進

攻遷延累日尤為失計於收復揚城一事雖非

有心捏飾但不應憑勇目稟報之詞輒稱與鄧

有心捏飾但不應憑勇目稟報之詞輒稱與鄧

紹良會兵進剿以致彼此爭執前後兩歧縱無
冒功之心殊非覈實之道

德興阿翁同書又奏言前以雷以誠軍營委員
雷鳳翥等勸捐發餉種種營私疊奉

諭旨交臣等查訊遵查縣丞黃鍾係雷以誠女婿與伊

胞兄知縣黃斌同在雷以誠軍營當差據黃鍾
供稱上年十月間到霍家橋勸捐有典商董事

欽定剿平粵匪方略卷一百二十一

十一

常振雲願捐錢四百二十千文外加貼夫馬轎
費二百千文本年二月間在楊獸壩勸捐有民
人吳順祥卽吳順發願捐錢四百千文折銀二
百兩俱已繳歸總局均未給收條並無鎖禁吳
順祥責打常振雲之事又據吳順祥卽吳順發
供稱今年二月間委員黃鍾到楊獸壩寫捐因
伊不在家將伊子吳永貴帶到廟裏管押並未

鎖禁又訊出黃鍾在楊獸壩勸捐曾將地保殷

標李全等掌責至方家巷置買田產一節據黃

鍾供稱因家鄉被擾商議置買田畝上年八月

間奉委辦理礮艇捐務不能分身託胞兄黃斌

經手承辦方家巷田畝一處是實等語正擬嚴

切根究黃鍾旋患痧氣身死又查候選直隸州

知州雷鳳翥係雷以誠之胞姪從前雷以誠在

欽定剿平粵匪方略卷一百二十一

十一

萬福橋駐營之時委管支發局事務迨移營桂
花莊後派令帶勇並收發練勇口糧原參內所
稱發餉每名日給錢三四百文不等外示優厚
而內則每百必扣三十文一節據雷鳳翥供稱
所有勇糧均係原領原放並無絲毫剋扣惟因
各勇隊內有百總五十總十總教習總旗等名
目管束訓練差使既有勞逸口糧向有區別而

限於定例每名日給錢三百文無可籌增不得
已始與帶勇員弁商酌辦理每百名定以二十
名為餘勇日給錢一百五十文計可贏餘錢三
千文統交帶勇各員弁以資津貼自百總至勇
目每名日給錢六百至四百文不等實係以公
辦公並非侵蝕惟未經具稟立案致招物議又
原案內售賣功牌每一紙收番銀二三十圓一

聖朝聖學卷之二十一

十一

十一

節據供雷以誠因錢糧支絀初議鼓鑄大錢派
員勸捐銅斤按照斤數多寡賞給六品八品功
牌共收銅二萬三千斤移交支發局收儲又訊
出雷鳳翥家人張安即張金齡充當練勇曾在
虹橋殺賊稟經雷以誠賞給六品功牌臣等以
張金齡究係長隨不應賞給已將功牌追繳其
在揚城置買房屋據供前因淮南改運票鹽伊

弟雷文曜攜資來揚販運迫揚城失陷其存揚
未經辦鹽資本銀二千五百兩經店夥先期攜
出遠避適該員來揚效力因將此項存留有同
鄉監生石光達在支發局幫辦各事見有此項
存款暫挪支發局存款銀三百兩湊入一併販
買過煤米一次其暫借之銀將煤米賣出後當
即歸款又因原籍久被賊踞令家人李德豫為

聖朝聖學卷之二十一

十一

十一

租屋一所不意李德因租價昂貴竟於揚城內
用錢八百三十千文代買房屋一所未經阻止
至畝捐章程據知府吳雲供稱始因沿江洲民
自願按畝出捐接濟艇師議定腴田每畝捐錢
八十文以次遞減至二十文不等並無四倍錢
漕之事原案內稱吳雲以秦人徐震甲為牙
爪無利不搜並在蘇州開設布莊一節據吳雲

供稱徐震甲本係文藩司委管白塔河釐捐委員嗣經托明阿等札委兼辦江甘畝捐委無令徐震甲謀利之事亦未在蘇開設布莊惟徐震甲籍隸揚州不合將吳雲告示列銜鈔貼又查出徐震甲於五年正月間隨同張廷瑞勸辦米捐因丁溝畝捐米捐均不應手有杜成祿出言頂撞徐震甲性急氣忿舉手自批其頰實屬舉

聖學聖學

七

動輕躁不知大體又查原參委員內有翁壽慶虞泳齡二人翁壽慶係捐納布政司理問據供隨同雷鳳翥管理支發局惟因雷鳳翥係奏派人員且久經在局經理是以局中公事均未經手於公牘亦多未會行等語虞泳齡係專辦甯幫米捐委員經文煜將該員差使撤銷業已回浙尙未解到應即將全案訊結查黃鍾業經病

故應毋庸議雷鳳翥擬先行請

旨革職交刑部擬罪石光達等擬請

飭部一併分別定擬奏入

上諭內閣曰前因揚州軍營失利雷以誠接應遲延並捏稱助勦收復揚城當經降旨革職拏問交德興阿等嚴訊請旨又因御史方濬頤何桂芬奏雷以誠軍營委員雷鳳翥等勸捐發餉種種營私復諭令德興

聖學聖學

木

阿等一併提訊茲據奏稱本年二月間三汊河失陷雷以誠退至沙頭後不卽督勇進攻遷延累日實爲失計其收復揚城但憑勇目稟報之詞輒稱會兵追剿亦屬奏報失實又於伊姪雷鳳翥伊婿黃鍾在營舞弊毫無覺察實屬辜恩雷以誠著發往新疆效力贖罪委員黃鍾業經病故著毋庸議雷鳳翥挪湊支發局銀兩交監生石光達營運濫給家人張安功牌

發放勇糧變通支給並未申報又在揚城置買房產
實屬牟利營私著卽革職交刑部定擬罪名具奏石
光達爲雷鳳翥營運圖利徐震甲因勸捐責打杜成
祿騷擾地方吳雲總辦畝捐於徐震甲辦理不善未
能察出黃斌於伊弟黃鍾置買田產並不阻止翁壽
慶襄辦支發局務並不經手會行均有不合該員等
應得罪名著該部一併分別定擬

聖朝聖考卷百二十一

十九

德興阿翁同書又奏言據觀音門水師總兵陳
世忠呈報七月二十八日瞭見賊船四五十號
由燕子磯而來勢甚洶湧我師起碇迎擊用大
礮疊轟中其巨艇篷桅登時沈沒延燒賊船無
數逆衆紛紛投江經外委李贊彪等奪獲礮船
二隻訊據賊供楊逆定計分起先破浦口觀音
門水師卽順流偏擾六合儀徵以通北岸瓜州

往來之路旋據署江浦縣知縣袁瑞麟稟稱八
月初六日檢獲賊首僞旅帥譚盛條一名供出
僞北王章姓於本月初三日自上江敗回帶有
逆船二百餘隻下駛已由金陵登岸稍歇數日
卽分路攻撲浦六營盤等語 臣等現飭各路帶
官兵豫爲戒備遇有賊警彼此聯絡應敵呼吸
相通以資捍禦至瓜州之賊欲糾南岸大股逆
匪從儀徵西竄六合積謀已非一日擬飭鞠殿
華西昌阿等帶領新挑兵勇會合陳國泰舟師
及儀徵水勇直搗瓜巢奏八報

聖朝聖考卷百二十一

二十

二十三日 丁未 福濟奏言已革山東巡撫張亮基
前在楚省堵剿粵匪屢著戰功深悉賊情現在
皖省軍務喫緊萬分正資臂助仰懇

聞

天恩飭令張亮基馳赴廬州幫辦防剿實於皖營大有

裨益奏入

上諭內閣曰已革山東巡撫張亮基著發往安徽隨同

福濟辦理軍務

二十四日戊申和春福濟奏言查三河距廬城僅

九十里係南北往來通衢實郡城第一門戶該

逆死力拒守於四面堆砌石壘高至數丈進攻

聖皇集略卷一百六十一

三

非易因先後募勇二千餘名在西南一帶逼近

賊壘扼要紮營晝夜攻擊斬擒多名八月十一

日該逆大股來撲經參將程智泉等帶領兵勇

奮力擊殺殲斃六七百名生擒十五名餘賊敗

退十二日又來賊千餘名在金牛一帶空營麟

瑞等馳往攻剿殲斃三四百名立將賊壘平毀

十七日臣和春督同麟瑞等於初更後偃旗息

鼓攜帶雲梯攻具潛伏而進乘夜暗襲一面飭

令熊天喜等攻打南路賊壘越過內外濠齊抵

街口賊營及石壘牆下開放槍礮頃刻營內火

起賊眾驚亂越牆逃出均被兵勇砍殺乘勝擁

進即將賊營奪獲街內之賊自相踐踏我軍已

四面豎立雲梯翻牆而入登時街內火發賊眾

紛竄官軍迎頭截擊死者無數即於十八日子

聖皇集略卷一百六十二

三

刻將三河克復餘賊竄至白石山同該處賊匪

均向焦湖而逃隨一齊追擊見湖邊泊有多槳

等船百餘隻逆匪正在上船我軍趕至連開槍

礮燒燬多隻該逆落水死者不計其數先後擒

斬賊匪八千餘名現趕緊乘勝攻取廬江巢縣

以期次第肅清再岳州城守營參將程智泉殺

賊勇敢勳績卓著因追賊搶至內濠中礮陣亡

都司吳濟美於七月十六日猛攻賊營被賊礮傷身故千總伍坤萱把總黎連貴外委盧鵬超均隨程智泉槍至街口中礮陣亡合無仰懇

天恩俯准飭部一併從優議卹奏入

上諭內閣曰安徽逆匪自廬州克復後竄踞三河經和春節次攻勦屢有斬獲當將三河克復勦辦甚屬奮勇著福濟會同鄭魁士趕緊乘勝進取以期次第肅

聖祖聖訓卷一百一十一

三

清所有在事出力文武員弁兵勇准其擇尤保奏追賊陣亡及因傷身故之副將銜參將程智泉著交部照副將例從優議卹都司吳濟美千總伍坤萱把總黎連貴外委盧鵬超著一併從優議卹

又諭內閣曰逆匪竄踞三河已逾半載此次和春督兵深入連克賊巢掃平堅壘殲斃逆匪至八千餘名之多實屬奮勇可嘉著發去綠玉翎管一枝白玉搬

指一箇小刀一把大荷包一對小荷包四箇交該大臣祇領以示獎勵

同日邵燦庚長奏言前因金陵大營失利上游匪勢鷓張瓜逆又時思分竄揚州迤北以邵伯為衝衢奈防勇無多難資抵禦臣邵燦前派赴平橋防堵兵勇六百名續令進駐寶應縣之汜水鎮為邵伯後路聲援旋因瓜逆窺伺裏下河

聖祖聖訓卷一百一十一

三

一帶而江浦逆黨又有從六合天長直竄蔣壩之謠查蔣壩附近清淮情形喫緊當將汜水兵勇移緩就近急調回清江堵禦淮安以下仍須擇要設防以杜內竄臣等審度形勢山陽縣所轄之戴家灣地方有險可守當經臣邵燦飭委淮安府知府恆廉督同山陽縣知縣王慶瑞將應辦事宜次第經理現據稟該處陸路則修築

礮位釘立竹籤水路則分撥清船嚴查奸宄臣
邵燦一面檄飭淮安城守營參將伊米揚阿督
帶防勇前往駐紮並嚴諭在事各員約束練勇
認真巡防不准稍有鬆勁奏入

上命軍機大臣傳諭邵燦庚長曰前據瑞麟慶祺奏盱
眙縣之蔣壩濱臨洪湖與水路之邵伯鎮同爲清江
門戶必須嚴密設防本日據邵燦庚長奏已將汜水

聖皇集略卷一百一

五

鎮兵勇調回清江以防蔣壩並於戴家灣水陸各路
安礮釘籤分撥清船巡查布置尙爲周妥著卽照所
議辦理仍著嚴飭派往之參將伊米揚阿會同該府
縣督帶兵勇勤加操練一面激勵民團互相聯絡不
得始勤終怠虛應故事

二十七日 辛亥和春福濟奏言查廬江距三河僅
七十里逆匪踞守時逾三載八月十九日臣和

春率同副都統麟瑞等帶領馬步兵勇於二更
後銜枚前進二十日天色微曙齊抵廬江城外
該逆四五千入前來迎拒官軍兩面夾擊馬隊
左右圍抄鏖戰甚久逆匪紛紛倒地盡力斬殺
屍徧郊野餘賊敗入城中我軍槍至濠邊將賊

壘五座先後奪獲一面進逼城根設法進攻探
得該逆被勦緊急意欲夤夜潛遁當令嵩瑞等

聖皇集略卷一百一

五

帶領兵勇於西北豎立雲梯計圖襲取臣和春
同麟瑞等以大隊紮於東南門外扼住無爲桐
城兩路初更後兵勇爭先登城冒煙直上該逆
見官軍殺入驚慌失措自相踐踏死者枕藉餘
開東南兩門而逃追殺十餘里卽於二十日亥
刻將縣城克復統計斃賊三千餘名生擒一百
八十餘名內有僞檢點吳仕汶僞指揮黃大合

偽將軍高長有等二十餘名分別正法凌遲處
死千總劉富元首先搶進賊壘額被槍傷陣亡
仰懇

天恩飭部從優議卹奏入

上諭內閣曰官軍自八月十八日攻克三河石壘後卽
於十九日夜間乘雨進兵馳攻廬江二十日黎明齊
抵城外礮斃無算立將縣城克復此次官軍於三日

聖皇聖考卷十一

三

內連將三河廬江攻克實屬奮勇所有在事出力員
弁兵勇准其彙案保奏陣亡千總劉富元著交部從
優議卹

同日何桂清奏言據總兵饒廷選咨稱江西甯
都一帶忽起會匪勾結粵逆竄陷廣昌新城南
豐瀘溪等縣貴溪本駐有廣信勇二千名已革
皖南道石景芬帶勇於八月初二三等日陸續

前進訓導郭守謙於初三日正欲拔營繼發聞

賊已由小路來撲貴溪郭守謙出隊遇賊先已

獲勝嗣因該逆四面兜裏寡不敵衆力竭陣亡

餘勇潰散賊卽竄入貴溪並聞石景芬之勇亦

已潰散江西學政廉兆綸現駐河口因兵力愈

單咨請速調常玉防兵赴廣應援該鎮卽在玉

山防兵內挑選閩浙兵勇二千一百二十八名

聖皇聖考卷十一

三

於八月初九日統帶起程赴廣援勦仍留兵勇

一千一百名交遊擊高士濬管帶駐紮玉山以

爲後路策應等語臣思賊蹤飄忽靡常該逆一

聞廣信有備設或旁竄德興則常山開化隨在

可虞該二處原防兵勇無多必須添勇堵禦現

飭知府王慶勳管帶華勇七百名同知俞斌管

帶兵勇六百名由省馳赴常山交署金衢嚴道

繆梓會同衢州鎮總兵富勒興阿相機防堵仍
飭饒廷選確探賊情兼顧常開後路以杜竄越
何桂清又奏言饒廷選於八月初九日帶兵起
程行抵廣郡察看城廂內外居民鋪戶遷徙一
空僅存署知府沈葆楨署參將榮壽上饒縣知
縣楊昇三員相爲守禦當派兵勇嚴密巡防一
面查探賊蹤相機勦辦初十日探聞賊由興安
河口直趨郡城十一日分三路蠶擁而來約有
三四千人該鎮派遊擊江長元等分路出城迎
擊轉戰五時之久斃賊二三百名奪獲旗幟器
械無算賊衆大敗退走五六里惟逆匪於我軍
收隊後仍占踞西北角城外民房未退該郡初
無準備亦無江省兵勇會勦諸事委之客兵辦
理實形棘手臣已飛咨饒廷選激勵將士力扼

聖皇集略卷二十一

无

要衝嚴密防勦廣信能保無虞卽衢屬民心亦
藉以鎮定其陣亡之漳州城守外委陳飛鳳應
請先行

飭部從優議卹奏入

上命軍機大臣傳諭曾國藩文俊何桂清曰饒廷選到
郡後與署知府沈葆楨合籌防勦殺賊多名尙爲得
力而江西並無兵勇會勦專恃客兵恐難應手饒廷
選一軍旣抵廣信俟賊匪擊退自應設法將失陷各
縣次第收復而兵力尙單著曾國藩文俊酌派大員
帶兵前往會同饒廷選克復被陷各縣並著何桂清
飭知饒廷選如廣信賊蹤敗退卽帶兵前進會合江
西派出之軍將被陷各城收復再行回駐玉山所有
廣信勦匪陣亡之外委陳飛鳳著交部從優議卹
同日曾國藩文俊奏言逆匪自去冬今春攻陷

聖皇集略卷二十一

手

吉袁瑞臨等府因水路不得逞志於我遂於吉安臨江瑞州三府造船鑄礮並於生米司瑞河口臨江河口深溝高壘密排礮位專擊官軍船隻而護瑞臨賊舟爲衝出省河之計七月初一日賊由松湖帶戰船三十餘號陸賊千餘將抵瑞河口江軍水師候補道劉于瀆派李鴻泰等傍山迎敵百礮轟發擊斃溺斃之賊各數十名

聖朝聖曆卷百二十一

三

熊吉華管帶小划督勇登岸殺斃陸賊多名餘賊逃避山中燒燬賊匪大快蟹船二號奪獲大戰船二號三板小划三號大礮十二尊其生米河沿之賊被楚軍遊擊劉國斌礮船日夜轟擊賊衆膽寒遂於初五夜棄營而遁我軍追獲大礮四尊火藥五十九桶大小子彈槍械旗幟尤多七月二十七日劉于瀆親督守備李鴻泰等

營戰舟小划前往臨江河口巡哨該逆於南北兩岸堅築礮臺二座外設浮橋內隔木板又於裏河爲連珠小礮臺五座劉于瀆傳令往樟樹鎮會齊派曹篤清等船上前引賊至浮橋口門佯爲膠淺回船退走賊果擁出追趕我軍小划隨即進口斬斷浮橋水船銜尾進剿陸勇分投登岸夾擊賊船進退無路殺斃擊斃溺斃之賊

聖朝聖曆卷百二十一

三

約四百名奪得大小戰船九號大小礮位四十七尊米煤等船十三號燒燬數十號二十八日賊匪退守臨江城下劉于瀆派王炳等以三板徑入內河陸勇伏於南岸隄下賊果水陸來追我軍回棹返擊縱火焚賊划二十餘號奪獲大戰六尊米煤船十餘號子藥十餘石下游水師之駐紮吳城者七月二十七日惠潮嘉道彭玉

麟帶後營導營赴下游巡哨行至南康循東岸而下遙見謝師塘陸賊土犯賊舟亦自西岸神林湖列陣而出彭玉麟率各營哨對敵逾時賊舟敗北我師乘勝窮追去吳城老營已隔一百三十里振柁收隊行不數里南風忽起該逆見南風之不利於退師也遂回棹返攻極力猛撲礮如驟雨我軍亦停棹對擊煙燄蔽空湖波

聖皇聖方略卷一百一

三

大作軍心搖惑幾至不支彭玉麟傳令大舟下碇與之坐戰陣腳稍定各三板亦回頭奮擊銜枚無譁千礮雷震賊勢蹙復敗我軍揚帆佯作欲追之勢待賊舟奔北已逾二十里始行收隊五更乃抵老營查江西水賊以湖口逆舟最爲兇悍而吉安臨江瑞州三處修造船礮各治水軍以圖上下夾擊困我省垣臣等派彭玉麟駐

吳城以防湖口劉于瀆駐豐城以防贛河臨江河劉國斌駐市汊以防瑞河數戰俱勝從此瑞臨兩河賊舟不足爲害上游漸易肅清候補道劉于瀆自督帶水師以來無戰不勝以寡禦衆士卒樂爲效命願懇

天恩賞戴花翎以示鼓勵其所部出力員弁及彭玉麟所部出力之員可否容臣等覈保數人出自

聖皇聖方略卷一百一

三

天恩奏八

上諭內閣曰江西逆匪修造船礮於生米司瑞河口臨江口等處築壘經候補道劉于瀆等督派水軍進剿將賊壘盡行掃除其謝師塘之賊亦經彭玉麟奮擊敗竄此股逆匪膽敢於省城附近地方築壘候補道劉于瀆水陸夾攻以次掃蕩勦辦甚爲得力著賞戴花翎出力員弁著會國藩擇尤保奏

曾國藩文俊又奏言楚軍初至瑞州時該逆方大舉撲犯省城於省河之對岸數十里內築立賊壘五六處其塘頭凌一壘去省垣十里日來沙井搦戰僅隔一河臣等欲派兵勇迎接瑞州之援師必先攻破沙井之賊壘七月初四日渡兵二千餘人進勦直抵塘頭凌踏破逆壘二座初九日添派新字營虎字營合四千人前赴瑞

聖朝聖考卷一百一

三

州十五日到郡與鄂省援師會合十七日該逆以江軍新到營壘未堅遂出大隊六千人猛撲新到江軍之營各營分路抵禦守備李大雄力衝中堅賊即潰散殺賊五百餘人二十七日楚軍派三成隊出迎餉項賊又分股來犯湘勇寶勇鏖戰多時都司李新華等從東北抄出槍礮兼施賊眾大敗江軍由北門追至西門與湘寶

各營會合殺賊共五百餘人餘眾狂奔入城查湖北援師四月初間自鄂省起行追賊繞至長沙旋復馳至江西酷暑行軍轉戰千有餘里克復咸甯蒲圻崇陽通城新昌上高六縣扼駐瑞州以通兩湖之路江西全局之轉機胥繫乎此所有帶兵得力之員應卽籲懇

恩施以示鼓勵奏入

聖朝聖考卷一百一

三

上諭內閣曰湖北援師攻勦瑞州疊次獲勝楚軍現駐瑞州以通兩湖之路所有帶兵文武各員均能奮不顧身冒險攻擊自應量予恩施湖北補用參將普承堯著以副將遇缺卽選湖南候補同知吳坤修著以知府歸湖南補用同知銜曾國華著以同知儘先選用候選知縣劉騰鴻著以直隸州知州歸江西補用並賞給衝勇巴圖魯名號其餘出力員弁著准其擇

尤保奏

會國藩文俊又奏言查吉安被圍兩月有餘逆
眾數萬百計攻撲經在城文武悉力守禦殲擒
多賊乃因城牆兩次轟塌失陷該員弁或臨陣
捐軀或從容殉節大義凜然前次該員弁等槍
護缺口出力經臣文俊奏奉

諭旨查明彙保當即逐加酌覈旋聞該郡失陷是以未

聖學聖略卷十一

三

經出奏合無仰懇

天恩將臬司周玉衡等均照擬保官銜

飭部分別議卹周玉衡久任贛南堵勦粵匪力衛邊疆

素著聲威士民感戴並請於吉南贛三府各建

專祠陳宗元等均於吉安祠內附祀以慰忠魂

奏八

上諭內閣曰上年江西吉安府被匪圍攻按察使周玉

衡知府陳宗元等督同在城文武登陴固守兩月之
久斃賊多名經文俊以槍護城垣出力擬保升階尙

未奏到旋因兵單食竭府城失守該員等捐軀殉節

大義凜然著各照升階賜卹以示優異江西按察使

周玉衡著照布政使例吉安府知府陳宗元著照道

員例參將柏英著照副將例吉安府通判王保庸著

照同知例廬陵縣知縣楊曉昫著照知府例都司馬

聖學聖略卷十一

三

福壽著照參將例周玉衡之子江甯布政司理問周

思慶著照知州例縣丞周自新訓導張滋均著照知

縣例生員范雲程著照從九品例縣丞秦振元著照

知縣例知縣王見周著照同知例陳宗元之子監生

陳世濟著照千總例軍功王虎臣著照府經歷例俊

秀程虎炳軍功秦登元均著照從九品例府經歷林

蔚著照知縣例外委韓衍彬著照外委例各議給應

得卹典署吉安府經歷余焯府照磨胡瀚吉安府教
授余步蟾廬陵縣縣丞呂承恩典史章德懋教諭李
傳心訓導吳襟浩舉人李鴻鈞未入流孟國觀都司
克什布署守備蔡元陞署把總李德魁把總吳廷瑞
藍珩千總鄺昌貴把總戴文斌千總謝明亮額外劉
起元劉效熊外委鄧家璧知縣萬慶章均著交部從
優議卹周玉衡著於吉南贛三府各建專祠陳宗元

聖朝聖略卷一百二十一

三

等均著於吉安府祠內附祀以慰忠魂

曾國藩文俊又奏言六月十四日楚軍擬於撫
州西南城根隄下築一新壘以截賊蹤而空隧
道以爲轟城之計賊卽併力來爭我軍抵陣衝
鋒殺賊四十餘名隄上之賊復經江軍轟斃數
十名二十日楚軍仍於西南城隄上潛築新營
再掘隧道賊疊次來撲我軍攻勦屢勝七月初

一日探報逆目黃玉崐黃士幅等由臨江崇仁
統賊七千餘人冀圖與郡城悍賊內外夾攻猛
撲我軍老營然後併力以西禦兩湖來援之師
是夕至上頓渡民房占踞我軍於初二日五鼓
派隊馳勦逆黨四千餘人已於四更時潛伏卡
外我軍行抵該處賊分三路包來周岐山等分
抄夾攻殲賊二百餘人追殺二百餘名黃玉崐
僅以身免當各軍乘勝追捕之時城內突出二
千餘賊以數百人犯江軍以數百人犯掘隧之
新壘以千人犯楚軍之中營均被我軍擊退是
日自卯至午鏖戰四時共殺賊五百名積屍十
餘里初十日黎明賊黨三四千人出犯中營我
軍併力衝突賊始退至隄邊旋猛撲新壘緣新
壘之中開掘兩隧賊黨偵知特用全力圍逼忽

聖朝聖略卷一百二十一

四

值大雨如注我軍槍礮皆不能然賊遂撲入力戰一時之久不能奪回次早賊復大至各營堅壁不動待其疲乏一擁而前賊出不意潰至隄根我軍用排礮併擊血戰半日殲賊四百餘名十三日寅刻賊卽吹角出城火光徧野黎明分三路來犯中左右三營我軍先用大礮轟倒八九名賊仍不退時督隊之賊左突右衝大隊皆

聖朝集略卷一百一十一

聖

受其指揮突被礮轟落馬遂狂奔入城是日賊黨數千人出北門過西津渡竄去人數約六千餘悉赴瑞臨以禦兩湖之援師由是撫州之賊數稍減我軍久戰力疲亦少資休息目下兩湖援師已至瑞州賊勢全注西路臣等仍飭李元臣度圍偏撫城力圖克復以期肅清東路曾國藩文俊又奏言三月初間逆首石達開竄

擾皖南帶去男婦一萬餘人然所帶者多係江西新據之民非盡兩廣久從之賊江西賊勢仍未稍衰八郡名城久被淪陷南康雖經收復尙無陸兵駐守刻下贛州建昌饒州三府各有兵勇數千撫州瑞州袁州三府各宿重兵將近萬人查閱僞文參覈各處探報賊首之在江西主持軍務者自去年十一月至本年二月底以僞

聖朝集略卷一百一十一

聖

易王石達開爲主三四月以僞易貴丈黃玉岷爲主六七月後以僞北王韋昌輝爲主如九江之林啟容瑞州之賴積新湖口之黃汝金皆著名劇賊撫州之三檢點建昌之張三和袁州之李能通雖不甚著名亦復譎謀百出堅悍異常統計江西境內廣西悍賊與廣東湖南新附之賊約在四萬以外本省甘心從逆之匪約在

三萬以外而皖鄂兩省上下往來之賊不在此
數臣等忝列戎行惟當一意鎮靜妥為布置以
安軍民之心奏入均報

聖聖聖聖聖聖

聖

欽定勦平粵匪方略卷一百六十二 丙辰年

九月初二日 丙辰 官文胡林翼奏言兼旬以來臣

官文督飭署臬司李孟羣等率兵勇進攻漢陽

西門城卡又令綿洵督飭遊擊侯鳳岐等整隊

渡河攻五顯廟一帶土城令副將顏朝斌於鸚

鵝洲進兵攻其東門八月初九日密派兵勇攜

帶旗牌躍登卡牆擲放火彈火箭卡內賊營延

聖聖聖聖聖聖

聖

燒數座賊眾大亂兵勇擁入頭卡殺賊數十名

內卡之上亂石下擊兵勇傷亡多名十一日我

兵復分路進攻該逆於西門出大股直撲中路

營盤李孟羣率縣丞袁懷忠等分路抄擊賊勢

披靡斃賊三百數十名奔竄不及入城者復被

我軍殲斃無數時已初更撤隊回營是日訥欽

等攻五顯廟卡斬敵甚多又轟塌頭卡牆數十

丈未能深入十二日夜半南門出賊數隊由破江口襲我內湖礮船經管帶船勇守備陳慶有等先期偵知率勇登陸深伏蘆叢追賊至湖邊伏勇四起船內連開大礮賊即敗退十四日臣官文又親督隊伍派軍功邊又雄等帶三板船三十號由龍燈隄入湖轟擊月湖隄賊卡即由湖尾駛至五顯廟賊卡後又派遊擊溫發魁等

聖皇聖學卷之三

二

各帶陸勇攻五顯廟賊卡之前王國才攻西門橋李孟羣攻龜山尾臣官文督同副將粟襄等率馬步隊迎勦巴揚阿又率馬隊縱橫血戰賊敗歸巢又值顏朝斌山鸚鵡洲出隊截擊斃賊多而南門出賊尤悍李孟羣等直前迎擊我軍喊殺正厲忽賊之後隊大亂係陳慶有等飛駛礮船分隊轟擊賊不期水師猝乘其後遂潰

竄入卡十六十七等日我軍設計誘戰該逆堅守不出十九日偵知下游賊眾竄至夏家畝地方已革提督孔廣順派都司王玉琳等帶兵迎擊賊勢稍卻兵勇紮新洲有投誠之沔陽人邵忠良據供逆渠石達開等糾集二萬餘人圍竄沙口澗口救援漢陽當令江甯將軍都興阿督帶馬步隊馳赴沙口臣官文仍督李孟羣等中

聖皇聖學卷之三

三

路之師專禦漢陽賊匪臣胡林翼派遊擊張榮貴等選帶寶勇虎勇渡江合勦一面飛行黃孝德安等屬豫集紳團練勇嚴加守禦奏入

上命軍機大臣傳諭官文胡林翼曰賊黨上竄北岸該督等務飭所派兵勇實力堵勦使城外之賊絕其外援城內之賊斷其接應毋令勾結蔓延至黃州孝感一帶實為豫省門戶更當豫飭各屬厚集兵練妥為

防範堵賊北竄之路官文現在紮營距漢陽甚近著
卽嚴斷賊匪接濟使之坐困一面督飭將弁相機進
攻早圖克復不得曠日持久徒託空言自干咎戾

上諭內閣曰此次水陸各軍進攻漢陽及迎剿下游援
賊均尙得手著官文嚴督各軍乘勝迅圖克復掃蕩
竄匪毋稍鬆懈

同日和春福濟奏言金陵之賊由裕溪口駛入

聖朝聖訓卷一百六十二

四

巢縣安慶一帶股匪又由無爲州陸續赴巢查

巢縣爲江北門戶廬郡藩籬東接長江西鎮焦

湖水陸要衝爲自古必爭之地東關卽古濡須

口咸豐三年駐防兵勇經前撫臣撤調回廬致

東面諸城爲賊占踞現僅吉順一軍駐紮揚徐

山難以進取當茲攻剿得手急宜抽撥精銳迅

殄逆氛臣和春擬帶兵勇由南路進攻臣福濟

擬將廬州防務交藩司畢承昭署臬司恩錫督

同府縣妥爲辦理仍飭丙子鋪等處防堵官弁

實力巡緝卽於二十三日督同嵩瑞孔隆武李

鴻章等自廬州起程二十四日抵柘臬鎮二十

五日親赴湯徐山迪東並巢湖一帶察看形勢

諭令沿河沿湖各團練協助官軍並派李鴻章

兼司其事該民人等遮道歡呼極爲踴躍其桐

聖朝聖訓卷一百六十二

五

城一路現擬酌撥官兵並令知府陸希湜隨同

前往奏入報

聞

同日禮部奏言咸豐六年七月十八日內閣奉

上諭欽差大臣前任湖北提督向榮著加恩開復提督

賞還花翎卽照提督軍營病故例賜卹欽此經兵部

遵

旨照提督軍營病故例賜卹臣部應請照一品官軍營
病故例給與減半葬祭銀兩照例不立傳不入
祠該故員應否予諡之處伏候

欽定奏八

上諭內閣曰向榮著准其予諡該提督統兵數載捍衛
江南分援各郡實爲東南保障並著於江蘇地方建
立專祠以彰靈績

欽定剿平粵匪方略卷三

六

初四日^{戊午}怡良奏言八月十七至二十二日傳

振邦督帶兵勇由溧陽進發馳抵定埠以上之
南城紮營七座明安泰帶兵繼進秦如虎由延
平進發馳抵定埠該鎮等商定分三路進攻該
逆出巢分拒各路將備兵勇奮力斬馘數百名
賊勢稍卻另有股匪抄我後路參將李定太等
合圍兜剿斷其歸路痛加勦洗壘內之賊正欲

欽定剿平粵匪方略卷三

七

出救明安泰已將頭二三道賊卡焚燬傅振邦
秦如虎分路進攻亦將四五兩道卡內之賊盡
行燒斃遊擊虎坤元首先拔去壩東賊壘之梅
花椿潛伏而進馬永清督勇束草填濠爭先搶
入官弁兵勇一擁而上立將賊壘攻破壘賊燒
殺殆盡都司周天培拔去壩西賊壘之梅花椿
守備秦坤由壘後踰濠撲入接應周天培將壘
內之賊勦淨盡守備于紹昌進攻壩中賊壘
兵勇爬牆而入賊壘亦破勦殺無遺而壩後賊
壘最爲堅固秦如虎督令拔去梅花椿遊擊張
玉良首先衝過濠溝各路官弁兵勇四路爬牆
拋擲火罐該逆冒死奮出望高瀆一路逃竄東
壩肅清至金壇擊敗之賊又竊踞寶堰爲巢穴
並在金角地方結壘爲犄角之勢副將王浚等

統帶兵勇馳赴陶巷鋪分築營盤十一座參將
 李若珠等督帶兵勇移紮九里地方嚴堵內犯
 之路王浚等督隊進攻該逆隔河迎拒見我兵
 威壯盛紛紛敗退餘賊在陳吳趙莊放火搶掠
 王浚等分兵三路馳往追勦適有茅莊等村團
 練笄熙等率領壯丁數千齊來協助守備黃金
 友督率兵勇民團乘勝壓下該逆狂奔鼠竄退

聖朝方略卷二百六十三

八

回句容追殺二十餘里始行收隊臣張國樑馳
 抵陶巷鋪督令王浚等移營進逼該逆聞風惶
 懼出巢分兩路竄赴句容當將金角寶堰逆壘
 全行平毀臣張國樑即督同各營兵勇進紮離
 句容縣城三十餘里之行鎮地方相機進勦臣
 現與臣福興臣張國樑往返熟商乘此銳氣飭
 令秦如虎督兵駐紮東壩兼顧建平傅振邦再

於溧陽防兵內挑帶勁旅千餘名並飭與秦如
 虎商酌抽撥所部千餘名連傅振邦原統兵勇
 共約六千名即由茅公鋪高淳一路沿途掃蕩
 進取溧水並調明安泰亦於溧陽防兵內抽撥
 千名前赴寶堰督同李若珠等由句容南路進
 攻臣張國樑俟將黃茅莊逆匪勦洗淨盡即從
 句容東路進攻其金壇地方情形稍鬆有遊擊

聖朝方略卷二百六十三

九

李鴻勳統帶兵勇一千九百餘名足資防堵即
 飭虎嵩林統帶川兵五百餘名前赴溧陽會商
 傅振邦秦如虎擇要駐紮為後路援應惟前調
 福建廣東官兵尙無來江之期現在大營兵勇
 四路分撥堵剿實有兼顧不遑之勢殊深焦灼
 所有此次出力將士可否容臣擇尤酌量保奏
 奏入

上命軍機大臣傳諭怡良何桂清曰此時東壩已無賊
蹤正宜速將甯國收復則江浙門戶均可嚴密著怡
良何桂清督飭鄧紹良乘此賊勢窮蹙之時速籌攻
克勿再延緩金壇溧陽等處防兵並飭令各該將弁
嚴密防守以便張國樑等進攻句容溧水不致有後
顧之患前調閩粵各軍據王懿德奏邵武需兵防堵
已准其將琳潤一軍暫留該處其隙上國所統閩兵
一千五百名及前調廣東兵四千名迄今尙未到營
著怡良飛檄催提以資助剿

欽定剿平粵匪方略卷六十二

十一

上諭內閣曰東壩寶堰均爲內犯要衝逆賊分股屯踞
意圖窺伺經此痛加剿洗實足顧大局而振軍威此
次將弁兵丁屢破賊壘實屬異常出力著怡良等擇
尤保奏候朕施恩

同日德興阿翁同書奏言安徽來安縣向有棚

民因歲饑煽結多人勾通金陵逆賊於八月二
十日來撲六合之施官集距縣城祇二十里該
匪等頭紮紅巾旗幟書太平天國字樣經副都
統富春派委參領依興阿等酌帶馬隊候補道
溫紹原率同守備王家幹等酌帶練勇先期馳
往紮定俟匪撲近向前迎剿該匪奔潰又有烏
石港及石鼓山匪徒由閒道來撲兵勇乘勝陣
斃一百餘人追殺三百餘人生擒一百餘人餘
匪紛紛回竄臣等當以江浦未復又有粵逆八
月內夾攻六合之說今增此外侮雖被官兵擊
退難保不去而復來已分咨怡良福濟庚長妥
籌勦辦期於速就撲滅至瓜州亟須攻克臣等
與水師總兵陳國泰等密定機宜一遇風便卽
水陸夾攻大舉深入期於一鼓而下不任再有

欽定剿平粵匪方略卷六十二

十二

延宕奏八

上命軍機大臣傳諭德興阿翁同書曰安徽來安縣土匪聚眾滋事竄擾六合縣境雖經官兵擊退仍慮其與逆匪勾通乘閒窺襲自應及早撲滅德興阿等分咨怡良福濟庚長冀其撥兵剿辦惟福濟等正擬進攻巢縣又剿辦豫捻甚為喫緊未必能分兵前往庚長駐守清江更屬無兵可撥怡良等甫克東壩寶堰

聖朝聖旨卷一百六十二

十三

正在得手所調客兵亦尚未到恐難分撥所有來安土匪即著德興阿等撥兵追剿毋使蔓延至瓜州久稽克復該大臣等擬密會水師大舉深入著即趕緊會合直搗賊巢不得仍以虛詞延宕致誤事機

初五日 己未 何桂清奏言廣信一郡所恃者生員

郭守謙楊敬資曾守誠三人分帶義勇防勦兼施賊匪疊陷廣昌南豐新城盩厔以後該生等

駐防貴溪即所以保全廣信已革道員石景芬忽撤貴溪之防並將廣信存兵及府縣雇募之練勇盡挑精銳以去而貴溪為廣信咽喉反置之不顧該革員帶同楊敬資曾守誠從貴溪拔隊先行至桂碧地方暫駐其地離貴溪僅三十里賊氛已入貴溪郭守謙與賊接仗全軍覆沒該革員並不回援迫貴溪失陷賊匪直趨郡城

聖朝聖旨卷一百六十二

十三

該革員所統全軍二千餘人不知何往茲據常山縣知縣稟稱該革員竟回樂平本籍至浙師駐紮玉山策應廣信即兼防徽饒刻下該郡解嚴而徽饒各邊境已成賊匪往來熟徑常開防所得力兵勇挑選已空臣實不能再籌現已咨照饒廷選暫在廣信坐鎮一俟人心稍定即統帶全軍仍回玉山駐紮以為三路策應奏入

上命軍機大臣傳諭何桂清廉兆綸曰石景芬以革員效力行間宜如何激發天良勉圖報稱乃種種玩誤實出情理之外該革員已回樂平本籍著何桂清廉兆綸即將石景芬提至廣信派員嚴鞫務得確情從嚴叅辦其所帶兵勇二千餘人並著廉兆綸迅速派員統帶以資防勦毋任潰散饒廷選現駐廣信著遵照前旨相機前進收復失陷各城再行折回玉山駐紮

欽定剿平粵匪方略卷一百六十二

十四

何桂清又奏言江右甯都會匪勾結粵逆竄擾廣信攻撲西北兩門貫溪弋陽逆援屬至在郡城西北連紮賊營七座自玉山至府城餉道不通臣當即飛飭繆梓先在玉山常開各處防所再挑精銳兵勇千餘名前赴廣信爲饒廷選接應一面添派在省巡防之已革參將師長鑣統

帶虎勇兼程前赴玉山相機防勦並委嘉興府知府李祿麟馳往三衢隨同繆梓辦理防務復飛咨江西學臣廉兆綸速調在建昌防勦之閩省官兵前來會剿八月十四日該逆全股圍撲郡城饒廷選卽令穆隆阿等抄襲其後乘勝掩殺該逆用長梯百餘架直薄城垣饒廷選親督將士在城上施放槍礮轟斃甚多該逆退而復

欽定剿平粵匪方略卷一百六十三

十五

至我軍分三路迎勦將西北兩門賊壘一律踏平餉道乃通該逆自毀其東門之壘欲以餘黨竄往玉山截廣信之後路饒廷選偵知賊情親督七成隊伍問道繞出賊前迎頭截勦斃賊一千餘名餘孽望風披靡逃往興安一帶郡城地面一律肅清查貴州安義鎮總兵饒廷選自上年統帶閩軍赴浙辦理三衢防勦事宜諸臻妥

協此次廣信之役解圍迅速謀勇兼優可否

賞給勇號以示獎勵署廣信府知府沈葆楨上饒縣知

縣楊昇署廣信營參將榮壽隨同該鎮晝夜登

陴守禦保固城池合無仰懇

天恩俯准將該三員與在事出力員弁兵勇容臣彙案

請獎之處恭候

訓示遵行奏八

聖朝聖考卷一百六十一

十六

上諭內閣曰江西甯都會匪勾結粵逆竄擾廣信地方

經何桂清調派總兵饒廷選馳往迎剿立將各門賊

壘踏平餘匪逃匿郡城地面一律肅清勦辦尙屬妥

速饒廷選著賞給西林巴圖魯名號所有在事出力

員弁兵勇著准其擇尤保奏署廣信府知府沈葆楨

上饒縣知縣楊昇署廣信營參將榮壽固守待援克

保危城實屬出力並著何桂清彙案保奏

何桂清又奏言青陽之賊於八月初二日竄至

太平縣境乘虛入城初十日江長貴督兵直逼

南城各鄉團練聞風響應署太平縣知縣楊裕

仁統帶前進賊由西門竄往焦村江長貴飭令

蘇式敬幫同楊裕仁駐守縣城該署鎮馳赴黟

縣防堵該逆已於十一日竄入羊棧嶺守嶺之

千總周光順把總郭桂林等與賊接戰眾寡不

敵六品軍功孫燮元力戰陣亡賊即撲入嶺內

竄擾村莊署黟縣知縣王垣糾集鄉團齊心殺

賊江長貴從開道馳至賊見我軍勢盛即竄出

西武嶺於十四日潛撲祁門縣城署祁門縣知

縣匡森林帶勇迎擊身受重傷經各勇救護由

開道前迎援兵而州同銜徐焯從九品銜徐茂

達同時力戰陣亡江長貴聞警先派王恩榮帶

領同力戰陣亡江長貴聞警先派王恩榮帶

聖朝聖考卷一百六十一

十七

勇進發遇賊於花橋地方王恩榮手刃悍賊十餘名江長貴馳至督戰益急賊敗入城十六至十八等日我軍出隊進剿郭桂林猛攻陣亡十八日江長貴進偏東門之三里岡該匪前來迎拒我軍爭先擊刺賊勢潰竄王恩榮等已從東門攻勦入城該逆全股竄出西南兩門江長貴分兵三路追擊十餘里斃賊百餘名逆黨從夥

聖朝聖曆卷六十二

十六

坑渚口竄逸江長貴復派隊追勦俘斬數百餘匪竄往浮梁一帶查江長貴前因東夏兵勇退縮經臣奏請嚴議茲經張芾派令勦賊連復兩城深知奮勉其前參應得處分可否懇

恩寬免陣亡之州同銜徐焯等四員請

飭部從優議卹奏八

上諭內閣曰官軍先後克復太平祁門縣城勦辦尙爲

奮勉署皖南鎮總兵江長貴前因兵勇退縮交部嚴議應得處分著加恩寬免陣亡之州同銜徐焯從九品銜徐茂達把總郭桂林軍功孫燮元著一併交部從優議卹

何桂清又奏言臣接怡良來函總兵傅振邦統帶勁旅三千馳赴溧陽會同明安泰等進取東壩臣卽飛飭秦如虎統兵二千三百名剋期紮

聖朝聖曆卷六十二

十九

出定埠並派遊擊蔣錫光統兵二千名扼紫鍾橋仲孫懋統兵二千二百餘名駐守建平以顧後路嗣傅振邦明安泰秦如虎於八月十九日先後至定埠會齊次日分路進兵直撲賊營槍礮連環逆衆紛紛倒地我軍槍過濠溝砍斃及燒斃逆匪計二千餘名當將賊營三座次第攻破餘孽四散逃竄又被我軍追殺無遺官弁兵

勇微有傷亡臣查東壩為蘇皖咽喉今全境業已肅清蘇之溧陽宜荆皖之建平廣德均可毋虞內犯惟是東壩高瀆向由江省大營官兵防堵此次東壩克復以後江省仍必派兵駐紮甯國堅城因兵分愈單日久未下雖經鄧紹良明攻暗襲賊勢已形窮蹙而城內逆黨尚多蕪湖黃池逆援亦未能盡絕乘此兵力稍紓必得

聖聖聖聖聖

三

於水陽添紮一營庶於甯國勦辦事宜更有把握臣已檄行秦如虎先將攻克東壩之浙師駐紮定埠力保皖浙門戶並由該鎮察看情形酌日分兵進紮水陽杜蕪湖貴池之賊援俾孫懋一軍飭令仍駐建平均聽鄧紹良調度奏入報

十一日乙丑和春奏言臣奉

恩命飭赴丹陽督辦江南軍務即於九月初六日由三

河起程伏查皖北地方遼闊焦湖三河係水陸衝途廬郡為北面門戶最為扼要幸廬州舒城三河廬江先後克復是軍務已有轉機今巢縣賊勢甚窮如能得手即可分兵扼住東關及裕溪口等處實力巡防使該逆無從窺伺則廬城方臻鞏固一面統兵南下進勦桐城兼攻潛太

聖聖聖聖聖

三

可以直抵安慶和春又奏言臣現酌帶皖營官兵前往江南巢縣蕞爾一邑該逆已成孤立鄭魁士會同福濟合力勦辦必可順手查協領多廉所帶青州等兵六百餘名協領玉崑等所帶密雲兵三百餘名並前次原帶來皖之參將朱承先遊擊熊天喜都司李嘉萬知府蕭盛遠刑部員外郎史致

漢等仍令隨赴江南軍營差遣奏入均報

同日德興阿翁同書奏言瓜州賊匪阻水為固
有大小二口為運河咽喉口內賊營夾峙憑為
重險而江南江北兩岸均有賊設礮隄中流金
山又有賊壘故江面必須先為布置以便徑擣
賊巢八月二十九日臣等督隊分東西兩岸進

聖皇集方略卷二百六十二

三

攻行至四里鋪已聞上下水師礮聲自遠而近
遙望北固山一帶煙燄燭天知鎮城亦在接仗
我軍蓄銳已久勇氣百倍西岸則副將成明等
由馬橋進侍衛蘊秀等同忠義勇詹啟綸由四
里鋪進直越頭二兩道濠溝呼聲動天火箭噴
筒攢入賊營數處火起瞭臺俱為飛礮擊倒站
牆賊目大半擊傷跌斃有墜至牆外者賊益匿

不敢出惟於牆隙開放槍礮死拒其在樸樹灣

駐防之兵經富明阿帶同參將王巨孝等由平
橋進營總蘇冲阿等行至雙橋東南見蘆葦中
有賊埋伏即列隊迎敵賊由葦叢亂放槍礮直
撲前來與我兵槍箭刀矛相錯正酣戰間富明
阿等已帶兵繞出賊後遏其歸路我兵前後夾
攻陣斬執旗賊三名賊驚怖失措投澗死者無

聖皇集方略卷二百六十二

三

數殺斃約三百餘名賊奪路奔逃適遇馬橋四
里鋪游兵截殺無遺即行合隊而前連燒賊卡
棚五座各兵鼓銳拔樁直撲賊壘外濠奈第三
重濠引江水灌注又因雨後新漲有十餘丈之
寬非土囊木板不能前進當即撤隊回營東岸
則總兵鞠殿華等由東四里鋪之南回水灣搭
橋渡過重濠賊穴已閉其敗垣中伏賊二百餘

人經守備王富來等搜出聚殲殆盡副都統銜
烏爾恭額等帶領馬隊直入內濠又分出馬隊
在王家大院接應文煜亦派勇五百名嚴扼沙
頭防賊東竄其回水灣以下遊擊馮化青等帶
領官兵由賊穴東北搭橋三道繞出賊壘之東
穿過蘆葦深林又搭橋二道愈偏愈近施放噴
筒火箭賊俱不出而環壘之第三重濠汪洋一

聖朝聖略卷六十一

五

片無法超越總兵陳國泰與臣等節次會商以
破賊自效先期調集師船是日接臣等密信即
督帶紅單十船駛抵瓜州搶進大口守口賊匪
四散狂奔我兵槍礮連施斃賊不少站牆之賊
亦皆驚走陳國泰復揮兵登岸意在必克遊擊
黃彬駕三板小船於瓜洲東路登岸各帶火罐
燒其浮橋賊眾擁死拒因前途陸壘縱橫雨

後泥滑未能深入焦山水師總兵周上法是日
飭都司鞠耀乾等帶領象鼻艇及頭猛艇作為
頭隊親督遊擊葉長青等帶領捷廣紅單等船
作為二隊繼進南岸總兵浦承陞亦派拖罈三
隻隨幫助攻其時前隊師船已直抵金山因槍
進新河七號等口後隊師船亦揚帆徑指金山
聯船向北岸進攻南北賊隄礮彈如織突於南

聖朝聖略卷六十二

五

岸內河闖出新造兩桅大戰船及快划等船龔
龔我師之後各師船因即搶過堦攻計轟沈黃
旗賊船一隻擊壞賊划數隻復將鎮岸大戰船
擊碎並擊中土隄賊礮臺數座此次水陸將士
踴躍圖功焚舟毀牆殲賊無算已使賊心膽俱
寒是日余萬清亦進攻鎮江壘有捻斬奏入

上諭內閣曰水陸進攻瓜州逆匪四路同時大勝南岸

鎮江官兵亦同日進攻各有斬擒當此南北水陸將士齊心正宜乘機力圖攻克著德興阿翁同書督飭各軍奮勇進取毋稍鬆勁

德興阿翁同書又奏言據派防觀音門總兵陳世忠稟稱八月二十五六等日見有長髮屍骸不可數計由觀音門口內漂流出江內有結連網縛及身穿黃衣黃鞋者當經探得金陵逆賊

內亂自相戕害首逆楊秀青已被殺死並殺楊逆黨與多人覈與各營縣所報俱符奏入報

聞

十二日丙寅官文胡林翼奏言臣等以漢陽城賊探知我馬隊兵勇分赴下游恐有偷襲我營接應外援之舉是以臣官文親督中路之師豫爲準備八月二十日更餘下游賊衆數千果欲由

聖學聖才略卷一百六十二

三

間道潛赴瀟口竄撲中路營盤藉圖接應外援

暗襲瀟口我軍測其詭謀同時擊退二十一日

夏家畝賊盡下遁大股屯踞新洲下數十里之

團風鎮一帶都興阿籌議分路進剿自帶參領

雅明阿馬隊一百名由中路進孔廣順率都司

王玉琳步隊千名繼之營總多隆阿帶馬隊一

百名由淋山河進都司方映川率步隊千名繼

聖學聖才略卷一百六十三

三

之黃州府知府許廣藻帶勇由鷓子湖進營總

巴依爾率呼蘭馬隊繼之營總訥依綳阿馬隊

會合黃岡縣知縣葛致遠帶勇由羅家溝小路

抄入大江內湖水師列陣以俟臣胡林翼已派

遊擊張崇貴帶勇二千四百名渡江助剿我軍

至團風鎮該逆先時下遁都興阿遂督隊行抵

鷓公鎮追及落後之賊數百名盡行斬殺又追

至軍蒲山及菜田迴龍山一帶先時逃賊踉蹌下竄生擒賊匪數名臣連日督各路兵勇商攻漢陽城卡二十七日該逆忽於城上及龜山前後分布陣勢自西門外梅子山出賊二千餘分兩路抗拒我軍齊力掩殺斃賊多名李孟羣等乘勝追過梅子山奮力衝殺斃賊百餘名賊即敗竄回巢訊據獲賊供稱是日漢陽城內係約會武昌過江賊匪二三千人助戰意在竄擾大營後路解其城圍不期大受懲創等語查該逆踞守漢陽環山帶水又復深溝高壘易於堅守我軍雖勇氣百倍而難於仰攻馬隊偏近城卡又未得展其長現仍嚴遏外援以蹙之分布勁旅以困之誓欲盡殄羣醜克復堅城奏入報

聞

聖皇聖考百六十一

天

聖皇聖考百六十二

天

十六日庚午怡良奏言傅振邦克復東壩後探知高瀆縣治已為賊踞並於大橋地方修築石壘一座為其巢穴傅振邦即派參將李定太等管帶馬步兵勇衝枚疾走親督大隊相繼而進八月二十三日辰刻馳抵縣治適該縣文武各官督帶鄉團會合助剿該逆猝不及防又無險可守紛紛敗潰竄入石壘閉門抗拒李定太等一面縱火焚燒沿湖蘆葦一面分兵合圍奮力攻擊該逆始猶抗拒繼見我兵陸續趕到由壘後逃往湖邊李定太等乘勢破賊壘追至湖濱轟燒賊船數十隻餘賊駕船逃入大江高瀆縣治肅清傅振邦即調溧陽防兵千名移防高瀆即步步為營自茅公鋪進紮蒲塘仍知會虎嵩林由上興埠進紮分界山會合進取溧水其東

壩地方臣本飭秦如虎帶兵扼守嗣何桂清檄
飭秦如虎回紮定埠當飭新任湖北提督德安
帶兵勇二千餘名馳赴東壩防守張國樑於壩
蕩寶堰賊巢進紮句容之行鄉鎮後派副將王
浚等進攻黃茅莊賊營分兵左右夾擊該逆首
尾不能相顧竄入枝堯里巢穴二十五日張國
樑親督隊伍移營黃土橋賊由黃茅莊遁回句

聖聖聖聖聖聖

聖

容張國樑在張家莊劉定岡等處紮定營盤離
句容縣城均祇六七里現擬剋日進攻奏入

上諭內閣曰逆匪占踞高淳總兵傅振邦親督大隊攻
破賊壘追至湖濱轟燒賊船數十隻高淳一律肅清
遂卽進取溧水總兵張國樑亦於是日進攻黃茅莊
枝堯里巢穴移營近偏句容縣城剋日進剿著怡良
卽飭該總兵等迅速圍攻以期漸次掃蕩盡殲羣醜

聞

同日何桂清奏言探報金陵賊首於七月二十
二日起閉城自相戕害首逆楊秀青已被韋逆
殺斃凡楊逆黨與均經被殺一月有餘尙未開
城等語如果屬實則丹陽大營官兵不難進取
皖南江右皆爲賊匪去路防剿更形喫緊現咨
各路加意嚴防奏入報

聖聖聖聖聖聖

聖

十七日辛未廉兆綸奏言遵查已革道員石景芬
七月到郡臣令督同郭守謙楊敬資曾守誠帶
勇駐守貴溪以防撫建饒三郡之寇及廣昌
逆匪擾及瀘溪時臣在河口當飭石景芬相機
勦辦該革員卽與郭守謙等商定進紮繞橋以
扼要隘於八月初三日先後拔營行至桂碧地
方探知匪蹤僅距桂碧五里隨一面探催郭守

謙之兵一面於初四日出隊迎敵獲勝賊遂改竄官莊一路向貴溪而去郭守謙當於五鼓拔營前進獨當官莊一面行數里正與賊遇三戰三勝追過張家橋大股賊匪四起郭守謙以眾寡不敵中矛陣亡賊遂竄至貴溪石景芬等救援不及擬繞出賊前先據河口以爲截勦之計卽與楊敬資會守誠連夜前進初五日抵弋陽

聖朝聖略卷一百六十二

三

之港口地方賊眾大至遂致潰敗石景芬當卽折回樂平楊敬資傷勇最多僅以身免會守誠身亦受傷伏思石景芬當瀘溪有警旣擬進據繞橋隘口而拔營前後參差致彼此不能救應及郭守謙陣亡尙統兵勇千餘可以一戰乃以偵探不實猝遇大股悍賊卒致敗潰失挫之後不思繞道急赴廣信轉因道路梗塞折回樂平

原籍實屬謬妄應請

旨將已革道員石景芬發往軍臺效力贖罪訓導楊敬資會守誠同時挫敗咎亦難辭楊敬資擬請革去訓導仍留廩生會守誠擬請革去訓導仍留附生責令收集餘勇力圖補救陣亡人員容臣查明請卹奏入

上諭內閣曰石景芬駐防貴溪賊至不能援應又於兵

聖朝聖略卷一百六十二

三

勇敗潰後私回原籍實屬謬妄石景芬著卽發往軍臺效力贖罪其同時挫敗之訓導廩生楊敬資附生會守誠均著革去訓導仍留廩生附生責令帶勇以觀後效陣亡員弁著廉兆綸查明請卹

十八日 壬申 曾國藩文俊奏言八月初一日偽指

揮黃姓糾集臨江奉新安義武甯義甯各處逆黨併合瑞州城內大股號稱四萬四路擁至直

撲我軍湘營以數人翼蔽劈山礮俟其偏近擊之賊陣大亂悍賊衝出重圍者近五百人殲斃二百餘人其大隊分投揜斬窮追三十里而返初三日偽將軍石姓自九江來援勒令敗賊仍回瑞州於東北大路立營五座與城內之賊爲犄角楚軍劉騰鴻普承堯與省兵營務處彭山配羅萱等會商速戰初四日黎明出隊該逆竄

聖皇聖略卷一百六十三

三十四

擁而至待其撲近乃發劈山礮殲其賊目賊稍卻又近又殲凡六七次賊氣稍沮省兵躍馬衝陣各營齊進賊遂敗退劉騰鴻破其大壘一座各壘驚惶又連破四座敗賊擁聚一處我軍以一隊橫截之紛紛四竄追殺數里日暮收隊得此兩戰軍心大定援賊竄歸各處省城之路無梗江西兩湖遂獲疏通初六初九十一一二等日

接戰疊勝嗣後小有斬獲二十六日南城出賊千餘護礮船而上抵湘營之對岸北城西門出賊約二千橫列隄上撲省兵之營劉騰鴻以礮轟南路之賊而令劉連捷劉芳貴由西南截擊省兵得勝軍出擊北路之賊斃尤悍者十餘名我軍亦傷數人二十七日奉新援賊復至瑞州劉騰鴻令省兵各營靜鎮以待以湘後寶中營

聖皇聖略卷一百六十三

三十五

直擣中堅自帶親兵堵擊南城將賊之第二隊衝開其第一隊亦被我軍截斷省兵彪勇一千名益以義武勇七百名回勦新昌上高相機規復奉新安義靖安等縣先是吳坤修等於七月二十五日重復新昌縣派員於二十八日重復上高縣暫留數日搜捕餘匪八月初八日行抵奉新至縣城北門之獅山我軍高據山巔對城

轟擊賊忽繞東城而出直撲我營被我軍殲斃百餘人十一日安義靖安援賊大至均被我軍圍殺紛紛逃竄十三日吳坤修飭令守備羊瀛等堅守營壘自帶各勇馳勦靖安該逆傾巢逃竄截殺後隊之賊甚多即日收復縣城十六日復帶各勇馳勦安義銜枚渡河由南門梯城而上該逆開北門而逃吳坤修進城安民次日仍

聖朝聖考卷一百六十二

美

返奉新所有尤為出力人員先行開列應請立沛

恩施以示鼓勵奏入

上諭內閣曰江西瑞州賊匪糾集臨江奉新安義武甯義甯逆黨合城內大股分路來犯兵勇奮力勦殺大獲勝仗八月初三日偽將軍石姓自九江來援敗賊仍回瑞州楚軍劉騰鴻等於初四日出隊進攻追殺

數里踏平賊壘吳坤修等先於七月間復將重踏上高新昌之賊勦除淨盡收復兩縣城池遂於八月初八日行抵奉新十三日收復靖安十六日收復安義此次出力員弁均能奮勇殺賊自應立沛恩施都司彭山岷守備萬泰均著賞戴花翎訓導羅萱著以知縣分班選用並賞加知州銜千總滕加洪著以都司歸湖南儘先補用把總詹榮清著以守備歸湖南儘

聖朝聖考卷一百六十二

七

先補用外委黃純珍黃在玉均著以藍翎把總歸湖南永州鎮標補用其奮勇捐軀之外委黃兆麟著照千總例議卹

十九日癸酉安徽巡撫福濟署壽春鎮總兵鄭魁

士奏言查無為州城被賊占踞已逾三年之久

臣福濟春間派知府李元華在巢縣一帶辦理

團練該州紳董來營謁見臣復面為開導並寫

告示凡城內良民被賊裹脅情願殺賊立功者
破城之時均頭紮白巾爲記令兵勇縛於火箭
上射入李元華卽委未入流李華封等帶勇一
千五百名往該州進剿復派勇五百名作爲接
應我軍由盛家橋一路行抵開城橋距州四十
里有悍賊數百名擄掠民糧下河裝載出其不
意四面兜圍悉數殲斃二十九日擇得涼亭地

聖朝集方略卷一百三十三

天

方紮營屯駐正在督夫築壘忽西門出賊數千
直前攻撲李華封等督勇各據山岡俟其將近
連開槍礮將執旗賊目擊倒餘匪卻退不逾時
又躡擁而上夏禹疇等一軍由左抄襲吳起齡
等一軍由右環攻逆勢不支紛紛奔竄九月初
一日南門西門共出賊二千餘人分襲營盤該
員等嚴陣以待派勇目李時中帶兵迎剿斃賊

不少餘賊由獨山竄去初二日李時中等攻南
門外委梁士雲等攻西門外委汪龍化等攻東
門其北門一路派兵勇節節埋伏李華封等往
來接應先將東門沿城賊房縱火焚燒西門之
兵將柴草堆積門闕一面放火一面豎立雲梯
城上矢石如雨急切不能攻破忽南門喊聲大
作賊疑我軍由南門攻進調隊南趨汪龍化由

聖朝集方略卷一百三十三

天

西門攀越而上衆勇蟻附登城東南北三門一
齊奪入由南北二門逃去之賊復經我軍跟剿
暨沿途民卡團練截殺約一千七八百名遂將
無爲州城克復無爲州知州林蘭前因州城無
兵堵禦致被賊匪竄入此次隨同克復功過尙
足相抵合無仰懇

天恩將林蘭開復原官仍以知州留於安徽候補奏入

上諭內閣曰安徽無爲州城久被賊踞經該撫派委知府李元華督帶練勇由盛家橋等處進剿隨將州城克復勦辦尙爲得手福濟等卽嚴飭水陸各軍合力堵剿以冀肅清前任無爲州知州林蘭此次隨同克復功過尙足相抵著准其開復原官仍以知州留於安徽候補

福濟鄭魁士又奏言八月二十六至九月初四

聖朝聖旨卷一百六十二

甲

等日賊衆二千餘人在草嶼嶺列陣抗拒當經督飭嵩瑞等分投迎勦盡力搜殺將賊壘踏平進擣西門沿途奪獲礮臺七座賊卡十餘處踏毀賊營一座北門西門南門各營已層層進紮臣等當激勵將士設法進攻並嚴防巢湖賊衆來援

福濟鄭魁士又奏言查巢東四十里東關地方

卽古之濡涇口爲巢湖出口第一要隘賊於河

南北岸安營設卡並於古將臺上築大石城一

座外掘深濠四道與巢城犄角臣等密派編修

李鴻章募勇前往該員卽飭千總苗順清等招

集巢含義勇一千二百名由清溪馬鞍山一路

兼程馳抵東關山下急攻東北面賊卡該逆蠶

擁迎拒我軍乘銳進攻銃傷悍賊多名立毀賊

聖朝聖旨卷一百六十二

甲

卡逆衆退守石營死拒苗順清指揮衆勇攻營

分隊直擣西南賊卡援賊沿山竄至耿思義帶

隊迎擊殺賊數十名將賊匪大隊壓下臣等諭

令趕緊圍剿一面分撥兵勇派守備桂五等管

帶由閒道馳赴運漕截其歸路一面親率輕騎

百餘由北路小徑馳往督攻九月初七日行至

西山驛據李鴻章稟報該練勇趕緊環攻槍過

第二道濠溝後隊乘勢掘斷外濠將積水一洩而空正欲仰攀而上南岸賊船忽繞出我軍之後撲救賊營苗順清等槍礮連環斃賊不少糾集民夫各帶鐵錫在北岸石城對面空營計圖圍困分飭耿思義等密帶各勇束草結茅潛至城濠乘風引火周圍梅花椿竹籤日久乾枯觸火卽燃時風色甚緊石城西北門樓均被延燒

欽定剿平粵匪方略卷一百一十二

望

逆情驚駭苗順清踴躍登城帶領眾勇刀矛並進直搗中堅逆屍徧地其越牆竄出之賊紛紛投水而死南岸之賊見勢不支棄營逃竄至王海渡一帶遇我伏兵縱橫攔截直追至運漕而止查東關要隘巢賊實恃以爲援賊匪全力所爭我軍屢攻不克今以三年死守之賊巢毀於一旦此皆仰賴

天威民兵合力得以喪逆膽而絕賊援所有出力員弁

兵勇容彙入克復無爲案內擇尤保獎奏入

上諭內閣曰官軍攻勦巢縣奪獲賊壘並派兵克復東

關所有出力員弁著福濟鄭魁士彙入克復無爲州

案內酌量保奏巢縣賊勢已孤並著福濟等督飭將

士迅圖攻克

二十六日庚辰福建提督秦定三奏言桐城久被

欽定剿平粵匪方略卷一百一十三

望

賊踞臣督同將弁兵勇馳赴東門外陳家鋪相度營基正在空濠築壘該逆突出大股來撲經伏兵截殺逆眾潰逃臣飭令兵勇趕將營牆培固濠溝挑深自九月初一至十二等日我兵直撲東北賊營槍過內濠該逆踞牆死抵突於南門出賊一股臣卽派兵堵截東門又出大股蠶擁抄圍復派兵馳往迎擊殲賊百餘名賊眾相

率潰逃我軍出隊攻城直抵城邊左右賊壘大股並出旋從東南兩門分三股齊來撲營該逆見中路無隙可乘西路山谷又被我兵扼據遂糾黨東馳勢欲抄我後路官軍奮力進攻該逆紛紛敗逃連日探得安慶潛山太湖援賊及各路殘賊俱竄入桐城意圖死守以顧安慶後路臣所帶貴州兵僅千名按成出隊不過五六百

聖朝聖德

聖朝聖德

人義勇徒壯聲援難期實用屢經函商撫臣福濟鎮臣鄭魁士撥兵相助覆稱須俟巢縣克復始能撥兵來桐伏思安慶瀕臨大江為皖省關鍵而桐城為安慶第一門戶鄭魁士由皖左進勦臣由皖右進攻若早得手即由潛太宿霍截斷賊援直達安慶控制長江皖省全局已有把握關繫良非淺鮮仰懇

天恩飭下福濟鄭魁士速撥馬步精兵二千名星夜來桐以利攻勦奏八

上命軍機大臣傳諭福濟鄭魁士曰秦定三進攻桐城連次接仗安慶潛山太湖之賊紛紛來援所統官軍僅一千名兵力太單著福濟鄭魁士挑選得力兵勇二千名派員帶赴桐城聽候秦定三調遣儘不能足二千名之數亦須挑派一千數百名前往以資攻勦

聖朝聖德

聖朝聖德

欽定剿平粵匪方略卷一百六十三 丙辰年

十月初一日 酉 乙 福濟鄭魁士奏言連日水陸賊

援來逾鉅萬一由裕溪窺伺東關一由神塘河

滋擾無爲巢城之賊尙有數萬巢湖中礮船快

礮船不時駛出 臣等巢南巢北行營共計兵勇

止五千餘名無爲新復之區經知府李元華募

勇數千分投堵禦東關爲水陸要隘都司莫青

雲等帶勇固守廬江城內參將滕仲武僅帶兵

五百名彈壓在在俱形單弱奏定三自桐來函

屢言賊衆兵單 臣等亦無可抽撥安慶太湖潛

山望江宿松和州之民日望大兵拯救儻巢城

克復後統兵前進巢無皆鮮重兵賊一乘虛前

功盡棄 臣晝夜焦思非厚集兵力實鮮良圖且

以南北大局論之能乘楊秀青新死賊中內亂

激勵諸軍直搗江甯復省垣而擒逆首此上策

也巢湖爲出米之區平日商船雲集如果皖軍

得手乘勝南征必先取蕪湖東西梁山分兵駐

守吳全美等再督帶紅單各船往來江面南北

兩軍隨時策應然後 臣等率陸兵直攻南面曾

國藩統水師扼守小孤山此中策也攻東應東

擊西應西羣盜如毛不遑勦辦自用兵以來何

嘗不攻克城垣殲除巨惡而迄無就緒者不能

得其要領賊逸我勞賊先我應此下策也上策

不易爲中策盡心力而爲之猶未爲晚但所部

之軍萬難分布與其經年累月籌防迄無成功

何如裕餉增兵勦賊速期竣事惟有請

旨迅撥青州滿營兵五百名兗州鎮標兵五百名直隸

兵一千名察哈爾馬隊一千名令其星速來巢

聽候調遣並將吳全美等水師准臣等隨時調遣以扼江北而控中權皖民幸甚大局幸甚奏

八

上命軍機大臣傳諭崇恩曰福濟等奏皖省水陸援賊甚多巢縣之賊尙有數萬請飭調山東青州滿營兵五百名兗州鎮標兵五百名前往助勦著崇恩察看情形能否於青兗二處如數撥往或酌抽精銳數百

聖朝聖學

三

名選員管帶並整辦軍裝器械飛速起程交福濟等調遣毋稍延誤

上又命軍機大臣傳諭英桂曰據福濟奏水陸賊援由裕溪神塘河窺伺東關滋擾無爲巢城之賊尙有數萬請調察哈爾馬隊赴巢聽候調遣著英桂於察哈爾官兵到後酌撥五六百名傳旨令穆騰阿管帶迅赴皖省以資攻剿

初三日丁亥怡良奏言句容逆匪於我兵紮營張

家莊後添築東南城外營盤死守九月初六日

鎮臣張國樑派遊擊劉季三等分攻各門三路

齊進劉季三等正攻北門遊擊戴文英等直進

東門外關廟街上斃匪多名追至近城關橋方

欲奪橋而過該逆忽於南門添出大股包抄我

兵少卻副將吉連等飛往援應張國樑裹創馳

聖朝聖學

四

往手斬退縮兵勇三名遊擊李春寅等會同吉

連兩路夾擊張國樑親督各軍從旁抄勦逆眾

竄回而北門山梁之賊膽敢乘勢壓下劉季三

等復督勇衝殺斬獲甚多該逆始退回城十一

日我軍移營至離城三里地方該逆屢次出撲

均經我軍擊退十四五等日逆匪大股分路撲

來並先於吉利村伏賊接應張國樑親督參將

李若珠等馳往迎擊斃賊甚多而我軍將弁亦多受槍傷仍復奮勇鏖戰該逆又於東北兩門各出千餘人撲我營盤經副將王浚等擊退復出賊二三千人分股猛撲另由南門出賊三四千人又有馬步賊四五千分作六股繞過都司陶茂森營後勢甚兇悍明安泰即派遊擊李春寅等分路迎剿未能得手張國樑親督兵勇並分軍衝擊斃賊不計其數追至吉利村伏賊暗施槍礮我軍受傷多人各兵憤極分隊包抄當將伏賊擒斬百餘名餘賊拌死奔回此攻勦句容逆匪之情形也傅振邦進紮蒲塘後親督官軍直抵溧水縣城濠邊奮力仰攻並製備攻城器具一面移營進紮中山該逆分股來撲參將李定太首先衝入賊隊立斬黃衣賊目一名

聖朝聖略卷一百三

五

虎嵩林督兵抄襲斃賊無算該逆猶敢分股出撲復經遊擊虎坤元等兵勇擊回斬馘多名各軍分路進攻搶過城濠毀賊城上望樓賊仍放槍礮死拒並出賊千餘人抄襲我軍經虎坤元等截擊斃賊無數傅振邦督兵追剿直抵城根該逆閉門死守其分股抄襲我軍之賊千餘人殲除殆盡此溧水勦匪之情形也查句容溧水二城該逆占踞與江甯勢成犄角現經張國樑與傅振邦等兩路進攻挫其兇鋒亟應乘此銳氣激勵兵勇迅圖克復

聖朝聖略卷一百三

六

工石達開聞信趕回與韋逆又起爭端石逆逃
赴上江糾集黨與欲圖報復所聞不一而其內
亂則不為無因惟韋石二逆尚各擁眾數萬分
踞各城負隅死守我若徑搆金陵該逆必合而
為一是以臣等仍攻句容溧水期在必克先翦
其枝葉以杜內犯張國樑現派精細間諜入
賊中設法離開散其黨與奏入

聖皇聖考卷之三

七

上命軍機大臣傳諭和春張國樑怡良曰逆匪占踞句
容溧水張國樑傅振邦連日攻勦斬獲甚多惟因該
逆死守未能即時克復和春現已接受欽差大臣關
防即可乘銳進勦怡良仍回常州駐紮以防後路現
在洪逆殺死楊逆雖探報情形不一而賊匪內亂當
屬可信怡良等先攻句容溧水所見甚合機宜張國
樑派謀離間和春等一面攻克兩城偵探金陵消息

如有可乘之機即行馳奏此次溧水斬獲較多句容
雖獲勝仗而我軍亦多受傷想該逆精銳盡在句容
如能克復此城盡殲醜類則兇燄漸消和春等務當
乘此機會與江北德興阿等聯絡一氣迅奏膚公朕
不勝盼望

聖皇聖考卷之三

八

怡良又奏言鎮城逆匪於九月初七日經提臣
余萬清密飭遊擊王夢熊帶兵潛往北門城根
相機穴城未經得手十一日余萬清督率各營
出隊先飭副將站住等分路埋伏派外委熊定
邦等前往虎頭山一帶誘敵該逆突出三千餘
人分股撲來熊定邦等引至設伏處所站住吳
世斌等齊起包抄前後衝擊斃匪多名該逆狂
奔另股賊匪復由南門沿河衝出欲襲我軍後
路遊擊田宗揚等突出截擊殺斃多名適署丹

徒縣知縣吳謙吉督帶民團前來助戰賊眾奔潰我兵乘勝追殺斃賊三百餘名陣斬手執黃旗悍賊一名逆始敗退我兵直抵濠邊仰攻逾時始行撤隊臣仍催余萬清激勵兵勇迅速攻克奏入報

聞

同日

欽定剿平粵匪方略卷一百三十一

九

上諭內閣曰西安將軍福興著馳赴江西會同曾國藩文俊辦理軍務其所署江甯將軍著和春署理

初六日庚寅署江甯將軍江南提督和春奏言江

南賊勢經官兵節次痛剿東壩克復金壇解圍

丹陽之賊被剿退至句容該處係金陵咽喉最

為扼要溧水地居衝途均須趕緊攻克方可直

抵江甯臣擬帶兵先往句容督剿以冀迅速成

聞

功現聞各首逆在金陵城內自相殘殺誠為難得之機一俟句容溧水得手即應進兵金陵察看情形或分兵前往鎮江助剿及早克復去其犄角則金陵賊勢自孤再行合圍可期次第肅清奏入報

同日正白旗漢軍副都統德興阿詹事府詹事

欽定剿平粵匪方略卷一百三十一

十

翁同書奏言江浦毗連皖省和州烏江等處賊黨往來援應近又添賊守城九月十三日總兵多隆武羅玉斌等自六合浦口各帶官兵設伏分路進攻賊亦分股迎拒我軍佯退伺其近前突向轟擊賊匪紛紛敗走伏兵齊起截殺百餘名其南面洲地援賊亦經副都統穆克登額槍斃十餘名餘匪避入城中據獲賊供稱賊首偽

檢點黃姓已中礮殞命瓜州踞賊疊經我兵誘戰閉壁益堅聞逆眾已成內訌臣等又設間散其黨與連日多有自拔來歸者和春於十八日抵揚臣等因與密議南北勦辦事宜次日即行起程嗣後仍當隨時函商和衷共濟奏入

上諭曰汝等與和春務必事事和衷勿分彼此以期迅殄妖氛瓜州逆匪既自相殘殺時不可失散黨與行

聖學聖略卷之三

十一

離間皆屬要著

德興阿翁同書又奏言臣等前奉

諭旨托明阿呈報患病著賞假在營調理托明阿數月以來多方醫治因年逾七十衰病交侵又兼肝氣上衝觸動舊傷作痛未能就痊曾經兩次呈述病狀懇為奏請回旗調治臣等見其病體支離非寬假時日難冀有瘳可否懇

恩准其回旗調治奏入

上從之

同日官文胡林翼奏言武漢軍餉竭蹶萬分山西陝西四川三省合計本年少解二三十萬兩兵勇口糧積欠八九十日百日不等因憊情狀實難支持刻下襄陽匪徒滋事又須派兵往勦僅能湊支十日之餉查粵東素稱饒富地方完

聖學聖略卷之三

十二

善合無仰懇

天恩飭下兩廣督臣葉名琛等於粵東省鹽釐關稅庫款中等撥銀三四十萬兩分批馳解剋期來楚不特起北省目前飢餓之軍且於克復後迅速下勦不致停兵待餉並善後事宜均資利賴奏

命軍機大臣傳諭葉名琛曰武漢餉需竭蹶兵勇口

糧積欠甚多若不趕緊接濟必致軍心渙散惟官文等請撥三四十萬兩爲數過多各處軍餉均須粵東協濟恐一時無此鉅款著葉名琛迅籌銀十餘萬兩派委委員陸續解往毋稍遲誤

初八日壬辰福濟鄭魁士奏言巢縣逆匪恃眾負

嶠城外城壘聯絡九月十六日裕溪口駛入賊船數百隻援賊萬餘臣等派副將扎隆武等馳

欽定剿平粵匪方略卷三十三

三

往攔截行至東關青溪之間遇賊接仗殲斃多名我兵於姚廟岡放王岡一帶紮營遏賊來路二十三日南門大股賊匪四五千人直撲新營官軍分投迎勦擊斃賊目五名臣鄭魁士忽被礮子打傷肩脊仍復裹創力戰衆兵齊力衝殺斃賊一千餘名二十四日各門之賊夤夜出撲麟瑞等開放排槍斃賊無數二十八日扎隆武

等在放王岡紮營派隊分攻賊壘賊由夏家橋姚廟岡旗山三路共出馬步賊數千人直前馳驟諸軍嚴陣以待吉順馬隊從旁兜裏各兵勇盡力砍殺斃賊一千餘名賊勢大潰自辰至申

鏖戰竟日大西門賊營亦經蕭開甲等填濠直進斃賊五六百人乘勢將城根二壘毀平分圍南門東門賊營五座我兵拋擲火器該逆驚竄

欽定剿平粵匪方略卷三十三

十四

各軍一齊攻進奔潰之賊落濠死者不可勝計臣福濟督同吉順等攻小西門北門小東門臣鄭魁士督同麟瑞等攻大東門南門大西門並分兵暗襲姚廟岡石壘堵遏湖口湖中賊船連檣而下我軍先用漁船裝載火藥順風開放焚燒賊船幾徧賊衆驚駭我軍復連開大礮立沈多隻該逆紛紛落水屍平湖面礮械悉沈水中

逃賊登岸匿伏復經搜殺多名其時城賊見湖賊已敗仍踞各門死守我軍突放火箭延燒更棚數處適楚廣各勇已抵姚廟岡賊壘殲擒甚多該逆棄營逃竄眾勇追殺聲震山谷臣等見我軍得手親督諸軍各登雲梯奮勇前進江忠信于昌麟余成蛟馬昇平等均已登城後隊繼進殺賊百餘名餘悉奔潰我軍追殺賊屍枕藉

聖朝聖主

十五

聖朝聖主

十五

東門之賊縱火衝出馬隊追勦斃賊極多遂於二十九日將巢縣城池克復其竄出之賊經麟瑞吉順扎隆武等分由南北兩岸追勦復殺斃數百名其倖逃者由黃落河岸分竄復經鄉團截殺殆盡統計數日之間奪獲賊營十三座礮臺十座賊卡二十餘處槍礮刀矛旗幟四千餘件斃賊七千餘名燒燬賊船一千餘隻生擒偽

將軍周擁和偽旅帥林壹分據供偽指揮黃逆在東門街口殺斃偽尙書林逆偽將軍蕭逆亦被焚燒訊明後即將該逆梟示巢湖已無賊蹤統計廬州府屬合肥舒城廬江無為巢縣各城均已次第肅清知縣邵啟元入城安撫臣等俟餉銀解到即趕緊進兵南路各鎮將殺賊立功具有勞績副都統麟瑞擬請

旨交部從優議敘河州鎮總兵吉順南鎮總兵嵩瑞均擬請

賞加提督銜以示鼓勵其餘在事出力文武員弁兵勇容臣查明保奏陣亡藍翎守備銜徐榮請照守備陣亡例從優議卹奏入

上諭曰覽奏實深欣慰爾等躬冒鋒鏑鄭魁士復身受礮傷福濟督勦勤劬同廬注念更盼汝等乘勝進攻

以期一律廓清

上諭內閣曰賊踞巢縣聚糧固守經福濟等親督兵勇圍攻將士用命立克堅城廬州所屬合肥舒城廬江無爲等處均已次第肅清覽奏實深欣慰福濟鄭魁士均著交部從優議敘並發去御用駝色棉袍一件白玉喜字翎管一枝白玉搬指一箇大荷包一對小荷包四箇交福濟祗領御用藍色棉袍一件白玉喜

欽定剿平粵匪方略卷一百六十三

七

字翎管一枝白玉搬指一箇大荷包一對小荷包四箇交鄭魁士祗領鄭魁士躬冒鋒鏑身受嚴傷猶復督兵力戰實屬奮勇可嘉著賞給如意拔毒散趕緊敷治副都統麟瑞著交部從優議敘河州鎮總兵吉順南鎮鎮總兵嵩瑞均著賞加提督銜首先登城之江忠信于昌麟余成蛟馬昇平著與此次出力文武員弁兵勇分別保奏候朕施恩陣亡之守備銜徐榮

著照守備陣亡例從優議卹

福濟鄭魁士又奏言廬江甫經收復臣等屢飭地方官認真巡防頃聞桐城孫家畝小街有長髮賊首聚眾結盟在廬江大小礬山各處滋擾知會參將滕仲武派撥弁兵隨署廬江縣知縣何輝級督同練首李鼎新等直抵該處生擒偽將軍徐漢漳等二十三名陣斬數十名餘皆潰

欽定剿平粵匪方略卷一百六十三

十

散並擒獲偽大將軍段立剛一名解赴巢營據供與楊秀青洪秀泉洪大泉結爲死黨歷破城池實屬罪大惡極訊明後卽行正法奏入報

聞

福濟又奏言巢縣自咸豐三年冬閒失守臣屢次勸諭紳民辦理團練現在大兵到境民間踴躍協勦幫築營壘實屬深明大義伏念該民人

等被賊蹂躪顛沛流離情殊可憫所有咸豐四五六三年錢糧懇

恩悉予豁免以示體恤奏入

上從之

十一日乙未秦定三奏言桐城援賊上自湖北安

慶潛太以及下游殘賊絡繹而來欲奪營盤扼

踞要隘乘勢分襲舒廬臣督飭兵勇於九月二

聖學集略卷一百三十三

十一

十三二十七等日疊次進剿斃匪多名二十九

日賊匪突出萬餘分股來撲經梁勝章黃國亮

等督率兵勇連開大礮斃賊四五百名臣又派

鮑雲翥等帶兵接應後路酣戰一晝夜斃匪甚

多三十日賊由東面山坡復來攻撲我軍槍礮

齊施轟斃馬賊三名逆勢稍退是夜該逆仍以

萬餘分圍我營卽於南沙岡潛紮賊營五座十

月初一日官軍分路進攻豫派右路兵勇埋伏

誘敵臣率衆直衝賊隊刀矛繼進岳占先斃

馬賊一名我兵盡力追殺屍橫遍野右路兵勇

誘賊前進後面排槍齊發轟斃賊目數名初二

日大股賊匪拌命來撲勢極兇猛兵勇噴筒火

箭一齊施放擊斃二三百名逆衆驚亂奔逃我

軍追殺數里統計生擒三十餘名斃賊三千餘

聖學集略卷一百三十三

三

名內有偽檢點章姓偽丞相藍姓偽將軍范姓

偽指揮黃姓等均卽訊明梟示查臣營兵勇僅

三千餘名連戰四晝夜子藥將盡糧餉俱虧乃

能以寡勝衆大挫兇鋒所有出力文武員弁可

否容臣擇尤保奏臣已飛咨福濟鄭魁士撥兵

協剿尙未前來惟有竭盡血誠激勵將士乘機

攻取奏入

上命軍機大臣傳諭福濟鄭魁士曰前因桐城兵單諭令福濟撥兵二千名或一千數百名前往助剿嗣復諭福濟派員前往桐城接辦剿匪事宜令秦定三馳赴蒙城尙未據福濟覆奏本日秦定三奏桐城大獲勝仗惟賊衆既多勢尙兇悍急須添兵撥餉以圖克復未知福濟接奉前旨已派何路兵勇前往並派何員統帶儲一時無可靠之員卽暫留秦定三攻剿桐城迅圖克復再行前赴蒙城著福濟秦定三妥商辦理不致顧此失彼爲要

上諭內閣曰逆匪久踞桐城經秦定三督兵往剿連戰四晝夜斃賊三千餘名生擒僞檢點章姓等三十餘名此次將士用命竟能以少勝衆所有在事出力員弁兵勇著秦定三擇尤保奏

十二日 丙申 德興阿翁同書奏言瓜州逆匪自受

創後防守更嚴經臣等出示招降賊心渙散連日有皖楚老賊相率來歸臣等察其情詞尙屬真心特於三汊河毛三元營側別設一營派員約束俟足敷一隊卽令其隨剿俾得自新九月二十八日賊匪突出數百人我軍佯退至土橋一帶該逆跟蹤繼至經領隊富明阿等伏兵齊發斃賊四十餘名逆匪遁回瓜州連日又復堅壁死拒臣等仍當離其黨與力擣賊巢並密約余萬清設法解散脅從奏入

上諭曰離其黨與固爲上策然須事事示以不疑密爲防範庶不致墮其計中瓜州與連鎮不同尤應慎益加慎

同日

上命軍機大臣傳諭官文胡林翼曰武漢逆賊負隅已

久據官文胡林翼奏報疊次擊敗大股賊援城賊勢已窮蹙是兩城計日可克乃南岸自八月初七日擊敗石逆以後兩月未見動靜北岸自八月二十七日擊敗下游援賊以後亦但以嚴遏外援爲詞何以於進攻機宜仍復漫無把握現聞金陵城內賊黨相殘楊逆被洪韋二逆所殺石逆不服逃出金陵洪逆懸賞購石逆首級是石逆之不返金陵已可概見此等

聖皇朝方略卷一百三十三

三

傳言湖北當有所聞若不乘此機會迅拔二城儻石逆不附金陵自圖占踞必至率其死黨或撲湖北或走江西皆屬可慮現在餉糈日缺調撥維艱所望克復上游即可移師東下由九江而安慶而金陵乘其內亂次第削平兵餉可不加增而成功庶幾有望官文胡林翼身膺重任須當統籌大局何得以城堅賊悍爲詞坐擁重兵日久無功若云斷絕接濟可以困

賊何以爲時已久尙未成功恐沿江一帶港汊紛歧接濟仍未斷絕不過藉口耽延掩其遷延之咎經此次剴切申論後該大臣等卽當嚴督將弁設法進攻迅將兩城克復俾得分兵東下大局冀有轉機如敢仍前延玩必致師老力疲別生變故官文等不能當此重咎也

十三日丁酉崇恩奏言臣查東省現存兵丁經派

聖皇朝方略卷一百三十三

三

撥防河及駐紮南路已逾二千餘名兵力尙形單薄仍須添兵協防兗州營兵均已派令防河此外各營存兵分計每處不過一二百名數十名不等若更於每汛酌抽勉強合爲一隊未必足資攻剿至青州滿營額兵一千四百餘名前調赴豫楚八百餘名存營僅六百餘名勢難再行抽撥合無仰懇

天恩准予免調俾資防守奏入

上諭曰覽奏尚係實情著准其留防本省

同日福濟鄭魁士奏言臣福濟督兵攻克巢縣

後即催總兵音德布進擣和州九月二十六日

該逆千餘名前來攻撲音德布即督飭參將惠

成錫昌等分隊迎敵親率大隊奮力兜圍斃賊

五六百名尾追十餘里二十七日進紮河村鋪

聖學軍方略卷二十三

三

接賊大至惠成錫昌分帶各營攻賊左右兩路

斃賊三四百名二十八日直抵和州城下滇兵

奮勇進攻施放火箭立將西城樓焚燬木城難

民齊心殺賊殲斃無算生擒三十一名餘賊開

東門逃竄追勦至鍼魚嘴江口該逆擁擠落江

死者不可勝計當將和州城池克復臣等已飭

該知州葉錫藩入城安民惟西梁山芝麻河尚

有賊壘而江浦久踞未復在在俱防竊伺已令

音德布在河村鋪一帶紮營與官渡香泉各軍

聯絡聲勢實力巡防奏入

上諭曰被陷難民尚知齊心殺賊足徵人心向順大有

轉機亟宜乘勢激勵俾人自為戰迅期蕩平

福濟又奏言巢城克復後臣本可親赴臨淮因

安慶桐城潛山太湖各紳民來營堅請前往逆

聖學軍方略卷二十三

三

首石達開現在安桐臣不得不親督諸軍馳勦

秦定三攻勦桐城兵力甚單九月二十九日賊

眾萬餘攻撲營壘臣已派吉林熱河馬步隊二

千餘名又飛飭參將滕仲武帶陝甘兵五百名

星夜馳往俟兵勇趕到將圍營賊匪擊退即遵

諭令該提督前赴蒙城現在西梁山一帶尚有賊壘當

令吉順音德布及地方官堵剿京口協副將李

德麟已將神塘河賊營踏毀惟該副將祇有紅單快蟹船十四隻上下游不能兼顧總兵吳全美有紅單船四十餘隻聚泊蕪湖上游之魯港地方兵力較厚前已奏請准臣調度如蒙

俞允水陸夾攻實於江北軍情大有裨益奏入

上命軍機大臣傳諭和春德興阿福濟鄭魁士曰巢縣克復後我兵乘勝攻拔和州勦辦已有轉機惟西梁

聖朝聖略卷之三

三

聖朝聖略卷之三

三

山一帶尙有賊壘業派吉順等在彼堵勦神塘河賊營雖經李德麟踏毀而該副將所帶僅有紅單快蟹船十四隻上下游不能兼顧總兵吳全美紅單船四十餘隻現泊蕪湖上游魯港地方此時福濟等陸路進勦得力急應水陸兼攻江北肅清則江南易於勦洗著和春德興阿卽飭該總兵紅單船聽候福濟等調遣該撫探知石達開現在安桐一帶金陵賊黨內

亂該逆自不能復返金陵急當乘其衆心渙散之時督飭兵勇一鼓殲擒如能滅此巨憝則沿江地面可漸次掃蕩儘仍任其他竄則彼既不附洪逆必致自圖占踞聞江西瑞臨等郡該逆皆派其黨與死守若使竄往江西臨張更甚福濟等務當盡心堵勦勿令鋌而走險又聞該逆本有投誠之意恐非確信此輩狼子野心斷難輕議招撫惟當密布閒諜偵探實情多方設法散其黨與仍不動聲色督兵進勦福濟等前請調山東青兗官兵該省存兵無多不能分撥福濟等惟當就現有兵勇激勵圖功由桐城而安慶迅掃鯨鯢然後協同和春等規復江南同膺懋賞上諭內閣曰官兵自攻克巢縣後進攻和州連獲勝仗克復州城辦理尙爲得手著卽迅速進兵盡殄羣醜毋留餘孽甘肅肅州鎮總兵音德布奮力進勦調度

有方著賞加提督銜其餘在事出力員弁官紳兵勇著福濟等查明保奏候朕施恩

福濟又奏言查皖省被賊竄擾以來先後奉

旨派令呂賢基張芾籌辦團練其時在籍紳士李鴻章

黃先瑜張錫榮程葆李元華等皆能認真訓練

堵剿兼籌各屬亦隨同辦理協防助剿如滁泗

徽甯鳳穎等處均各著有成效所有歷次出力

聖皇聖才略卷一百三十一

三十一

各官紳經臣先後奏請獎勵現復飭屬一體遵

行責成該管知府直隸州督辦所有江以南之

徽甯池太廣五府州卽歸徽甯道統理稽查仍

聽張芾就近調度江以北之安廬六滁和五府

州鳳穎泗三府州則歸臬司及廬鳳道分統稽

查由臣調度其司道及知府直隸州應請

旨加以督辦協理等銜如能力保地方仍分別隨時酌

保請予升轉若州縣因團練防剿保至知府同

知直隸州者各留本任以資熟手並加協理團

練銜用示優異該司道現皆帶有兵勇毋庸另

撥半年之中專委知府同通等員巡視一次辦

團各紳由糧臺酌予鹽折銀兩毋庸議給廉俸

其偏近賊氛之府州縣免辦一應捐輸雜派如

有情殷報效者應從其便統計捐數或加學額

聖皇聖才略卷一百三十一

三十一

或給獎敘俟軍務告竣分別辦理其留防派防

兵勇口糧應於附近完善地方畝捐釐捐酌予

撥給如團丁有行兇搶掠及偷漏火藥等弊應

飭各管帶員弁嚴密稽查儻有失察立予嚴叅

再團練本於保甲應飭各屬一律遵行奏入

上諭內閣曰福濟奏遵擬團練章程均著照所議辦理

安徽現當勦辦喫緊團練尤爲要務該撫當慎選賢

能督率公正紳士實力舉行其各屬編查保甲仍飭一律遵辦毋得日久生懈有名無實

福濟又奏言安徽舒城和州廬江無為州等處先後攻克雖官兵血戰之功而該處民人等或辦理鄉團或嚴拏奸細皆能斷賊接應助我聲威至無為州賊勢蔓延臣札派知府李元華募勇勦辦因糧臺支絀勸諭該州境籌備勇糧以

聖朝聖德

三

資攻勦竟能於蹂躪之後竭力輸將毫無貽誤合無仰懇

恩施請將舒城和州廬江無為州咸豐四五六三年錢糧悉予豁免並永遠增廣廬江無為州文武學額各三名以示優獎奏入

上諭內閣曰安徽舒城等州縣久為逆賊竄擾現經官軍先後攻克該州縣民人或辦理鄉團斷賊接應或

捐糧募勇協助聲威均能踴躍同仇亟應渥沛恩施以示嘉獎所有舒城縣和州廬江縣無為州咸豐四五六三年錢糧著概行豁免廬江縣無為州並著永遠增廣文武學額各三名以示優獎

聖朝聖德

三

欽定剿平粵匪方略卷一百六十四 丙辰年

十月十五日 己亥 胡林翼奏言鄂城自石逆大股

敗逃後我兵連日環攻賊復嬰城死守現在仍

築長圍斷其接濟但賊情已見飢疲而官軍亦

形匱乏計楚省南北兩營每月口糧及製造軍

火約需銀二十八萬兩而鹽課釐金等款僅敷

十分之二各省協餉山陝雖月有所解數僅三

聖聖聖聖聖聖聖聖

萬川省所解數以兩月三萬尚難如期窘迫情

形更難罄述查各省餉路以四川為最便伏求

飭下四川督臣特指專款撥解楚省二十萬兩稍補本

年欠餉奏入

上命軍機大臣傳諭樂斌曰楚省南北兩營月需餉銀

二十餘萬兩該省鹽課釐金等款僅敷十分之二此

時楚省官軍攻城築圍斷賊接濟將士極為用力正

當乘此銳氣力圖克復若因餉糈短絀致勁旅精兵

漸生懈志於大局實有關繫四川距楚較近餉道亦

一水可通著樂斌即籌銀十數萬兩分起解往湖北

胡林翼軍營以濟急需

胡林翼又奏言九江安慶賊船陸續護糧上竄

九月初五日總兵楊載福由河口往勦追至蘄

州開礮轟擊焚燬賊船七十餘隻蘄州城賊率

聖聖聖聖聖聖聖聖

眾出救楊載福復令陳金鼈王明山二營登岸

誘敵令周清元丁泗濱二營從下游乘虛入城

前後夾攻城外之賊大亂殲斃五六百名踏平

賊壘三座直抵田鎮焚奪賊船八十三隻奪獲

礮船四隻大小礮位二十尊其咸甯之賊竄馬

橋柏墩等處經署知縣黃鐘鳴督勇擊退八月

二十五日偽尙書魯逆領眾三千餘人併力來

犯至通山交界之小嶺黃鐘鳴督勇集團迎勦
 斃賊二百餘名生擒八十五名九月十五日賊
 繞道崇陽返竄丁泗橋黃鐘鳴率領把總唐明
 周德麟等星夜往勦斃賊二百餘名賊眾敗退
 黃鐘鳴收隊亟歸籌備守具賊偵知兵少即日
 直薄城下賊眾二千餘人分踞城外山巔輪流
 撲城圍攻三晝夜城上槍礮齊發擊斃馬賊數
 十人賊於十八日宵遁城圍立解黃鐘鳴率勇
 尾追各團聞信四面兜截於黃石洞望谷坳蘇
 家嶺馬橋等處又擒斬數百名奪獲旗幟刀矛
 多件逃去賊匪僅三四百人均往興國竄逸此
 次水師轉戰無前黃鐘鳴出奇制勝所有最爲
 出力暨陣亡員弁可否仰懇

天恩給予獎卹奏入

聖學聖方略卷一百二十四

三

聖學聖方略卷一百二十四

四

上諭內閣曰九江安慶賊船上竄斬州經楊載福等追
 勦焚燬賊船斬州城賊出救我兵乘虛入城踏平賊
 壘直抵田鎮焚奪賊船八十餘隻咸甯之賊竄馬橋
 柏墩撲犯通山交界之小嶺黃鐘鳴等督勇迎勦賊
 敗後偵知城內兵少復薄城下圍攻三晝夜賊始宵
 遁城圍立解雲夢縣典史代辦咸甯縣知縣黃鐘鳴
 殺賊守城奮勇出力著開缺以知縣留於湖北儘先
 補用監生黃守信著以從九品留於湖北遇缺卽補
 並均賞戴藍翎把總唐明著以千總留於湖北儘先
 補用並賞加守備銜訓導蕭道鶴著賞加五品銜軍
 功鎮竟成等均著以外委留於湖北儘先補用並賞
 戴藍翎附生梅鳳藻著以訓導選用監生丹必達著
 以未入流選用附生盧定箴監生陳春藻童生鄭遠
 安均著以從九品儘先選用從九品銜鄭德熊著賞

加六品銜陣亡把總周德麟著照例從優議卹軍功
彭宏章著照外委例從優議卹

二十日甲辰何桂清奏言江西逆匪自廣信受創

後有僞東王楊逆之姪楊國宗率黨竄踞德興
縣城八月二十五日該逆大股由德興竄婺源
之高砂地方直逼縣城該城文武分路迎剿寡
不敵衆縣城失陷二十六日該逆結連各路匪

聖恩旻方略卷一百六十四

五

徒四五千人分股竄踞休甯縣城張芾派撥兵
勇親自督陣自九月初三至初七等日斃賊千
餘名十二日賊以大股撲營周天受帶川兵奮
勇擊退賊匪死傷甚多十四日賊由萬安街潛
埠來撲江長貴帶兵率同民團併力夾擊斃賊
數十名生擒十二名賊仍四出焚掠休歙兩縣
鄉團羣起殺賊擒斬百數十人張芾於十八日

聞計丁母憂仍出示徧諭軍民兵勇墨經從戎
誓滅此賊二十二日賊出大隊窺沾露嶺周天

受等陣斬黃衣賊目三名執旗悍賊七名殲斃
二百餘名二十六日賊以大股分撲各營江長
貴等奮力夾擊守備羅承勳手燃大礮立將賊
首楊國宗轟斃賊衆大潰我軍追擊數里斃賊
千餘名該逆盡焚其巢併踞城中張芾親督兵

聖恩旻方略卷一百六十四

六

勇踴躍登城斃賊無數遂於十月初四日將休
甯縣城克復派員安撫居民仍飭江長貴等分
路追剿竄匪此次陣亡之甯波城守營守備徐
勇把總張學寬外委張國才相應仰懇

聖恩飭部從優議卹奏入

上諭內閣曰徽郡官軍克復休甯縣城此次張芾督兵
攻勦將士用命各路民團齊心殺賊辦理頗屬認真

著何桂清仍飭在事文武迅速勦捕肅清徽境再將出力人員彙案保奏陣亡之甯波城守營守備徐勇把總張學寬外委張國才均著交部從優議卹

何桂清又奏言甯國逆匪於九月初九日分股

撲營鄧紹良親督官兵迎勦守備陳再受槍斃

黃衣賊目旋中礮陣亡我兵奮勇衝殺連斃賊

目三名殺斃賊匪二百餘名逆眾潰竄回巢負

隅不出我軍進逼城濠連日架礮轟擊城中屋

瓦皆飛其水陽新河莊一帶經知府仲孫懋游

擊蔣錫光連營扼堵建平兵力稍單臬司慶廉

派守備黃熊飛帶勇前往交秦如虎調遣其涇

縣甯國各處亦經鄧紹良調兵填紮似此力籌

堵勦庶逆援盡絕賊勢愈窮陣亡守備陳再受

仰懇

仰懇

天恩飭部照遊擊例議卹奏入

上諭內閣曰甯國賊匪分撲官軍營盤經鄧紹良督兵

迎勦賊眾潰逃湖南儘先都司陳再受中礮陣亡殊

堪憫惻著交部照遊擊例議卹

何桂清又奏言前任江西巡撫張芾在徽郡軍

營接到家信知本生母王氏於九月十五日在

紹興府寓次病故時值休甯軍情喫緊該員墨

經從戎復手諭兵民齊心殺賊現在休城克復

該員咨請代奏暫行

賞假六箇月赴浙扶柩回籍安葬俟假滿再行來浙聽

候差遣並據徽郡紳耆以該郡東接甯國北連

池州西界廣饒三面受敵張芾督辦多年布置

周妥為東南全局所關必應一手經理仍請奏

明留徽督辦各等情可否仰懇

仰懇

仰懇

天恩俯准張芾所請暫行給假六箇月赴浙扶柩回籍

安葬再赴徽郡督辦軍務之處伏候

訓示遵行奏入

上命軍機大臣傳諭何桂清曰張芾現在軍營丁憂徽境毗連甯國池州廣饒等處軍情正當喫緊該處防務如有可以接替張芾者卽著何桂清一面奏明派往一面傳旨賞給張芾六箇月假期令其回籍營葬

欽定剿平粵匪方略卷二十四

九

如一時無人可以接替卽傳諭張芾暫留徽郡督辦防勦俟接手有人卽行回籍

諭內閣曰張芾辦理徽州一帶防勦事宜甚爲出力此次督兵克復休甯尤屬調度有方該員現丁母憂著俟服闋後以三品京堂補用

何桂清又奏言饒廷選一軍先經廉兆綸咨請暫時留防廣信嗣准曾國藩文俊咨會已飭同

知吳坤修帶彪勇二千五百名前來接替至今

月餘尙未見到饒廷選仍未能回駐玉山前經

督臣調回建甯防兵五百名本歸饒廷選統帶

此時亦尙未起程現在撫州官軍失利自貴溪

弋陽以至廣信一路空虛儘再有疏虞關繫匪

淺應請

飭下曾國藩文俊速飭吳坤修迅赴廣信防守以重地

欽定剿平粵匪方略卷二十四

十

方奏入

上命軍機大臣傳諭曾國藩文俊曰曾國藩等自八月間奏報瑞州等處勝仗後已及月餘未見續報本月何桂清奏撫州官軍失利亦未見曾國藩等入奏賊匪多回金陵而江西失陷各郡尙無一處克復所有占踞城池之賊聞皆石逆黨與誘脅土匪爲之拒守卽廣東新附匪徒亦皆係石逆所糾集與金陵逆黨

尙未歸併據江浙各省奏報皆言金陵內亂石逆斷
不再返金陵現在安慶桐城一帶糾合黨與其爲自
圖占踞已可概見福濟等已攻克巢縣和州不日卽
可進擣安桐而湖北沙口田鎮水陸兵勇屢絕賊援
恐石逆不得逞志於皖楚勢必竄入江西其勢愈難
收拾著曾國藩等乘此賊心渙散之時趕緊克復數
城使該逆退無所歸自不難窮蹙就擒若徒事遷延

欽定四庫全書

十一

勞師糜餉日久無功朕卽不遽加該侍郎等以貽誤
之罪該侍郎等何顏對江西士民耶又聞石達開頗
有投誠之意雖非確信而窮蹙思降亦或事之所有
此輩狼子野心原難輕議招撫儘或真心乞降應如
何處置或使立功贖罪亦當豫爲籌畫經權互用以
收實效吳坤修所帶彪勇二千五百名何以日久未
到廣信著曾國藩等查明飭令迅速馳往以便饒廷

選回駐玉山

二十一日^乙怡良趙德轍奏言留署六合縣事

知府溫紹原奉

旨以道員留蘇補用專辦六合防堵事宜查道員職分
較崇未便仍行留署縣事本任六合縣知縣李
守誠自幫辦縣事以來於地方情形及團練紳
董均已熟習應卽飭令到任以專責成現在署

欽定四庫全書

十一

江甯府知府存葆因病請假應飭溫紹原攝理
江甯府事仍留六合督同李守誠辦理防剿事
宜奏入

上諭內閣曰江蘇留署六合縣事補用道員溫紹原准
其署理江甯府知府毋庸留署六合縣事仍著辦理
該縣防剿事務其江甯府所屬團練事宜一併責成
溫紹原督辦

二十三日丁未秦定三奏言桐城援賊欲由縱陽

進踞呂亭圖窺舒廬十月初五日臣派兵先伏

呂亭街後親督兵勇跟追該逆彘擁北驅將近

呂亭伏兵齊起轟斃騎馬賊目數名初六日兵

勇分路進攻槍斃逆匪多名賊勢披靡兵勇乘

虛直擣拋擲火器連斃賊營三座斃匪無算初

七至初九等日該逆屢山大股圍撲營盤疊經

聖軍方略卷二十四

官軍截殺撫臣福濟已派參將蕭開甲等率眾

來援初十日賊匪繞道潛撲三十里鋪臣卽帶

兵勇進攻立毀賊營五座該逆回救亦經我軍

擊殺多名十四日賊復出大股抄圍我營臣派

兵勇扼據西山勢如筵瓴矢石交攻斃賊不少

餘賊紛逃我兵追殺三四里轟擊徹夜統計生

擒三十八名殺賊一千餘名臣已飛調協領富

山馬隊來營會剿滕仲武所帶陝甘兵五百名

派令與蕭開甲等同紮三十里鋪該逆屢次撲

窺緣有李兆受等黨與在內意圖勾結張落刑

以死守桐城爲保護安慶之計現飭六安舒城

霍山等州縣嚴密防堵惟桐城久遭蹂躪米糧

子藥一切俱無據鄭魁士函稱派川楚勇一千

餘名次第來桐若得迅速接濟士氣尙可振作

聖軍方略卷二十四

惟有仰懇

天恩飭令福濟鄭魁士星夜來桐會剿並撥糧米子藥

前來接濟庶賊氛可期迅掃奏入

命軍機大臣傳諭福濟鄭魁士曰秦定三連日打仗

獲勝勦辦尙爲得手惟我軍米糧子藥用盡急須寬

爲籌備一俟各兵到齊卽可乘勝進擣賊巢賊黨內

有李兆受等夥匪意圖勾結張落刑以死守桐城爲

保護安慶之計石逆素稱兇悍今復加以捻黨勢更猖獗必須先克桐城方能進圖安慶著福濟鄭魁士迅籌米糧火藥以資接濟

二十四日戊申和春奏言逆匪占踞句容溧水相

為犄角必須先拔二城方能直抵江甯臣到丹陽後分派官兵進剿十月初一日逆匪千餘人於南門外淤鄉焚擄張國樑會同明安泰督兵

聖朝聖略卷五十四

十五

分路進剿三面夾擊斃賊二三百名初四至初十等日連次進攻斃賊百餘人暨數十人不等十二日官兵分路攻城東南北三門各出賊千餘人來撲我兵奮力轟擊賊眾拌死抵拒兵勇會合夾攻砍倒執旗馬賊四名殺斃三百餘名餘賊奔潰傅振邦虎嵩林等於十月初一日分攻溧水縣城賊匪堅匿不出我軍佯為收隊分

途潛伏適西門賊匪大股出撲兵勇回戰伏兵齊起立斬黃衣賊目二名各隊左右抄擊斃無數賊眾大潰兵勇追至城下斃賊二百餘名連日進剿疊有斬獲余萬清等十月初六日進攻鎮江府城分路埋伏該匪大股出拒我軍奮力合擊把總傅定邦外委何庭貴鄭國泰首先衝入賊隊手刃黃衣賊目數人副都統巴棟阿

聖朝聖略卷五十四

十六

等兵勇分投迎擊共斃賊四百餘名現已分飭各軍趕緊攻剿迅圖克復查參將李鴻勳千總李逢春外委劉可發臨敵捐軀深堪憫惜相應請

旨飭部從優議卹奏入

上諭內閣曰和春現已馳赴句容親督攻剿著與張國樑督飭各軍乘勝迅復各城以圖進取所有參將李

鴻勳千總李逢春外委劉可發殺賊陣亡均堪憫惻著交部從優議卹

二十五日酉己福濟鄭魁士奏言據秦定三函稱桐賊復來攻撲勢甚危急當派遊擊江忠信帶勇前往臣鄭魁士與麟瑞復於十六日帶兵馳援不日可到至東關爲全巢門戶亟須精兵扼守查有河州鎮總兵吉順綏靖鎮總兵扎隆武

聖聖聖聖聖聖聖聖

七

戰守兼優已飭帶兵勇三千餘名駐關鎮守星羅碁布後路直接巢城臣福濟一俟餉銀解到卽親赴桐城督勦奏入報

福濟又奏言粵捻皆當實力攻勦不可專顧一隅前已奏請明降

諭旨派秦定三赴蒙督辦疊次撥往桐城兵勇並鄭魁

士麟瑞帶去各隊不下五千餘人足敷勦辦第秦定三前在舒廬一帶於桐城軍務尤爲熟悉前奉

旨桐城已將次攻克卽著暫留攻勦該提督亦願暫留該處早下堅城臣俟到桐後酌量情形或秦定三鄭魁士合兵一處或分攻潛太或暗擣懷甯隨時妥商辦理至蒙城宿州雖令郝光甲珠克登等分投堵禦日久恐其貽誤非得曾經行陣人員斷難勝任秦定三旣難卽去臣思伊犁領隊大臣勝保前奉

聖聖聖聖聖聖聖聖

六

旨來京當差計日當已趕到該員聲威素壯如蒙飭令赴蒙督辦必能速殲狂寇不任蔓延而替出秦定三俾由南路進攻良多裨益奏八上命軍機大臣傳諭福濟鄭魁士秦定三曰鄭魁士已

抵桐城福濟不日亦前往會勦是皖南軍務已接辦
 有人而蒙宿等處帶兵各員甚不得力非秦定三親
 往督率不能望其振作自應迅速移營北向以資攻
 勦秦定三著仍遵前旨馳赴蒙城毋庸再留桐城至
 勝保奉旨來京應否派往軍營朕心自有斟酌現在
 該員尚未到京豈能以刻不容緩之軍情久懸以待
 勝保之至耶

聖皇集卷一百二十四

十九

同日秦定三奏言桐城逆匪疊經官軍勦敗後
 復敢於西面山谷潛築營壘九月十六日官兵
 分路夾攻立將賊營燒燬賊眾紛竄復經接應
 兵勇要路截殺斃匪甚多該逆正於東南山坡
 築營架礮轟擊我營 臣督率兵勇奮力進攻外
 委解成珠首先砍殺賊匪二名適中礮陣亡兵
 勇越牆而進砍斃逆匪多名立將賊壘三座平

毀十七日探知城內賊匪運送米糧子藥前來
 臣即派兵勇馳往攔截該逆以大股擁護我軍
 排槍齊放轟斃多名逆眾驚逃奪獲米糧三十
 餘車子藥器械多件賊眾分股來撲我兵盡力
 衝殺轟斃黃衣賊目一名餘賊敗逃復追殺百
 餘名是夜我兵分四路攻勦先將後路賊營焚
 燒賊眾驚潰兵勇一齊砍殺斃賊無算立將賊

聖皇集卷一百二十四

二十

營一十六座同時燒燬統計兩日斃賊二千餘
 名生擒二十六名鎮 臣鄭魁士已於十六日由
 巢縣起程一俟到桐兵力又增當可力克堅城
 節節進攻外委解成珠殺賊捐軀情殊可憫應
 請

旨飭部議卹奏入

上諭內閣曰此次官軍連日疊獲大勝將士用命甚屬

可嘉著卽乘勢迅克桐城直搗安慶以期掃盡逆氛
外委解成珠中繼陣亡著交部照例議卹

二十六日 庚戌 略乘章奏言湖南南界兩廣北界

湖北西界四川貴州東界江西各省賊匪蔓延
湖南邊界防兵萬難遽撤自咸豐三年至今四
載除勦辦本省賊匪外湖北廣西廣東貴州江
西各省賊匪竄入湖南但有湖南兵勇出境應

聖皇聖考卷二十四

三

援各省從無跟蹤追剿計軍興以來湖南辦理
軍需防堵用過銀一百九十餘萬兩錢九十七
萬一千餘串防勦五省分援兩省又撥解湖北
江西兩省餉需爲時既久庫款已空現在積欠
各營口糧計已四十餘萬兩無從設措上年奏
撥四川省銀十二萬兩僅據解到銀二萬兩合
無仰懇

天恩飭下四川督臣將未解銀十萬兩迅速委解此外
不敷甚鉅並懇

飭下戶部查明有著之款量爲籌撥奏入

上命軍機大臣傳諭葉名琛樂斌曰湖南官兵積欠口
糧四十餘萬軍士枕戈待哺自應先其所急以濟要
需著樂斌將前撥湖南餉銀十萬兩仍如數湊撥速
行解往該省欠餉過鉅恐此款不敷分派並著葉名

聖皇聖考卷二十四

三

琛迅速籌銀十萬兩解赴湖南

二十七日 辛亥 德興阿翁同書奏言江浦賊情因

金陵內訌衆心慌亂臣等派舒通額等帶隊馳
往會攻十月十六日齊至江浦城下西南兩門
各出賊四五百人我兵併力進攻斃賊二百餘
名奪獲旗幟槍械多件餘賊敗竄回城堅閉不
出其九洲洲接應之賊悉爲兵勇擊退觀音門

浦口等處賊船亦經陳世忠葉常春焚燬多隻
 臣等仍囑加意嚴防一俟輪船入江先攻金山
 瓜州再行會合水師節節剿洗惟此項輪船迄
 無起碇消息現已分咨怡良趙德轍何桂清促
 令星速來江俾資勦辦 臣德興阿已於本月十
 八日由儀徵至土橋陳國泰水營相度情形豫
 籌安置奏入報

聞

聖皇集方略卷一百二十四

三

二十八日壬子福濟鄭魁士奏言桐城賊匪經臣
 福濟等派撥馬步各隊會合秦定三進剿十月
 十六日臣等親督官兵由巢縣前進內外夾攻
 該匪經秦定三連攻十餘晝夜業已膽落鄭魁
 士到營後復派兵於山岡左右埋伏該逆大股
 遽擁前來遊擊余成蛟直衝賊隊立斬黃衣悍

賊數名伏兵齊進槍礮環擊斃賊甚多該逆復
 聚萬餘人分股來撲協領桂成等合力夾攻賊
 眾紛紛敗潰副都統麟瑞復帶馬隊盡力衝殺
 賊屍遍野鄭魁士督飭將備乘勢進圍東門遊
 擊江忠信越進重濠首先衝殺斃賊數名適中
 礮陣亡各兵勇奮力攻擊秦定三督同鮑雲翥
 等進攻北門燒燬城上更樓二座槍斃守垛悍
 賊無數統計連日斃賊四五百名生擒十一名
 該逆敗竄回城復調集江楚各路援賊死守抗
 拒臣等惟有步步為營分紮城根要隘以期迅
 速攻克卽補參將湖南長安營遊擊江忠信臨
 陣捐軀殊堪憫惻合無仰懇

恩施從優

賜卹奏入

聖皇集方略卷一百二十四

三

上諭內閣曰安徽桐城匪徒經福濟等派馬步各隊與秦定三會同攻擊斃賊多名著福濟鄭魁士督飭將弁乘勝攻克毋任遷延卽補參將湖南長安營遊擊江忠信身經百戰屢受重傷茲以奮勇爭先中礮陣亡深堪憫惜著交部照副將陣亡例從優議卹

同日何桂清奏言徽郡官軍克復休甯後餘匪分股竄踞黟縣及瀛亭等處九月初五日江長

聖聖聖聖聖聖

聖

貴督隊進攻瀛亭賊匪敗遁我軍追至桃源洞擒斬多名初六日周天受進攻黟縣直逼東門逆匪紛向北門竄逸時江長貴派都司王夢麟等前來助勦遂分隊由東西南三門一鼓而進收復黟城餘匪直趨羊棧嶺另股由西武嶺竄祁門北鄉初七日江長貴周天受等追勦至太平縣境之郭村沿途擒斬多名徽郡全境肅清

其甯國賊匪經鄧紹良督兵於南城望牛墩築營五座三十日該逆以二千餘人由西門衝出鄧紹良親督侍衛胡鳳鳴等分路迎擊陣斬多名逆眾奔潰十月初一日東南兩城同時竄出賊匪四千餘人直撲我軍營壘遊擊葉鳳高把總冉正祥等分投迎勦斃賊數百名賊眾敗竄初二日鄧紹良復派兵乘夜燒燬賊巢初三至

聖聖聖聖聖聖

聖

初六等日連次進攻將出城抗拒之賊殲斃無數現據探報石逆糾黨一萬餘人由池州青陽竄集南陵欲圖分竄涇太青弋江等處上游賊援聚於蕪湖是甯國與涇太兩縣堵勦均關喫緊涇太防兵業經鄧紹良張芾豫爲布置臣復飭皖南道會同防勦至甯國軍營已調仲孫懋一軍相機圍攻一切尙臻周密所有從九品方

正劉德明千總程元寶把總馮清標外委徐岳林劉洪高胡鴻飛在婺源休甯歙縣先後陣亡相應奏請

飭部從優議卹奏入

上諭內閣曰徽州官軍克復休甯後餘匪分竄黟縣及漁亭等處經提督鄧紹良等連日進攻斃賊數百名著該提督迅速克復城池毋任蔓延所有徽郡勦匪

聖學集考卷一百二十四

三十七

陣亡之儘先從九品方正劉德明千總程元寶把總馮清標外委徐岳林劉洪高胡鴻飛均著交部從優議卹在事出力人員著何桂清與前次克復太平祁門案內各員一併查明保奏

二十九日 癸丑 福興奏請 臣奉

旨馳赴江西會同曾國藩文俊辦理軍務當經和春於江南大營內籌撥副將張騰蛟所帶兵六百名

營總巴呢泰圖克唐阿所帶兵四百名並西安馬隊一併交 臣帶往 臣遵將江甯將軍印信於十六日交和春祇領卽於二十日起程取道蘇杭徑由常玉山行走俟入境後當與曾國藩文俊和衷商辦以冀早殲醜類奏入

上諭曰汝抵江右一切機宜務須奮發有為以期次第克復若稍有畏難之見朕必治汝之罪

聖學集考卷一百二十四

三十八

同日

上諭內閣曰各省府州縣官均有守土之責遇有賊匪竄擾嬰城固守克保城池朕不惜破格施恩以昭激勸其失守各員有能於事後奮勇殺賊力贖前愆者或准其免罪留營效力原屬法外之仁豈容視為常例近來各路統兵大臣及各省督撫往往於失守員弁動以功過相抵為詞不但寬其罪名甚至仍留原

任且有失守之時並不奏參直至克復後徑請免議者似此曲爲開脫何以持刑法之平著通諭各路統兵大臣督撫所有失守後隨同克復各員祇准酌減罪名或從寬免罪仍帶降革處分不准遽請開復俟續有勞績方准酌量保奏以杜冒濫而示勸懲

聖皇聖德

三